

Abhidhammapiṭake

Pañcapakaraṇa-aṭṭhakathāya Atthavaṇṇanābhūtā

Bhadantācariya-ānandattherena katā

# Pañcapakaraṇamūlaṭīkā

---

Tapassānuvaṇṇanābhūtā

Bhadantācariyadhammapālattherena katā

# Pañcapakaraṇa-anuṭīkā

---



Romanized from Myanmar version published in 1960

© Buddhasāsana Society

Ṭikā Series 24

First published in 2008 by Ministry of Religious Affairs

Yangon, Myanmar

THE PĀLI ALPHABET  
IN BURMESE AND ROMAN CHARACTERS

VOWELS

အ a      အာ ā      ဣ i      ဤ ī      ဥ u      ဦ ū      ဧ e      ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya      ရ ra      လ la      ဝ va      သ sa      တ ha      ဠ ḷa      ၵ ṁ

VOWELS IN COMBINATION

-၁ ၵ = ā      ၵ = i      ၵ = ī      ၵ - ၵ = u      ၵ - ၵ = ū      - = e      -၁ ၵ = o

က ka	ကာ kā	ကိ ki	ကိ kī	ကု ku	ကု kū	ကေ ke	ကော ko
ခ kha	ခါ khā	ခိ khi	ခိ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဍtha	ဈ သ္ဃya	ဠ ပla	ဣ လla
က့ kka	ဣ ငca	ဏ န္ဍtha	ဣ သ္ဃya	ဠ ပba	ဣ လya
ကျ kya	ဣ ငcha	ဏ န္ဍtha	ဣ နta	ဣ ဗbha	လှ lha
ကြ kri	ဣ ဣja	ဏ န္ဍtha	ဣ နtva	ဣ ဗya	ဂှ vha
ကလ kla	ဣ ဣjha	ဣ တta	ဣ နtha	ဣ ဗra	ဣာ sta
က့က kva	ည န္ဏā	ဣ တtha	ဣ နnda	ဣ မpa	ဣာာ strā
ဈ က္ဃya	ည န္ဏā	ဣ တtva	ဣ နndra	ဣ မpha	ဣာာ sna
ဣ က္ဃva	ည န္ဏā	ဣ တtya	ဣ နndha	ဣ မba	ဣာာ sya
ဂ့ ငga	ဣ ဣcha	ဣ တtra	ဣ နna	ဣ မbha	ဣာာ ssa
ဣ ငgha	ည န္ဏja	ဣ တdda	ဣ နnya	ဣ မma	ဣာာ sma
ဈ ငya	ည န္ဏjha	ဣ တddha	ဣ နnha	ဣ မya	ဣာာ sva
ဣ ငra	ဣ တta	ဣ တdya	ဣ ပpa	ဣ မha	ဣာာ hma
ဣ နka	ဣ တtha	ဣ တdra	ဣ ပpha	ဣာာ yya	ဣာာ hva
ဣ နkha	ဣ တdda	ဣ တdva	ဣ ပpya	ဣာာ yha	ဣာာ ḷha
ဣ နga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

# Pañcapakaraṇamūlaṭikā

Mātikā

Piṭṭhaṅka

## Dhātukathāpakaraṇamūlaṭikā

Gandhārambhavaṇṇanā ... .. 1

### 1. Mātikāvaṇṇanā

1. Nayamātikāvaṇṇanā	...	...	3
2. Abbhantaramātikāvaṇṇanā	...	...	3
3. Nayamukhamātikāvaṇṇanā	...	...	4
4. Lakkhaṇamātikāvaṇṇanā	...	...	5
5. Bāhiramātikāvaṇṇanā	...	...	5

### 2. Niddesavaṇṇanā

1. Paṭhamanaya saṅgahāsaṅgahapadavaṇṇanā	...	...	8
1. Khandhapadavaṇṇanā	...	...	8
Āyatanapadādivaṇṇanā	...	...	9
6. Paṭiccasamuppādavaṇṇanā	...	...	9
2. Dutīyanaya saṅgahitena-asaṅgahitapadavaṇṇanā	...	...	10
3. Tatiyanaya asaṅgahitena-asaṅgahitapadavaṇṇanā	...	...	14
4. Catutthanaya saṅgahitena-asaṅgahitapadavaṇṇanā	...	...	15
5. Pañcamanaya saṅgahitena-asaṅgahitapadavaṇṇanā	...	...	16
6. Chaṭṭhanaya sampayogavippayogapadavaṇṇanā	...	...	18
7. Sattamanaya sampayuttenavippayuttapadavaṇṇanā	...	...	22
8. Aṭṭhamanaya vippayuttenasampayuttapadavaṇṇanā	...	...	23
9. Navamanaya sampayuttenasampayuttapadavaṇṇanā	...	...	23

Mātikā	Piṭṭhaṅka
10. Dasamanaya vippayuttenavippayuttapadavaṇṇanā	... 24
11. Ekādasamanaya saṅgahitenasampayuttavippayuttapadavaṇṇanā	24
12. Dvādasamanaya sampayuttenasaṅgahitāsaṅgahitapadavaṇṇanā	25
13. Terasamanaya asaṅgahitenasampayuttavippayuttapadavaṇṇanā	25
14. Cuddasamanaya vippayuttenasaṅgahitāsaṅgahitapadavaṇṇanā	26

## Puggalapaññattipakaraṇamūlaṭīkā

Mātikā		Piṭṭhaṅka	
1. Mātikāvaṇṇanā	...	...	27
<b>2. Niddesavaṇṇanā</b>			
1. Ekakaniddesavaṇṇanā	...	...	31
2. Dukaniddesavaṇṇanā	...	...	39
3. Tikaniddesavaṇṇanā	...	...	40
4. Catukkaniddesavaṇṇanā	...	...	41
5. Pañcakaniddesavaṇṇanā	...	...	43
6. Chakkaniddesavaṇṇanā	...	...	44
7. Sattakaniddesavaṇṇanā	...	...	45
10. Dasakaniddesavaṇṇanā	...	...	45

# Kathāvatthupakaraṇamūlaṭṭikā

Mātikā		Piṭṭhaṅka	
Ganthārambhakathāvaṇṇanā	...	...	47
Nidānakathāvaṇṇanā	...	...	47
<b>Mahāvagga</b>			
<b>1. Puggalakathā</b>			
<b>1. Suddhasaccikaṭṭha</b>			
1. Anulomapaccanīkavaṇṇanā	...	...	50
2. Paccanīkānulomavaṇṇanā	...	...	53
<b>2. Okāsasaccikaṭṭha</b>			
1. Anulomapaccanīkavaṇṇanā	...	...	54
<b>3. Kālasaccikaṭṭha</b>			
1. Anulomapaccanīkavaṇṇanā	...	...	54
<b>4. Avayavasaccikaṭṭha</b>			
1. Anulomapaccanīkavaṇṇanā	...	...	54
<b>Okāsādisaccikaṭṭha</b>			
2. Paccanīkānulomavaṇṇanā	...	...	54
5. Suddhikaṣaṃsandanaṇṇanā	...	...	55
6. Opammasaṃsandanaṇṇanā	...	...	56
7. Catukkanayasāṃsandanaṇṇanā	...	...	57
8. Lakkhaṇayuttivaṇṇanā	...	...	57
9. Vacanasodhanaṇṇanā	...	...	58
10. Paññattānuyogaṇṇanā	...	...	58

Mātikā		Piṭṭhaṅka
11. Gati-anuyogavaṇṇanā	... ..	59
12. Upādāpaññattānuyogavaṇṇanā	... ..	59
13. Purisakārānuyogavaṇṇanā	... ..	60
14. Abhiññānuyogavaṇṇanā	... ..	61
15-18. Ñātakānuyogādivaṇṇanā	... ..	62
19. Paṭivedhānuyogādivaṇṇanā	... ..	62

## 2. Parihānikathā

1. Vādayuttaparihānikathāvaṇṇanā	... ..	64
2. Ariyapuggalasaṃsandana-parihānivaṇṇanā	... ..	64
3. Suttasādhana-parihānivaṇṇanā	... ..	65

## 3. Brahmācariyakathā

1. Suddhabrahmācariyakathāvaṇṇanā	... ..	66
2. Saṃsandana-brahmācariyakathāvaṇṇanā	... ..	66
3. Odhisokathāvaṇṇanā	... ..	67

## 4. Jātikathāvaṇṇanā

1. Nasuttāharaṇakathāvaṇṇanā	... ..	67
------------------------------	--------	----

## 5. Sabbamatthītikathā

1. Vādayuttivaṇṇanā	... ..	67
2. Kālasaṃsandana-vaṇṇanā	... ..	68
Vacanasodhana-vaṇṇanā	... ..	68
Atītaññādikathāvaṇṇanā	... ..	69
Arahantādikathāvaṇṇanā	... ..	70
Padasodhana-kathāvaṇṇanā	... ..	70



Mātikā			Piṭṭhaṅka
<b>7. Ekaccamaṭṭhītikathā</b>			
1. Atītādi-ekaccakathāvaṇṇanā	...	...	70
8. Satipaṭṭhānakathāvaṇṇanā	...	...	70
9. Hevatthikathāvaṇṇanā	...	...	71
<b>2. Dutiyavagga</b>			
1. Parūpahāraṇṇanā	...	...	71
5. Vacībhedakathāvaṇṇanā	...	...	71
7. Cittaṭṭhitikathāvaṇṇanā	...	...	72
9. Anupubbābhisamayakathāvaṇṇanā	...	...	72
10. Vohārakathāvaṇṇanā	...	...	73
11. Nirodhakathāvaṇṇanā	...	...	73
<b>3. Tatiyavagga</b>			
1. Balakathāvaṇṇanā	...	...	74
2. Ariyantikathāvaṇṇanā	...	...	74
4. Vimuccamanakathāvaṇṇanā	...	...	75
5. Aṭṭhamakakathāvaṇṇanā	...	...	75
6. Aṭṭhamakassa indriyakathāvaṇṇanā	...	...	75
7. Dibbacakkhukathāvaṇṇanā	...	...	76
9. Yathākammūpagatañāṇakathāvaṇṇanā	...	...	76
10. Saṁvarakathāvaṇṇanā	...	...	77
<b>4. Catutthavagga</b>			
1. Gihissa arahātikathāvaṇṇanā	...	...	77
2. Upapattikathāvaṇṇanā	...	...	77
4. Samannāgatakathāvaṇṇanā	...	...	78
5. Upekkhāsamannāgatakathāvaṇṇanā	...	...	78

Mātikā			Piṭṭhaṅka
6. Bodhiyābuddhotikathāvaṇṇanā	...	...	78
7. Lakkhaṇakathāvaṇṇanā	...	...	78
8. Niyāmokkantikathāvaṇṇanā	...	...	79
10. Sabbasaṃyojanappahānakathāvaṇṇanā	...	...	79

### 5. Pañcamavagga

1. Vimuttikathāvaṇṇanā	...	...	79
2. Asekhañāṇakathāvaṇṇanā	...	...	80
3. Viparītakathāvaṇṇanā	...	...	80
4. Niyāmakathāvaṇṇanā	...	...	80
5. Paṭisambhidākathāvaṇṇanā	...	...	80
6. Sammutiñāṇakathāvaṇṇanā	...	...	81
7. Cittārammaṇakathāvaṇṇanā	...	...	81
8. Anāgatañāṇakathāvaṇṇanā	...	...	81
9. Paṭuppannañāṇakathāvaṇṇanā	...	...	82
10. Phalañāṇakathāvaṇṇanā	...	...	82

### 6. Chaṭṭhavagga

1. Niyāmakathāvaṇṇanā	...	...	82
2. Paṭiccasamuppādakathāvaṇṇanā	...	...	82
3. Saccakathāvaṇṇanā	...	...	83
5. Nirodhasamāpattikathāvaṇṇanā	...	...	83

### 7. Sattamavagga

1. Saṅgahitakathāvaṇṇanā	...	...	83
2. Sampayuttakathāvaṇṇanā	...	...	83
3. Cetasikakathāvaṇṇanā	...	...	84
4. Dānakathāvaṇṇanā	...	...	84

Mātikā	...	...	Piṭṭhaṅka
5. Paribhogamayapuññakathāvaṇṇanā	...	...	85
6. Itodinnakathāvaṇṇanā	...	...	85
7. Pathavīkammavipākotikathāvaṇṇanā	...	...	86
8. Jarāmarañamvipākotikathāvaṇṇanā	...	...	86
9. Ariyadhammavipākakathāvaṇṇanā	...	...	87
10. Vipākovipākadhammadhammotikathāvaṇṇanā	...	...	87

### 8. Aṭṭhamavagga

1. Chagatikathāvaṇṇanā	...	...	87
2. Antarābhavakathāvaṇṇanā	...	...	87
3. Kāmaguṇakathāvaṇṇanā	...	...	88
5. Rūpadhātukathāvaṇṇanā	...	...	88
6. Arūpadhātukathāvaṇṇanā	...	...	89
7. Rūpadhātuyā-āyatanakathāvaṇṇanā	...	...	89
8. Arūperūpakathāvaṇṇanā	...	...	89
9. Rūpaṃkammantikathāvaṇṇanā	...	...	89
10. Jīvitindriyakathāvaṇṇanā	...	...	90
11. Kammahetukathāvaṇṇanā	...	...	90

### 9. Navamavagga

1. Ānisaṃsadassāvīkathāvaṇṇanā	...	...	91
2. Amatārammaṇakathāvaṇṇanā	...	...	91
3. Rūpaṃsārammaṇantikathāvaṇṇanā	...	...	91
4. Anusayā-anārammaṇātikathāvaṇṇanā	...	...	92
5. Ñāṇaṃanārammaṇantikathāvaṇṇanā	...	...	92
7. Vitakkānupatitakathāvaṇṇanā	...	...	92
8. Vitakkavipphārasaddakathāvaṇṇanā	...	...	92

Mātikā			Piṭṭhaṅka
9. Nayathācittassavācātikathāvaṇṇanā	...	...	92
11. Atītānāgatasamannāgatakathāvaṇṇanā	...	...	93

### 10. Dasamavagga

1. Nirodhakathāvaṇṇanā	...	...	93
3. Pañcaviññāṇasamaṅgissamaggakathāvaṇṇanā	...	...	93
5. Pañcaviññāṇasābhogātikathāvaṇṇanā	...	...	94
6. Dvīhisīlehitikathāvaṇṇanā	...	...	94
7. Sīlanacetāsikantikathāvaṇṇanā	...	...	94
9. Samādānahetukathāvaṇṇanā	...	...	94
11. Aviññattidussīlyantikathāvaṇṇanā	...	...	95

### 11. Ekādasamavagga

4. Ñānakathāvaṇṇanā	...	...	95
6. Idamdukkhantikathāvaṇṇanā	...	...	95
7. Iddhibalakathāvaṇṇanā	...	...	96
8. Samādhikathāvaṇṇanā	...	...	96
9. Dhammaṭṭhitatākathāvaṇṇanā	...	...	96
10. Aniccatākathāvaṇṇanā	...	...	97

### 12. Dvādasamavagga

1. Saṁvarokammantikathāvaṇṇanā	...	...	97
2. Kammakathāvaṇṇanā	...	...	97
3. Saddovipākotikathāvaṇṇanā	...	...	97
4. Saḷāyatanakathāvaṇṇanā	...	...	98
5. Sattakkhattuparamakathāvaṇṇanā	...	...	98

Mātikā		Piṭṭhaṅka
<b>13. Terasamavagga</b>		
1. Kappaṭṭhakathāvaṇṇanā	...	99
3. Anantarāpayuttakathāvaṇṇanā	...	99
4. Niyatassaniyāmakathāvaṇṇanā	...	99
8. Asātarāgakathāvaṇṇanā	...	100
9. Dhammataphā-abyākatātikathāvaṇṇanā	...	100
<b>14. Cuddasamavagga</b>		
1. Kusalākusalapaṭisandahanakathāvaṇṇanā	...	100
2. Saḷāyatanuppattikathāvaṇṇanā	...	101
3. Anantarapaccayakathāvaṇṇanā	...	101
4. Ariyarūpakathāvaṇṇanā	...	101
5. Añño-anusayotikathāvaṇṇanā	...	101
6. Pariyuṭṭhānamcittavippayuttantikathāvaṇṇanā	...	102
7. Pariyāpannakathāvaṇṇanā	...	102
8. Abyākatakathāvaṇṇanā	...	102
9. Apariyāpannakathāvaṇṇanā	...	102
<b>15. Pannarasamavagga</b>		
1. Paccayatākathāvaṇṇanā	...	103
2. Aññaṃaññapaccayakathāvaṇṇanā	...	103
9. Tatiyasaññavedayitakathāvaṇṇanā	...	104
10. Asaññasattupikākathāvaṇṇanā	...	104
11. Kammūpacayakathāvaṇṇanā	...	104
<b>16. Soḷasamavagga</b>		
3. Sukhānuppadānakathāvaṇṇanā	...	105
4. Adhigayhamanasikārakathāvaṇṇanā	...	105
9. Rūpaṃrūpāvacarārūpāvacarantikathāvaṇṇanā	...	105

Mātikā

Piṭṭhaṅka

**17. Sattarasamavagga**

1. Atthi-arahatopuññūpacayakathāvaṇṇanā	...	...	106
2. Natthi-arahato-akālamaccūtikathāvaṇṇanā	...	...	106
3. Sabbamidamkammatotikathāvaṇṇanā	...	...	107
4. Indriyabaddhakathāvaṇṇanā	...	...	107
7. Navattabbaṃsaṃghodakkhiṇaṃvisodhetītikathāvaṇṇanā			107
11. Dakkhiṇāvisuddhikathāvaṇṇanā	...	...	107

**18. Aṭṭhārasamavagga**

1. Manussalokakathāvaṇṇanā	...	...	108
2. Dhammadesanākathāvaṇṇanā	...	...	108
6. Jhānasaṅkantikathāvaṇṇanā	...	...	108
7. Jhānantarikakathāvaṇṇanā	...	...	109
9. Cakkhunārūpampassatītikathāvaṇṇanā	...	...	109

**19. Ekūnavīsativavagga**

1. Kilesapajahanakathāvaṇṇanā	...	...	109
2. Suññatakathāvaṇṇanā	...	...	110
3. Sāmaññaphalakathāvaṇṇanā	...	...	110
5. Tathatākathāvaṇṇanā	...	...	110
6. Kusalakathāvaṇṇanā	...	...	110
7. Accantaniyāmakathāvaṇṇanā	...	...	111
8. Indriyakathāvaṇṇanā	...	...	111

Mātikā		Piṭṭhaṅka
<b>20. Vīsativavagga</b>		
2. Nāṇakathāvaṇṇanā	...	111
3. Nirayapālakathāvaṇṇanā	...	112
4. Tiracchānakathāvaṇṇanā	...	112
6. Nāṇakathāvaṇṇanā	...	112
<b>21. Ekavīsativavagga</b>		
1. Sāsanakathāvaṇṇanā	...	112
11. Iddhikathāvaṇṇanā	...	113
14. Dhammakathāvaṇṇanā	...	113
<b>22. Bāvīsativavagga</b>		
2. Kusalacittakathāvaṇṇanā	...	114
3. Āneñjakathāvaṇṇanā	...	114
5. Tissopikathāvaṇṇanā	...	114
9. Āsevanapaccayakathāvaṇṇanā	...	115
10. Khaṇīkakathāvaṇṇanā	...	115
<b>23. Tevīsativavagga</b>		
1. Ekādhippāyakathāvaṇṇanā	...	115
3-7. Issariyakāmakārikākathāvaṇṇanā	...	115
8. Patirūpakathāvaṇṇanā	...	116
9. Aparinipphannakathāvaṇṇanā	...	116

# Yamakapakaraṇamūlatikā

Mātikā		Piṭṭhaṅka
Ganthārambhavaṇṇanā	...	117
<b>1. Mūlayamaka</b>		
Uddesavāraṇṇanā	...	117
Niddesavāraṇṇanā	...	118
<b>2. Khandhayamaka</b>		
1. Paṇṇatti-uddesavāraṇṇanā	...	121
1. Paṇṇattiniddesavāraṇṇanā	...	122
2. Pavattivāraṇṇanā	...	124
3. Pariññāvāraṇṇanā	...	126
<b>3. Āyatanayamaka</b>		
1. Paṇṇatti-uddesavāraṇṇanā	...	127
1. Paṇṇattiniddesavāraṇṇanā	...	127
<b>2. Pavattivāra</b>		
1. Uppādavāraṇṇanā	...	128
4. Dhātuyamakavaṇṇanā	...	133
<b>5. Saccayamaka</b>		
1. Paṇṇattiniddesavāraṇṇanā	...	134
2. Pavattivāraṇṇanā	...	135
3. Pariññāvāraṇṇanā	...	138
<b>6. Saṅkhārayamaka</b>		
1. Paṇṇattivāraṇṇanā	...	138
2. Pavattivāraṇṇanā	...	139



Mātikā			Piṭṭhaṅka
<b>7. Anusayayamaka</b>			
Paricchedapariicchinnuddesavāraṇṇanā	...	...	141
Uppattiṭṭhānavāraṇṇanā	...	...	143
<b>Mahāvāra</b>			
1. Anusayavāraṇṇanā	...	...	146
2. Sānusayavāraṇṇanā	...	...	147
3. Pajahanavāraṇṇanā	...	...	148
5. Pahīnavāraṇṇanā	...	...	149
7. Dhātuvāraṇṇanā	...	...	150
<b>8. Cittayamaka</b>			
Uddesavāraṇṇanā	...	...	151
Niddesavāraṇṇanā	...	...	151
<b>9. Dhammayamaka</b>			
1. Paṇṇatti-uddesavāraṇṇanā	...	...	154
2. Pavattivāraṇṇanā	...	...	154
<b>10. Indriyayamaka</b>			
Paṇṇatti-uddesavāraṇṇanā	...	...	156
Paṇṇattiniddesavāraṇṇanā	...	...	156
Pavattivāraṇṇanā	...	...	157
Pariññāvāraṇṇanā	...	...	162

## Paṭṭhānapakaraṇamūlaṭikā

Mātikā		Piṭṭhāṅka	
Ganthārambhavaṇṇanā	...	...	165
Paccayuddesavaṇṇanā	...	...	166

### Paccayaniddesa

1. Hetupaccayaniddesavaṇṇanā	...	...	176
2. Ārammaṇapaccayaniddesavaṇṇanā	...	...	180
3. Adhipatipaccayaniddesavaṇṇanā	...	...	182
4. Anantarapaccayaniddesavaṇṇanā	...	...	183
6. Sahajātapaccayaniddesavaṇṇanā	...	...	184
8. Nissayapaccayaniddesavaṇṇanā	...	...	184
9. Upanissayapaccayaniddesavaṇṇanā	...	...	185
10. Purejātapaccayaniddesavaṇṇanā	...	...	188
11. Pacchājātapaccayaniddesavaṇṇanā	...	...	189
12. Āsevanapaccayaniddesavaṇṇanā	...	...	189
13. Kammaṇapaccayaniddesavaṇṇanā	...	...	189
14. Vipākapaccayaniddesavaṇṇanā	...	...	189
15. Āhārapaccayaniddesavaṇṇanā	...	...	190
16. Indriyapaccayaniddesavaṇṇanā	...	...	190
17. Jhānapaccayaniddesavaṇṇanā	...	...	191
18. Maggapaccayaniddesavaṇṇanā	...	...	193
20. Vippayuttapaccayaniddesavaṇṇanā	...	...	194
21. Atthipaccayaniddesavaṇṇanā	...	...	194
22-24. Natthi-Vigata-Avigatapaccayaniddesavaṇṇanā	...	...	194
Paccayaniddesapakiṇṇakavinicchayakathāvaṇṇanā	...	...	195

Mātikā		Piṭṭhaṅka
<b>Pucchāvāra</b>		
1. Paccayānulomavaṇṇanā	...	198
2. Paccayapaccanīyavaṇṇanā	...	203
3. Anulomapaccanīyavaṇṇanā	...	204
<b>1. Kusalattika 1. Paṭiccavāraṇṇanā</b>		
1. Paccayānuloma 1. Vibhaṅgavāra	...	204
1. Paccayānuloma 2. Saṅkhyāvāra	...	210
Paṭiccavāra paccayapaccanīyavaṇṇanā	...	212
Paṭiccavāra paccayānulomapaccanīyavaṇṇanā	...	213
Paṭiccavāra paccayapaccanīyānulomavaṇṇanā	...	214
2. Sahajātavāraṇṇanā	...	216
3. Paccayavāraṇṇanā	...	216
4. Nissayavāraṇṇanā	...	218
5. Saṃsaṭṭhavāraṇṇanā	...	218
6. Sampayuttavāraṇṇanā	...	219
7. Pañhāvāravibhaṅgavaṇṇanā	...	219
Pañhāvārassa ghaṭane anulomagaṇanā	...	223
Paccanīyuddhāraṇṇanā	...	229
<b>Paccanīyagaṇanavaṇṇanā</b>		
Nahetumūlakavaṇṇanā	...	233
Anulomapaccanīyavaṇṇanā	...	235
Paccanīyānulomavaṇṇanā	...	236
2. Vedanāttikavaṇṇanā	...	238

Mātikā			Piṭṭhaṅka
3. Vipākattikavaṇṇanā	...	...	240
4. Upādinnattikavaṇṇanā	...	...	241
6. Vitakkattikavaṇṇanā	...	...	243
8. Dassanenapahātabbattikavaṇṇanā	...	...	245
Pucchāgaṇanagāthāyo	...	...	245

**Pañcapakaraṇamūlaṭīkāya mātikā niṭṭhitā.**

# Pañcapakarāṇa-anuṭṭikā

Mātikā

Piṭṭhāṅka

## Dhātukathāpakarāṇa-anuṭṭikā

Ganthārambhavaṇṇanā ... .. 1

### 1. Mātikāvaṇṇanā

1. Nayamātikāvaṇṇanā	...	...	3
2. Abbhantaramātikāvaṇṇanā	...	...	3
3. Nayamukhamātikāvaṇṇanā	...	...	4
4. Lakkhaṇamātikāvaṇṇanā	...	...	5
5. Bāhiramātikāvaṇṇanā	...	...	6

### 2. Niddesavaṇṇanā

1. Paṭhamanaya saṅghāsaṅghapadavaṇṇanā	...	...	10
1. Khandhapadavaṇṇanā	...	...	10
Āyatanapadādivaṇṇanā	...	...	10
6. Paṭiccasamuppādavaṇṇanā	...	...	11
2. Dutīyanaya saṅghāhitena-asāṅghāhitapadavaṇṇanā	...	...	12
3. Tatiyanaya asāṅghāhitenasaṅghāhitapadavaṇṇanā	...	...	18
4. Catutthanaya saṅghāhitenasaṅghāhitapadavaṇṇanā	...	...	19
5. Pañcamanaya asāṅghāhitena-asāṅghāhitapadavaṇṇanā	...	...	20
6. Chaṭṭhanaya sampayogavippayogapadavaṇṇanā	...	...	22
7. Sattamanaya sampayuttenavippayuttapadavaṇṇanā	...	...	28
8. Aṭṭhamanaya vippayuttenasampayuttapadavaṇṇanā	...	...	29
9. Navamanaya sampayuttenasampayuttapadavaṇṇanā	...	...	30

Mātikā	Piṭṭhaṅka
10. Dasamanaya vippayuttenavippayuttapadavaṇṇanā	... 30
11. Ekādasamanaya saṅgahitenasampayuttavippayuttapadavaṇṇanā	31
12. Dvādasamanaya sampayuttenasaṅgahitāsaṅgahitapadavaṇṇanā	31
13. Terasamanaya asaṅgahitenasampayuttavippayuttapadavaṇṇanā	32
14. Cuddasamanaya vippayuttenasaṅgahitāsaṅgahitapadavaṇṇanā	32

## Puggalapaññattipakarāṇa-anuṭṭikā

Mātikā		Piṭṭhāṅka	
1. Mātikāvaṇṇanā	...	...	35
<b>2. Niddesavaṇṇanā</b>			
1. Ekakaniddesavaṇṇanā	...	...	43
2. Dukaniddesavaṇṇanā	...	...	50
3. Tikaniddesavaṇṇanā	...	...	51
4. Catukkaniddesavaṇṇanā	...	...	52
5. Pañcakaniddesavaṇṇanā	...	...	53
6. Chakkaniddesavaṇṇanā	...	...	54
7. Sattakaniddesavaṇṇanā	...	...	54
10. Dasakaniddesavaṇṇanā	...	...	55

## Kathāvatthupakarāṇa-anuṭṭikā

Mātikā		Piṭṭhāṅka	
Ganthārambhavaṇṇanā	...	...	57
Nidānakathāvaṇṇanā	...	...	58
<b>1. Puggalakathā 1. Suddhasaccikaṭṭha</b>			
1. Anulomapaccanīkavaṇṇanā	...	...	60
2. Paccanīkānulomavaṇṇanā	...	...	72
<b>2. Okāsasaccikaṭṭha</b>			
1. Anulomapaccanīkavaṇṇanā	...	...	73
<b>3. Kālasaccikaṭṭha</b>			
1. Anulomapaccanīkavaṇṇanā	...	...	73
<b>4. Avayavasaccikaṭṭha</b>			
1. Anulomapaccanīkavaṇṇanā	...	...	73
<b>Okāsādisaccikaṭṭha</b>			
2. Paccanīkānulomavaṇṇanā	...	...	74
5. Suddhikasamsandanavaṇṇanā	...	...	74
6. Opammasamsandanavaṇṇanā	...	...	75
7. Catukkanayasamsandanavaṇṇanā	...	...	76
8. Lakkhaṇayuttivaṇṇanā	...	...	77
9. Vacanasodhanavaṇṇanā	...	...	77
10. Paññattānuyogavaṇṇanā	...	...	78



Mātikā	...	...	Piṭṭhaṅka
11. Gati-anuyogavaṇṇanā	...	...	78
12. Upādāpaññattānuyogavaṇṇanā	...	...	80
13. Purisakārānuyogavaṇṇanā	...	...	80
14. Abhiññānuyogavaṇṇanā	...	...	82
15-18. Ñātakānuyogādivaṇṇanā	...	...	82
19. Paṭivedhānuyogādivaṇṇanā	...	...	82

## 2. Parihānikathā

1. Vādayuttiparihānikathāvaṇṇanā	...	...	84
2. Ariyapuggalasāmsandanaparihānikathāvaṇṇanā	...	...	85
3. Suttasāadhanaparihānikathāvaṇṇanā	...	...	85

## 3. Brahmācariyakathā

1. Suddhabrahmācariyakathāvaṇṇanā	...	...	86
2. Sāmsandanābrahmācariyakathāvaṇṇanā	...	...	86
3. Odhisokathāvaṇṇanā	...	...	87

## 4. Jahatikathāvaṇṇanā

1. Nasuttāharaṇakathāvaṇṇanā	...	...	89
------------------------------	-----	-----	----

## 5. Sabbamatthītikathāvaṇṇanā

1. Vādayuttivaṇṇanā	...	...	89
2. Kālasāmsandanakathāvaṇṇanā	...	...	90
3. Vacanasodhanavaṇṇanā	...	...	91
4. Atītaññādīkathāvaṇṇanā	...	...	94
5. Arahantādīkathāvaṇṇanā	...	...	94
6. Padasodhanakathāvaṇṇanā	...	...	94

Mātikā		Piṭṭhaṅka
<b>6. Atītakkhandaḥādikathā</b>		
1. Nasuttasādhanakathāvaṇṇanā	...	99
2. Suttasādhanakathāvaṇṇanā	...	100
<b>7. Ekaccaṃatthītikathā</b>		
1. Atītādi-ekaccakathāvaṇṇanā	...	100
8. Satipaṭṭhānakathāvaṇṇanā	...	101
9. Hevatthikathāvaṇṇanā	...	101
<b>2. Dutiyavagga</b>		
1. Parūpahāraṇṇanā	...	103
5. Vacībhedakathāvaṇṇanā	...	104
7. Cittaṭṭhitikathāvaṇṇanā	...	104
9. Anupubbābhisamayakathāvaṇṇanā	...	105
10. Vohārakathāvaṇṇanā	...	106
11. Nirodhakathāvaṇṇanā	...	106
<b>3. Tatiyavagga</b>		
1. Balakathāvaṇṇanā	...	107
2. Ariyantikathāvaṇṇanā	...	107
4. Vimuccamānakathāvaṇṇanā	...	108
5. Aṭṭhamakakathāvaṇṇanā	...	109
6. Aṭṭhamakassa-indriyakathāvaṇṇanā	...	109
7. Dibbacakkhukathāvaṇṇanā	...	109
9. Yathākammūpagaññakathāvaṇṇanā	...	110
10. Saṃvarakathāvaṇṇanā	...	111
<b>4. Catutthavagga</b>		
1. Gihissa-arahātikathāvaṇṇanā	...	112
4. Samannāgatakathāvaṇṇanā	...	112

Mātikā			Piṭṭhaṅka
5. Upekkhāsamannāgatakathāvaṇṇanā	...	...	112
6. Bodhiyābuddhotikathāvaṇṇanā	...	...	112
7. Lakkhaṇakathāvaṇṇanā	...	...	113
8. Niyāmokkantikathāvaṇṇanā	...	...	113
10. Sabbasaṃyojanappahānakathāvaṇṇanā	...	...	113

### 5. Pañcamavagga

1. Vimuttikathāvaṇṇanā	...	...	114
2. Asekhañāṇakathāvaṇṇanā	...	...	114
3. Viparītakathāvaṇṇanā	...	...	114
4. Niyāmakathāvaṇṇanā	...	...	114
5. Paṭisambhidākathāvaṇṇanā	...	...	115
7. Cittārammaṇakathāvaṇṇanā	...	...	115
8. Anāgatañāṇakathāvaṇṇanā	...	...	115
9. Paṭuppannañāṇakathāvaṇṇanā	...	...	115
10. Phalañāṇakathāvaṇṇanā	...	...	116

### 6. Chaṭṭhavagga

1. Niyāmakathāvaṇṇanā	...	...	116
2. Paṭiccasamuppādakathāvaṇṇanā	...	...	116
5. Nirodhasamāpattikathāvaṇṇanā	...	...	116

### 7. Sattamavagga

1. Saṅghitakathāvaṇṇanā	...	...	117
2. Sampayuttakathāvaṇṇanā	...	...	117
3. Cetasikakathāvaṇṇanā	...	...	117
4. Dānakathāvaṇṇanā	...	...	117
5. Paribhogamayapuññakathāvaṇṇanā	...	...	118
6. Itodinnakathāvaṇṇanā	...	...	118

Mātikā		Piṭṭhaṅka
7. Pathavīkammavipākotikathāvaṇṇanā	...	119
8. Jarāmarāṇaṃvipākotikathāvaṇṇanā	...	119
10. Vipākovipākadhammadhammotikathāvaṇṇanā	...	120

### 8. Aṭṭhamavagga

1. Chagatikathāvaṇṇanā	...	120
2. Antarābhavakathāvaṇṇanā	...	120
3. Kāmaguṇakathāvaṇṇanā	...	124
5. Rūpadhātukathāvaṇṇanā	...	124
6. Arūpadhātukathāvaṇṇanā	...	125
7. Rūpadhātuyā-āyatanakathāvaṇṇanā	...	125
8. Arūperūpakathāvaṇṇanā	...	125
9. Rūpaṃkammantikathāvaṇṇanā	...	125
10. Jīvitindriyakathāvaṇṇanā	...	126
11. Kammahetukathāvaṇṇanā	...	126

### 9. Navamavagga

1. Ānisaṃsadassāvīkathāvaṇṇanā	...	126
2. Amatārammaṇakathāvaṇṇanā	...	127
3. Rūpaṃsārammaṇantikathāvaṇṇanā	...	127
4. Anusayā-anārammaṇātikathāvaṇṇanā	...	127
5. Ñāṇaṃanārammaṇantikathāvaṇṇanā	...	128
7. Vitakkānupatitakathāvaṇṇanā	...	128
8. Vitakkavipphārasaddakathāvaṇṇanā	...	128
9. Nayathācittassavācātikathāvaṇṇanā	...	129
11. Atītānāgatasamannāgatakathāvaṇṇanā	...	129

Mātikā	Piṭṭhaṅka
<b>10. Dasamavagga</b>	
1. Nirodhakathāvaṇṇanā ...	129
3. Pañcaviññāṇasamaṅgissamaggakathāvaṇṇanā ...	130
5. Pañcaviññāṇāsābhogātikathāvaṇṇanā ...	130
6. Dvīhisilehītikathāvaṇṇanā ...	131
7. Sīlamacetasikantikathāvaṇṇanā ...	131
9. Samādānahetukathāvaṇṇanā ...	131
11. Aviññattidussīlyantikathāvaṇṇanā ...	132
<b>11. Ekādasamavagga</b>	
4. Ñāṇakathāvaṇṇanā ...	132
7. Iddhibalakathāvaṇṇanā ...	133
8. Samādhikathāvaṇṇanā ...	133
9. Dhammaṭṭhitatākathāvaṇṇanā ...	133
10. Aniccatākathāvaṇṇanā ...	134
<b>12. Dvādasamavagga</b>	
1. Saṃvarokammantikathāvaṇṇanā ...	134
2. Kammakathāvaṇṇanā ...	135
4. Saḷāyatanakathāvaṇṇanā ...	135
5. Sattakkhattuparamakathāvaṇṇanā ...	135
<b>13. Terasamavagga</b>	
1. Kappaṭṭhakathāvaṇṇanā ...	136
4. Niyatassaniyāmakathāvaṇṇanā ...	136
8. Asātarāgakathāvaṇṇanā ...	136
9. Dhammataṇhā-abyākatātīkathāvaṇṇanā ...	137

Mātikā		Piṭṭhaṅka
<b>14. Cuddasamavagga</b>		
1. Kusalākusalapaṭisandahanakathāvaṇṇanā	... ..	137
2. Saḷāyatanuppattikathāvaṇṇanā	... ..	137
3. Anantarapaccayakathāvaṇṇanā	... ..	137
4. Ariyarūpakathāvaṇṇanā	... ..	138
5. Añño-anusayotikathāvaṇṇanā	... ..	138
6. Pariyuṭṭhānamcittavippayuttantikathāvaṇṇanā	... ..	138
7. Pariyāpannakathāvaṇṇanā	... ..	139
8. Abyākatakathāvaṇṇanā	... ..	139
9. Apariyāpannakathāvaṇṇanā	... ..	139
<b>15. Pannarasamavagga</b>		
1. Paccayatākathāvaṇṇanā	... ..	140
2. Aññamaññapaccayakathāvaṇṇanā	... ..	140
9. Tatiyasaññāvedayitakathāvaṇṇanā	... ..	140
10. Asaññasattupikākathāvaṇṇanā	... ..	141
11. Kammūpacayakathāvaṇṇanā	... ..	141
<b>16. Soḷasamavagga</b>		
3. Sukhānuppadānakathāvaṇṇanā	... ..	141
4. Adhiggaḃhamanasikārakathāvaṇṇanā	... ..	142
<b>17. Sattarasamavagga</b>		
1. Atthi-arahatopuññūpacayakathāvaṇṇanā	... ..	142
2. Natthi-arahato-akālamaccūtikathāvaṇṇanā	... ..	142
3. Sabbamidamkammatotikathāvaṇṇanā	... ..	143

Mātikā		Piṭṭhaṅka
4. Indriyabaddhakathāvaṇṇanā	... ..	143
7. Navattabbamsaṅghodakkhiṇaṃvisodhetītikathāvaṇṇanā		143
11. Dakkhiṇāvisuddhikathāvaṇṇanā	... ..	143

### 18. Aṭṭhārasamavagga

1. Manussalokakathāvaṇṇanā	... ..	144
2. Dhammadesanākathāvaṇṇanā	... ..	144
6. Jhānasaṅkantikathāvaṇṇanā	... ..	144
7. Jhānantarikakathāvaṇṇanā	... ..	145
9. Cakkhunārūpaṃpassatītikathāvaṇṇanā	... ..	145

### 19. Ekūnavīsativavagga

1. Kilesapajahanakathāvaṇṇanā	... ..	145
2. Suññatakathāvaṇṇanā	... ..	146
3. Sāmaññaphalakathāvaṇṇanā	... ..	146
5. Tathatākathāvaṇṇanā	... ..	146
6. Kusalakathāvaṇṇanā	... ..	147
7. Accantaniyāmakathāvaṇṇanā	... ..	147
8. Indriyakathāvaṇṇanā	... ..	148

### 20. Vīsativavagga

2. Ñāṇakathāvaṇṇanā	... ..	148
3. Nirayapālakathāvaṇṇanā	... ..	149
4. Tiracchānakathāvaṇṇanā	... ..	151
6. Ñāṇakathāvaṇṇanā	... ..	151

Mātikā		Piṭṭhaṅka
<b>21. Ekavīsativavagga</b>		
1. Sāsanakathāvaṇṇanā	...	152
11. Iddhikathāvaṇṇanā	...	152
14. Dhammakathāvaṇṇanā	...	152
<b>22. Bāvīsativavagga</b>		
2. Kusalacittakathāvaṇṇanā	...	153
3. Āneñjakathāvaṇṇanā	...	154
5. Tissopikathāvaṇṇanā	...	154
9. Āsevanapaccayakathāvaṇṇanā	...	154
10. Khaṇīkakathāvaṇṇanā	...	155
<b>23. Tevīsativavagga</b>		
1. Ekādhippāyakathāvaṇṇanā	...	155
3-7. Issariyakāmakārikākathāvaṇṇanā	...	156
8. Patirūpakathāvaṇṇanā	...	156
9. Aparinipphannakathāvaṇṇanā	...	156



## Yamakapakaraṇa-anuṭikā

Mātikā		Piṭṭhaṅka	
Ganthārambhavaṇṇanā	...	...	159
<b>1. Mūlayamaka</b>			
Uddesavāraṇṇanā	...	...	161
Niddesavāraṇṇanā	...	...	162
<b>2. Khandhayamaka</b>			
1. Paṇṇatti-uddesavāraṇṇanā	...	...	168
1. Paṇṇattiniddesavāraṇṇanā	...	...	173
2. Pavattivāraṇṇanā	...	...	174
3. Pariññāvāraṇṇanā	...	...	177
<b>3. Āyatanayamaka</b>			
1. Paṇṇatti-uddesavāraṇṇanā	...	...	178
1. Paṇṇattiniddesavāraṇṇanā	...	...	179
2. Pavattivāraṇṇanā	...	...	179
<b>4. Dhātuyamakavaṇṇanā</b>			
<b>5. Saccayamaka</b>			
1. Paṇṇattivāraṇṇanā	...	...	185
2. Pavattivāraṇṇanā	...	...	186
3. Pariññāvāraṇṇanā	...	...	190
<b>6. Saṅkhārayamaka</b>			
1. Paṇṇattivāraṇṇanā	...	...	191
2. Pavattivāraṇṇanā	...	...	192

Mātikā			Piṭṭhaṅka
<b>7. Anusayayamaka</b>			
Paricchedapāricchinnuddesavāraṇṇanā	...	...	195
Uppattiṭṭhānavāraṇṇanā	...	...	198
<b>Mahāvāra</b>			
1. Anusayavāraṇṇanā	...	...	203
2. Sānusayavāraṇṇanā	...	...	204
3. Pajahanavāraṇṇanā	...	...	206
5. Pahīnavāraṇṇanā	...	...	207
7. Dhātuvāraṇṇanā	...	...	208
<b>8. Cittayamaka</b>			
Uddesavāraṇṇanā	...	...	209
Niddesavāraṇṇanā	...	...	209
<b>9. Dhammayamaka</b>			
1. Paṇṇatti-uddesavāraṇṇanā	...	...	212
2. Pavattivāraṇṇanā	...	...	212
<b>10. Indriyayamaka</b>			
Paṇṇatti-uddesavāraṇṇanā	...	...	214
Paṇṇattiniddesavāraṇṇanā	...	...	214
Pavattivāraṇṇanā	...	...	215
Pariññāvāraṇṇanā	...	...	220

## Paṭṭhānapakarāṇa-anuṭṭikā

Mātikā		Piṭṭhāṅka	
Ganthārambhavaṇṇanā	...	...	223
Paccayuddesavaṇṇanā	...	...	224
<b>Paccayaniddesa</b>			
1. Hetupaccayaniddesavaṇṇanā	...	...	239
2. Ārammaṇapaccayaniddesavaṇṇanā	...	...	244
3. Adhipatipaccayaniddesavaṇṇanā	...	...	247
4. Anantarapaccayaniddesavaṇṇanā	...	...	248
6. Sahajātapaccayaniddesavaṇṇanā	...	...	250
8. Nissayapaccayaniddesavaṇṇanā	...	...	252
9. Upanissayapaccayaniddesavaṇṇanā	...	...	252
10. Purejātapaccayaniddesavaṇṇanā	...	...	255
11. Pacchājātapaccayaniddesavaṇṇanā	...	...	256
12. Āsevanapaccayaniddesavaṇṇanā	...	...	257
13. Kammaṇapaccayaniddesavaṇṇanā	...	...	257
14. Vipākapaccayaniddesavaṇṇanā	...	...	257
15. Āhārapaccayaniddesavaṇṇanā	...	...	258
16. Indriyapaccayaniddesavaṇṇanā	...	...	258
17. Jhānapaccayaniddesavaṇṇanā	...	...	260
18. Maggapaccayaniddesavaṇṇanā	...	...	261
20. Vippayuttapaccayaniddesavaṇṇanā	...	...	262
21. Atthipaccayaniddesavaṇṇanā	...	...	262
22-24. Natthivigata-avigatapaccayaniddesavaṇṇanā	...	...	263
Paccayaniddesapakiṇṇakavinicchayaṅkathāvaṇṇanā	...	...	264

Mātikā		Piṭṭhaṅka
<b>Pucchāvāra</b>		
1. Paccayānulomavaṇṇanā	...	267
2. Paccayapaccanīyavaṇṇanā	...	273
3. Anulomapaccanīyavaṇṇanā	...	274
<b>1. Kusalattika 1. Paṭiccavāraṇṇanā</b>		
1. Paccayānuloma	1. Vibhaṅgavāraṇṇanā	274
1. Paccayānuloma	2. Saṅkhyāvāra	283
	Paṭiccavāra paccayapaccanīyavaṇṇanā	285
	Paṭiccavāra paccayānulomapaccanīyavaṇṇanā	286
	Paṭiccavāra paccayapaccanīyānulomavaṇṇanā	286
2. Sahajātavāraṇṇanā		288
3. Paccayavāraṇṇanā		290
4. Nissayavāraṇṇanā		291
5. Saṃsaṭṭhavāraṇṇanā		291
6. Sampayuttavāraṇṇanā		292
7. Pañhāvāravibhaṅgavaṇṇanā		293
	Pañhāvārassa ghaṭane anulomagaṇanā	298
	Paccanīyuddhāraṇṇanā	305
<b>Paccanīyagaṇanavaṇṇanā</b>		
	Nahetumūlakavaṇṇanā	309
	Anulomapaccanīyavaṇṇanā	311
	Paccanīyānulomavaṇṇanā	312
2. Vedanāttikavaṇṇanā		313
3. Vipākattikavaṇṇanā		316
4. Upādinnattikavaṇṇanā		316
6. Vitakkattikavaṇṇanā		321
8. Dassanenapahātabbattikavaṇṇanā		322

**Pañcapakaraṇa-anuṭikāya mātikā niṭṭhitā.**

Abhidhammapiṭaka

# Pañcapakaraṇamūlaṭīkā

Namo tassa Bhagavato Arahato Sammāsambuddhassa.

## Dhātukathāpakaraṇamūlaṭīkā

Ganthārambhavaṇṇanā

Dhātukathāpakaraṇam desento bhagavā yasmim samaye desesi, tam samayam dassetum, vibhaṅganantaram desitassa pakaraṇassa dhātukathābhāvam dassetum vā “**aṭṭhārasahī**”ti-ādimāha. Tattha balavidhamanavisayātikkanavasena devaputtamārassa, appavattikaraṇavasena kilesābhisaṅkhāramārānam, samudayappahānapariññavasena khandhamārassa, maccumārassa ca bodhimūle eva bhañjitattā parūpanissayarahitam niratisayam tam bhañjanam upādāya bhagavā eva “mārabhañjano”ti thomito. Tattha māre abhañjesi, mārabhañjanam vā etassa na pararājādibhañjananti **mārabhañjano**. Mahāvikkanto mahāvīriyoti **mahāvīro**.

Khandhādayo araṇanto dhammā sabhāvaṭṭhena dhātuyo, abhidhammakathādhīṭṭhānaṭṭhena vāti katvā tesam kathanato imassa pakaraṇassa **dhātukathā**ti adhivacanam. Yadi pi aññesu ca pakaraṇesu te sabhāvā kathitā, ettha pana tesam sabbesam saṅgahāsaṅgahādīsu cuddasasu navesu ekekasmim kathitattā sātisayam kathananti idameva evamnamakam. Ekadesakathanameva hi aññattha katanti. Khandhāyatana dhātūhi vā khandhādīnam araṇantānam saṅgahāsaṅgahādayo nayā vuttāti tattha mahāvisayānam

dhātūnaṃ vasena dhātūhi kathā **dhātukathā**ti evaṃ assa nāmaṃ vuttanti  
 veditabbaṃ. Dvidhā tidhā chadhā aṭṭhārasadhāti anekadhā dhātubhedam  
 pakāsesīti **dhātubhedappakāsanoti**. **Tassatthanti** tassā dhātukathāya atthaṃ.  
 A-kāre ā-kārassa lopo daṭṭhabbo. “Yaṃ dhātukathan”ti vā ettha pakaraṇanti  
 vacanaseso sattannaṃ pakaraṇānaṃ kamena vaṇṇanāya pavattattāti tena  
 yojanaṃ katvā tassa pakaraṇassa atthaṃ **tassatthanti** akāralopo vā. **Tanti** taṃ  
 dīpanaṃ suṇātha, **taṃ** vā atthaṃ taṃdīpanavacanasavanena upadhārethāti  
 attho. **Samāhitāti** nānākiecehi avikkhittacittā, attano citte āhitāti vā attho.

Ganthārambhavaṇṇanā niṭṭhitā.

# 1. Mātikāvaṇṇanā

## 1. Nayamātikāvaṇṇanā

1. Ko panetassa pakaraṇassa paricchedoti? Na so idha vattabbo, **aṭṭhassāliniyam**<sup>1</sup> pakaraṇaparichedo vutto evāti dassento āha “**cuddasavidhena vibhattanti vuttan**”ti. Khandhādīnam desanā nīyati pavattīyati etehi, khandhādayo eva vā nīyanti ñāyanti etehi pakārehīti nayā, nayānam mātikā uddeso, nayā eva vā mātikāti **nayamātikā**. **Etesam padānam mūlabhūtattā**ti “mūlamātikā”ti vattabbānam saṅgahāsaṅgahādīnam cuddasannam padānam khandhādīdhammavibhajanassa imassa pakaraṇassa mūlabhūtattā nissayabhūtattāti attho.

## 2. Abbhantaramātikāvaṇṇanā

2. “Pañcakkhandhā”ti-ādīhi rūpakkhandhādīpadāni dassitāni, paṭicca-  
asamuppādavacanena ca yesu dvādasasu aṅgesu paccekam  
paṭiccasamuppādasaddo vattati, tadatthāni dvādasa padāni dassitānīti tesam  
tathā dassitānam sarūpeneva dassitānam phassādīnaṅca padānam vasena āha  
“**pañcavīsādhikena padasatenā**”ti. Tattha kammupapattikāmahavādīnam  
idha vibhattānam bhāvanabhavanabhāvena bhava viya sokādīnam  
jarāmarāṇassa viya anīṭṭhattā tannidānadukkhabhāvena ca jarāmarāṇe  
antogadhatāya paṭiccasamuppādasassa dvādasapadatā daṭṭhabbā. Ettha ca  
pāḷiyam bhinditvā avissajjitānampi satipaṭṭhānādīnam bhinditvā gahaṇam  
karonto tesam bhinditvāpi vissajjitabbatam dassetīti vedītabbam.

Nayamātikādīkā lakkhaṇamātikantā mātikā pakaraṇantarāsādhāraṇatāya  
dhātukathāya mātikā nāma, tassā abbhantare vutto vibhajitabbānam uddeso  
abbhantaramātikā nāmāti imamattham pakāseto “**ayañhi**”ti-ādīmāha. Tattha  
**evam avatvā**ti yathā “sabbāpi -pa- mātikā”ti ayam dhātukathāmātikato  
bahiddhā vuttā, evam avatvāti attho. **Dhātukathāya abbhantareyevā**ti ca  
dhātukathāmātikāya abbhantareyevāti attho daṭṭhabbo. Tadāveṇīkamātikā-  
abbhantare hi ṭhapitā tassāyeva abbhantare ṭhapitāti

vuttā. Atha vā **evaṃ avatvāti** yathā “sabbāpi -pa- mātikā”ti etena vacanena dhātukathāto bahibhūtā kusalādi-araṇantā mātikā pakaraṇantaragatā vuttā, evaṃ avatvāti attho. **Dhātukathāya abbhantareyevāti** ca imassa pakaraṇassa abbhantare eva sarūpato dassetvā ṭhapitattāti attho. Sabbassa abhidhammassa mātikāya asaṅgahitattā vikiṇṇabhāvena **pakiṇṇakatā** veditabbā.

### 3. Nayamukhamātikāvaṇṇanā

3. Nayānaṃ pavattidvārabhūtā saṅgahāsaṅgahaviyogīsahayogīdhammā nayamukhānīti tesāṃ uddeso **nayamukhamātikā**. Cuddasapi hi saṅgahāsaṅgahasampayogavippayogānaṃ vomissakatāvasena pavattāti yehi te cattāropi honti, te dhammā cuddasannampi nayānaṃ mukhāni hotīti. Tattha saṅgahitena-asaṅgahitapadādīsu saccādīhipi yathāsambhavaṃ saṅgahāsaṅgaho yadipi vutto, so pana saṅgahakabhūtehi tehi vutto, na saṅgahabhūtehi, sopi “cakkhāyatanena ye dhammā khandhasaṅgahena saṅgahitā āyatanasaṅgahena asaṅgahitā”ti-ādinā pucchitabbavissajjitabbadhammuddhāre tatthāpi khandhādīheva saṅgahehi niyametvā vutto, tasmā “**tīhi saṅgaho. Tīhi asaṅgaho**”ti vuttaṃ. Pucchitabbavissajjitabbadhammuddhārepi pana pucchāvissajjanesu ca rūpakkhandhādīnaṃ araṇantānaṃ yathāsambhavaṃ sampayogavippayogā catūheva khandhehi hotīti “**catūhi sampayogo. Catūhi vippayogo**”ti vuttaṃ.

Nanu ca vippayogo rūpanibbānehipi hoti, kasmā “catūhi vippayogo”ti vuttanti? Rūpanibbānehi bhavantassapi catūheva bhāvato. Na hi rūpaṃ rūpena nibbānena vā vippayuttaṃ hoti, nibbānaṃ vā rūpena, catūheva pana khandhehi hotīti catunnaṃ khandhānaṃ rūpanibbānehi vippayogopi vippayujjamānehi catūhi khandhehi niyamito tehi vinā vippayogābhāvato. So cāyaṃ vippayogo anārammaṇassa anārammaṇa-anā rammaṇamissakehi missakassa ca na hoti, anārammaṇassa pana missakassa ca sārammaṇena, sārammaṇassa sārammaṇena anārammaṇena missakena ca hotīti veditabbo.



#### 4. Lakkhaṇamātikāvaṇṇanā

4. Saṅgahoyeva **saṅgahanayo. Sabhāgo. Visabhāgoti** etassa “tīti saṅgaho. Tīhi asaṅgaho”ti etena, “catūhi sampayogo. Catūhi vippayogo”ti etenapi visuṃ yojanā kātabbā. Tena saṅgaho asaṅgaho ca sabhāgo visabhāgo ca bhāvo, tathā sampayogo vippayogo cāti ayamatto viññāyati. Yassa vā saṅgaho ca asaṅgaho ca, so dhammo sabhāgo visabhāgo ca, tathā yassa sampayogo vippayogo ca, sopi sabhāgo visabhāgo cāti. Tattha yena rūpakkhando -pa- manoviññādhātūti dhammā gaṇanaṃ gacchanti, so ruppanādiko samānabhāvo saṅgahe sabhāgatā, ekuppādādiko sampayoge veditabbo.

#### 5. Bāhramātikāvaṇṇanā

5. **Evam dhātukathāya mātikato bahi ṭhipitattāti** “sabbāpi -pa- mātikā”ti etena ṭhapanākārena bahi piṭṭhito ṭhapitattāti attho. Etena vā ṭhapanākārena kusalādīnaṃ araṇantānaṃ idha aṭṭhapetvā dhātukathāya mātikato bahi pakaraṇantaramātikāya imassa pakaraṇassa mātikābhāvena ṭhapitattā tathā pakāsītattāti attho.

**Saṅgaho asaṅgahoti**-ādīsu saṅgaho ekavidhova, so kasmā “catubbidho”ti vuttoti? Saṅgahoti atthaṃ avatvā aniddhāritatthassa saddasseva vuttattā. **Saṅgaho asaṅgahoti**-ādīsu saddesu saṅgahasaddo tāva attano atthavasena catubbidhoti ayañhetthattho. Atthopi vā aniddhāritaviseso sāmāññena gahetabbataṃ patto “saṅgaho asaṅgaho”ti-ādīsu “saṅgaho”ti vuttoti na koci doso. Niddhārite hi visese tassa ekavidhatā siyā, na tato pubbeti. Jātisaddassa sāpekkhasaddattā “jātiyā saṅgaho”ti vutte “attano jātiyā”ti viññāyati sambandhārahassa aññassa avuttattāti **jātiisaṅgahoti** rūpakaṇḍe vutto sajātiisaṅgaho vutto hoti.

Ettha nayamātikāya “saṅgaho asaṅgaho, sampayogo vippayogo”ti ime dve pucchitabbavissajjitabbadhammavisesaṃ aniddhāretvā sāmāññena dhammānaṃ pucchanavissajjananaya-uddesā, avasesā niddhāretvā. “Saṅgahitena asaṅgahitan”ti hi “saṅgahitena asaṅgahitaṃ asaṅgahitan”ti vattabbe ekassa asaṅgahitasaddassa lopo daṭṭhabbo. Tena saṅgahitavisesavisiṭṭho yo asaṅgahito dhammaviseso, tannissito asaṅgahitatāsaṅkhāto pucchāvissajjananayo uddiṭṭho hoti, “saṅgahitenā”ti ca visesane karaṇavacanāṃ daṭṭhabbāṃ. Esa nayo tatiyādīsu dasamāvasānesu nayuddesesu chaṭṭhavajjesu. Tesupi hi vuttanayena dvīhi dvīhi padehi pucchitabbavissajjitabbadhammavisesaniddhāraṇaṃ katvā tattha tattha antimapadasadisena tatiyapadena pucchanavissajjananayā uddiṭṭhāti. Tattha catutthapañcomesu kattu-atthe karaṇaniddeso, sattamādīsu ca catūsu sahayoge daṭṭhabbo, na dutiyatatiyesu viya samānādhikaraṇe visesane. Tattha hi sabhāvantaarena sabhāvantarassa visesanaṃ kataṃ, etesu dhammantarena dhammantarassāti. Ekādasamādīsu pana catūsu ādipadeneva dhammavisesaniddhāraṇaṃ katvā itarehi pucchanavissajjananayā uddiṭṭhā. Visesane eva cettha karaṇavacanāṃ daṭṭhabbāṃ. Pucchāvissajjanānañhi nissayabhūtā dhammā saṅgahitatādivisesena karaṇabhūtena sampayuttavippayuttādibhāvaṃ attano visesentīti.

**Vikappatoti** vividhakappanato, vibhāgatoti attho. **Sanniṭṭhānavasenāti** adhimokkhasampayogavasena. Sanniṭṭhānavasena vuttā ca sabbe ca cittuppādā sanniṭṭhānavasena **vuttasabbacittuppādā**, tesam sādharmaṇavasenāti evamettha attho daṭṭhabbo. Adhimokkho hi sanniṭṭhānavasena vuttānaṃ cittuppādānaṃ sādharmaṇavasena vutto, itare sabbesanti. Tattha sādharmaṇā pasaṭā pākaṭā cāti ādito pariggahetabbā, tasmā tesam saṅgahādipariggahattham uddeso kato, asādharmaṇāpi pana pariggahetabbāvāti tesu mahāvisayena aññesampi saṅgahādipariggaham dassetuṃ adhimokkho uddiṭṭho. “Sanniṭṭhānavasena vuttā”ti ca **dhammasaṅgahavaṇṇanāyam**<sup>1</sup> **paṭṭicasamuppādavibhaṅge**<sup>2</sup> ca vacanaṃ sandhāya vuttanti veditabbam. Sanniṭṭhānavasena ye vuttā, tesam sabbesaṃ sādharmaṇatoti pana atthe

1. Abhi-Ṭṭha 1. 150 piṭṭhe.

2. Abhi-Ṭṭha 2. 143 piṭṭhe.

sati sādharmaṇāsādhāraṇesu vattabbesu yo asādhāraṇesu mahāvisayo  
 adhimokkho, tassa vasena vuttasabbacittuppādasādhāraṇato phassādayo  
 sabbasādhāraṇāti adhimokkho ca asādhāraṇesu mahāvisayoti katvā vutto  
 aññaṣṣa tādisassa abhāvāti ayamadhippāyo daṭṭhabbo.

Jīvitindriyaṃ panettha rūpamissakattā na vuttanti veditabbaṃ,  
 cittekaggatā pana asamādhisabhāvā sāmāññasaddeneva  
 sāmāññavisesasaddehi ca samādhisabhāvā visesasaddavacanīyaṃ aññaṃ  
 byāpetabbaṃ nivattetabbaṃca natthīti  
 anaññaabyāpakani vattakasāmāññavisesadīpanato tasseva dhammassa  
 bheda dīpakehi vattabbā, na sukhādisabhāvā vedanā viya  
 vuttalakkhaṇaviparītehi sāmāñnavisesasaddeheva, tasmā “cittkekaggatā”ti  
 ayaṃ sāmāññasaddo samādhisabhāve visesasaddanirapekkho pavattamāno  
 sayameva visesasasaddamāpajjitvā asamādhisabhāvameva pakāseyya, itaro  
 ca samādhisabhāvamevāti dvidhā bhinnā cittekaggatā asādhāraṇā ceva  
 appavisayā cāti idha uddesaṃ na arahati. Abhinnāpi vā phassādīnaṃ viya  
 pākaṭattābhāvato aññadhammanissayena vattabbato ca sā jīvitaṃca na  
 arahatīti na uddiṭṭhāti.

Mātikāvaṇṇanā niṭṭhitā.

## 2. Niddesavaṇṇanā

### 1. Paṭhamanaya saṅgahāsaṅgahapadavaṇṇanā

#### 1. Khandhapadavaṇṇanā

6. Khandhāyatanadhātuyo abhiññeyyadhammabhāvena vuttā, tesam̐ pana sabhāvato abhiññātānam̐ dhammānam̐ pariññeyyatādivisesadassanattham̐ saccāni, adhipatīyādikkavisesadassanattham̐ indriyādīni ca vuttānīti saccādiviseso viya saṅgahāsaṅgahaviseso ca abhiññeyyanissito vuccamāno suviññeyyo hotīti “**tīhi saṅgaho. Tīhi asaṅgaho**”ti **nayamukhamātikā ṭhapitā**ti veditabbā. Evañca katvā “catūhī”ti vuttā sampayogavippayogā ca abhiññeyyanissayena khandhādīheva pucchitvā vissajjitāti. **Rūpakkhandho ekena khandhenā**ti ye dhammā “rūpakkhandho”ti vuccanti, tesam̐ pañcasu khandhesu rūpakkhandhabhāvena sabhāgatā hotīti rūpakkhandhabhāvasaṅkhātena, rūpakkhandhavacanasaṅkhātena vā gaṇanena saṅgaham̐ gaṇanam̐ dasseti. Tenāha “**yañhi kiñci**”ti-ādi. **Rūpakkhandho**ti hi saṅgahitabbadhammo dassito. Yena saṅgahena saṅgayhati, tassa saṅgahassa dassanam̐ “ekena khandhenā”ti vacanam̐. Pañcasu khandhagaṇanesu ekena khandhagaṇanena gaṇitoti ayañhettha attho. Yasmā ca khandhādivacanehi saṅgaho vuccati, tasmā upari “kandhasaṅgahena saṅgahitā”ti-ādi vakkhatīti.

**Asaṅgahanayaniddeseti** idam̐ “saṅgaho asaṅgaho”ti etasseva nayassa ekadesanayabhāvena vuttam̐, na nayantaratāyāti daṭṭhabbam̐.

**Rūpakkhandhamūlakāyeva cettha dukatikacatukkā dassitā**ti etena vedanākkhandhamūkalā purimena yojyamāne viseso natthīti pacchimeheva yojetvā tayo dukā dve tikā eko catukko, saññākkhandhamūlakā dve dukā eko tiko, saṅkhārakkhandhamūlako eko dukoti ete labbhantīti dasseti. Tesam̐ pana bhedato pañcakupucchāvissajjanānantaram̐ pucchāvissajjanam̐ kātabbam̐ saṅkhittanti daṭṭhabbam̐, vuttanayena vā sakkā ñātunti pāḷim̐ na āropitanti.

### Āyatanapadādivaṇṇanā

40. **Yasmā ca dukatikesūti** yadipi ekakepi sadisaṃ vissajjanam, ekake pana sadisavissajjanānam cakkhundriyasotindriyasukhindriyādīnam dukādīsū asadisavissajjanam diṭṭham. Na hettha cakkhusotacakkhusukhindriyadukānam aññamaññasadisavissajjanam, nāpi dukehi tikassa, idha pana dukkhasamudayadukkhmaggaḍḍukānam aññamaññam tikena ca sadisaṃ vissajjananti dukatikesveva sadisavissajjanatam samudayānantaram maggasaccassa vacane kāraṇam vadati.

### 6. Paṭṭicasamuppādavaṇṇanā

61. “Puccham anārabhitvā avijjā ekena khandhena, avijjāpaccayā saṅkhārā ekena khandhenā”ti likhitabbepi pamādasena “avijjā ekena khandhenā”ti idam na likhitanti daṭṭhabbam. Sarūpekasesam vā katvā avijjāvacanena avijjāvissajjanam dassitanti. **Sabbampivipākaviññānti** ettha vipākaggahaṇena visesanam na kātabbam. Kusalādīnampi hi viññāṇānam dhātukathāyam saṅkhārapaccayāviññāṇādipadehi saṅgahitatā vippayuttenasaṅgahitāsaṅgahitapadaniddese “vipākā dhammā”ti imassa vissajjanāsadisena tesam vissajjanena dassitā, idha ca nāmarūpassa ekādasahāyatanehi saṅgahavacanena akammajānampi saṅgahitatā viññāyatīti.

71. Jāyamānaparipaccamānabhijjamānānam jāyamānādibhāvamattattā jātijarāmarāṇāni paramatthato vinibbhujitvā anupalabbhamānāni paramatthānam sabhāvamattabhūtāni, tāni rūpassa nibbattipākabhedabhūtāni rupanabhāvena gayhantīti rūpakkhandhadhammasabhāgāni, arūpānam pana nibbatti-ādibhūtāni rūpakalāpajāti-ādīni viya sahpuppajjamānacatukkhandhakalāpanibbatti-ādibhāvato ekekabhūtāni vedīyanasañjānavijānanehi ekantaparamatthakicchehi agayhamānāni saṅkhatābhisāṅkharāṇena anekantaparamatthakiccena gayhantīti saṅkhārakkhandhadhammasabhāgāni, tathā duvidhānīpi tāni cakkhāyatanādīhi ekantaparamatthakicchehi agayhamānāni nissattaṭṭhena dhammāyatanadhammadhātudhammehi sabhāgāni, tena tehi khandhādīhi saṅgayhantīti “**jāti dvīhi khandhehi**”ti-ādīmāha.

Paṭhamanayasāṅgahāsāṅgahapadavaṇṇanā niṭṭhitā.

## 2. Dutiyānaya saṅgahitena-asaṅgahitapadaḅaṅṅanā

171. Saṅgahitena-asaṅgahitapadaniddese yaṃ taṃ uddese asaṅgahitatāya pucchitabbaṃ viṣṣajjitabbaṅca saṅgahitatāviṣiṭṭhaṃ asaṅgahitaṃ dhammajātaṃ niddhāritaṃ, tadeva tāva dassento **“cakkhāyatanena ye dhammā khandhasaṅgahena saṅgahitā āyatanadhātusaṅgahena asaṅgahitā”**ti āha. Sabbattha khandhādisaṅgahasāmaññānaṃ niccaṃ viṣesāpekkhattā bhedaṇissitattā ca pucchāvissajjanānaṃ savisesāva khandhādigaṅṅanā suddhā. Tattha saṅgahitena-asaṅgahitavacanamattena dhammaviṣesassa niddhāritattā tīsu saṅgahesu ekena dvīhi vā ye saṅgahitā hutvā aññehi asaṅgahitā, teyeva dhammā **“khandhasaṅgahena saṅgahitā āyatanadhātusaṅgahena asaṅgahitā”**ti ettakeneva dassetabbā siyūṃ, tesāṃ pana evaṃvidhānaṃ asambhavā nayamātikāya ca abbhantarabāhiraṃmātikāpekkhattā uddesepi yaṃ yaṃ rūpakkhandhādīsu araṅṅantesu saṅgāhakaṃ, taṃ taṃ apekkhitvā saṅgahitena-asaṅgahitaṃ niddhāritanti viññāyatīti tena tena saṅgāhakena yathāniddhāritaṃ dhammaṃ niyamevā dassetuṃ **“cakkhāyatanenā”**ti-ādimāha. Yattha hi pucchitabbavissajjitabbadhammaviṣesāniddhāraṅṅaṃ natthi, tasmim paṭṭhamānaye chaṭṭhanāye ca pucchitabbavissajjitabbabhāvena, itaresu ca yaṃ yaṃ pucchitabbavissajjitabbaṃ niddhāritaṃ, tassa tassa niyāmakabhāvena rūpakkhandhādayo araṅṅantā uddiṭṭhāti.

Tattha **“cakkhāyatanena -pa- phoṭṭhabbhadhātuyā”**ti kattu-atthe karaṅṅaniddeso daṭṭhabbo, **“khandhasaṅgahena āyatanasaṅgahena dhātusaṅgahenā”**ti karaṅṅatthe. Ettha ca yena yena saṅgāhakena khandhādisaṅgahesu tena tena saṅgahetabbāsaṅgahetabbaṃ aññaṃ atthi, taṃ tadeva saṅgāhakāsaṅgāhakabhāvena uddhaṭaṃ. Rūpakkhandhena pana khandhasaṅgahena saṅgahetabbo añño dhammo natthi, tathā vedanākkhandhādīhi, na ca so eva tassa saṅgāhako asaṅgāhako vā hoti. Yaṅca **“rūpakkhandho ekena khandhena saṅgahito”**ti vuttaṃ, taṅca na tasseva tena saṅgahitataṃ sandhāya vuttaṃ, rūpakkhandhabhāvena pana rūpakkhandhavacanena vā gahitataṃ sandhāya vuttanti pakāsitoyamattho.

Yadi ca so eva tena saṅgayheyya, saṅgahitenasampayuttavippayuttapadaniddese **“vedanākkhandhena ye dhammā khandhasaṅgahena saṅgahitā**

āyatanasaṅgahena saṅgahitā dhātusaṅgahena saṅgahitā, te dhammā tīti khandhehi ekenāyatanena sattahi dhātūhi sampayuttā”ti-ādi vattabbaṃ siyā, na ca vuttam, tasmā yathā cittaṃ cittaena sampayuttaṃ vippayuttaṅca na hoti, evaṃ rūpakkhandho rūpakkhandhena saṅgahito asaṅgahito ca na hoti, tathā vedanākkhandhādayo vedanākkhandhādīhi. Na hi so eva tassa sabhāgo visabhāgo cāti. Teneva na ekadesā viya samudāyassa, samudāyo ekadesānaṃ saṅgāhako asaṅgāhako ca. Yathā rūpakkhandho cakkhāyatanādīnaṃ, dhammāyatanam vedanākkhandhādīnaṃ, saraṇā dhammā catunnaṃ khandhānaṃ. Samudāyantogadhānaṃhi ekadesānaṃ na vibhāgo atthi, yena te samudāyassa samudāyo ca tesam sabhāgo visabhāgo ca siyāti, tathā na samudāyo ekadesasabhāgavisabhāgānaṃ saṅgāhako asaṅgāhako ca. Yathā dhammāyatanam sukhumarūpasabhāgassa vedanādivisabhāgassa ca rūpakkhandhekadesassa khandhasaṅgahena, jīvitindriyam rūpārūpajīvitasabhāgavisabhāgassa rūpakkhandhekadesassa saṅkhārakkhandhekadesassa ca jīvitavajjassa khandhasaṅgaheneva. Na hi ekadesasabhāgam samudāyasabhāgam, nāpi ekadesavisabhāgam samudāyavisabhāganti, tasmā satipi attato attani antogadhato attekadesasabhāgato ca aññassa asaṅgāhakatte saṅgāhakattameva etesam natthi, yena saṅgahitassa asaṅgāhakā siyunti saṅgāhakattābhāvato eva evarūpānaṃ aggahaṇam veditabbaṃ.

Yaṃ pana “dhammāyatanam asaṅkhatam khandhato ṭhapetvā catūhi khandhehi saṅgahitan”ti<sup>1</sup>, “cakkhāyatanaṅca sotāyatanaṅca ekena khandhena saṅgahitan”ti<sup>1</sup> ca vuttam, na tena ekadesānaṃ samudāyasaṅgāhakattam, samudāyassa ca ekadesasaṅgāhakattam dasseti, catukkhandhagaṇanabhedehehi pana dhammāyatanassa gaṇetabbāgaṇetabbabhāvena pañcadhā bhinnatam, cakkhāyatanādīnaṃ ekakkhandhagaṇanena gaṇetabbatāya ekavidhataṅca dasseti. Saṅgāhakāsaṅgāhakanirapekkhānaṃ gaṇetabbāgaṇetabbānaṃ taṃtaṃgaṇanehi gaṇanadassanamattameva hi paṭhamanayo kammakaraṇamattasabbhāvā, dutiyādayo pana saṅgāhakāsaṅgāhakehi saṅgahitāsaṅgahitānaṃ agaṇanādiddassanāni kattukaraṇakammattayasabbhāvā. Tathā paṭhamanaye tathā tathā gaṇetabbāgaṇetabbabhāvasaṅkhāto taṃtamkhandhādibhāvābhāvō

---

1. Abhi 3. 6 piṭṭhe.

sabhāgavisabhāgatā, dutiyādīsu yathānidhāritadhammadassane saṅgāhakasaṅgahetabbānaṃ samānakkhandhādibhāvo sabhāgatā, tadabhāvo ca visabhāgatā. Pucchāvissajjanesu taṃtaṃkhandhādibhāvābhāvo evāti ayametesam visesoti.

Samudayasaccasukhindriyasadisāni pana tehi saṅgahetabbameva atthi, na saṅgahitaṃ asaṅgahetabbanti asaṅgāhakattābhāvato na uddhaṭāni. Dukkhasaccadisāni tehi visabhāgasamudāyabhūtehi anekakkhandhehi khandhasaṅgahena saṅgahetabbam, itarehi asaṅgahetabbāna natthīti saṅgāhakattāsaṅgāhakattābhāvato. Evaṃ saṅgāhakattābhāvato asaṅgāhakattābhāvato ubhayābhāvato ca yathāvuttasadisāni anuddharitvā saṅgāhakattāsaṅgāhakattābhāvato cakkhāyatanādīneva uddhaṭānīti veditabbāni. Tattha “cakkhāyatanena ye dhammā khandhasaṅgahena saṅgahitā”ti cakkhāyatanavajjā rūpadhammā khandhasaṅgahena saṅgahitāti veditabbā, na rūpakkhadhōti. Na hi ekadeso samudāyasaṅgāhakoti dassitametanti.

Aṭṭhakathāyaṃ pana **khandhapadenā**ti khandhapadasaṅgahenāti attho, na saṅgāhakenāti. “Kenaci saṅgāhakenā”ti idaṃ pana ānetvā vattabbam. **Taṃ pana rūpakkhandhādīsu na yujjāti**ti taṃ vissajjanam rūpakkhandhādīsu saṅgāhakesu na yujjāti attho. **Rūpakkhandhena hi -pa- saṅgahitoti** etena nayena cakkhāyatanena rūpakkhandhova saṅgahito, so ca aḍḍhekādasahi āyatanadhātūhi asaṅgahito nāma natthīti evam cakkhāyatanādīnīpi na gahetabbānīti āpajjāti ce? Nāpajjati. Na hi aññamattanivāraṇam evasaddassa attho, atha kho saṅgāhakato aññanivāraṇam. **So cāti-ādi** ca na nirapekkhavaṇaṃ, atha kho saṅgāhakāpekkhanti. Kathaṃ?

**Rūpakkhandhena hi rūpakkhandhova saṅgahitoti** yathā cakkhāyatanena cakkhāyatanato aññampi khandhasaṅgahena saṅgahitaṃ atthi, yaṃ āyatanadhātusaṅgahehi asaṅgahitaṃ hoti, na evam rūpakkhandhena rūpakkhandhato aññam khandhasaṅgahena saṅgahitaṃ atthi, yaṃ āyatanadhātusaṅgahehi asaṅgahitaṃ siyā, rūpakkhandhena pana rūpakkhandhova khandhasaṅgahena saṅgahitoti ayañhettha adhippāyo yutto. Siyā panetaṃ “so eva rūpakkhandho rūpakkhandhena āyatanadhātusaṅgaheti asaṅgahito hotū”ti, taṃ nivārento āha “**so ca aḍḍhekādasahi āyatanadhātūhi asaṅgahito nāma**





anidassanasappaṭighā dassitā. **Punadevā**ti etena tattheva avisiṭṭhaṃ sanidassanapadaṃ nivattetvā gaṇhanto sanidassanadukapadaṃ dasseti. “Cakkhāyatanena cakkhāyatanamevekaṃ saṅgahitaṃ”ti idaṃ na sakkā vuttum. Na hi “cakkhāyatanena cakkhāyatanaṃ āyatanasaṅgahena saṅgahitaṃ”ti ca “asaṅgahitaṃ”ti ca vattabbanti dassitoyaṃ nayoti. Evaṃ sabbattha tasseva samudāyekadesānañca saṅgāhakasaṅgahitanti vacanesu asaṅgāhaka-asaṅgahitanti vacanesu tadavattabbatā yojetabbā. Asaṅgāhakattābhāvato eva hi cakkhāyatanādīni cakkhāyatanādīhi asaṅgahitānīti na vuccanti, na saṅgāhakattābhāvatoti.

Dutiyanayasaṅgahitena-asaṅgahitapadavaṇṇanā niṭṭhitā.

### 3. Tatiyanaya asaṅgahitenasaṅgahitapadavaṇṇanā

179. Asaṅgahitenasaṅgahitapadaniddese rūpakkhandhena khandhasaṅgahena asaṅgahitesu vedanādīnaṃ tiṇṇaṃ khandhānaṃ nibbānassa ca sukhumarūpena saha āyatanadhātusabhāgatte satipi na sukhumarūpameva rūpakkhandhoti rūpakkhandhena āyatanadhātusabhāgattaṃ natthi, tasmā na tena tāni āyatanadhātusaṅgahehi saṅgahitāni. Na kevalaṃ saṅgahitāneva, asaṅgahitānipi tena tāni tehi saṅgahehi na honteva tadekadesena sukhumarūpena āyatanadhātusabhāgattā, saṅgahitābhāvo eva pana idhādhippeto, viññāṇakkhandhacakkhāyatanādīhi pana asaṅgahitā na te tehi kathañci sammissāti sabbathā te tehi na saṅgahitā. Dukkhasaccādīhi ca pañcakkhandhasamudāyabhūtehi khandhasaṅgahena asaṅgahitaṃ nibbānaṃ rūpakkhandhena viya āyatanadhātusaṅgahehi saṅgahitaṃ tehi na hoti, tasmā saṅgāhakattābhāvato eva evarūpānaṃ asaṅgāhakabhāvena aggahaṇaṃ veditabbaṃ, sanibbānapañcakkhandhasamudāyabhūtānaṃ pana abyākatadhammādīnaṃ asaṅgāhakattābhāvatova. Na hi taṃ kañci atthi, yassa te khandhasaṅgahena asaṅgāhakā siyumu, na ca attano ekadeso attekadesasabhāgo ca attanā asaṅgahito hotīti attanā asaṅgahitasāṅgāhakattā pana vedanākkhandhādīnaṃ gahaṇaṃ katanti.

Yaṃ pana aṭṭhakathāyaṃ vuttaṃ “**ye dhammāyatanena saṅgahitā**”ti, taṃ na sakkā vuttuṃ. Dhammāyatanena hi na koci dhammo kenaci saṅgahena saṅgahito atthi visabhāgakkhandhanibbānasamudāyattā, khandhasaṅgahena sayameva attano saṅgāhakaṃ na hotīti āyatanadhātusaṅgahehi ca saṅgāhakattābhāvatoti dassitoyaṃ nayoti etassa dhammāyatanagaṇanena gaṇitāti attho. **Yāni -pa- gahitānī**ti etena viññāṇasammissaṃ dhammāyatanekadesaṃ dīpentāni iddhipādādīpadāni, oḷārikarūpasammissaṃ dīpentāni rūpakkhandhādīpadāni, sabbena sabbaṃ dhammāyatanāni adīpentāni viññāṇakkhandhacakkhāyatanādīpadāni, sakaladhammāyatanādīpakāni dhammāyatanādīpadāni ca vajjetvā dhammāyatanekadesaṃ aññāyatanena asammissaṃ dīpentāni gahitānīti dasseti.

Tatiyanaya-asaṅgahitenasaṅgahitapadavaṇṇanā niṭṭhitā.

#### 4. Catutthanaya saṅgahitenasaṅgahitapadavaṇṇanā

191. Saṅgahitenasaṅgahitapadaniddese yasmā yathā dutiyatatiyanayā tiṇṇaṃ saṅgahānaṃ saṅgahaṇāsaṅgaṇappavattivisesena “saṅgahitena asaṅgahitaṃ. Asaṅgahitena saṅgahitaṃ”ti ca uddiṭṭhā, nevaṃ catutthapañcamā. Saṅgahaṇappavattiyā eva hi saṅgahitena saṅgahitaṃ uddiṭṭhaṃ, asaṅgahaṇappavattiyā eva ca asaṅgahitena asaṅgahitanti, tasmā saṅgahaṇappavattivisesavirahe saṅgahitadhammāsaṅgahitadhammavisesa nissitā ete dve nayāti ettha kenaci saṅgahitena dhammavisesena puna saṅgahito dhammaviseso saṅgahitena saṅgahito saṅgahitāya pucchitabbo vissajjitabbo ca, tameva tāva yathānidhāritaṃ dassento “**samudayasaccena ye dhammā khandha -pa- saṅgahitā, tehi dhammehi ye dhammā khandha -pa- saṅgahitā**”ti āha. Ettha ca ye tīhipi saṅgahehi na saṅgāhakā rūpakkhandhaviññāṇakkhandhadhammāyatanadukkhāsaccādīni viya, ye ca dvīhāyatanadhātusaṅgahehi asaṅgāhakā cakkhāyatanādīni viya, ye ca ekena khandhasaṅgaheneva dhātusaṅgaheneva ca na saṅgāhakā vedanādikkhandhanirodhasaccajīvitindriyādīni viya cakkhuvīññāṇadhātādayo viya ca, te dhammā saṅgāhakattābhāvasabbhāvā saṅgāhakabhāvena na uddhaṭā, tīhipi pana

saṅgahehi ye saṅgāhakā, te saṅgahakattābhāvābhāvato idha uddhaṭā. Tehi saṅgahitāpi hi ekantena attano saṅgāhakassa saṅgāhakā honti, yassa puna saṅgaho pucchitabbo vissajjitabbo cāti.

Aṭṭhakathāyaṃ pana **sakalena hi khandhādipadenā**ti sakalavācakena rūpakkhandhādipadenāti attho. Yaṃ panetaṃ vuttaṃ “yaṃ attano saṅgāhakaṃ saṅgaṇhitvā puna teneva saṅgahaṃ gaccheyyā”ti, taṃ tena khandhādipadenāti evaṃ ayojetvā taṃ aññaṃ saṅgahitaṃ nāma natthīti evaṃ na sakkā vattuṃ. Na hi yena yaṃ saṅgahitaṃ, teneva tassa saṅgaho pucchito vissajjito, na ca tasseva, atha kho tena saṅgahitassāti. Yathā vedanā saddo ca khandho āyatanañca, na evaṃ sukhumarūpaṃ, taṃ pana khandhāyatanānaṃ ekadesova, tasmā “sukhumarūpekadesaṃ vā”ti avatvā “**sukhumarūpaṃ vā**”ti vuttaṃ. Sabbattha ca aññaena asammissanti yojetabbaṃ. Yampi cetāṃ vuttaṃ “tadeva yehi dhammehi khandhādivasena saṅgahitaṃ, te dhamme sandhāyā”ti, tampi tathā na sakkā vattuṃ. Na hi saṅgahitena saṅgahitassa saṅgahitena saṅgaho ettha pucchito vissajjito ca, atha kho saṅgahova, tasmā **ekena khandhenā**ti ekena khandhagaṇanenaṃti ayamevettha attho, na saṅgāhakenāti. Na hi eko khandho attano ekadesassa saṅgāhakoti.

Catutthanayasaṅgahitenasaṅgahitapadavaṇṇanā niṭṭhitā.

## 5. Pañcamanaya asaṅgahitena-asaṅgahitapadavaṇṇanā

193. Asaṅgahitena-asaṅgahitapadaniddesepe vuttanayeneva yathānidhāritadhammadassanaṃ veditabbaṃ. Ettha ca sasukhumarūpaviññāṇasahitadhammasamudāyā ye te dukkhasacca-anidassana-appaṭiṅga-acetasikānupādāsadisā satipi ekena dvīhi vā saṅgahehi kesañci asaṅgāhakatte tīhipi asaṅgahetabbassa abhāvato paripuṇṇasaṅgāhāsaṅgāhakā na honti, abyākatadhammasadisā kenaci saṅgahena asaṅgahetabbabhāvato asaṅgāhakā eva na honti, tena te asaṅgāhakabhāvena na uddhaṭā, itare pana tabbipariyāyena uddhaṭāti.

Yaṃ pana aṭṭhakathāyaṃ “**tādisena hi padena nibbānaṃ khandhasaṅgahamattaṃ na gaccheyyā**”ti vuttaṃ, taṃ dukkhasaccaṃ sandhāya vuttaṃ. Anidassana-appaṭighesu pana asaṅgāhakesu nibbānaṃ antogadhaṃ, na ca tadeva tassa asaṅgāhakanti. **Sadisavissajjanānaṃ vasena samodhānetvā katehi saddhinti** evaṃ katehi dutiyapañhādīhi saddhim paṭhamapañhanāmarūpapañhādayo sabbepi catuttimsa hontīti attho. **Yaṃ pucchāya uddhaṭaṃ padaṃ, tadevāti** rūpakkhandhādivisesakapadaṃ vadati, na niddhārite pucchitabbadhamme. Te hi lakkhaṇato dassitā, na padena sarūpatoti. Tattha **tadevāti** eva-saddena na taṃ kadāci saṅgahitena asaṅgahitaṃ na hotīti uddhaṭasseva asaṅgahitena-asaṅgahitabhāve niyatataṃ aññassa ca aniyataṃ dassitīti veditabbaṃ. “**Tadeva yehi asaṅgahitan**”ti ettha hi “niyamato”ti sakkā vacanaseso yojetunti. Atha vā **tadevāti** pucchāya uddhaṭameva evaṃpakārameva hutvā **yehi asaṅgahitanti** tassa pucchāya uddhaṭabhāvena evaṃ asaṅgahitena-asaṅgahitabhāvaniyamanattho eva-saddo, na aññassa asaṅgahitena-asaṅgahitatānivāraṇatthoti daṭṭhabbo. Pucchāya uddhaṭaṃhi aññasahitaṃ asahitaṃca asaṅgahitena asaṅgahitaṃ hoti. Rūpakkhandhādīni hi aññasahitāni viññāṇakkhandhādīni asahitānīti.

**Avasesā saṅgahitāti** idaṃ avasesā asaṅgahitā na hontīti evaṃ daṭṭhabbaṃ. **Tehipi viññāṇadhammehi te rūpadhammāva tīhi saṅgahehi asaṅgahitāti** pucchāya uddhaṭā tīhipi saṅgaheti asaṅgāhakā hutvā asaṅgahitāti adhippāyo. Anuddhaṭā vedanādayopi hi asaṅgahitā evāti. Ettha ca paṭhame naye vedanādayopi viññāṇena asaṅgahitāti vuttā, dutiye rūpadhammāvāti ayaṃ viseso. **Vedanādayo hi rūpaviññāṇeheva khandhādisaṅgahena asaṅgahitāti** oḷārikarūpehi viññāṇena ca tīhipi saṅgahehi asaṅgahitāti attho. Rūpekadeso hi ettha rūpaggaṇaṇena gahitoti.

196. Catutthapañhe **cakkhāyatanam vedanādīhi catūhīti** ettha **cakkhāyatananti** etena pucchāya uddhaṭaṃ asaṅgāhakaṃ dassitīti daṭṭhabbaṃ. Cakkhāyatanena pana asaṅgahitena asaṅgahitāni dassa oḷārikāyatanāni na cakkhāyatanamevāti. “**Rūpaṇca dhammāyatanan**”ti-ādinaṃ yehi dhammehi tīhipi saṅgahehi asaṅgahitaṃ taṃ viññāṇameva hoti, asaṅgahitena

tena asaṅgahitañca viññāṇavajjam sabbaṃ teva dhamme udāneti. Sadisavissajjanā hi ekato udānetvā dassetabbā. Tattha paṭhamena rūpakkhandhena sadisavissajjanesu ekato udānetvā dassitesu aññe visadisavissajjanā nayadānena dassitā honti. Tenāha “**rūpañca dhammāyatananti -pa- aññenākārena saṅkhipitvā dassitā**”ti. Tattha **dve bhavāti** asaṅgahitābhavā. **Dveti** bāhirupādādhamme eva sandhāya vuttaṃ. Yena asaṅgāhakena asaṅgahitena asaṅgahitaṃ pucchitabbaṃ vissajjitabbañca paricchiḍḍati, so rūpakkhandhādiko tassa pucchāvissajjanānañca nissayabhāvato “**visayo**”ti vutto, yathā dassitassa pana uddānassa nayadānamattattā “**nayo**”ti vuttaṃ. “Dvevīsanayo cā”tipi pāṭho, dvevīsapadiko esa nayo cāti attho.

Pañcamanaya-asaṅgahitena-asaṅgahitapadavaṇṇanā niṭṭhitā.

## 6. Chatṭhanaya sampayogavippayogapadavaṇṇanā

228. Sampayogavippayogapade **yaṃ labbhati, yañca na labbhati, taṃ sabbaṃ pucchāya gahitanti** idaṃ na rūpakkhandhādīni padāni sandhāya vuttaṃ, atha kho sampayogapadaṃ vippayogapadañcāti veditabbaṃ. Rūpakkhandhādīsu hi yaṃ dhammāyatanādipadaṃ na labbhati, taṃ pucchāyapi na gahitaṃ. Sampayogapadaṃ pana rūpakkhandhādīsu alabbhamānampi “rūpakkhandho katihi -pa- sampayutto”ti evaṃ pucchāya gahitaṃ, vedanākkhandhādīsu labbhamānaṃ, vippayogapadaṃ pana sabbattha labbhamānamevāti. **Rūpadhammānaṃ pana rūpena nibbānena vā, nibbānassa ca rūpena saddhiṃ sampayogo nāma natthīti** ekuppādādisabhāgatāya abhāvato sampayogaṃ nivārentena sā eva ekuppādādītā etesaṃ visabhāgatāti tadabhāvato vippayogopi nivārito eva hotīti daṭṭhabbo. Catūsu hi khandhesu vijjamānā ekuppādādītā tesāṃ aññamaññaṃ sabhāgatā hoti rūpanibbānehi tesāṃ tehi ca rūpanibbānānaṃ visabhāgatā ca, na ca rūpekadesassa nibbānassa vā sā ekuppādādītā atthi, yā rūpekadesena rūpekadesanibbānānaṃ nibbānena ca rūpassa visabhāgatā siyā. Teneva “**catūhi vippayogo**”ti vuttanti.

**Sattasu viññādhātūsu ekāyapi avippayutteti** yathā rūpabhavo tīhi viññādhātūhi, nevvavipākanavipākadhammadhammā pañcahi, avitakka-avicārā ekāya vippayutte anārammaṇamissake dhamme dīpenti, evaṃ adīpetvā ekāyapi vippayutte ahonte sattahipi sampayutte sattapi vā tā dīpenti adhippāyo. **Avippayutteti** hi ye vippayuttā na honti, te dhammeti vuttaṃ hoti, na sampayutteti. Tena yāni tāhi sampayutte dīpenti dhammāyatanādīpadāni, yāni ca sampayuttavippayuttabhāvehi navattabbaṃ dīpenti acetasikādīpadāni, yāni ca sampayuttanavattabbāni dīpenti dukkhasaccādīpadāni, tesāṃ sabbesāṃ anārammaṇamissakadhammadīpakānaṃ aggahaṇaṃ vuttaṃ hoti. Na hi anārammaṇamissakasabbaviññādhātutaṃsampayuttadubhayasamudāyānaṃ khandhāyatanadhātūsu kenaci sampayogo vippayogo vā atthīti.

Yadi evaṃ vippayuttenavippayuttapadaniddese “kusalehi dhammehi ye dhammā vippayuttā, tehi dhammehi ye dhammā vippayuttā”ti na vattabbaṃ. Akusalābyākatā hi anārammaṇamissobhayadhammāti? Na, yathāvuttasamudāyānaṃ khandhādīheva sampayogavippayogābhāvavacanato. Khandhādayo hi tadekadesā tadekadesaññasamudāyā ca, samudāyekadesānañca vibhāgābhāvato na sabhāgavisabhāgatā atthi, tena tesāṃ khandhādīhi sampayogavippayogābhāvo hoti. Kusalā pana dhammā akusalābyākatehi vibhattā, te ca kusalehi, na tesāṃ samudāyekadesabhāvo tadekadesaññasamudāyabhāvo vā, tasmā khandhādīni anāmasitvā vippayuttatāmattena yathānidhāritadhammadassane kusalehi itaresāṃ, itarehi ca kusalānaṃ vippayogo na na hoti visabhāgatāsabbhāvatoti tesāṃ aññamaññavippayuttatā vuttā. Esa nayo sabbesu evarūpesu.

Uddāne pana **aṭṭhārassa tato pareti** idaṃ “soḷasā”ti vattabbaṃ, **tevīsanti** idañca “ekavīsanti”ti. Sabbattha ca kālasantānabhedarahitārahitabahudhammasamodhānānaṃ saṅkhārakkhandhadhammāyatanadhammadhātūnaṃ ekadesā samudayasaccavedanākkhandhādayo ekadesasammissā ca iddhipādādayo anārammaṇehi asammissā rūpakkhādayo ca sārammaṇehi asammissā

sampayogīvippayogībhāvena samānakālasantānehi ca ekadesantarehi vibhattā eva gahitāti tehi te kehici ekadesantarehi vibhattehi yathāyogaṃ sampayogaṃ vippayogañca labhanti. Atthi hi tesam ekuppādādītā sabhāgatā visabhāgatā cāti. Tena tattha tattha “ekena khandhena ekenāyatanena ekāya dhātuyā kehici sampayuttan”ti ca, “ekenāyatanena ekāya dhātuyā kehici vippayuttan”ti ca vuttam. Bhinnakālasamudāyā eva pana vedanāsaññāviññāṇakkhandhā vattamānā ca ekekadhammā eva, tasmā tesam samānakālassa vibhajitabbassa abhāvato na sukhindriyādīni vedanākkhandhassa vibhāgaṃ karonti, cakkhuviññāṇadhātādayo ca viññāṇakkhandhassa manāyatanassa ca. Tena “sukhindriyaṃ ekena khandhena kehici vippayuttan”ti, “cakkhuviññāṇadhātu ekena khandhena ekenāyatanena kehici vippayuttā”ti ca evamādi na vuttam, khandhāyatanavibhāgavirahitampi pana viññāṇam dhātuvibhāgena vibhattameva vuttanti “cakkhuviññāṇadhātu -pa- manoviññāṇadhātu soḷasahi dhātūhi vippayuttā”ti vuttam, evamevaṃ indriyavibhāgena vibhattānam sukhindriyādīnam “sukhindriyena ye dhammā vippayuttā”ti-ādīsu yathāyogaṃ vippayogo daṭṭhabbo, nāvibhattassa vedanākkhandhassāti.

235. Yathā taṃsampayogībhāvaṃ sandhāya “samudayasaccam tīhi khandhehi sampayuttan”ti vuttam, evam taṃvippayogībhāvaṃ sandhāya “tīhi khandhehi vippayuttan”ti kasmā na vuttanti ce? Avibhāgehi tehi vippayogavacanassa ayuttattā. Vibhāge hi sati samudayasaccam sukhadukkhadomanassindriyehi manoviññāṇadhātuto aññaviññāṇadhātūhi vippayuttanti yuttam vuttam vibhāgeneva visabhāgatāya saṅgahitattā, vibhāgarahitehi pana vedanākkhandhādīhi na yuttam tehi vijjamānehi vijjamānassa samudayassa visabhāgabhāvābhāvato. Yañhi anuppannā dhammā viya āmaṭṭhakālabhedam na hoti saṅkhatam uddharitabbam, taṃ paccuppannabhāvaṃ nissāya sampayogīvippayogībhāvena uddharīyati, tañca vibhāgarahitehi khandhādīhi saṅkhathehi paccuppannabhāvameva nissāya anāmaṭṭhakālabhede atthitāya eva nissitabbattā. Avijjamānassa hi avijjamānena, avijjamānassa ca vijjamānena, vijjamānassa ca avijjamānena sampayogo natthi, vippayogo pana avijjamānatādīpake bhede gahite teneva visabhāgatāpi gahitā evāti



hoti. Bhede pana aggahite tena tena gahaṇena visabhāgatāya aggahitattā sati sabhāgatte vijjamānatāya eva dhammānaṃ sabhāgassa paricchindanato vijjamānatā dassitāti ekuppādābhāvasaṅkhātā sabhāgatāpi gahitā eva hoti. Tassā ca gahitattā sampayogova labbhati, na vippayogo, tasmā samudayasaccaṃ vedanākkhandhādīhi sampayuttattena vuttaṃ, na vippayuttattenāti. Esa nayo maggasaccādīsūpīti.

262. “Dutiyajjhānavicāraṇhi ṭhapetvā sesā avitakkavicāramattā”ti aṭṭhakathāvacaṇaṃ ye padhānā vitakko viya koṭṭhāsantaracittuppādesu alīnā, te eva idha avitakkavicāramattāti adhippetāti dasseti. Teneva hi anantaranaye samudayasaccena samānagatikā na savitakkasavicārehīti te na gahitā. Dasamosānanayesu ca tehi vippayuttehi vippayuttānaṃ tehi vippayuttānaṃca soḷasati dhātūhi vippayogo aṭṭhārasasaṅgahito ca vutto. Vitakkasahitesupi pana tesu gahitesu sabbepi te vicārena sampayuttāti “ekena khandhena kehici sampayuttā”ti sakkā vuttaṃ. So hi samudāyo vicāraṃ vajjetvā aññena kenaci sampayutto na hoti. Na hi tadekadesassa vitakkassa vicārato aññena sampayogo samudāyassa hoti. Yathā nānācittuppādesu uppajjamānānaṃ iddhipādānaṃ samudāyassa iddhipādassa ekadesānaṃ tīhi khandhehi sampayogo samudāyassa na hoti, evamidhāpi daṭṭhabbaṃ. Yathā pana tesu ekopi vedanāsaṅkhākkhandhehi saṅkhārakkhandhekadesena ca asampayutto nāma natthīti samudāyassa tehi sampayuttatā vuttā, evamidhāpi vicārena asampayuttassa avitakkavicāramattassa kassaci abhāvato samudāyassa tena sampayuttatā na na sakkā vuttaṃ. Na hi avitakkavicāramattānaṃ dassanenapahātabbahetukādīnaṃ viya sampayuttatā na vattabbā. Yathā hi dassanenapahātabbahetukesu keci saṅkhārakkhandhekadesena mohena sampayuttā, keci asampayuttāti na samudāyo tena sampayutto, nāpi añño koci dhammo atthi, yena so samudāyo sampayutto siyāti “dassanenapahātabbahetukā dhammā sampayuttāti natthī”ti vuttaṃ, evaṃ bhāvanāyapahātabbahetukasahetukādayopi. Na panevaṃ yena avitakkavicāramattasamudāyo sampayutto siyā, taṃ natthi avitakkavicāramattesu kassaci

vicārena asampayuttāssa abhāvā, tasmā te “sampayuttā”ti na na vattabbāti. Sabbattha ca ekadhammepehi kehicīti bahuvacananiddeso saṅkhyāya aniyamittā katoti vaditabbo.

Chaṭṭhanayasampayogavippayogapadavaṇṇanā niṭṭhitā.

### 7. Sattamanaya sampayuttenavippayuttapadavaṇṇanā

306. Sampayuttenavippayuttapadaniddese rūpakkhandhādayo tehi sampayuttābhāvato na gahitā. Samudayasaccādīni satipi tehi sampayutte, sampayuttehi ca vippayutte sampayuttenavippayuttānaṃ khandhādīhi vippayogābhāvato. Na hi samudayasaccena sampayuttehi lobhasahagatacittuppādehi vippayuttānaṃ tato aññadhammānaṃ khandhādīsu kenaci vippayogo atthi. Nanu ca te eva vittuppādā cattāro khandhā aḍḍhadutiyaṇi āyatanāni aḍḍhadutiya dhātuyo ca hontīti tehi vippayogo vattabboti? Na, tadaññadhammānaṃ khandhādībhāvato. Na hi te eva dhammā cattāro khandhā, atha kho te ca tato aññe ca, tathā aḍḍhadutiyaāyatanadhātuyopi. Na ca tadaññasamudāyehi aññe vippayuttā honti samudāyekadesānaṃ ekadesaññasamudāyānañca vippayogābhāvato. Esa nayo maggasaccasukhindriyādīsu. Avitakkavicāramattesupi niravasesesu adhippetesu tesāṃ savitakkasavicārasamānagahittā aggahaṇe kāraṇaṃ na dīssati.

Aṭṭhakathāyaṃ pana **evarūpānīti** yathā rūpakkhandhe vissajjanaṃ na yujjati, evaṃ yesu aññesupi na yujjati, tāni vissajjanassa ayogena “evarūpānī”ti vuttāni, na sampayuttābhāvenāti daṭṭhabbaṃ. **Yāni pana padāni dhammadhātuyā sampayutte dhamme dīpentīti** etena vedanākkhandhādīpadāni dasseti, **viññāṇaṇca aññena asammissanti** viññāṇakkhandhamāyatanādīpadāni. Tattha **aññena asammissanti** asampayuttena asammissanti attho. Adukkhamasukhāyavedanāyasampayuttapadānīpi hi sampayuttehi sammissaviññāṇādīpakāni idha gahitānīti. Etena ca lakkhaṇena evarūpāneva gahitānīti dasseti, na evarūpāni gahitānevāti

samudayasaccādi-iddhipādādīpadānaṃ asaṅgahitattā. “Atha phassasattakaṃ cittaṃ saha yuttapadehi sattā”ti purāṇapāṭho, ayaṃ pana ūnoti katvā “**atha phassasattakaṃ, tike tayo satta mahantare cā**”ti pāṭho kato.

309. **Pucchāya uddhaṭapadeneva saddhiṃ vippayuttānaṃ vasenāti** idaṃ pucchāya uddhaṭapadena sampayuttehi vippayuttā tena saddhiṃ vippayuttā hontīti katvā vuttaṃ. Pāḷi-uddānagāthāyaṃ **dve ca manena yuttā, vitakkavicāraṇāti** manodhātuyā ekantasampayuttā dve vitakkavicārāti savitakkapadaṃ savitakkapadaṃ savicārapadaṃca dasseti.

Sattamanayasampayuttenavippayuttapadavaṇṇanā niṭṭhitā.

### 8. Aṭṭhamanaya vippayuttenasampayuttapadavaṇṇanā

317. Vippayuttenasampayuttapadaniddese rūpakkhandhādīhi vippayuttenasampayuttameva yathānidhāritaṃ natthīti “rūpakkhandhena ye dhammā vippayuttā, tehi dhammehi ye dhammā sampayuttā”ti avatvā “**rūpakkhandhena ye dhammā vippayuttā, te dhammā katihi khandhehi -pasampayuttāti natthī**”ti vuttaṃ. Tena rūpakkhandhena vippayuttānaṃ kenaci khandhādīnā sampayogābhāvato yathānidhāritaṃ vippayuttenasampayuttameva natthi, kuto tassa puna khandhādīhi sampayuttatāti dasseti.

Aṭṭhamanayavippayuttenasampayuttapadavaṇṇanā niṭṭhitā.

### 9. Navamanaya sampayuttenasampayuttapadavaṇṇanā

319. Sampayuttenasampayuttapadavaṇṇanāyaṃ **yaṃkhandhādivasenāti** samāsapadaṃ idaṃ daṭṭhabbaṃ, yassa khandhādīno vasenāti attho. **Tassevāti** ca tasseva khandhādīnoti attho. Idaṃ vuttaṃ hoti—yaṃ idha sampayuttaṃ vuttaṃ, taṃ rūpakkhandhādīsu araṇantesu yena vedanākkhandhādīnā sampayuttaṃ, puna tasseva devanākkhandhādīno khandhādīhi sampayogaṃ pucchitvā vissajjanaṃ

katam. Tañhi attanā sampayuttena sampayuttattā “sampayuttena sampayuttan”ti niddhāritanti. **Rūpena vā**ti etena nirodhasacca-appaccaya-asāṅkhatehipi ayogo vutto hotīti daṭṭhabbo, tathā **rūpamissakehi vā**ti etena anupādinna-anupādāniyādīhi nibbānamissakehipi. Vakkhati hi “**nibbānaṃ pana sukhumarūpagatikamevā**”ti. **Sabbārūpakkhandhasaṅgāhakehī** vattamānānameva sampayogo labbhātīti vattamānesu ekampi dhammaṃ anapanetvā avikalacatukkhandhasaṅgāhakehi arūpabhavādīhīti attho. Ayam panettha saṅkhepo—ye sampayogaṃ na labhanti rūpakkhandhādayo, te sabbe na gahitā, itare ca vedanākkhandhādayo sabbe gahitāti.

Navamanayasampayuttenasampayuttapadavaṇṇanā niṭṭhitā.

## 10. Dasamanaya vippayuttenavippayuttapadavaṇṇanā

353. Vippayuttenavippayuttapadaniddese aggahitesu dhammāyatanādīdhammā anārammaṇamissakasabbacittuppādagatadhammabhāvato tehi vippayuttassa abhāvā na gahitā, dukkhasaccatumahābhava-abyākatādīdhammā tehi vippayuttehi vippayuttānaṃ khandhādīhi vippayogābhāvatoti ayam viseso veditabboti.

Dasamanayavippayuttenavippayuttapadavaṇṇanā niṭṭhitā.

## 11. Ekādasamanaya saṅgahitenasampayuttavippayuttapadavaṇṇanā

409. Ekādasamanayavaṇṇanāyam “te ca sesehi tīhi khandhehi ekena manāyatanena sattahi viññāṇadhātūhi”ti etesaṃ padānaṃ “sampayuttā nāmā”ti etena saha sambandho. “Kehicī”ti etassa panatthaṃ dassetum “saṅkhārakkhandhe dhammāyatanadhammadhātūsu ca ṭhapetvā taṇhan”ti etena “te cā”ti vutte samudayasaccena khandhādīsaṅgahena saṅgahitadhamme visesetvā tesāṃ eva visesitānaṃ attavajjehi sesehi saṅkhārakkhandhe taṇhāya dhammāyatanadhammadhātūsu ca taṇhāya vedanāsaññākkhandhehi

sampayogārahehi sampayuttataṃ sandhāyāha “**sesehi sampayuttattā kehi sampayuttā nāmā**”ti.

Ekādasamanayasāṅgahitenasampayuttavippayuttapadavaṇṇanā niṭṭhitā.

---

### 12. Dvādasamanaya sampayuttenasaṅgahitāsaṅgahitapadavaṇṇanā

417. Dvādasamanaye ca navamanaye viya sampayogārahāva labbhantīti āha “**teyeva uddhaṭā**”ti.

Dvādasamanayasampayuttenasaṅgahitāsaṅgahitapadavaṇṇanā niṭṭhitā.

---

### 13. Terasamanaya asaṅgahitenasampayuttavippayuttapadavaṇṇanā

448. Terasamanayaṇṇanāyaṃ yehi tīhipi saṅgahehi asaṅgahitaṃ viññānameva hoti, te pāḷiyaṃ “rūpañca dhammāyatanan”ti-ādi-uddānagāthāya dassitā bāvīsa dhammā “**rūpakkhandhena sadisapañhā dhammā**”ti vuttā. Yehi pana tīhipi saṅgahehi asaṅgahitāni arūpabhavena viya oḷārikāyatanāneva honti, te vuttāvasesā sabbe idha uddhaṭā “**arūpabhavena sadisā**”ti vuttā. **Sesāti** sesā pañcamanaye āgatā vedanākkhandhādayo satipi asaṅgāhakatte idha vissajjanaṃ na ruhantīti na uddhaṭā. Ye pana asaṅgāhakā eva na honti dukkhasaccādidhammā, tesu vattabbameva natthi. Yathā pana vedanākkhandhādayo na ruhanti, taṃ dassetuṃ “**vedanākkhandhena hi**”ti-ādimāha. Tattha **tesaṅca sampayogo nāma natthīti** rūpārūpadhammānaṃ asampayogehi vomissatāya sampayogo natthīti attho.

Yadi pana te kadāci asabbaviññāṇadhātusampayuttā arūpadhammā rūpadhammā ca siyumaṃ, na tesāṃ vippayogo natthīti “vippayogo ca natthī”ti na vuttamaṃ, na vedanākkhandhena asaṅgahitānaṃ vippayogassa atthitāyāti veditabbaṃ. Ubhayābhāvato hi vedanākkhandhādayo idha na ruhantīti. Evaṃ panettha siyā “vedanākkhandhena hi khandhādivasena anārammaṇamissakā sattaviññāṇadhātudhammā asaṅgahitā honti, tesaṅca

sampayogo vip̄payogo ca natthi”ti. Anārammaṇasahitānañhi sabbaviññāṇadhātūnaṃ sabbaviññāṇadhātusampayuttānaṃ tadubhayadhammānañca vedanākkhandhādi-viññāṇakkhandhādicakkhāyatanādīhi tīhipi saṅgahehi asaṅgahitānaṃ sampayogavip̄payogābhāvo aruhaṇe kāraṇaṃ. Jātivip̄payogabhūmikālasantānavip̄payogato catubbidho vip̄payogo. Tattha **jātivip̄payogo** “kusalā dhammā, akusalā dhammā”ti-ādi, **bhūmivip̄payogo** “kāmaṇāvacarā, rūpāvacarā”ti-ādi, **kālavip̄payogo** “atītā dhammā, anāgatā dhammā”ti-ādi, **santānavip̄payogo** “ajjhata dhammā, bahiddhā dhammā”ti-ādi. Evaṃ vip̄payogo catudhā veditabbo.

Terasamanaya-asaṅgahitenasampayuttavip̄payuttapadavaṇṇanā niṭṭhitā.

#### 14. Cuddasamanaya vip̄payuttenasaṅgahitāsaṅgahitapadavaṇṇanā

456. Cuddasamanaye dhammāyatanādīnaṃ anārammaṇamissaka-sabbacittuppādagatadhammabhāvato vip̄payogassa aruṇaṇaṃ datṭhabbaṃ. Jāti-ādittayassa cettha dhammasabhāvamattattā na kathañci sampayogo vip̄payogo ca ruhati ajjhatabhiddhadhammānaṃ sabbadhammasamodhānattā, anidassana-appaṭighādīnaṃ anārammaṇamissakasabbacittuppādattā. Dukkhasaccādīdhammāva idha tehi vip̄payuttānaṃ saṅgahāsaṅgahasabbhāvā gahitāti.

Pāli-uddānagāthāyaṃ **samucchede na labbhantīti** pariyoṣāne naye na labbhantīti attho. **Moghapucchakena cāti** alabbhamānā ca te moghapucchakena hetunā na labbhanti tesam pucchāya moghattāti vuttaṃ hoti. Atha vā **moghapucchako** aṭṭhamo nayo, tena ca saha osānanaye ete dhammā vip̄payogassapi abhāvā sabbathāpi na labbhantīti attho.

Cuddasamanayavip̄payuttenasaṅgahitāsaṅgahitapadavaṇṇanā niṭṭhitā.

**Dhātukathāpakaraṇamūlaṭīkā samattā.**

# Puggalapaññattipakaraṇamūlaṭīkā

Namo tassa Bhagavato Arahato Sammāsambuddhassa.

## 1. Mātikāvaṇṇanā

1. Dhammasaṅgahe tikadukavasena saṅgahitānaṃ dhammānaṃ vibhaṅge khandhādivibhāgam dassetvā tathāsaṅgahitavibhattānaṃ dhātukathāya saṅgahāsaṅgahādippabhedam vatvā yāya paññattiyā tesam sabhāvato upādāya ca paññāpanam hoti, tam pabhedato dassetum “**cha paññattiyo**”ti-ādinā puggalapaññatti āraddhā. Tattha ye dhamme pubbāpariyabhāvena pavattamāne asabhāvasamūhavasena upādāya “puggalo, itthī, puriso, devo, manusso”ti-ādikā **puggalapaññatti** hoti, tesam aññesañca bāhīrarūpanibbānānaṃ sasabhāvasamūhasasabhāvabhedavasena paññāpanā sabhāvapaññattīti **khandhapaññatti**-ādikā pañcavidhā veditabbā. Tāya dhammasaṅgahādīsu vibhattā **sabhāvapaññatti** sabbāpi saṅgahitā hoti. Puggalapaññatti pana **asabhāvapaññatti**. Tāya ca samayavimuttādippabhedāya sattasantānagate pariññeyyādisabhāvadhamme upādāya pavattito padhānāya “vihāro mañco”ti-ādikā ca sabbā **asabhāvapaññatti** saṅgahitā hoti.

Ettāvatā ca paññatti nāma vijjamānapaññatti avijjamānapaññatti ca. Tā eva hi vomissā itarā catassoti. Tasmā tāsam dassanena imasmim pakaraṇe sabbā paññattiyo dassitāti veditabbā. Khandhādīpaññattīsu pana chasu aññattha adassitappabhedam idheva ca dassitappabhedam puggalapaññattim upādāya imassa pakaraṇassa **puggalapaññattīti** nāmam vuttanti veditabbam. **Ye dhamme idha paññāpetukāmoti** paññattiyā vatthubhāvena dassetukāmoti adhippāyo. Na hi etasmim pakaraṇe paññāpanam karoti, vatthūhi pana paññattiyo dassetīti.

**Khandhāti paññāpanā**ti idaṃ khandhāti rūpaṃ pathavīti-ādikā sabbāpi sāmāññappabhedapaññāpanā nāma hoti, taṃ sandhāya vuttanti daṭṭhabbaṃ. **Paññāpanā**ti etassa pana **dassanā ṭhapanā**ti ete dve atthā, tesaṃ **pakāsanaṃ nikkhipanā**ti. Tattha “rūpakkhandho -pa- aññātāvindriyaṃ samayavimutto”ti-ādinā idamevaṃnāmakaṃ idamevaṃnāmakanti taṃtaṃkoṭṭhāsikakaraṇaṃ bodhanaeva nikkhipanā, na paññapetabbānaṃ mañcādīnaṃ viya ṭhānasambandhakaraṇaṃ. Yo panāyaṃ “nāmapaññatti hi dasseti ca ṭhabeti cā”ti kattuniddeso kato, so bhāvabhūtāya karaṇabhūtāya vā nāmapaññattiyā tesaṃ tesaṃ dhammānaṃ diṭṭhatāya ṭhapitatāya ca taṃnimittataṃ sandhāya katoti veditabbo.

**Vijjamānapaññattī**-ādinā vacanena paḷiyāṃ anāgatataṃ sandhāya “**pālimuttakenā**”ti-ādimāha. **Kusalākusalassevāti** kusalākusalassa viya. **Vijjamānassāti** etassa attho satoti, tassa attho **sambhūtassāti**. **Vijjamānassa satoti** vā vijjamānabhūtassāti attho. Tamevatthaṃ dassento āha “**sambhūtassā**”ti. Tena avijjamānabhāvaṃ paṭikkhipati. **Tathā avijjamānassāti** yathā kusalādīni akusalādisabhāvato, phassādayo ca vedanādisabhāvato vinivattasabhāvāni vijjanti, tathā avijjamānassa ye dhamme upādāya “itthī, puriso”ti upaladdhi hoti, te apanetvā tehi vinivattassa itthi-ādisabhāvassa abhāvato asambhūtassāti attho. Yaṃ panetassa “tenākārena avijjamānassa aññenākārena vijjamānassā”ti atthaṃ keci vadanti, tattha yaṃ vattabbaṃ, taṃ paññattiduke vuttameva. Avijjamānepi sabhāve lokaniruttimānugantvā anabhinivesena cittaṃ “itthī, puriso”ti gahaṇasabbhāvā “**lokaniruttimattasiddhassā**”ti āha. Sābhinivesena pana cittaṃ gayhamānaṃ pañcamasaccādikaṃ na sabhāvato, nāpi saṅketena siddhanti “**sabbākārenapi anupalabbhaneyyan**”ti vuttaṃ. **Tāsu imasmim -palabbhantī**ti imasmim pakaraṇe sarūpato tissannaṃ āgatataṃ sandhāya vuttaṃ.

Yathāvuttassa pana aṭṭhakathāyassa avirodhena ācariyavādā yojetabbā, tasmā **paññapetabbaṭṭhena cesā paññattī**ti etassa sabhāvato avijjamānattā paññapetabbamattaṭṭhena paññattīti attho. Paññapetabbampi hi sasabhāvaṃ tajjaparamattanāmalābhato na parato



labhitabbaṃ paññattināmaṃ labhati, nisabhāvaṃ pana sabhāvābhāvato na attano sabhāvena nāmaṃ labhatīti. Sattoti-ādikena nāmena paññapitabbamattaṭṭhena paññattīti nāmaṃ labhati, nisabhāvā ca sattādayo. Na hi sasabhāvassa rūpādīhi ekattena aññattena vā anupalabbhasabhāvata atthīti.

Kirītaṃ makuṭaṃ, taṃ assa atthīti **kirīṭi**. Etasmiṃca ācariyavāde anūnena lakkhaṇena bhavitabbanti sabbasamorodho kātabbo. Dutiyam tatiyanti evaṃpakārā hi upanidhāpaññatti upanikkhattakapaññatti ca saṅkhātabbappadhānattā chapi paññattiyo bhajatīti yuttaṃ vattum, itarā ca yathāyogaṃ taṃ taṃ paññattinti. Dutiyam tatiyam dve tīṇīti-ādi pana saṅkhā nāma kāci natthīti tāsam upādāsantatipaññattīnaṃ avijjamānapaññattibhāvaṃ, itarāsaṅga upanidhāpaññattīnaṃ yathānidassitānaṃ<sup>1</sup> avijjamānena-avijjamānapaññattibhāvaṃ maññamāno āha “**sesā avijjamānapakkaṅgeva avijjamānena-avijjamānapakkaṅga bhajanti**”ti. Dutiyam tatiyam dve tīṇīti-ādīnaṃ upanidhā- upanikkhattakapaññattīnaṃ avijjamānena-avijjamānapaññattibhāvameva maññati. Yañhi paṭhamādikam apekkitvā yassa cekādikkassa upanikkhipitvā paññāpīyati, taṅca saṅkhānaṃ kiñci natthīti. Tathā santatipaññattiyā ca. Na hi asīti āsītiko ca vijjamānoti.

**Ekaccā bhūmipaññattīti** kāmāvacarādīpaññattim sandhāyāha. Kāmāvacarādī hi sabhāvadhammāti adhippāyo. Kāmoti pana okāse gahite avijjamānenavijjamānapaññatti esā bhavitum arahati, kammanibbattakkhandhesu gahitesu vijjamānenavijjamānapaññatti. Yathā pana vacanasāṅkhātāya vacanasamuṭṭhāpakacetanāsāṅkhātāya vā kiriyāya bhāṇakoti puggalassa paññatti vijjamānena-avijjamānapaññattipakkham bhajati, evaṃ kiso thūloti rūpāyatanasāṅkhātena saṅghānena puggalādīnaṃ paññāpanā vijjamānena-avijjamānapaññatti bhavitum arahati. Saṅghānanti vā rūpāyatane aggahite avijjamānena-avijjamānapaññatti. Rūpaṃ phassoti-ādīkā pana vijjamānapaññatti rupanādikiccavasena kiccapaññattiyam, paccattadhammanāmasena paccattapaññattiyam vā avarodhetabbā. Vijjamānavijjamānapaññattisu ca vuttāsu tāsam

---

1. Yathānissitānaṃ (Ka)

vomissatāvasena pavattā itarāpi vuttāyeva hontīti ayampi ācariyavādo sabbasaṅgāhakoti daṭṭhabbo.

2. **“Yāvatā pañcakkhandhā”**ti-ādikassa attham dassento **“yattakena paññāpanenā”**ti-ādimāha. Tattha **yāvatā pañcakkhandhā**ti yāvatā rūpakkhando -pa- viññāṇakkhandhoti khandhānaṃ khandhapaññatti, ettāvatā khandhānaṃ khandhapaññatti, evaṃ pāḷiyojanaṃ katvā saṅkhepappabhedavasena ayaṃ attho vuttoti veditabbo. **“Yāvatā pañcakkhandhā”**ti, **“khandhānaṃ khandhapaññatti”**ti hi imassa attho **“yattakena paññāpanena saṅkhepato pañcakkhandhāti vā”**ti etena dassito, **“yāvatā rūpakkhando”**ti-ādikassa pana **“pabhedato rūpakkhando”**ti-ādikenāti. Tattha **rūpakkhando -pa- viññāṇakkhandhoti** pabhedanidassanamattametam. Tena avuttopi sabbo saṅgahito hotīti **“tatrāpi rūpakkhando kāmāvacaro”**ti-ādi vuttam. Ayaṃ vā ettha pāḷiyā atthayojanā—**“yāvatā”**ti idaṃ sabbehi padehi yojtvā yattakā pañcakkhandhā, tattakā khandhānaṃ khandhapaññatti. Yattako pañcannaṃ khandhānaṃ tappabhedānaṃ rūpakkhandhādīnaṃ pabhedo, tattako khandhānaṃ khandhapaññattiyā pabhedoti pakaraṇantare vuttena vatthubhedena khandhapaññattiyā pabhedam dasseti. Esa nayo **“yāvatā āyatanānaṃ”**ti-ādīsipi.

7. **Ekadesenevāti** uddesamattenevāti attho.

Mātikāvaṇṇanā niṭṭhitā.

## 2. Niddesavaṇṇanā

### 1. Ekakaniddesavaṇṇanā

1. Jhānaṅgāneva vimokkhoti iminā adhippāyenāha “**vimokkhasahajātena nāmakāyenā**”ti. **Yena hi saddhinti-ādinā** paṭhamam̐ samaṅgibhāvattham̐ vivarati. **Phassenapi phutṭhāyeva nāmāti** etena “apicesā”ti-ādinā vuttam̐ dutiyam̐ samphassena phusanattham̐, itarehi itare kāraṇatthe. Samaṅgibhāvaphusanakāraṇabhāvā hi phusanāti vuttāti. Punapi paṭhamatthameva dubbiññeyyattā vivaranto “**tatrāssā**”ti-ādimāha. **Ṭhapetvā tāni aṅgāni sesā atirekapaṇṇāsadhammāti** ettha vedanāsomanassindriyāni saṅgahitānīti āha “**cattāro khandhā hontī**”ti. Evaṃ sati vedanāsomanassindriyehi sukhasa phusitabbattā tiṇṇaṅca tesam̐ anaññattā teneva tassa phusanā āpajjātīti? Nāpajjati vedayitādhipatiyaṭṭhehi upanijjhāyanabhāvapaṭilābhassa vuttattā. Atha vā **ṭhapetvā tāni aṅgānīti** aṅgānam̐ bahuttā bahuvacanam̐. Tesu pana paccekampi yojanā kātabbā “vitakkam̐ ṭhapetvā”ti-ādinā. Tattha “sukham̐ ṭhapetvā”ti imissā yojanāya sesā tayo khandhā honti, itarāsu cattāroti. Sabbayojanāsu ca tayo anto katvā “**cattāro khandhā hontī**”ti vuttam̐.

2. Yo asamayavimokkhena ekaccehi āsavehi vimutto asamayavimokkhūpanissayaḷābhena ca sātisayena samayavimokkhena, so eva **samayavimutto**. So hi tena vimutto jhānalābhī sekkho rūpārūpabhavato apunarāvaṭṭako kāmarāgādīhi tathāvimuttova hotīti samayavimuttapaññattim̐ laddhum̐ arahati. Puthujjano pana jhānalābhī punarāvaṭṭakadhammo puna kāmarāgādisamudācārabhāvato vimutto nāma na hotīti samayavimuttapaññattim̐ nārahati, tena so “samayavimutto”ti na vutto. Arahato pana aparikkhīṇā āsavā natthi, yato vimucceyya. Diṭṭhadhammasukhavihāramattā hi tassa aṭṭha vimukkhāti. Tasmā tassa na aṭṭha vimokkhā samayavimuttapaññattibhāvassa asamayavimuttapaññattibhāvassa vā kāraṇam̐. Tadakāraṇabhāvameva

dassetum **“na heva kho -pa- viharatī”**ti vuttaṃ, na sukkhavipassakasseva asamayavimuttabhāvaṃ dassetunti daṭṭhabbā. Sabbopi hi arahā asamayavimuttoti. **Bāhirānanti** lokuttarato bahibhūtānaṃ, lokiyānanti attho.

3. Arūpakkhandhanibbānamattavācako arūpasaddo na hotīti dassanattam **“rūpato aññan”**ti-ādi vuttaṃ. **Cittamañjūsanti** samādhiṃ. Abhiññādīnañhi dhammānaṃ pādakabhāvena samādhi mañjūsāsādiso hoti. **Addhānaṃ pharitunti** dīghakālaṃ byāpetum, pavattetunti attho. **“Sammajjitabban”**ti cintetvā tattha ādarassa akatattā vattabhedoti veditabbo. Evaṃ vattabhedamattena naṭṭhā pana samāpatti kāmaccchandādīhi naṭṭhā viya na kicchena paccāharitabbā hoti mandapāripanthakattā<sup>1</sup>, tasmā vattasamitakaraṇamatteneva paccāharitabbattā **“appentova nisīdī”**ti āha.

4. **Attano anurūpena pamādena vītināmentānampi samāpatti na kuppātīti** parihīno nāma na hoti tasmim tasmim byāsaṅge<sup>2</sup> paṭisaṃhaṭamatte samāpajjituṃ samatthatāyāti adhippāyo. “Kissa pana bhante khīṇāsavassa bhikkhuno lābhasakkārasiloko antarāyāyāti? Yā hissa sā ānanda akuppā cetovimutti, nāhaṃ tassā lābhasakkārasilokaṃ antarāyāya vadāmi. Ye ca khvassa ānanda appamattassa ātāpino pahitattassa viharato diṭṭhadhammasukhavihārā adhigatā, tesāhamassa lābhasakkārasilokaṃ antarāyāya vadāmi”ti **sutte**<sup>3</sup> pana samayena samayaṃ āpajjanena pariharitabbānaṃ samāpattisukhavihārānaṃ tasmim tasmim byāsaṅgakāle anipphattito lābhasakkārasiloko antarāyoti vuttoti adhippāyenassa tena avirodho veditabbo.

5. **Dhammānaṃ -pa- pīti** ettha “dhammehī”ti vattabbanṃ. Idha hi tāhi samāpattīhi parihāyeyyāti dhammehi puggalassa parihānampi aparihānampi vuttaṃ. Tattha ca puggalassa pamādamāgama tā samāpattiyo kuppeyyunti dhammānaṃ kuppānaṃ akuppānañca vuttaṃ, puggalassa pana parihānadhammānameva vināsoti vacananānattamattena vacanatthanānattamattena vā pariyāyantaratā vuttāti daṭṭhabbā.

1. Mandapāribandhakattā (Ka)

2. Byābhaṅge (Ka)

3. Saṃ 1. 434 piṭṭhe.

7-8. **Cetanā** samāpatticetanā tadāyūhanā ca. **Anurakkhaṇā** samāpatti-upakārānupakārapariggāhikā paññāsahitā sati. Tāhi cetiyamāna-anurakkhiyamānasamāpattīnaṃ bhābbā cetanābhābbā anurakkhaṇābhābbā.

10. **Puthujjanagottanti** puthujjanasikkhaṃ, puthujjanagatā tisso sikkhā atikkantāti attho. Tā hi saṃyojanattayānupacchedena “puthujjanasikkhā”ti vuccantīti.

11. Arahattamaggaṭṭho ca vaṭṭabhayato paññubbegena ubbijjanto uddhambhāgiyasāmyojanehi uparatoti bhayūparato nāmāti āha “**satta sekkhā bhayūparatā**”ti.

12. Bhavaṅgapaññāviraḥitā “vipākāvaraṇena samannāgatā”ti iminā gahitāti tihetukapaṭisandhikā keci “duppaññā”ti iminā gayhantīti dassento āha “**appaṭiladdhamaggaphalūpanissayā**”ti. Paññāya hi vinā na tadupanissayo atthīti.

14. Yattha niyatāniyatavomissā pavatti atthi, tattheva niyatadhammā honṭīti uttarakurūsu tadabhāvā niyato nāma natthīti dassento “**yā pana uttarakurukānan**”ti-ādimāha.

16. Terasasu sīsesu palibodhasīsādīni pavattasīsāṅca pariyādiyitabbāni, adhimokkhasīsādīni pariyādakāni, pariyādakaphalaṃ gocarasiṃ. Tañhi visayajhattaphalavimokkhoti. Pariyādakassa maggassa phalassa ca ārammaṇaṃ saṅkhārasīsaṃ saṅkhāravivekabhūto nirodhoti pariyādiyitabbānaṃ pariyādakaphalārammaṇaṃ saha viya saṃsiddhidassanena samasīsibhāvaṃ dassetuṃ **paṭisambhidāyaṃ**<sup>1</sup> terasa sīsāni vuttāni. Idha pana “apubbaṃ acarimaṃ āsavapariyādānaṅca hoti jīvitapariyādānaṅcā”ti vacanato tesu kilesapavattasīsānameva vasena yojanaṃ karonto “**tattha kilesasīsan**”ti-ādimāha. Tattha pavattasīsampi vaṭṭato vuṭṭahanto maggo cutito uddhaṃ appavattikaraṇavasena yadipi pariyādiyati, yāva pana cuti, tāva pavattisabbhāvato “**pavattasīsaṃ**

1. Khu 9. 99 piṭṭhe Paṭisambhidāmagge.

**jīvitindriyaṃ cuticittaṃ pariyādiyati**<sup>1</sup>ti āha. Kilesapariyādānena pana attano anantaram viya nipphādetabbā paccavekkhaṇavārā ca kilesapariyādānasseva vārāti vattabbataṃ arahanti. “Vimuttasmiṃ vimuttamiti nāṇaṃ hoti”ti vacanato<sup>1</sup>hi paccavekkhaṇaparisamāpanena kilesapariyādānaṃ samāpitam nāma hoti. Taṃ pana parisamāpanaṃ yadi cuticittena hoti, teneva jīvitaparisamāpanaṃ hotīti imāya vāracutisamatāya kilesapariyādānajīvitapariyādānānaṃ apubbācarimatā hotīti āha “**vārasamatāya**”ti. **Bhavaṅgaṃ otaritvā parinibbāyati**ti ettha parinibbānacittameva bhavaṅgotaraṇabhāvena vuttanti daṭṭhabbaṃ.

17. **Mahāpayogoti** mahākiriyo vipattikaraṇamahāmeghuṭṭhānākāravinaṣo. **Tiṭṭheyyāti** vinaṣo nappavatteyyāti attho.

18. **Araṇiyattāti** payirupāsitaḥabbatā.

20. Yāya katakiccatā hoti, tāya aggavijjāya adhigatāya tevijjatābhāvo nippariyāyatā, sā ca āgamanavasena siddhā sātisayā tevijjatāti āha “**āgamanīyameva dhuraṇa**”ti.

22. **Tattha cāti** nimittatthe bhummaṃ, sabbaññutaññāṇappattiyā ādhārabhāve vā. Tattheva hi sabbaññutaṃ patto nāma hotīti.

23. **Ananussutesu dhammesūti** ca ananussutesu saccesūti attho.

24. “Rūpī rūpāni passaṭi”ti-ādike<sup>2</sup> nirodhasamāpatti-ante<sup>3</sup> aṭṭha vimokkhe vatvā “yato kho ānanda bhikkhu ime aṭṭha vimokkhe kāyena phusitvā viharati, paññāya cassa disvā āsavā parikkhīṇā honti. Ayaṃ vuccati ānanda bhikkhu ubhatobhāgavimutto”ti yadipi mahānidānasutte<sup>4</sup> vuttaṃ, taṃ pana ubhatobhāgavimuttasetṭṭhavasena vuttanti idha kīṭāgirisuttavasena sabba-ubhatobhāgavimuttasaṅgahatthaṃ “**aṭṭha samāpattiyō sahaḥjātanāmākāyena paṭilabhivā viharati**”ti āha.

1. Ma 1. 47; Saṃ 2. 18, 19 piṭṭhesu.

2. Ma 2. 205; Ma 3. 264; Khu 9. 231; Abhi 1. 65 piṭṭhesu.

3. Nirodhasamāpattisutte (Ka) majjhimaṇṇāsake kīṭāgirisuttaṭṭhāyāṃ passitabbaṃ.

4. Dī 2. 60 piṭṭhe.

kīṭāgirisutte hi “idha bhikkhave ekacco puggalo ye te santā vimokkhā atikkamma rūpe āruppā, te kāyena phusitvā viharati, paññāya cassa disvā āsavā parikkhīṇā honti. Ayaṃ vuccati bhikkhave puggalo ubhatobhāgavimutto”<sup>1</sup> arūpasamāpattivasena cattāro ubhatobhāgavimuttā vuttā, ubhatobhāgavimuttasetṭho ca vuttalakkaṇopapattitoti. Kāyasakkhimhipi e seva nayo.

**Paññāya cassa disvā āsavā parikkhīṇā hontīti** na āsavā paññāya passanti, dassanakāraṇā pana parikkhīṇā disvā parikkhīṇāti vuttā. Dassanāyattaparikkhayattā eva hi dassanaṃ purimakiriyā hotīti. **Nāmanissitako esoti** eso ubhatobhāgavimutto rūpato muccitvā nāmaṃ nissāya ṭhito puna tato muccanato “nāmanissitako”<sup>2</sup>ti vatvā tassa ca sādhaṃ suttam vatvā “kāyadvayato suvimuttattā ubhatobhāgavimutto”<sup>2</sup>ti āhāti attho. Sutte hi ākiñcaññāyatanaḷābhino upasīvabrāhmaṇassa bhagavatā nāmakāyā vimuttoti ubhatobhāgavimuttoti muni akkhātoti.

**Paṭhamattheravāde** dvīhi bhāgehi vimutto ubhatobhāgavimutto, **dutiyattheravāde** ubhato bhāgato vimuttoti ubhatobhāgavimuttoti<sup>2</sup>, **tatiyattheravāde** dvīhi bhāgehi dve vāre vimuttoti ayametesam viseso. Tattha **vimuttoti** kilesehi vimutto, kilesavikkhambhanasamucchedanehi vā kāyadvayato vimuttoti attho daṭṭhabbo. **Arūpāvacaram pana nāmakāyato ca vimuttanti** nīvaraṇasaṅkhātanāmakāyato vimuttanti vuttam hoti. Tañhi nīvaraṇadūrībhāvena nāmakāyato rūpaṇhāvikkhambhanena rūpakāyato ca vimuttattā ekadesena ubhatobhāgavimuttam nāma hotīti arahattamaggassa pādakabhūtam ubhatobhāgavimuttanāmalābhassa kāraṇam bhavitum yuttanti adhippāyo.

**25. Etesu hi ekopi aṭṭhavimokkhalābhī nam hotīti**  
ubhatobhāgavimuttabhāvassa kāraṇabhūtam rūpakāyato vimuttam ekampi

1. Ma 2. 143 piṭṭhe.

2. Majjhimaṇṇāsaṭṭikāyaṃ kīṭāgirisuttavaṇṇanā passitabbā.

vimokkham anadhigatoti adhippāyo. Arūpāvacaressu hi ekampi adhigato ubhatobhāgavimuttabhāvakarāṇapaṭilābhato aṭṭhavimokkhekadesena tena taṃnāmadāne samatthena “aṭṭhavimokkhalābhī”tveva vuccati. Tenāha “arūpāvacarajjhānesu panā”ti-ādi.

26. **Phuṭṭhantam sacchikarotī**ti phuṭṭhānam anto phuṭṭhanto, phuṭṭhānam arūpāvacarajjhānānam anantaro kāloti adhippāyo. Accantasamyoge cettha upayogavacanam daṭṭhabbam. Phuṭṭhānantarakālemeva sacchikaroti sacchikātabbopāyenāti vuttam hoti. “Ekamantam nisīdī”ti-ādīsu<sup>1</sup> viya bhāvanapumsakam vā etam. Yo hi arūpajjhānena rūpakāyato nāmakāyekadesato ca vikkhambhanavimokkhena vimutto, tena nirodhasaṅkhāto vimokkho ālocito pakāsito viya hoti, na pana kāyena sacchikato. Nirodham pana ārammaṇam katvā ekaccesu āsavesu khepitesu tena so sacchikato hoti, tasmā so sacchikātabbam nirodham yathā-ālocitam nāmakāyena sacchikarotīti **kāyasakkhī**ti vuccati, na tu vimuttoti ekaccānam āsavānam aparikkhīṇattā.

27. **Diṭṭhattā pattoti** etena catusaccadassanasāṅkhātāya diṭṭhiyā nirodhassa pattatam dīpeti. “Diṭṭhantam patto”ti vā pāṭho, dassanasāṅkhātassa sotāpattimaggañāṇassa anantaram pattoti vuttam hoti. Paṭhamaphalato paṭṭhāya hi yāva aggamaggā diṭṭhippattoti.

28. **Imam pana nayam “no”ti paṭikkhipivāti** ettha diṭṭhippattasaddhāvimuttabhāvappattānam paññānānattam vuttam, na pana yena viśesena so viśeso patto, so vuttoti imam dosam disvā paṭikkhepo katoti daṭṭhabbo. **Āgamatṭhakathāsūti** ca vacanena āgamanīyanānattasanniṭṭhānameva thiram karotīti veditabbam. **Saddahanto vimuttoti** etena sabbathā avimuttassapi saddhāmattena vimuttabhāvam dasseti. **Saddhāvimuttoti** vā saddhāya adhimuttoti attho.

29. **Paññam vā hetīti** paññam sātisayam pavattetīti attho. **Paññā imam puggalam vahatīti** nibbānābhimukham gametīti attho.

---

1. Dī 1. 48 piṭṭhādīsu.



31. **Evaṃ maggakkhaṇepī**ti ayaṃ api-saddo kasmā vutto, nanu ariyena aṭṭhaṅgikena maggena samannāgato maggakkhaṇe eva hotīti tadā eva sotāpanno nāmāti āpannanti? Nāpannaṃ. Maggena hi attanā sadisassa aṭṭhaṅgikassa vā sattaṅgikassa vā phalassa sototi nāmaṃ dinnanti tenapi samannāgatassa sotāpannabhāvato, sotena vā maggena pavattetuṃ aparihīnena phalaṭṭhopi samannāgato eva nāma, na ca tena paṭhamamaggakkhaṇe viya soto samāpajjiyamāno, tasmā samāpannasotattā paṭhamaphalato paṭṭhāya “sotāpanno”ti vattuṃ yutto. Vuttañhi “ye keci bhikkhave mayi aveccappasannā, sabbe te sotāpannā. Tesāṃ sotāpannānaṃ pañcannaṃ idha niṭṭhā, pañcannaṃ idha vihāya niṭṭhā”ti<sup>1</sup>. Tattha dutiyaphalaṭṭhādīnaṃ visuṃ nāmaṃ atthīti paṭhamaphalaṭṭho eva itarehi visesiyamāno “sotāpanno”ti vattuṃ yuttoti so eva idhādhippeto. **Paṭiladdhamaggena bujjhatī**ti etena paṭiladdhamagassa catusaccapaccavekkhaṇādīnaṃ upanissayabhāvaṃ dasseti. Sambodhi paraṃ ayanam nissayo etassāti hi **sambodhiparāyaṇoti**. Dutiyenatthena sambodhi paraṃ ayanam gati etassāti **sambodhiparāyaṇo**.

32. Kevalena kulasaddena mahākulameva vuccatīti āha “mahābhogakulesuyeva nibbattatīti attho”ti.

33. **Khandhabijaṃ nāma** paṭisandhiviññāṇaṃ. **Ihaṭṭhakanijjhānikavaseneva imasmim ṭhāne kathitā**ti sajjhānako ajjhattasaṃyojanasamucchede akatepi anāgāmisabhāgo anāvattidhammo idha gaṇanūpago na hoti, heṭṭhā upari ca saṃsaraṇako kāmabhavagato hīnajiṭṭhānako idha gaṇanūpagoti adhippāyo.

34. **Yaṃ vattabbanti** “dvīhi kāraṇehi tanubhāvo veditabbo”ti-ādi yaṃ vattabbaṃ siyāti attho.

36. **Upapannaṃ vā samanantarā**ti upapannaṃ vā etena puggalena hoti, atha samanantarā ariyamaggaṃ sañjaneti. **Appattaṃ vā vemajjhaṃ āyuppaṃānanti** āyuppaṃāṇaṃ tassa puggalassa vemajjhaṃ appattaṃ hoti, etthantare

---

1. Am 3. 351 piṭṭhe.

ariyamaggaṃ sañjanetīti ayamettha pāli-attho. Aṭṭhakathāyaṃ pana “appatvā pabbataṃ nadi”ti viya **āyuppamāṇaṃ vemajjhaṃ appattaṃ vā hutvā**ti parasaddayoge parato bhūto hutvā saddo vacanasesabhūto payuttoti veditabbo.

37. **Upahaccā**ti etassa upagantvāti attho, tena vemajjhātikamo kālakiriyopagamanañca saṅgahitaṃ hoti. Tena vuttaṃ “**atikkamitvā vemajjhan**”ti-ādi.

40. **Uddhamvāhibhāvenā**ti uddham vahaṭīti uddhamvāhī, taṇhāsotaṃ vaṭṭasotaṃ vā, tassa bhāvo, tena uddhamvāhibhāvenāti vuttaṃ hoti. Avihesu uddhamṣoto yadipi tattha parinibbāyī na hoti, yattha vā tattha vā gantvā parinibbāyatu, parinibbāyino pana tassa asaṅkhāraparinibbāyitā sasaṅkhāraparinibbāyitā ca atthīti tattha dasa anāgāmino vuttā, evaṃ atappādīsipi. **Anupahaccatalā**ti appattalā.

Asaṅkhārasasaṅkhāraparinibbāyīnaṃ lahusālahusagatikā eva parittavipulatiṇakatṭhahjāpakapappaṭikāsadisatā veditabbā, na uppajjitvāva nibbāyanakādihi adhimattatā viya samuddaṃ patvā nibbāyanakato anadhimattatā viya ca antarā upahaccaparinibbāyīhi uddhamṣotato ca adhimattānadhimmattatā. Te eva hi asaṅkhārasasaṅkhāraparinibbāyīnoti. **Tato mahantatareti** vacanaṃ tiṇakatṭhahjāpanasamatthapappaṭikādassanatthaṃ, na adhimattanādhimmattadassanatthanti.

**No cassa no ca me siyā**ti avijjāsaṅkhārādikaṃ hetupañcakaṃ no ca assa, viññāṇādikaṃ idaṃ phalapañcakaṃ vattamānaṃ no ca me siyāti attho. Tena atītabhavasamsiddhito dukkhasamudayato imassa dukkhassa pavattidassanato paccayasamudayaṭṭhena khandhānaṃ udayadassanapaṭipatti vuttā hoti. **Na bhavissati, na me bhavissatī**ti yadi etarahi hetupañcakaṃ na bhavissati, anāgate phalapañcakaṃ na me bhavissatīti attho. Etena paccayanirodhaṭṭhena vayadassanapaṭipatti vuttā hoti, etarahi anāgate ca attattaniyanivāraṇavasena suññatāpaṭipatti vā catūhipi vuttā. **Yadatthī**ti yaṃ atthi. **Bhū**tanti sasabhāvaṃ nibbattaṃ vā yathādiṭṭha-udayabbayaṃ yathādiṭṭhasuññataṃ vā khandhapañcakaṃ parikappita-itthipurisasattādi bhāvarahitaṃ nāmarūpamattanti attho. Vivaṭṭānupassanāya vivaṭṭamānaso taṃ bhūtaṃ

pajahāmīti **upekkham paṭilabhati**, saṅkhārupekkhāññāṇena upekkhako hotīti vuttaṃ hoti.

**Bhave na rajjati, sambhave na rajjatīti** avisiṭṭhe visiṭṭhe ca bhave na rajjatīti keci vadanti. Paccuppanno pana bhavo **bhavo**, anāgato jātiyā gahaṇena gahito **sambhavoti** veditabbo. Atha vā **bhavoti** bhūtameva vuccati, **sambhavo** tadāhāro, tasmim dvaye na rajjatīti sekkhapaṭipattiṃ dasseti. Bhūte hi sasambhave ca virāgo sekkhapaṭipatti. Yathāha “bhūtamidanti bhante yathābhūtaṃ sammappaññāya passati, bhūtamidanti yathābhūtaṃ sammappaññāya disvā bhūtassa nibbidāya virāgāya nirodhāya paṭipanno hoti. Tadāhārasambhavanti yathābhūtaṃ -pa- disvā tadāhārasambhavassa nibbidāya -pa- paṭipanno hoti. Tadāhāranirodhāya yaṃ bhūtaṃ, taṃ nirodhadhammanti yathābhūtaṃ -pa- disvā nirodhadhammassa nibbidāya virāgāya nirodhāya paṭipanno hoti. Evaṃ kho bhante sekkho hotī”<sup>1</sup>. **Athuttarīti** atha evaṃ arajjamāno uttari santaṃ padaṃ nibbānaṃ anukkamena maggapaññāya sammā passati, tañca khvassa padaṃ na sabbena sabbam sacchikataṃ catutthamaggeneva sacchikātabbassa tassa tena asacchikatattā.

Ekakaniddesavasannaṇā niṭṭhitā.

## 2. Dukaniddesavaṇṇanā

63. Kassaci kilesassa avikkhambhitattā kassaci kathañca avimutto kāmabhavo ajjhattaggahaṇassa visesapaccayoti ajjhattaṃ nāma. Tattha bandhanaṃ ajjhattasaṃyojanaṃ, tena sampayutto **ajjhattasaṃyojano**.

83. Kāraṇena vinā pavattahitacitto **akāraṇavacchalo**. Anāgatampi payojanaṃ apekkhamāno purimaggahitaṃ taṃ kataṃ upādāya kataññū eva nāma hoti, na pubbakārīti āha “**karissati me**”<sup>1</sup>ti-ādi. **Tamojotiparāyaṇo** puññaphalaṃ anupajivanto eva puññāni karotīti “**pubbakārī**”<sup>1</sup>ti vutto. “**Ṇam demī**”<sup>1</sup>ti **saññaṃ karotīti** evaṃsaññaṃ akarontopi karonto viya hotīti attho.

1. Saṃ 1. 281 piṭṭhe.

86. **Acchamaṃsaṃ labhitvā sūkaramaṃsanti na kukkucāyatīti** acchamaṃsanti jānantopi sūkaramaṃsanti na kukkucāyati, madditvā vītikkamatīti vuttaṃ hoti.

90. **Titthoti** niṭṭhitakiccatāya nirussukko.

Dukaniddesavaṇṇanā niṭṭhitā.

### 3. Tikaniddesavaṇṇanā

91. **Sesasaṃvarabhedenāti** manosaṃvarabhedena, satisaṃvarādibhedena vā. **Akusalasīlasamannāgamenāti** “katame ca thapati akusalā sīlā? Akusalaṃ kāyakammaṃ akusalaṃ vacīkammaṃ pāpako ājīvo”<sup>1</sup> ti<sup>1</sup> vuttehi samannāgamaena. **Tassa hi -pa- evaṃ sāsāṅkasamācāro hotīti** evaṃ sāsāṅko samācāro hotīti attho.

94. Samānavisayānaṃ puggalānaṃ visesadassanavasena “**kāyasakkhī**”ti-ādikāṃ vuttaṃ.

107. **Samādhi vā ādīti** lokuttaradhammā hi paramatthato sāsānanti tadattho pāḍakasamādhi tassa ādi vutto, tadāsannattā **vipassanā**, tassa mūlekadesattā **maggo**.

108. **Ucchaṅgo viya ucchaṅgapañño puggalo daṭṭhabboti** ucchaṅgasadisapaññatāya eva paññā viya puggalopi ucchaṅgo viya hoti, tasmim dhammānaṃ aciraṭṭhānatoti adhippāyena vuttaṃ. Vakkhati hi “**ucchaṅgasadisapaññoti-attho**”ti.

109. Yathā ca ucchaṅgasadisā paññā, evaṃ nikkujjakumbhasadisā paññā evāti daṭṭhabbo tattha dhammānaṃ anavaṭṭhānato.

113. Ciraṭṭhānato thiraṭṭhānato ca pāsāṅalekhasadisā parāparādhanibbattā kodhalekhā yassa so pāsāṅalekhūpamasamannāgato **pāsāṅalekhūpamoti** vutto, evaṃ itarepi.

---

1. Ma 1. 217 piṭṭhe.

118. Sutādivatthurahito tucchamāno naḷo viyāti “naḷo”ti vuccati, so uggato naḷo etassāti **unnaḷo**.

122. “Sīlakathā ca no bhavissatī”ti ettha vuttam sīlakathābhavanam paṭhamārambhopi dussīlena saha na hotīti dassento āha “**neva sīlakathā hotī**”ti.

123. **Tattha tatthā**ti tasmim tasmim anuggahetabbe paññāya sodhetabbe ca vaḍḍhetabbe ca adhikasīlam nissāya uppannapaññāya anuggaṇhāti nāmāti attho.

124. **Gūthakūpo viya dussīlyanti** etena dussīlyassa gūthasadisattameva dasseti.

130. **No ca sammā paññapetuṃ sakkontī**ti yebhuyyena na sakkontīti imamattham sandhāya vuttam, uppanne tathāgate tasmim anādariyam katvā samāpattim uppādetuṃ vāyamantassa asamatthabhāvam vā. **Titthiyā vā** pūraṇādayo adhippetā.

Tikaniddesavaṇṇanā niṭṭhitā.

#### 4. Catukkaniddesavaṇṇanā

133. Parena katam dussīyam āṇattiyā attanā ca payogena katanti āṇattiyā pāpassa dāyādo “**tato upaḍḍhassa dāyādo**”ti vutto.

145. **Ayanti** “tesu paṭhamo”ti-ādikaṃ nayaṃ vadati.

148. Desanāya dhammānam ñāṇassa āpāthabhāvasampādanam **ñāṇugghāṭanam**. Saha udāhaṭavelāyāti udāhaṭavelāya saddhim tasmim kāle anatikkante evāti attho.

152. **Tanti** anantaravacanam vadati. “Katamo loko”ti vutte “pañcupādānakkhandhā”ti mahantaṃ attham saṅgahitvā ṭhitavacanam **atthayuttam**. Lujjati lokoti **kāraṇayuttam**.

156. **Sahitāsahitassā**ti sahitāsahiteti attho, sahitāsahitassa paricchindaneti vā. **Dveyevā**ti dutiyacatutthāyeva. Desakasāvakasampattiyā bodhetum samatthatāya **sabhāvadhammakathikā**, saccadhammakathikāti attho.

157. Kusaladhammehi cittassa vāsanābhāvanā **vāsadhuraṃ**. **Ayaṃ pāpapuggaloti** catuttho vutto, na paṭhamo. Paṭhamo hi avisaṃvādetukāmo verañjabrāhmaṇasadiṣo adhippetoti.

159. **Puggalepi ariyānaṃ abhikkamanādisadisatā**ti puggale abhikkamanādīnaṃ ariyānaṃ abhikkamanādisadisatāti attho, ariyānaṃ abhikkamanādīnā puggalassa sadisatāti vā sadisābhikkamanāditāti attho.

166. Dussīlaṃ “dussīlo”ti vadanto **bhūtaṃ bhāsati** nāma. Pāṇātipātena dussīlaṃ adinnādānena dussīloti avatvā pāṇātipātenevāti vadanto **taccharaṃ bhāsati** nāma. Yamidaṃ “kālenā”ti vuttaṃ, tatra tasmim vacane, yo “kālena bhaṇati”ti vutto, so kīdisoti dassanatthaṃ “kālaññū hotī”ti-ādi vuttanti dassento “yamidaṃ kālenāti vuttaṃ, tatra yo puggalo”ti-ādimāha.

168. **Āgamanavipatti** nāma kammaṃ, **pubbuppannapaccayavipatti** sukkasoṇitaṃ. Pavatte, pavattassa vā paccayā **pavattapaccayā**, āhārādayo. Jotetīti **joti**, āloko. Kulasampattiyādīhi<sup>1</sup> jotamāno ca joti viyāti **joti**.

173. Pahīnāvasiṭṭhakilesapaccavekkhaṇāpi yehi kilesehi vimutto avimutto ca, tesam dassanavasena vimuttidassanameva hotīti āha “**vimuttiñāṇadassanaṃ ekūnavīsatividhaṃ paccavekkhaṇāñāṇaṃ**”ti.

174. **Yāni kānici tantāvutānanti**<sup>2</sup> tantāvutānaṃ vatthānaṃ yāni kānici vatthānīti vuttaṃ hoti. Sāyaṃ tatiyaṃ assāti **sāyatatiyo**. Anuyuñjanaṃ **anuyogo**. Taṃ **anuyuttoti** upayogavacanaṃ daṭṭhabbaṃ, bhāvanapumsakaṃ vā.

1. Kusalappavattiyādīhi (Ka)

2. Tantāvutānīti (Ka)

178. **Tattha sikkhanabhāvenā**ti sikkhāya sājīve ca sikkhanabhāvena. **Sikkham** paripūrentoti sīlasamvaram paripūrento. **Sājīvañca avītikkamantoti** “nāmakāyo padakāyo niruttikāyo byañjanakāyo”<sup>1</sup>ti vuttam sikkhāpadam bhagavato vacanam avītikkamanto hutvāti attho. Idameva ca dvayam “sikkhanan”<sup>2</sup>ti vuttam. Tattha sājīvānatikkamo sikkhāparipūriyā paccayo. Tato hi yāva maggā samvarapāripūrī hotīti. **Vināsanabhāvato**ti himsanabhāvato. **Haliddirāgo viya na thirakatho hotīti** ettha kathāya aṭṭhitabhāvena haliddirāgasadisatā veditabbā, na puggalassa.

179. **Dārumāsakoti ye vohāram gacchantīti iti**-saddena evampakāre dasseti. **Aññam dassetvā aññassa parivattananti** dasagghanakam vatthayugam dassetvā tassa ajānantassa pañcagghanakassa dānam.

181. **Avikiṇṇasukhanti rūpādīsu** subhādiparikappanasena avisaṭasukham.

187. Khandhadhammesu aniccādivasena pavattā vipassanā maggaphalalābhena paṭiladdhā nāma hoti tadalābhena anavaṭṭhānatoti maggaphalalābhī eva “adhipaññādhammavipassanālābhī”<sup>3</sup>ti vutto, maggaphalāññameva ca adhipaññābhāvato catusaccadhamme sabbadhammassa vare nibbāne eva vā visiṭṭhadassanabhāvato ca **adhipaññādhammavipassanā**ti daṭṭhabbā.

189. **Sutena anupapannoti** yathāsutena vā atthena vā na samannāgatoti attho.

Catukkaniddesavaṇṇanā niṭṭhitā.

## 5. Pañcakaniddesavaṇṇanā

191. Paṭhamapañcake uddeseneva puggalavibhāgo viññāyatīti yathā tesu paṭipajjitabham, tāya paṭipattiyā te vibhajanto “**tatra yvāyan**”<sup>4</sup>ti-ādimāha. **Ārambhasaddoti** ārambhakiriyāvācako saddoti attho.

1. Vi-Ṭṭha 1. 187 piṭṭhe.

Phaluppattiyā maggakiccam̐ niṭṭhitaṃ hotīti “**maggakiccavasena phalameva vuttan**”ti āha. **Āyācanasādhūti** na pasamsanādisādhūti attho.

192. Ādito dheyyaṃ ṭhapetabbaṃ **ādheyyaṃ**, dassanasavanapaṭivacanadānavasena mukhena viya pavattaṃ gahaṇaṃ **mukhanti** daṭṭhabbaṃ. Taṃ mukhaṃ ādheyyaṃ, gahaṇatthaṃ pakatimukhameva vā ādheyyaṃ yassa so **ādheyyamukho**, avicāretvā ādikathāya eva ṭhapitagahaṇoti vuttaṃ hoti.

194. **Rajaggasminti** rajaggabhāve.

199. Gavā khīraṃ aggamakkhāyatīti na evaṃ sambandho, uppattito pana pañca gorase dassetvā tesu sappimaṇḍassa aggabhāvadassanatthaṃ “**gavākhīran**”ti-ādi vuttaṃ. Tenāha “**gāvito khīraṃ nāma hotī**”ti-ādi.

Pañcakaniddesavaṇṇanā niṭṭhitā.

## 6. Chakkaniddesavaṇṇanā

202. Chakke ekantato pākaṭā sammāsambuddhādayo te yathāvuttaguṇā puggalāti dassento “**sammāsambuddho tena daṭṭhabbo**”ti-ādimāha. Tattha **tenāti** sāmaṃ saccābhisamayo tattha ca sabbaññutappattibalesu ca vasibhāvappattīti etena sabbena samuditena. “Sabbaññutaññāṇenā”ti pana vutte sabbamidaṃ saṅgahitaṃ hoti sāmaṃ saccābhisamayena balesu ca vasibhāvappattiyā ca vinā sabbaññutaññāṇassa abhāvā, tasmā aṭṭhakathāyaṃ “**sabbaññutaññāṇenā**”ti ettakameva vuttaṃ. Tattha **anācariyakena attanā uppāditenāti** vacanena sabbaññutaññāṇassa sācariyakattaṃ parato uppattīṇca paṭisedheti, na sācariyakaṃ parehi uppāditaṇca sabbaññutaññāṇaṃ. Na hi taṃ tādisaṃ nivāretabbaṃ atthīti.

Chakkaniddesavaṇṇanā niṭṭhitā.



### 7. Sattakaniddesavaṇṇanā

203. **Saddhā nāma sādhumaddhikāti ummujjati**ti etena kusalesu dhammesu antogadhā, bodhipakkhiyadhammesu vā adhimokkhabhūtā saddhā sādhiṭi ummujjamānaṃ kusalaṃ dasseti, evaṃ **hiri**yādīsu ca. **Kusalesu dhammesū**ti ettha bhummaniddeso tadantogadhatāya tadupakāratāya vā veditabbo. Ettha ca **ummujjati sāhu saddhā kusalesu dhammesū**ti-ādinā saddhādīnaṃ ummujjanapaññāya saddhādīnaṃ uppattim dasseti. Teneva “**tassa sā saddhā neva tiṭṭhati**”ti-ādi vuttam. “**Sāhu saddhā kusalesu dhammesū**”ti vā ummujjanassa upakāraṃ ānisaṃsadassanaṃ vatvā “**ummujjati**”ti etena saddhāsaṅkhātameva ummujjanaṃ dassitanti veditabbaṃ. **Caṅkavāre**ti rajakānaṃ khāraparisāvane. Ekakammanibbattā paṭisandhibhavaṅgacutisantati eko cittavāroti cutito anantaro yathāgahito dutiyo hotīti-āha “**dutiya**cittavārenā”ti. Ummujjitvā ṭhitādayo cattāro tāya tāya jātiyā arahattaṃ asacchikarontā aneke puggalā veditabbā, sacchikaronto pana ekopi pubbabhāge tatiyapuggalādibhāvaṃ āpajjitvā ante sattamapuggalo hotīti.

Sattakaniddesavaṇṇanā niṭṭhitā.

### 10. Dasakaniddesavaṇṇanā

209. **Pañcannaṃ idha niṭṭhā, pañcannaṃ idha vihāya niṭṭhāti** ettha ye sotāpannādayo rūpārūpabhava upapajjitvā parinibbāyissanti, te idha vihāya niṭṭhāpakkhaṃ bhajamānāpi ajjhattasāmyojanānaṃ asamucchinnattā puthujjanasādhāraṇe ca ṭhāne upapattiyā na gahitā. Asādhāraṇaṭṭhānuppattivasena pana antarāparinibbāyī-ādayo eva “idha vihāya niṭṭhā”ti vuttāti veditabbāti.

Dasakaniddesavaṇṇanā niṭṭhitā.

**Puggalapaññattipakaraṇamūlaṭīkā samattā.**



# Kathāvatthupakaraṇamūlaṭīkā

Namo tassa Bhagavato Arahato Sammāsambuddhassa.

## Ganthārambhakathāvaṇṇanā

**Kathānam vatthubhāvatoti** kathāsamudāyassa pakaraṇassa attano ekadesānam okāsbhāvaṃ vadati. Samudāye hi ekadesā antogadhāti. Yena pakārena saṅkhepena adesayi, taṃ dassento “**mātikāṭhapaneneva ṭhapitassā**”ti āha.

## Nidānakathāvaṇṇanā

**Anupādisesāya nibbānadhātuyā parinibbāyīti** parinibbānameva parinibbānassa parinibbānantarato visesanattham karaṇabhāvena vuttam. Yāya vā nibbānadhātuyā adhigatāya pacchimacittam appaṭisandhikam jātam, sā tassa appaṭisandhivūpasamassa karaṇabhāvena vuttāti. **Dubbalapakkhanti** na kāḷāsokam viya balavantam, atha kho ekamaṇḍalikanti vadanti. Dhammavādī-adhammavādīvisesajananasamatthāya pana paññāya abhāvato dubbalatā vuttā. **Tesaṃyevāti** bāhuliyānameva, bahussutikātipi nāmam. **Bhinnakāti** mūlasaṅgītito mūlanikāyato vā bhinnā, laddhiyā suttantehi liṅgākappehi ca visadisabhāvaṃ gatāti attho.

**Mūlasaṅgahanti** pañcasatikasaṅgītim. **Aññatra saṅgahitāti**-ādīsu dīghādīsu aññatra saṅgahitato suttantarāsito taṃ taṃ suttam nikkacchitvā aññatra akariṃsūti vuttam hoti. Saṅgahitato vā aññatra asaṅgahitam suttam aññatra katthaci akariṃsu, aññam vā akariṃsūti attho. **Attham dhammañcāti** pāḷiyā attham pāḷiṅca. **Vinaye nikāyesu ca pañcasūti** vinaye ca avasesapañcanikāyesu ca.

“Dvepānanda vedanā vuttā mayā pariyāyena”<sup>1</sup> ādi **pariyāyadesitaṃ**. Upekkhāvedanā hi santasmim paṇite sukhe vuttā bhagavatāti ayañhettha pariyāyo. “Tisso imā bhikkhave vedanā sukhā dukkhā upekkhā vedanā”<sup>2</sup> ādi **nippariyāyadesitaṃ**. Vedanāsabhāvo hi tividhoti ayamettha nippariyāyatā. “Sukhāpi vedanā aniccā saṅkhatā”<sup>3</sup> ādi **nītatthaṃ**. “Yaṃ kiñci vedayitaṃ, sabbaṃ taṃ dukkhaṃ”<sup>4</sup> ādi **neyyatthaṃ**. “Tīhi bhikkhave ṭhānehi jambudīpakā manussā uttarakuruke ca manusse adhiggaṇhanti deve ca tāvatimse”<sup>5</sup> ādikāṃ **aññaṃ sandhāya bhaṇitaṃ** gahetvā **aññaṃ atthaṃ ṭhapayimsu**. “Natthi devesu brahmacariyavāso”<sup>6</sup> ādikāṃ suttañca aññaṃ sandhāya bhaṇitaṃ atthañca aññaṃ ṭhapayimsūti evamettha attho daṭṭhabbo. “Atthekacco puggalo attahitāya paṭipanno”<sup>7</sup> ādi **byañjanacchāyāya** saṅhasukhumaṃ suññatādi-**atthaṃ bahuṃ vināsayuṃ**.

**Vinayagambhīranti** vinaye gambhīrañca ekadesaṃ chaḍḍetvāti attho. Kilesavinayena vā gambhīraṃ ekadesaṃ suttaṃ chaḍḍetvāti attho. **Patirūpanti** attano adhippāyānurūpaṃ **suttaṃ**, suttapatirūpakaṃ vā asuttaṃ. Ekacce aṭṭhakathākaṇḍameva vissajjimsu, ekacce sakalaṃ abhidhammapiṭakanti āha **“atthuddhāraṃ abhidhammaṃ chappakaraṇaṃ”**ti. Kathāvatthussa savivādattepi avivādāni chappakaraṇāni paṭhitabbāni siyuruṃ, tāni nappavattantīti hi dassanatthaṃ **“chappakaraṇaṃ”**ti vuttanti. Tatiyasaṅgītito vā pubbe pavattamānānaṃ vasena **“chappakaraṇaṃ”**ti vuttaṃ. **Aññānti** aññāni abhidhammapakaraṇādīni. **Nāmanti** yaṃ buddhādipaṭisaṃyuttaṃ na hoti mañjusirīti-ādikaṃ, taṃ nikāyanāmaṃ. **Liṅganti** nivāsanapārūpanādivisesakataṃ saṅṭhānavisesaṃ. Sikkādikāṃ **parikkhāraṃ**. **Ākappo** ṭhānādīsu aṅgaṭṭhapanaviseso daṭṭhabbo. **Karaṇanti** cīvarasibbanādikiccaviseso.

**Saṅkantikassapikena** nikāyena vādena vā bhinnā **saṅkantikā**ti attho. **Saṅkantikānaṃ** bhedaṃ **suttavādī anupubbena bhijjatha** bhijjimsūti attho. **Bhinnavādenā**ti bhinnā vādā etasminti bhinnavādo, tena

1. Ma 2. 60 piṭṭhe.

2. Saṃ 2. 407 piṭṭhe.

3. Dī 2. 57 piṭṭhe.

4. Saṃ 1. 285 piṭṭhe.

5. Aṃ 3. 198 piṭṭhe.

6. Abhi 4. 81 piṭṭhe.

7. Abhi 3. 109 piṭṭhe.

abhinnena theravādena saha aṭṭhārasa hontīti vuttaṃ hoti. **Bhinnavādenā**ti vā bhinnāya laddhiyā aṭṭhārasa honti, te sabbepi sahāti attho. **Thera vādānamuttamoti** ettha **thera**-iti avibhattiko niddeso. Therānaṃ ayanti thero. Ko so? Vādo. Thero vādānamuttamoti ayamettha attho.

Uppanne vāde sandhāya “**parappavādamathanan**”ti āha. Āyatim uppajjanakavādānaṃ paṭisedhanalakkhaṇabhāvato “**āyatilakkhaṇan**”ti vuttaṃ.

Nidānakathāvaṇṇanā niṭṭhitā.

## Mahāvagga

### 1. Puggalakathā

#### 1. Suddhasaccikaṭṭha

##### 1. Anulomapaccanīkavaṇṇanā

1. Māyāya amaṇi-ādayo maṇi-ādi-ākārena dissamānā “māyā”ti vuttā. Abhūtena maṇi-udakādi-ākārena gayhamānā māyāmarīci-ādayo abhūtaññeyyākārattā asaccikaṭṭhā. Yo tathā na hoti, so saccikaṭṭhoti dassento āha “**māyā -pa- bhūtattho**”ti. Anussavādivasena gayhamāno tathāpi hoti aññathāpīti tādiso ñeyyo na paramattho, attapaccakkho pana paramatthoti dassento āha “**anussavā -pa- uttamattho**”ti.

**Chalavādassāti** atthīti vacanasāmaññena atthīti vuttehi rūpādīhi sāmaññavacanassāti adhippāyo. “So sacci -pa- laddhiṃ gahetvā āmantāti paṭijānāti”ti vacanato pana “chalavādassā”ti na sakkā vattum. Na hi laddhi chalanti. **Okāsaṃ adadamānoti** paṭiṭṭhaṃ pacchindanto. Yadi saccikaṭṭhena upalabbhati, rūpādayo viya upalabbheyya, tathā anupalabbhanīyato na tava vādo tiṭṭhatīti nivattentoti adhippāyo. **Taṃ sandhāyāti** “yo saccikaṭṭho”ti ettha vutto yo saccikaṭṭho, sosappaccayādibhāvena dīpito “rūpañca-upalabbhati”ti-ādīsu āgato dhammappabhedoti dasseti.

“**Tena saccikaṭṭhaparamatthenā**”ti vatvā “**tenākārenā**”ti vadato ayamadhippāyo—saccikaṭṭhaparamatthākārena upalabbhamānaṃ saccikaṭṭhaparamatthena upalabbhamānaṃ nāma hotīti. Aññathā tatoti tassa tenākārenāti vattabbaṃ siyā. Ko panetissā purimapucchāya ca visesoti? Purimapucchāya sattapaññāsavidho dhammappabhedo yathā bhūtena sabhāvatthena upalabbhati, evaṃ puggalo upalabbhatīti vuttaṃ. Idha pana bhūtasabhāvatthena upalabbhamāno so dhammappabhedo yena ruppanādisappaccayādi-ākārena upalabbhati, kiṃ tenākārena

puggalopi upalabbhatīti esa vireso. Yathā pana rūpaṃ viya bhūtasabhāvatthena upalabbhamānā vedanā na ruppanākārena upalabbhati, evaṃ dhammappabhedo viya bhūtasabhāvatthena upalabbhamāno puggalo na ruppanādisappaccayādi-ākārena upalabbhatīti sakkā paravādinā vattunti acodaṇīyaṃ etaṃ siyā. Avajānanañca tassa yuttanti niggaho ca na kātabbo. Dhammappabhedato pana aññassa saccikaṭṭhassa asiddhattā dhammappabhedākāreneva codeti. Avajānaneneva niggahaṃ dasseti. Anujānanāvajānanapakkhā sāmāññavisesehi paṭiññāpaṭikkhepapakkhā anulomapaṭilomapakkhā paṭhamadutiyanayāti ayametesam vireso veditabbo.

“**Tena vata re vattabbe**”ti vadanto vattabbassa avacane dosaṃ pāpetīti iminā adhippāyena “**niggahassa pāpitattā**”ti vuttanti daṭṭhabbam. “**Evametaṃ niggahassa ca anulomapaṭilomato catunnaṃ pāpanāropanaṅca vuttattā upalabbhatīti-ādikaṃ anulomapañcakaraṃ nāmā**”ti vuttam, anulomapaṭilomato pana dvīhi ṭhapanāhi saha sattakena bhavitabbam, tamvajjane vā kāraṇam vattabbam. Yaṃ pana vakkhati “ṭhapanā nāma paravādīpakkhassa ṭhapanato ‘ayaṃ tava doso’ti dassetum ṭhapanamattameva hoti, na niggahassa vā paṭikammaṃ vā pākaṭabhāvakaraṇaṃ”ti<sup>1</sup>. Tenādhippāyena idhāpi ṭhapanādvyayaṃ vajjeti. Yathā pana tattha paṭikammaṃ pañcakabhāvaṃ avatvā paṭikammacatukkabhāvaṃ vakkhati, evamidhāpi niggahacatukkabhāvo vattabbo siyā. Suddhikaniggahassa pana niggahappadhānattā uddesabhāvena vutto niggahova visum vuttoti daṭṭhabbo. Ye pana “ayathābhūtaniggahattā tattha paṭikammaṃ visum na vuttan”ti vadanti, tesam dutiye vādamukhe niggahacatukkabhāvo paṭikammaṃ pañcakabhāvo ca āpajjati.

2. **Attanā adhippetam saccikaṭṭhamevā**ti sammutisaccam sandhāyāti adhippāyo. Vakkhati hi “suddhasammutisaccam vā paramatthamissakam vā sammutisaccam sandhāya ‘yo saccikaṭṭho’ti puna anuyogo paravādiṣṣā”ti<sup>2</sup>. Tattha yadi paravādinā attanā adhippetasaccikaṭṭho sammutisaccam, sammutisaccākārena puggalo upalabbhatīti vadantena samānaladdhiko nappaṭisedhitabbo, kathā evāyaṃ nārabhitabbā. Atha sakavādinā

1. Abhi-Ṭṭha 3. 115 piṭṭhe.

2. Abhi-Ṭṭha 3. 117 piṭṭhe.

attanā ca adhippetasaccikaṭṭhaṃyeva sandhāya paravādī “yo saccikaṭṭho”ti-  
**ādimāhāti** ayamatto. Sakavādinā sammutisaccaṃyeva saccikaṭṭhoti  
 adhippetanti āpajjati. Yadi ubhayaṃ adhippetam, puna  
 “sammutisaccaparamatthasaccāni vā ekato katvāpi evamāhā”ti na vattabbaṃ  
 siyāti. Yadi ca dvepi saccāni saccikaṭṭhaparamatthā, saccikaṭṭhekadesena  
 upaladdhiṃ icchantena “puggalo upalabbhati saccikaṭṭhaparamatthenā”ti-ādi  
 anuyogo na kātabbo, na ca saccikaṭṭhekadesena anuyogo yutto. Na hi  
 vedayitākārena upalabbhamānā vedanā ruppanākārena upalabbhatīti  
 anuyuñjītabbā, na ca paravādī ruppanādisabhāvaṃ puggalaṃ icchati, atha  
 kho saccikaṭṭhaparamatthamevāti. Paramatthasaccato aññasmim saccikaṭṭhe  
 vijjamāne nāssa paramatthasaccatā anuyuñjītabbā. Asaccikaṭṭhe  
 saccikaṭṭhavohāraṃ āropetvā taṃ sandhāya pucchati vadantānaṃ  
 voharitasaccikaṭṭhassa attanā adhippetasaccikaṭṭhatā na yuttā.  
 Voharitaparamatthasaccikaṭṭhānañca dvinnam saccikaṭṭhabhāve vuttanayova  
 doso. Sammutisaccākārena upalabbhamānañca bhūtasabhāvatthena  
 upalabbheyya vā na vā. Yadi bhūtasabhāvatthena upalabbhati, puggalopi  
 upalabbhati saccikaṭṭhaparamatthenāti anujānanto nānuyuñjītabbo. Atha na  
 bhūtasabhāvatthena, taṃvinimutto sammutisaccassa  
 saccikaṭṭhaparamatthākāro na vattabbo asiddhattā. Vakkhati ca “yathā  
 rūpādayo paccattalakkhaṇasāmaññalakkhaṇavasena atthi, na evaṃ  
 puggalo”ti tasmā maggitabbo ettha adhippāyo.

**Dvinnam saccānanti** ettha saccadvayākārena anupalabbhanīyato  
 anuññeyyametaṃ siyā, na vā kiñci vattabbaṃ. Yathā hi ekadesena  
 paramatthākārena anupalabbhanīyatā anujānassa na kāraṇaṃ, evaṃ  
 ekadesena sammutiyākārena upalabbhanīyatā paṭikkhepassa cāti maggitabbo  
 etthāpi adhippāyo. **Nupalabbhatīti vacanasāmaññamattanti** nupalabbhatīti  
 idameva vacanaṃ anuññātaṃ paṭikkhittañcāti etaṃ chalavādaṃ nissāyāti  
 adhippāyo. Yathā **upalabbhatīti** etasseva anujānanaṃ paṭikkhepehi ahaṃ  
 niggahetabbo, evaṃ **nupalabbhatīti** etasseva anujānanaṃ paṭikkhepehi tvanti  
 evaṃ sambhavantassa sāmaññena asambhavantassa kappanaṃ panettha  
 chalavādo bhavituṃ arahati. Tena nupalabbhatīti vacanasāmaññamattaṃ  
 chalavādassa kāraṇattā “chalavādo”ti vuttanti daṭṭhabbaṃ.  
 Vacanasāmaññamattañca



chalavādañca nissāyāti vā attho. Thapanā niggahappaṭīkammānaṃ pākaṭabhāvakaraṇaṃ na hotīti idaṃ vicāretabbaṃ. Na hi pakkhaṭṭhapenena vinā purimaṃ anujānitvā pacchimassa avajānanaṃ, pacchimaṃ vā avajānantassa purimānujānanaṃ micchāti sakkā āropetunti.

3. **Tavāti, paṭijānantanti** ca paccatte sāmi-upayogavacanānīti adhippāyena “**tvaṃyeva paṭijānanto**”ti āha.

4-5. **Catūhi pāpanāropanāhi niggahassa upanītattāti** “dunniggahitā ca homa, hañci”ti-ādinā tayā mama kato niggaho, mayā tava kato niggaho viya micchāti evaṃ tena anulomapañcake catūhi pāpanāropanāhi katassa niggahassa tena niyāmena dukkaṭabhāvassa attanā kataniggahena saha upanītattā aniggahabhāvassa vā upagamitattāti attho daṭṭhabbo. Evameva **tena hi yaṃ niggaṇhāsi hañci -pa- idaṃ te micchāti** etassa aniggahabhāvanigamanasseva niggamanacatukkatā<sup>1</sup> veditabbā.

Anulomapaccanīkavaṇṇanā niṭṭhitā.

## 2. Paccanīkānulomavaṇṇanā

7-10. “**Attano laddhiṃ nissāya paṭiññā paravādissā**”ti vatvā puna “**paramatthavasena puggalassa abhāvato paṭikkhepo paravādissā**”ti vuttam. Tatrāyaṃ paṭikkhepo attano laddhiyā yadi kato, paramatthato aññena saccikaṭṭhaparamatthena puggalo upalabbhatīti ayamassa laddhīti āpajjati. Tathā ca sati nāyaṃ sammutisaccavasena upaladdhiṃ icchantena niggahetabbo. Atha attano laddhiṃ niggūhitvā parassa laddhivasena paṭikkhipati, purimapaṭiññāya avirodhitattā na niggahetabbo. Na hi attano ca parassa ca laddhiṃ vadantassa doso āpajjatīti. Attano pana laddhiyā paṭijānitvā paraladdhiyā paṭikkhipantena attano laddhiṃ chaḍḍetvā paraladdhi gahitā hotīti niggahetabboti ayamettha adhippāyo siyā.

Paccanīkānulomavaṇṇanā niṭṭhitā.

Suddhasaccikaṭṭhavaṇṇanā niṭṭhitā.

---

1. Nigamanacatukkatā (Ka)

## 2. Okāsasaccikaṭṭha

### 1. Anulomapaccanīkavaṇṇanā

11. **Sabbatthā**ti sabbasmim sarīreti ayamatthoti dassento āha “**sarīraṃ sandhāyā**”ti. **Tatthā**ti tasmim saṅkhittapāṭhe. **Yasmā sarīraṃ sandhāya “sabbattha na upalabbhatī”**ti vutte sarīrato bahi upalabbhatīti āpajjati. **Tasmā paccanīke paṭikkhepo sakavādissāti** etena na kenaci sabhāvena puggalo upalabbhatīti ayamattho vutto hoti. Na hi kenaci sabhāvena upalabbhamānassa sarīratadaññāvimutto upaladdhi-okāso atthīti.

## 3. Kālasaccikaṭṭha

### 1. Anulomapaccanīkavaṇṇanā

12. **Purimapacchimajātikālañcā**ti majjhimajātikāle upalabbhamānassa tasseva purimapacchimajātikālesu upaladdhim sandhāyāti adhippāyo. **Sesaṃ paṭhamanaye vuttasadisamevā**ti imesu tīsu paṭhame “sabbatthā”ti etasmim naye vuttasadisameva, kim taṃ? Pāṭhassa saṅkhittatāti attho. Idhāpi hi yasmā “sabbadā na upalabbhatī”ti vutte ekadā upalabbhatīti āpajjati, tasmā paccanīke paṭikkhepo sakavādissāti yojetabbanti.

## 4. Avayavasaccikaṭṭha

### 1. Anulomapaccanīkavaṇṇanā

13. **Tatīyanaye** ca yasmā “sabbesu na upalabbhatī”ti vutte ekasmim upalabbhatīti āpajjati, tasmā paccanīke paṭikkhepo sakavādissāti yojetabbari. Tenāha “tādisamevā”ti.

## Okāsādisaccikaṭṭha

### 2. Paccanīkānulomavaṇṇanā

14. **Tattha anulomapañcakassā**ti-ādimhi anulomapañcakanti niggaḥapañcakaṃ, paccanīkanti ca paṭikammaṃ vuttanti daṭṭhabbari. Tattha anulomapañcakassa

“sabbattha puggalo nupalabbhatī”ti-ādikassa attho “sabbattha puggalo nupalabbhatī”ti-ādipāḷim saṁkhipitvā āgate sarūpena avutte “yasmā sarīraṁ sandhāyā”ti-ādinā<sup>1</sup> vuttanayena veditabbo, paccanīkassa ca “sabbattha puggalo upalabbhatī”ti-ādikassa paṭikammakaraṇavasena vuttassa attho paṭikammādipāḷim saṁkhipitvā ādimattadassanena āgate “puggalo upalabbhatī”ti-ādīmhi anulome “sabbatthāti sarīraṁ sandhāya anuyogo sakavādissā”ti-ādinā<sup>2</sup> vuttanayena veditabboti evamattho daṭṭhabbo. Atha vā **tatthāti** yaṁ āradham, tasminti evaṁ attham aggahetvā **tattha** tesu tīsu mukhesūti attho gahetabbo. Anulomapañcakamūlakā cettha sabbānulomapaccanīkapañcakapāḷi anulomapañcakassa pāḷīti vuttā, tathā paccanīkānulomapañcakapāḷi ca paccanīkassa pāḷīti. Taṁ saṁkhipitvā paṭikammavasena āgate sarūpena avutte “puggalo nupalabbhatī”ti-ādike paccanīke “upalabbhatī”ti-ādike anulome ca attho heṭṭhā suddhikasaccikaṭṭhe vuttanayeneva veditabboti vuttam hoti.

Saccikaṭṭhavaṇṇanā niṭṭhitā.

## 5. Suddhikasamsandanavaṇṇanā

17-27. **Rūpādīhi saddhim saccikaṭṭhasamsandananti** saccikaṭṭhassa puggalassa rūpādīhi saddhim samsandanam, saccikaṭṭhe vā rūpādīhi saddhim puggalassa samsandananti adhippāyo. **Puggalo rūpañcāti ca-** kārassa samuccayatthattā **yathā rūpanti** evaṁ nidassanavasena vutto attho vicāretabbo. Rūpādīhi añño anañño ca puggalo na vattabboti laddhi **samayo**. “Aññaṁ jīvaṁ aññaṁ sarīranti abyākatametam bhagavatā”ti-ādikaṁ<sup>3</sup> **suttam**. Anuññāyamāne tadubhayavirodho āpajjatīti imamattham sandhāyāha “**samayasuttavirodham disvā**”ti.

**Dhammatoti** pālito. “Paṭikammacatukkādīni saṁkhittāni. Paravādī -pa-dassitāni”ti vadantehi **puggalo nupalabbhati -pa- ājānāhi**

1. Abhi-Ṭṭha 3. 119 piṭṭhe.

2. Abhi-Ṭṭha 3. 119 piṭṭhe.

3. Saṁ 2. 558 piṭṭhe.

**paṭikammanti** ettha **ājānāhi niggahanti** pāṭho diṭṭho bhavissati. **Aññattaṃ paṭijānāpanatthanti** yathā mayā aññattaṃ vattabbaṃ, tathā ca tayāpi taṃ vattabbanti aññattapaṭiññāya codanatthanti attho. **Sammutiparamatthānaṃ ekattanānattapañhassa ṭhapanīyattāti** abyākatattāti attho. Yadi ṭhapanīyattā paṭikkhipitabbaṃ, parenapi ṭhapanīyattā laddhimeva nissāya paṭikkhepo katoti sopi na niggahetabbo siyā. Paro pana puggaloti kañci sabhāvaṃ gahetvā tassa ṭhapanīyattaṃ icchati, sati ca sabhāve ṭhapanīyatā na yuttāti niggahetabbo. Sammuti pana koci sabhāvo natthi. Tenevassa ekattanānattapañhassa ṭhapanīyataṃ vadanto na niggahetabboti sakavādinā paṭikkhepo katoti ayamettha adhippāyo yutto.

Suddhikasāmsandanavaṇṇanā niṭṭhitā.

## 6. Opammasāmsandanavaṇṇanā

28-36. **Upaladdhisāmaññaena aññattapucchā cāti** idañca dvinnāṃ samānatā no aññattassa kāraṇaṃ yuttaṃ, atha kho visuṃ attano sabhāvena saccikaṭṭhaparamatthena upalabbhanīyatāti vicāretabbaṃ. “Ekaviśādhikānī”ti purimapāṭho, **viśādhikānī**ti pana paṭhitabbaṃ.

3745. “Atthi puggalo”ti suttaṃ anujānāpentena upaladdhi anujānitā hotīti maññaṃāno āha “**upaladdhisāmaññaṃ āropetvā**”ti. **Viśādhikāni nava paṭikammaapañcakasatāni dassitānī**ti etena suddhikasāmsandanepi “ājānāhi paṭikammam”iceva pāṭhoti viññāyati. Yañca vādamukhesu suddhikasaccikaṭṭhe “paṭikammacatukkan”ti vuttaṃ, tampi “paṭikammaapañcakan”ti.

Opammasāmsandanavaṇṇanā niṭṭhitā.

### 7. Catukkanayasamsandanavaṇṇanā

46-52. Ekadhammatopi aññattam anicchanto rūpādi-  
ekekadhammavasena nānuyuñjitabbo. Samudāyato hi ayam aññattam  
anicchanto ekadesato anaññattam paṭikkhipanto na niggahāraho siyāti etaṃ  
vacanokāsam nivattetuṃ “**ayañca anuyogo**”ti-ādimāha. **Sakalanti**  
sattapaññāsavidho dhammappabhedo puggaloti vā paramatthasaccam  
puggaloti vā evam sakalam sandhāyāti attho. Evam sakalam paramattham  
cintetvā tantivasena anuyogalakkaṇassa ṭhapitattā sakalaparamatthato ca  
aññassa saccikaṭṭhassa abhāvā saccikaṭṭhena puggalena tato aññena na  
bhavitabbanti “rūpam puggalo”ti imam pañham paṭikkhipantassa  
niggahāropanam yuttanti attho.

**Sabhāgavinibbhogototi** rūpato aññasabhāgattāti vuttam hoti.  
**Sabbadhammāti** rūpavajje sabbadhamme vadati. “Rūpasmim puggalo”ti  
ettha nissayavināse vināsāpattibhayena paṭikkhipatīti adhippāyenāha  
“**ucchedadiṭṭhibhayena cevā**”ti. Tīsu pana **samayavirodhena** paṭikkhepo  
adhippeto. Na hi so sakkāyadiṭṭhim icchati, apica sassatadiṭṭhibhayena  
paṭikkhipatīti yuttam vattum. Sakkāyadiṭṭhīsu hi pañceva ucchedadiṭṭhiyo,  
sesāsassatadiṭṭhiyoti. **Aññatra rūpāti** ettha ca rūpavā puggaloti ayamattho  
saṅgahitoti veditabbo.

Catukkanayasamsandanavaṇṇanā niṭṭhitā.

Niṭṭhitā ca samsandanakathāvaṇṇanā.

### 8. Lakkhaṇayuttivaṇṇanā

54. **Paccanīkānulometi** idam yam vakkhati “chalavasena pana  
vattabham ‘ājānāhi paṭikammaṃ’ti-ādī”ti<sup>1</sup>, tena pana na sameti.  
Paccanīkānulome hi paccanīke “ājānāhi niggahan”ti vattabham, na pana  
“paṭikammaṃ”ti.

Lakkhaṇayuttivaṇṇanā niṭṭhitā.

---

1. Abhi-Ṭṭha 3. 124 piṭṭhe.

### 9. Vacanasodhanavaṇṇanā

55-59. **Puggalo upalabbhatīti padadvayassa atthato ekatteti** ettha tadeva ekattaṃ parena sampāṭicchitaṃ asampāṭicchitanti vicāretabbametaṃ. Puggalassa hi avibhajitabbataṃ, upalabbhatīti etassa vibhajitabbataṃ vadanto vibhajitabbāvibhajitabbatthānaṃ upalabbhatipuggalasaddānaṃ kathaṃ atthato ekattaṃ sampāṭiccheyyāti. Yathā ca vibhajitabbāvibhajitabbatthānaṃ upalabbhatirūpasaddānaṃ taṃ vibhāgaṃ vadato rūpaṃ kiñci upalabbhati, kiñci na upalabbhatīti ayaṃ pasaṅgo nāpajjati, evaṃ etassapi yathāvuttavibhāgaṃ vadato yathā-āpādītena pasaṅgena na bhavitabbanti maggitabbo ettha adhippāyo.

60. “Suññato lokam avekkhassū”<sup>1</sup>ti etena atthato puggalo natthīti vuttaṃ hotīti āha “**natthītipi vuttan**”ti.

Vacanasodhanavaṇṇanā niṭṭhitā.

### 10. Paññattānuyogavaṇṇanā

61-66. Rūpakāyāviraḥaṃ sandhāya “**rūpakāyasabbhāvato**”ti āha. “Rūpino vā arūpino vā”ti sutte<sup>2</sup> āgatapaññattiṃ sandhāya “**tathārūpāya ca paññattiyā atthitāyā**”ti. **Vītarāgasabbhāvato**ti kāmībhāvassa anekantikattā kāmadhātuyā āyattatābhāvato ca “kāmī”ti na vattabboti paṭikkhipatīti adhippāyo.

67. **Kāyānupassanāyā**ti kāraṇavacanametaṃ, kāyānupassanāya kāraṇabhūtāya evaṃladdhikattāti attho. **Āhacca bhāsītanti** “aññaṃ jīvaṃ aññaṃ sarīraṃ abyākatametaṃ mayā”<sup>3</sup>ti āhacca bhāsītaṃ.

Paññattānuyogavaṇṇanā niṭṭhitā.

1. Khu 1. 448 piṭṭhe Suttanipāte.

2. Khu 1. 254 piṭṭhe.

3. Ma 2. 94 piṭṭhe.

### 11. Gati-anuyogavaṇṇanā

69-72. “**Dassento ‘tena hi puggalo sandhāvātī’ti-ādimāhā**”ti vuttam, “dassento ‘na vattabbam puggalo sandhāvātī’ti-ādimāhā”ti pana bhavitabbam, dassetvāti vā vattabbam.

91. **Yena rūpasaṅkhātena sarīrena saddhim gacchatīti** ettha “rūpena saddhim gacchatī”ti vadantena “rūpam puggalo”ti ananuññātattā yenākārena tam jīvam tam sarīranti idam āpajjati, so vattabbo. **Asaññūpapattim sandhāyāti** nirayūpagassa puggalassa asaṅñūpagassa arūpūpagassa ca antarābhavam na icchatīti cutito anantaram upapattim sandhāyāti attho daṭṭhabbo. Ye pana cutikāle upapattikāle ca asaṅñūpapattikāle ca asaṅñasattesu saṅñā atthīti gahetvā asaṅñūpagassa ca antarābhavam iccheyyūm, tesam antarābhavabhāvato “asaṅñūpapatti avedanā”ti na sakkā vattunti.

92. **Avedanoti-ādīsu tadaññanti** saṅñabhavato aññam asaṅñānevasaññānāsaṅñāyatanupapattim. Nevasaññānāsaṅñāyatanepi hi na vattabbam saṅñā atthīti icchanti.

93. **Yasmā rūpādīdhamme vinā puggalo natthīti** indhanupādāno aggi viya indhanena rūpādī-upādāno puggalo rūpādīnā vinā natthīti laddhivasena vadati.

Gati-anuyogavaṇṇanā niṭṭhitā.

### 12. Upādāpaññattānuyogavaṇṇanā

97. **Nīlam rūpam upādāya nīloti-ādīsūti** “nīlam rūpam upādāya nīlakassa puggalassa paññattī”ti ettha yo puṭṭho nīlam upādāya nīloti, tadādīsūti attho.

98. **Chekaṭṭham sandhāyāti** chekaṭṭham sandhāya vuttam, na kusalapaññattim. “Kusalam vedanam upādāyā”ti maññamāno paṭijānātīti attho daṭṭhabbo.

112. **Idāni -pa- dassetuṃ “yathā rukkhān”ti-ādimāhāti** pubbapakkhaṃ dassetvā uttaramāhāti vuttaṃ hoti.

115. “Yassa rūpaṃ so rūpavā”ti uttarapakkhe vuttaṃ vacanaṃ uddharitvā “**yasmā**”ti-ādimāha.

116. **Cittānupassanāvasenāti** cittānupassanāvasena paridīpitassa sarāgādicittayogassa vasenāti adhippāyo.

118. **Yenāti cakkhūnti** “yena”ti vuttaṃ karaṇaṃ cakkhūnti attho. **Cakkhumeva rūpaṃ passatīti** viññāṇanissayabhāvūpagamanameva cakkhussa dassanaṃ nāma hotīti sandhāya vadati.

Upādāpaññattānuyogavaṇṇanā niṭṭhitā.

### 13. Purisakārānuyogavaṇṇanā

123. **Karaṇamattanti** kammānaṃ nipphādakappayojakabhāvena pavattā khandhā.

124. Purimakammaena vinā puggalassa jāti, jātassa ca vijjaṭṭhānādīsu sammā micchā vā pavatti natthīti sandhāya “**purimakammameva tassā**”ti-ādimāha.

125. **Kammavaṭṭassāti** ettha kammakāraṇakassa yo kāraṇo, tenapi aññaṃ kammaṃ kātappaṃ, tassa kāraṇenapi aññanti evaṃ kammavaṭṭassa anupacchedaṃ vadanti. Puggalassa kāraṇo kammaṃ kāraṇo āpajjatiṭi vicāretabbameṭaṃ. Mātāpitūhi janitatādinā tassa kāraṇaṃ icchantassa kammakāraṇānaṃ kāraṇaparamparā āpajjatiṭi idaṅca vicāretappaṃ.

170. **Suttavirodhabhayenāti** “so karoti so paṭisaṃvedayatīti kho brāhmaṇa, ayameko anto”ti-ādīhi<sup>1</sup> virodhabhayā.

171. “Idha nandati pecca nandati”ti<sup>2</sup> vacanato kammakaraṇakāle vipākaṭisaṃvedanakāle ca soyevatīti paṭijānātīti adhippāyo.

1. Saṃ 1. 303 piṭṭhe.

2. Khu 1. 15 piṭṭhe.



**Sayaṃkatarāṃ sukhadukkhaṃti** ca puṭṭho “kiṃ nu kho bho gotama sayaṃkatarāṃ sukhaṃ dukkhaṃti? Mā hevaṃ kassapā”<sup>1</sup> ādisuttavirodho paṭikkhipati.

176. **Laddhimattamevetanti** soyeveko neva so hoti na aññoti idaṃ pana nattheva, tasmā evaṃvādino asayaṃkāranti-ādi āpajjati adhippāyo. **Apicāti**-ādinā idaṃ dasseti—na parassa icchāvaseneva “so karotī”<sup>ti</sup>-ādi anuyogo vutto, atha kho “so karotī”<sup>ti</sup>-ādīsu ekaṃ anicchantassa itaraṃ, tañca anicchantassa aññaṃ āpannanti evaṃ kārakavedakicchāya ṭhatvā “so karotī”<sup>ti</sup>-ādīsu taṃ taṃ anicchāya āpannavasenāpīti. Atha vā na kevalaṃ “so karotī”<sup>ti</sup>-ādīnaṃ sabbesaṃ āpannattā, atha kho ekekasēva ca āpannattā ayaṃ anuyogo katoti dasseti. **Purimanayenevāti** etena “idha nandatī”<sup>ti</sup>-ādi sabbaṃ paṭijānanādikāraṇaṃ ekato yojettabbanti dasseti.

Purisakārānuyogavaṇṇanā niṭṭhitā.

Kalyāṇavaggo niṭṭhito.

#### 14. Abhiññānuyogavaṇṇanā

193. **Abhiññānuyogādivasena arahattasādhanaṃti** ettha “nanu atthi koci iddhiṃ vikubbatī”<sup>ti</sup> abhiññā-anuyogo ca “hañci atthi koci iddhiṃ vikubbatī”<sup>ti</sup> ṭhapanā ca “tena vata re”<sup>ti</sup>-ādi pāpanā ca ādisaddasaṅgahito atthova daṭṭhabbo. Āsavakkhayañāṇaṃ panettha abhiññā vuttāti tadabhiññāvato arahato sādhanāṃ “**arahattasādhanaṃ**”<sup>ti</sup> āha. Arahato hi sādhanā tabbhāvassa ca sādhanā hotiyevāti.

Abhiññānuyogavaṇṇanā niṭṭhitā.

---

1. Saṃ 1. 261 piṭṭhe.

### 15-18. Āṅgikānuyogādivaṇṇanā

209. **Tathārūpassā**ti tatiyakoṭibhūtaṣṣa saccikaṭṭhaṣṣa abhāvāti adhippāyo. Evaṃ pana paṭikkhipanto asaccikaṭṭhaṃ tatiyakoṭibhūtaṃ puggalaṃ vadeyyāti tādisaṃ puggalaṃ icchanto hi suttana niggaḥetabbo siyā. Kasmā? **Tathārūpassa saccikaṭṭhaṣṣa abhāvato**ti, tathārūpassa kassaci sabhāvassa abhāvato paṭikkhepārahattā attano laddhiṃ nigūhitvā paṭikkhepo paravādissāti ayamatto daṭṭhabbo.

Āṅgikānuyogādivaṇṇanā niṭṭhitā.

### 19. Paṭivedhānuyogādivaṇṇanā

218. **Pariggahitavedanoti** vacanena apariggahitavedanassa “sukhitoṣṣi, dukkhitosmi”ti jānanaṃ pajānanaṃ nāma na hotīti dasseti yogāvacarassa sukhumānampi vedanānaṃ paricchedanasaṃmatthatañca.

228. **Lakkhaṇavacananti** rūpabbhantaragamanāṃ saharūpabhāvo, bahiddhā nikkhamanaṃ vinārūpabhāvoti adhippāyo.

237. **Imā khoti** oḷāriko attapaṭilābho manomayo attapaṭilābho arūpo attapaṭilābhoti imā lokassa samaññā, yāhi tathāgato voharati aparāmasaṃ, yo sacco mogho vā siyā, tasmim anupalabbhamānēpi attani tadanupalabbhatoyeva parāmāsaṃ attadiṭṭhiṃ anuppādentō loke attapaṭilābhoti pavattavohāravaseneva voharatīti ayamettha attho. Ettha ca paccattasāmaññalakkhaṇavasena puggalassa atthitaṃ paṭikkhipitvā lokavohārena atthitaṃ vadentena puggaloti koci sabhāvo natthīti vuttaṃ hoti. Sati hi tasmim attano sabhāvene va atthitā vattabbā siyā, na lokavohārenāti. Iminā pana yathā sameti, yathā

ca parāmāso na hoti, evaṃ ito purimā ca atthavaṇṇanā yojetabbā.

**Lokasammutikāraṇanti** yasmā lokasammutivasena pavattaṃ, tasmā saccanti vuttaṃ hoti. **Tathalakkhaṇanti** tathakāraṇaṃ. Yasmā dhammānaṃ tathatāya pavattaṃ, tasmā saccanti dasseti.

Paṭivedhānuyogādivaṇṇanā niṭṭhitā.

Puggalakathāvaṇṇanā niṭṭhitā.

## 2. Parihānikathā

### 1. Vādayuttiparihānikathāvaṇṇanā

239. “Dveme bhikkhave dhammā sekkhassa bhikkhuno parihānāya saṁvattantī”<sup>1</sup>ti idam suttam arahato parihāniladdhiyā na nissayo, atha kho anāgāmi-ādīnam parihāniladdhiyā, tasmā **arahatopi parihānim icchantī**ti ettha **pi-saddena** anāgāmissapi sakadāgāmissapīti yojetabban.

“**Tatiasmimpi mudindriyāva adhippetā. Tesañhi sabbesampi parihāni na hotīti tassa laddhī**”ti purimapaṭṭho, mudindriyesveva pana adhippetesu parikkhepo na kātabbo siyā, kato ca, tasmā “**tatiasmimpi tikkhindriyāva adhippetā. Tesañhi sabbesampi parihāni na hotīti tassa laddhī**”ti paṭṭhanti.

**Ayoniso attham gahetvā**ti sotāpannoyeva niyatoti vuttoti soyeva na parihāyati, na itareti attham gahetvā. “Uparimaggatthāyā”ti vuttam attham aggahetvā niyatoti sotāpattiphalā na parihāyatīti etamattham gaṇhīti pana vadanti.

Vādayuttiparihānikathāvaṇṇanā niṭṭhitā.

### 2. Ariyapuggalasamsandanaparihānivaṇṇanā

241. **Yaṁ panetthā**ti-ādīmhi dassanamaggaphale ṭhitassa anantaram arahattappattim, tato parihāyitvā tattha ca ṭhānam icchanto puna vāyāmena tadanantaram arahattappattim na icchatīti vicāretabbametam.

262. **Avasippatto jhānalābhī**ti sekkho vuttoti daṭṭhabbo. Puthujjano pana vasippatto avasippatto ca samayavimutta-asamayavimuttatantiyā aggahito, bhajāpiyamāno pana samāpattivikkhambhitānam kilesānam vasena samayavimuttabhāvam bhajeyyāti vuttoti.

Ariyapuggalasamsandanaparihānivaṇṇanā niṭṭhitā.

---

1. Am 1. 95 piṭṭhe.

### 3. Suttasādhanaparihānivaṇṇanā

265. **Uttamahīnabhedo** “tatra yāyaṃ paṭipadā sukhā khippābhiññā, sā ubhayeneva paṇītā akkhāyati”<sup>1</sup>ti ādisuttavasena vutto. “Diṭṭhaṃ suttaṃ mutan”ti ettha viya mutasaddo pattabbaṃ vadatīti āha “**phusanārahan**”ti.

267. **Appattaparihānāya ceva samvattanti** yathākatasanniṭṭhānassa samayavimuttassāti adhippāyo.

Suttasādhanaparihānivaṇṇanā niṭṭhitā.

Parihānikathāvaṇṇanā niṭṭhitā.

---

1. Dī 3. 88 piṭṭhe thokaṃ visadisam.

### 3. Brahmācariyakathā

#### 1. Suddhabrahma-ariyakathāvaṇṇanā

269. “Paranimmitavasavattideve upādāya taduparī”<sup>1</sup>ti vuttam, “tīhi bhikkhave ṭhānehī”<sup>1</sup>ti pana suttassa vacanena heṭṭhāpi maggabhāvanampi na icchantīti viññāyati.

270. “Gihīnañceva ekaccānañca devānaṃ maggaṭṭilātaṃ sandhāya paṭikkhepo tassevā”<sup>1</sup>ti vuttam, “yattha natthī”<sup>1</sup>ti pana okāsavasena puṭṭho puggalavasena tassa paṭikkhepo na yutto. Yadi ca tassāyaṃ adhippāyo, sakavādinā samānādhippāyattā na niggahetabbo.

271. **Ekantarikapañhā**ti paravādīsakavādīnaṃ aññamaññaṃ uñhantarikapañhā.

Suddhabrahmacariyakathāvaṇṇanā niṭṭhitā.

#### 2. Saṃsandanabrahmacariyakathāvaṇṇanā

273. **Rūpāvacaramaggena hi so idhavihāyaniṭṭho nāma jātoti** idam “idha bhāvitamaggo hi anāgāmī idhavihāyaniṭṭho nāma hotī”<sup>1</sup>ti-ādikena laddhikittanena katham sametīti vicāretabbanṃ. Pubbe pana anāgāmī eva anāgāmīti vutto. Idha jhānānāgāmissotāpannādikoti adhippāyo. Idha arahattamaggaṃ bhāvetvā idheva phalaṃ sacchikarontam “idhapariniḃbāyī”<sup>1</sup>ti vadati, idha pana maggaṃ bhāvetvā tattha phalaṃ sacchikarontam “tathapariniḃbāyī arahā”<sup>1</sup>ti.

Brahmacariyakathāvaṇṇanā niṭṭhitā.

### 3. Odhisokathāvaṇṇanā

274. **Odhiso odhisoti** etassa attham dassento “**ekadesena ekadesanā**”ti āha.

Odhisokathāvaṇṇanā niṭṭhitā.

---

### 4. Jahatikathāvaṇṇanā

#### 1. Nasuttāharaṇakathāvaṇṇanā

280. **Kiccasabbhāvanti** tīhi pahātabbassa pahīnataṃ. Taṃ pana kiccaṃ yadi teneva maggena sijjhatīti laddhi, puthujjanakāle eva kāmarāgabyāpādā pahīnāti laddhīti evaṃ na sameti, tasmā puthujjanakāle pahīnānampi dassanamagge uppanne puna kadāci anuppattito tiṇṇaṃ maggānaṃ kiccaṃ sambhavaṭīti adhippāyo.

Jahatikathāvaṇṇanā niṭṭhitā.

---

### 5. Sabbamatthītikathā

#### 1. Vādayuttivaṇṇanā

282. **Sabbasmim sarīre sabbanti** sirasi pādā pacchato cakkhūnīti evaṃ sabbam sabbattha atthīti attho. **Sabbasmim kāleti** bālakāle yuvatā, vuḍḍhakāle bālatā, evaṃ sabbasmim kāle sabbam. **Sabbenākārenāti** nīlākārena pītaṃ, pītākārena lohitaṃ evaṃ. **Sabbesu dhammesūti** cakkhusmim sotaṃ, sotasmim ghānanti evaṃ. **Ayuttanti** yogarahitaṃ vadati, taṃ pana ekasabhāvaṃ. Kathaṃ pana ekasabhāvassa yogarahitaṭīti taṃ dassento “**nānāsabhāvānañhi**”ti-ādimāha. Dvinnañhi nānāsabhāvānaṃ aṅgulīnaṃ meṇḍakānaṃ vā aññamaññayogo hoti, na ekasseva sato, tasmā yo nānāsabhāvesu hoti yogo, tena rahitaṃ ekasabhāvaṃ ayoganti vuttaṃ. **Idaṃ pucchatīti**

paravādīdiṭṭhiyā micchādiṭṭhibhāvaṃ gahetvā uppannāya attano diṭṭhiyā sammādiṭṭhibhāvo atthīti vuttaṃ hoti.

Vādayuttivaṇṇanā niṭṭhitā.

---

## 2. Kālasaṃsandanaṇṇanā

285. **Atītānāgataṃ pahāya paccuppannarūpameva appiyaṃ avibhajitabbaṃ karitvāti** paccuppannadassena rūpasaddena cāti ubhohipi paccuppannarūpameva vattabbaṃ katvāti vuttaṃ hoti. **Paññattiyā avigatattāti** etena idaṃ viññāyati “na rūpapaññatti viya vatthapaññatti sabhāvaparicchinne pavattā vijjāmānapaññatti, atha kho pubbāpariyavasena pavattamānaṃ rūpasamhaṃ upādāya pavattā avijjāmānapaññatti, tasmā vatthabhāvassa odātabhāvavigame vīgamāvattabbatā yuttā, na pana rūpabhāvassa paccuppannabhāvavigame”ti.

Kālasaṃsandanaṇṇanā niṭṭhitā.

---

## Vacanasodhanaṇṇanā

288. **Anāgataṃ vā paccuppannaṃ vā hutvā hotīti vuttanti** ettha anāgataṃ anāgataṃ hutvā puna paccuppannaṃ hontaṃ hutvā hotīti, tathā paccuppannaṃ paccuppannaṃ hontaṃ pubbe anāgataṃ hutvā paccuppannaṃ hotīti hutvā hotīti vuttanti daṭṭhabbaṃ. **Kiṃ te tampi hutvā hotīti** tabbhāvavīgamato hutvāhotibhāvānuparamaṃ anupacchedaṃ pucchatīti adhippāyo yutto. **Hutvā bhūtassa puna hutvā abhāvatoti** anāgataṃ hutvā paccuppannabhūtassa puna anāgataṃ hutvā paccuppannābhāvato.

**Yasmā tanti** taṃ hutvā bhūtaṃ paccuppannaṃ yasmā anāgataṃ hutvā paccuppannaṃ hontaṃ “hutvā hotī”ti saṅkhyāṃ gataṃ, tasmā dutiyampi “hutvā hotī”ti vacanaṃ arahatīti paṭijānātīti adhippāyo. Evaṃ pana dhamme hutvāhotibhāvānuparamaṃ vadantassa adhamme sasavisāṇe nahutvāna hotibhāvānuparamo āpajjatīti adhippāyena “**atha nan**”ti-ādimāha.



**Paṭikkhittanayenā**ti kālanānattena. **Paṭiññātanayenā**ti atthānānattena. Atthānānattaṃ icchantopi pana anāgatassa paccuppanne vuttaṃ hotibhāvaṃ, paccuppanassa ca anāgate vuttaṃ hutvābhāvaṃ kathaṃ paṭijānātīti vicāretabbaṃ. Atthānānattameva hi tena anuññāyati, na anāgate paccuppanabhāvo, paccuppanne vā anāgatabhāvoti. **Purimaṃ paṭikkhittapañhaṃ parivattitvā**ti anuññātapañhassa hutvā hoti hutvā hotīti doso vuttoti avuttadosaṃ atikkamma paṭikkhittapañhaṃ puna gahetvā tena cedetīti attho. Ettha ca atthānānattena hutvā hotīti anujānantassa doso kālanānatthāyeva anāgataṃ paccuppananti paṭikkhepena kathaṃ hotīti? Tasseva anujānanaṭṭikhepatoti adhippāyo.

**Ekekanti** anāgatampi na hutvā na hoti paccuppanampīti tadubhayaṃ gahetvā “**ekekaṃ na hutvā na hoti na hutvā na hotī**”ti vuttaṃ, na ekekameva na hutvā na hoti na hutvā na hotīti. Esa nayo purimasmim “**ekekaṃ hutvā hoti hutvā hotī**”ti vacanepi. Anāgatassa hi “hutvā hotī”ti nāmaṃ paccuppanassa cāti dvepi nāmāni saṅgahetvā “hutvā hoti hutvā hotī”ti coditaṃ, tathā “na hutvā na hoti na hutvā na hotī”ti cāti adhippāyo. **Sabbato andhakārena pariyoṇaddho viyāti** etena apariyoṇaddhena paṭijānitabbaṃ siyāti dasseti. Ettha ca purimanaye hutvā bhūtassa puna hutvāhotibhāvo codito, dutiyanaye anāgatādīsu ekekassa hutvāhotināmatāti ayaṃ viseso.

Vacanasodhanavaṇṇanā niṭṭhitā.

### Atītaññādikathāvaṇṇanā

290. **Puna puṭṭho -pa- atthīyā paṭijānātī**ti ettha **paccuppannaṃ ñāṇaṃ tenā**ti etena anuvattamānāpekkhanavacanena kathaṃ vuccatīti vicāretabbaṃ.

Atītaññādikathāvaṇṇanā niṭṭhitā.

### Arahantādikathāvaṇṇanā

291. **Yuttivirodho** arahato sarāgādibhāve puthujjanena anānattaṃ brahmacariyavāsassa aphalatāti evamādiko daṭṭhabbā.

Arahantādikathāvaṇṇanā niṭṭhitā.

---

### Padasodhanakathāvaṇṇanā

295. **Tena kāraṇenā**ti atīta-atthisaddānaṃ ekatthattā atthisaddatthassa ca nvātītabhāvato “atītaṃ nvātītaṃ, dvātītañca atītaṃ hotī”ti vuttaṃ hoti. Ettha pana atītādīnaṃ atthitaṃ vadantassa paravādissevāyaṃ doso yathā āpajjati, na pana “nibbānaṃ atthī”ti vadantassa sakavādissa, tathā paṭipādetabbaṃ.

Padasodhanakathāvaṇṇanā niṭṭhitā.

Sabbamatthītikathāvaṇṇanā niṭṭhitā.

---

## 7. Ekaccamatthītikathā

### 1. Atītādi-ekaccakathāvaṇṇanā

299. **Tiṇṇā rāsīnanti** avipakkavipākavipakkavipāka-avipākānaṃ. Vohāravasena avipakkavipākānaṃ atthitaṃ vadanto kathaṃ codetabboti vicāreti “kammupacayaṃ cittavippayuttaṃ saṅkhāraṃ icchantī”ti.

Ekaccamatthītikathāvaṇṇanā niṭṭhitā.

---

### 8. Satipaṭṭhānakathāvaṇṇanā

301. **Lokuttarabhāvaṃ pucchanatthāyā**ti lokiyalokuttarāya sammāsatiyā satipaṭṭhānattā, lokuttarāyayeva vā paramatthasatipaṭṭhānattā tassā vasena lokuttarabhāvaṃ pucchanatthāyāti attho.

**Pabhedapucchāvasenā**ti lokiyalokuttarasatipaṭṭhānasamudāyabhūtaṣṣa satipaṭṭhānaṣṣa pabhedānaṃ pucchāvasena.

Satipaṭṭhānakathāvaṇṇanā niṭṭhitā.

---

### 9. Hevatthikathāvaṇṇanā

304. **Ayoniso patiṭṭhāpitattā**ti avattabbuttarena upekkhitabbena patiṭṭhāpitattāti attho daṭṭhabbo.

Hevatthikathāvaṇṇanā niṭṭhitā.

Mahāvaggavaṇṇanā niṭṭhitā.

---

## 2. Dutiyavagga

### 1. Parūpahāraṇṇanā

307. **Adhimānikānaṃ** sukkavissaṭṭhidassanaṃ vicāretabbaṃ. Te hi samādhivipassanāhi vikkhambhitarāgāva, bāhirakānaṃpi ca kāmesu vītarāgānaṃ sukkavissaṭṭhiyā abhāvo vuttoti. Adhimānikapubbā pana adhippetā siyūṃ.

308. **Vacasāyattheti** nicchayatthe, “kiṃ kāraṇā”ti pana kāraṇassa pucchitattā brahmacariyakathāyaṃ viya kāraṇattheti yuttaṃ.

Parūpahāraṇṇanā niṭṭhitā.

---

### 5. Vacībhedaṣṣakathāvaṇṇanā

326. Vacībhedaṣṣakathāyaṃ **lokuttaraṃ paṭṭhamajjhānaṃ samāpannoti** paṭṭhamamaggaṃ sandhāya vadati, yasmā so dukkhanti vipassati, tasmā dukkhamicceva vācaṃ bhāsatī, na samudayoti-ādīnīti adhippāyo.

328. **Yena taṃ saddaṃ suṇātīti** idaṃ vacīsamuṭṭhāpanakkhaṇe eva etaṃ saddaṃ suṇātīti icchite āropite vā yujjati.

332. Lokuttaramaggakkhaṇe vacībhedaṃ icchato parassa abhibhūsuttāharaṇe adhippāyo vattabbo.

Vacībhedakathāvaṇṇanā niṭṭhitā.

### 7. Cittaṭṭhitikathāvaṇṇanā

335. Cittaṭṭhitikathāyaṃ **cullāsīti -pa- ādivacanavasenāti** āruppeyeva evaṃ yāvatāyukaṭṭhānaṃ vuttaṃ, na aññatthāti katvā paṭikkhipatīti adhippāyo. Etena “na tveva tepi tiṭṭhanti, dvīhi cittasamohitā”<sup>1</sup>ti<sup>1</sup> dutiyāpi aḍḍhakathā passitabbā. Purimāya ca vassasatādiṭṭhānānuññāya avirodho vibhāvetabbo. **Muhuttaṃ muhuttanti** pañho sakvādinā pucchito viya vutto, paravādinā pana pucchitoti daṭṭhabbo.

Cittaṭṭhitikathāvaṇṇanā niṭṭhitā.

### 9. Anupubbābhisamayakathāvaṇṇanā

339. Anupubbābhisamayakathāyaṃ **athavāti-ādinā** idaṃ dasseticatunnaṃ ñāṇānaṃ ekamaggabhāvato na ekamaggassa bahubhāvāpatti, anupubbena ca sotāpattimaggam bhāvetīti upapannanti paṭijānātīti.

344. **Tadāti** dassene pariniṭṭhite.

345. **Aṭṭhahi ñāṇehīti** ettha paṭisambhidāñāṇehi saha aṭṭhasugahitesu niruttipaṭibhānapaṭisambhidāhi sotāpatti phalāsacchikiriyā kathaṃ hotīti vicāretabbaṃ.

Anupubbābhisamayakathāvaṇṇanā niṭṭhitā.

---

1. Khu 7. 32 piṭṭhe Mahānidesepe passitabbaṃ.

### 10. Vohārakathāvaṇṇanā

347. Vohārakathāyaṃ **udāhu sotādīnipīti** ekantalokiyesu visayavisayīsu visayasseva lokuttarabhāvo, na visayīnanti natthettha kāraṇaṃ. Yathā ca visayīnaṃ lokuttarabhāvo asiddho, tathā visayassa saddāyatanassa. Tattha yathā asiddhalokuttarabhāvassa tassa lokuttaratā, evaṃ sotādīnaṃ āpannati kinti tānipi lokuttarānīti attho daṭṭhabbo.

**Yadi lokuttare paṭihaññeyya, lokuttaro siyāti attho na gahetabbo.** Na hi lokuttare paṭihaññatīti parikkappitepi saddassa lokuttarabhāvo atthīti adhippāyo. **“Lokiyena ñāṇena”**ti uddhaṭaṃ **“viññāṇena”**ti pana pāḷi, tañca viññāṇaṃ sotasambandhena sotaviññāṇanti viññāyatīti. **Anekantatāti** lokiyena ñāṇena jānitabbato lokiyoti etassa hetussa lokiye lokuttare ca sambhavato anekantabhāvo siyāti adhippāyo.

Vohārakathāvaṇṇanā niṭṭhitā.

### 11. Nirodhakathāvaṇṇanā

353. **Dve dukkhasaccāni na icchatīti** yesaṃ dvinnāṃ dvīhi nirodhehi bhavitabbaṃ, tāni dve dukkhasaccāni na icchatīti vuttaṃ hoti. **Ye paṭisaṅkhāya lokuttarena ñāṇena aniruddhāti-ādinā paṭisaṅkhāya vinā niruddhā** asamudācaraṇasaṅkhārā appaṭisaṅkhāniruddhāti dasseti, na uppajjitvā bhaṅgāti. Tena appaṭisaṅkhānirodho ca asamudācaraṇanirodhoti dassitaṃ hoti.

Nirodhakathāvaṇṇanā niṭṭhitā.

Dutiyavaggavaṇṇanā niṭṭhitā.

### 3. Tatiyavagga

#### 1. Balakathāvaṇṇanā

354. **Indriyaparopariyattaṃ asādhāraṇanti** yathā niddesato vitthārato sabbaṃ sabbākāraṃ ṭhānāṭṭhānādim aṅānantāpi “aṭṭhānametaṃ anavakāso, yaṃ dīṭṭhisampanno puggalo kañci saṅkhāraṃ niccato upagaccheyyā”ti-ādinā<sup>1</sup> ṭhānāṭṭhānāni uddesato saṅkhepato sāvakā jānanti, na evaṃ “āsyāṃ jānāti anusayaṃ jānāti”ti-ādinā<sup>2</sup> uddesamattenapi indriyaparopariyattaṃ jānantīti “**asādhāraṇaṃ**”ti āha. Therena pana saddhādīnaṃ indriyānaṃ tikkhamudubhāvajānanamatthaṃ sandhāya “sattānaṃ indriyaparopariyattaṃ yathābhūtaṃ pajānāmī”ti<sup>3</sup> vuttaṃ, na yathāvuttaṃ indriyaparopariyattañānaṃ tathāgatabalanti ayamettha adhippāyo daṭṭhabbo. “**Uddesato ṭhānāṭṭhānādimattajānanavasena paṭijānāti**”ti vuttaṃ, evaṃ pana paṭijānantena “**tathāgatabalaṃ sāvakasādhāraṇaṃ**”ti idampi evameva paṭiññātaṃ siyāti kathamayaṃ codetanno siyā.

356. **Sesesu paṭikkhepo sakavādissa** ṭhānāṭṭhānañāṇādīnaṃ sādharmaṇāsādhāraṇattā tattha sādharmaṇapakkaṃ sandhāyāti adhippāyo.

Balakathāvaṇṇanā niṭṭhitā.

#### 2. Ariyantikathāvaṇṇanā

357. Saṅkhāre sandhāya paṭijānantassa dvinnaṃ phassānaṃ samodhānaṃ kathaṃ āpajjati yathāvuttanāyenaṭi vicāretabbaṃ. Parikappanavasena āropetvā ṭhapetabbatāya satto “paṇidhī”ti vutto. So pana ekasmimpi āropetvā na ṭhapetabboti ekasmimpi āropetvā ṭhapetabbena tena rahitāṭa vuttā.

Ariyantikathāvaṇṇanā niṭṭhitā.

1. Am 1. 28 piṭṭhe.

2. Khu 9. 117 piṭṭhe Paṭisambhidāmagge.

3. Khu 9. 357 piṭṭhe Paṭisambhidāmagge.

#### 4. Vimuccamānakathāvaṇṇanā

366. **Jhāna**<sup>1</sup> **vikkhambhanavimuttiyā vimuttaṃ (cittaṃ)**<sup>2</sup> **maggakkhaṇe samucchadavimuttiyā vimuccamānaṃ nāma hotīti** etissā laddhiyā ko dosoti vicāretabbaṃ. Yadi vippakataniddese doso, tatrāpi tena vimuccamānatāya “**vimuttaṃ vimuccamānaṃ**”ti vuttaṃ. Sati ca dose uppādakkhaṇe vimuttaṃ, vayakkhaṇe vimuccamānanti vimuttavimuccamānavacanassa na codetabbaṃ siyā, atha kho vimuccamānavacanamevāti. Ekadesena, ekadesa vā vimuccamānassa ca vimuttakiriyaṃ ekadeso visesanaṃ hotīti “**bhāvanapūmsakaṃ**”ti. **Kaṭṭhādayoti** kaṭṭhādayo. **Ekeneva cittaṇāti** ekeneva phalacittaṇāti adhippāyo.

Vimuccamānakathāvaṇṇanā niṭṭhitā.

#### 5. Aṭṭhamakakathāvaṇṇanā

368. Anulomagotrabhukkhaṇepi asamudācarantā maggakkhaṇepi pahīnā eva nāma bhavyeṃti laddhi uppannāti adhippāyena **anulomagotrabhuggahaṇaṃ** karoti.

Aṭṭhamakakathāvaṇṇanā niṭṭhitā.

#### 6. Aṭṭhamakassa indriya kathāvaṇṇanā

317. **Indriyāni paṭilabhati** appaṭiladdhindriyattā anindriyabhūtāni saddhādāni niyyānikāni bhāvento indriyāni paṭilabhati, na pana indriyāni bhāventoti adhippāyo.

Aṭṭhamakassa indriyakathāvaṇṇanā niṭṭhitā.

1. Jhāne (?)

2. ( ) Aṭṭhakathāyaṃ na dissati.

### 7. Dibbacakkhukathāvaṇṇanā

373. **Upatthaddhanti** yathā visayānubhāvagocarehi visiṭṭhaṃ hoti, tathā paccayabhūtena katabalādhānanti attho. **Taṃmattamevāti** purimaṃ maṃsacakkhummattameva dhammupatthaddhaṃ hotīti attho. **Anāpāthagatanti** maṃsacakkhunā gahettabbaṭṭhānaṃ āpāthaṃ nāgataṃ. Ettha ca visayassa dīpakaṃ ānubhāvagocarānameva asadisataṃ vadanto yādiso maṃsacakkhussa visayoti visayaggahaṇaṃ na visayavisesadassanattamaṃ, atha kho yādise visaye ānubhāvagocaravisesā honti, tādisassa rūpavisayassa dassanattanti dīpeti, sadisassa vā visayassa ānubhāvagocaravisesova visesaṃ.

**Na ca maṃsacakkhumeva dibbacakkhūti icchatīti** dhammupatthaddhakāle purimaṃ maṃsacakkhumevāti na icchatīti adhippāyo. **Maṃsacakkhussa uppādo maggoti** maṃsacakkhupaccayatādassanattameva vuttaṃ, na tena anupādinnatāsādhanattamaṃ. **Rūpāvacarikānanti** rūpāvacarajjhānapaccayena uppannāni mahābhūtāni rūpāvacarikānīti so icchatīti adhippāyo. Esa nayo “**arūpāvacarikānan**”ti etthāpi. **Arūpāvacarakkhaṇe rūpāvacaracittassa abhāvā paṭikkhipatīti** tasmiṃyeva khaṇe rūpāvacaraṃ hutvā arūpāvacaraṃ na jātanti paṭikkhipatīti adhippāyo.

374. **Kiñcāpi dibbacakkhuno dhammupatthaddhassa paññācakkhubhāvaṃ na icchati**, yena tīṇi cakkhūni dhammupatthambhena cakkhantarabhāvaṃ vadato bhaveyyunti adhippāyo.

Dibbacakkhukathāvaṇṇanā niṭṭhitā.

### 9. Yathākammupagatañāṇakathāvaṇṇanā

377. **Dibbena cakkhunā yathākammupage satte pajānātīti** yathākammupagañāṇassa upanissaye dibbacakkhumhi karaṇaniddeso kato, na yathākammupagajānanakiccake. Taṃkiccakeyeva pana paro karaṇaniddesaṃ maññatīti āha “**ayoniso gahetvā**”ti. **Yathākammūpagañāṇameva dibbacakkhūti laddhīti** iminā vacanena dibbacakkhumeva yathākammupagañāṇanti





#### 4. Samannāgatakathāvaṇṇanā

393. Samannāgatakathāyaṃ pattim sandhāya paṭijānanto catūhi khandhehi viya samannāgamaṃ na vadatīti tassa catūhi phassādīhi samannāgamappasaṅgo yathā hoti, taṃ vattabbaṃ.

Samannāgatakathāvaṇṇanā niṭṭhitā.

---

#### 5. Upekkhāsamannāgatakathāvaṇṇanā

397. **Imināva nāyēnāti** “tattha dve samannāgamā”ti-ādi sabbaṃ yojetabbaṃ. Tattha pattidhammo nāma rūpāvacarādīsu aññatarabhūmiṃ paṭhamajjhānādivasena pāpuṇāntassa paṭhamajjhānādīnaṃ paṭilābho. Niruddhesupī paṭhamajjhānadīsu anirujjhanato vittavippayutto saṅkhāro, yena supanto sajjhāyādīpasuto ca tehi samannāgatoti vuccaṭīti vadanti.

Upekkhāsamannāgatakathāvaṇṇanā niṭṭhitā.

---

#### 6. Bodhiyābuddhotikathāvaṇṇanā

398. **Tasmāti** yathāvuttassa nāṇadvayassa bodhibhāvato. Taṃ aggahetvā pattidhammasena natthitāya<sup>1</sup> bodhiyā samannāgato buddhoti yesaṃ laddhi, te sandhāya pucchā ca anuyogo ca sakavādissāti yojanā daṭṭhabbā.

Bodhiyābuddhotikathāvaṇṇanā niṭṭhitā.

---

#### 7. Lakkhaṇakathāvaṇṇanā

402. **Bodhisattameva sandhāya vuttanti** lakkhaṇasamannāgatesu abodhisatte chaḍḍhetvā bodhisattameva gahetvā idaṃ suttaṃ vuttaṃ,

---

1. Atthitāya (?)

na bodhisattato añño lakkhaṇasamannāgato natthīti. Nāpi sabbesaṃ lakkhaṇasamannāgatānaṃ bodhisattatā, tasmā asādhakanti adhippāyo.

Lakkhaṇakathāvaṇṇanā niṭṭhitā.

---

## 8. Niyāmokkantikathāvaṇṇanā

403. **Ṭhapetvā pāramīpūraṇanti** pāramīpūraṇeneva te “bodhiyā niyatā narā”ti vuccantīti dasseti. **Kevalañhi nanti-ādinā** ca na niyāmakassa nāma kassaci uppannattā byākarontīti dasseti.

Niyāmokkantikathāvaṇṇanā niṭṭhitā.

---

## 10. Sabbasaṃyojanappahānakathāvaṇṇanā

413. **Nipariyā yenevāti** avasiṭṭhassa pahātabbassa abhāvā “sabbasaṃyojanappahānan”ti imaṃ pariyāyaṃ aggahetvā arahattamaggena pajahanato evāti gaṇhātīti vuttaṃ hoti. **Appahīnassa abhāvāti** avasiṭṭhassa pahātabbassa abhāvā **paṭijānātīti** vadanti, tathā “**anevasesappahānan**”ti etthāpi. Evaṃ sati tena attano laddhiṃ chaḍḍhetvā sakavādissa laddhiyā paṭiññātanti āpajjati.

Sabbasaṃyojanappahānakathāvaṇṇanā niṭṭhitā.

Catutthavaggavaṇṇanā niṭṭhitā.

---

## 5. Pañcamavagga

### 1. Vimuttikathāvaṇṇanā

418. Phalañānaṃ na hotīti “**vimuttānī**”ti vā tadaṅgavimuttiyādibhāvato maggena pahīnānaṃ puna anuppattito ca “**avimuttānī**”ti vā

na vattabbānīti adhippāyo. Gotrabhuññañcetta vipassanāggahaṇena gahitanti daṭṭhabbāni.

Vimuttikathāvaṇṇanā niṭṭhitā.

---

## 2. Asekhaññaṇakathāvaṇṇanā

421. **Na panetaṃ asekhanti** etena asekhavissayattā asekhameva ñāṇanti parassaladdhi, na pana asekhassāti imamatthaṃ dasseti.

Asekhaññaṇakathāvaṇṇanā niṭṭhitā.

---

## 3. Viparītakathāvaṇṇanā

424. **Na pathavīyevāti** lakkhaṇapathavīyeva, sasambhārapathavīyeva vā na hoṭīti attho. **Anicce niccanti-ādivipariyeso pana viparītaññaṇam nāmati** aññaṇepi ñāṇavohāraṃ āropetvā vadatīti daṭṭhabbāni.

Viparītakathāvaṇṇanā niṭṭhitā.

---

## 4. Niyāmakathāvaṇṇanā

428-431. **Ñāṇam atthi**, yaṃ saccānulomaṃ maggaññaṇānugatikam passanto bhagavā “bhabbo”ti jānātīti laddhi. **Paṭhamapañhameva catutthaṃ katvāti** ettha “niyatassa aniyāmagamanāyā”ti viparītanuyogato pabhuti gaṇetvā “catutthan”ti āha.

Niyāmakathāvaṇṇanā niṭṭhitā.

---

## 5. Paṭisambhidākathāvaṇṇanā

432-433. **Yamkiñci ariyānaṃ ñāṇam, sabbaṃ lokuttaramevāti** gaṇhantenapi sabbaṃ paṭisambhidāti na sakkā vattum. Anariyānampi hi ñāṇam

ñānamevāti. Tassa vā ñānataṃ na icchatīti vattabbaṃ.

**Pathavīkaṣiṇasammutiyaṃ samāpattiñāṇaṃ sandhāyāti** anariyassa etaṃ ñāṇaṃ sandhāyāti adhippāyo siyā.

Paṭisambhidākathāvaṇṇanā niṭṭhitā.

### 6. Sammutiñāṇakathāvaṇṇanā

434-435. **Saccanti vacanasāmaññaena** ubhayassapi saccasāmaññattaṃ gahetvā vadatīti dassento “**tattho**”ti-ādimāha.

Sammutiñāṇakathāvaṇṇanā niṭṭhitā.

### 7. Cittāramaṇakathāvaṇṇanā

436-438. **Phassassa phusanalakkhaṇaṃ manasikarototi** etena purimā vattabbapaṭiññā anupadadhammamanasikārato aññaṃ samudāyamanasikāraṃ sandhāya katāti dasseti.

Cittārammaṇakathāvaṇṇanā niṭṭhitā.

### 8. Anāgatañāṇakathāvaṇṇanā

439-440. **Sabbasmimpīti** “pāṭaliputtassa kho”ti-ādinā anāgate ñāṇanti vuttanti anāgatabhāvasāmaññaena anantarāgatepi ñāṇaṃ icchantīti vuttam hoti.

Anāgatañāṇakathāvaṇṇanā niṭṭhitā.

### 9. Paṭuppannañāṇakathāvaṇṇanā

441-442. **Vacanaṃ nissāyāti** atthato āpannaṃ vacanaṃ, anujānanavacanaṃ vā nissāya. **Santatiṃ sandhāyāti** bhaṅgānupassanānaṃ bhaṅgato anupasanāsantatiṃ sandhāyāti adhippāyo.

Paṭuppannañāṇakathāvaṇṇanā niṭṭhitā.

---

### 10. Phalañāṇakathāvaṇṇanā

443-444. **Buddhānaṃ viyāti** yathā buddhā sabbappakāraphalaparopariyattajānanavasena attano eva ca balena phalaṃ jānanti, evanti vuttaṃ hoti.

Phalañāṇakathāvaṇṇanā niṭṭhitā.

Pañcamavaggavaṇṇanā.

Mahāpaṇṇāsako samatto.

---

## 6. Chaṭṭhavagga

### 1. Niyāmakathāvaṇṇanā

445-447. **Aniyato nāma na hotīti** yathā micchattaniyatassa bhavantare aniyataṃ nāma hoti, evaṃ etassa kadācīpi aniyatatā na hotīti yoniyāmo, so asaṅkhatoti adhippāyo.

Niyāmakathāvaṇṇanā niṭṭhitā.

---

### 2. Paṭiccasamuppādakathāvaṇṇanā

451. **Kāraṇaṭṭhena ṭhitatāti** kāraṇabhāvoyeva. Etena ca dhammānaṃ kāraṇabhāvo **dhammaṭṭhitatāti** etamatthaṃ dasseti. Tathā “**dhammaniyāmatā**”ti etthāpi.

Paṭiccasamuppādakathāvaṇṇanā niṭṭhitā.

### 3. Saccakathāvaṇṇanā

452-454. **Vatthusaccanti** jātiyādi kāmataṇhādi sammādiṭṭhi-ādi ca. Bādhanapabhavaniyyānikalakkhaṇehi **lakkhaṇasaccam** bādhanādi.

Saccakathāvaṇṇanā niṭṭhitā.

---

### 5. Nirodhasamāpattikathāvaṇṇanā

457-459. **Kariyamānā karīyatīti** arūpakkhandhānaṃ pavattamānānaṃ samathavipassanānukkamena appavatti sādhiyatīti attho. **Saṅkhatāsaṅkhatalakkhaṇānaṃ pana abhāvenāti** vadanto sabhāvadhammataṃ paṭisedheti. **Vodānañca** vuṭṭhānapariyāyova. **Asaṅkhatabhāve kāraṇaṃ na hoti** sabhāvadhammattāsādhakattāti adhippāyo.

Nirodhasamāpattikathāvaṇṇanā niṭṭhitā.

Chaṭṭhavaggavaṇṇanā niṭṭhitā.

---

## 7. Sattamavagga

### 1. Saṅgahitakathāvaṇṇanā

471-472. **Saṅgahitāti** sambandhā.

Saṅgahitakathāvaṇṇanā niṭṭhitā.

---

### 2. Sampayuttakathāvaṇṇanā

473-474. **Nānattavavatthānaṃ natthīti** vadanto “tilamhi telam anupaviṭṭhan”ti vacanameva na yujjātīti “na hevan”ti paṭikkhittanti dasseti.

Sampayuttakathāvaṇṇanā niṭṭhitā.

### 3. Cetasikakathāvaṇṇanā

475-477. Phassādīnaṃ ekuppādatādivirahitā sahaajātatā natthīti āha “sampayuttasahajātataṃ sandhāyā”ti.

Cetasikakathāvaṇṇanā niṭṭhitā.

### 4. Dānakathāvaṇṇanā

478. **Deyyadhammasena codetunti** yadi cetasikova dhammo dānaṃ, “diyyatīti dānaṃ”ti imināpi atthena cetasikasseva dānabhāvo āpajjatīti codetunti attho.

479. **Aniṭṭhaphalanti-ādi acetāsikassa dhammassa dānabhāvadīpanatthaṃ vuttanti** phaladānabhāvadīpanatthaṃ na vuttanti attho daṭṭhabbo. **Aniṭṭhaphalanti-ādinā acetāsikassa dhammassa phaladānaṃ vuttaṃ viya hoti**, na dānabhāvo, tannivāraṇatthañcetamāhāti. Evañca katvā anantaramevāha “**na hi acetāsiko annādidhammo āyatim vipākāṃ detī**”ti. **Iṭṭhaphalabhāvaniyamanatthanti** deyyadhammo viya kenaci pariyāyena aniṭṭhaphalatā dānassa natthi, ekantaṃ pana iṭṭhaphalamevāti niyamanatthanti attho.

**Itarenāti** “diyyatīti dānaṃ”ti iminā pariyāyena. **Na pana ekenatthenāti** “deyyadhammova dānaṃ”ti imaṃ sakavādīvādaṃ<sup>1</sup> nivattetuṃ “saddhā hiriyaṃ”ti-ādikaṃ suttasādhanāṃ paravādīvāde<sup>2</sup> yujjati, “idhekacco annaṃ detī”ti-ādikañca, “cetasikova dhammo dānaṃ”ti imaṃ nivattetuṃ “cetasiko dhammo dānaṃ”ti imaṃ pana sādhetuṃ “saddho hiriyaṃ”ti-ādikaṃ sakavādīvāde<sup>3</sup> yujjati, “idhekacco annaṃ detī”ti-ādikaṃ vā “deyyadhammo dānaṃ”ti sādhetuṃ evaṃ nivattanasādhanatthanānattaṃ sandhāya “na pana ekenatthenā”ti vuttanti daṭṭhabbāṃ. Tattha yathā paravādīvāde ca suttasādhanatthaṃ “na vattabbaṃ cetasiko dhammo dānaṃ”ti pucchāyaṃ cetasikovāti attho daṭṭhabbo, tathā “na vattabbaṃ deyyadhammo dānaṃ”ti pucchāya ca deyyadhammovāti. **Deyyadhammo iṭṭhaphaloti iṭṭhaphalābhāvamattameva paṭikkhittanti** ettha “iṭṭhaphalābhāvamattameva paṭikkhittan”ti vāṭhena

1. Paravādīvādaṃ (Ka)

2. Sakavādīvāde (Ka)

3. Paravādī vāde (Ka)



bhavitabbanti. “It̐haphalābhāvamattameva disvā paṭikkhittan”ti vā vattabban̄. **Saṅkarabhāvamocanattanti** cetasikassa dātabbaṭṭhena deyyadhammassa ca it̐haphalaṭṭhena dānabhāvamocanattanti vuttaṃ hoti.

Dānakathāvaṇṇanā niṭṭhitā.

### 5. Paribhogamayapuññakathāvaṇṇanā

483. Paribhogamayaṃ nāma cittavippayuttaṃ puññaṃ atthīti laddhi. Tañhi te sandhāya paribhogamayaṃ puññaṃ pavaḍḍhatīti vadantīti adhippāyo.

485. **Tassāpi vassenāti** tassāpi laddhiyā vasena. Pañcaviññāṇaṇaṃ viya etesampi samodhānaṃ siyāti paṭijānātīti vadanti. Pañcaviññāṇaphassādīnameva pana samodhānaṃ sandhāya paṭijānātīti adhippāyo.

486. **Aparibhuttepīti** iminā “paṭiggāhako paṭiggahetvā na paribhuñjati chaḍḍhetī”ti-ādikaṃ dasseti. Aparibhutte deyyadhamme puññabhāvato paribhogamayaṃ puññaṃ pavaḍḍhatīti ayaṃ vādo hīyati. Tasmañca hīne sakavādīvādo balavā. Cāgacetanāya eva hi puññabhāvo evaṃ siddho hotīti adhippāyo. Aparibhuttepi deyyadhamme puññabhāve cāgacetanāya eva puññabhāvoti āha “**sakavādīvādova balavā**”ti.

Paribhogamayapuññakathāvaṇṇanā niṭṭhitā.

### 6. Itodinnakathāvaṇṇanā

488-491. **Teneva yāpentīti** teneva cīvarādīnā yāpenti, teneva vā cīvarādīdānena yāpenti, sayamkatena kammunā vināpīti adhippāyo. **Iminā kāraṇenāti** yadi yaṃ ito cīvarādi dinnam, na tena yāpeyyuṃ, katham̄ anumodeyyuṃ -pa- somanassaṃ paṭilabheyyunti laddhiṃ patiṭṭhapentassapīti vuttaṃ hoti.

Itodinnakathāvaṇṇanā niṭṭhitā.

### 7. Pathavīkammavipā kotikathāvaṇṇanā

492. **Phasso sukhavedanīyādibhedo hotīti** phassena sabbampi kammavipākaṃ dassetvā puna attavajjehi sampayogadassanattam “so ca **saññādayo cā**”ti-ādi vuttaṃ. **Atthi ca nesanti** sāvajjane cakkhuviṇādisahajātadhamme sandhāya vuttaṃ. **Yo tatha iṭṭhavipāko, tassa patthanāti** iṭṭhavipāke eva patthanam katvā kammaṃ karontīti kammūpanissayabhūtameva patthanam dasseti, paccuppannavedanāpaccayaṃ vā taṇhā upādānādinibbattanavasena dukkhassa pabhāvitam. **Mūlataṇhāti** paccuppannavipākavaṭṭanibbattakakammassa upanissayabhūtam purimataṇham, kammasaḥāyaṃ vā vipākassa upanissayabhūtam.

493. Sakasamayavasena ca codanāya payujjamānataṃ dassetuṃ “**tesaṅca laddhiyā**”ti-ādimāha.

494. **Paṭilābhavasenāti** kamme sati pathavīyādīnam paṭilābho hotīti kammaṃ taṃsaṃvattanikaṃ nāma hotīti dasseti.

Pathavīkammavipākotikathāvaṇṇanā niṭṭhitā.

### 8. Jarāmarāṇamvipākotikathāvaṇṇanā

495. **Sampayogalakkhaṇābhāvāti** “ekārammaṇā”ti imassa sampayogalakkhaṇassa abhāvāti adhippāyo.

496. **Pariyāyo natthīti** sakavādinā attanā vattabbatāya pariyāyo natthīti abyākatānam jarāmarāṇassa vipākanivāraṇattham **abyākatavasena pucchā na katāti** dasseti.

497. **Aparisuddhavaṇṇatā** jarāyevāti keci, tam **akusalakammaṃ kammamutṭhānassāti**-ādinā rūpasseva dubbaṇṇatādassanena samamevāti.

Jarāmarāṇamvipākotikathāvaṇṇanā niṭṭhitā.

### 9. Ariyadhammavipākakathāvaṇṇanā

500. **Vatṭanti** kammādivatṭam.

Ariyadhammavipākakathāvaṇṇanā niṭṭhitā.

---

### 10. Vipākovipākadhammadhammotikathāvaṇṇanā

501. **Tappaccayāpīti** yassa vipākassa vipāko aññamaññapaccayo hoti tappaccayāpi aññamaññapaccayabhūtatopīti adhippāyo. **So hīti-ādinā** purimapaṭiññāya imassa codanassa kāraṇabhāvaṃ dasseti.

**Aññamaññapaccayādīsu paccayatthenāti ādi-**saddena sahaṭāḍīpaccayesaṅgaṇhitvā tesu tena tena paccayabhāvenāti dasseti.

Vipākovipākadhammadhammotikathāvaṇṇanā niṭṭhitā.

Sattamavaggavaṇṇanā niṭṭhitā.

---

## 8. Aṭṭhamavagga

### 1. Chagatikathāvaṇṇanā

503-504. Vaṇṇoti vaṇṇanibhā saṅghānañca vuccatīti āha “**sadisarūpasanṭhānā**”ti.

Chagatikathāvaṇṇanā niṭṭhitā.

---

### 2. Antarābhavakathāvaṇṇanā

505. Atidūrassa antaritassa pattabbassa desassa dassanato **dibbacakkhuko viya.** Ākāsenā pathavantaraṭṭhānāni bhinditvā gamanato **iddhimā viya.** Na **sahadhammenāti** yadi so bhavānaṃ antarā na siyā, na nāma antarābhavoti paṭikkhepe karaṇaṃ natthīti adhippāyo.

506. **Tattha jātijarāmarañāni ceva cutipaṭisandhiparamparañca anicchantoti** etena cuti-anantaram antarābhavam khandhāti<sup>1</sup>, vattamānā jātīti, mātukucchimeva pavīṭhā antaradhāyamānā marañanti na icchati.

507. **Yathā kāmabhavādīsu** tattha tattheva punappunam cavitvā upapattivasena cutipaṭisandhiparamparā hoti, evam tam tattha na icchatīti dasseti.

Antarābhavakathāvaṇṇanā niṭṭhitā.

### 3. Kāmaguṇakathāvaṇṇanā

510. Kāmabhavassa kamaṇaṭṭhena kāmabhavabhāvo sabbepi kāmāvacarā khandhādayo kāmabhavoti iminā adhippāyena daṭṭhabbo. Upādinnakkhandhānameva pana kāmabhavabhāvo dhātukathāyam dassito, na kamaṇaṭṭhena kāmabhavabhāvo. **“Pañcime bhikkhave kāmaguṇā”ti vacanamattam nissāyāti** pañceva kāmakoṭṭhāsā “kāmo”ti vuttāti **kāmadhātūti** vacanam<sup>2</sup> na aññassa nāmanti iminā adhippāyenevam vacanamattam nissāyāti attho.

Kāmaguṇakathāvaṇṇanā niṭṭhitā.

### 5. Rūpadhātukathāvaṇṇanā

515-516. Rūpadhātukathāyam **rūpadhātūti** vacanato rūpīdhammeva rūpadhātuyā bhavitabbanti laddhi daṭṭhabbā. Suttasu “tayome bhavā”ti-ādinā<sup>3</sup> paricchinnabhūmiyova **bhūmi-paricchedo**, “heṭṭhato avīcinirayam pariyaṇam karitvā”ti<sup>4</sup> ādikammaparicchindanampi vadanti.

Rūpadhātukathāvaṇṇanā niṭṭhitā.

1. Antarābhavakandhā (?)

3. Dī 3. 181 piṭṭhe.

2. Kāmadhātūtivacanamattam (Ka)

4. Abhi 2. 88 piṭṭhe.

### 6. Arūpadhātukathāvaṇṇanā

517-518. **Imināvupāyenāti** yathā hi purimakathāyaṃ rūpino dhammā avisesena “rūpadhātū”ti vuttā, evamidhāpi arūpino dhammā avisesena “arūpadhātū”ti vuttāti tattha vuttanayo idhāpi samānoti adhippāyo.

Arūpadhātukathāvaṇṇanā niṭṭhitā.

---

### 7. Rūpadhātuyā-āyatanakathāvaṇṇanā

519. **Ghānanimittānipīti** idaṃ ghānādinimittānipīti vattabbaṃ. **Nimittanti** ghānādīnaṃ okāsabhāvena upalakkhitaṃ tathāvidhasaṅṭhānaṃ rūpasamudāyamāha.

Rūpadhātuyā-āyatanakathāvaṇṇanā niṭṭhitā.

---

### 8. Arūperūpakathāvaṇṇanā

524-526. **Sukhumarūpaṃ atthi**, yato nissaraṇaṃ taṃ āruppanti adhippāyo.

Arūperūpakathāvaṇṇanā niṭṭhitā.

---

### 9. Rūpaṃkammantikathāvaṇṇanā

527. 537. **Pakappayamānāti** āyūhamānā, sampayuttesu adhikaṃ byāpāraṃ kurumānāti attho. **Purimavāreti** “yaṃkiñci akusalena cittaṇa samuṭṭhitaṃ rūpaṃ, sabbaṃ taṃ akusalan”ti imaṃ pañhaṃ vadati.

Rūpaṃkammantikathāvaṇṇanā niṭṭhitā.

### 10. Jīvitindriyakathāvaṇṇanā

540. **Arūpajīvitindriyantipaṇhe** “atthi arūpīnaṃ dhammānaṃ āyū”ti-  
ādikāṃ paṇhaṃ antaṃ gahetvā vadati. **Arūpadhammānaṃ cittavippayuttaṃ**  
**jīvitindriyasantānaṃ nāma atthīti icchatīti** ettha rūpārūpadhāmmānaṃ taṃ  
icchanto arūpadhammānaṃ icchatīti vattum yuttoti “arūpadhammānaṃ”ti  
vuttanti daṭṭhabbaṃ.

514. **Sattasantāne rūpino vā dhammā** **hontūti-ādināpi** tameva  
jīvitindriyasantānaṃ vadatīti veditabbaṃ.

542. **Pubbāparabhāgaṃ sandhāyāti** samāpattiyā āsannabhāvato tadāpi  
samāpannoyevāti adhippāyo.

544-545. **Dve jīvitindriyānīti** “pucchā sakavādissa, paṭiññā itarassā”ti  
purimapāṭho. “Pucchā paravādissa, paṭiññā sakavādissā”ti pacchimapāṭho,  
so yutto.

Jīvatindriyakathāvaṇṇanā niṭṭhitā.

### 11. Kammahetukathāvaṇṇanā

546. **Sesanti** pāṇātipātādikammaṃsa hetūti ito purimaṃ sotāpannādi-  
anuyogaṃ vadati. **Handa hīti** paravādissevetam sampaṭicchana vacananti  
sampaṭicchāpetunti na sakkā vattum, “katamassa kammaṃsa hetū”ti pana  
sakavādī taṃ sampaṭicchāpetum vadatīti yujjeyya, sampaṭicchāpetunti pana  
pakkhaṃ paṭijānāpetunti atthaṃ aggahetvā paravādī attano laddhiṃ  
sakavādiṃ gāhāpetunti attho daṭṭhabbo.

Kammahetukathāvaṇṇanā niṭṭhitā.

Aṭṭhamavaggavaṇṇanā niṭṭhitā.

## 9. Navamavagga

### 1. Ānisaṃsadassāvīkathāvaṇṇanā

547. **Vibhāgadassanattanti** visabhāgadassanattanti vuttaṃ hoti. Nónācittavasena paṭijānantassa adhippāyamaddanaṃ kathaṃ yuttanti vicāretabbaṃ. Ārammaṇavasena hi dassanadvayaṃ saha vadantassa tadabhāvadassanattamaṃ idaṃ āraddhanti yuttanti. **Anusāva vasānāti**-ādinā na kevalaṃ aniccādi-ārammaṇameva ñāṇaṃ vipassanā, atha kho “anuppādo khemaṃ”ti-ādikaṃ nibbāne ānisaṃsadassanañcāti dīpeti.

Ānisaṃsadassāvīkathāvaṇṇanā niṭṭhitā.

### 2. Amatārammaṇakathāvaṇṇanā

549. **Suttabhayenāti**<sup>1</sup> “pārimaṃ tīraṃ khemaṃ appaṭibhayanti kho bhikkhave nibbānassesamaṃ adhivacanaṃ”ti<sup>2</sup> asaṃyojanīyādibhāvaṃ sandhāya khemādibhāvo vuttoti evamaḍinā suttabhayenāti daṭṭhabbaṃ.

Amatārammaṇakathāvaṇṇanā niṭṭhitā.

### 3. Rūpaṃsārammaṇantikathāvaṇṇanā

552-553. **Ārammaṇattassa vibhāgadassanattanti** paccayaṭṭho okubbaṭṭhoti evaṃ vibhāge vijjamāne paccayolubbhānaṃ visesābhāvaṃ kappetvā akappetvā vā sappaccayattā olubbhārammaṇenapi sārammaṇamevāti na gahetabbanti dassanattanti vuttaṃ hoti.

Rūpaṃsārammaṇantikathāvaṇṇanā niṭṭhitā.

1. Suttavirodhabhayenāti (Aṭṭhakathāyaṃ)

2. Saṃ 2. 383 piṭṭhe.

#### 4. Anusayā-anārammaṇātikathāvaṇṇanā

554-556. **Appahīnattāva atthīti vuccati**, na pana vijjamānattāti adhippāyo.

Anusayā-anārammaṇātikathāvaṇṇanā niṭṭhitā.

---

#### 5. Ñāṇamanārammaṇantikathāvaṇṇanā

557-8. **Tassa ñāṇassāti maggañāṇassāti vadanti**.

Ñāṇamanārammaṇantikathāvaṇṇanā niṭṭhitā.

---

#### 7. Vitakkānupatitakathāvaṇṇanā

562. **Avisesenevāti** ārammaṇasampayogehi dvīhipīti attho.

Vitakkānupatitakathāvaṇṇanā niṭṭhitā.

---

#### 8. Vitakkavipphārasaddakathāvaṇṇanā

563. **Sabbasoti** savitakkacittesu sabbattha sabbadā vāti imamattham dassento āha “**antamaso manodhātupavattikālepi**”ti.

**Vitakkavipphāramattanti** vitakkassa pavattimattanti adhippāyo.

Vitakkavipphārasaddakathāvaṇṇanā niṭṭhitā.

---

#### 9. Nayathācittassavācātikathāvaṇṇanā

565. **Anāpattīti** visamvādanādhīppāyassa abhāvā musāvādo na hotīti vuttam.

Nayathācittassavācātikathāvaṇṇanā niṭṭhitā.



### 11. Atītānāgatasamannāgatakathāvaṇṇanā

568-570. **Tāsūti** tāsū paññattīsu. Samannāgamapaññattiyā **samannāgatoti vuccati**, paṭilābhapaññattiyā **lābhīti vuccati**. **Samannāgatoti vuccati** ayaṃ samannāgamapaññatti nāma. **Lābhīti vuccati** ayaṃ paṭilābhapaññatti nāmāti vā adhippāyo yojetabbo.

Atītānāgatasamannāgatakathāvaṇṇanā niṭṭhitā.

Navamavaggavaṇṇanā niṭṭhitā.

## 10. Dasamavagga

### 1. Nirodhakathāvaṇṇanā

571-2. **Bhavaṅgacittassa bhaṅgakkhaṇena sahevāti-ādiṃ** vadantena kiriyakhandhānaṃ bhaṅgakkhaṇena saha upapattesiya khandhā uppajantīti ca vattabbaṃ, tathā upapattesiyaṇaṃ bhaṅgakkhaṇena saha upapattesiya, kiriyānaṃ bhaṅgakkhaṇena saha kiriyāti. Cakkhuviññāṇādīnaṃ kiriyācatukkhandhaggahaṇena gahaṇaṃ. **Ñāṇanti** maggañāṇaṃ yuttaṃ.

Nirodhakathāvaṇṇanā niṭṭhitā.

### 3. Pañcaviññāṇasamaṅgissamaggakathāvaṇṇanā

576. **Taraṃ lakkhaṇanti** “cha viññāṇā”ti avatvā “pañcaviññāṇā uppnavatthukā”ti-ādinā vuttaṃ lakkhaṇaṃ. “Cha viññāṇā”ti avacanāṃ panettha “no ca vata re vattabbe”ti-ādivacanassa kāraṇanti adhippetāṃ.

577. **Lokiyoti** vipassanāmaggamāha. **Yaraṃ tatha-animittanti** cakkhuviññāṇasamaṅgikkhaṇe yaṃ animittaṃ gaṇhanto na nimittaggāhīti vutto, tadeva suññatanti adhippāyo.

Pañcaviññāṇasamaṅgissamaggakathāvaṇṇanā niṭṭhitā.

### 5. Pañcaviññāṇāsābhogātikathāvaṇṇanā

584-586. **Kusalākusalavasena namīti**<sup>1</sup> kusalākusalabhāvena namitvā pavattīti vuttaṃ hoti. Sā pana ārammaṇappakāraggahaṇaṃ yena alobhādīhi lobhādīhi ca sampayogo hotīti daṭṭhabbo “sukhamiti cetaso abhāgo”ti-ādīsu viya.

Pañcaviññāṇāsābhogātikathāvaṇṇanā niṭṭhitā.

### 6. Dvīhisīlehītikathāvaṇṇanā

587-589. **Khaṇabhaṅganīrodhaṃ**, na appavattinīrodhaṃ<sup>2</sup>, sīlavītikkamaṇīrodhaṃ vā. **Vītikkamaṇīviyāti** yathā vītikkame kate dussīlo, evaṃ niruddhepīti evaṃ vītikkamena ninnānaṃ sallakkhenti attho.

Dvīhisīlehītikathāvaṇṇanā niṭṭhitā.

### 7. Sīlamācetasikantikathāvaṇṇanā

590-594. **Yena so sīlavāyeva nāma hotīti** yena cittavippayuttena ṭhitena upacayena akusalābyākatacittasamaṅgī sīlavāyeva nāma hotīti adhippāyo. **Sesamettha “dānaṃ acetasikaṃ”ti kathāyaṃ vuttanayeneva veditabbanti vuttaṃ**, sā pana kathā maggitabbā.

Sīlamācetasikantikathāvaṇṇanā niṭṭhitā.

### 9. Samādānahetukathāvaṇṇanā

598-600. Samādānahetukathāyaṃ **purimakathāsadisamevāti** paribhogakathekadesasadisatā daṭṭhabbā.

Samādānahetukathāvaṇṇanā niṭṭhitā.

1. Kusalākusalavasena namanamīti (?), kusalākusalavasena hoti (Aṭṭhakathāyaṃ)

2. Khaṇabhaṅganīrodhanti appavattinīrodhaṃ (Ka)

### 11. Aviññattidussīlyantikathāvaṇṇanā

603-604. **Āṇattiyā ca pāṇātipātādīsu aṅgapāripūrinti** ekasmim divase āṇattassa aparasmim divase pāṇātipātāṃ karontassa tadā sā āṇatti viññattim vināyeva aṅgaṃ hotīti **aviññatti dussīlyanti** adhippāyo.

Aviññattidussīlyantikathāvaṇṇanā niṭṭhitā.

Dasamavaggavaṇṇanā niṭṭhitā.

Dutiyo paṇṇāsako samatto.

### 11. Ekādasamavagga

#### 4. Ñāṇakathāvaṇṇanā

614-615. Ñāṇakathāyaṃ **seyyathāpi mahāsaṃghikānanti** pubbe **ñāṇaṃanārammaṇantikathāyaṃ**<sup>1</sup> vuttehi andha kehi aññe idha mahāsaṃghikā bhaveyyuṃ. **Yadi aññāṇe vigateti**-ādinā rāgavigamo viya vītarāgapaññattiyā aññāṇavigamo ñāṇīpaññattiyā kāraṇanti dasseti. Na hi ñāṇaṃ assa atthīti ñāṇī, atha kho aññāṇīpaṭipakkhato ñāṇīti. **Yasmā ñāṇapaṭilābhenāti** ettha ca ñāṇapaṭilābhena aññāṇassa vigatattā so ñāṇīti vattabbatāṃ āpajjatīti attho daṭṭhabbo.

Ñāṇakathāvaṇṇanā niṭṭhitā.

#### 6. Idamdukkhantikathāvaṇṇanā

618-620. **Itaro pana sakasamayeti** paravādī attano samayeti attho.

Idamdukkhantikathāvaṇṇanā niṭṭhitā.

---

1. Abhi 4. 300 piṭṭhe.

### 7. Iddhibalakathāvaṇṇanā

621-624. **Kamassa vipākavasena vāti** nirayaṃva sandhāya vuttaṃ. Tattha hi abbudādi-paricchedo tādisassa kammavipākassa vasena vutto. **Vassagaṇanāya vāti** manusse cātumahārājikādideve ca sandhāya. Tesaṃhi asaṅkheyampi kālaṃ vipākadānasamatthaṃ kammaṃ vassagaṇanāya paricchijjatīti.

Iddhibalakathāvaṇṇanā niṭṭhitā.

---

### 8. Samādhikathāvaṇṇanā

625-626. **Samādhānaṭṭhenāti** samaṃ ṭhapanatṭhena samādhi nāma cetasikantaraṃ atthīti aggahetvāti attho. **Chalenāti** ekacittakkhaṇikatte cakkhuviññāṇassa ca jhānacittassa ca na koci visesoti etena sāmāñnamattenāti adhippāyo.

Samādhikathāvaṇṇanā niṭṭhitā.

---

### 9. Dhammaṭṭhitatākathāvaṇṇanā

627. **Anantarapaccayatañcevāti** avijjā saṅkhārānaṃ anantarapaccayo avijjāya yā ṭhitatā tato hoti, tāya ṭhitatāya anantarapaccayabhāvasaṅkhātā ṭhitatā hotīti adhippāyo. Anantarapaccayaggahaṇaṇcetha aññamaññapaccayabhāvarahitassa ekassa paccayassa dassanatthanti daṭṭhabbaṃ. Tena hi sabbo tādiso paccayo dassito hotīti. **Aññamaññapaccayatañcāti** avijjā saṅkhārānaṃ paccayo, saṅkhārā ca avijjāya. Tattha avijjāya saṅkhārānaṃ paccayabhāvasaṅkhātāya ṭhitatāya saṅkhārānaṃ avijjāya paccayabhāvasaṅkhātā ṭhitatā hoti, tassā ca itarāti adhippāyo.

Dhammaṭṭhitatākathāvaṇṇanā niṭṭhitā.

### 10. Aniccatākathāvaṇṇanā

628. **Rūpādayo viya parinipphannāti rūpādīhi saha uppajjitvā** nirujjhanato parinipphannāti attho. **Aniccatāvibhāgānuyuñjanavasenāti** tīsu daṇḍesu daṇḍavohāro viya tīsu lakkhaṇesu aniccatāvohāro hotīti tassā vibhāgānuyuñjanavasenāti vadanti.

Aniccatākathāvaṇṇanā niṭṭhitā.

Ekādasamavaggavaṇṇanā niṭṭhitā.

### 12. Dvādasamavagga

#### 1. Saṁvarokammantikathāvaṇṇanā

630-632. **Vipākadvāranti bhavaṅgamanam vadati. Kammadvāranti** kusalākusalamanam.

Saṁvarokammantikathāvaṇṇanā niṭṭhitā.

#### 2. Kammakathāvaṇṇanā

633-635. **Abyākataṁ sandhāya paṭikkhepoti sakasamayalakkhaṇena** paṭikkhepo katoti vadanti. Avipākacetanāya sarūpena dassitāya savipākāpi dassitāyeva nāma hotīti maññamāno āha “**savipākāvipākacetanam sarūpena dassetun**”ti.

Kammakathāvaṇṇanā niṭṭhitā.

#### 3. Saddovipākotikathāvaṇṇanā

636-637. **Kammasamuṭṭhānā arūpadhammāvāti-ādinā** kammasamuṭṭhānesu cakkhādīsupi vipākavohāro natthi, ko pana vādo akammasamuṭṭhāne saddeti dasseti.

Saddovipākotikathāvaṇṇanā niṭṭhitā.

#### 4. Saḷāyatanakathāvaṇṇanā

638-640. **tasmā vipākoti** avisesena saḷāyatanam vipākoti yesam laddhīti vuttam hoti.

Saḷāyatanakathāvaṇṇanā niṭṭhitā.

#### 5. Sattakkhattuparamakathāvaṇṇanā

641-645. **Sattakkhattuparamatāniyatoti** sattakkhattuparamatāya niyato. **Imam vibhāganti** imam visesam. **Tvam panassa niyāmam icchasīti** avinipātadhammatāphalappattīhi aññasmim sattakkhattuparamabhāve ca niyāmam icchasīti attho.

**Ānantariyābhāvanti** yena so dhammābhisamayena bhabbo nāma hoti, tassa ānantariyakammassa abhāvanti attho, puggalassa vā ānantariyabhāvassa abhāvanti. Kim pana so antarādhammam abhisamissatīti? Keci vadanti “sattakkhattuparamo sattamam bhavam nātikkamati, orato pana natthi paṭisedho”ti. Apare “yo bhagavatā ñāṇabalena byākato, tassa antarā abhisamayo nāma natthi, tathāpi bhavaniyāmassa kassaci abhāvā bhabboti vuccati. Yathā kusalā abhiññā cetanā kadāci vipākam adadamānāpi sati kāraṇe dātum bhabbatāya vipākadhammadhammā nāma, tathā indriyānam mudutāya sattakkhattuparamo, na niyāmasabbhāvā nāpi bhagavatā byākatattā, na ca indriyamudutā abhabbatākaro dhammoti na so abhabbo nāma. Abhabbatākaradhammā bhāvato cettha abhabbatā paṭisedhitā, na pana antarā abhisametum bhabbatā vuttā. Yadi ca sattakkhattuparamo antarā abhisameyya, kolamkolo siyā”ti. Visesam pana akatvā bhabbasabhāvatāya bhabboti vattum yuttam. **Na bhavaniyāmakam kiñcīti** passitvāti vacanaseso, byākarotīti vā sambandho.

Sattakkhattuparamakathāvaṇṇanā niṭṭhitā.

Dvādasamavaggavaṇṇanā niṭṭhitā.

### 13. Terasamavagga

#### 1. Kappaṭṭhakathāvaṇṇanā

654-657. Kappaṭṭhakathāyaṃ **hetṭhā**ti iddhibalakathāyaṃ.

Kappaṭṭhakathāvaṇṇanā niṭṭhitā.

---

#### 3. Anantarāpayuttakathāvaṇṇanā

660-662. Anantarāpayuttakathāyaṃ ānantariyaṃ payuttaṃ etenāti **anantarāpayuttoti** ānantariye anantarāsaddaṃ āropetvā aṭṭhakathāyaṃ attho vuttoti daṭṭhabbo. “Anantarapayutto”tipi pāḷi dissati.

Anantarāpayuttakathāvaṇṇanā niṭṭhitā.

---

#### 4. Niyatassaniyāmakathāvaṇṇanā

663-664. **Sesā te bhūmakadhammā aniyatā nāmā**ti ettha appattaniyāmānaṃ dhamme sandhāya “**tebhūmakadhammā**”ti āha. Eteva hi sandhāya “**tehi samannāgatopi aniyatoyevā**”ti vuttanti. Iti imaṃ vohāramattaṃ gahetvā “niyato bodhisatto pacchimabhaviko bhabbo dhammaṃ abhisametum okkamitum”ti adhippāyena “niyāmaṃ okkamati”ti yesaṃ laddhīti atthayojanā. Evaṃ pana vohāramatthasabbhāvo “niyato”ti vacanassa, dhammaṃ abhisametum bhabbatā ca “niyāmaṃ okkamati”ti vacanassa kāraṇabhāvena vuttā hoti, bhabbatāyeva pana ubhayassapi kāraṇanti yuttaṃ. **Aññenā**ti yadi niyato niyāmaṃ okkameyya, micchattaniyato sammattaniyāmaṃ, sammattaniyato vā micchattaniyāmaṃ okkameyya, na ca taṃ atthīti dassanattanti attho.

Niyatassaniyāmakathāvaṇṇanā niṭṭhitā.

### 8. Asātarāgakathāvaṇṇanā

674. Asātarāgakathāyaṃ “**aho vata me etadeva bhaveyyā**”ti rajjanāti iminā evaṃ pavattamānoyeva lobho idha “rāgo”ti adhippeto, na aññathāti dasseti.

675. **Sutte panāti** etassa “adhippāyo”ti etena sambandho.

Asātarāgakathāvaṇṇanā niṭṭhitā.

---

### 9. Dhammataṇhā-abyākatātīkathāvaṇṇanā

676-680. **Yasmā dhammataṇhāti vuttā, tasmā abyākatāti** kusalesu dhammesu lokuttaresu vā sabbesu taṇhā “dhammataṇhā”ti gahetvā yasmā sā taṇhā, tasmā kusalā na hoti, yasmā pana dhamme pavattā, tasmā akusalā na hotīti abyākatāti laddhīti dasseti. **Tīhi koṭṭhāsehi chapi taṇhā samkhipitvā dassitā**, tasmā dhammataṇhāpi kāmataṇhādibhāvato na abyākatāti adhippāyo.

Dhammataṇhā-abyākatātīkathāvaṇṇanā niṭṭhitā.

Terasamavaggavaṇṇanā niṭṭhitā.

---

## 14. Cuddasamavagga

### 1. Kusalākusalapaṭisandahanakathāvaṇṇanā

686-690. **Tanti** kusalaṃ akusalañcāti visuṃ sambandho daṭṭhabbo. **Tam** ubhayanti vā vacanaseso. **Paṭisandahatīti** ghaṭeti, anantaram uppadetīti vuttam hoti.

Kusalākusalapaṭisandahanakathāvaṇṇanā niṭṭhitā.





### 6. Pariyuṭṭhānaṃcittavippayuttantikathāvaṇṇanā

702. **Yasmā aniccādito manasikarotopi rāgādayo uppajjanti**, na ca te vipassanāya sampayuttā, tasmā ariyuṭṭhānaṃ cittavippayuttanti laddhīti adhippāyo.

Pariyuṭṭhānaṃcittavippayuttantikathāvaṇṇanā niṭṭhitā.

---

### 7. Pariyāpannakathāvaṇṇanā

703-705. **Tividhāyāti** kilesavatthu-okāsavasena, kāmarāgakāmavitakkakāmāvacaradhammasvasena vā tividhāya. **Kilesakāmavasenāti** kilesakāmabhūtakāmādhātubhāvenāti vuttam hoti. **Adhippāyaṃ asallakkhentoti** rūpadhātusahagatavasena anusetīti, rūpadhātudhammesu aññatarabhāvena rūpadhātupariyāpannoti ca pucchitabhāvaṃ asallakkhentoti attho.

Pariyāpannakathāvaṇṇanā niṭṭhitā.

---

### 8. Abyākatakathāvaṇṇanā

706-708. **Diṭṭhigataṃ “sassato lokoti kho vaccha abyākatametana”ti sassatādibhāvena akathitattā** “abyākatan”ti vuttanti sambandho. Ettha pana na diṭṭhigataṃ “abyākatan”ti vuttam, atha kho “ṭhapanīyo eso pañho”ti dassitam, tasmā sabbathāpi diṭṭhigataṃ “abyākatan”ti na vattabbanti vuttam.

Abyākatakathāvaṇṇanā niṭṭhitā.

---

### 9. Apariyāpannakathāvaṇṇanā

709-710. **Tasmāti** yasmā diṭṭhirāgānaṃ samāne vikkhambhanabhāvepi “vītarāgo”ti vuccati, na pana “vigatadiṭṭhiko”ti, tasmā diṭṭhi lokiyapariyāpannā na hotīti attham vadanti. Rūpadiṭṭhiyā abhāvā pana kāmādhātupariyāpannāya diṭṭhiyā bhavitabbanā. Yadi ca pariyāpannā siyā, tathā

ca sati kāmarāgo viya jhānalābhino diṭṭhipi vigaccheyyāti “vigatadiṭṭhiko”ti vattabbo siyā, na ca vuccati, tasmā apariyāpannā diṭṭhi. Na hi sā tassā avigatā diṭṭhi kāmarāgo viya kāmadiṭṭhi yena kāmadhātuyā pariyāpannā siyāti vadatīti veditabbaṃ.

Apariyāpannakathāvaṇṇanā niṭṭhitā.

Cuddasamavaggavaṇṇanā niṭṭhitā.

## 15. Pannarasamavagga

### 1. Paccayatākathāvaṇṇanā

711-717. **Tasmā paccayatā vavatthitāti** hetupaccayabhūtaṃ dhammassa ārammaṇapaccayabhāvādinā viya adhipatipaccayatādinā ca na bhavitabbanti hetupaccayabhāvoyevetassa vavatthito hotīti attho.

Paccayatākathāvaṇṇanā niṭṭhitā.

### 2. Aññamaññapaccayakathāvaṇṇanā

718-719. **Apuññābhisāṅkhārova gahito** “nanu avijjā saṅkhārena sahajātā”ti vuttatīti adhippāyo. **Sahajāta-aññamañña-atthi-avigatasampayuttvasenāti** ettha nissayo kamabhedena atthiggahaṇena gahito hotīti na vutto, kammāhārā asādhāraṇatāyāti veditabbā. Vakkhati hi “tīṇi upādānāni avijjāya saṅkhārā viya taṇhāya paccayā hontī”ti<sup>1</sup>, tasmā upādānehi samānā evettha saṅkhārānaṃ paccayato dassitīti.

Aññamaññapaccayakathāvaṇṇanā niṭṭhitā.

---

1. Abhi-Ṭṭha 3. 245 piṭṭhe.

### 9. Tatiyasaññāvedayitakathāvaṇṇanā

732. Tatiyasaññāvedayitakathāyaṃ **sesasatte sandhāyāti** nirodhasamāpannato aññe yesaṃ nirodhasamāpattiyā bhavitabbaṃ, te pañcavokārasatte sandhāyāti adhippāyo, asaññasattānampi ca saññuppādā cutim icchantīti sesasabbasatte sandhāyāti vā. **Sarīrapakatinti** tathārūpo ayam kāyo, yathārūpe kāye pañisamphassāpi kamantīti-ādikaṃ.

733-734. **Suttavirodho** siyāti idaṃ paravādim sampatiṇchāpetvā vattabbaṃ.

Tatiyasaññāvedayitakathāvaṇṇanā niṭṭhitā.

### 10. Asaññasattupikākathāvaṇṇanā

735. **Saññāvirāgavasena pavattabhāvanā asaññasamāpattipīti** laddhikittane saññāvirāgavasena pavattabhāvanam catutthajjhānasamāpattim “asaññasamāpattim”ti aggahetvā sāpi asaññitā<sup>1</sup> saññāvedayitanirodhasamāpattiyeva nāmāti parassa laddhīti dasseti. **Yasmā asaññasamāpattim samāpannassa alobhādayo atthīti** ettha sakasamayāsiddhā catutthajjhānasamāpatti “asaññasamāpatti”ti vuttā.

736. **Saññāvirāgavasena samāpannattā asaññitā**, na saññāya abhāvatoti catutthajjhānasamāpattimeva sandhāya vadati.

Asaññasattupikākathāvaṇṇanā niṭṭhitā.

### 11. Kammūpacayakathāvaṇṇanā

738-739. **Kammena sahaḷatoti pañhesu** “kammūpacayaṃ sandhāya paṭikkhipati, cittavippayuttam sandhāya paṭijānātī”ti katthaci pāḷho,

---

1. Asaññattā (Ka)

“cittasampayuttam sandhāya paṭikkhipati, cittavippayuttam sandhāya paṭijānāti”ti aññattha. Ubhayampi vicāretabbaṃ.

841. **Tasmā**ti tiṇṇampi ekakkhaṇe sabbhāvato tiṇṇam phassānañca samodhānā ca ekattam pucchātīti adhippāyo daṭṭhabbo.

Kammūpacayakathāvaṇṇanā niṭṭhitā.

Pannarasamavaggavaṇṇanā niṭṭhitā.

Tatiyo paṇṇasako samatto.

## 16. Soḷasamavagga

### 3. Sukhānuppadānakathāvaṇṇanā

747-748. Sukhānuppadānakathāyaṃ **yaṃ evarūpanti** yaṃ nevattano, na paresaṃ na tassa, evarūpaṃ nāma anuppadinnaṃ bhavituṃ na arahati aññassa asakkuṇeyyattāti laddhimattena paṭijānāti, na yuttiyāti adhippāyo.

Sukhānuppadānakathāvaṇṇanā niṭṭhitā.

### 4. Adhigayhamanasikārakathāvaṇṇanā

749-753. **Taṃcittatāyāti**<sup>1</sup> tadeva ārammaṇabhūtaṃ cittaṃ etassāti taṃcitto, tassa bhāvo taṃcittatā, tāya taṃcittatāya. Taṃ vā ālambakaṃ ālambitabbañca cittaṃ taṃcittam, tassa bhāvo tasseva ālambaka-ālambitabbatā taṃcittatā, tāya codetunti attho.

Adhigayhamanasikārakathāvaṇṇanā niṭṭhitā.

### 9. Rūpaṃrūpāvacarārūpāvacarantikathāvaṇṇanā

768-770. Rūpaṃrūpāvacarārūpāvacarantikathāyaṃ **heṭṭhāti** cuddasamavagge **āgatapariyāpannakathāyaṃ**<sup>2</sup>. “Samāpattesiyan”ti-ādi vuttanayameva.

1. Taccittatāyāti (Ka)

2. Abhi-Ṭṭha 3. 243 piṭṭhe.

Yañcetha “atthi rūpaṃ arūpāvacaran”ti arūpāva-arakamassa katattā rūpaṃ vuttaṃ, tattha ca yaṃ vattabbaṃ, taṃ aṭṭhamavagge **arūperūpakathāyaṃ**<sup>1</sup> vuttanayamevāti.

Rūpaṃrūpāvacarārūpāvacarantikathāvaṇṇanā niṭṭhitā.

Soḷasamavaggavaṇṇanā niṭṭhitā.

## 17. Sattarasamavagga

### 1. Atthi-arahatopuññūpacayakathāvaṇṇanā

776-779. **Cittaṃ anādiyivāti** “kiriya-cittena dānādipavattisabbhāvato”ti vuttaṃ kiriya-cittaṃ abyākataṃ anādiyivāti attho.

Atthi-arahatopuññūpacayakathāvaṇṇanā niṭṭhitā.

### 2. Natthi-arahato-akālamaccūtikathāvaṇṇanā

780. **Ayoniso gahetvāti** aladdhavipākavārānampi kammānaṃ byantībhāvaṃ na vadāmīti atthaṃ gahetvāti adhippāyo. Keci pana “kammānaṃ vipākāṃ appaṭisaṃviditvā puggalassa byantībhāvaṃ na vadāmīti evaṃ ayoniso atthaṃ gahetvā”ti vadanti.

781. **Tāva na kamatīti laddhiyā paṭikkhipatīti** tāva na kamati, tato paraṃ kamatīti laddhiyā paṭikkhipatīti adhippāyo. Ettha kira “sati jīvite jīvitāvasese jīvitā voropetī”ti vacanato attano dhammatāya marantaṃ koṭṭentassa vā sīsaṃ vā cindantassa natthi pāṇatipātoti ācariyā vadanti. Pāṇo pāṇasaññitā vadhakacitta-upakkamamaraṇesu vijjamānesupi na tena upakkamena matoti natthi pāṇatipātīti adhippāyo. Evaṃ pana marantena tena ekacittavārampi dhammatāmaraṇato orato na matoti dubbiññeyyametaṃ.

Natthi-arahato-akālamaccūtikathāvaṇṇanā niṭṭhitā.

---

1. Abhi-Ṭṭha 3. 210 piṭṭhe.

### 3. Sabbamidamkammatotikathāvaṇṇanā

784. **Bijato añkurassevāti** yathā añkurassa abījato nibbatti natthi, tathā paccuppannapavattassapi akammato kammavipākato nibbatti natthi, taṃ sandhāya paṭikkhipatīti adhippāyo. **Deyyadhammavasena dānaphalaṃ pucchatīti** deyyadhammavasena yāya cetanāya taṃ deti, tassa dānassa phalaṃ pucchati, na deyyadhammassāti vuttaṃ hoti.

Sabbamidamkammatotikathāvaṇṇanā niṭṭhitā.

### 4. Indriyabaddhakathāvaṇṇanā

788. **Vināpi aniccattenāti**<sup>1</sup> “yāva dukkhā nirayā”<sup>2</sup> ādisu viya dukkhārammaṇattenapi dukkhaṃ vattabbanti adhippāyo.

Indriyabaddhakathāvaṇṇanā niṭṭhitā.

### 7. Navattabbamsamghodakkhiṇaṃvisodhetītikathāvaṇṇanā

793-794. Navattabbamsamghodakkhiṇaṃvisodhetītikathāyaṃ **na ca tāni dakkhiṇaṃ visodhetum sakkontīti** yathā puggalo silaparisoḍhanādīni katvā nirodhampi samāpajjitvā visodhetum sakkoti, na evaṃ maggaphalānīti adhippāyo, appaṭiggahaṇatoti vā.

Navattabbamsamghodakkhiṇaṃvisodhetītikathāvaṇṇanā niṭṭhitā.

### 11. Dakkhiṇāvisuddhikathāvaṇṇanā

800-801. Dakkhiṇāvisuddhikathāyaṃ **visujjheyāti** etassa atthaṃ dassento “**mahapphalā bhaveyyā**”<sup>1</sup>ti āha. **Dāyakasseva cittavisuddhi vipākadāyikā hotīti** paṭiggāhakanirapekkhā paṭiggāhakena paccayabhūtena vinā dāyakeneva mahāvīpākacetanattaṃ āpādikā, paṭiggāhakanirapekkhā vipākadāyikā hotīti adhippāyo. **Añño aññassa**

1. Aniccaṭṭhena (Aṭṭhakathāyaṃ)

2. Ma 3. 205 piṭṭhe.

**kāraṅkoti yadi dāyakassa dānacetanā nāma paṭiggāhakena katā bhaveyya, yuttarūpaṃ siyāti** kasmā vuttam, nanu laddhikittane “dāyakena dānam dinnam, paṭiggāhakena vipāko nibbattitoti añño aññassa kāraṅko bhaveyyā”ti vuttanti? Saccametaṃ, paṭiggāhakena vipāko nibbattitoti añño aññassa kāraṅko bhaveyyā”ti vuttanti? Saccametaṃ, paṭiggāhakena vipākanibbattanampi pana dānacetanānibbattanena yadi bhaveyya, evaṃ sati añño aññassa kāraṅkoti yuttarūpaṃ siyāti adhippāyo.

Dakkhiṇāvisuddhikathāvaṇṇanā niṭṭhitā.

Sattarasamavaggavaṇṇanā niṭṭhitā.

## 18. Aṭṭhārasamavagga

### 1. Manussalokakathāvaṇṇanā

802-803. **Ayonisoti** “tusitapuraṃ sandhāyā”ti-ādikaṃ gahaṇaṃ sandhāyāha.

Manussalokakathāvaṇṇanā niṭṭhitā.

### 2. Dhammadesanākathāvaṇṇanā

804-806. Tassa ca desanaṃ sampaṭicchitvā sayameva ca āyasmatā Ānandattherena desitoti vadati.

Dhammadesanākathāvaṇṇanā niṭṭhitā.

### 6. Jhānaśāṅkantikathāvaṇṇanā

813-816. Jhānaśāṅkantikathāyaṃ **uppaṭipāṭiyāti** paṭhamajjhānato vuṭṭhāya vitakkavicārā ādīnavato manasikātabbā, tato dutiyajjhānena bhavitabbanti evaṃ yo upacārānaṃ jhānānañca anukkamo, tena vināti attho.

Jhānaśāṅkantikathāvaṇṇanā niṭṭhitā.



## 7. Jhānantarikakathāvaṇṇanā

817-819. **Jhānantarikā nāma esāti** paṭhamajjhānādīsu aññatarabhāvābhāvato na jhānaṃ, atha kho dakkhiṇapubbādidisantarikā viya jhānantarikā nāma esāti. Katarā? Yoyaṃ avitakkavicāramatto samādhīti yojetabbaṃ.

Jhānantarikakathāvaṇṇanā niṭṭhitā.

## 9. Cakkhunārūpampassatītikathāvaṇṇanā

826-827. **Paṭijānaṃ sandhāyāti** “cakkhunā rūpaṃ disvā nimittaggāhī hotī”ti-ādinā<sup>1</sup> nayena vuttaṃ manoviññāṇapaṭijānaṃ kira sandhāyāti adhippāyo, tasmā “evaṃ sante rūpaṃ manoviññāṇaṃ āpajjatīti manoviññāṇapaṭijānaṃ pana rūpadassanaṃ kathaṃ hotī”ti vicāretabbaṃ.

Cakkhunārūpampassatītikathāvaṇṇanā niṭṭhitā.

Aṭṭhārasamavaggavaṇṇanā niṭṭhitā.

## 19. Ekūnavīsatiṃavagga

### 1. Kilesapajahanakathāvaṇṇanā

828-831. **Anuppannāyeva nuppajantīti pahīnā nāma hontī**, tasmā natthi kilesapajahanāti paṭikkhipati. Te pana neva uppajjitvā vigatā, nāpi bhavissanti, na ca uppannāti atīte kilese pajahatīti-ādi na vattabbanti dasseti.

Kilesapajahanakathāvaṇṇanā niṭṭhitā.

---

1. Abhi 1. 261 piṭṭhe.

## 2. Suññatakathāvaṇṇanā

832. **Anattalakkhaṇaṃ tāva ekaccanti** arūpakkhandhānaṃ anattalakkhaṇaṃ vadati. **Ekena pariyāyenāti** anattalakkhaṇassa jarāmaṇabhāvapariyāyenāti vadanti. Rūpakkhandhādīnañhi mā jīratu mā maratūti alabbhaneyyo avasavattanākāro anattatā, sā atthato jarāmaṇameva, tañca “jarāmaṇaṃ dvīhi khandhehi saṅgahitaṃ”<sup>1</sup> vuttatā arūpakkhandhānaṃ jarāmaṇaṃ saṅkhārakkhandhapariyāpannanti ayametesam adhippāyo.

Suññatakathāvaṇṇanā niṭṭhitā.

## 3. Sāmaññaphalakathāvaṇṇanā

835-836. **Phaluppatti cāti** pattidhammaṃ vadati.

Sāmaññaphalakathāvaṇṇanā niṭṭhitā.

## 5. Tathatākathāvaṇṇanā

841-843. **Rūpādisabhāvatāsaṅkhātāti** ettha rūpādīnaṃ sabhāvatāti rūpādisabhāvatāti evamattho daṭṭhabbo. Bhāvaṃ hesa tathatāti vadati, na bhāvayoganti.

Tathatākathāvaṇṇanā niṭṭhitā.

## 6. Kusalakathāvaṇṇanā

844-846. **Anavajjabhāvamatteneva nibbānaṃ kusalanti** yaṃkiñci kusalaṃ, sabbaṃ taṃ anavajjabhāvamatteneva, tasmā nibbānaṃ kusalanti vuttaṃ hoti.

Kusalakathāvaṇṇanā niṭṭhitā.

---

1. Abhi 3. 13 piṭṭhe.

### 7. Accantaniyāmakathāvaṇṇanā

847. “**Sakim nimuggo nimuggova hoti**”ti **suttam nissāyāti** tāya jātiyā lokuttarasaddhādīnaṃ anuppattiṃ sandhāya kataṃ avadhāraṇaṃ saṃsārakhāṇukabhāvaṃ sandhāya katanti maññamāno puthujjanassāyaṃ accantaniyāmatā, yāyaṃ niyatamicchādiṭṭhīti “atthi puthujjanassa accantaniyāmatā”ti vadati. Vicikicchuppatti niyāmantaruppatti ca accantaniyāmanivattakā vicāretvā gahetabbā.

Accantaniyāmakathāvaṇṇanā niṭṭhitā.

### 8. Indriyakathāvaṇṇanā

853-856. **Lokiyānampīti** lokuttarānaṃ viya lokiyā nampi saddhādīnaṃyeva saddhindriyādibhāvadassanena lokiyasaddhindriyādibhāvaṃ sādhetuṃ **saddhādīnaṃ yeva saddhindriyādibhāvadassanatthaṃ vuttanti** attho daṭṭhabbo.

Indriyakathāvaṇṇanā niṭṭhitā.

Ekūnavīsativavaggavaṇṇanā niṭṭhitā.

## 20. Vīsativavagga

### 2. Ñāṇakathāvaṇṇanā

863-865. Ñāṇakathāyaṃ **dukkhaṃ parijānāti** **lokuttaramaggañāṇameva dīpeti**ti “dukkhaṃ parijānāti”ti vadanto<sup>1</sup> idam tava vacanaṃ lokuttaramaggañāṇameva dīpeti, na tasseva ñāṇabhāvaṃ. Kasmā? Yasmā na lokuttarameva ñāṇaṃ, tasmā na idam sādhakanti vuttaṃ hoti.

Ñāṇakathāvaṇṇanā niṭṭhitā.

---

1. Vadanta (?)

### 3. Nirayapālakathāvaṇṇanā

867-868. **Paṇunnanti** paṇuditaṃ, anavasesakhittanti attho.

Nirayapālakathāvaṇṇanā niṭṭhitā.

---

### 4. Tiracchānakathāvaṇṇanā

869-871. **tassa atthitāya paṭiññāti** tassa hatthināgassa ca dibbayānassa ca atthitāyāti visum yojetabbaṃ.

Tiracchānakathāvaṇṇanā niṭṭhitā.

---

### 6. Ñānakathāvaṇṇanā

876-877. Ñānakathāyaṃ **sace taṃ dvādasavatthukanti** ettha ca “lokuttaraṃ”ti vacanaseso, taṃ vā lokuttaraññānaṃ sace dvādasavatthukanti attho. Pariññeyyanti pubbabhāgo, pariññātanti aparabhāgo, saccaññānaṃ pana maggakkhaṇepi pariḷānaṇādikkasādhana vasena hotīti āha “**saddhiṃ pubbabhāgaparabhāgehī**”ti.

Ñānakathāvaṇṇanā niṭṭhitā.

Visatimavaggavaṇṇanā niṭṭhitā.

Catuttho paṇṇāsako samatto.

---

## 21. Ekavīsativavagga

### 1. Sāsanakathāvaṇṇanā

878. **Tisupi pucchāsu codanatthaṃ vuttanti** tisupi pucchāsu “sāsanānaṃ”ti-ādivacanāṃ vuttanti samudāyā ekadesānaṃ adhikaraṇābhāvena vuttāti daṭṭhabbā.

Sāsanakathāvaṇṇanā niṭṭhitā.

### 11. Iddhikathāvaṇṇanā

883-884. Iddhikathāyaṃ **atthi adhippāya-iddhīti** adhippāyavasena ijghanato adhippāyoti evaṃnāmikā iddhi atthīti attho.

Iddhikathāvaṇṇanā niṭṭhitā.

### 14. Dhammakathāvaṇṇanā

887-888. Dhammakathāyaṃ **rūpaṭṭhato aññassa rūpassa abhāvāti** yo rūpassa niyāmo vucceyya, so rūpaṭṭho nāma koci rūpato añño natthīti rūpaṭṭhato aññaṃ rūpañca na hoti, tasmā rūpaṃ rūpameva, na vedanādisabhāvanti adhippāyena “rūpaṃ rūpaṭṭhena niyatan”ti vattabbaṃ, na aññathā rūpaṭṭhena niyāmenāti adhippāyo. Tattha rūpato aññassa rūpaṭṭhassa abhāve dassite rūpaṭṭhato aññassa rūpassa abhāvo dasitoyeva nāma hotīti tameva rūpato aññassa rūpaṭṭhassa abhāvaṃ dassento **“rūpasabhāvo hī”**ti-ādimāha. **Esā vohāroti** rūpassa sabhāvo rūpasabhāvo, rūpassa attho rūpaṭṭhoti evaṃ aññattaṃ gahetvā viya pavatto rūpasabhāvavohāro rūpaṭṭhavohāro vā vedanādīhi nānattameva so sabhāvoti nānattasaññāpanatthaṃ hotīti attho. **Tasmāti** rūpassa rūpaṭṭhena anaññattā. “Rūpaṃ rūpameva, na vedanādisabhāvan”ti avatvā **“rūpaṃ rūpaṭṭhena niyatan”**ti vadato<sup>1</sup> tañca vacanaṃ vuttappakārena sadosaṃ, atha kasmā “rūpañhi rūpaṭṭhena niyatanti rūpaṃ rūpameva, na vedanādisabhāvanti adhippāyena vattabbaṃ”ti vadanto “rūpaṃ rūpaṭṭhena niyatan”ti paṭijānātīti attho daṭṭhabbo. Nanu cetāṃ attanāva vuttaṃ, na parenāti paṭijānātīti na vattabbanti? Na, attānampi paraṃ viya vacanato. Vattabbanti vā sakavādinā vattabbanti vuttaṃ hoti. Yadi ca tena vattabbaṃ paṭijānāti ca so etamatthanti, atha kasmā paṭijānāti sakavādīti ayamettha attho. **Atthantaravasenāti** tattha vuttameva kāraṇaṃ nigūhitvā parena coditanti tameva kāraṇaṃ dassetvā codanaṃ nivattati. **Ito aññathāti** rūpādisabhāvamattaṃ muñcivā tena parikappitaṃ niyataṃ natthīti

---

1. Vadantena (Ka)

tassa parikkappitassa nivattanattham puna teneva codetum  
“micchattaniyatan”ti-ādimāhāti attho.

Dhammakathāvaṇṇanā niṭṭhitā.

Ekavīsativavaggavaṇṇanā niṭṭhitā.

---

## 22. Bāvīsativavagga

### 2. Kusalacittakathāvaṇṇanā

894-895. Kusalacittakathāyaṃ **javanakkhaṇeti** parinibbānacittato  
purimajavanakkhaṇe.

Kusalacittakathāvaṇṇanā niṭṭhitā.

---

### 3. Āneñjakathāvaṇṇanā

896. **Bhavaṅgacitteti** bhavaṅgapariyosānattā cuticittam  
“bhavaṅgacittan”ti āha.

Āneñjakathāvaṇṇanā niṭṭhitā.

---

### 5. Tissopikathāvaṇṇanā

898-900. **Sattavassikaṃ gabbhaṃ disvā** “gabbhēyeva  
arahattappattihetubhūto indriyaparipāko atthī”ti “arahattapattipi atthī”ti  
maññāti, ākāsaupinaṃ disvā “ākāsaḡamanādi-abhiññā viya  
dhammābhisamayo arahattappatti ca atthī”ti maññāti adhippāyo.

Tissopikathāvaṇṇanā niṭṭhitā.

### 9. Āsevanapaccayakathāvaṇṇanā

903-905. Na koci āsevanapaccayaṃ āsevati nāmāti yathā bījaṃ catumadhurabhāvaṃ na gaṇhāti, evaṃ bhāvanāsaṅkhātāṃ āsevanapaccayaṃ gaṇunto āsevanto nāma koci natthīti attho.

Āsevanapaccayakathāvaṇṇanā niṭṭhitā.

### 10. Khaṇikakathāvaṇṇanā

906-907. Pathaviyādirūpesu kesañci uppādo kesañci nirodhoti evaṃ patiṭṭhānaṃ rūpasantatiyā hoti. Na hi rūpānaṃ anantarādipaccayā santi, yehi arūpasantatiyā viya rūpasantatiyā pavatti siyāti citte “citte mahāpathavi saṅghātī”ti-ādi coditaṃ.

Khaṇikakathāvaṇṇanā niṭṭhitā.

Bāvīsativavaggavaṇṇanā niṭṭhitā.

## 23. Tevīsativavagga

### 1. Ekādhippāyakathāvaṇṇanā

908. **Karuṇādhippāyena ekādhippāyoti**<sup>1</sup> rāgādhippāyato aññādhippāyovāti vuttaṃ hoti. **Ekā adhippāyoti** ettha ekatobhāve ekasaddo daṭṭhabbo. Samānatthe hi sati rāgādhippāyepi ekādhippāyenāti ekādhippāyatā atthīti.

Ekādhippāyakathāvaṇṇanā niṭṭhitā.

### 3-7. Issariyakāmakārikākathāvaṇṇanā

910-914. Issariyena yathādhippetassa karaṇaṃ **issariyakāmakārikā**. **Gaccheyyāti** gabbhaseyyokkamaṇaṃ gaccheyya.

---

1. Kāruṇṇena vā ekena adhippāyena ekādhippāyo (Aṭṭhakathāyaṃ)

**Issariyakāmakārikāhetu nāma dukkarakārikā micchādiṭṭhiyā karīyatīti** ettha dukkarakārikā nāma issariyakāmakārikāhetu kariyamānā micchādiṭṭhiyā karīyatīti attho daṭṭhabbo, issariyakāmakārikāhetu nāma vinā micchādiṭṭhiyā kariyamānā natthīti vā.

Issariyakāmakārikākathāvaṇṇanā niṭṭhitā.

### 8. Patirūpakathāvaṇṇanā

915-916. Mettādayo sandhāya “mettādayo viya na rāgo rāgapatirūpako koci atthīti rāgameva gaṇhāti, evaṃ dosepī”ti vadanti.

Patirūpakathāvaṇṇanā niṭṭhitā.

### 9. Aparinipphannakathāvaṇṇanā

917-918. **Na aniccādibhāvanti**<sup>1</sup> ettha aniccādiko bhāvo etassāti aniccādibhāvanti rūpaṃ vuttaṃ. “**Na kevalañhi paṭṭhamasaccameva dukkhan**”ti vadantena “**dukkhaññeva parinipphannaṃ**”ti dukkhasaccaṃ sandhāya pucchā katāti dassitaṃ hoti. Evaṃ sati tena “cakkhāyatanam aparinipphannaṃ”ti-ādi na vattabbaṃ siyā. Na hi cakkhāyatanādīni anupādinnānaṃ lokuttarāni vā. **Tanti** “dukkhaññeva parinipphannaṃ, na pana rūpan”ti etaṃ rūpassa ca dukkhattā no vata re vattabbeti attho.

Aparinipphakathāvaṇṇanā niṭṭhitā.

Tevīsativavaggavaṇṇanā niṭṭhitā.

## Kathāvattupakaraṇamūlaṭṭikā samattā.

1. Na aniccādisabhāvanti (Aṭṭhakathāyaṃ)



# Yamakapakaṇaṃūlaṭikā

Namo tassa Bhagavato Arahato Sammāsambuddhassa.

## Ganthārambhavaṇṇanā

Kathāvattthupakaṇaṇena saṅkhepeneva desitena dhammesu viparītaggahaṇaṃ nivāretvā tesveva dhammesu dhammasaṅgahādīsu pakāsītesu dhammapuggalokāsādinissayānaṃ sanniṭṭhānaṃsaṃsayānaṃ vasena nānappakāraṇakosallatthaṃ yamakapakaṇaṃ āradhāṃ, taṃ samayadesadesakavaseneva dassetvā saṃvaṇṇanākkamañcassa anuppattam “āgato bhāro avassāṃ vahitabbo”ti saṃvaṇṇanamassa paṭijānanto āha “saṅkhepenevā”ti-ādi.

Tattha **yamassa visayātī**toti jātiyā sati maraṇaṃ hotīti jāti, pañca vā upādānakkhandhā yamassa visayo, taṃ samudayappahānena atītoti attho. Yamassa vā rañño visayaṃ maraṇaṃ, tassa āṇāpavattiṭṭhānaṃ desaṃ vā atīto. “Chaccābhiṭṭhānāni abhabba kātun”ti<sup>1</sup> vuttānaṃ channaṃ abhabbaṭṭhānānaṃ desakoti **chatṭhānadesako**. Ayamā ekekā hutvā āvattā nīlā amalā ca tanuruhā assāti **ayamāvattanīlāmalatanuruho**.

Ganthārambhavaṇṇanā niṭṭhitā.

## 1. Mūlayamaka uddesavāraṇṇanā

1. **Yamakānaṃ vasena desitattā**ti iminā dasasu ekekassa yamakasamūhassa taṃsamūhassa ca sakalassa pakaraṇassa yamakānaṃ vasena laddhavohāraṇaṃ dasseti.

---

1. Khu 1. 6, 314 piṭṭhesu.

**Kusalakusalāmūlasaṅkhātānaṃ dvinnaṃ atthānaṃ vasena atthayamakanti** etena “ye keci kusalā dhammā, sabbe te kusalamūlā”ti etasseva yamakabhāvo āpajjati ce? Nāpajjati ñātuṃ icchitānaṃ dutiyapaṭhamapucchāsu vuttānaṃ kusalakusalāmūlavisesānaṃ, kusalamūlakusalavisesehi vā ñātuṃ icchitānaṃ paṭhamadutiyapucchāsu sannitṭhānapadasaṅgahitānaṃ kusalakusalāmūlānaṃ vasena atthayamakabhāvassa vuttattā. Ñātuṃ icchitānaṃhi visesānaṃ visesavantāpekkhānaṃ, taṃvisesavataṃ vā dhammānaṃca visesāpekkhānaṃ ettha padhānabhāvoti ekekāya pucchāya ekeko eva attho saṅgahito hotīti. Atthasaddo cettha na dhammavācako hetuphalādivācako vā, atha kho pāḷi-atthavācako. Tenevāha “**tesaññeva atthānaṃ**”ti-ādi.

**Tiṇipi padāni ekato katvāti** idam nāmapadassa kusalādīnaṃ saṅgāhakattamattameva sandhāya vuttaṃ, na niravasesasaṅgāhakattam. Sabbakusalādīsaṅgaṇhanatthameva ca nāmapadassa vuttattā “**kusalattikamātikāya catūsu padesū**”ti vuttaṃ.

Uddesavāraṇṇanā niṭṭhitā.

### 1. Mūlayamaka niddesavāraṇṇanā

52. **Aññamaññayamake ye keci kusalāti apucchitvāti** ettha yathā dutiyayamake “ye keci kusalamūlā”ti apucchitvā “ye keci kusalā”ti pucchā katā, evamidhāpi “ye keci kusalā”ti pucchā kātabbā siyā purimayamakavisiṭṭhaṃ apubbaṃ gahetvā pacchimayamakassa appavattattāti adhippāyo. “Paṭilomapucchānurūpabhāvato”ti keci. Purimapucchāya pana atthavasena katāya tadanurūpāya pacchimapucchāya bhavitabbaṃ anuloma vigatasāmsayassa paṭilome saṃsayuppattito. Tena na ca pacchimapucchānurūpāya purimapucchāya bhavitabbanti purimovettha adhippāyo yutto. **Imināpi byañjanena tassevatthassa sambhavatoti** idamevaṃ na sakkā vuttuṃ. Na hi kusalabyañjanattho eva kusalamūlena ekamūlabyañjanattho, teneva vissajjanampi eva kusalamūlena ekamūlabyañjanattho, teneva vissajjanampi asamānaṃ hoti. Kusalabyañjanena

hi pucchāya katāya “avasesā”ti imasmim̐ ṭhāne “avasesā kusalā dhammā”ti vattabbaṃ hoti, itarathā avasesā kusalamūlasahajātā dhammāti, na ca tāni vacanāni samānatthāni kusalakusalābyākatadīpanatoti. Ayam̐ panettha adhippāyo siyā—“ye keci kusalā”ti imināpi byañjanena “ye kici kusalamūlena ekamūlā”ti vuttabyañjanatthasseva sambhavato dutiyayamake viya apucchitvā “ye kici kusalamūlena ekamūlā”ti pucchā katā. Na hi kusalamūlehi viya kusalamūlena ekamūlehi aññe kusalā santi, kusalehi pana aññepi te santīti.

Paṭilomapucchāvaṇanāyam̐ “**kusalamūlena ekamūlā**”ti hi pucchāya katāya “**mūlāni yāni jakato uppajjanti**”ti heṭṭhā vuttanayeneva vissajjanam̐ **kātabbam̐ bhaveyyāti** vuttam̐, tampi tathā na sakkā vuttum̐. “Ye vā pana kusalamūlena aññamaññamūlā, sabbe te dhammā kusalamūlena ekamūlā”ti ca pucchite “āmantā” icceva vissajjanena bhavitabbaṃ. Na hi kusalamūlena aññamaññamūlesu kiñci ekamūlam̐ na hoti, yena anulomapucchāya viya vibhāgo kātabbo bhaveyya. Yattha tīṇi kusalamūlāni uppajjanti, tattha tāni aññamaññamūlāni ekamūlāni ca dvinnam̐ dvinnam̐ ekekena aññamaññekamūlattā. Yattha pana dve uppajjanti, tattha tāni aññamaññamūlāneva, na ekamūlānīti etassa gahaṇassa nivāraṇattham̐ “mūlāni yāni ekato uppajjanti”ti-ādinā vissajjanam̐ kātabbanti ce? Na, “āmantā”ti imināva vissajjanena taṃgahaṇanivāraṇato anulomapucchāvissajjanena ca ekato uppajjamānānam̐ dvinnam̐ tiṇṇaṅca mūlānam̐ aññamaññekamūlabhāvassa nicchitattā. Aññamaññamūlānañhi samānamūlatā eva ekamūlavacanena pucchīyati, na aññamaññasamānamūlatā, atthi ca dvinnam̐ mūlānam̐ samānamūlatā. Tesu hi ekekaṃ itarena mūlena taṃmūlehi aññehi samānamūlanti.

Aññamaññamūlatte pana nicchite ekamūlattasaṃsayābhāvato “sabbe te dhammā kusalamūlena ekamūlā”ti pucchā na katāti daṭṭhabbā. “Aññamaññassa mūlā etesantiṇi aññamaññamūlā, samānatthena ekam̐ mūlam̐ etesanti ekamūlā”ti ubhayampi vacanam̐ mūlayuttatameva vadati, teneva ca ubhayatthāpi “kusalamūlenā”ti vuttam̐. Tattha mūlayogasāmaññe ekamūlatte nicchite tabbiseso aññamaññamūlabhāvo na nicchito hotīti anulomapucchā pavattā, mūlayogavisesse pana aññamaññamūlatte nicchite na vinā

ekamūlattena aññamaññamūlattaṃ atthīti mūlayogasāmaññaṃ ekamūlattaṃ nicchitameva hoti, tasmā “ekamūlā”ti puccham akatvā yathā kusalamūlavacanaṃ ekamūlavacanañca kusalabhāvadīpakaṃ na hotīti kusalabhāve saṃsayasabbhāvā paṭhamadutiyayamakesu “sabbe te dhammā kusalā”ti paṭilomapucchā katā, evaṃ aññamaññamūlavacanaṃ kusalabhāvadīpakaṃ na hotīti kusalabhāve saṃsayasabbhāvā kusalādhikārassa ca anuvattamānattā “sabbe te dhammā kusalā”ti paṭilomapucchā katāti.

53-61. Mūlanaye vutte eva atthe kusalamūlabhāvena mūlassa visesanena samānena mūlena aññamaññassa ca mūlena mūlayogadīpanena cāti iminā pariyāyantarena pakāsetum mūlamūlanayo vutto. Aññapadatthasamāsantena ka-kārena tīsupi yamakesu mūlayogameva dīpetum mūlakanayo vutto. Mūlamūlakanayavacanapariyāyo vuttappakārova.

74-85. **Abbohārikaṃ katvāti** na ekamūlabhāvaṃ labhamānehi ekato labbhamānattā sahetukavohārarahitaṃ<sup>1</sup> katvā. Na vā sahetukaduke viya ettha hetupaccayayogāyogavasena abbohārikaṃ kataṃ, atha kho sahetukavohārameva labhati, na ahetukavohāranti abbohārikaṃ kataṃ. **Ekato labbhamānakavasena**ti ahetukacittuppādanibbānehi hetupaccayarahitehi saha labbhamānakarūpavasena<sup>2</sup>ti attho.

86-97. Yassaṃ pāliyaṃ “ahetukaṃ nāmamūlena na ekamūlaṃ sahetukaṃ nāmamūlena ekamūlan”ti<sup>2</sup> pāṭho āgato, tattha “ye keci nāmā dhammā”ti nāmānaṃ niddhāritattā “ahetukaṃ sahetukan”ti ca vutte “nāman”ti ca idaṃ viññāyamānamevāti na vuttanti veditabbaṃ. Yattha pana “ahetukaṃ nāmaṃ, sahetukaṃ nāman”ti<sup>2</sup> ca pāṭho, tattha supākaṭabhāvattamā “nāman”ti vuttanti.

Niddesavāraṇṇanā niṭṭhitā.

Mūlayamakavaṇṇanā niṭṭhitā.

1. Alabbhamānattā ahetukavohārarahitaṃ (Ka)

2. Abhi 5. 13 piṭṭhe.

## 2. Khandhayamaka

### 1. Paṇṇatti-uddesavāraṇṇanā

2-3. Khandhayamake chasu kālabhedesu puggala-okāsapuggalokāsavasena khandhānaṃ uppādanirodhā tesam pariññā ca vattabbā. Te pana khandhā “rūpakkhandho”ti-ādīhi pañcahi padehi vuccanti, tesam dasa avayavapadāni. Tattha yo rūpādi-avayavapadābhīhito dhammo, kiṃ so eva samudāyapadassa attho. Yo ca samudāyapadena vutto, so eva avayavapadassāti etasmim̐ saṃsayaṭṭhāne rūpādi-avayavapadehi vutto ekadeso sakalo vā samudāyapadānaṃ attho, samudāyapadehi pana vutto ekantena rūpādi-avayavapadānaṃ atthoti imamatthaṃ dassetuṃ “rūpaṃ rūpakkhandho, rūpakkhandho rūpaṃ”ti-ādīna<sup>1</sup> **padasodhanavāro** vutto.

Puna “rūpakkhandho”ti-ādīnaṃ samāsapadānaṃ uttarapadatthappadhānattā padhānabhūtaṃ khandhapadassa vedanādi-upapadatthassa ca sambhavato yathā “rūpakkhandho”ti etasmim̐ pade rūpāvayavapadena vuttassa rūpakkhandhabhāvo hoti rūpa-saddassa khandha-saddassa ca samānādhikaraṇabhāvatoti, evaṃ tattha padhānabhūtena khandhāvayavapadena vuttassa vedanākkhandhādibhāvo hoti khandhapadena vedanādipadānaṃ samānādhikaraṇattāti etasmim̐ saṃsayaṭṭhāne khandhāvayavapadena vutto dhammo koci kenaci samudāyapadena vuccati, na sabbo sabbenāti imamatthaṃ dassetuṃ “rūpaṃ rūpakkhandho, khandhā vedanākkhandho”ti-ādīnā **padasodhanamūlacakkavāro** vutto. Evañca dassentena rūpadisaddassa visesanabhāvo, khandhasaddassa visesitabbabhāvo, visesanavisesitabbānaṃ samānādhikaraṇabhāvo ca dassito hoti.

Tenettha saṃsayo hoti—kiṃ khandhato aññampi rūpaṃ atthi, yato vinivattaṃ rūpaṃ khandhavisesanaṃ hoti, sabbeva khandhā kiṃ khandhavisesanabhūtena rūpena visesitabbāti, kiṃ pana taṃ khandhavisesanabhūtaṃ rūpanti? Bhūtopādāyarūpaṃ tasseva gahitattā. Niddese “khandhā rūpakkhandho”ti padaṃ uddharitvā vissajjanaṃ katanti. Evaṃ etasmim̐ saṃsayaṭṭhāne na khandhato aññaṃ rūpaṃ atthi, teneva cetena rūpasaddena vuccamānaṃ suddhena khandhasaddena vuccate,

---

1. Abhi 5. 17 piṭṭhe.

na ca sabbe khandhā khandhavisesanabhūtena rūpena visesitabbā, teneva te vibhajitabbā, esa nayo vedanākkhandhādīsūpīti imamattamaṃ dassetuṃ “rūpaṃ khandho, khandhā rūpaṃ”ti-ādinā **suddhakhandhavāro** vutto.

Tato “rūpaṃ khandho”ti etasmim̄ anuññāyamāne “na kevalaṃ ayaṃ khandhasaddo rūpavisesanova, atha kho vedanādivisesano cā”ti rūpassa khandhabhāvanicchayānantaraṃ khandhānaṃ rūpavisesanayoge ca saṃsayo hoti. Tattha na sabbe khandhā vedanādivisesanayuttā, atha kho keci kenaci visesanena yuñjantīti dassetuṃ **suddhakhandhamūlacakkavāro** vuttoti. Evaṃ yesaṃ uppādādayo vattabbā, tesāṃ khandhānaṃ paṇṇattisodhanavasena tannicchayattham̄ **paṇṇattivāro** vuttoti veditabbo.

**Cattāri cattāri cakkāni bandhitvāti** ettha cakkāvayavabhāvato cakkānīti yamakāni vuttāni ekekakhandhamūlāni cattāri cattāri yamakāni bandhitvāti. Iminā hi ettha atthena bhavitabbanti. Cattāri cattāri yamakāni yathā ekekakhandhamūlakāni honti, evaṃ bandhitvāti vā attho daṭṭhabbo. Tattha “rūpaṃ rūpakkhandho”ti evamādikam̄ mūlapadam̄ nābhim̄ katvā “khandhā”ti idam̄ nemim̄, “vedanākkhandho”ti-ādinī are katvā cakkabhāvo vuttoti veditabbo, na maṇḍalabhāvena sambajjhanato. Vedanākkhandhamūlakādīsūpi hi heṭṭhimam̄ sodhetvāva pāṭho gato, na maṇḍalasambandhenāti. **Teneva ca kāraṇenāti** suddhakhandhalābhamattameva gahetvā khandhaviseseane rūpādimhi suddharūpādimattatāya aṭṭhatvā khandhavisesanabhāvasaṅkhātāṃ rūpādi-attham̄ dassetuṃ khandhasaddena saha yojetvā “khandhā rūpakkhandho”ti-ādinā nayena padam̄ uddharitvā atthassa vibhattattāti attho.

Paṇṇatti-uddesavāraṇṇanā niṭṭhitā.

### 1. Paṇṇattiniddesavāraṇṇanā

26. **Piyarūpaṃ satarūpanti** “cakkhum̄ loke piyarūpaṃ -pa-. Rūpā loke -pa-. Cakkhuviññāṇam̄ -pa-. Cakkhusamphasso -pa-. Cakkhusamphassajā vedanā -pa-. Rūpasaññā -pa-. Rūpasañcetanā -pa-. Rūpataṇhā -pa-. Rūpavitakko -pa-. Rūpavicāro”ti<sup>1</sup> evā vuttham̄

1. Dī 2. 246; Ma 1. 85; Abhi 2. 106 piṭṭhesu.

taṇhāvatthubhūtaṃ tebhūmakāṃ veditabbaṃ, tasmā yaṃ  
 pañcakkhandhasamudāyabhūtaṃ piyarūpasātarūpaṃ, taṃ ekadesena  
 rūpakkhandho hotīti āha “piyarūpaṃ sātarūpaṃ rūpaṃ na rūpakkhandho”ti.  
 Piyasabhāvatāya vā rūpakkhandho piyarūpe pavisati, na rūppanasabhāvenāti  
 “piyarūpaṃ sātarūpaṃ rūpaṃ na rūpakkhandho”ti vuttaṃ. **Saññāyama-  
 ke tava diṭṭhisaññāti** “viseso”ti vacanaseso. Tattha diṭṭhi eva saññā diṭṭhisaññā.  
 “Sayaṃ samādāya vatāni jantu, uccāvacaṃ gacchati saññāsatto”ti<sup>1</sup>,  
 “saññāvirattassa na santi ganthā”ti<sup>2</sup> ca evamādisu hi diṭṭhi ca “saññā”ti  
 vutāti.

28. “Na khandhā na vedanākkhandhoti? Āmantā”ti evaṃ  
 khandhassappavattiyā abhāve vedanākkhandhasaddappavattiyā ca abhāvoti  
 paṇṇattisodhanamattameva karotīti daṭṭhabbaṃ, na aññadhammasabbhāvo  
 evettha pamāṇaṃ. Evañca katvā “nāyatanā na sotāyatananti? Āmantā”ti-  
 ādiṃ vakkhatīti.

39. **Rūpato aññe vedanādayoti** ettha lokuttarā vedanādayo daṭṭhabbā. Te  
 hi piyarūpā ca sātarūpā ca na honti taṇhāya anārammaṇattāti rūpato aññe  
 hontīti. **Rūpañca khandhe ca ṭhapetvā avasesāti** idampi etehi saddhiṃ na-  
 saddānaṃ appavattimattameva sandhāya vuttanti daṭṭhabbaṃ. Evañca katvā  
 “cakkhuñca āyatane ca ṭhapetvā avasesā na ceva cakkhu na ca āyatanā”ti-  
 ādiṃ<sup>3</sup> vakkhati. Na hi tattha avasesaggahaṇena gayhamānaṃ kañci atthi.  
 Yadi siyā, dhammāyatanā siyā. Vakkhati hi “dhammo āyatananti?  
 Āmantā”ti<sup>4</sup>. Taṇhāvatthu ca na taṃ siyā. Yadi siyā, iyarūpasātarūpabhāvato  
 rūpaṃ siyā “rūpaṃ khandhoti? Āmantā”ti<sup>5</sup> vacanato khandho cāti.  
 Aṭṭhakathāyaṃ pana avijjamānepi vijjamānaṃ upādāya itthi  
 purisādiggaḥaṇasabbhāvaṃ sandhāya **avasesāti** ettha paññattiyā  
 gahaṇamkatanti veditabbaṃ.

Paṇṇatiniddesavāraṇṇanā niṭṭhitā.

1. Khu 1. 403 piṭṭhe.

2. Khu 1. 411 piṭṭhe.

3. Abhi 5. 79 piṭṭhe.

4. Abhi 5. 80 piṭṭhe.

5. Abhi 5. 27 piṭṭhe.

## 2. Pavattivāraṇṇanā

50-205. Pavattivāre vedanākkhandhādīmūlakāni pacchimeneva saha yojetvā tīṇi dve ekañca yamakāni vuttāni, na purimena. Kasmā? Amissakakālabhedesu vāresu atthavisesābhāvato. Purimassa hi pacchimena yojitayamakameva pacchimassa purimena yojanāya pucchānaṃ uppaṭipāṭiyā vucceyya, atthe pana na koci visesoti. Pucchāvissajjanesupi visesā natthi, tena tathā yojanā na kathāti. Kālabhedā panettha cha eva vuttā. Atītena paccuppanno, anāgatena paccuppanno, anāgatenātītoti ete pana tayo yathādassitā missakakālabhedā eva tayo, na visuṃ vijjantīti na gahitā. Tattha tattha hi paṭilomapucchāhi atītena paccuppannādayo kālabhedā dassitā, teneva ca nayena “yassa rūpakkhando uppajjittha, tassa vedanākkhandho uppajjati”ti-ādi sakkā yojetuṃ. Teneva hi missakalākabhedesu ca na pacchimapacchimassa khandhassa purimapurimena yojanaṃ katvā yamakāni vuttāni. Amissakakālabhedesu gahitaniyāmena sukhaggahaṇatthampi pacchimapacchimeneva yojetvā vuttānīti.

**Imināyeva ca lakkhaṇenāti-ādinā** yena kāraṇena “purepaṇho”ti ca “pacchāpaṇho”ti ca nāmaṃ vuttaṃ, taṃ dasseti. Yassa hi sarūpadassanena vissajjanaṃ hoti, so paripūretvā visajjetabbatthasaṅgaṇhanato paripuṇṇapaṇho nāma. Taṃvissajjanassa pana purimakoṭṭhāsena sadisatthatāya purepaṇho, pacchimakotṭhāsasadisatthatāya “pacchāpaṇho”ti ca nāmaṃ vuttaṃ. Sadisatthatā ca sannitṭhinasamsayapadavisesaṃ avicāretvā ekena padena saṅgahitassa khandhassa uppādanirodhalābhasāmaññamattena purepaṇhe daṭṭhabbā. Sannitṭhānapadasaṅgahitassa vā khandhassa anuññātavasena purepaṇho vuttoti yuttaṃ.

Sannitṭhānatthasseva paṭikkhipanaṃ paṭikkhepo, saṃsayattanivāraṇaṃ paṭisedhoti ayaṃ paṭikkhepaṭisedhānaṃ viseso. **Pālipadameva hutvāti** pucchāpāṭiyā “nuppajjati”ti yaṃ padaṃ vuttaṃ, na-kāravirahitaṃ vadeva padaṃ hutvāti attho. Tattha uppattinirodhapaṭisedhassa paṭisedhanatthaṃ pāḷigatiyā vissajjanaṃ uppattinirodhānameva paṭisedhanatthaṃ paṭisedhena vissajjanaṃ katanti veditabbaṃ.



Catunnaṃ pañhānaṃ pañcannañca vissajjanānaṃ sattavīsatiyā ṭhānesu pakkhepo tadekadesapakkhepavasena vuttoti veditabbo. Paripuṇṇapañho eva hi sarūpadassanena ca vissajjanaṃ sattavīsatiyā ṭhānesu pakkhipitabbanti.

**Kim nu sakkā ito paranti** ito pāḷivavattḥānadassanādito añño kim nu sakkā kātunti aññassa sakkuṇeyyassa abhāvaṃ dasseti.

“Suddhāvāsānaṃ tesam tattha rūpakkhandho ca nuppajjittha vedanākkhandho ca nuppajjitthā”ti etena suddhāvāsabhūmīsu ekabhūmiyampi dutiyā upapatti natthīti nāpitaṃ hoti. Paṭisandhito pabhuti hi yāva cuti, tāva pavattakammajasantānaṃ ekattena gahetvā tassa uppādanirodhavasena ayaṃ desanā pavattā. Tasmīñhi abbhocchinne kusalādīnañca pavatti hoti, vocchinne ca appavattīti teneva ca uppādanirodhā dassitā, tasmā tassa ekasattassa paṭisandhi-uppādato yāva cutinirodho, tāva atītātā natthi, na ca tato pubbe tattha paṭisandhivasena kammajasantānaṃ uppannapubbanti khandhadvayampi “nuppajjitthā”ti vuttaṃ. Kasmā pana etāya pāḷiyā sakalepi suddhāvāse dutiyā paṭisandhi natthīti na viññāyatīti? Uddhamsotapāḷisabbhāvā. Dve hi pāḷiyo saṃsandetabbāti.

“Asaññasattānaṃ tesam tattha rūpakkhandho uppajjissatī”ti ettha “yassa yattha rūpakkhandho uppajjissatī”ti etena sannitṭhānena visesitā asaññasattāpi santīti te eva gahetvā “asaññasattānaṃ”ti vuttaṃ. Tena ye sannitṭhānena vjjetā, te tato pañcavokāraṃ gantvā parinibbāyissanti, na tesam puna asaññe upapattippasaṅgo atthīti te sandhāyāha “pacchimabhavikānaṃ tesam tattha rūpakkhandho ca nuppajjissati vedanākkhandho ca nuppajjissatī”ti<sup>1</sup>. Ettha kim pañcavokārādibhāvo viya pacchimabhavopi koci atthi, yattha tesamanuppatti bhavissatīti? Natthi pañcavokārādibhavesveva yattha vā tattha vā ṭhitānaṃ pacchimabhavikānaṃ “yassa yattha rūpakkhandho nuppajjissatī”ti etena sannitṭhānena saṅgahitattā. Tesam tattha itarānupattibhāvañca anujānanto “vedanākkhandho ca nuppajjissatī”ti āhāti.

---

1. Abhi 5. 35 piṭṭhe.

“Suddhāvāse parinibbantānan”ti idaṃ sappaṭisandhikānaṃ  
 appaṭisandhikānañca suddhāvāsānaṃ taṃtaṃbhūmiyaṃ  
 khandhapariniḃbānavasena vuttanti veditabbaṃ. Sabbesañhi tesāṃ tattha  
 vedanākkhandho nuppajjitthāti. Yathā pana “nirujjhissatī”ti vacanaṃ  
 paccuppannepi uppādakkhaṇasamaṅgimhi pavattati, na evaṃ “uppajjitthā”ti  
 vacanaṃ paccuppanne pavattati, atha kho uppajjitvā vigate atīte eva, tasmā  
 “parinibbantānaṃ nuppajjitthā”ti vuttaṃ uppannasantānassa avigatattā.  
 Anantā lokadhātuyoti okāsassa aparicchinnattā okāsavasena  
 vuccamānaṃnaṃ uppādanirodhānampi paricchedābhāvato samkiṇṇatā hotīti  
 “yattha vedanākkhandho uppajjati, tattha saññākkhandho nirujjhatīti?  
 Āmantā”ti vuttaṃ.

Pavattivāraṇṇanā niṭṭhitā.

### 3. Pariññāvāraṇṇanā

206-208. **Puggalokāsavāro labbhamānopīti** kasmā vuttaṃ, nanu  
 okāsavārassa alābhe tassapi alābhena bhavitabbanti? Na, tattha puggalasseva  
 pariññāvacanato. Puggalokāsavārepi hi okāse puggalasseva pariññā vuccati,  
 na okāsassa. Okāsavāropi ca yadi vucceyya, “tattha rūpakkhandhaṃ  
 parijānātī”ti okāse puggalasseva parijānanavasena vucceyya, tasmā  
 puggalokāsavārasseva labbhamānatā vuttā, na okāsavārassatī. Tenāha  
 “āmantā -pa- siyā”ti.

**Tenevāti** pavatte cittakkhaṇavasena tiṇṇaṃ addhānaṃ lābhato eva,  
 aññathā cutipaṭisandhikkhaṇe rūpakkhandhapani-ānanassa abhāvā “yo  
 rūpakkhandhaṃ parijānātī, so vedanākkhandhaṃ parijānātī”ti ettha  
 “natthī”ti vissajjanena bhavitabbaṃ siyā, “āmantā”ti ca katanti.  
 Sanniṭṭhānasamsayapadasaṅgahitānaṃ pariññānaṃ pavatte cittakkhaṇe eva  
 lābhaṃ dassento “**lokuttaramaggakkhaṇasmiñhī**”ti-ādimāha. **Na parijānātīti  
 pañhe puthujjanaṃ sandhāya āmantātī vuttanti** idaṃ puthujjanaṃ sabbathā  
 pariññākiccassa abhāvato vuttaṃ. “Arahā rūpakkhandhaṃ na parijānātī no  
 ca vedanākkhandhaṃ na parijānittha, aggamaggasamaṅgiṇca arahantañca  
 ṭhapetvā avasesā puggalā rūpakkhandhañca na

parijānanti vedanākkhandhañca na parijānitthā”ti pana vacanena  
 “aggamaggasamaṅgim ṭhapetvā añño koci parijānāti”ti vattabbo natthīti  
 dassitaṃ hoti, tena tadavasesapuggale sandhāya “āmantā”ti vuttanti  
 viññāyatīti.

Pariññāvāraṇṇanā niṭṭhitā.

Khandhāyamakavaṇṇanā niṭṭhitā.

### 3. Āyatanayamaka

#### 1. Paṇṇatti-uddesavāraṇṇanā

1-9. Āyatanayamakādīsu ca paṇṇattivāre padasodhanavārādīnaṃ vacane  
 kāraṇaṃ khandhayamake vuttanayeneva veditabbaṃ. “**Ekādasa ekādasa  
 katvā tettimsasataṃ yamakāni**”ti-ādinā kesuci potthakesu gaṇanā likhitā, sā  
 tathā na hoti. “**Dvattimsasatan**”ti-ādinā aññattha likhitā.

Paṇṇatti-uddesavāraṇṇanā niṭṭhitā.

#### 1. Paṇṇattiniddesavāraṇṇanā

10.17. **Vāyanatṭhenāti** pasāraṇatṭhena, pākatabhāvattṭhena vā. “Kāyo  
 dhammo”ti ca vuccamānaṃ sabbaṃ sasabhāvaṃ āyatanamevāti “kāyo-  
 āyatanan”ti, “dhammo āyatanan”ti ca ettha “āmantā”ti vuttaṃ.  
 Kāyavacanena pana dhamavacanena ca avuccamānaṃ kañci sasabhāvaṃ  
 natthīti “na kāyo nāyatanam, na dhammo nāyatanan”ti ettha “āmantā”icceva  
 vuttaṃ.

Paṇṇattiniddesavāraṇṇanā niṭṭhitā.

## 2. Pavattivāra

### 1. Uppādavāraṇṇanā

18-21. Pavattivāre **cakkhāyatanamūlakāni ekādasāti** paṭisandhicutivasena upādinnapavattassa uppādanirodhavacane etasmim̐ alabbhamānavissajjanampi saddāyatanena saddhim̐ yamakam̐ pucchāmattalābhena saṅgaṇhitvā vadatīti daṭṭhabbam̐. **Chasaṭṭhi yamakānīti** ettha cakkhu sotaghānajivhākāyarūpāyatanamūlakesu ekekaṃ saddāyatanamūlakāni pañcāti ekādasa yamakāni vissajjanavasena hāpetabbāni. Vakkhati hi “saddāyatanassa paṭisandhikkhaṇe anuppattito tena saddhim̐ yamakassa vissajjanameva natthī”ti.

**Dutiyaṃ kiñcāpi paṭhamena sadisavissajjananti-**ādi puggalavārameva sandhāya vuttanti daṭṭhabbam̐. Okāsavāre pana asadisavissajjanattā vuttam̐, na tam̐ sabbattha sadisavissajjanti nāpetum̐ puggalavārepi vissajjitanti. **Gandharasaphoṭṭhabbāyatanehi saddhim̐ tūṇiyamakāni sadisavissajjanānīti** rūpāvacarasatte sandhāya “sacakkhukānam̐ agandhakānan”ti-ādinā vissajjitabbattā vuttam̐. Tesañhi virattakāmakammanibbattassa paṭisandhibijassa evaṃsabhāvattā ghānādīni gandhādayo ca na santīti. **Ghānāyatanayamakena sadisavissajjanattāti** cakkhāyatanamūlakesu ghānāyatanayamakena saddhim̐ sadisavissajjanattāti attho. Nanu tattha “sacakkhukānam̐ aghānakānam̐ upapajjantānan”ti-ādinā vissajjanam̐ pavattam̐, idha pana ghānāyatanamūlakesu “yassa ghānāyatanam̐ uppajjati, tassa jivhāyatanam̐ uppajjati? Āmantā”ti vissajjanena bhavitabbanti natthi sadisavissajjanatāti? Saccam̐, yathā pana tattha ghānāyatanayamakena jivhākāyāyatanayamakāni sadisavissajjanāni, evamidhāpi jivvākāyāyatanayamakāni sadisavissajjanāni, tasmā tattha tattheva sadisavissajjanatā pāḷiyam̐ anārulhatāya kāraṇanti. Nidassanabhāvena pana gahitam̐ cakkhāyatanamūlakānam̐ sadisavissajjanakkānam̐ sadisavissajjanam̐ nidassanabhāveneva kāraṇanti dassento “**ghānāyatanayamakena sadisavissajjanattā**”ti āha. Sadisavissajjanatā cettha ghānāyatanamūlakesu yebhuyyatāya daṭṭhabbā. Tesu hi jivhākāyāyatanayamakesu tiṇṇam̐ pucchānam̐ “āmantā”ti vissajjanena

bhavitabbaṃ, pacchimapucchāya “sakāyakānaṃ aghānakānaṃ upapajjantānaṃ”ti-ādināti.

Atha vā yathā vedanākkhandhādīmūlakānaṃ saññākkhandhādīyamakānaṃ amissakakālabhedeṣu tīsu “āmantā”ti paṭivacanavissajjanena yathāvuttavacanassa vissajjanabhāvānujānaṃ kattabbanti apubbassa vattabbassa abhāvā vissajjanaṃ na kataṃ, evamidhāpi ghānāyatanamūlakaṃ jivhāyatanayamakāṃ apubbassa vattabbassa abhāvā pāḷim anāruḷhanti pākaṭoyamattho. Kāyāyatanayamakāṃ pana dutiyapucchāya vasena vissajjitabbaṃ siyā, sā ca cakkhāyatanamūlakesu ghānāyatanayamakena sadisavissajjanā, tasmā yassā pucchāya vissajjanā kātabbā, tassā ghānāyatanayamakena sadisavissajjanattā taṃsesāni pāḷim anāruḷhānīti evamettha attho daṭṭhabbo. **Tathāti** idam pāḷi-anāruḷhatāsamaññeneva vuttaṃ, na kāraṇasāmaññena.

Ghānajivhākāyāyatanānaṃ pana agabbhaseyyakesu pavattamānānaṃ gabbhaseyyakesu ca āyatanapāripūrikāle saha-caritāya avisesattā ca appavisesattā ca ekasmiṃ ghānāyatanayamake vissajjite itarāni dve, ghānāyatanamūlakesu ca vissajjitesu itaradvayamūlakāni na vissajjīyantīti veditabbāni. **Rūpāyatanamanāyatanehi saddhinti** “yassa rūpāyatanam uppajjati, tassa manāyatanam uppajjati”ti etissā pucchāya vutthehi rūpāyatanamanāyatanehi saddhinti adhipāyo. Rūpāyatanamūlakesu hi manāyatanayameke ādipucchāya gandharasaphoṭṭhabbayamakesu ādipucchānaṃ sadisvissajjanatā yamakānaṃ avissajjane kāraṇabhāvena vuttā. Dutiyapucchānaṃhi paṭivacanavissajjanena bhavitabbanti pubbe vuttanayena vissajjanaṃ na kātabbaṃ, ādipucchānaṃca na kātabbanti.

**Heṭṭhimehi sadisavissajjanattāti** ettha gandhāyatanamūlakānaṃ rasaphoṭṭhabbayamakānaṃ rasāyatanamūlakassa ca phoṭṭhabbayamakassa paṭivacanavissajjaneneva bhavitabbanti pubbe vuttanayeneva vissajjanaṃ na kātabbanti yesaṃ kātabbaṃ, tesaṃ gandharasaphoṭṭhabbamūlakānaṃ manāyatanadhammayātanayamakānaṃ cakkhādīpañcāyatanamūlakehi manāyatanadhammayātanayamakehi sadisavissajjanattāti attho. Cakkhāyatanādīmūlakāni saddāyatanayamakāni saddāyatanamūlakāni sabbāni avissajjaneneva

alabbhamānavissajjanatādassanena vissajjitāni nāma hontīti āha “**chasaṭṭhi yamakāni vissajjitāni nāma hontī**”ti.

**Jaccandhampi jaccabhadhirampī**ti ettha ca jaccabhadhiraggahaṇena<sup>1</sup> jaccandhabadhiro gahitoti veditabbo. **Saghānakānaṃ sacakkhukānanti paripuṇṇāyatanameva opapātikaṃ sandhāya vuttanti** ettha **eva-saddaṃ vuttanti**-etassa parato yojetvā yathā “saghānakānaṃ acakkhukānaṃ”ti idaṃ aparipuṇṇāyatanāṃ sandhāya vuttaṃ, na evaṃ “saghānakānaṃ sacakkhukānaṃ”ti etaṃ. Etaṃ pana paripuṇṇāyatanāṃ sandhāya vuttamevāti attho daṭṭhabbo. Tena jaccabhadhirampi sandhāya vuttatā na vāritā hotīti.

22-254. **Yattha cakkhāyatananti rūpībrahmalokaṃ pucchatī**ti niyamato tattha cakkhusotānaṃ sahuṃpattimattaṃ passanto vadati, okāsavāre pana tasmim̐ puggalassa anāmaṭṭhattā yattha kāmādhātuyaṃ rūpadhātuyaṃ ca cakkhāyatanāṃ uppajjati, tattha sotāyatanampi ekantena uppajjati “āmanta”ti<sup>2</sup> vuttaṃ.

“Yassa vā pana rūpāyatanāṃ uppajjissati, tassa cakkhāyatanāṃ uppajjissatīti? Āmantā”ti kasmā paṭiññātaṃ, nanu yo gabbhaseyyakabhāvaṃ gantvā parinibbāyissati, tassa rūpāyatanāṃ paṭisandhiyaṃ uppajjissati, na pana cakkhāyatananti? Yassa rūpāyatanāṃ uppajjissati, tassa tadavatthassa puggalassa rūpāyatanuppādato uddhaṃ cakkhāyatanasantānuppādassa pavattiyampi bhāvissantassa paṭiññātabbattā. Atha kasmā “yassa vā pana rūpāyatanāṃ nuppajjissati, tassa cakkhāyatanāṃ nuppajjissatīti? Āmantā”ti paṭiññātaṃ, nanu gabbhaseyyakassa pacchimabhavikassa upapajjantassa ekādasamasattāhā orato ṭhitassa rūpāyatanāṃ nuppajjissati no ca cakkhāyatanāṃ nuppajjissatīti? Tasmim̐ bhava bhavissantassa uppādassa anāgatabhāvena avacanato. Bhavantare hi tassa tassa āyatanasantānassa yo ādi-uppādo paṭisandhiyaṃ pavatte ca bhavissati, so anāgatuppādo tabbhāvena vuccati addhāpaccuppannānantogadhattā. Na pana yo tasmim̐ yeva bhava pavatte bhavissati, so anāgatuppādabhāvena vuccati addhāpaccuppannānantogadhattā. Addhāvasena hettha kammajapavattassa paccuppannādikālabhedo adhippeto. Evaṃ katvā **indriyayama**<sup>3</sup> “yassa itthindriyaṃ

1. Jaccandhajaccabhadhiraggahaṇeneva (Ka)

2. Abhi 5. 84 piṭṭhe.

3. Abhi 7. 244 piṭṭhe.

upapajjati, tassa purisindriyaṃ upapajjissatīti? Pacchimabhavikānaṃ itthīnaṃ upapajjantīnaṃ, yā ca itthiyo rūpāvacaraṃ arūpāvacaraṃ upapajjitvā parinibbāyissanti, yā ca itthiyo eteneva bhāvena katicī bhave dassetvā parinibbāyissanti, tāsāṃ upapajjantīnaṃ tāsāṃ itthindriyaṃ upapajjati, no ca tāsāṃ purisindriyaṃ upapajjissatīti vuttaṃ. Na hi tāsāṃ sabbāsāṃ tasmīṃ bhave pavatte purisindriyaṃ na upapajjissati liṅgaparivattanasabbhāvā, bhavantare pana ādi-uppādassa abhāvaṃ andhāya “no ca tāsāṃ purisindriyaṃ upapajjissatīti vuttaṃ. Bhavantare hi ādi-uppādassa anāgatattaṃ adhippetanti. Evañca katvā “katicī bhave dassetvā”ti bhavaggaṇaṃ katanti.

“Āyatanānaṃ paṭilābho jāti”ti<sup>1</sup> vacanato taṃtaṃāyatananibbattakakammaṃ gahitapaṭisandhikassa avassāṃbhāvī-āyatanassa yāva āyatanapāripūri, tāva upapajjati pana atthe gayhamāne pucchādvayavissajjanaṃ sūpapannaṃ hoti. Evañca sati “yassa vā pana sotāyatanāṃ nupapajjissati, tassa cakkhāyatanāṃ nupapajjati? Pacchimabhavikānaṃ pañcavokāraṃ upapajjantānaṃ, ye ca arūpaṃ upapajjitvā parinibbāyissanti, tesāṃ upapajjantānaṃ tesāṃ sotāyatanāṃ nupapajjissati no ca tesāṃ cakkhāyatanāṃ nupapajjati”ti evamādīsu<sup>2</sup> gabbhaseyyakāpi pacchimabhavikādayo upapajjantā gahitā honti. Evañca katvā **indriyayamake**<sup>3</sup> “yassa vā pana somanassindriyaṃ upapajjati, tassa cakkhundriyaṃ upapajjati? Āmantā”ti idampi upapannaṃ hoti. Somanassindriyuppādakassa kammaṃ ekantena cakkhundriyuppādanato gabbhepi yāva cakkhundriyuppatti, tāva upapajjamānatāya tassā abhinanditabbatā.

Yaṃ pana “yassa vā pana yattha rūpāyatanāṃ upapajjittha, tassa tattha ghānāyatanāṃ upapajjati? Kāmāvacarā cavantānaṃ, aghānakānaṃ kāmāvacaraṃ upapajjantānaṃ, rūpāvacarānaṃ tesāṃ tattha rūpāyatanāṃ upapajjittha no ca tesāṃ tattha ghānāyatanāṃ upapajjati”ti<sup>4</sup> ettha “aghānakānaṃ kāmāvacaraṃ upapajjantānaṃ”ti<sup>4</sup> vuttaṃ, taṃ ye ekādasamasattāhā orato kālaṃ karissanti, tesāṃ ghānāyatanānibbattakakammaṃ gahitapaṭisandhikānaṃ vasena vuttanti veditabbāṃ. “Yassa yattha ghānāyatanāṃ na nirujjhati,

1. Dī 2. 243; Abhi 2. 144 piṭṭhesu.

3. Abhi 7. 114 piṭṭhe.

2. Abhi 5. 117 piṭṭhe.

4. Abhi 5. 105 piṭṭhe.

tassa tattha rūpāyatanam na nirujjhissatīti? Kāmapacaram upapajjantānam, aghānakānam kāmapacarā cavantānam, rūpāvacarānam tesam tattha ghānāyatanam na nirujjhati no ca tesam tattha rūpāyatanam na nirujjhissatī”ti<sup>1</sup> hi ettha “aghānakānam kāmapacarā cavantānam”ti<sup>1</sup> vacanam anuppanneyeva ghānāyatane gabbhaseyyakānam cuti atthīti dīpeti. Na hi kāmapacare gabbhaseyyakato añño aghānako atthi **dhammahadayavibhaṅge**<sup>2</sup> “kāmadhātuyā upapattikkhaṇe kassaci aṭṭhāyatanāni pātubhavanti”avuttattāti. Atha kasmā opapātike eva sandhāya idha, indriyayamake ca yathādassitāsu pucchāsu āmantā”ti vuttanti na viññāyatīti? Yamake sanniṭṭhānena gahitathassa ekadese saṃsayatthasambavena paṭivacanassa akaraṇato. Bhinditabbe hi na paṭivacanavissajjanam hoti. Yadi siyā, paripuṇṇavissajjanameva na siyāti. Atha kasmā “yassa vā pana somanassindriyam upapajjati, tassa cakkhundriyam upapajjati? Āmantā”ti<sup>3</sup> iminā “gabbhaseyyakānam somanassapaṭisandhi natthī”ti na viññāyatīti? “Kāmadhātuyā upapattikkhaṇe kassa dasindriyāni pātubhavanti? Gabbhaseyyakānam sattānam sahetukānam ñāṇasampayuttānam upapattikkhaṇe dasindriyāni pātubhavanti kāyindriyam manindriyam vā purisindriyam vā jīvitindriyam somanassindriyam vā upekkhindriyam vā sandhindriyam”ti<sup>4</sup> ādivacanato.

Nirodhavāre anāgatakālabhede yathā tasseva cittassa nirodho anāgatabhāvena tassa uppattikkhaṇe vutto, evam tasseva kammajasantānassa nirodho anāgatabhāvena tassa uppāde vattabboti sabbattha upapajjantānam eva so tathā vutto, na uppannānam. Uppannānam pana aññassa anāgatassa santānassa nirodho anāgatabhāvena vattabbo, na tasseva. Tassa hi uppādānantaram nirodho āradhō nāma hotīti. Tasmā arahatam pavatte sotassa cakkhussa ca bhede satipi anāgatakālāmasanavaseneva “yassa cakkhāyatanam nirujjhissati, tassa sotāyatanam nirujjhissatīti? Āmantā. Yassa vā pana sotāyatanam nirujjhissati, tassa cakkhāyatanam nirujjhissatīti? Āmantā”ti vissajjanadvayam upapannameva hotīti. Yasmā ca upapatti-anantaram

1. Abhi 5. 159 piṭṭhe.

3. Abhi 7. 114 piṭṭhe.

2. Abhi 2. 415 piṭṭhe.

4. Abhi 2. 430 piṭṭhe.



nirodho āraddho nāma hoti, tamniṭṭhānabhāvato pana cutiyā nirodhavacanāṃ, tasmā pavatte niruddhepi santānekadesse aniruddhaṃ upādāya aniṭṭhitanirodhoti cutiyāva tasa nirodhoti vuccati. Vakkhati hi “yassa vā pana somanassindriyaṃ nirujjhati, tassa cakkhundriyaṃ nirujjhatīti? Āmantā”ti, tenetthāpi cutinirodhe eva ca adhippete yañca pavatte nirujjhissati, tañca niṭṭhānavasena cutiyā eva nirujjhissatīti vuttanti “āmantā”ti yuttam paṭivacanāṃ. “Sacakkhukānan”ti-ādīsu ca “paṭiladdhacakkhukānan”ti-ādinā attho viññāyatīti.

“Yassa cakkhāyatanāṃ na nirujjhati, tassa sotāyatanāṃ na nirujjhissatīti? Sabbesaṃ upapajjantānaṃ, acakkhukānaṃ cavantānaṃ tesāṃ akkhāyatanāṃ na nirujjhati no ca tesāṃ sotāyatanāṃ na nirujjhissatī”ti ettha āruppe pacchimabhavike ṭhapetvā sabbe upapajjantā, acakkhukā cavantā ca gahitāti daṭṭhabbā. Te hi dutiyakoṭṭhāsena saṅgayhantīti tadapekkhattā sāvasesamidaṃ sabbavacanāṃ acakkhukavacanañāti. “Āruppe pacchimabhavikānan”ti ettha ca arūpato pañcavokāraṃ agacchantā anaññūpapattikāpi “arūpe pacchimabhavikā”icceva saṅgayhantīti veditabbā. Esa nayo aññesupi evarūpesūti.

Pavattivāraṇṇanā niṭṭhitā.

Āyatanayamakavaṇṇanā niṭṭhitā.

#### 4. Dhātuyamakavaṇṇanā

1-19. **Labhamānānanti** idaṃ pa-attivāre saddadhātusambandhānaṃ yamakānaṃ cakkhuviññāṇadhātādisambandhānañca cutipaṭisandhivasena alabhamānataṃ sandhāya vuttam.

Dhātuyamakavaṇṇanā niṭṭhitā.

## 5. Saccayamaka

### 1. Paṇṇattiniddesavāraṇṇanā

10-26. “**Dukkhaṃ dukkhasaccanti? Āmantā**”ti ettha kiñcāpi dukkhadukkhaṃ saṅkhāradukkhaṃ vipariṇāmadukkhanti tīsupi dukkhasaddo pavattati, “jātipi dukkhā”ti<sup>1</sup> ādinā jāti-ādīsu ca, so pana dukkhadukkhato aññattha pavattamāno aññanirapekkho nappavattati. Suddhañcetha dukkhapadaṃ aññanirapekkhaṃ gahetvā paṇṇattisodhanaṃ karoti, tena nippariyāyato dukkhasabhāvattā eva yaṃ dukkhadukkhaṃ, tasmim dukkhadukkhe esa dukkhasaddo, tañca ekantena dukkhasaccamevāti “āmantā”ti vuttam. Suddhasaccavāre sacavibhaṅge vuttesu samudayesu koci phaladhammesu natthi, na ca phaladhammesu koci nirodhoti vuccamāno atthi, maggasaddo ca phalaphalaṅgesu maggaphalattā pavattati, na maggakiccasabbhāvā. pariniṭṭhitaniyyānakiccāni hi tāni. Niyyānavācako cettha maggasaddo, na niyyānaphalavācako, tasmā samudayo saccam nirodho saccam, maggo saccanti etesupi “āmantā”iceva vissajjanaṃ kataṃ.

Atha vā padasodhanena padesu sodhitesu saccavisesanabhūtā eva dukkhādīsaddā idha gahitāti viññāyanti. Tesam pana ekantena saccavisesanabhāvaṃ, saccānañca tabbisesanayogavisesaṃ dīpetum suddhasaccavāro vuttoti saccavisesanānaṃ dukkhādīnaṃ ekantasaccattā “dukkhaṃ saccam -pa- maggo saccanti? Āmantā”ti vuttanti. Yathā cettha, evaṃ khandhayamakādīsupi suddhakhandhādivāresu khandhādivisesanabhūtānameva rūpādīnaṃ gahaṇaṃ yuttam. **Aṭṭhakathāyam**<sup>2</sup> pana “yasmā piyarūpasātarūpasāṅkhātaṃ vā rūpaṃ hotu bhūtopādārūpaṃ vā, sabbaṃ pañcasu khandhesu saṅghaṃ gaccheteva, tasmā āmantāti paṭijānāti”ti vacanena rūpādivakkhādīdukkhādīgahaṇehi suddhakhandhādivāresupi khandhādivisesanato aññepi gahitāti ayamattho dīpito hoti, tena tadanurūpatāvasena itaro attho vutto.

Paṇṇattiniddesavāraṇṇanā niṭṭhitā.

1. Vi 3. 14; Abhi 2. 104 piṭṭhesu.

2. Abhi-Ṭṭha 3. 295 piṭṭhe.

## 2. Pavattivāraṇṇanā

27-164. **Antamaso suddhāvāsānampīti** idaṃ tesāṃ ariyattā dukkhasaccena upapajjane āsaṅkā siyāti katvā vuttaṃ.

**Taṇhāvippayuttacittassāti** idaṃ pañcavokāravaseneva gahetabbanti vuttaṃ. **Yassa dukkhasaccam upajjati**ti etena pana sannīṭṭhānena sabbe upapajjantā pavattiyāṃ catuvokāre maggaphalato aññacittānaṃ uppādakkhaṇasamaṅgino pañcavokāre ca sabbacittānaṃ uppādakkhaṇasamaṅgino saṅgahitāti tesveva sannīṭṭhānena nicchitesu keci “pavatte taṇhāvippayuttacittassa uppādakkhaṇe”ti etena dukkhasamudayesu ekakoṭṭhāsappavattisamaṅgino dassīyanti sannīṭṭhānena gahitasseva vibhāgadassanato, tena catuvokārānampi gahaṇaṃ upapannameva. Na hi tesu maggaphaluppādasamaṅgīsu pasaṅgatā atthi taṃsamaṅgīnaṃ tesāṃ sannīṭṭhānena aggahitattāti. **Idaṃ idha na gahetabbanti** idaṃ catuvokāre phalasamāpatticittaṃ idha saccānaṃ uppādavacane na gahetabbanti vuttaṃ hoti.

Ettha ca **sabbesaṃ upapajjantānanti** idaṃ kammajapavattassa paṭhamuppādadassanena vuttaṃ, asaṅhasattāpettha saṅgahitā. **Pavatte taṇhāvippayuttacittassa uppādakkhaṇeti** idaṃ pana samudayasaccuppādavomissassa dukkhasaccuppādassa taṃrahitassa dassanavasena vuttaṃ. **Taṇhāya uppādakkhaṇeti** taṃsahitassa samudayasaccuppādavomissassa. Tesāṃ pana asaṅhasattānaṃ pavattiyāṃ dukkhasaccassa uppādo sabbattha na gahito, tathā nirodho cāti. Maggasaccayamakepi eseva nayo. **Tesaṃ tasmim upapattikkhaṇe ca taṇhāvippayuttacittuppattikkhaṇe cāti evamettha khaṇavasena okāso veditabboti** vuttaṃ, evaṅca sati “yassa yattha dukkhasaccam upajjati, tassa tattha samudayasaccam upajjissatī”ti<sup>1</sup> etassa vissajjane pacchimakoṭṭhāse “itaresāṃ catuvokāraṃ pañcavokāraṃ upapajjantānaṃ, pavatte cittassa uppādakkhaṇe tesāṃ tattha dukkhasaccaṅca upajjati samudayasaccaṅca upajjissatī”ti<sup>1</sup> idaṃ na yujjeyya. Na hi upapattikkhaṇe cittuppattikkhaṇe ca samudayasaccam upajjissatīti. Tasmā upapattikkhaṇataṇhāvippayuttacittuppattikkhaṇasamaṅgīnaṃ puggalānaṃ yasmim kāmāvacarādi-okāse sā upapatti cittuppatti ca pavattamānā, tattha tesanti

1. Abhi 5. 227 piṭṭhe.

okāsavasenevettha tattha-saddassa attho yujjati. Puggalokāsavāro hesa. Tattha puggalavisesadassanattham “sabbesam upapajjantānan”ti-ādi vuttam, okāso pana yattha te, so evāti.

**“Sabbesam cavantānam pavatte cittassa bhaṅgakkhaṇe āruppe maggassa ca phalassa ca uppādakkhaṇe tesam samudayasaccaṇca nuppajjati dukkhasaccaṇca nuppajjati”**ti etthapana “pavatte cittassa bhaṅgakkhaṇe dukkhasaccam nuppajjati”ti cittapaṭibaddhavuttittā cittajarūpameva idhādhippetam, na kammajādirūpam cittam anapekkhitvāva uppajjanatoti keci vadanti. **“Yassa vā panasamudayasaccam nuppajjati”**ti etena panasanniṭṭhānena gahito puggalo na cittam apekkhitvāva gahito, atha kho yo koci evampakāro, tasmā “tassa dukkhasaccam nuppajjati”ti etena ca na cittāpekkhameva dukkhasaccam vuttam, atha kho yaṁ kiñcīti cittassa bhaṅgakkhaṇe yaṁ kiñci dukkhasaccam nuppajjatiṭi ayamattho viññāyatīti. Na hi yamake vibhajitabbe avibhattā nāma pucchā atthīti.

“Suddhāvāsānam dutiye citte vattamāne”ti idaṁ sabbanti mena paricche dena yassa yattha dukkhasaccam uppajjittha no ca samudayasaccam, taṁdassanavasena vuttam. Tasmim pana dassite tena samānagatikattā dutiyākusalacittato purimasabbacittasamaṅgino teneva dassitā honti. Tesampi hi tattha dukkhasaccam uppajjitthi no ca tesam tattha samudayasaccam uppajjatthāti. Evaṇca katvā “itaresam catuvokārapañcavokārānan”ti ettha yathāvuttā suddhāvāsā aggahitā honti. Yathā “yassa yattha dukkhasaccam uppajjati, tassa tattha samudayasaccam uppajjitthā”ti<sup>1</sup> etassa vissajjane “suddhāvāsānam upapatticittassa uppādakkhaṇe”ti<sup>1</sup> eteneva upapatticittuppādakkhaṇasamaṅgisamānagatikā dutiyākusalato purimasabbacittuppādakkhaṇasamaṅgino dassitā hontīti na te “itaresam”ti etena gayhanti, evamidhāpi daṭṭhabbanti. “Itaresam”ti vacanam pañcavokārānam visesanattham, na catuvokārānam. Na hi te pubbe vuttā vajjetabbā santi pañcavokārā viya yathāvuttā suddhāvāsāti. “Abhisametāvīnamtesam tattha dukkhasaccaṇca uppajjittha maggasaccaṇca uppajjitthā”ti<sup>2</sup> etena<sup>3</sup> sannīṭṭhānena puggalokāsā aññamaññaparicchinnā gahitāti yasmim okāse abhisametāvino, te evam “abhisametāvīnan”ti etena gahitāti

1. Abhi 5. 222 piṭṭhe.

2. Abhi 5. 217 piṭṭhe.

3. Ettha (?)

daṭṭhabbā. Tena ye kāmāvacare rūpāvacare arūpāvacare vā abhisametāvino rūpāvacaraṃ arūpāvacaraṃ vā upapannā, yāva atthābhisamayo uppanno bhavissati, tāva te ettha na gayhanti, te pana purimakoṭṭhāse “suddhāvāsānaṃ dutiye citte vattamāne”<sup>1</sup> evaṃ dassitehi suddhāvāse anuppannābhisamayehi samānagatikāti visuṃ na dassitā. “Anabhisametāvīnaṃ”<sup>2</sup> ti gahitā ye sabbattha tattha ca anabhisametāvino, tesu suddhāvāsānaṃ gahaṇakālavisesanattamaṃ “suddhā vāsānaṃ dutiye citte vattamāne”<sup>1</sup> vuttanti.

**Yassa cittassa anantarā aggamaggaṃ paṭilabhissanti** etena vodānacittasamaṅginā samānagatikā tato purimataracittasamaṅginopi yāva sabbantimataṇhāsampayuttacittasamaṅgī, tāva dassitāti veditabbā. Esa nayo aññesu evarūpesūti.

**Pavatte cittassa bhaṅgakkhaṇeti** āgataṭṭhāne paṭisandhicittassapi bhaṅgakkhaṇaggahaṇaṃ daṭṭhabbaṃ, tathā “pavatte cittassa uppādakkhaṇe”<sup>2</sup> ti āgataṭṭhāne ca cuticittassapi uppādakkhaṇassāti. “Yassa dukkhasaccaṃ na nirujjhati, tassa samudayasaccaṃ na nirujjhissati”<sup>2</sup> etassa vissajane dvīsupi koṭṭhāsesu “arūpe maggassa ca phalassa ca bhaṅgakkhaṇe”<sup>2</sup> icceva<sup>2</sup> vuttaṃ, na visesitaṃ. Kasmā? Ekassapi maggassa ca phalassa ca bhaṅgakkhaṇasamaṅgino ubhayakoṭṭhāsabhajanato. **Yassa dukkhasaccaṃ na nitujjhatīti** etena sanniṭṭhānena gahitesu hi arūpe maggaphalabhaṅgakkhaṇasamaṅgīsu kesañci tiṇṇaṃ phālānaṃ dvinnañca maggānaṃ bhaṅgakkhaṇasamaṅgīnaṃ nirantaraṃ anuppādetvā antarantarā vipassanānikantiṃ bhavanikantiṃ uppādetvā ye uparimagge uppādessanti, tesam samudayasaccaṃ nirujjhissatīti tesameva pana kesañci antarā taṇhaṃ anuppādetvā uparimagga-uppādentānaṃ maggaphalabhaṅgakkhaṇasamaṅgīnaṃ samudayasaccaṃ na nirujjhissatīti. Sāmaññavacanena ca purimakoṭṭhāse vuccamānena pacchimakoṭṭhāse vakkhamāne vajjetvā gahaṇaṃ hotīti dassitoyaṃ nayoti.

Pavattivaṇṇanā niṭṭhitā.

1. Abhi 5. 217 piṭṭhe.

2. Abhi 5. 244 piṭṭhe.

### 3. Pariññāvāraṇṇanā

165. 170. **Pariññāvāre -pa- tisso pettha pariññā labbhantīti** ettheva viśesanam khandhayamakādīsu sabbakhandhādīnam viya sabbasaccānam apariññeyyatādassanattam sacchikaraṇabhāvanāvasena imassa vārassa appavattidassanattañca. Dukkhasa pariññattam samudayassa ca pahānattham bhagavati brahmacariyam vussatīti pariññāpahānam saccesu dassetuṃ dukkhe tīraṇapariññā vuttā, na pahānapariññā. Samudaye ca pahānapariññā, na tīraṇapariññā. Nātapariññā pana sādharmaṇāti ubhayattha vuttā. Maggañāṇaṇhi dukkhasamudayāni vibhāvetīti nātapariññā ca hoti, dukkhatīraṇakiccānam nipphādanato tīraṇapariññā ca, samudayassa appavattikaraṇatova pahānapariññā cāti tissopi pariññā maggakkhaṇe eva yojetabbāti.

Pariññāvāraṇṇanā niṭṭhitā.

Saccayamakavaṇṇanā niṭṭhitā.

### 6. Saṅkhārayamaka

#### 1. Paṇṇattivāraṇṇanā

1. Khandhādayo viya pubbe avibhattā kāyasaṅkhārādayoti tesam aviññātattā “assāsapassāsā kāyasaṅkhāro”<sup>1</sup>ti-ādinā<sup>1</sup> tayo saṅkhāre vibhajati. **Kāyassa saṅkhāro**ti paṭhame atthe sāmī-atthe eva sāmivacanam, dutiye atthe kattu-atthe. **Vaciya saṅkhāro**ti kammattthe sāmivacanam. **Cittassa saṅkhāro**ti ca kattu-attheyeva. So pana karaṇavacanassa atthoti katvā “**karaṇatthe sāmivacanam katvā**”<sup>1</sup>ti vuttam.

2-7. **Suddhika-ekekapadavasena atthābhāvatoti** padasonetaṃ mūlakacakkavārehi yopi attho dassito dvīhi padehi labbhamāno eko assāsapassāsādiko, tassa suddhikehi kāyādipadehi

---

1. Saṃ 2. 483 piṭṭhe.

suddhikena ca saṅkhārapadena avacanīyattā yathā rūpapadassa khandhekadeso khandhapadassa khandhasamudāyopadasodhane dassito yathādhippeto attho atthi, evaṃ ekekapadassa yathādhippetatthābhāvatoti adhippāyo. **Kāyo kāyasaṅkhāroti-ādi pana vattabbaṃ siyāti** yadi visum adīpetvā samudito kāyasaṅkhārasaddo ekattham dīpeti, kāyasaṅkhārasaddo kāyasaṅkhāratthe vattamāno khandhasaddo viya rūpasaddena kāyasaddena visesitabboti adhippāyena vadati. **Suddhasaṅkhāravāro hesāti** etena imassa vārassa padasodhanena dassitānaṃ yathādhippetānameva gahaṇato tesaṅca kāyādīpadehi aggahitattā “kāyo kāyasaṅkhāro”ti-ādivacanassa ayuttim dasseti. Idha pana saṅkhārayamake kāyādīpadānaṃ saṅkhārapadassa ca asamānādhikaraṇattā “kāyo saṅkhāro, saṅkhārā kāyo”ti-ādīmhi vuccamāne adhippetatthapariccāgo anadhippetatthapariggaho ca kato siyāti suddhasaṅkhāratam mūlacakkavārā na vuttā.

Padasodhanavāratanmūlacakkavārehi pana asamānādhikaraṇehi kāyādīpadehi saṅkhārasaddassa visesaniyatāya dassitāya saṃsāyo hoti “yo atthantarappavattinā kāyasaddena visesito kāyasaṅkhāro, eso atthantarappavattīhi vacīcīttehi visesito udāhu añño”ti. Evaṃ sesesupi. Ettha tesam aññattha dassanattham “kāyasaṅkhāro vacīsaṅkhāro”ti-ādinā anulomapaṭilomavasena cha yamakāni vuttānīti datṭhabbaṃ. Atṭhakathāyaṃ pana suddhasaṅkhāravāraṭṭhāne vuttattā ayaṃ nayo suddhasaṅkhāravāroti vutto.

Paṇṇattivāraṇṇanā niṭṭhitā.

## 2. Pavattivāraṇṇanā

19. Pavattivāre saṅkhārānaṃ puggalānaṅca okāsattā jhānaṃ bhūmi ca visum okāsabhāvena gahitāti puggalavāre ca okāsavasena puggalaggahaṇena tesam dvinnam okāsānaṃ vasena gahaṇam hoti, tasmā “**vināvītakavicārehi assāsapassāsānaṃ uppādakkhaṇe**”ti dutiyatīyajjhānokāsavasena gahitā puggalā visesetvā dassitāti

daṭṭhabbā. Puna **paṭhamajjhānaṃ samāpannānanti** jhānokāsavasena puggalaṃ dasseti, **kāmāvacarānanti** bhūmokāsavasena. Dvippakārānampi pana tesāṃ visesanatthamāha “**assāsapassāsānaṃ uppādakkhaṇe**”ti. Tena rūpārūpāvacaesu paṭhamajjhānasamāpannake kāmāvacare gabbhagatādike ca nivatteti. Kāmāvacarānampi hi gabbhagatādīnaṃ vinā assāsapassāsehi vitakkavicārānaṃ uppatti atthi. Aṭṭhakathāyaṃ pana ekantikattā rūpārūpāvacaṇā nidassitā. **Vinā assāsapassā sehi vitakkavicārānaṃ uppādakkhaṇeti** etena pana dassitā puggalā paṭhamajjhānokāsā kāmāvacarādi-okāsā ca assāsapassāsavirahaviṣiṭṭhā daṭṭhabbā. Iminā nayena sabbattha puggalavibhāgo veditabbo.

21. “**Paṭhamajjhāne kāmāvacareti kāmāvacarabhūmiyaṃ uppanne paṭhamajjhāne**”ti aṭṭhakathāyaṃ vuttaṃ, etasmim̐ pana atthe sati “catutthajjhāne rūpāvacaṇe arūpāvacaṇe tattha cittasaṅkhāro uppajjati no ca tattha kāyasaṅkhāro uppajjati”ti etthāpi rūpārūpāvacaṇabhūmīsu uppanne catutthajjhāneti attho bhavēyya, so ca aniṭṭho bhūmīnaṃ okāsabhāvassova aggahitatāpattito, sabbacatutthajjhānassa okāsavasena aggahitathāpattito ca, tasmā jhānabhūmokāsānaṃ saṅkaraṃ akatvā visuṃ eva okāsabhāvo yojetabbo. Paṭhamajjhānokāsepi hi kāyasaṅkhāro ca uppajjati vacīsaṅkhāro ca uppajjati kāmāvacarokāse ca. Yadi pi na sabbamhi paṭhamajjhāne sabbamhi ca kāmāvacare dvayaṃ uppajjati, tathā pana taṃdvayuppatti atthīti katvā evaṃ vuttanti daṭṭhabbaṃ. Visuṃ okāsattā ca “**aṅgamattavasena cetthā**”ti-ādivacaṇaṃ na vattabbaṃ hotīti. Imamhi ca yamake avitakkavicāramattaṃ dutiyajjhānaṃ vicāravasena paṭhamajjhāne saṅgahaṃ gacchatīti daṭṭhabbaṃ. Muddhabhūtaṃ dutiyajjhānaṃ gahetvā itaraṃ asaṅgahitanti vā yassayatthake “nirodhasamāpannānaṃ”ti labbhati. Na hi te asaṅgāsattā viya okāse<sup>1</sup> hontīti.

37. **Suddhāvāsānaṃ dutiye citte vattamāneti** tesāṃ paṭhamato avitakka-avicārato dutiye savitakkasavicārepi bhavanikanti āvajjane vattamāne ubhayaṃ nuppajjitthāti dassentena tato purimacittakkhaṇesupi

---

1. Okāso (Ka)



nuppajjitthāti dassitameva hoti. Yathā pana cittasaṅkhārassa ādidassanattam “suddhāvāsam upapajjantānan”ti vuttam, evam vacī saṅkhārassa ādidassanattam “dutiye citte vattamāne”ti vuttantidaṭṭhabbam.

Pavattivāraṇṇanā niṭṭhitā.

Saṅkhārayamakavaṇṇanā niṭṭhitā.

## 7. Anusayayamaka

### Paricchedaparinuddesavāraṇṇanā

1. Paccayapariggahapariyosānā nātapaniññāti paccayadīpakenamūlayamakena nātapaniññam, khandhādīsu tīraṇabāhullato khandhādiyamakehi tīraṇapaniññāṇca vibhāvetvā anusayapahānantā pahānapariññāti pahātabbamuddhabhūtehi anusayehi pahānapariññam vibhāvetum anusayamakam āradhim. **Labhamānavasenāti** anusayabhāvena labhamānānam vasenāti attho. Tihākārehi anusayānam gāhāpanam tesu tathā aggahitesu anusayavārādipāḷiyā duravabodhattā.

**Ayam panettha purimesūti** etesu sānusayavārādīsu purimesūti attho. Atthavisesābhāvato “kāmadhātum vā pana upapajjantassa kāmadhātuyā cutassa, rūpadhātum vā pana upapajjantassa kāmadhātuyā cutassā”ti evamādīhi avuccamāne kathamayam yamakadesanā siyāti? Nāyam yamakadesanā, purimavārehi pana yamakavasena desitānam anusayānam cuti-upapattivasena anusayaṭṭhānaparicchedadassanam.

Yamakadesanābāhullato pana sabbavārasamudāyassa anusayayamakanti nāmam daṭṭhabbam. Atha vā paṭilomapucchāpi atthavasena labbhanti, atthavisesābhāvato pana na vuttāti labhamānatāvasena etissāpi desanāya yamakadesanatā veditabbā.

**Anurūpaṃ kāraṇam labhitvā uppajjantīti** etena kāraṇalābhe uppattiarahatam dasseti. Appahīnā hi anusayā kāraṇalābhe sati uppajjanti. Yāva ca maggena tesam anuppatti-arahatā na katā hoti,

tāva te evaṃpakārā evāti “anusayā”ti vuccanti. So evaṃpakāro uppajjati saddena gahito, na khandhayamakādīsu viya uppajjamānatā. Teneva “yassa kāmarāgānusayo uppajjati, tassa paṭighānusayo uppajjatīti? Āmantā”ti-ādinā uppajjanavāro anusayavārena ninnānākaraṇo vibhatto. Anurūpaṃ kāraṇaṃ pana labhitvā ye uppajjimsu uppajjamānā ca, tepi appahīnaṭṭhena thāmagatā ahesuṃ bhavanti ca. Uppatti-arahatāya eva ca te uppajjimsu uppajjanti ca, na ca atītānāgatapaccuppanato aññe uppatti-arahā nāma atthi, tasmā sabbe atītānāgatapaccuppanā kāmarāgādayo “anusayā”ti vuccanti.

Appahīnaṭṭheneva hi anusayā, appahīnā ca atītādayo eva, maggassa pana tādīsānaṃ anuppatti-arahatāpādanena anusayappahānaṃ hotīti.

Appahīnākāro nāma dhammākāro, na dhammo, dhammo eva ca uppajjatīti iminā adhippāyenāha “**appahīnākāro ca uppajjatīti vuttuṃ na yujjati**”ti.

**Sattānusayā**ti ettha yadi appahīnaṭṭhena santāne anusetīti-anusayā, atha kasmā satteva vuttā, nanu sattānusayato aññesampi kilesānaṃ appahīnattā anusayabhāvo āpajjatīti ce? Nāpajjati, appahīnamattasseva anusayabhāvassa avuttattā. Vuttañhi “anusayoti pana appahīnaṭṭhena thāmagatakilesa vuccatī”ti<sup>1</sup>, tasmā appahīnaṭṭhena thāmagato kilesoyeva anusayo nāmāti yuttaṃ. Thāmagatanti ca aññehi asādhāraṇo sabhāvo daṭṭhabbo. Tathā hi dhammasabhāvabodhinā tathāgatena imeyeva “anusayā”ti vuttā.

**Thāmagatoti** anusayasamaṅgīti attho.

Anusaya-uppajjanavārānaṃ samānagatikattā yathā “anusetī”ti vacanaṃ appahīnākadīpakāṃ, evaṃ “uppajjati”ti vacanaṃ siyāti uppajjanavārena “uppajjati”ti vacanassa avuttatā sakkā vattunti ce? Taṃ na, vacanatthavisesena taṃdvayassa vuttattā. “Anurūpaṃ kāraṇaṃ labhitvā uppajjati”ti hi etasmim atthe avisiṭṭhepi “anusetī”ti vacanaṃ santāne anusayitataṃ thāmagatabhāvaṃ dīpeti. Yadi tameva “uppajjati”ti vacanaṃ dīpeyya, kassaci visesassa abhāvā uppajjanavāro na vattabbo siyā, “uppajjati”ti vacanaṃ pana uppattiyoggaṃ dīpeti. Kasmā? Uppajjanevārena

---

1. Abhi-Ṭṭha 3. 319 piṭṭhe.

uppattiyoggassa dassitattā, anusayasaddassa sabbadā vijjamānānaṃ aparinipphannasayanatthatāya nivāraṇatthaṃ uppatti-arahatāya thāmagatabhāvasaṅkhātassa yathādhippetasayanatthassa dassanatthaṃ “anusetīti anurūpaṃ kāraṇaṃ labhitvā uppajjanti”ti yaṃ uppattiyoggavacanaṃ vuttaṃ, taṃ suvuttamevāti adhippāyo. Tampi suvuttameva iminā tantippamāṇenāti sampandho. Tantittayenapi hi cittasampayuttatā dīpitā hoti.

Paricchedapariicchinnuddesavāraṇṇanā niṭṭhitā.

### Uppattiṭṭhānavāraṇṇanā

2. **Kāmadhātuyā dvīsu vedanāsūti kāmāvacarabhūmiyaṃ sukhāya ca upekkhāya cāti** aṭṭhakathāyaṃ kāmadhātuggahaṇaṃ dvinnaṃ vedanānaṃ visesanabhāvena vuttaṃ, evaṃ sati kāmadhātuyā kāmarāgānusayassa anusayaṭṭhānatā na vuttā hoti. Dvīsu pana rāgesu bhavarāgassa tīsu dhātūsu rūpārūpadhātūnaṃ anusayaṭṭhānatā vuttāti kāmadhātuyā kāmarāgassa anusayaṭṭhānatā vattabbā. Dhātuvedanāsabbasakkāyapariyāpannavasena hi tippakāraṃ anusayānaṃ anusayaṭṭhānaṃ vuttanti. Tasmā tīsu dhātūsu kāmadhātuyā tīsu vedanāsu dvīsu vedanāsu ettha kāmarāgānusayo anusetīti visuṃ anusayaṭṭhānatā dhātuyā vedanānañca yojetabbā. **Dvīsu vedanāsūti** idañca vedanāsu anusayamāno kāmarāgānusayo dvīsveva anuseti, na tīsūti tiṇṇampi ṭhānatānivāraṇatthameva vuttanti na sabbāsu dvīsu anusayanappatto atthi, tena vedanāviseśanatthaṃ na kāmadhātuggahaṇena koci attho. Bhavarāgānusayanatṭhānañhi aṭṭhānañca anusayānaṃ apariyāpannaṃ sakkāye kāmarāgānusayassa anusayaṭṭhānaṃ na hotīti pākaṭametam. Yathā ca “dvīsu vedanāsū”ti vutte paṭighānusayānusayaṭṭhānato aññā dve vedanā gayhanti, evaṃ bhavarāgānusayānusayanatṭhānato ca aññā tā gayhantīti.

Ettha ca dvīhi vedanāti sampayuttesu aññesu ca piyarūpasātarūpesu iṭṭharūpādīsu uppajjamāno kāmarāgānusayo sātasantasukhagiddhiyā pavattatīti dvīsu vedanāsu tassa anusayanaṃ vuttaṃ. Aññattha

uppajjamānopi hi so imāsu dvīsu vedanāsu anugato hutvā seti sukhamicceva abhilabhatīti. Evaṃ paṭighānusayo ca dukkhavedanāsampayuttesu aññesu ca appiyarūpāsātarūpesu aniṭṭharūpādīsu uppajjamāno dukkhapaṭikūlato dukkhamicceva paṭihaññatīti dukkhavedanameva anugato hutvā seti, tena pana tasmīṃ anusayanāṃ vuttaṃ. Evaṃ kāma rāgapaṭighānaṃ tīsu vedanāsu anusayavacanena iṭṭha-iṭṭhamajjhatta-aniṭṭhesu ārammaṇapakatīyā vīparītasaññāya ca vasena iṭṭhādibhāvena gahite su kāmarāgapaṭighānaṃ uppatti dassitā hoti. Tattha uppajjamānā hi te tīsu vedanāsu anusenti nāma. Vedanāttayamukhena vā ettha iṭṭhādīnaṃ ārammaṇānaṃ gahaṇaṃ veditabbaṃ, kāmadhātu-ādiggahaṇena kāmassādādivatthubhūtānaṃ kāmabhavādīnaṃ. Tattha kāmarāgānusayo bhavassadavasena anusayamāno kāmadhātuyā anuseti, kāmasukhassādavasena anusayamāno sukhopekkhāvedanāsu. Paṭigho dukkhapaṭighātavaseneva pavattatīti yattha tattha paṭihaññamānopi dukkhavedanāya eva anuseti. Rūpārūpabhavesu pana rūpārūpāvacaradhammesu ca kāmassādassa pavatti natthīti tattha anusayamāno rāgo bhavarāgo-icceva veditabbo. Dhātuttayavedanāttayaggahaṇena ca sabbasakkāyapariyāpannānaṃ gahitattā “yattha kāmarāgānusayo nānuseti, tattha diṭṭhānusayo nānuseti”<sup>1</sup>ti<sup>1</sup> evamādīnaṃ vissajjanesu dhātuttayavedanāttayavinimuttaṃ diṭṭhānusayādīnaṃ anusayaṭṭhānaṃ na vuttanti daṭṭhabbaṃ. Nanu ca anuttaresu vimokkhesu pīhaṃ upaṭṭhāpayato pīhapaccayā uppannadomanasse paṭighānusayo nānuseti, tathā nekkhammassitasomanassupekkhāsu kāmarāgena nānusayitabbanti tadanusayanaṭṭhānato aññāpi diṭṭhānusayānusayanaṭṭhānabhūtā kāmāvacaravedanā santīti? Hontu, na pana dhātuttayavedanāttayato aññānaṃ tadanusayanaṭṭhānaṃ atthi, tasmā taṃ na vuttaṃ. Yasmā pana “yattha kāmarāgānusayo ca paṭighānusayo ca mānānusayo ca nānuseti, tattha diṭṭhānusayo vicikicchānusayo nānusetīti? Āmantā”<sup>2</sup>ti<sup>2</sup> vuttaṃ, tasmā avisesena dukkhaṃ paṭighānusayassa anusayanaṭṭhānanti samudāyavasena gahetvā vuttanti veditabbaṃ. Tathā lokiyasukhopekkhā kāmarāgamānānusayanaṭṭhānanti.

---

1. Abhi 6. 83 piṭṭhe.

2. Abhi 6. 87 piṭṭhe.

Apica sutte “idhāvuso visākha bhikkhu iti paṭisañci kkhati ‘kudāssu nāmāhaṃ domanassaṃ pajaheyyan’ti, so iti paṭisañcikkhitvā paṭighaṃ tena pajahati, na tattha paṭighānusayo anuseti”<sup>1</sup>ti nekkhammassitaṃ domanassaṃ uppādetvā taṃ vikkhambhetvā vīriyaṃ katvā anāgāmi maggena paṭighassa samugghātaṇaṃ sandhāya vuttaṃ. Na hi paṭigheneva paṭighappahānaṃ, domanassena vā domanassappahānaṃ atthīti. Paṭighuppattirahaṭṭhānatāya pana idha sabbaṃ dukkhaṃ “paṭighānusayassa anusayanaṭṭhānaṃ”ti vuttanti daṭṭhabbaṃ. Nippariyāyadesanā hesā, sā pana pariyāyadesanā. Evañca katvā paṭhamajjhānavikkhambhitaṃ kāmarāgānusayaṃ tathā vikkhambhi tameva katvā anāgāmi maggena samugghātaṇaṃ sandhāya “viviceva -pa- paṭhamāṃ jhānaṃ upasampajja viharati, rāgaṃ tena pajahati, na tattha rāgānusayo anuseti”<sup>1</sup>ti vuttaṃ. Evaṃ catutthajjhānavikkhambhitaṃ avijjānusayaṃ tathā vikkhambhitameva katvā arahattamaggena samugghātaṇaṃ sandhāya “sukhassa ca pahānā -pa- catutthaṃ jhānaṃ upasampajja viharati, avijjāṃ tena pajahati, na tattha avijjānusayo anuseti”<sup>1</sup>ti vuttaṃ. Na hi lokiyacatutthajjhānupekkhāya avijjānusayo sabbathā nānuseti sakkā vattum “sabbasakkāyapariyāpannesu dhammesu ettha avijjānusayo anuseti”<sup>2</sup>ti vuttatā, tasmā avijjānusayasseva vatthu catutthajjhānupekkhā, nekkhammassitadomanassañca paṭighānusayassa vatthu na na hoti tatthāpi tassa anusayanaṃ veditabbaṃ. Avatthubhāvato hi idha anusayanaṃ na vuccati, na suttantesu viya vuttanayena taṃpaṭipakkhabhāvato taṃsamugghātakamaggassa balavūpanissayabhāvato cāti.

Ettha ca ārammaṇe anusayaṭṭhāne sati bhavarāgavajjo sabbo lobho kāmarāgānusayoti na sakkā vattum. Dukkāya hi vedanāya rūpārūpadhātūsu ca anusayamānena diṭṭhānusayena sampayuttopi lobho lobho eva, na kāmarāgānusayo. Yadi siyā, diṭṭhānusayassa viya etassapi ṭhānaṃ vattabbaṃ siyāti. Atha pana ajjhāsayavasena tanninnatāya anusayanaṭṭhānaṃ vuttaṃ. Yathā iṭṭhānaṃ rūpādīnaṃ sukhāya ca vedanāya appaṭiladdhaṃ vā appaṭilābhato samanupassato, paṭiladdhapubbaṃ vā atītaṃ niruddhaṃ vigataṃ pariṇataṃ samanupassato uppajjamāno paṭigho dukkhe paṭihaññānavaseneva pavattatīti dukkhameva tassa anusayanaṭṭhānaṃ vuttaṃ, nālambitaṃ, evaṃ dukkhādīsu

---

1. Ma 1. 378 piṭṭhe.

2. Abhi-Ṭṭha 3. 321 piṭṭhe.

abhinivesanavasena uppajjamānena diṭṭhānusayena sampayuttopi lobho sukhābhisaṅgavaseneva pavattatīti sātasantasukhadvayamevassa anusayaṭṭhānaṃ vuttanti bhavarāgavajjassa sabbalobhassa kāmarāgānusayatā na virujjhati, ekasmiṃyeva ca ārammaṇe rajjanti dussanti ca. Tattha rāgo sukhajjhāsayo paṭigho dukkhajjhāsayoti tesam nānānusayaṭṭhānatā hoti.

Evañca katvā “yattha kāmarāgānusayo anuseti, tattha paṭighānusayo anusetīti? No”ti<sup>1</sup> vuttanti. Aṭṭhakathāyaṃ pana dvīsu vedanāsu iṭṭhārammaṇe ca domanassuppattim vatvā “dīmanassamattameva pana taṃ hoti, na paṭighānusayo”ti<sup>2</sup> vuttatā yathā yathā tattha aṭṭigho paṭighonusayo na hoti, evaṃ dukkhādīsū uppajjamānena diṭṭhānusayena sahaṃjāto lobho kāmarāgānusayo na hoticceva viññāyatīti. Yaṃ panetaṃ vuttaṃ **“domanassamattameva pana taṃ hoti, na paṭighānusayo”**ti, ettha **na paṭighānusayoti** natthi paṭighānusayoti attho daṭṭhabbo. Na hi domanassassa paṭighānusayabhāvāsāṅkā atthīti.

**Desanā samkiṇṇā viya bhaveyyāti** bhavarāgassapi kāmadhātuyā dvīsu vedanāsu ārammaṇakaraṇavaseneva uppatti vuttā viya bhaveyya, tasmā ārammaṇavisesena visesadassanattaṃ evaṃ desanā katā sahaṃjāta vedanāvisesābhāvatoti adhippāyo.

Uppattiṭṭhānavāraṇṇanā niṭṭhitā.

### Mahāvāra 1. Anusayavāraṇṇanā

3. **Anuseti uppajjatīti** paccuppannavohārā pavattāvirāmasena veditabbā. Maggeneva hi anusayānaṃ virāmo vicchedo hoti, na tato pubbeti.

20. **Nāpi ekasmiṃ ṭhāne uppajjanti, na ekaṃ dhammaṃ ārammaṇaṃ karontīti** ettha purimena ekasmiṃ cittuppāde uppatti nivāritā, pacchimena ekasmiṃ ārammaṇeti ayaṃ viseso. Puggalokāsavārassa paṭilome tesam tesam

1. Abhi 6. 61 piṭṭhe.

2. Abhi-Ṭṭha 3. 323 piṭṭhe.

puggalānaṃ tassa tassa anusayassa ananusayanatthānaṃ pakatiyā pahānena ca veditabbaṃ, “tiṇṇaṃ puggalānaṃ dukkhāya vedanāya tesāṃ tattha kāmarāgānusayo nānuseti no ca tesāṃ tattha paṭighānusayo nānuseti, tesaññeva puggalānaṃ rūpadhātuyā arūpadhātuyā apariyāpanne tesāṃ tattha kāmarāgānusayo ca nānuseti paṭighānusayo ca nānuseti”ti pakatiyā dukkhādīnaṃ kāmarāgādīnaṃ ananusayaṭṭhānataṃ sandhāya vuttaṃ, “dvinnaṃ puggalānaṃ sabbattha kāmarāgānusayo ca nānuseti paṭighānusayo a nānuseti”ti<sup>1</sup> anusayappahānena. Ettha purimanayena okāsaṃ avekkhitvā puggalassa vijjamaṇānaṃ anusayānaṃ ananusayanaṃ vuttaṃ, pacchimanayena puggalaṃ avekkhitvā okāsassa kāmadhātu-ādikassa anokāsatāti.

Anusayavāraṇṇanā niṭṭhitā.

## 2. Sānusayavāraṇṇanā

66-131. Sānusayapajahanapariññāvāresu “sānusayo, pajahati, pariṇānāti”ti puggalo vutto. Puggalassa ca imasmiṃ bhava sānusayoti evaṃ bhavavisesena vā, imasmiṃ kāmarāgānusayena sānusayo imasmiṃ itaresu kenacīti evaṃ bhavānusayavisesena vā sānusayatāniranusayatādīkā natthi. Tathā dvīsu vedanāsu kāmarāgānusayena sānusayo, dukkhāya vedanāya niranusayoti idampi natthi. Na hi puggalassa vedanā okāso, atha kho anusayānanti. Anusayassa pana tassa tassa so so anusayanokāso puggalassa tena tena anusayena sānusayatāya, tassa tassa pajahanapariṇānanaṃca nimittaṃ hoti, ananusayanokāso ca niranusayatādīnaṃ, tasmā okāsavāresu bhūmaniddesaṃ akatvā “yato tato”ti nimittatthe nissakkavacanaṃ kataṃ, pajahanapariññāvāresu apādānatthe eva vā. Tato tato hi okāso apahamakaraṇaṃ vināsaṃ pajhanaṃ pariṇānanaṃcāti.

Tattha yatoti yato anusayaṭṭhānato anulome, paṭikāme ananusayaṭṭhānatoti attho. Anusayānānusayasseva hi

---

1. Abhi 6. 89 piṭṭhe.

nimittāpādānabhāvadassanattamā “rūpadhātuyā arūpadhātuyā tato mānānusayena sānusayoti<sup>1</sup>, pajahatī”<sup>2</sup> ca “dukkhāya vedanāya tato kāmarāgānusayena niranusayoti<sup>3</sup>, na pajahatī”<sup>4</sup> ca evamādisu rūpadhātu-ādayo eva bhummaniddeseneva niddiṭṭhāti. Atṭhakathāyaṃ pana catutthapañhavissajjanena sarūpato anusayanaṭṭhānassa dassitattā tadatthe ādipañhepi “yato”<sup>5</sup>ti anusayanaṭṭhānaṃ vuttanti imamattamā vibhāvetvā puna “yato”<sup>5</sup>ti etassa vacanatthamā dassetuṃ **“uppannena kāmarāgānusayena sānusayo”**ti vuttaṃ, taṃ pamādalikhitaṃ viya dissati. Na hi uppanneva anusayena sānusayo, uppattirahaṭṭhānatañca sandhāyeva nissakkavacanaṃ na sakkā vattuṃ. Na hi apariyāpannānaṃ anusayuppattirahaṭṭhānatāti taṃ tatheva dissati. Evaṃ panettha attho daṭṭhabbo—yato uppannāti yato uppannena bhavitabbaṃ, tenāti uppattirahaṭṭhāne nissakkavacanaṃ katanti. Tathā sabbadhammesu uppajjanakenāti. Uppattiṭṭhesdhe akate anuppattiyā anicchitattā sabbadhammesu uppajjanakabhāvaṃ āpannena anuppajjanabhāvaṃ apaneti nāma. **Sabbatthāti** etassa pana sabbatṭhānatoti ayamatttho na na sambhavati. Ttha-kāraṇhi bhummato aññatthāpi saddavidū icchantīti.

Sānusayavāraṇṇanā niṭṭhitā.

### 3. Pajahanavāraṇṇanā

132-197. Pajahanavāre yena kāmarāgānusayādayo sāvasesā pahīyanti, so te pajahatīti sannitṭhānaṃ katvā vattabbo hoti apajahanasabbhāvā, tasmā sannitṭhāne niravasesappajahanakoyeva pajahatīti vutto, tasmā “yo vā pana mānānusayaṃ pajahati, so kāmarāgānusayaṃ pajahatīti? No”<sup>5</sup>ti vuttaṃ. Yasmā pana saṃsayapadena pahānakaraṇamattameva pucchati, na sannitṭhānaṃ karoti, tasmā yathāvijjamānaṃ pahānaṃ sandhāya “yo kāmarāgānusayaṃ pajahati, so mānānusayaṃ pajahatīti? Tadekaṭṭhamā pajahatī”<sup>5</sup>ti vuttaṃ. Paṭilome pana “nappajahatī”<sup>5</sup>ti pajahanābhāvo eva sannitṭhānapadena saṃsayapadena ca

1. Abhi 6. 106 piṭṭhe.

2. Abhi 6. 151 piṭṭhe.

3. Abhi 6. 127 piṭṭhe.

4. Abhi 6. 167 piṭṭhe.

5. Abhi 6. 148 piṭṭhe.



vinicchito pucchito ca, tasmā yesaṃ pajahanaṃ natthi niravasesavasena pajahanakānaṃ, te ṭhapetvā avasesā appajahanasabbhāveneva nappajahantīti vuttā, na ca yathāvijjamānena pahāneneva vajjitāti daṭṭhabbāti.

“Anāgāmimaggasamaṅgiṇca aṭṭhamakaṇca ṭhapetvā avasesā puggalā kāmarāgānusayaṇca nappajahanti vicikicchānusayaṇca nappajahanti”<sup>1</sup> ettha **aṭṭhakathāyaṃ**<sup>2</sup> “puthujjano pahānapariññāya abhāvena nappajahati, sesā tesāṃ anusayānaṃ pahīnattā”<sup>3</sup>ti vuttam.

Tattha kiñcāpi kesaṇci vicikicchānusayo kesaṇci ubhayanti sesānaṃ tesāṃ pahīnatā atthi, tathāpi sotāpannādīnaṃ vicikicchānusayassa pahīnatā ubhayāpajahanassa kāraṇaṃ na hotīti tesāṃ pahīnattā “nappajahantī”<sup>4</sup>ti na sakkā vuttum, atha pana kāmarāgānusayaṇca nappajahantīti imaṃ sanniṭṭhānena tesāṃ puggalānaṃ saṅgahitatādassanatthaṃ vuttanti na tattha kāraṇaṃ vattabbaṃ, pucchitassa pana saṃsayatthassa kāraṇaṃ vattabbaṃ. Evaṃ sati “sesā tassa anusayassa pahīnattā”<sup>5</sup>ti vattabbanti? Na vattabbaṃ “yo kāmarāgānusayaṃ nappajahati, so diṭṭhānusayaṃ vicikicchānusayaṃ nappajahatī”<sup>6</sup>ti paṭikkhipitvā pucchite sadisavissajjanake diṭṭhivicikicchānusaye sandhāya kāraṇassa vattabbattā, tasmā **tesāṃ anusayānaṃ pahīnattā**<sup>7</sup>ti tesāṃ diṭṭhivicikicchānusayānaṃ pahīnattā te saṃsayatthasaṅgahite anusaye nappajahantīti attho daṭṭhabbo.

Pajahanavāraṇṇanā niṭṭhitā.

## 5. Pahīnavāraṇṇanā

264-274. **Pahīnavāre phalaṭṭhavaseneva desanā āradhātī** anulomaṃ sandhāya vuttam. Paṭilome hi puthujjanavasenaṃ desanā gahitāti. “Phalaṭṭhavasenevā”<sup>8</sup>ti ca sādharmaṇavacanena maggasamaṅgīnaṃ aggahitataṃ dīpeti. Anusayaccantapaṭipakkhekacittakkhaṇikānaṃhi maggasamaṅgīnaṃ na koci anusayo uppattiraho, nāpi anuppattirahataṃ āpādito, tasmā te na anusayasānusayapahīna-uppajjanavāresu gahitāti.

1. Abhi 6. 162 piṭṭhe.

2. Abhi-Ṭṭha 3. 328 piṭṭhe.

275-296. Okāsavāre so so anusayo attano attano okāse eva anuppattidhammataṃ āpādito pahīno, anāpādito ca appahīnoti pahīnāppahīnavacanāni tadokāsameva dīpenti tasmā anokāse tadubhayāvattabbatā vuttāti. **Sādhāraṇaṭṭhāne tena saddhiṃ pahīno nāma hotīti** tena saddhiṃ samānokāse pahīno nāmāti attho, na samānakāle pahīnoti.

Pahīnavāraṇṇanā niṭṭhitā

### 7. Dhātuvāraṇṇanā

332-340. Dhātuvāre **santānaṃ anugatā hutvā sayantīti** yasmiṃ santāne appahīnā, taṃsantāne appahīnabhāvena anugantvā uppatti-arahabhāvena sayantīti attho. Uppattirahatā eva hi anurūpaṃ kāraṇaṃ labhitvā uppajantīti idhāpi yuttāti. Ettha ca na kāmadhātu-ādīni cha paṭṭinisedhavacanāni dhātuvisesaniddhāraṇāni na hontīti “na kāmadhātuyā cutassa na kāmadhātuṃ upapajantassā”ti-ādimhi vuccamāne imaṃ nāma upapajantassāti na viññāyeyya, tasmā taṃmūlikāsu yojanāsu “na kāmadhātuyā cutassa kāmadhātuṃ rūpadhātuṃ arūpadhātuṃ upapajantassā”ti paṭhamāṃ yojetvā puna anukkamena “na kāmadhātuṃ upapajantassā”ti-ādikā yojanā katā. Evañhi na kāmadhātu-ādipadehi yathāvuttadhātuyoyeva gahitā, na kañcīti viññāyati. Yathā anusayavāre “anusentīti padassa uppajantīti attho gahito”ti vuttaṃ, tatthāpi uppajjamānameva sandhāya uppajantīti gahetuṃ na sakkā “yassa kāmāragānusayo anuseti, tassa paṭighānusayo anusetīti? Āmantā”ti-ādivacanato. Athāpi appahīnataṃ sandhāya uppajantīti attho tattha gahito, idhāpi so na na yujjati. **Bhaṅgāti** bhañjītabbā, dvidhā kātabbāti attho. Nanu na koci anusayo yattha uppajantassa anuseti nānuseti cāti dvidhā kātabbā tattheva kasmā “katī anusayā bhaṅgā? Anusayā bhaṅgā natthī”ti pucchāvissajjanāni katāni. Na hi pakārantarābhāve saṃsayo

yuttoti? Na na yutto “anusayā bhaṅgā natthī”ti avutte bhaṅgābhāvassa aviññātattāti.

Dhātuvāraṇṇanā niṭṭhitā.

Anusayayamakavaṇṇanā niṭṭhitā.

## 8. Cittayamaka

### Uddesavāraṇṇanā

1-62. Cittayamakavaṇṇanāyaṃ āditova tayo suddhikamahāvārā hontīti ime tayo mahāvārā sarāgādikusalādīhi missakā suddhikā ca, tesu ādito suddhikā hontīti attho. Missakesu ca ekekasmim sarāgādimissakacitte tayo tayo mahāvārā, te tattha tattha pana vutte sampiṇḍetvā “soḷasa puggalavārā”ti-ādi vuttam, na nirantaram vutteti. “Yassa cittam uppajjati na nirujjhati, tassa cittam nirujjhissati nuppajjissati”ti-ādinā uppādanirodhānam paccuppannānāgatakālānaṃca saṃsaggavasena ekekāya pucchāya pavattattā “uppādanirodhakālassambhedavāro”ti vutto. Evaṃ sesānampi vārānam taṃtaṃnāmatā pāḷi-anusārena veditabbā.

Uddesavāraṇṇanā niṭṭhitā.

### Niddesavāraṇṇanā

63. Tathārūpasseva khīṇāsavassa cittam sandhāyāti idam uppādakkaṇasamaṅgipacchimacittasamaṅgimhi puggale adhippete taṃca cittam adhippetameva hotīti katvā vuttanti daṭṭhabbam. **Arahato pacchimacittampīti** nuppajjati nirujjhatīti evampakāram bhaṅgakkhaṇasamaṅgimeva sandhāya vuttam.

65-82. Uppādavārassa dutiyapucchāvissajjane cittassa bhaṅgakkhaṇe, nirodhasamāpannānam, asaṅghasattānam tesam cittam uppajjittha no ca tesam cittam

**uppajjati**ti ettha “cittassa bhaṅgakkhaṇe tesam cittam uppajjitthā”ti etassa “sabbesam cittam khaṇapaccuppannameva hutvā uppādakkhaṇam atītattā uppajjittha nāmā”ti attho vutto. **Cittassa uppādakkhaṇe tesam cittam uppajjittha ceva uppajjati cāti** etassapi uppādam pattattā uppajjittha, anatītattā uppajjati nāmāti dvayametaṃ evaṃ na sakkā vattum. Na hi khaṇapaccuppanne “uppajjitthā”ti atītavohāro atthi. Yadi siyā, **yaṃ vā pana cittam uppajjittha, taṃ cittam uppajjati**ti ettha “no”ti avatvā vibhajitabbaṃ siyā. Tathā “**yaṃ cittam uppajjati, taṃ cittam uppajjitthā**”ti etthaca “no”ti-avatvā “āmantā”ti vattabbaṃ siyā. “**Cittassa bhaṅgakkhaṇe**”ti pana bhijjamānacittasamaṅgī puggalo vutto, tassa atītam cittam uppajjittha, na ca kiñci cittam uppajjati. **Cittassa uppādakkhaṇeti** ca uppajjamānacittasamaṅgī puggalo vutto, tassapi atītam cittam uppajjittha, taṃ pana cittam uppajjati evamettha attho daṭṭhabbo. Cittanti hi sāmāññavacanam ekasmiṃ anekasmiṃca yathāgahitavisesa tiṭṭhātīti. “**Yassa vā pana cittam uppajjissati, tassa cittam uppajjati? Cittassa bhaṅgakkhaṇe**”ti ettha **yassa vā pana cittam uppajjissati**ti etena sanniṭṭhānena gahitapuggalasseva cittassa bhaṅgakkhaṇeti evaṃ sabbattha sanniṭṭhanavasena niyamo veditabbo. Uppannuppajjamānavāro niruddhanirujjhamānavāro ca puggalavārādīsu tīsupi ninnānākaraṇā uddiṭṭhā niddiṭṭhā ca. Tattha puggalavāre avisesena yaṃkañci tādisam puggalam sandhāya “**uppannam uppajjamānan**”ti-ādi vuttam, dhammavāre cittameva, puggaladhammavāre puggalam cittañcāti ayamettha viseso daṭṭhabbo.

83. Atikkantakālavāre imassa puggalavārattā puggalo pucchitoti puggalasseva vissajjanena bhavitabbaṃ. Yathā **yassa cittam uppajjitthāti** etena na koci puggalo na gahito, evaṃ **yassa cittam uppajjamānam khaṇam khaṇam vītikkantaṃ atikkantakālanti** etena sanniṭṭhānena na koci na gahito. Na hi so puggalo atthi, yassa cittam uppādakkhaṇam atītam natthi, te ca pana nirujjhamānakhaṇātītacittā na na hontīti paṭhamo pañho “āmantā”ti vissajjitabbo siyā, tathā dutiyatīyā. Catuttho pana “pacchimacittassa bhaṅgakkhaṇe tesam cittam bhaṅgakkhaṇam avītikkantaṃ, no ca tesam cittam uppādakkhaṇam avītikkantaṃ, itaresam cittam bhaṅgakkhaṇaṃca avītikkantaṃ uppādakkhaṇaṃca avītikkantaṃ”ti vissajjitabbo bhavēyya, tathā avissajjetvā kasmā sabbattha cittameva

vibhattanti? Cittavasena puggalavavatthānato. Khaṇassa hi vītikkantatāya atikkantakālatāvacaṇena vattamānassa ca cittassa vasena puggalo uppādakkhaṇātītacitto vutto atītassa ca, tattha purimassa cittaṃ na bhaṅgakkhaṇaṃ vītikkantaṃ pacchimassa vītikkantanti evamādiko puggalavibhāgo yassa cittassa vasena puggalavavatthānaṃ hoti, tassa cittassa taṃtaṃkhaṇavītikkamāvītikkamadassanavasena dassito hotīti sabbavissajjanesu cittameva vibhattaṃ. Atha vā nayidha dhamma-amattavisiṭṭho puggalo pucchito, atha kho puggalavisiṭṭhaṃ cittaṃ, tasmā cittameva vissajjanti veditabbaṃ. Yadiipi puggalappadhānā pucchā, athāpi cittaṃpadhānā, ubhayathāpi dutiyapucchāya “āmantā”ti vattabbaṃ siyā, tathā pana avatvā nirodhakkhaṇavītikkamena atikkantakālatā na uppādakkhaṇavītikkamena atikkantakālatā viya vattamānassa atthīti dassanattamaṃ **“atītaṃ cittaṃ”**ti vuttanti daṭṭhabbaṃ. **Yassa cittaṃ na uppajjamānanti** ettha uppajjamānaṃ khaṇaṃ khaṇaṃ vītikkantaṃ atikkantakālaṃ yassa cittaṃ na hotīti attho. Ese nayo **“na nirujjhamānaṃ”**ti etthāpi.

114-116. Missakavāresu **yassa sarāgaṃ cittaṃ uppajjati na nirujjhati, tassa cittaṃ nirujjhissati nuppajjissatī**ti pucchā, **noti** vissajjanaṅca aṭṭhakathāyaṃ dassitaṃ. Pāḷiyaṃ pana “yassa sarāgaṃ cittaṃ uppajjati na nirujjhati, tassa sarāgaṃ cittaṃ nirujjhissati nuppajjissatī”ti mātīkāṭṭhapanāyaṃ vuttatā vissajjanepi tatheva sanniṭṭhānasaṃsayatthesu sarāgādimissakacittavaseneva pucchā uddharitvā “sarāgapacchimacittassa uppādakkhaṇe tesaṃ sarāgaṃ cittaṃ uppajjati na nirujjhati nirujjhissati nuppajjissati, itaresaṃ sarāgacittassa uppādakkhaṇe tesaṃ sarāgaṃ cittaṃ uppajjati na nirujjhati nirujjhissati ceva uppajjissati cā”ti-evamādinā nayena yebhuyyena suddhikavārasadisameva vissajjanaṃ kātābanti katvā saṅkhittanti viññāyati.

Niddesavāraṇṇanā niṭṭhitā.

Cittayamakavaṇṇanā niṭṭhitā.

## 9. Dhammayamaka

### 1. Paṇṇatti-uddesavāraṇṇanā

1-16. Dhammayamakavaṇṇanāyaṃ **kusalādidhammānaṃ mātikānaṃ** ṭhapetvāti yathā mūlayamake kusalādidhammā desitā, yathā ca khandhayamakādīsu “pañcakkhandhā”ti-ādinā aññathā saṅghetvā desitā, tathā adesetvā yā kusalādinānaṃ dhammānaṃ “kusalākusalā dhammā”ti-ādikā mātikā, taṃ idha ādimhi ṭhapetvā desitassāti attho.

Paṇṇatti-uddesavāraṇṇanā niṭṭhitā.

### 2. Pavattivāraṇṇanā

33-34. “Yassa kusalā dhammā uppajjanti, tassa abyākatā dhammā uppajjanti”ti etassa vissajjane “**abyākatācāti cittasamuṭṭhānarūpavasena vuttan**”ti aṭṭhakathāyaṃ vuttan, imasmim̐ pana pañhe kammasamuṭṭhānādirūpañca labbhati, taṃ pana paṭilomavārassa vissajjane **sabbesaṃ cavantānaṃ, pavatte cittassa bhaṅgakkhaṇe, āruppe akusalānaṃ uppādakkhaṇe tesaṃ kusalā ca dhammā na uppajjanti abyākatā ca dhammā na uppajjanti**ti ettha pavatte cittassa bhaṅgakkhaṇe uppajjamānampi kammasamuṭṭhānādirūpaṃ<sup>1</sup> aggahetvā “abyākatā ca dhammā na uppajjanti”ti vuttatā cittasamuṭṭhānarūpameva idhādhippetāṃ. Kammasamuṭṭhānādirūpe na vidhānaṃ, nāpi paṭisedhoti keci vadanti, tathā cittasamuṭṭhānarūpameva sandhāya “yassa kusalā dhammā uppajjanti, tassa abyākathā dhammā nirujjhanti? No”ti<sup>2</sup> vuttanti. Taṃ panetaṃ evaṃ na sakkā vuttan cittaṃ pavatte bhaṅgakkhaṇe kammasamuṭṭhānarūpādinampi uppādassa uppādakkhaṇe ca nirodhassa evamādihi eva paṭiṭṭhi paṭisedhasiddhito.

Ye ca vadanti “yathā paṭisambhidāmagge<sup>3</sup> nirodhakathāyaṃ ‘sotāpattimaggakkhaṇe jātā dhammā ṭhapetvā cittasamuṭṭhānarūpaṃ sabbepi virāgā ceva honti virāgārammaṇā virāgagocarā virāgasamudāgatā virāgapatiṭṭhā’ti-ādīsu ‘ṭhapetvā rūpan’ti avatvā cittaṃ paṭibaddhattā

1. Kammasamuṭṭhānarūpaṃ (Ka)

2. Abhi 7. 51 piṭṭhe.

3. Khu 9. 324 piṭṭhe. (Atthato samānaṃ.)

cittajarūpānaṃ ‘ṭhapetvā cittasamuṭṭhānarūpan’ti vuttaṃ, evamidhāpi cittaṭṭhāpibaddhattā cittajarūpameva kathitaṃ”ti, tañca tathā na hoti. Yesañhi sotāpattimaggo sahaṃjātapaccayo hoti, yesu ca virāgādi-āsaṅkā hoti, te sotāpattimaggasahaṃjātā dhammā sotāpattimaggakkaṇe jātā dhammāti tattha vuttā. **Sotāpattimaggakkaṇe jātā**ti hi vacanaṃ magge jātataṃ dīpeti, na ca kammajādīni amagge jāyamānāni maggakkhaṇe jātavohāraṃ arahanti tesam tassa sotāpattimaggakkaṇe sahaṃjātapaccayattābhāvato, tasmā maggakkhaṇe taṃsahaṃjātadhammesu ṭhapetabbaṃ ṭhapetuṃ “ṭhapetvā cittasamuṭṭhānarūpan”ti vuttaṃ, idha pana kusalādidhammā yassa yattha uppajjanti nirujjhanti ca, tassa puggalassa tasmīṅca okāse abyākatadhammānaṃ uppādanīrodhānaṃ kusalādidipāṭibaddhattā appaṭibaddhattā ca āmaṭṭhā, na ca kammajādirūpaṃ abyākataṃ na hoti, tasmā sanniṭṭhānena gahitassa puggalassa okāse vā uppādanīrodhesu vijjamānesu abyākatānaṃ te veditabbā, avijjamānesu ca paṭisedhetabbā, na ca acittaṭṭhāpibaddhā abyākatāti ettha na gahitāti sakkā vattuṃ nirodhasamāpannānaṃ asaṅgāsattānaṅca uppādanīrodhavacanaṭṭi.

Catutthapaṇhe **pavatte akusalābyākatacittassa**<sup>1</sup> **uppādakkhaṇeti** idaṃ “yassa vā pana abyākatā dhammā uppajjanti”ti etena sanniṭṭhānena gahitesu pañcavokāre akusalābyākatacittānaṃ catuvokāre ca abyākatacittasseva uppādakkhaṇasamaṅgino sandhāya vuttaṃ. Evaṃ sabbattha sanniṭṭhānavasena viseso veditabbo.

79. “**Ekāvajjanena uppannassā**”ti vuttaṃ, nānāvajjanenapi pana tato purimatarajavanavīthīsu uppannassa “uppādakkhaṇe tesam akusalā dhammā nuppajjissanti, no ca tesam kusalā dhammā nuppajjanti”ti idaṃ lakkhaṇaṃ labbhateva, tasmā etena lakkhaṇena samānalakkhaṇaṃ sabbam **yassa cittassa anantarā aggamaggaṃ paṭilabhissanti, tassa cittassa uppādakkhaṇeti** eteneva kusalānāgatabhāvapariyosānena tāya eva samānalakkhaṇatāya dīpitaṃ hotīti daṭṭhabbaṃ. Esa nayo akusalātītabhāvassa abyākatātītabhāvassa ca ādimhi “**dutiye akusale**”ti, “**dutiye citte**”ti ca vuttaṭṭhāne. Yathā hi bhāvanāvāre bhāvanāpahānānaṃ

---

1. Kuslavippayuttacittassa (Pāliyaṃ)

pariyosānena aggamaggena tato purimatarānīpi bhāvanāpahānāni dassitāni honti, evamidhāpi tam tam tena tena ādinā antena ca dassitanti.

100. Pañcavokāre akusalānaṃ bhaṅgakkhaṇe tesāṃ akusalā ca dhammā nirujjhanti abyākatā ca dhammā nirujjhantīti vacanena paṭisandhicittato soḷasamaṃ, tato parampi vā bhavanikanticittam hoti, na tato oranti viññāyatīti.

Pavattivāraṇṇanā niṭṭhitā.

Dhammayamakavaṇṇanā niṭṭhitā.

## 10. Indriyayamaka

### Paṇṇatti-uddesavāraṇṇanā

1. Indriyayamake vibhaṅge viya jīvitindriyaṃ manindriyānantaraṃ aniddisitvā purisindriyānantaraṃ uddiṭṭhaṃ “tīṇimāni bhikkhave indriyāni, katamāni tīṇi? Itthindriyaṃ purisindriyaṃ jīvitindriyaṃ”ti sutte<sup>1</sup> desitakkamena. Pavattivāre hi ekantaṃ pavattiyaṃ eva uppajjamānānaṃ sukhindriyādīnaṃ kammajānaṃ akammajānañca anupālakaṃ jīvitindriyaṃ cutipaṭisandhīsu ca pavattamānānaṃ kammajānanti taṃmūlakāni yamakāni cutipaṭisandhipavattivasena vattabbānīti veditabbāni. Cakkhundriyādīsu pana purisindriyāvasānesu yaṃmūlakameva na hoti manindriyaṃ, taṃ ṭhapetvā avasesamūlakāni cuti-upapattivaseneva vattabbāni āyatanayamake viya, tasmā jīvitindriyaṃ tesāṃ majjhe anuddisitvā ante uddiṭṭhanti.

Paṇṇatti-uddesavāraṇṇanā niṭṭhitā.

### Paṇṇattiniddesavāraṇṇanā

94. Itthī itthindriyanti ettha yasmā itthīti koci sabhāvo natthi, na ca rūpādīdhamme upādāya itthiggahaṇaṃ na hoti, tasmā itthiggahaṇassa

1. Saṃ 3. 179 piṭṭhe jīvitindriyasutte.



avijjamānampi vijjamānamiva gahetvā pavattito tathāgahitassa vasena “natthi”ti avatvā “no”ti vuttaṃ. Sukhassa ca bhedaṃ katvā “sukhaṃ somanassan”ti, dukkhassa ca “dukkhaṃ domanassan”ti vacaneneva somanassato aññā sukhā vedanā sukhaṃ, domanassato ca aññā dukkhā vedanā dukkhanti ayaṃ viseso gahitoyevāti “**sukhaṃ sukhindriyaṃ dukkhaṃ dukkhindriyaṃ**”ti ettha “āmantā”ti vuttaṃ.

140. Suddhindriyavāre **cakkhu indriyanti** ettha dibbacakkhupaññācakkhūni paññindriyāni hontīti “āmantā”ti vuttaṃ. **Avasesaṃ sotanti** taṇhāsotamevāha.

Paṇṇattiniddesavāraṇṇanā niṭṭhitā.

### Pavattivāraṇṇanā

186. Pavattivāre “chayimāni bhikkhave indriyāni. Katamāni cha? Cakkhundriyaṃ -pa- kāyindriyaṃ manindriyaṃ”ti<sup>1</sup> sutte vuttanayena idha uddiṭṭhaṃ manindriyaṃ cutipaṭisandhipavattīsu pavattamānehi kammajākammajehi sabbehipi yogaṃ gacchati, na ca jīvitindriyaṃ viya aññadhammanissayena gahetabbaṃ, pubbaṅgamattāva padhānaṃ, tasmā kūṭaṃ viya gopānasīnaṃ sabbindriyānaṃ samosaraṇaṭṭhānaṃ ante ṭhapetvā yojitaṃ. Jīvitindriyādīmūlakesu pavattiṅca gahetvā gatesu “yassa jīvitindriyaṃ uppajjati, tassa sukhindriyaṃ uppajjatīti? Sabbesaṃ upapajjantānaṃ, pavatte sukhindriyavippayuttacittassa uppādakkhāṇe tesāṃ jīvitindriyaṃ uppajjati, no ca tesāṃ sukhindriyaṃ uppajjati, sukhindriyasampayuttacittassa uppādakkhāṇe tesāṃ jīvitindriyaṅca uppajjati sukhindriyaṅca uppajjati”ti-ādinā sukhadukkhadomanassindriyehi lokuttarindriyehi ca yojanā labbhati, tathā “yassa sukhindriyaṃ uppajjati, tassa dukkhindriyaṃ uppajjatīti? No”ti-ādinā taṃmūlakā ca nayā. Tehi pana pavattiyāmyeva uppajjamānehi yojanā taṃmūlakā ca cutipaṭisandhipavattīsu pavattamānehi somanassindriyādīhi yojanāya jīvitindriyamūlakehi ca nayehi pākāṭāyevāti katvā na vuttāti daṭṭhabbā.

1. Saṃ 3. 180 piṭṭhe suddhakasutte.

**“Sacakkhukānaṃ vinā somanassenāti upekkhāsahagatānaṃ catunnaṃ mahāvīpākapaṭisandhīnaṃ vasena vuttan”**ti aṭṭhakathāyaṃ vuttam, taṃ somanassavirahitasacakkhukapaṭisandhinidassanavasena vuttanti daṭṭhabbaṃ. Na hi “catunnaṃye vā”ti niyamo kato, tena taṃsamānalakkhaṇā parittavīpākārūpāvacarapaṭisandhiyopi dassitā honti. Tattha kāmāvacaresu somanassapaṭisandhisamānatāya mahāvīpākehi catūhi nidassanaṃ kataṃ, tena yathā sasomanassapaṭisandhikā acakkhukā na honti, evaṃ itaramahāvīpāka paṭisandhikāpīti ayamatto dassitohoti. Gabbhaseyakānaṃca anuppannesu cakkhādīsu cavantānaṃ ahetukapaṭisandhikatā sahetukapaṭisandhikānaṃ kāmāvacarānaṃ niyamato sacakkhukādibhāvadassanena dassitā hoti. Gabbhaseyyakepi hi sandhāya “yassa vā pana somanassindriyaṃ uppajjati, tassa cakkhundriyaṃ uppajjati? Āmantā”ti idaṃ vacanaṃ yathā yujjati, tathā āyatanayamake dassitaṃ. Na hi sanniṭṭhānena saṅgahitānaṃ gabbhaseyyakānaṃ vajjane kāraṇaṃ atthi, “itthīnaṃ aghānakānaṃ upapajantīnaṃ”tī-ādīsu<sup>1</sup> ca te eva vuttāti.

**Upekkhāya acakkhukānanti ahetukapaṭisandhivasena vuttanti** ettha ca kāmāvacare sopekkha-acakkhukapaṭisandhiyā taṃsamānalakkhaṇaṃ arūpapaṭisandhiṅca nidassetīti daṭṭhabbaṃ. Kesuci pana potthakesu “ahetukārūpapaṭisandhivasenā”ti pāṭho dissati, so eva seyyo.

**“Tattha hi ekanteneva saddhāsatipaññāyo natthi, samādhivīriyāni pana indriyappattāni na hontī”**ti vuttam, yadi pana samādhivīriyāni santi, “indriyappattāni na hontī”ti na sakkā vattum “samādhi samādhindriyanti? Āmantā”ti<sup>2</sup> “vīriyaṃ vīriyindriyanti? Āmantā”ti<sup>2</sup> vacanato. Ahetukapaṭisandhicitte ca yathā samādhileso ekaggatā atthi, na evaṃ vīriyaleso atthi, tasmā evamettha vattabbaṃ siyā “tattha hi ekanteneva saddhāvīriyasatipaññāyo natthi, ekaggatā pana samādhileso eva hotī”ti. Ayaṃ panettha adhippāyo siyā—yathā aññesu kesuci ahetukacittesu samādhivīriyāni honti indriyappattāni ca, evamidha samādhivīriyāni indriyappattāni na hontīti, samādhivīriyindriyānameva abhāvaṃ dassento ahetukantarato

1. Abhi 7. 115 piṭṭhe.

2. Abhi 7. 93 piṭṭhe.

viseseti. Tattha “samādhivīriyānipana na hontī”ti vattabbe “indriyappattānī”ti samādhilesassa samādhindriyabhāvaṃ appattassa sabbhāvato vuttaṃ, na vīriyalesassa. Visesanañhi visesitabbe pavattati. Yesu pana potthakesu “tattha ekanteneva saddhāvīriyasatipaññāyo natthi”ti pāṭho, so eva sundarataro.

Yāva cakkhundriyaṃ nuppajjati, tāva gabbhagatānaṃ acakkhukānaṃ bhāvo atthīti iminā adhippāyenāha “**sahetukānaṃ acakkhukānanti gabbhaseyyakavasena ceva arūpīvasena ca vuttan**”ti. Gabbhaseyyakāpi pana avassaṃ uppajjanakacakkhukā na labbhantīti daṭṭhabbā. **Sacakkhukānaṃ** **ñānavippayuttānanti kāmādhātuyaṃ duhetukapaṭisandhikānaṃ vasena vuttanti** idhāpi ahetukapaṭisandhikā ca acakkhukā labbhanteva. Itthipurisindriyasantānānampi<sup>1</sup> upapattivasena uppādo, cutivasena nirodho bāhullavasena dassito. Kadāci hi tesāṃ paṭhamakappikādīnaṃ viya pavattiyampi uppādanirodhā hontīti. Ettha purisindriyāvasānesu indriyamūlayamakesu paṭhamapucchāsu sanniṭṭhānehi gahitehi upapatticutivasena gacchantehi cakkhundriyādīhi niyamitattā jīvitindriyādīnaṃ pavattivasenapi labbhamānānaṃ upapatticutivaseneva dutiyapucchāsu sanniṭṭhānehi gahaṇaṃ veditabbaṃ.

190. Rūpajīvitindriyaṃ cakkhundriyādisamānagatikam cutipaṭisandhivaseneva gacchati santānuppattinirodhadassanatoti āha “**pavatte somanassavippayuttacittassa uppādakkhaṇeti arūpajīvitindriyaṃ sandhāya vuttan**”ti. **Etesaṅceva aññesaṅca pañcindriyānaṃ**<sup>2</sup> **yathālābhavasena**ti ettha etesaṃ jīvitindriyādīnaṃ cutipaṭisandhipavattesu, aññesaṅca cakkhundriyādīnaṃ cutipaṭisandhīsūti evaṃ yathālābhō daṭṭhabbo. **Ayaṃ pana chedeyevāti**<sup>3</sup> ettha tassa tassa paripuṇṇapañhassa tasmim tasmim sarūpadassanena vissajjane vissajjite pacchimakoṭṭhāsassa chedoti nāmaṃ daṭṭhabbaṃ.

**Yassa vā pana somanassindriyaṃ na uppajjati, tassa jīvitindriyaṃ na uppajjati? Vinā somanassena upapajjantānaṃ, pavatte somanassavippayuttacittassa uppādakkhaṇe tesāṃ somanassindriyaṃ na uppajjati no ca**

1. Itthipurisindriyasaddhādīnampi (Ka)

2. Dhammānaṃ (Aṭṭhakathāyaṃ)

3. Yaṃ padacchedoyevāti (mudditapotthake), yaṃ panacchedeyevāti (likhitatālīpattapotthake), yaṃ padacchedeyevāti (madhuṭīkāyaṃ)

**tesaṃ jīvitindriyaṃ na uppajjati**ti ettha “nirodhasamāpannānaṃ asaññasattānaṃ”ti avacanaṃ rūpajīvitindriyassa cakkhundriyādisamānagatikataṃ dīpeti. Tassa hi upapattiyāmyeva uppādo vattabboti. “Vinā somanassena upapajjantānaṃ”ti ettha asañña-atte saṅgahetvā pavattivasena te ca nirodhasamāpannā ca na vuttā, anuppādopi panetassa cuti-upapattisveva vattabbo, na pavatteti. Pacchimakoṭṭhāsepi “sabbesaṃ cavantānaṃ, pavatte cittaṣa bhaṅgakkhaṇe tesaṃ somanassindriyaṅca na uppajjati jīvitindriyaṅca na uppajjati”ti evaṃ “sabbesaṃ cavantānaṃ”ti ettheva asaññasatte saṅgaṇhitvā pavattivasena te ca nirodhasamāpannā na ca vuttā. Yassayatthake ca nirodhasamāpannā na dassetabbā na gahetabbāti attho. Na hi “nirodhasamāpannānaṃ”ti vacanaṃ “asaññasattānaṃ”ti vacanaṃ viya okāsadīpakam, nāpi “upekkhāsampayuttacittassa uppādakkhaṇe, sabbesaṃ cittaṣa bhaṅgakkhaṇe”ti-ādivacanaṃ viya somanassindriyādīnaṃ anuppādakkhaṇadīpakam, atha kho puggaladīpakamevāti.

Atītakālabhede **suddhāvāsānaṃ upapatticittassa uppādakkhaṇe tesaṃ tattha somanassindriyaṅca na uppajjittha jīvitindriyaṅca na uppajjitthāti** ettha “upapatticittassa uppādakkhaṇe”ti kasmā vuttaṃ, nanu “suddhāvāsānaṃ upapajjantānaṃ, asaññasattānaṃ tesaṃ tattha somanassindriyaṅca na uppajjittha manindriyaṅca na uppajjitthā”ti<sup>1</sup> ettha viya “upapajjantānaṃ”ti vattabbanti? Na vattabbaṃ. Yathā hi somanassamanindriyānaṃ vasena upapajjantā puggalā upapatticittasamaṅgino honti, na evaṃ somanassajīvitindriyānaṃ vasena uppattisamaṅginoyeva honti. Jīvitindriyassa hi vasena yāva paṭhamarūpajīvitindriyaṃ dharati, tāva upapajjantā nāma honti. Tadā ca dutiyacittato paṭṭhāya “jīvitindriyaṅca na uppajjitthā”ti na sakkā vattum arūpajīvitindriyassa uppajjitvā niruddhattā, tasmā ubhayaṃ uppādakkhaṇena nidassitaṃ. Yathā hi “na nirujjhattā, tasmā ubhayaṃ uppādakkhaṇena nidassitaṃ. Yathā hi “na nirujjhittā”ti idaṃ lakkhaṇaṃ upapatticittassa dvīsu khaṇesu labbhamānaṃ sabbapaṭṭhamena upapatticittassa bhaṅgakkhaṇena nidassitaṃ, evamidhāpi daṭṭhabbaṃ.

Anāgatakālabhede uppajjissamāne sanniṭṭhānaṃ katvā aññaṣa ca uppajjissamānatāva pucchitā. Tattha yathā paccuppannakālabhede sanniṭṭhānaṃsayabhede hi uppajjamānasseva gahitattā “yassa cakkhundriyādīni

---

1. Abhi 7. 182 piṭṭhe.

uppajjanti, upapajjantassa tassa jīvitindriyādīni uppajjanti”ti  
 upapajjantasseva pucchitānaṃ upapattiyāmyeva tesāṃ uppādo sambhavati,  
 na aññattha, na evamidha “yassa cakkhundriyādīni uppajjissanti,  
 upapajjantassa tassa jīvitindriyādīni uppajjissanti”ti upapajjantasseva  
 pucchitānaṃ tesāṃ upapattito aññattha uppādo na sambhavati, tasmā “yassa  
 cakkhundriyaṃ uppajjissati, tassa somanassindriyaṃ uppajjissatīti?  
 Āmantā”ti vuttaṃ. Evañca katvā nirodhavārepi “yassa cakkhundriyaṃ  
 nirujjhissati, tassa somanassindriyaṃ nirujjhissatīti? Āmantā”ti vuttaṃ. Na  
 hi yassa cakkhundriyaṃ nirujjhissati, tassa somanassindriyaṃ na  
 nirujjhissati, api<sup>1</sup> pacchimabhavikassa upekkhāsahagatapaṭisaṅghikassa<sup>2</sup>. Na  
 hi upapajjantassa tassa cutito pubbeva somanassindriyanirodho na  
 sambhavatīti. Ettha hi paṭhamapucchāsu sanniṭṭhānattho  
 pucchitabbatthanissayo mādisova upapatti-uppādindriyavā  
 ubhayuppādindriyavā attho paṭinivattitvāpi pucchitabbatthassa nissayoti  
 evaṃ viya dutiyapucchāsu sanniṭṭhānatthameva niyameti, na tattheva  
 pucchitabbaṃ anāgatabhāvamattena sarūpato gahitaṃ uppādaṃ vā nirodhaṃ  
 vā saṃsayatthanti. Yasmā cevaṃ sanniṭṭhānatthassa niyamo hoti, tasmā  
 “yassa vā pana somanassindriyaṃ uppajjissati, tassa cakkhundriyaṃ  
 uppajjissatīti? Āmantā”ti<sup>3</sup> vuttaṃ. Esa nayo nirodhavārepi.

Paṭilome pana yathā anulome “uppajjissati nirujjhissati”ti  
 uppādanirodhā anāgatā sarūpavasena vuttā, evaṃ avuttattā yathā tattha  
 saṃsayapadena gahitassa indriyassa pavattiyampi uppādanirodhā  
 cakkhundriyādīmūlakesu yojitā, na evaṃ yojetabbā. Yathā hi uppādanirodhe  
 atikkamitvā appatvā ca uppādanirodhā sambhavanti yojetuṃ, na evaṃ  
 anuppādānirodhe atikkamitvā appatvā ca anuppādānirodhā sambhavanti  
 abhūtābhāvassa abhūtābhāvassa abhūtābhāvaṃ atikkamitvā appatvā ca  
 sambhavānuppattito, abhūtuppādanirodhābhāvo ca paṭilome pucchito,  
 tasmāssa visesarahitassa abhūtābhāvassa vattamānānaṃ uppādassa viya  
 kālantarayogābhāvato yādisānaṃ cakkhādīnaṃ uppādanirodhābhāvena  
 pucchitabbassa nissayo sanniṭṭhānena sannicchito, tannissayā tādisānaṃyeva  
 upapatticuti-uppādanirodhānaṃ jīvitādīnampi anuppādānirodhā

1. Apica (Ka) 2. Upekkhāsahagatapaṭisaṅghikassāpi (Ka) 3. Abhi 7. 184 piṭṭhe.

saṃsayapadena pucchitā hontīti “yassa cakkhundriyaṃ nuppajjissati, tassa somanassindriyaṃ nuppajjissatīti? Āmantā”<sup>1</sup> ca, “yassa cakkhundriyaṃ na nirujjhissati, tassa somanassindriyaṃ na nirujjhissatīti? Āmantā”<sup>2</sup> ti ca vuttam, na vuttam “ye arūpaṃ upapajjitvā parinibbāyissanti”<sup>3</sup> ti-ādinā jīvitindriya-upekkhindriyādīsu viya vissajjananti.

**Ye rūpāvacaram upapajjitvā parinibbāyissanti, tesam ghānindriyam na uppajjissati no ca tesam somanassindriyam na uppajjissati**<sup>4</sup> ti ettha ye sopekkhapaṭisandhikā bhavissanti, te “ye ca arūpaṃ upapajjitvā parinibbāyissanti”<sup>5</sup> ti etena pacchimakoṭṭhasavacanena taṃsamānalakkhaṇātāya saṅgahitāti ye somanassapaṭisandhikā bhavissanti, te eva vuttāti daṭṭhabbā.

Aṭṭhakathāyaṃ yesu ādimapotthakesu “atītānāgatavāre suddhāvāsānaṃ upapatticittassa bhaṅgakkhaṇe manindriyaṅca nuppajjitthāti dhammayamake viya uppādakkhaṇātikamavasena attham aggahetvā”<sup>6</sup> ti likhitam, taṃ pamādalikhitam. Yesu pana potthakesu “paccuppannāṭavāre suddhāvāsānaṃ upapatticittassa bhaṅgakkhaṇe manindriyaṅca nuppajjitthāti -pa- tasmiṃ bhava anuppannapubbavasena attho gahetabbo”<sup>7</sup> ti pāṭho dissati, so eva sundarataroti.

Pavattivāraṇṇanā niṭṭhitā.

### Pariññāvāraṇṇanā

435-482. Pariññāvāre **lokiya-abyākatamissakāni cāti** dukkhasaccapariyāpannehi ekantapariññeyyehi lokiya-abyākatchi missakattā tāni upādāya manindriyādīnaṃ vedanākkhandhādīnaṃ viya pariññeyyatā ca vuttā. Yadi pariññeyyamissakattā pariññeyyatā hoti, kasmā dhammayamake “yo kusalam dhammam bhāveti, so abyākatam dhammam pariññatī”<sup>8</sup> ti-ādinā<sup>2</sup> abyākatapadena yojetvā yamakāni na vattānīti? Yathā “kusalam bhāvemi, akusalam pajahāmi”<sup>9</sup> ti

1. Abhi 7. 201 piṭṭhe.

2. Abhi 7. 73 piṭṭhe.

kusalākusalesu bhāvanāpahānābhiniveso hoti, tathā “vedanākkhandho anicco, dhammāyatanam aniccan”<sup>1</sup>ti-ādinā<sup>1</sup> khandhādīsu parijānābhiniveso hoti, tattha vedanākkhandhādayo “aniccan”<sup>2</sup>ti-ādinā parijānitabbā, te ca vedanākkhandhādibhāvaṃ gahetvā parijānitabbā, na abyākatabhāvanti.

Kasmā panettha dukkhasaccabhājanīye āgatassa domanassassa pahātabbatāva vuttā, na pariññeyyatā, nanu dukkhasaccapariyāpannā vedanākkhandhādayo kusalākusalabhāvena aggahitā kusalākusalāpi pariññeyyāti? Saccaṃ, yathā pana vedanākkhandhādibhāvo bhāvetabbapahātabbabhāvehi vināpi hoti, na evaṃ domanassindriyabhāvo pahātabbabhāvena vinā hotīti imaṃ visesaṃ dassetuṃ domanassindriyassa pahātabbatāva idha vuttā, na pariññeyyabhāvassa bhāvatoti daṭṭhabbo.

**Akusalam ekantato pahātabbamevāti** etena pahātabbameva, na appahātabbanti appahātabbameva nivāreti, na pariññeyyabhāvanti daṭṭhabbam. Aññindriyam bhāvetabbaniṭṭham na pana sacchikātabbaniṭṭhanti bhāvetabbabhāvo eva tassa gahitoti. “**Dve puggalā**”<sup>3</sup>ti-ādi “cakkhundriyam na parijānāti”<sup>4</sup>ti-ādikassa parato likhitabbam uppaṭipāṭiyā likhitanti daṭṭhabbam. Cakkhundriyamūlakañhi atikkamivā domanassindriyamūlake idaṃ vuttam “dve puggalā domanassindriyam na pajahanti no ca aññindriyam na bhāventi”<sup>5</sup>ti<sup>2</sup>.

Ettha caputhujjano, aṭṭha ca ariyāti nava puggalā. Tesu puthujjano bhābābhābavasena duvidho, so “puthujjano”<sup>6</sup>ti āgataṭṭhānesu “cha puggalā cakkhundriyañca na parijānittha domanassindriyañca na pajahitthā”<sup>7</sup>ti-ādīsu ca abhindivā gahito. “Ye puthujanā maggaṃ paṭilabhissanti”<sup>8</sup>ti<sup>3</sup> āgataṭṭhānesu “pañca puggalā cakkhundriyañca parijānissanti domanassindriyañca pajahissanti”<sup>9</sup>ti-ādīsu<sup>4</sup> ca bhabbo eva bhindivā gahito. “Ye ca puthujanā maggaṃ na paṭilabhissanti”<sup>10</sup>ti<sup>5</sup> āgataṭṭhānesu “tayo puggalo domanassindriyañca nappajahissanti cakkhundriyañca na parijānissanti”<sup>11</sup>ti-ādīsu<sup>6</sup> ca abhabbo eva. Aggaphalasamaṅgī ca paṭhamaphalasamaṅgī arahā cāti duvidho. Sopi “arahā”<sup>12</sup>ti āgataṭṭhānesu “tayo puggalā anaññātaññassāmītindriyañca

1. Ma 1. 290 piṭṭhe.

2. Abhi 7. 310 piṭṭhe.

3. Abhi 5. 219 piṭṭhe.

4. Abhi 7. 315 piṭṭhe.

5. Abhi 5. 218 piṭṭhe.

6. Abhi 7. 317 piṭṭhe.

bhāvittha domanassindriyañca pajahitthā”ti-ādīsu<sup>1</sup> ca abhinditvā gahito. “Yo aggaphalaṃ sacchikarotī”ti<sup>2</sup> āgataṭṭhānesu “tayo puggalā domanassindriyaṃ pajahittha no ca aññātāvindriyaṃ sacchikaritthā”ti-ādīsu<sup>1</sup> ca paṭhamaphalasamaṅgī ca bhinditvā gahito. “Yo aggaphalaṃ sacchākāsī”ti<sup>3</sup> āgataṭṭhānesu itarovāti evaṃ puggalabhedaṃ ñatvā tattha tattha sanniṭṭhānena gahitapuggale niddhāretvā vissajjanam yojetabbanti.

Pariññāvāraṇṇanā niṭṭhitā.

Indriyayamakavaṇṇanā niṭṭhitā.

**Yamakapakaṇṇamūlaṭṭikā samattā.**

---

1. Abhi 7. 312 piṭṭhe.

2. Abhi 7. 313 piṭṭhe.

3. Abhi 7. 312, 313 piṭṭhesu.



# Paṭṭhānapakaraṇamūlaṭīkā

Namo tassa Bhagavato Arahato Sammāsambuddhassa.

## Ganthārambhavaṇṇanā

Dibbanti kāmaguṇādīhi kīḷanti laḷanti, tesu vā viharanti,  
vijayasamatthātāyogena paccatthike vijetum icchanti,  
issariyaṭṭhānādisakkāradānaggahaṇaṃ taṃtaṃatthānusāsanañca karontā  
voharanti, puññayogānubhāvappattāya jutiyā jotanti, yathābhilāsitañca  
visayaṃ appaṭighātena gacchanti, yathicchitanipphādane sakkontīti vā **devā**,  
devanīyā vā taṃtaṃbyasananitttharaṇatthikehi saraṇaṃ parāyaṇanti  
gamanīyā, abhitthavanīyā vā. Sobhāvisesayogena kamanīyāti vā **devā**. Te  
tividhā sammutidevā upapattidevā visuddhidevāti. Bhagavā pana  
niratisayāya abhiññāṇīḷāya, uttamehi dibbabrahma-ariyavihārehi,  
sapasantānasiddhāya pañcavidhamāravijayicchānipphattiyā,  
cittissariyasattadhanādisammāpaṭipatti-  
aveccappasādasakkāradānaggahaṇasaṅkhātena  
dhammasabhāvapuggalajjhasayānurūpānusāsanaṅkhātena ca  
vohārātisayena, paramāya paññasarīrappabhāsaṅkhātāya jutiyā, anopamāya  
ca ñāṇasarīragatīyā, māravijayasabbaññugūṇaparāhitānipphādanesu  
appaṭihatāya sattiyā ca samannāgatattā sadevakena lokena saraṇanti  
gamanīyato, abhitthavanīyato, bhattivāsena kamanīyato ca sabbe te deve tehi  
guṇehi atikkanto atisayo vā devoti **devātidevo**. Sabbadevehi pūjanīyataro  
devoti vā **devātidevo**, visuddhidevabhāvaṃ vā sabbaññugūṇālaṅkāraṃ  
pattattā aññadevehi atirekataro vā devo **devātidevo**. **Devānanti**  
upapattidevānaṃ tadā dhammapaṭiggāhakaṇaṃ. Sakkādīhi **devehi** pahārāda-  
asurindādīhi **dānavehi** ca **pūjito**. Kāyavacīsaṃyamassa sīlassa  
indriyasamvarassa cittasaṃyamassa samādhissa ca paṭipakkhānaṃ  
accantapaṭippassaddhiyā **suddhasaṃyamo**.

**Isisattamoti** catusaccāvabodhagatiyā isayoti saṅkhyam gatānam satam pasatthānam isīnam atisayena santo pasatthoti attho. Vipassī-ādayo ca upādāya bhagavā “sattamo”ti vutto. Yato viññānam paccudāvattati, tam nāmarūpaṃ samudayanirodhanena nirodhesīti **nāmarūpanirodhano**. Atigambhīranayamaṇḍitadesanam paṭṭhānam nāma desesi pakaraṇanti sambandho.

Gandhārambhavaṇṇanā niṭṭhitā.

### Paccayuddesavaṇṇanā

“Ke pana te nayo, kiñca tam paṭṭhānam nāmā”ti nayidam pucchitabbam. Kasmā? Nidānakathāyam paṭhanasamānane anulomādīnam nayānam paṭṭhānassa ca dassitatthāti imamattham vibhāvento “**sammāsambuddhena hi -pa- nāmāti hi vuttan**”ti tattha vuttam aṭṭhakathāpāḷim āhari. Tattha gāthāttham aṭṭhakathādhippāyañca parato vaṇṇayissamāti.

Paṭṭhānanāmattho pana tikapaṭṭhānādīnam tikapaṭṭhānādīnāmattho, imassa pakaraṇassa catuvīsatisamantapaṭṭhānasamodhānatā cettha vattabbā. Evañhi saṅkhepato paṭṭhāne ñāte vitthāro sukhaviññeyyo hotīti. Tattha ca nāmattō paṭhamam vattabboti “**tattha yesam -pa- nāmattō tāva evam veditabbo**”ti vatvā sabbasādhāraṇassa paṭṭhānanāmasseva tāva attham dassento “**kenatthena paṭṭhānan**”ti-ādīmāha. **Pakāro hīti** upasaggapadam dasseti. So “pavibhatesu dhammesu, yam seṭṭham tadupāgamuntī<sup>1</sup> ādisu viya nānappakārattham dīpeti. Nanu pakārehi vibhattā pavibhattāti pa-iti upasaggo pakāratthameva dīpeti, na nānappakāratthanti? Na, tesam pakārānam nānāvidhabhāvato. Atthato hi āpannam nānāvidhabhāvam dassetuṃ nānā-saddo vuttoti. Tattha ekassapi dhammassa hetu-ādīhi anekapaccayabhāvato ca ekekassa paccayassa anekadhammabhāvato ca nānappakārapaccayatā veditabbā.

**Hetupaccayādivasena vibhattattāti** etena dhammasaṅgahādīsu vuttato kusalādivibhāgato sātisayavibhāgataṃ paṭṭhananāmalābhassa

1. Saṃvisattesu dhammesu, yam seṭṭham tadupāgamim (Khu 2. 221; Ma 2. 308 piṭṭhesu)

kāraṇaṃ dasseti. **Goṭṭhā**ti vajā. **Paṭṭhitagā**voti gatagāvo. **Āgatapṭṭhanasminti** mahāsīhanādasuttaṃ vadati. Pavattagamanattā etthāti vacanaseso. Atha vā gacchati etthāti gamaṇaṃ, sabbaññūtaññāṇassa nissaṅgavasena pavattassa gamanattā gamanadesabhāvato ekekaṃ paṭṭhānaṃ nāmāti attho. Tattha aññehi gatimantehi atisayayuttassa gatimato gamanapṭṭhānabhāvadassanattamaṃ “**sabbaññūtaññāṇassā**”ti vuttaṃ. Tassa mahāvegassa purisassa papātaṭṭhānaṃ viya dhammasaṅgaṇī-ādīnaṃ sāsaṅgagamaṇapṭṭhānabhāvaṃ imassa ca mahāpatho viya nirāsaṅgagamaṇapṭṭhānabhāvaṃ dassento atisayayuttagamaṇapṭṭhānabhāvo paṭṭhānanāmālābhassa kāraṇanti dasseti.

**Tikānanti** tikavasena vuttadhammānaṃ. **Samantā**ti anulomādihi sabbālārehipi gatāni catuvīsati hontīti attho. Etasmim atthe **catuvīsatisamantapaṭṭhānānī** “samantacatuvīsati paṭṭhānānī”ti vattabbe sama ntasaddassa parayogaṃ katvā vuttanti daṭṭhabbaṃ. Atha vā **samantā cha cha hutvā**ti etena anulomādisabbakoṭṭhāsato tikādichachabhāvaṃ dasseti. Tena samantasaddo tikādichachapaṭṭhānavisesanaṃ hoti, na catuvīsativisesanaṃ, tasmā samantato paṭṭhānāni tāni catuvīsatiṭi katvā “**catuvīsatisamantapaṭṭhānānī**”ti vuttaṃ. Samantato vā dhammānulomāditikādipaṭṭhānānī, anūnehi nayehi pavattānīti vuttaṃ hoti. Tāni pana catuvīsati honti. Tenevāha “**imesaṃ catuvīsatiyā khuddakapaṭṭhānasaṅkhātānaṃ samantapaṭṭhānānaṃ samodhānavasena**”ti.

**Hetu ca so paccayo cā**ti iminā vacanena hetuno adhipatipaccayādibhūtaṃ ca gahaṇaṃ siyāti taṃ nivārento āha “**hetu hutvā paccayo**”ti. Etenapi so eva doso āpajjatīti punāha “**hetubhāvena paccayoti vuttaṃ hoti**”ti. Tena idha hetu-saddena dhammagahaṇaṃ na kataṃ, atha kho dhammasattiviseso gahitoti dasseti. Tassa hi paccayasaddassa ca samānādhikaraṇataṃ sandhāya “hetu ca so paccayo cā”ti, “hetu hutvā paccayo”ti ca vuttaṃ. Evañca katvā parato pāḷiyaṃ “hetū hetusampayutta-pa- hetupaccayena paccayo”ti<sup>1</sup> ādinā

1. Abhi 8. 1 piṭṭhe.

tena tena hetubhāvādi-upakārena tassa tassa dhammassa upakārattam vuttam. Aṭṭhakathāyaṃ pana “yo hi dhammo yaṃ dhammaṃ appaccakkhāya tiṭṭhati vā uppajjati vā, so tassa paccayo”ti “mūlaṭṭhena upakārako dhammo hetupaccayo”ticcevamādinā dhammappadhānaniddesena dhammato aññā dhammasatti nāma natthīti dhammeheva dhammasattivibhāvanam katanti daṭṭhabbam. Idhāpi vā **hetu ca so paccayo cāti** dhammeneva dhammasattim dasseti. Na hi hetupaccayoti-ādiko uddeso kusalādi-uddeso viya dhammappadhāno, atha kho dhammānam upakārappadhānoti. **Etīti** etassa attho vattatīti, tañca uppattiṭṭhitinam sādharmaṇavacanam. Tenevāha “**tiṭṭhati vā uppajjati vā**”ti. Koci hi paccayo ṭṭhitiyā eva hoti yathā pacchājātapaccayo, koci uppattiyāyeva yathā anantarādayo, koci ubhayassa yathā hetu-ādayoti.

**Upakāralakkhaṇoti** ca dhammena dhammasatti-upakāram dassetīti daṭṭhabbam. Hinoti patiṭṭhāti etthāti **hetu**. Anekatthattā dhātusaddānam hi-saddo mūla-saddo viya patiṭṭhatthoti daṭṭhabboti. Hinoti vā etena kammanidānabhūtena uddham ojaṃ abhiharantena mūlena viya pādapo tappaccayaṃ phalaṃ pacchati pavattati vuḍḍhim virūḷhim āpajjatīti **hetu**. **Ācariyānanti** revatattheram vadati.

“Yoniso bhikkhave manasikaroto anuppannā ceva kusalā dhammā uppajjanti, uppannā ca kusalā dhammā abhivaḍḍhanti”ti-ādīhi<sup>1</sup> kusalabhāvassa yonisomanasikārapaṭibaddhatā siddhā hotīti āha “**yonisomanasikā-apaṭibaddho kusalabhāvo**”ti. Eteneva akusalābyākatabhāvā kusalabhāvo viya na hetupaṭibaddhāti dassitam hoti. Yaṃ paneke maññeyyūṃ “ahetukahetussa akusalabhāvo viya sahetukahetūnam sabhāvato va kusalādibhāvo aññesam taṃsampayuttānam hetupaṭibaddho”ti, tassa uttaram vattum “**yadi cā**”ti-ādīmāha. **ALobho kusalo vā siyā abyākato vā**, yadi alobho sabhāvato kusalo, kusalattā abyākato na siyā. Atha abyākato, taṃsabhāvattā kusalo na siyā alobhasabhāvassa adosattābhāvo viya. Yasmā pana ubhayathāpi

---

1. Am 1. 11, 12 piṭṭhesu.

so hoti, tasmā yathā ubhayathā hontesu phassādīsu sampayuttesu hetupaṭibaddhakusalādibhāvaṃ pariyesatha, na sabhāvato, evaṃ hetūsupi kusalādītā aññaṭipāṭibaddhā pariyesitabbā, na sabhāvato. Yaṃ vuttam “sampayuttahetūsu sabhāvato va kusalādibhāvo”ti, taṃ na yujjati, sā pana pariyesiyamānā yonisomanasikārādīpaṭibaddhā hotīti hetūsu viya sampayuttesupi yonisomanasikārādīpaṭibaddho kusalādibhāvo, na hetupaṭibaddhoti siddham hotīti adhippāyo.

**Ārabhitvāpīti** ettha **pi**-saddena imamattham dasseti—rūpāyatanādimate yasmim kismimñci ekasmim aṭṭhatvā “yaṃ yaṃ dhammam ārabbhā”ti aniyamena sabbarūpāyatana -pa- dhammāyatanānañca ārammaṇapaccayabhāvassa vuttattā na koci dhammo na hotīti.

“Chandavato kim nāma na sijjhatī”ti-ādikaṃ purimābhisaṅkhārūpanissayaṃ labhitvā uppajjamāne citte chandadayo dhurabhūtā jeṭṭhakabhūtā sayam sampayuttadhamme sādhamānā hutvā pavattanti, taṃsampayuttadhammā ca tesam vase vattanti hīnādibhāvena tadanuvattanato, tena te adhipatipaccayā hontī. Garukātabbampi ārammaṇam tanninnaṇapabbhārānam pacavekkhaṇa-assādamaggaṭṭhānam attano vase vattayamānam viya paccayo hoti, tasmāyaṃ attādhīnānam paṭibhāvena upakāratā adhipatipaccayatāti daṭṭhabbā.

**Manoviññāṇadhātūti-ādi cittaniyamoti** ettha **ādi**-saddena santīraṇānantaram voṭṭhabbanam, cuti-anantarā paṭisandhīti yassa yassa cittassa anantarā yaṃ yaṃ cittam uppajjati, tassa tassa tadanantaruppādaniyamo taṃtaṃsahakārīpaccayavisiṭṭhassa purimapurimacittasseva vasena ijjhatīti dasseti. **Bhāvanābalena pana vāritattāti** ettha yathā rukkhassa vekhe dinne pupphitum samatthasseva pupphanam na hoti, agadavekhe pana apanīte tāyaye va samatthatāya pupphanam hoti, evamidhāpi bhāvanābalena vāritattā samuṭṭhāpanasamatthasseva asamuṭṭhāpanam, tasmīñca apagate tāyaye va samatthatāya samuṭṭhāpanam hotīti adhippāyo.

**Byañjanamattatovettha nānākaraṇam paccetabbam, na atthatoti** upacayasantati-adhivacanāniruttipadānam viya saddatthamattato nānākaraṇam, na

vacanīyatthatoti adhippāyo. Teneva saddatthavisesaṃ dassetuṃ “**kathan**”ti-ādimāha. Tattha purimapacchimānaṃ nirodhuppādantarābhāvato nirantaruppādanasamatthatā anantarapaccayabhāvo. Rūpadhammānaṃ viya saṅṭhānābhāvato paccayapaccayuppannānaṃ sahāvaṭṭhānābhāvato ca “idamito heṭṭhā uddhaṃ tiriyaṃ”ti vibhāgābhāvā attanā ekattamiva upanetvā suṭṭhā anantarabhāvena uppādanasamatthatā samanantarapaccayatā.

Uppādanasamatthatāti ca abyāpārattā dhammānaṃ yasmiṃ yadākāre niruddhe vattamāne vā sati taṃtaṃvisesavantaṃ dhammā honti, tassa sova ākāro vuccatīti daṭṭhabbo. Dhammānaṃ pavattimeva ca upādāya kālavohāroti nirodhā vuṭṭhantassa nevasaññānāsaññāyatanaphalasaṃpattīnaṃ asaññasattā cavantassa purimacutipacchimapaṭisaṃdhīnaṃca nirodhuppādanirantaratāya kālantaratā natthīti daṭṭhabbā. Na hi tesāṃ antarā arūpadhammānaṃ pavatti atthi, yaṃ upādāya kālantaratā vucceyya, na ca rūpadhammappavatti arūpadhammappavattiyā antaraṃ karoti aññasantānattā. Rūpārūpadhammasantatiyo hi dve aññamaññaṃ visadisasabhāvattā aññamaññopakārahāvena vattamānāpi vusumyeva honti. Ekasantatiyaṃca purimapacchimānaṃ majjhe vattamānaṃ taṃsantatipariyāpannatāya antarakāraṃ hoti. Tādīsaṃca kañci nevasaññānāsaññāyatanaphalasaṃpattīnaṃ majjhe natthi, na ca abhāvo antarakāraṃ hoti abhāvattāyeva, tasmā javanānantarassa javanassa viya, bhavaṅgānantarassa bhavaṅgassa viya ca nirantaratā suṭṭhu ca anantaratā hotīti tathā uppādanasamatthatā nevasaññā nāsaññāyatanacutīnampi daṭṭhabbā. Uppattiyā paccayabhāvo cettha anantarapaccayādīnaṃ pākaṭoti uppādanasamatthatāva vuttā. Paccuppannānaṃ pana dhammānaṃ pubbantāparantaparicchedena gahitānaṃ “uppajjati”ti vacanaṃ alabhantānaṃ “atīto dhammo paccuppannassa dhammassa anantarapaccayena paccayo”ti-ādīnā<sup>1</sup> anantarādipaccayabhāvo vuttoti na so uppattiyāmyevāti viññāyati. na hi kusalādiggahaṇaṃ viya paccuppannaggahaṇaṃ aparicchedaṃ, yato uppattimattasamaṅginoyeva ca gahaṇaṃ siyā, teneva ca atītattike paṭiccavārādayo na santīti.

---

1. Abhi 9. 413 piṭṭhe.

**Uppajjamānova saḥuppādabhāvenā**<sup>1</sup> etthāpi uppattiyā paccayabhāvena pākaṭena ṭhītiyāpi paccayabhāvaṃ nidassetīti daṭṭhabbāṃ, paccayuppannānaṃ pana saḥajātabhāvena upakāraṭatā saḥajātapaccayathāti.

Attano upakāraṭakassa upakāraṭatā **aññamaññāpaccayatā**, upakāraṭatā ca aññamaññatāvaseneva daṭṭhabbā, na saḥajātādivasena. Saḥajātādivaccayo hontoyeva hi koci aññamaññāpaccayo na hoti, na ca purejātapacchājātabhāvehi upakāraṭakassa upakāraṭā vatthukhandhā aññamaññāpaccayā hontīti.

**Taru-ādīnaṃ pathavī viya** adhiṭṭhānākārena pathavīdhātu sesadhātūnaṃ, cakkhādayo ca cakkhuvīññāṇādīnaṃ upakāraṭā **cittakamassa paṭādayo viya** nissayākārena khandhādayo taṃtaṃnissayānaṃ khandhādīnaṃ.

**Tadadhīna vuttitāya attano phalena nissitoti** yaṃ kiñci kāraṇaṃ nissayoti vadati. Tattha yo bhuso, taṃ upanissayoti niddhāreti.

**Pakatoti** ettha **pa-kāro** upasaggo, so attano phalassa uppādane samatthabhāvena suṭṭhakatataṃ dīpeti. Tathā ca kataṃ attano santāne kataṃ hotīti āha “**attano santāne**”ti. Karaṇaṅca duvidhaṃ nipphādanāṃ upasevanaṅcāti dassetuṃ “**nipphādito vā**”ti-ādīmāha. Tattha **upasevito vāti** etena kāya-alliyāpanavasena upabhogūpasevanaṃ vijānanādivasena ārammaṇūpasevanaṅca dassetīti daṭṭhabbāṃ. Tena anāgatānampi cakkhusampadādīnaṃ ārammaṇūpasevanena yathāpaṭisevitānaṃ pakatūpanissayatā vuttā hoti.

Yathā pacchājātena vinā santānāvicchedahetubhāvaṃ agacchantānaṃ dhammānaṃ ye pacchājātākārena upakāraṭā, tesaṃ sā vippayuttākārādīhi visiṭṭhā upakāraṭatā **pacchājātapaccayatā**, tathā nissayā rammaṇakārādīhi visiṭṭhā purejātabhāvena vinā upakāraṭabhāvaṃ agacchantānaṃ vatthārammaṇānaṃ purejātākārena upakāraṭatā **purejātapaccayatā**, evaṃ sabbattha paccayānaṃ paccayantarākā-avisīṭṭhā upakāraṭatā yojetabbā.

---

1. Uppajjamāno saha-uppajjamānabhāvenāti (Aṭṭhakathāyaṃ)

**Gijjhapotakasarīrānaṃ āhārāsācetanā viyāti** etena manosañcetanāhāravasena pavattamānehi arūpadhammehi rūpakāyassa upatthambhitabhāvaṃ dasseti. Teneva “āhārāsā viyā”ti avatvā cetanāgahaṇaṃ karoti.

Kusalādibhāvena attanā sadisassa payogena karaṇīyassa punappunaṃ karaṇaṃ pavattanaṃ **āsevanattho**, attasadiśa-abhāvataṃ pādanaṃ vāsanaṃ. **Ganthādīsu purimāpurimābhiyogo viyāti** purimā purimā āsevanā viyāti adhippāyo.

**Cittappayogo** cittakiriyaṃ, āyūhananti attho. Yatthā hi kāyavacīpayogo viññatti, evaṃ cittappayogo cetanā. Sā tāya uppannakiriyaṭāvisiṭṭhe santāne sesapaccayasamāgame pavattamānānaṃ vipākakaṭattārūpānampi teneva kiriyaabhāvena upakārikā hoti. Tassa hi kiriyaabhāvassa pavattattā tesāṃ pavatti, na aññathāti. Sahajātānaṃ pana tena upakārikāti kiṃ vattabbanti.

**Nirussāhasantabhāvenāti** etena sa-ussāhehi vipākadhammadhammehi kusalākusalehi sārammaṇādibhāvena sadisavipākabhāvaṃ dasseti. So hi vipākānaṃ payogena asādhetaḥabbatāya payogena aññathā vā sesapaccayesu siddhesu kammaṃ kaṭattāyeva siddhito nirussāho santabhāvo siddhesu kammaṃ kaṭattāyeva siddhito nirussāho santabhāvo hoti, na kilesavūpasamasantabhāvo, tathāsantasabhāvatoyeva bhavaṅgadoyo duviññeyyā. Pañcadvārepi hi javanappavattiyā rūpādīnaṃ gahitā viññayati, abhinipātasampañcchanasantīraṇamattā pana vipākā duviññeyyāyeva. **Nirussāhasantabhāvāyāti** nirussāhasantabhāvatthāya. Etena tappaccayavatāṃ avipākānampi vipākānukulaṃ pavattim dasseti.

Satipi janakatte upatthambhakattaṃ āhārānaṃ padhānakicanti āha “**rūpārūpānaṃ upatthambhakattaṃ**”ti. Upatthambhakattañhi satipi janakatte arūpīnaṃ āhārānaṃ āhārajarūpasamuṭṭhāpakarūpāhārassa ca hoti, asatipi catusamuṭṭhānikarūpūpatthambhakarūpāhārassa, asati pana upatthambhakattaṃ āhārānaṃ janakattaṃ natthīti upatthambhakattaṃ padhānaṃ. Janayamānopi



hi āhāro avicchedavasena upatthambhayamānoyeva janetīti  
upatthambhanabhāvo āhārabhāvoti.

**Adhipatiyaṭṭhenā**ti ettha na adhipatipaccayadhammānaṃ viya pavattinivārake abhibhavitvā pavattanena garubhāvo adhipatiyaṭṭho, atha kho dassanādikiccesu cakkhuviññānādīhi jīvane jīvantehi sukhitādibhāve sukhitādīhi adhimokkhapaggahupaṭṭhānāvikkhepajānaṇesu anaññātāññassāmīti pavattiyāṃ ājānane aññātāvībhāve ca saddhādisahajātehīti evaṃ taṃtaṃkiccesu cakkhādipaccayehi cakkhādīnaṃ anuvattanīyatā. Tesu tesu<sup>1</sup> hi kiccesu cakkhādīnaṃ issariyaṃ tappaccayanañca tadanuvattanena tattha pavattīti. Itthipurisindriyānaṃ pana yadipi līṅgādīhi anuvattanīyatā atthi, sā pana na paccayabhāvato. Yathā hi jīvitāhārā yesaṃ paccayā honti, te tesaṃ anupālaka-upatthambhakā atthi, avigatapaccayabhūtā ca honti, na evaṃ itthipurisabhāvā līṅgādīnaṃ kenaci pakārena upakāraṇā honti, kevalaṃ pana yathāsaṃkeva paccayehi pavattamānaṃ līṅgādīnaṃ yathā itthādiggahaṇassa paccayabhāvo hoti, tato aññenākārena taṃsahitasantāne appavattito līṅgādīhi anuvattanīyatā indriyatā ca tesaṃ vuccati, tasmā tesaṃ indriyapaccayabhāvo vutto. **Cakkhādayo arūpadhammānaṃyevā**ti ettha sukhadukkhindriyānipi cakkhādiggahaṇena gahitānīti daṭṭhabbāni.

Lakkhaṇārammaṇūpanikkhinabhūtānaṃ vitakkādīnaṃ vitakkaṇādivasena ārammaṇaṃ upagantvā nijjhānaṃ pekkhanaṃ, cintanaṃ vā vitakkādīnaṃyeva sādharmaṇo byāpāro **upanijjhāyanatṭho**. **Ṭhapetvā sukhadukkhavedanādvayanti** sukhindriyadukkhindriyadvayaṃ ṭhapetvāti adhippāyo. “**Sabbānīpi**”ti atvā “**sattajhānaṅgānī**”ti vacanena ajhānaṅgānaṃ upekkhācittakaggatānaṃ nivattanaṃ katanti daṭṭhabbānaṃ. Yadi evaṃ “satta jhānaṅgānī”ti eteneva siddhe “ṭhapetvā sukhadukkhavedanādvayaṃ”ti kasmā vuttaṃ? Vedanābhedesu pañcasu sukhadukkhadvayassa ekantena ajhānaṅgattadassanattamaṃ jhānaṅgaṭṭhāne niddiṭṭhattā. Satipi vā jhānaṅgavohāre vedanābhedadvayassa ekantena jhānapaccayattābhāvadassanattamaṃ. Upekkhācittakaggatānaṃ pana yadipi jhānapaccayattābhāvo atthi, jhānapaccayabhāvo pana na natthīti “sabbānīpi satta jhānaṅgānī”ti ettha

---

1. Tesu (Ka)

gahaṇaṃ kataṃ. Tattha “sabbānipī”ti vacanaṃ sabbakusalādibhedasaṅgaṇhanatthaṃ, na pana sabbacittuppādagatasaṅgaṇhanatthanti daṭṭhabbaṃ.

**Yato tato vāti sammā vā micchā vāti attho. Ete pana dvepi jhānamaggapaccayā ahetukacittesu na labbhantīti** idaṃ ahetukacittesu na labbhanti, na sahetukacittesūti sahetukacittesu alābhābhāvadassanatthaṃ vuttaṃ, na ahetukacittesu lābhābhāvadassanatthanti. Evaṃ atthe gayhamāne ahetukacittesu katthaci kassaci lābho na vāritoti ettakameva viññāyeyya, na savitakkāhetukacittesu jhānapaccayasseva alābhābhāvadassanatthaṃ katanti. Ahetukacittesu vā lābhābhāvadassanatthe pana imasmiṃ vacane savitakkāhetukacittesu jhānapaccayassa lābhābhāvo āpajjati, tasmā yena alābhena dhammasaṅgaṇiyaṃ manodhātu-ādīnaṃ saṅghasūññatavāresu jhānaṃ na uddhaṭaṃ, taṃ alābhaṃ sandhāya esa jhānapaccayassapi ahetukacittesu alābho vuttoti veditabbo. Yathā hi sahetukesu vitakkādīnaṃ sahaṇṇe saṃkaḍḍhitvā ekattagatabhāvavakaraṇaṃ upanijjhāyanabyāpāro balavā, na tathā ahetukacittesu hoti, imasmiṃ pana pakaraṇe dubbalampi upanijjhāyanaṃ yadipi kiñcimattampi-atthi, tena upakārakatā hotīti savitakkāhetukacittesupi jhānamaggapaccayā vuttova, tasmā ye evaṃ paṭhanti “na ete pana dvepi jhānamaggapaccayo vuttova, tasmā ye evaṃ paṭhanti “na ete pana dvepi jhānamaggapaccayā yathāsaṅkhyāṃ dvipaṇcaviññāṇa-ahetukacittesu labbhantī”ti, tesāṃ so pāṭho sundarataro, imassa pakaraṇassāyaṃ atthavaṇṇanā, na dhammasaṅgaṇiyāti.

Samāṃ pakārehi yuttatāya ekībhāvopagamena viya upakārakatā **sampayuttapaccayatā.**

Yuttānampi satāṃ vippayuttabhāvena nānattūpagamena upakārakatā vippayuttapaccayatā. Na hi vatthusahajātapacchājātavasena ayuttānaṃ rūpādīnaṃ ārammaṇādibhāvena upakārakānaṃ vippayuttānaṃ vippayuttapaccayatato atthīti. Rūpānaṃ pana rūpehi satipi avinibbhoge vippayogoyeva natthīti na tesāṃ **vippayuttapaccayatā.** Vuttañhi “catūhi sampayogo catūhi vippayogo”ti<sup>1</sup>.

**Paccuppannalakkhaṇenā**ti paccuppannasabhāvena. Tena “atthi me pāpakammaṃ katan”<sup>1</sup>, “atthekacco puggalo attahitāya paṭipanno”<sup>2</sup>ti ca<sup>2</sup> evamādīsu vuttaṃ nibbatta-upalabbhamānatālakkhaṇaṃ atthibhāvaṃ nivāreti. Satipi janakatte upatthambhakappadhānā atthibhāvena upakāraḥatāti āha “**upatthambhakattenā**”<sup>3</sup>ti. Idañca upatthambhakattaṃ vatthārammaṇasahajātādīnaṃ sādharāṇaṃ atthibhāvena upakāraḥatattāṃ daṭṭhabbāṃ.

Ārammaṇe phusanādivasena vattamānānaṃ phassādīnaṃ anekesaṃ sahabhāvo natthīti ekasmiṃ phassādisamudāye sati dutiyo na hoti, asati pana hoti, tena natthibhāvena upakāraḥatā **natthipaccayatā**. Satipi purimataracittānaṃ natthibhāve na tāni natthibhāvena upakāraḥatāni, anantameva pana attano atthibhāvena pavatti-okāsaṃ alabhamānānaṃ natthibhāvena pavatti-okāsaṃ dadamānaṃ viya upakāraḥatā hotīti “**pavatti-okāsadānena upakāraḥatā**”<sup>3</sup>ti āha.

Ettha ca abhāvamattena upakāraḥatā okāsadānaṃ **natthipaccayatā**, sabhāvāvīgamena appavattamānānaṃ sabhāvāvīgamena upakāraḥatā **vīgatapaccayatā**, natthitā ca nirodhānantarasuññatā, vīgatatā nirodhappattatā, ayametesāṃ viśeso, tathā atthitāya sasabhāvato upakāraḥatā **atthipaccayatā**, sabhāvāvīgamena nirodhassa appattiyā upakāraḥatā **avīgatapaccayatā**ti paccayabhāvaviśeso dhammāviśeseṇi veditabbo. Dhammānañhi sattiviśesaṃ sabbaṃ yāthāvato abhisambujjhivā tathāgatena catuvīsatipaccayaviśesā vuttāti bhagavati saddhāya “evamviśesā ete dhammā”<sup>3</sup>ti sutamayaññaṃ uppādetvā cintābhāvanāmayehi tadabhisamayāya yogo kātabbo.

Catūsu khandhesu ekassapi asaṅgahitattābhāvato nāmadhammekadesatā anantarādīnaṃ natthīti “**nāmadhammāvā**”<sup>3</sup>ti vatvā na kevalaṃ paccayapaccayuppannabhāve bhajantānaṃ catunnaṃ yeva khandhānaṃ nāmātā, atha kho nibbānañca nāmamevāti dassento “**nibbānassa asaṅgahitattā**”<sup>3</sup>ti-ādīmāha. **Purejātapaccayo rūpekadesoti** ettha ekadesavacanena

1. Vi 1. 22 piṭṭhe.

2. Abhi 3. 109 piṭṭhe.

3. Upatthambhakaṭṭhenāti (Aṭṭhakathāyaṃ)

rūparūpato aññaṃ vajjeti, rūparūpaṃ pana kusalattike anāgatampi purejātapaccayabhāvena aññattha āgatameva. Vuttañhi “anidassana-appaṭigho dhammo anidassana-appaṭighassa dhammassa purejātapaccaye paccayo. Ārammaṇapurejātaṃ, vatthupurejātaṃ. Ārammaṇapurejātaṃ vatthum itthindriyaṃ purisindriyaṃ āpodhātum kabaḷikāraṃ āhāraṃ aniccato -pa- domanassaṃ uppajjati”<sup>1</sup>.

Paccayuddesavaṇṇanā niṭṭhitā.

### Paccayaniddesa 1. Hetupaccayaniddesavaṇṇanā

1. **Yo hetupaccayoti uddiṭṭho, so evaṃ veditabboti** etena hetusaṅkhātassa paccayadhammassa hetusampayuttakataṃsamuṭṭhānarūpasaṅkhātānaṃ paccayuppannānaṃ hetupaccayena paccayabhāvo hetupaccayoti uddiṭṭhoti. Yo pana hetubhāvena yathāvutto paccayadhammo yathāvuttānaṃ paccayuppannānaṃ paccayo hoti, so hetupaccayoti uddiṭṭhoti veditabboti dasseti. Ubhayathāpi hetubhāvena upakārakatā hetupaccayoti uddiṭṭhoti dassitaṃ hoti. Esa nayo ssapaccayesupi. Upakārakatā pana dhammasabhāvo eva, na dhammato aññā atthīti. Tathā tathā upakāraṃ taṃ taṃ dhammaṃ dassento hi bhagavā taṃ taṃ upakārakataṃ dasseti.

**Hetū hetusampayuttakānanti** ettha paṭhamo **hetu-saddo** paccataniddiṭṭho paccayaniddeso<sup>2</sup>. Tena etassa hetubhāvena upakārakatā hetupaccayatāti dasseti. Duttiyo paccayuppannavisesanaṃ. Tena na yesaṃ kesañci sampayuttakānaṃ hetupaccayabhāvena paccayo hoti, atha kho hetunā sampayuttānamevāti dasseti. Nanu ca sampayuttasaddassa sāpekkhattā duttiye hetusadde avijjamānepi aññassa apekkhitabbassa aniddiṭṭhattā attanāva sampayuttakānaṃ hetupaccayena paccayoti ayamattho viññāyatīti? Nāyaṃ ekanto. Hetusaddo hi paccataniddiṭṭho “hetupaccayena paccayo”<sup>3</sup>ti ettheva byāvaṇṇo yadā

1. Abhi 9. 481 piṭṭhe.

2. Paccayatāniddeso (Ka)

gayhati, tadā sampayuttavisesanaṃ na hotīti sampayuttā avisiṭṭhā ye keci gahitā bhaveyyunti evaṃ sampayuttasaddena attani eva byāvaṭena hetusaddena visesanena vinā yesaṃ kesañci sampayuttānaṃ gahaṇaṃ hotīti taṃ sandhāya “**athāpi -pa- attho bhaveyyā**”ti āha. Nanu yathā “arūpino āhārā sampayuttakānaṃ dhammānaṃ”ti<sup>1</sup>, “arūpino indriyā sampayuttakānaṃ”ti<sup>2</sup> ca vutte dutiyena āhāraggahaṇena indriyaggahaṇena ca vināpi āhārindriyasampayuttakāva gayhanti, evamidhāpi siyāti? Na, āhārindriyāsampayuttassa abhāvato. Vajjetabbābhāvato hi tattha dutiya-āhārindriyaggahaṇe asatipi taṃsampayuttakāva gayhantīti taṃ na kataṃ, idha pana vajjetabbaṃ atthīti vattabbaṃ dutiyaṃ hetuggahaṇanti.

Evampi **hetū hetusampayuttakānanti** ettha hetusampayuttakānaṃ so eva sampayuttakahetūti visesanassa akatattā yo koci hetu yassa kassaci hetusampayuttakassa hetupaccayena paccayoti āpajjati? Nāpajjati paccattaniddiṭṭhasseva hetussa puna sampayuttavisesanabhāvena vuttattā, etadatthameva ca vināpi dutiyena hetusaddena hetusampayuttabhāve siddhepi tassa gahaṇaṃ kataṃ. Atha vā asati dutiye hetusadde hetusampayuttakānaṃ hetupaccayena paccayo, na pana hetūnanti evampi gahaṇaṃ siyāti tannivāraṇatthaṃ so vutto, tena ahesampayuttabhāvaṃ ye labhanti, tesāṃ sabbesaṃ hetūnaṃ aññesampi hetupaccayena paccayoti dassitaṃ hoti. Yasmā pana hetujhānamaggā patiṭṭhāmattādibhāvena nirapekkhā, na āhārindriyā viya sāpekkhā eva, tasmā etesve dutiyaṃ hetādiggaṇaṃ kataṃ. Āhārindriyā pana āharitabba-isitabbāpekkhā eva, tasmā te vināpi dutiyena āhārindriyaggahaṇena attanā eva āharitabbe ca isitabbe ca āhārindriyabhūte aññe ca sampayuttake paricchindantīti taṃ tattha na kataṃ, idha ca dutiyena hetuggahaṇena paccayuppannānaṃ hetunā paccayabhūteneva sampayuttānaṃ hetūnaṃ aññesañca paricchinnattā puna visesanakiccaṃ natthīti **pañhāvāre** “kusalā hetū sampayuttakānaṃ khandhānaṃ”ti-ādīsu<sup>3</sup> dutiyaṃ hetuggahaṇaṃ na katanti daṭṭhabbaṃ.

1. Abhi 8. 7 piṭṭhe.

2. Abhi 8. 8 piṭṭhe.

3. Abhi 8. 132 piṭṭhe.

**Niddi sitabbassa apākaṭattā**ti taṃ-saddo purimava canāpekkho vuttasseva niddeso “rūpāyatanam cakkhuviññādhātuyā taṃsampayuttakānan”ti-ādīsu<sup>1</sup> purimavacanena niddisitabbe pākaṭībhūte eva pavattati. Ettha ca paccataniddiṭṭho hetusaddo “hetupaccayena paccayo”ti ettha byāvaṭo sampayuttasaddena viya taṃ-saddenapi anapekkhanīyo añño ca koci niddisitabbappakāsako vutto natthi, tasmā “taṃsampayuttakānan”ti ca na vuttanti adhippāyo.

“**Hetusampayuttakānan**”ti iminā pana paccayuppannavacanena asamattena paccayuppannavacanantarāpekkhena pubbe vuttena taṃ-saddena niddisitabbam pākaṭīkatam, tena “**taṃsamuṭṭhānānan**”ti ettha taṃgahaṇam katanti. Kim pana tasmim hetusampayuttakasadde taṃ-saddena niddisitabbam pākaṭībhūtanti? Yehi hetūhi sampayuttā “hetusampayuttakā”ti vuttā, te hetū ceva sampayuttakavisesanabhūtā tabbisesitā ca hetusampayuttakā. Tenāha “**te hetū cevā**”ti-ādi. Aññathā “te hetū cevā”ti etassa paccataniddiṭṭhena hetusaddena sambandhe sati yathā idha teneva taṃ-saddena niddisitabbā pākaṭā, evam pubbepi bhavitum arahantīti “niddisitabbassa apākaṭattā ‘taṃsampayuttakānan’ti na vuttan”ti idam na yujjeyyāti. Duvidhampi vā hetuggahaṇam apanetvā taṃsaddavacanīyatam codeti pariharati ca. **Taṃsamuṭṭhānānanti** ca hetusamuṭṭhānānanti yuttam. Hetū hi paccayāti.

**Cittajarūpam ajanayamānāpī**ti pi-saddena janayamānāpi. Yadi “cittasamuṭṭhānānan”ti vacanena paṭisaddhikkhaṇe kaṭattārūpassa aggahaṇato taṃ na vuttam, sahaṭāpaccayavibhaṅge cittacetāsikānam tassa kaṭattārūpassa paccayabhāvo na vutto bhavēyya. Yadi ca tattha cittasamuṭṭhānānam paccayabhāvena taṃsamānalakkhaṇānam kaṭattārūpānampi paccayabhāvo nidasito evamidhāpi bhavitabbam. “Cittasamuṭṭhānānan”ti pana avatvā “taṃsamuṭṭhānānan”ti vacanam cittasamuṭṭhānānam sabbacittacetāsikasamuṭṭhānatādassanattam. Evampakārena hi taṃsamuṭṭhānavacanena tattha tattha vuttam samuṭṭhānavacanam visesitam hoti. Nanu “cittacetāsikā dhammā cittasamuṭṭhānānan”ti acanena cittasamuṭṭhānānam cittacetāsikasamuṭṭhānatā vuttāti? Na vuttā. Cittacetāsikānam paccayabhāvo eva hi tattha vuttoti.

---

1. Abhi 8. 1 piṭṭhe.

**Cittapaṭi baddhavuttitāyā**ti eteneva hetu-ādipaṭihaddhatañca dasseti. “Yañca bhikkhave ceteti, yañca pakappeti, yañca anuseti, ārammaṇametam hoti, viññāṇassa ṭhitiyā ārammaṇe sati paṭiṭṭhā viññāṇassa hoti, tasmim paṭiṭṭhite viññāṇe viruḷhe nāmarūpassa avakkanti hoti, nāmarūpapaccayā saḷāyatanan”<sup>1</sup>ti imasmimpi sutte paṭisandhināmarūpassa viññāṇapaccayatā vuttāti āha “**tasmim paṭiṭṭhite**”ti-ādi.

Purimatarasiddhāya pathaviyā bījapaṭiṭṭhānam viya purimatarasiddhe kamme tannibattasseva viññāṇabījassa paṭiṭṭhānam kammassa kaṭattā uppattīti vuttam hoti. Tenāha “**kammam khettaṃ, viññāṇam bījan**”ti. Kassa pana taṃ khettaṃ bījañcāti? Nāmarūpaṅkurassa.

**Ayañca panatthoti** paṭisandhiyam kammajarūpānam cittapaṭibaddhavuttiyā. **Okāsavasenevā**ti nāmarūpokāsavaseneva. So hi tassa atthassa okāsoti. **Vatthurūpamattampī**ti vadanto vatthurūpassa upatthambhakānam sesarūpanampi tadupatthambhakabhāveneva arūpadhammānam paccayabhāvaṃ dasseti, sahabhavanamattaṃ vā. Tattha kāyabhāvādikalāpānam katthaci abhāvato katthaci abhāvābhāvato “vatthurūpamattampi vinā”ti āha. **Sassāmiketi** etasseva visesanatthaṃ “**sarājake**”ti vuttam.

**Pavattiyam kaṭattārūpādīnam paccayabhāvapaṭibāhanatoti** idam kasmā vuttam, nanu tesam paccayabhāvappasaṅgoyeva natthi “hetū sahaḷāṭānan”ti vacanato<sup>2</sup>. Na hi yesam hetū sahaḷāṭapaccayo na honti, tāni hetusahaḷāṭāni nāma honti. Yadi siyūm, “kusalam dhammam sahaḷāṭo abyākato dhammo uppajjati na hetupaccayā”ti-ādi ca labbheyya, na pana labbhati, tasmā na tāni hetusahaḷāṭānīti? Saccametaṃ, yo pana hetūhi smānalāluppattimattaṃ gahetvā hetusahaḷāṭabhāvaṃ maññeyya, tassāyam pasaṅgo atthīti idam vuttanti daṭṭhabbam, bhagavā pana vacanānam lahugarubhāvaṃ na gaṇeti, bodhaneyyānam pana ajjhāsayanurūpato dhammasabhāvaṃ avilomento tathā tathā desanam niyāmetīti na katthaci akkharānam bahutā vā appatā vā codetabbāti.

Hetupaccayaniddesavaṇṇanā niṭṭhitā.

1. Sam 1. 296 piṭṭhe dutiyacetanāsutte.

2. Abhi-Ṭṭha 3. 356 piṭṭhe.

## 2. Ārammaṇapaccayaniddesavaṇṇanā

2. **Uppajjanakkhaṇeyevā**ti etena vattamānakkhaṇekadesena sabbaṃ vattamānakkhaṇaṃ gayhatīti daṭṭhabbaṃ. Na hi uppajjanakkhaṇeyeva cakkhuviññāṇādīnaṃ rūpādīni ārammaṇapaccayo, atha kho sabbasmiṃ vattamānakkhaṇeti. Tena ālambiyamānānampi rūpādīnaṃ cakkhuviññāṇādivattamānatāya pure pacchā ca vijjamānānaṃ ārammaṇapaccayattābhāvaṃ dasseti, ko pana vādo anālampiyamānānaṃ. **Na ekato hontī**ti nīlādīni sabbarūpāni aha nahonti, tathā saddādayopīti attho. “Yaṃ yan”ti hi vacanaṃ rūpādīni bhindatīti. Tattha purimenatthena “uppajjantī”ti vacanena ārammaṇapaccayabhāvalakkhaṇadīpanatthaṃ “**yaṃ yaṃ dhammaṃ**”ti-ādi vuttanti dasseti, pacchimena “yaṃ yan”ti vacanena rūpādibhedadīpanatthanti. “**Yaṃ yaṃ vā panārabbhā**”ti etassa vaṇṇanāyaṃ dassitasabbārammaṇādivasena vā idhāpi attho gahetabboti.

**Evam vuttanti** yathā nadīpabbatānaṃ sandanaṃ ṭhanañca pavattaṃ avirataṃ avicchinnanti sandanti tiṭṭhantīti vattamānavacanaṃ vuttaṃ, evaṃ “ye ye dhammā”ti atītānāgatapaccuppannānaṃ sabbasaṅghasamudāyavasena gahitattā tesāṃ uppajjanaṃ pavattanaṃ aviratanti uppajjantīti vattamānavacanaṃ vuttanti adhippāyo. Ime pana na hetādipaccayā sabbepi atītānāgatānaṃ honti. Na hi atīto ca anāgato ca atthi, yassete paccayā siyuraṃ. Evañca katvā atītattike atītānāgatānaṃ na koci paccayo vutto, tasmā idhāpi “uppajjantī”ti vacanena yesāṃ rūpādayo ārammaṇadhammo ārammaṇapaccayā honti, te paccuppannāva dassitāti daṭṭhabbā. Tesu hi dassitesu atītānāgatesu taṃtampaccayā ahesuṃ bhavissanti cāti ayamattho dassito hoti, na pana taṃtaṃ paccayavantatā. Paccayavanto hi paccuppannāyevāti.

Ettha ca “**yaṃ yaṃ dhammaṃ ārabbhā**”ti ekavacananiddesaṃ katvā puna “**te te dhammā**”ti bahuvacananiddeso “yaṃ yan”ti vuttassa ārammaṇadhammassa anekabhāvopi atthīti dassanattho. Cattāro hi khandhā saheva ārammaṇapaccayā honti, te sabbepi ārabbha uppannamānampi tesu ekekaṃ ārabbha uppajjamānaṃ na na hoti, tasmā vedanādīsu phassādīsu ca ekekassapi ārammaṇapaccayabhāvadassanatthaṃ “**yaṃ yan**”ti vuttaṃ, sabbesaṃ



ekacittuppādapariyāpannānaṃ ārammaṇapaccayabhāvadassanatthaṃ “**te te**”ti. Tattha yo ca rūpādiko ekekova yaṃyaṃ-saddena vutto, ye ca aneke phassādayo ekekevasena yaṃyaṃ-saddena vuttā, te sabbe gahetvā “te te”ti vuttanti daṭṭhabbaṃ. Atha vā yasmim̄ kāle ārabba uppajjanti, tasmim̄ kāle nīlādisu cittuppādesu ca ekekameva ārabba uppajjantīti dassanatthaṃ “**yaṃ yan**”ti vuttaṃ, te pana ālambiyamānā rūpārammaṇadhammā ca aneke, tathā saddādi-ārammaṇadhammā cāti dassanatthaṃ “**te te**”ti.

**Nibbānārammaṇaṃ kāmāvacararūpāvacarakusalassa aperiyaṇnato kusalavipākassa kāmāvacararūpāvacarakiriyassa cāti imesaṃ channaṃ rāsīnaṃ ārammaṇapaccayo hotīti** idaṃ pubbenivāsānussatiñāṇena khandhapaṭibaddhānussaraṇakāle nibbānampi rūpāvacarakusalakiriyānaṃ ārammaṇaṃ hotīti iminā adhippāyena vuttaṃ. Evaṃ sati yathā “appamāṇā khandhā pubbenivāsānussatiñāṇassa ārammaṇapaccayena paccayo”ti<sup>1</sup> vuttaṃ, evaṃ “nibbāna”ti ca vattaṃ siyā, na ca taṃ vuttaṃ. Na hi nibbānaṃ pubbe nivuṭṭhaṃ asaṅkhatattā, na ca pubbenivāsānussatiñāṇena pubbe nivuṭṭhesu appamāṇakkhandhesu ñātesu nibbānajānane na tena payojanaṃ atthi. Yathā hi cetopariyañāṇaṃ cittaṃ vibhāventameva cittāramaṇajānaṇassa kāmāvacarassa paccayo hoti, evamidampi appamāṇakkhandhe vibhāventameva tadāramaṇajānaṇassa kāmāvacarassa paccayo hotīti. Diṭṭhanibbānoyeva ca pubbe nivuṭṭhe appamāṇakkhandhe anussarati, tena yathādiṭṭhameva nibbānaṃ tesāṃ khandhānaṃ ārammaṇanti daṭṭhabbaṃ, na pana pubbenivāsānussatiñāṇena tadārammaṇavibhāvanaṃ kātabbaṃ. Vibhūtaṃ hi taṃ tassāti. Evaṃ anāgatamañāṇepi yathārahaṃ yojetabbaṃ, tasmā nibbānaṃ na kassaci rūpāvacarassa ārammaṇanti “catunnaṃ rāsīna”ti vattuṃ yuttaṃ.

Ārammaṇapaccayaniddesaṇṇanā niṭṭhitā.

---

1. Abhi 9. 324 piṭṭhe.

### 3. Adhipatipaccayaniddesavaṇṇanā

3. Dhuranti dhuraggāhaṃ. Jeṭṭhakanti seṭṭhaṃ. Chandādhipati chandasampayuttakānanti ettha purimachandassa samānarūpena tadanantaraṃ niddiṭṭhena taṃsambandhena chandasaddeneva paccayabhūtaṃ chandassa sampayuttakavisesanabhāvo dassito hotīti “chandādhipati sampayuttakānaṃ”ti avatvā “chandāsampayuttakānaṃ”ti vuttanti daṭṭhabbaṃ. Esa nayo itaresupi.

Garukāraccittikāravasena vāti kusalābyākatānaṃ pavattim dasseti. Aladdhaṃ laddhabbaṃ, laddhaṃ avijahitabbaṃ. Yena vā vinā na bhavitabbaṃ, taṃ laddhabbaṃ. Tassevattho avijahitabbanti. Anavaññātanti avaññātampi adosadassitāya assādanena anavaññātāṃ katvā.

Micchattaniyatā appanāsadisā mahābalā vinā adhipatinā nuppajjantīti “ekantenevā”ti āha. Kammakilesāvaraṇabhūtā ca te saggāvaraṇā ca maggāvaraṇā ca paccakkhasaggānaṃ kāmāvacaradevānampi uppajjitum na arahanti, ko pana vādo rūpārūpīnanti.

Kāmāvacarādibhedato pana tividho kiriyārammaṇādhipati lobhasahagatākusalasseva ārammaṇādhipatipaccayo hotīti idaṃ parasantānagatānaṃ sārammaṇadhammānaṃ “ajjhātārammaṇo dhammo bahiddhārammaṇassa dhammāssa adhipatipaccayena paccayo”ti etassa abhāvato “bahiddhārammaṇo dhammo bahiddhārammaṇassā”ti ettha ca ārammaṇādhipatino anuddhaṭṭā adhipatipaccayatā natthīti viññāyamānēpi “bahiddhā khandhe garuṃ katvā assādetī”ti-ādivacanā<sup>1</sup> nissāya arahato kiriyadhammā puthujjanādīhi garuṃ katvā assādiyantīti iminā adhippāyena vuttanti daṭṭhabbaṃ. “Sanidassanasappaṭighā khandhā”ti-ādīsu<sup>2</sup> viya khandhasaddo rūpe eva bhavitum arahatīti vicāritametaṃ. Puthujjanādīkāle vā anāgate kiriyadhamme garuṃ katvā assādanāṃ sandhāyetaṃ vuttam. “Nevavipākanavipākadhammadhamme khandhe garuṃ katvā assādeti abhinandatī”ti-ādivacanato<sup>3</sup> kiriyadhammā rāgadiṭṭhīnaṃ adhipatipaccayo henteva, te ca “atītārammaṇe anāgate khandhe garuṃ katvā

1. Abhi 9. 444 piṭṭhe.

2. Abhi 9. 478 piṭṭhe.

3. Abhi 8. 368 piṭṭhe.

assādetī”ti-ādivacanato<sup>1</sup> anāgatā tebhūmakāpi adhipatipaccayo hontīti.  
 Āvajjanakiriyasabbhāvato pana idampi vicāretabbaṃ.

Adhipatipaccayaniddesavaṇṇanā niṭṭhitā.

#### 4. Anantarapaccayaniddesavaṇṇanā

4. Yathā okāsadānavisesabhāvena natthivigatā vuttā, na evaṃ anantarasamanantarā, ete pana cittaniyāmahetuvisesabhāvena vuttā, tasmā taṃ cittaniyāmahetuvisesabhāvaṃ dassento “**cakkhuviññāṇadhātū**”ti-ādinā dhātuvasena kusalādivasena ca niddesamāha. Tattha “manoviññāṇadhātu manoviññāṇadhātuyā”ti vutte paccayapaccayuppannaviseso na viññāyatīti “purimā purimā pacchimāya pacchimāyā”ti vattabbaṃ siyā. Tathā ca sati dhatuvisesena cittaviseso dassanaṃ yaṃ kātum āraddho, taṃ vocchijjeyya. “Manoviññāṇadhātu manodhātuyā”ti idampi na sakkā vattum niyāmābhāvato “manodhātu cakkhuviññāṇadhātuyā”ti ca tatheva nasakkā. Na hi manodhātu cakkhuviññāṇadhātuyāyeva anantarapaccayoti niyāmo atthi, tasmā pākaṭā pañcaviññāṇadhātuyo ādim katvā yāva dhātuvisesaniyāmo atthi, tāva nidassanena nayaṃ dassetvā puna niravasesadassanatthaṃ “**purimā purimā kusalā**”ti-ādimāha. **Sadisakusalānanti** vedanāya vāhetūhi vā sadisakusalānaṃ anurūpakusalānanti vā attho. Tena bhūmibhinnānampi paccayabhāvo vutto hoti. **Bhavaṅga**ggahaṇena kusalākusalamūlakesu cutipi gahitāti daṭṭhabbaṃ, abyākatamūlake tadārammaṇampi.

**Kāmāvacarakiriyāvajjanassāti** kāmāvacarakiriyāya āvajjanassāti āvajjanaggahaṇena kāmāvacarakiriyāya visesetīti daṭṭhabbaṃ. Kāmāvacaravipāko kāmāvacarakiriyarāsissa ca anantarapaccayo hoti, honto ca āvajjanassevāti ayañhettha adhippāyo. Āvajjanaggahaṇeneva cettha voṭṭhabbanampi gahitanti daṭṭhabbaṃ.

Anantarapaccayaniddesavaṇṇanā niṭṭhitā.

1. Abhi 9. 426 piṭṭhe.

### 6. Sahajātapaccayaniddesavaṇṇanā

6. “Aññamaññassāti añño aññassā”ti porāṇapāṭho. Pāḷiyam pana “aññamaññam sahajātapaccayena paccayo”ti ettha vuttassa “aññamaññan”ti imassa attho vattabbo, na avuttassa “aññamaññassā”ti imassa, na ca samānatthassapi saddantarassa atthe vutte saddantarassa attho vutto hoti, tasmā “aññamaññanti añño aññassā”ti paṭhanti. Okkantīti pañcavokārapaṭisandhiyeva vuccati, na itarāti iminā adhippāyenāha “pañcavokārabhave paṭisandhikkhaṇe”ti. **Rūpino dhammā arūpīnam dhammānanti** idaṃ yadipi pubbe “okkantikkhaṇe nāmarūpan”ti vuttaṃ tathāpi na tena khaṇantare paccayabhāvo rūpīnam nivāritoti tannivāraṇatthaṃ vuttaṃ. **Kañci kāleti** keci kismiñci kāleti vā attho. Tena rūpino dhammā keci vatthubhūtā kismiñci paṭisandhikāleti rūpantarānam vatthussa ca kālantare arūpīnam sahajātapaccayaṃ pubbe anivāritaṃ nivāreti. Evañca katvā “kañci kālan”ti vā “kismiñci kāle”ti vā vattabbe vibhattivipallāso kato. Tena hi “kañcī”ti upayogekavacanam **“rūpino dhammā”**ti etena saha sambandhena paccattabahuvacanassa ādeso, **“kāle”**ti iminā sambandhena bhummekavacanassāti viññāyati. Purimena ca **“eko khandho vatthu ca tiṇṇanam khandhānan”**ti-ādinā nāmasahitasseva vatthussa “nāmassa paccayo”ti vattabatte āpanne etena kevalasseva tathā vattabataṃ dasseti.

**Tayo na aññamaññavasenā**ti labbhamānepi katthaci aññamaññasahajātapaccayabhāve vacanena asaṅgahitattā tassa evaṃ vuttanti daṭṭhabbam. **Catusamuṭṭhānikassa rūpassa** ekadesabhūte **kammasamuṭṭhānarūpe** samudāyekadesavasena sāmivacanam daṭṭhabbam, niddhāraṇe vā.

Sahajātapaccayaniddesavaṇṇanā niṭṭhitā.

### 8. Nissayapaccayaniddesavaṇṇanā

8. Nissayapaccayaniddese “rūpino dhammā arūpīnam dhammānam kismiñci kāle”ti idaṃ na labbhati. Yaṃ panettha labbhati “rūpino dhammā kecī”ti,

tattha te eva dhamme dassetuṃ “**cakkhāyatanan**”ti-ādi vuttanti.  
 “**Vatthurūpaṃ pañcavokārabhave**”ti vuttattā “**ṭhapetvā āruppavipākan**”ti  
 idaṃ na vattabbanti ce? Na, “tebhūmakavipākassā”ti vutte  
 pañcavokārabhave anuppajjanakaṃ ṭhapetabbaṃ ajānantassa tassa  
 pakāsetabbattā.

Nissayapaccayaniddesavaṇṇanā niṭṭhitā.

### 9. Upanissayapaccayaniddesavaṇṇanā

9. **Te tayopi rāsayoti** upanissaye tayo anekasaṅgāhakatāya rāsayoti  
 vadati. Etasmim̐ pana upanissayaniddese ye purimā yesaṃ pacchimānaṃ  
 anantarūpanissayā honti, te tesaṃ sabbesaṃ ekanteneva honti, na kesañci  
 kadāci, tasmā yesu padesu anantarūpanissayo saṅgahito, tesu “kesañcī”ti na  
 sakkā vattunti na vuttaṃ. Ye pana purimā yesaṃ pacchimānaṃ ārammaṇa-  
 akatūpanissayā honti, te tesaṃ na sabbesaṃ ekantena honti, yesaṃ  
 uppattipaṭibāhikā paccayā balavanto honti, tesaṃ na honti, itaresaṃ honti.  
 Tasmā yesu padesu anantarūpanissayo na labbhati, tesu “kesañcī”ti vuttaṃ.  
 Siddhānaṃ paccayadhammānaṃ yehi paccayuppannehi akusalādīhi  
 bhavitabbaṃ, tesaṃ kesañcīti ayañcettha attho, na pana avisesena  
 akusalādīsu kesañcīti.

**Purimā purimā kusalā -pa- abyākatānaṃ dhammānanti** yesaṃ  
 upanissayapaccayena bhavitabbaṃ, tesaṃ abyākatānaṃ pacchimānanti  
 daṭṭhabbaṃ. Na hi rūpābyākataṃ upanissayaṃ labhatīti. Kathaṃ?  
 Ārammaṇānantarūpanissaye tāva na labhati anārammaṇattā  
 pubbāparaniyameṇa appavattito ca, pakatūpanissayañca na labhati acetanena  
 rūpasantānena pakatassa abhāvato. Yathā hi arūpasantānena saddhādayo  
 nipphādītā utubhojanādayo ca upasevitā, na evaṃ rūpasantānena. Yasmiñca  
 utubijādiḥ kammādiḥ ca sati rūpaṃ pavattati, na taṃ tena pakataṃ hoti.  
 Sacetanasseva hi uppādanupatthambhanupayogādivasena cetanaṃ  
 pakappanaṃ pakaraṇaṃ, rūpañca acetananti. yathā ca nirīhakesu  
 paccayāyattesu dhammesu kesañci sārammaṇasabhāvatā hoti, kesañci na,

evaṃ sappakaraṇasabhāvatā nippakaraṇasabhāvatā ca daṭṭhabbā.  
 Utubijādayo pana aṅkurādīnaṃ tesu asantesu abhāvato eva paccayā, na pana  
 upanissayādibhāvatoti. Purimapurimānaṃyeva panettha  
 upanissayapaccayabhāvo bāhullavasena pākaṭavasena ca vutto. “Anāgate  
 khandhe patthayamāno dānaṃ detī”<sup>1</sup>ti-ādivacanato<sup>1</sup> pana anāgatāpi  
 upanissayapaccayā honti, te purimehi ārammaṇapakatūpanissayehi  
 taṃsamānalakkhaṇatāya idha saṅgahantīti daṭṭhabbā.

**Puggalopi senāsanampīti puggalasenāsanaggahaṇavasena**  
 upanissayabhāvaṃ bhajante dhamme dasseti, **pi**-saddena  
 cīvarāraññarukkhapabbatādiggahaṇavasena upanissayabhāvaṃ bhajante  
 sabbe saṅgaṇhāti. “Abyākato dhammo abyākatassa dhammassa  
 upanissayapaccayena paccayo”<sup>2</sup>ti-ādīsu hi “senāsanāṃ kāyikassa sukhaṃ”<sup>2</sup>ti-  
 ādivacanena senāsanaggahaṇena upanissayabhāvaṃ bhajantāva dhammā  
 upanissayapaccayena paccayoti imamatthaṃ dassentena puggalādīsupi ayaṃ  
 nayo dassito hotīti. Paccuppannāpi ārammaṇapakatūpanissayā  
 paccuppannatāya senāsanasamānalakkhaṇattā ettheva saṅgahitāti daṭṭhabbā.  
 Vakkhati hi “paccuppannaṃ utuṃ bhojanaṃ senāsanāṃ upanissāya jhānaṃ  
 uppādetī”<sup>3</sup>ti-ādīnaṃ<sup>2</sup> senāsanassa paccuppannabhāvaṃ viya paccuppannānaṃ  
 utu-ādīnaṃ pakatūpanissayabhāvaṃ, “paccuppannaṃ cakkhum -pa- vatthum  
 paccuppanne khandhe garuṃ katvā assādetī”<sup>3</sup>ti-ādīnaṃ<sup>3</sup> cakkhādīnaṃ  
 ārammaṇūpanissayabhāvaṃcāti. Paccuppannānampi ca tādīsānaṃ pubbe  
 pakatattā pakatūpanissayatā daṭṭhabbā.

Kasiṇārammaṇādīni ārammaṇameva honti, na upanissayoti iminā  
 adhippāyena “**ekaccāyā**”<sup>4</sup>ti āha.

Arūpāvacarakusalampi yasmiṃ kasiṇādīmihi jhānaṃ anuppāditaṃ,  
 tasmīṃ anuppannajhānuppādane sabbassa ca uppannajhānassa samāpajjane  
 iddhividhādīnaṃ abhiññānaṃca upanissayoti imamatthaṃ sandhāyāha  
**“tebhūmakusalo catubhūmakassapi kusalassā”**ti. Vuttampicetaṃ  
 “arūpāvacaraṃ saddhaṃ upanissāya rūpāvacaraṃ jhānaṃ vipassanaṃ  
 maggaṃ abhiññānaṃ samāpattim uppādetī”<sup>4</sup>ti<sup>4</sup>. Kāmāvacarakusalaṃ  
 rūpāvacarārūpāvacaravipākānampi taduppādakakusalānaṃ

1. Abhi 9. 414 piṭṭhe.

2. Abhi 9. 413 piṭṭhe.

3. Abhi 9. 415 piṭṭhe.

4. Abhi 11. 165 piṭṭhe.

upanissayabhāvavasena, paṭisandhinyāmakassa cutito purimajavanassa ca vasena upanissayo, rūpāvaccarakusalāṃ arūpāvaccaravipākassa, arūpāvaccarakusalāṃ rūpāvaccaravipākassa taduppādakakusalūpanissayabhāvenāti evaṃ paccakaṃ tebhūmakakusalānaṃ catubhūmakavipākassa tebhūmakakiriyassa ca yathāyogaṃ paccayabhāvo veditabbo. Pāliyampi hi pakatūpanissayo nayadassanamatteneva pañhāvāresu vissajjitoti.

**Iminā pana nayanāti** lokuttaranibbattaṇaṃ upanissāya sinehuppādanalesenāti attho. Lokuttarā pana dhammā akusalānaṃ na kenaci paccayena paccayo hontīti na idaṃ sārato daṭṭhabbanti adhippāyo. Kāmāvacarādīhetukabhavaṅgaṃ kāyikasukhādi ca rūpāvaccarādīkusalānaṃ upanissayo, arūpāvaccaravipāko rūpāvaccarakusalassa taṃ patthetvā tannibbattakakusaluppādanatthaṃ uppādiyamānassa, rūpāvaccarakiriyassa ca pubbe nivuṭṭhādīsu arūpāvaccaravipākajānanatthaṃ jhānābhīññāyo uppādentassa arahato, catubhūmakavipākānaṃ pana taduppādakakusalūpanissayabhāvavasena so so vipāko upanissayo. Tenāha **“tathā tebhūmakavipāko”**ti. Yadi pi arahattaphalattaṃ jhānavipassanā uppādeti anāgāmī, na pana tena taṃ kadāci diṭṭhapubbaṃ puthujjanādīhi sotāpattīphalādīni viya, tasmā tāni viya tesāṃ jhānādīnaṃ imassa ca aggaphalaṃ na jhānādīnaṃ upanissayo. Upaladdhapubbasadisameva hi anāgatampi upanissayoti. Tenāha **“upariṭṭhimaṃ kusalassapī”**ti.

Kiriya-atthapaṭisambhidādimpi patthetvā dānādīkusalaṃ karontassa tebhūmakakiriyāpi catubhūmakassapi kusalassa upanissayapaccayena paccayo. Yonisomanasikāre vattabbameva natthi, taṃ upanissāya rāgādi-  
uppādane akusalassa, kusalākusalūpanissayabhāvamukhena catubhūmakavipākassa. Evaṃ kiriyassapi yojetabbaṃ. Tenāha **“kiriyaśāṅkhātopi pakatūpanissayo catubhūmakānaṃ kusalādīkhandhānaṃ<sup>1</sup> hotiyevā”**ti. Nevavipākanavipākadhammadhammesu pana utubhojanasenāsanānameva tiṇṇaṃ rāsīnaṃ pakatūpanissayabhāvadassanaṃ nayadassanamevāti. **Imasmīṃ paṭṭhānamahāpakaraṇe āgatanayanāti** idaṃ **“kusalaṃ dhammaṃ paṭicca abyākato dhammo uppajjati na upanissayapaccayā, kusale khandhe paṭicca cittasamuṭṭhānaṃ**

---

1. Akusalādīkhandhānaṃ (Aṭṭhakathāyaṃ)

rūpan”ti<sup>1</sup> evamādikam upanissayapaṭikkhepaṃ, anulome ca anāgamanam sandhāya vuttaṃ. **Suttantikapariyāyenā**ti “viññāṇūpanisaṃ nāmarūpaṃ, nāmarūpanisaṃ saḷāyatanaṃ”ti-ādikena<sup>2</sup>,

“Yathāpi pabbato selo, araññasmiṃ brahāvane.

Taṃ rukkhā upanissāya, vaḍḍhantete vanappatī”ti<sup>3</sup>—

ādikena ca.

Upanissayapaccayaniddesavaṇṇanā niṭṭhitā.

### 10. Purejātapaccayaniddesavaṇṇanā

10. Nayadassanavasena yāni vinā ārammaṇapurejātena na vattanti, tesam cakkhuviññāṇādīnaṃ ārammaṇapurejātadassanena manodvārepi yaṃ yadārammaṇapurejātena vattati, tassa tadālambitaṃ sabbampi rūparūpaṃ ārammaṇapurejātanti dassitameva hoti, sarūpena pana adassitattā “**sāvasesavasena desanā katā**”ti āha. Cittavasena kāyaṃ pariṇāmayato iddhividhābhīññāya ca aṭṭhārasasu yaṃkiñci ārammaṇapurejātaṃ hotīti daṭṭhabbam.

**Tadārammaṇabhāvinoti** ettha paṭisandhibhāvino vatthupurejātābhāvena itarassapi abhāvā aggahaṇaṃ. Bhavaṅgabhāvino pana gahaṇaṃ kātabbaṃ na vā kātabbaṃ paṭisandhiyā viya aparibyattassa ārammaṇassa ārammaṇamattabhāvato, “manodhātūnañcā”ti ettha santīraṇabhāvino manoviññāṇadhātuyāpi.

Purejātapaccayaniddesavaṇṇanā niṭṭhitā.

1. Abhi 8. 35 piṭṭhe.

2. Saṃ 1. 269 piṭṭhe.

3. Am 1. 151 piṭṭhe.



### 11. Pacchājātapaccayaniddesavaṇṇanā

11. **Tassevāti** idaṃ kāmāvacararūpāvacaravipākānaṃ niravasesadassitapurejātadassanavasena vuttaṃ, rūpāvacaravipāko pana āhārasamuṭṭhānassa na hotīti.

Pacchājātapaccayaniddesavaṇṇanā niṭṭhitā.

---

### 12. Āsevanapaccayaniddesavaṇṇanā

12. **Paguṇatarabalavatarabhāvavisiṭṭhanti** etena vipākābyākataṭo vireseti.

Āsevanapaccayaniddesavaṇṇanā niṭṭhitā.

---

### 13. Kammapaccayaniddesavaṇṇanā

13. Cetanāsampayuttakammaṃ abhijjhādi kammapaccayo na hotīti “**cetanākammamevā**”ti āha. Satipi hi vipākadhammadhammatte na cetanāvajjā evaṃsabhāvāti. **Attano phalaṃ uppādetuṃ samatthenāti** kammaṃ samatthataṭa tassa kammapaccayabhāvo vuttāti vuṭṭhabbā.

**Pañcavokāreyeva, na aññatthāti** etena kāmāvacaracetanā ekavokāre rūpampi na janetīti dasseti.

Kammapaccayaniddesavaṇṇanā niṭṭhitā.

---

### 14. Vipākapaccayaniddesavaṇṇanā

14. Vipākapaccayaniddese yesaṃ ekantena vipāko vipākapaccayo hoti, tesāṃ vasena nayadassanaṃ kataṃ. Na hi āruppe bhūmidvayavipāko rūpassa paccayo hoti.

Vipākapaccayaniddesavaṇṇanā niṭṭhitā.

### 15. Āhārapaccayaniddesavaṇṇanā

15. **Kabaḷaṃ karitvā ajjhoharitovāti** asitapītādivatthūhi saha ajjhoharitovāti vuttaṃ hoti. Pātabbasāyitabbānipi hi sabhāvavasena kabaḷāyeva hontīti.

**Sesatisantatisamuṭṭhānassa anupālakova hutvāti** ettha cittasamuṭṭhānassa āhārapaccayabhāvo vicāretvā gahetabbo. Na hi cittasamuṭṭhāno kabaḷikāro āhāro no cittasamuṭṭhāno tadubhayañca cittasamuṭṭhānakāyassa āhārapaccayo vutto, tividhopi pana so nocittasamuṭṭhānakāyassa vuttoti.

Āhārapaccayaniddesavaṇṇanā niṭṭhitā.

### 16. Indriyapaccayaniddesavaṇṇanā

16. **Arūpajīvitindriyampi saṅgahitanti** missakattā jīvitindriyaṃ na sabbena sabbāṃ vajjitabbanti adhippāyo.

**Avinibbhuttadhammānanti** ettha ayaṃ adhippāyo—rūpārūpānaṃ aññaṃaññaṃ avinibbhuttavohāro natthīti arūpānaṃ indriyapaccayabhūtāni paccayantarāpekkhāni cakkhādīni attano vijjamānakkhaṇe avinibbhuttadhammānaṃ indriyapaccayataṃ apharantānipi indriyapaccayā siyuṃ. Yo pana nirapekkho indriyapaccayo avinibbhuttadhammānaṃ hoti, so attano vijjamānakkhaṇe tesāṃ indriyapaccayataṃ apharanto nāma natthi. Yadi ca itthindriyapurisindriyāni indriyapaccayo liṅgādīnaṃ siyuṃ, avinibbhuttānaṃ tesampi siyuṃ. Na hi rūpaṃ rūpassa, arūpaṃ vā arūpassa vinibbhuttassa indriyapaccayo atthīti. Sati cevaṃ itthipurisindriyehi avinibbhuttattā kalalādikāle ca liṅgādīni siyuṃ, yesāṃ tāni indriyapaccayataṃ phareyyuṃ, na ca pharanti. Tasmā na tehi tāni avinibbhuttakāni, avinibbhuttattābhāvato ca tesāṃ indriyapaccayataṃ na pharanti. Aññesaṃ pana yehi tāni sahajātāni, tesāṃ abījabhāvatoyeva na pharanti, tasmā āpannavinibbhuttabhāvānaṃ tesāṃ liṅgādīnaṃ avinibbhuttānaṃ aññesañca samānakalāpadhammānaṃ

indriyapaccayatāya aphaṇato<sup>1</sup> tāni indriyapaccayo na hontīti. Yesaṃ bījabhūtāni itthipurisindriyāni, tesam liṅgādīnaṃ aparamatthabhāvatoti keci, te pana kalalādīkālepi liṅgādīnaṃ tadanurūpānaṃ atthitaṃ icchanti.

Jātibhūmivasena vuttesu bhedesu kusalajātiyaṃ rūpāvacarakusalameva āruppe ṭhapetabbanti “**ṭhapetvā pana rūpāvacarakusalaṃ avasesā kusalākusalā**”ti vuttaṃ. Paṭhamalokuttaraṃ pana domanassayuttañca visum ekā jāti bhūmi vā na hotīti āruppe alabbhamānampi ṭhapitaṃ. Hetu-ādīsupi “tathā apariyāpannakusalahetu, tathā akusalahetū”ti-ādīsū<sup>2</sup> esa nayo yojetabbo.

**Ṭhitikkhaṇeti** idaṃ rūpajīvitindriyassa saha jātapaccayattābhāvaṃ sandhāya vuttaṃ. Uppādakkhaṇepi pana tassa indriyapaccayatā na sakkā nivāretuṃ. Vakkhati hi “abyākataṃ dhammaṃ paṭicca -pa-. Asaññasattānaṃ ekaṃ mahābhūtaṃ paṭicca -pa-. Indriyapaccayaṃ kammaṃ paccayasadisānaṃ”ti<sup>3</sup>. Na hi asaññasattānaṃ indriyapaccayo uppajjamānaṃ rūpassa rūpajīvitindriyato añño indriyapaccayo atthi, pañcavokāre pavatte ca kaṭattārūpassa. Paṭiccavārādayo ca cha uppādakkhaṇameva gahetvā pavattā, evañca katvā pacchājātapaccayo etesu anulomato na tiṭṭhatīti.

Indriyapaccayaniddesavaṇṇanā niṭṭhitā.

## 17. Jhānapaccayaniddesavaṇṇanā

**17. Vitakkavicārapīti somanassa domanassu pekkhā cित्तेकaggatāsāṅkhātānī** ettha yadipi somanassadomanassasaṅkhātāni jhānaṅgāni natthi, sukhadukkhasaṅkhātāni pana somanassadomanassabhūtāneva jhānaṅgāni, na kāyikasukhadukkhabhūtānīti imassa dassanattaraṃ somanassadomanassaggahaṇaṃ kataṃ. Nanu ca “dvipaṅcaviññāṇavajjesū”ti vacaneneva kāyikasukhadukkhāni vajjitānīti sukhadukkhaggahaṇameva kattabbanti? Na, jhānaṅgasukhadukkhānaṃ jhānaṅgabhāvaviyesanato. “Dvipaṅcaviññāṇavajjesu sukhadukkupekkhācittē kaggatāsāṅkhātānī”ti hi vutte dvipaṅcaviññāṇesu upekkhācittēkaggatāhi saddhiṃ

1. Indriyapaccayatā-aphaṇato (Ka)

2. Abhi-Ṭṭha 3. 357 piṭṭhe.

3. Abhi 8. 26 piṭṭhe.

kāyikasukhadukkhānīpi vajjitānīti ettakameva viññāyati, na pana yāni sukhadukkhāni jhānaṅgāni honti, tesam jhānaṅgabhūto sukhabhāvo dukkhabhāvo ca visesito, tasmā somanassadomanassabhāvavasiṭṭhoyeva sukhadukkhabhāvo sukhadukkhānaṃ jhānaṅgabhāvoti dassanattamaṃ somanassadomanassaggahaṇaṃ karoti. Tena “dvipaṅcaviññāṇavajjesū”ti vacanena vajjiyamānānampi sukhadukkhānaṃ somanassadomanassabhāvābhāvato jhānaṅgabhāvābhāvoti dassitaṃ hoti. Yathāvajjitā pana cittuppādakaṇḍe, tattha ca jhānaṅganti anuddhaṭṭatā. Kasmā pana na uddhaṭṭati taṃ dassetuṃ “**paṅcannaṃ pana viññāṇakāyānaṃ**”ti-ādimāha.

**Abhinipātamattattāti** etena āvajjanasampaṭicchanamattāyapi cintanāpavattiyā abhāvaṃ dasseti. “**Tesu vijjamānānīpi upekkhāsukhadukkhānī**”ti porāṇapāṭho. Tattha upekkhāsukhadukkeheva taṃsamānalakkhaṇāya cittekaggatāyapi yathāvutteneva kāraṇena anuddhaṭṭabhāvo dassitoti daṭṭhabbo. Pubbe pana satta aṅgāni dassentena cattāri aṅgāni vajjitānīti tesam vajjane kāraṇaṃ dassentena na samānalakkhaṇena lesena dassetabbaṃ. Atṭhakathā hesāti. Yadi ca lesena dassetabbaṃ, yathāvuttasupī tīsu ekameva vattabbaṃ siyā, tiṇṇaṃ pana vacanena tato aññassa jhānaṅganti uddhaṭṭabhāvo āpajjati, yathāvuttakāraṇato aññena kāraṇena anuddhaṭṭabhāvo vā, tasmā taṃdosaparihaṇatthaṃ “upekkhācittetekaggatāsukhadukkhānī”ti paṭhanti. Ye pana “jhānaṅgabhūtehi somanassādīhi sukhadukkhena avibhūtabhāvena pākaṭatāya indriyakiccayuttatāya ca samānānaṃ sukhādīnaṃ jhānaṅganti anuddhaṭṭabhāve kāraṇaṃ vattabbaṃ, na cittekaggatāyāti sā ettha na gahitā”ti vadanti, tesam taṃ rucimattaṃ. Yadi jhānaṅgasamānānaṃ jhānaṅganti anuddhaṭṭabhāve kāraṇaṃ vattabbaṃ, cittekaggatā cettha jhānaṅgabhūtāya vicikicchāyuttamanodhātu-ādīsu cittekaggatāya samānāti tassā anuddhaṭṭabhāve kāraṇaṃ vattabbamevāti. Sesāhetukesupī jhānaṅgaṃ uddhaṭṭameva uddharaṇaṭṭhāne cittuppādakaṇḍeti<sup>1</sup> adhippāyo.

Jhānapaccayaniddesavaṇṇanā niṭṭhitā.

1. Abhi 8. 108 piṭṭhādīsu passitabbaṃ.

## 18. Maggapaccayaniddesavaṇṇanā

18. Paññā vitakko sammāvācākammantājīvā vīriyaṃ sati samādhi micchādiṭṭhi micchāvācākammantājīvāti imāni dvādasāṅgānīti ettha duvidhampi saṅkappaṃ vīriyaṃ samādhiñca vitakavīriyasamādhivacanehi saṅgaṇhitvā “ayameva kho āvuso aṭṭhaṅgiko micchāmaggo abrahmacariyaṃ. Seyyathidaṃ? Micchādiṭṭhi -pa- micchāsamādhī”ti-ādīhi<sup>1</sup> suttavacanehi micchāvācākammantājīvesupi maggaṅgavohārasuddhito tehi saha dvādasāṅgāni idha labbhamānāni ca alabbhamānāni ca maggaṅgavacanasāmaññena saṅgaṇhitvā vuttāni. Evañhi suttantavohāropi dassito hoti, evaṃ pana dassentena “maggapaccayaniddese maggaṅgānī”ti evaṃ uddharitvā tassa pāṭhagatassa maggaṅgasaddassa atthabhāvena imāni dvādasāṅgāni na dassetabbāni. Na hi pāḷiyaṃ maggaṅgasaddassa micchāvācākammantājīvoti attho vattabbo. Tehi sammāvācādīhi paṭipakkhā cetanādhammā tappaṭipakkhabhāvatoyeva “micchāmaggaṅgānī”ti sutte vuttāni, na pana maggapaccayabhāvena. Maggaṅgāni maggapaccayabhūtāni ca idha pāḷiyaṃ “maggāṅgānī”ti vuttāni, na ca aññaṃ uddharitvā aññaṃ attho vattabbo. Pariyāyanipariyāyamaggaṅgadassanattamaṃ pana icchantena pāḷigatamaggaṅgasaddapatirūpako añño maggaṅgasaddo ubhayapadattho uddharitabbo yathā “adhikaraṇaṃ nāma cattāri adhikaraṇānī”ti<sup>2</sup>. Idha pana “maggapaccayaniddese maggaṅgānī”ti pāḷigatoyeva maggaṅgasaddo uddhaṭo, na ca atthuddharaṇavasena dassetvā adhippetatthaniyamaṃ katam, tasmā pāḷiyaṃ maggaṅgasaddassa micchāvācādinam atthabhāvo mā hotūti “sammādiṭṭhisāṅkappavācākammantājīvavāyāmasatisamādhimicchādiṭṭhisāṅkappavāyāmasamādhayoti imāni dvādasāṅgānī”ti paṭhanti. Nanu evaṃ “ahetukacittuppādavajjesū”ti na vattabbaṃ. Na hi tesu sammādiṭṭhi-ādayo yathāvuttā santi, ye vajjetabbā siyunti? Na, uppattiṭṭhānaniyamanattattā. Ahetukacittuppādavajjesveva etāni uppajjanti, nāhetukacittuppādesu. Tattuppānnāni dvādasāṅgānīti ayañhettha attho.

Maggapaccayaniddesavaṇṇanā niṭṭhitā.

1. Saṃ 3. 13 piṭṭhe paṭhamakukkuṭārāmasutte.

2. Vi 1. 250, 260 piṭṭhesu.

## 20. Vip̄payuttapaccayaniddesavaṇṇanā

20. Sampayogāsankāya abhāvatoṭi etena sampayogāsankāvattubhūto upakārahabhāvo vip̄payuttapaccayatāti dasseti.

Vip̄payuttapaccayaniddesavaṇṇanā niṭṭhitā.

---

## 21. Atthipaccayaniddesavaṇṇanā

21. Kusalādivasena pañcavidho atthipaccayo vutto, na nibbānaṃ. Yo hi atthibhāvābhāvena anupakāraḱo atthibhāvaṃ labhitvā upakāraḱo hoti, so atthipaccayo hoti. Nibbānañca nibbānārammaṇānaṃ na attano atthibhāvābhāvena anupakāraḱaṃ hutvā atthibhāvalābhena upakāraḱaṃ hoti. Uppādādiyuttānaṃ vā natthibhāvopakāraḱatāviruddho upakārahabhāvo atthipaccayatāti na nibbānaṃ atthipaccayo.

Sati ca yesaṃ paccayā honti, tehi ekato puretaraṃ pacchā ca uppanatte sahaḱātādipaccayatābhāvato āha “**āhāro indriyañca sahaḱātādibhedanaṃ na labhati**”ti. Tadabhāvo ca etesaṃ dhammaṃ sabhāvavasena daṭṭhabbo.

Atthipaccayaniddesavaṇṇanā niṭṭhitā.

---

## 22-24. Natthivigata-avigatapaccayaniddesavaṇṇanā

22-24. Paccayalakkhaṇameva hettha nānanti etena natthivigatapaccayesu atthi-avigata-accayesu ca **byañjanamatteyeva nānattaṃ, na attheti** idaṃ yo paccayoti attho, tasmaṃ nānattaṃ natthi, byañjanasaṅgahito paccayalakkhaṇamatteyeva nānattanti imamattaṃ sandhāya vuttanti viññāyati.

Natthivigata-avigatapaccayaniddesavaṇṇanā niṭṭhitā.

Paccayaniddesavaṇṇanā niṭṭhitā.

### Paccayaniddesapakiṇṇakavinicchayakathāvaṇṇanā

“Lobhadosamohā vipākapaccayāpi na honti, sesānaṃ sattarasannaṃ paccayānaṃ vasena paccayā hontī”ti-ādimapāṭho. Ettha ca lobhadosamohānaṃ paccekāṃ sattarasahi paccayehi paccayabhāvo vutto, sabbe hetū saha aggahetvā ekadhammassa anekapaccayabhāvadassanattamaṃ amohādīnaṃ visuṃ gahitattāti dosassapi sattarasahi paccayabhāvo āpajjati, tathā ca sati dosassapi garukaraṇaṃ pāḷiyaṃ vattabbaṃ siyā. “Akusalo pana ārammaṇādhipati nāma lobhasahagatacittuppādo vuccatī”ti<sup>1</sup> etthāpi lobhadosasahagatacittuppādāti vattabbaṃ siyā, na pana vuttaṃ, tasmā dosassa adhipatipaccayatāpi nivāretabbā. Na ca “sesānaṃ”ti vacanena adhipatipaccayo nivārito, atha kho saṅgahito purejātādīhi yathāvuttehi sesattāti tannivāraṇattamaṃ dosaṃ lobhamohehi saha aggahetvā visuṃca aggahetvā “doso adhipatipaccayopi na hoti, sesānaṃ paccayānaṃ vasena paccayo hotī”ti paṭhanti. **Iminā nayanāti** etena phoṭṭhabbāyanassa saha-jātādipaccayabhāvaṃ, sabbadhammānaṃ yathāyogaṃ hetādipaccayabhāvaṃca dasseti. Na hi etaṃ ekapaccayassa anekapaccayabhāvadassananti rūpādīnaṃ pakatūpanissayabhāvo ca etena dassitoti daṭṭhabbo.

Catunnaṃ khandhānaṃ bheda cakkhuvīññādhātu-ādayoti bhedaṃ anāmasitvā te eva gahetvā āha “**catūsu khandhesū**”ti. **Micchāvācākamantājīvā tehi ceva kammāhārapaccayehi cāti ekūnavīsati dhāti** idamevaṃ na sakkā vattuṃ. Na hi micchāvācādayo micchādīṭṭhi viya maggapaccayā honti cetanāya maggapaccayattābhāvato. Yadi ca bhavēyya, pañhāvāre “kammapaccayā magge tīṇī”ti vattabbaṃ siyā, tasmā micchāvācādīnaṃ maggapaccayabhāvo na vattabbo. paṭṭhānaṣaṃvaṇṇanā hesā. Sesapaccayabhāvo ca cetanāya anekapaccayabhāvavacanena vuttoyevāti na idaṃ paṭhitabbanti na paṭhanti. “**Ahiraṃ -pa- middhaṃ uddhaccaṃ vicikicchā**”ti-ādimapāṭho, vicikicchā pana adhipatipaccayo na hotīti taṃ tatha apaṭhitvā “**vicikicchā-issāmacchariyakukkuccāni tato adhipatipaccayaṃ apantvā**”ti evamettha paṭhanti.

1. Abhi-Ṭṭha 3. 362 piṭṭhe adhipatipaccayaniddese.

“Cattāri mahābhūtāni ārammaṇa -pa- purejātavippayutta-atthi-avigatavasena dasadhā paccayā honti, puna tathā hadayavatthū”ti purimapāṭho, mahābhūtāni pana vippayuttapaccayā na hontīti “purejāta-atthi-avigatavasena navadhā paccayā honti, vippayuttapaccayaṃ pakkhipitvā dasadhā vatthun”ti paṭhanti. **Ettakamevettha apubbanti** etasmiṃ purejātapaccaye sahaajātanissayehi apubbaṃ rūpasaddagandharasāyatanaṃ mattamevāti attho, ārammaṇāni panetāni ārammaṇapaccayadhammānaṃ anekapaccayabhāve vuttānīti sabbātikantapaccayāpekkhā etesaṃ apubbatā natthīti. **Indriyādīsu apubbaṃ natthīti** rūpajīvitindriyassapi arūpajīvitindriyato apubbassa paccayabhāvassa abhāvaṃ maññamānena apubbatā na vuttā. Tassa pana purejātapaccayabhāvato apubbatā. Kabaḷikārāhārassa ca purejātena saddhim sattadhā paccayabhāvo yojetabbo.

**Ākāro**ti mūlādi-ākāro. **Atthoti** tenākārena upakārakatā. “**Yenākārenā**”ti etassa vā atthavacanāṃ “**yenatthenā**”ti. **Vipākahetūsuyeva labbhatīti** ettha amohavipākahetussa adhipatipaccayabhāvo ca lokuttaravipākeyeva labbhatīti. Evaṃ sabbattha labbhamānālabbhamānaṃ sallakkhetabbaṃ. Vippayuttaṃ apaṭhitvā “**chahākārehi**”ti purimapāṭho, taṃ pana paṭhitvā “**sattahākārehi**”ti paṭhanti. Ukkaṭṭhaparicchedo hettha vuccati, na ca yaṃ ārammaṇaṃ nissayo hoti, taṃ vippayuttaṃ na hotīti.

Anantarasamanantaresu yaṃ kammaṇapaccayo hoti, taṃ na āsevanapaccayo. Yañca āsevanapaccayo hoti, na taṃ kammaṇapaccayoti daṭṭhabbaṃ, “**pakatūpanissayo pakatūpanissayovā**”ti vuttaṃ, kammaṇapaccayopi pana so hoti, tasmā “kammaṇapaccayo cā”ti paṭhanti. Ayaṃ panettha attho—pakatūpanissayo yebhuyyena pakatūpanissayova hoti, koci panettha kammaṇapaccayo ca hotīti. “**Ārammaṇamurejāte panettha indriyavippayuttapaccayatā na labbhatī**”ti vuttaṃ. Tattha ārammaṇapurejātanti yadi kañci<sup>1</sup> ārammaṇabhūtaṃ purejātaṃ vuttaṃ, ārammaṇabhūtassa vatthussa vippayuttapaccayatā labbhatīti sā na labbhatīti na vattabbā. Atha

---

1. Yamkiñci (Ka)



pana vatthupurejātato aññaṃ vatthubhāvarahitārammaṇameva  
 “ārammaṇapurejātan”ti vuttaṃ, tassa nissayapaccayatā na labbhatīti  
 “nissayindriyavippayuttapaccayatā na labbhatī”ti vattabbaṃ. **Ito uttaripīti**  
 purejātato paratopīti attho, ito vā indriyavippayuttato  
 nissayindriyavippayuttato vā uttari ārammaṇādhipati-ādi ca  
 labbhamānālabbhamānaṃ veditabbanti attho vattabbo. Kammādīsu pana  
 labbhamānālabbhamānaṃ na vakkhatīti purimoyevettha attho adhippeto.

“**Kabaḷīkāro āhāro āhārapaccayovā**”ti purimapāṭho, atthi-  
 avigatapaccayopi pana so hoti, tena “**kabaḷīkāro āhāro āhārapaccayattaṃ**  
**avijahantova atthi-avigatānaṃ vasena aparehipi dvīhākārehi**  
**anekapaccayabhāvaṃ gacchatī**”ti paṭhanti.

“**Yathānurūpaṃ jhānapaccaye vuttānaṃ dasannaṃ hetu-adhipatīnañcāti**  
**imesaṃ vasenā**”ti purimapāṭho, “**yathānurūpaṃ jhānapaccaye vuttānaṃ**  
**maggavajjānaṃ navannaṃ hetu-adhipatījhānānañcāti imesaṃ vasenā**”ti  
 pacchimapaṭho, tesu vicāretvā yutto gahetabbo.

Samanantaraniruddhatāya ārammaṇabhāvena ca sadiso paccayabhāvo  
 paccayasabhāgatā, viruddhapaccayatā paccayavisabhāgatā. “**Iminā**  
**upāyena**”ti vacanato hetu-ādīnaṃ saha-jātānaṃ saha-jātābhāvena sabhāgatā,  
 saha-jātāsaha-jātānaṃ hetu-ārammaṇādīnaṃ aññaṃaññaṃnavisabhāgatāti  
 evamādinā upāyena sabhāgatā visabhāgatā yojetabbā.

**Janakāyeva, na ajanakāti** janakabhāvappadhānāyeva hutvā paccayā  
 honti, na upatthambhakabhāvappadhānāti attho daṭṭhabbo. Yesaṃ hetu-  
 ādayo paccayā honti, te tehi vinā neva uppajjanti, na ca pavattantīti tesaṃ  
 ubhayappadhānatā vuttā. Na hi te anantarādayo viya jananeneva<sup>1</sup> pavattim  
 karontīti.

Sabbesaṃ thānaṃ kāraṇabhāvo sabbatṭhānaṃ, taṃ etesaṃ atthīti  
**sabbatṭhānikā**. Upanissayaṃ bhindantena tayopi upanissayā vattabbā,

---

1. Janenteva (Ka)

abhinditvā vā upanissayaggahaṇameva kātabbāṃ. Tattha bhindanaṃ pakatūpanissayassa rūpānaṃ paccayattābhāvadassanattamaṃ, ārammaṇānantarūpanissayānaṃ pana pubbe ārammaṇādhipati-anantaraggahaṇehi gahitattā tesu ekadesena anantarūpanissayena itarampi dassētīti daṭṭhabbāṃ. **Purejātapacchājātāpi asabbaṭṭhānikā arūparūpānaññeva yathākkamena paccayabhāvatoti**<sup>1</sup> ettha purejātapaccayo anantarādīsu eva vattabbo taṃsamānagatikattā, na ca yugaḷabhāvo pacchājātena saha kathane kāraṇaṃ asabbaṭṭhānikadassanamattassa adhippetattāti taṃ tattha paṭhitvā “pacchājātōpi asabbaṭṭhāniko rūpānaṃyeva paccayabhāvato”ti paṭhanti.

Paccayaniddesapakiṇṇakavinicchayakathāvaṇṇanā niṭṭhitā.

### Pucchāvāra 1. Paccayānulomavaṇṇanā

**Ekekaṃ tikadukanti** ekekaṃ tikaṃ dukañcāti attho, na tikadukanti.

**Paccayā cevāti** ye kusalādīdhamme paṭiccāti vuttā, te paṭiccatthaṃ pharantā kusalādīpaccayā cevāti attho. Tenevāha “**te ca kho sahajātāvā**”ti. Yehi pana hetādīpaccayehi uppatti vuttā, te sahajātāpi honti asahajātāpīti. Ettha paṭiccasahajātavārehi samānatthehi paṭiccasahajātābhīdānehi samānatthaṃ bodhentena bhagavatā pacchimavārena purimavāro, purimavārena ca pacchimavāro ca bodhitoti vedītabbo. Esa nayo paccayanissayavāresu saṃsaṭṭhasampayuttavāresu ca, evañca niruttikosallaṃ janitaṃ hotīti.

“Te te pana pañhe uddharitvā puna kusalo hetu hetusampayuttakānaṃ dhammānaṃ”ti likhitaṃ. “Kusalā hetū sampayuttakānaṃ khandhānaṃ”ti<sup>2</sup> pañhāvārapāṭhoti pamādalekhā esāti pāḷiyaṃ āgatapāṭhameva paṭhanti. Purimavāresu sahajātanissayasampayuttapaccayabhāvehi kusalādīdhamme niyametvā tasmim̐ niyame kusalādīnaṃ hetupaccayādīhi uppattim̐ pucchitvā vissajjanaṃ kataṃ, na tattha “ime nāma te dhammā hetādīpaccayabhūtā”ti viññāyanti, tasmā tattha “siyā kusalaṃ dhammaṃ paṭicca kusalo dhammo

1. Paccayatoti (Ka)

2. Abhi 8. 132 piṭṭhe.

uppajjeyya hetupaccayā”ti<sup>1</sup> evamādihi saṅgahite  
 paṭiccatthādhipharaṇakabhāve hetādipaccayapaccayuppannesu  
 hetādipaccayānaṃ nicchāyābhāvato pañhā nijjaṭā niggumbā ca katvā na  
 vibhattā, idha pana “siyā kusalo dhammo kusalassa dhammassa  
 hetupaccayena paccayo”ti evamādihi saṅgahitā hetādipaccayabhūtā  
 kusalādayo paccayuppannā ca nicchitā, na koci pucchāsaṅgahito attho  
 anicchito nāma atthīti āha “**sabbepi te pañhā nijjaṭā niggumbā ca katvā  
 vibhattā**”ti. Pañhā pana uddharitvā vissajjanaṃ sabbattha samānanti na taṃ  
 sandhāya nijjaṭatā vuttāti daṭṭhabbā.

**Uppattiyā paññāpitattā**ti pucchāmatteneva uppattiyā ṭhapitattā  
 pakāsitattā, nānappakārehi vā ñāpitattāti attho.

25-34. **Parikappapucchā**ti vidhipucchā. **Kim siyā**ti eso vidhikiṃ atthīti  
 attho. Kim siyā, atha na siyāti sampucchanam vā parikappapucchāti vadati.  
 Kimidaṃ sampucchanam nāma? Samecca pucchanam, “kim suttantaṃ  
 pariyāpuṇeyya, atha abhidhamman”ti aññena saha sampadhāraṇanti attho.  
 Yo kusalo dhammo uppajjeyya hetupaccayā, so kusalam dhammam paṭicca  
 siyāti etasmim atthe sati pacchājātavipākapaccayesupi sabbapucchānam  
 pavattito “yo kusalo dhammo uppajjeyya pacchājātapaccayā vipākapaccayā,  
 so kusalam dhammam paṭicca siyā”ti ayamatto viññāyeyya, tathā ca sati  
 pacchājātapaccayā vipākapaccayāti uppajjamānaṃ niddhāretvā tassa  
 kusalam dhammam paṭicca bhavanassa pucchanato kusalanam tehi  
 paccayehi uppatti anuññātāti āpajjati, na ca taṃtaṃpaccayā uppajjamānaṃ  
 kusalādīnaṃ kusalādīdhamme paṭicca bhavanamatthitā ettha pucchitā, atha  
 kho uppatti, evañca katvā vissajjane “kusalam dhammam paṭicca kusalo  
 dhammo uppajjati”ti uppattiyeva vissajjitāti, tasmā ayamatto sadosoti “**atha  
 vā**”ti atthantaravacanaṃ vuttaṃ.

Tattha “kusalo dhammo uppajjeyyā”ti uppattim anujānitvā  
 “hetupaccayā siyā etan”ti tassā hetupaccayā bhavanapucchanam,  
 “uppajjeyya hetupaccayā”ti hetupaccayā uppattim anujānitvā tassā “siyā  
 etan”ti bhavanapucchanañca na yuttaṃ. ANuññātañhi nicchitamevāti. Tasmā

---

1. Abhi 8. 10 piṭṭhe.

ananujānitvā “kusalaṃ dhammaṃ paṭicca kusalo dhammo uppajjeyya hetupaccayā”ti evaṃ yathāvuttaṃ uppajjanaṃ kiṃ siyāti pucchatīti daṭṭhabbaṃ. **Uppajjeyyāti** vā idampi sampucchanaeva, kusalaṃ dhammaṃ paṭicca kusalo dhammo kiṃ uppajjeyya hetupaccayāti attho. **Siyāti** yathāpucchitasseva uppajjanassa sambavaṃ pucchati “kiṃ evaṃ uppajjanaṃ siyā sambhaveyyā”ti, ayaṃ nayo siyāsaddassa pacchāyojane. Yathāṭhāneyeva pana ṭhitā “siyā”ti eṣā sāmāññapucchā, tāya pana pucchāya “idaṃ nāma pucchitan”ti na viññāyatīti tassāyeva pucchāya visesanatthaṃ “kusalaṃ dhammaṃ paṭicca kusalo dhammo uppajjeyya hetupaccayā”ti pucchati, evaṃ visesitabbavisesanabhāvena dvepi pucchā ekāyeva pucchāti daṭṭhabbā.

#### **Gamanussukkavacananti** gamanassa

samānakattukapacchimakālakiriyāpekkhavacananti attho. Yadi pi paṭigamanuppattīnaṃ purimapacchimakālatā natthi. Paccayapaccayuppannānaṃ pana sahaṭṭānampi paccayapaccayuppannabhāvena gahaṇaṃ purimapacchimabhāvene va hotīti gahaṇappavatti-ākāravasena paccayāyattatā-attapaṭilābhasaṅkhātānaṃ paṭigamanuppattikiriyānampi purimapacchimakālavohāro hotīti daṭṭhabbo. Gamaṇaṃ vā uppatti evāti gacchantassa paṭigamaṇaṃ uppajjantassa paṭi-  
uppajjanaṃ samānakiriyā. Paṭikaraṇaṃhi paṭisaddatthoti. Tasmā “kusalaṃ dhammaṃ”ti upayoganiddiṭṭhaṃ paccayaṃ uppajjamānaṃ paṭicca tadāyattuppattiyā paṭigantvāti ayamettha attho, tena **paṭiccāti** sahaṭṭapaccayaṃ katvāti vuttaṃ hoti. Sahaṭṭapaccayakaraṇaṃhi uppajjamānābhimukha-uppajjamānaṃ paṭigamaṇaṃ, taṃ katvāti paṭicca-saddassa atthoti.

35-38. **Tāsu pāliyaṃ dveye va dassitāti** hetārammaṇaduke dvinnaṃ pucchānaṃ dassitattā vuttaṃ. Ettha ca ekamūlakādibhāvo pucchānaṃ vuttoti veditabbo, paccayānaṃ pana vasena sabbapaṭṭhamo paccayantarena avomissakattā suddhikanayo, dutiyo ārammaṇādīsu ekekassa hetu eva ekamūlakanti katvā ekamūlakanayo. Evaṃ hetārammaṇadukādīnaṃ adhipati-ādīnaṃ mūlabhāvato dukamūlakādayo nayā veditabbā. Tevīsati mūlakanayo ca tato paraṃ mūlassa abhāvato “sabbamūlakan”ti pāliyaṃ vutto. Tattha napuṃsakaniddesena eka -pa- sabbamūlakam paccayagamaṇaṃ pāḷigamaṇaṃ vāti viññāyati, eka -pa- sabbamūlakam nayaṃ asammuyhantenāti upayogo

vā, idha ca sabbamūlakanti ca tevīsatiṃmūlakasseva vuttattā paccanīye vakkhati “yathā anulome ekekassa padassa ekamūlakam -pa- yāva tevīsatiṃmūlakam, evaṃ paccanīyepi vitthāretabban”<sup>1</sup>.

39-40. **“Ārammaṇapaccayā hetupaccayāti ettāvata ārammaṇapaccayaṃ ādim katvā hetupaccayapariyosāno ekamūlakanayo dassito”**ti vuttaṃ, evaṃ sati vinaye viya cakkabandhanavasena pāligati āpajjati, na heṭṭhimasodhanavasena. Heṭṭhimasodhanavasena ca idha abhidhamme pāli gatā, evaṃca katvā vissajjane “ārammaṇapaccayā hetuyā tīṇi, adhipatipaccayā tīṇi, adhipatipaccayā hetuyā nava, ārammaṇe tīṇi”<sup>2</sup>ti-ādinā heṭṭhimaṃ sodhetvāva pāli pavattā. Yo ceththa “ekamūlakanayo”<sup>2</sup>ti vutto, so suddhikanayova. So ca visesābhāvato ārammaṇamūlakādīsu na labbhati. Na hi ārammaṇādīsu tasmim tasmim ādimhi ṭhapitepi paccayantarena sambandhābhāvena ādimhi vuttasuddhikato visesattho labbhati, teneva vissajjanepi ārammaṇamūlakādīsu suddhikanayo na dassitoti, tasmā “ārammaṇapaccayā hetupaccayā ārammaṇapaccayā adhipatipaccayā -pa- ārammaṇapaccayā avigatapaccayā”<sup>2</sup>ti<sup>2</sup> ayam heṭṭhimasodhanavasena ekasmim ārammaṇapaccaye hetupaccayādike yojetvā vutto ekamūlakanayo daṭṭhabbo. **“Ārammaṇapaccayā -pa- avigatapaccayā”**ti vā ekamūlakesu anantarapaccayassa mūlakam ārammaṇam dassetvā ekamūlakādīni saṃkhipitvā sabbamūlakassāvasānena avigatapaccayena niṭṭhāpitanti daṭṭhabbam. **Adhipatipaccayā anantarapaccayā samanantarapaccayā sahajātapaccayā aññamaññapaccayāti** idam mūlameva dassetvā ekamūlakādīnam saṃkhipanam daṭṭhabbam, na suddhikadassanam, nāpi sabbamūlake katipayapaccayadassanam.

41. Tato nissayādīni mūlānipi saṃkhipitvā avigatamūlakanayaṃ dassetuṃ **“avigatapaccayā hetupaccayā”**ti-ādi āraddham. Etasmiṃca suddhikassa adassanena ārammaṇamūlakādīsu visum visum suddhikanayo na labbhatīti nāpito hoti. Na hi ādi katthaci saṃkhepantaragato hoti. Ādi-antehi majjhimānam dassanañhi saṃkhepo, ādito pabhuti

1. Abhi-Ṭṭha 3. 407 piṭṭhe.

2. Abhi 8. 15 piṭṭhe.

katicī vatvā gatidassanaṃ vāti. Dutiyacatukkaṃ vatvā “vigatapaccayā”ti padaṃ uddharitvā ṭhapitaṃ. Tena osānacatukkaṃ dasseti. tatiyacatukkato pabhuti vā pañcakamūlāni saṃkhipitvā sabbamūlakassa avasānena niṭṭhapeti.

Ettha ca dukamūlakādīsu yathā hetu-ārammaṇadukena saddhiṃ avasesā paccayā yojitā, hetārammaṇādhipatitīkādhī ca avasesāvasesā, evaṃ hetu-adhipatidukādīhi hetu-adhipati-anantaratikādīhi ca avasesāvasesā yojetabbā siyūṃ. Yadi ca sabbesaṃ paccayānaṃ mūlabhāvena yojitattā hetumūlake hetu-adhipati-ādīdukānaṃ adhipatimūlakādīsu adhipatihetu-ādīdukehi viseso natthi. Te eva hi paccayā uppaṭipāṭiyā vuttā, tathāpi ārammaṇamūlakādīsu ārammaṇādhipatidukādīnaṃ avasesāvasesehi, hetumūlake ca hetu-adhipati-anantaratikādīnaṃ avasesāvasesehi yojane atthi visesoti. Yasmā pana evaṃ yojyamānesupi sukhaggahaṇaṃ na hoti. Na ca yathāvuttāya yojanāya sabbā sā yojanā pañṇavatā na sakkā viññātum, tasmā tathā ayojetvā anupubbeneva yojanā katāti daṭṭhabbā. Dhammānaṃ desanāvīdhāne hi bhagavāva pamāṇanti. Gaṇanāgāthā ādimapāṭhe kāci viruddhā, tasmā suṭṭhu gaṇetvā gahetabbā.

**“Dvāvīsatiyā tikesu ekekaṃ tikaṃ dukānaṃ satena satenasaddhiṃ yojetvā”**ti vuttaṃ, taṃ dukatikapaṭṭhāne kesañci potthakānaṃ vasena vuttaṃ. Kesuci pana ekeko duko dvāvīsatiyā dvāvīsatiyā tikehi yojito, tañca gamaṇaṃ vuttaṃ. Na hi tattha tikassa yojanā atthi, atha kho tikānaṃ ekekena padena dukassāti. Tattha chasaṭṭhiyā tikapadesu ekekena saṃsanditvā chasaṭṭhi hetudukā, tathā sahetukadukādayo cāti dukānaṃ chasaṭṭhikāni chasahassāni honti. Tesu ekekasmim paṭiccavārādayo satta vārā nayā pucchā ca sabbā dukapaṭṭhāne hetudukena samānā.

**“Dukasate ekekaṃ dukam dvāvīsatiyā tikehi saddhiṃ yojetvā”**ti ca vuttaṃ, tampi tikadukapaṭṭhāne kesañci potthakānaṃ vasena vuttaṃ. Vuttanayena pana yuttagamānesu ekeko tiko dukasatena yojito. Tattha hetupadaṃ pakkhipitvā vutto eko kusalattiko, tathā nahetupadaṃ -paraṇapadanti kusalattikānaṃ

dve satāni honti, tathā vedanāttikādīnampīti sabbesaṃ catusatādhikāni cattāri sahaṣṣāni honti. Tesu ekekasmim vāranayapucchā tikapaṭṭhāne kusalattikena samānā.

“**Cha anulomamhi nayā sugambhīrā**”ti vacanato panāti etena idaṃ dasseti “anulomamhī”ti “tikādayo chanayā”ti ca avisesena vuttatā paṭiccavārādivasena sattavidhampi anulomaṃ saha gahetvā “**cha anulomamhī**”ti vuttam, anulomādivasena catubbidham tikapaṭṭhānam saha gahetvā “**tikañca paṭṭhānavaran**”ti, tathā catubbidhāni dukapaṭṭhānādīni saha gahetvā “**dukuttaman**”ti-ādim vatvā “**cha nayā sugambhīrā**”ti vuttanti imamattham gahetvā imasmim paccayānulome sattappabhede chapi ete paṭṭhānā paṭṭhānanayā catuppabhedā pucchāvasena uddharitabbāti. Evañhi sabbasmim paṭṭhāne sabbo paccayānulomo dassito hotīti. Paccanīyagāthādīsupi eseva nayo. Ettha ca dukatikapaṭṭhānādīsu **dukatikapāṭṭhānam**. Dukavisesitā vā tikā dukatikā, dukatikānam paṭṭhānam **dukatikapāṭṭhānanti** iminā nayena vacanatto veditabbo. Dukādivisesitassa cettha tikādīpadassa dukādībhāvo daṭṭhabbo. Dukapaṭṭhānameva hi tikapadasaṃsandanasena dukapadasaṃsandanasena ca pavattam dukatikapaṭṭhānam dukadukapaṭṭhānañca, tathā tikapaṭṭhānameva dukapadasaṃsandanasena tikapadasaṃsandanasena ca pavattam tikadukapaṭṭhānam tīkatikapāṭṭhānañcāti.

Paccayānulomavaṇṇanā niṭṭhitā.

## Pucchāvāra 2. Paccayapaccanīyavaṇṇanā

42-44. **Tevīsatiṃmūlakanti idañcetha dumūlakamīyeva sandhāya vuttanti** idaṃ dukamūlake pucchānam mūlabhūtā tevīsati dukā sambhavantīti tassa “tevīsatiṃmūlakan”ti nāmaṃ katvā yāva yattako pabhedo atthi, tāva tattakam tevīsatiṃmūlakam yathānulome vitthāritam. **Evaṃ paccanīyepi vitthāretabbanti** dukamūlakena tikamūlakādīsū nayam dassetīti iminā adhippāyena vutam siyā. Yadi pana yāva tevīsatiṃmam mūlam yathā vitthāritanti ayamatto adhippeto, “yāva tevīsatiṃmam mūlan”tveva pāṭhena

bhavitabbarā siyā. Na hi “tevisatimūlakan”ti etassa byañjanassa tevisatimārā mūlakanti ayamatto sambhavati. Yathā anulome “ekekapaḍassā”ti-ādinā pana ekamūlādisabbamūlakapariyosānārā tattha nayadassanavasena dassitarā ekekassa paḍassa vitthārā dassetīti sabbamūlakameva cettha “tevisatimūlakan”ti vuttanti vedittabbarā. tañhi tevisatiyā paccayānārā avasesassa paccayassa mūlabhāvato<sup>1</sup> “tevisatimūlakan”ti ca tato paramā mūlassa aññassa abhāvato “sabbamūlakan”ti ca vuccati.

Paccayapaccanīyavaṇṇanā niṭṭhitā.

### Pucchāvāra 3. Anulomapaccanīyavaṇṇanā

45-48. **Anulome vuttessu sabbessu ekamūlakādīsū ekekarā paḍarā parihāpetvāti** tattha ekamūlake catuvisati paccayapaḍāni idha ekamūlake tevisati, eko pana paccayo mūlabhāvena ṭhito apubbatābhāvato aḅaṇanupago. Tattha dumūlake tevisati paccayapaḍāni aḅaṇanupagāni, idha dumūlake dvāvisatīti evaṃ parihāpetvāti attho.

Anulomato ṭhitassa paccanīyato alabbhamānānārā suddhikapaccayānañca alabbhamānatarā sandhāya “**labbhamānapaḍānan**”ti vuttarā. Na hi aññathā pucchāvasena koci paccayo alabbhamāno nāma atthīti. Vissajjanāvaseneva vā pavattarā anulomapaccanīyadesanārā sandhāya “**labbhamānapaḍānan**”ti vuttarā.

Anulomapaccanīyavaṇṇanā niṭṭhitā.

Pucchāvāravaṇṇanā niṭṭhitā.

### 1. Kusalattika 1. Paṭiccavāravaṇṇanā

#### 1. Paccayānuloma 1. Vibhaṅgavāra

53. **Yā kusalattike labhanti, na tāyeva vedanāttikādīsūti** tikapaḍānānattamattena vinā mūlāvasānavasena sadisatarā sandhāya

---

1. Mūlakabhāvato (Ka)



“**na tāyevā**”ti vuttaṃ, na ca kevalaṃ tikantareyeva, kusalattikepi pana yā paṭicavāre labhanti, na tāyeva paccayavārādīsūti sabbapucchāsamāharaṇaṃ idha kattabbameva. **Dhammānulomapaccanīye ca tikapaṭṭhāne vitakkattikapītittikānaṃ vissajjane sabbāpetā vissajjanaṃ labhantīti** ettha pītittikaggahaṇaṃ na kātabbaṃ. Na hi tattha ekūnapaññāya pucchā vissajjanaṃ labhantīti.

**Tena saddhinti** tena sahaṃjātapaccayabhūtena saddhinti attho daṭṭhabbo. “**Yāva nirodhagamaṇā uddhamṃpajjati**”ti ca “**uppādādayo vā pāpuṇāti**”ti ca vacanehi khaṇattayasamaṅgī uppajjati vuccatīti anuññātaṃ viya hoti, uppādakkhaṇasamaṅgīyeva pana evaṃ vuttoti daṭṭhabbo.

**Yasmā pana eko khandho ekassāti**-ādi idha kusalavacanena gahite khandhe sandhāya vuttaṃ. Vedanāttikādīsū pana ekaṃ khandhaṃ paṭicca dvinnāṃ, dve paṭicca ekassapi, hetudukādīsū ca saṅkhārakkhandhekadesaṃ paṭicca saṅkhārakkhandhekadesassapi uppatti vuttāti saha uppajjamānaṃ sabbesaṃ dhammānaṃ paccayo honto ekekassapi dukatikādibhedānaṃ paccayo nāma hotiyeva, tathā dukādibhedānaṃcāti.

“**Rūpena saddhim anuppattito āruppavipākaṇca na gahetabban**”ti vuttaṃ, taṃ pana na sabbasmim etasmim vacane gahetabbaṃ, atha kho “**cittasamuṭṭhānaṇca rūpan**”ti ettheva. Na kevalaṇca āruppavipākova, atha kho lokuttaravipākakiriyābyākatampi āruppe uppajjamānaṃ ettha na gahetabbaṃ. “**Vipākābyākataṃ kiriyābyākataṃ ekaṃ khandhaṃ paṭicca tayo khandhā**”ti ettha pana na kiñci rūpena vinā saha vā uppajjamānaṃ sahetukaṃ vipākakiriyābyākataṃ aggahitaṃ nāma atthi. Tattha pana yaṃ rūpena saha uppajjati, tassa paccayuppannavisesaṃ dassetuṃ “**cittasamuṭṭhānaṇca rūpan**”ti vuttaṃ.

“**Vatthuṃ paṭicca khandhā**”ti ettake vattabbe paccayabhūtassa vatthussa “**kaṭattā ca rūpan**”ti etasmim sāmaññavacane paccayuppannabhāvena aggahitatāpattim nivāretuṃ “**khandhe paṭicca vatthū**”ti vuttaṃ. **Khandhe paṭicca vatthu, vatthuṃ paṭicca khandhāti** vā vatthukhandhānaṃ aññamaññapaccayabhūtānaṃ paccayabhāvavisesadassanattamaṃ aññamaññāpekkhaṃ vacanadvayaṃ vuttaṃ sāmaññena gahitampi visuṃ uddhaṭaṃ.

**Mahābhūtepi paṭicca uppattidassanattanti** yaṃ cittasamuṭṭhānarūpaṃ kaṭattārūpaṅca upādārūpaṃ upādārūpaggaḥaṇena vinā “khandhe paṭicca uppajjati”ti vuttaṃ, tassa mahābhūtepi paṭicca uppattidassanattanti attho. Etasmiṃ pana dassane khandhapaccayasahitāsahitaṅca sabbam upādārūpaṃ ito paresu saḥajātapaccayādīsu saṅgahitanti imamattam sandhāya “**kaṭattārūpaṃ paṭisandhiyampi**”ti pi-saddo vuttoti daṭṭhabbo.

**Mahābhūte paṭicca upādārūpanti vuttanayenāti** “mahābhūte paṭicca cittasamuṭṭhanam rūpaṃ kaṭattārūpaṃ upādārūpan”ti ettha atthato ayaṃ nayo vuttoti sandhāyāha.

54. **Rūpamissakā pahāyāti** yāsu pucchāsu rūpena vinā paccayuppannam na labbhati, atha kho rūpamissakameva labbhati, tā pahāyāti adhippāyo.

57. “**Tiṇṇam sannipātā gabbhassa avakkanti hoti**”ti vacanatoti gabbhaseyyakapaṭisandhiyā pañcakkhandhasabbhāvena tāya samānalakkhaṇā sabbāpi pañcavokārapaṭisandhi okkantināmakāti sādheti. Paripuṇṇadhammānam vissajjanam ettha atthīti **paripuṇṇavissajjanā**.

Ettha ca “ekam mahābhūtam paṭicca tayo -pa- mahābhūte paṭicca cittasamuṭṭhānam rūpaṃ kaṭattārūpaṃ upādārūpan”ti<sup>1</sup> ettāvata pañcavokāre sabbam cittakammasamuṭṭhānarūpaṃ dassitam. Avasesam pana dassetum “**bāhiraṇ**”ti-ādi vuttaṃ. Tattha **bāhiranti** etena anindriyabaddharūpaṃ dasseti, puna **āhārasamuṭṭhānam utusamuṭṭhānanti** etehi sabbam indriyabaddham āhāra-utusamuṭṭhānarūpaṃ. Tattha “utusamuṭṭhānam ekan”ti-ādinā asaṅṅasattānampi utusamuṭṭhānam vuttamevāti daṭṭhabbam. Na hi tattha tassa vajjane kāraṇam atthīti. Ādimhi pana “ekam mahābhūtam paṭiccā”ti-ādi avisesavacanam saḥajātam arūpampi paccayam hetādike ca paccaye bahutare labhantam cittasamuṭṭhānakaṭattārūpadvayam saha saṅgaṇhitvā vuttaṃ, evaṅca katvā tassa pariyosāne “mahābhūte paṭicca cittasamuṭṭhānarūpaṃ kaṭattārūpaṃ upādārūpan”ti<sup>1</sup> vuttaṃ, tasmā tattha kaṭattārūpaṃ cittasamuṭṭhānasambandham taṃsamānagatikam pañcavokāre vattamānameva gahitanti aggahitam kaṭattārūpaṃ dassetum “**asaṅṅasattānam ekam mahābhūtam paṭiccā**”ti-ādi vuttaṃ, tasmā upādārūpaṃ

idhapi kammaṭṭhānānaṃ viya “mahābhūte paṭicca kaṭattārūpaṃ upādārūpaṃ”<sup>1</sup> kaṭattārūpabhāvavasiṭṭhaṃ upādārūpaṃ gahitanti daṭṭhabbāṃ. Na hi vuttassa utusamuṭṭhānassa punavacane payoṇaṃ atthīti.

Kasmā pana yathā bāhirādīsu “mahābhūte paṭicca upādārūpaṃ”<sup>1</sup> avisesetvā upādārūpaṃ vuttaṃ, evaṃ avatvā cittakammaja-upādārūpāni “cittasamuṭṭhānaṃ rūpaṃ kaṭattārūpaṃ upādārūpaṃ”<sup>1</sup> ti hetupaccayādīsu saha “cittasamuṭṭhānaṃ rūpaṃ upādārūpaṃ asaṅghasattānaṃ -pa- kaṭattārūpaṃ upādārūpaṃ”<sup>1</sup> ti adhipatipaccayādīsu visum cittasamuṭṭhānarūpabhāvakaṭattārūpabhāvehi visesetvāva vuttānīti? Tattha bāhiraggahaṇādīhi viya ettha mahābhūtānaṃ kenaci avisesitattā. Apica iddhicittanibbattānaṃ kammaṭṭhānānaṃ iṭṭhāniṭṭhānaṃ bāhirarūpāyatanādīnaṃ cittaṃ kammaṅca hetādīsu na koci paccayo, āhāra-utusamuṭṭhānānaṃ pana cittaṃ pacchājātabhāvena upatthambhakameva, na janakaṃ, mahābhūtāneva pana tesāṃ sahaṇātibhāvena janakāni, tasmā satipi cittena kammena ca vinā abhāve hetādipaccayabhūtehi arūpehi uppajjamānāni cittasamuṭṭhānarūpakaṭattārūpabhūtāneva upādārūpāni honti, na aññānīti imaṃ visesaṃ dassetuṃ cittakammajesveva upādārūpesu visesaṃ kataṃ. Aññāni vā samānajātikena rūpeṇa samuṭṭhānāni pākāṭavisesanānevāti na visesaṃ arahanti, etāni pana asamānajātikēhi arūpehi samuṭṭhitāni visesaṃ arahantīti visesitānīti veditabbāni. yathā vā cittakammāni cittakammāsamuṭṭhānānaṃ savisesena paccayabhāvena paccayā honti sahaṇātibhāvato mūlakaraṇabhāvato ca, na evaṃ utu-āhārā taṃsamuṭṭhānānanti cittakammajāneva visum visesaṃ arahanti. Itarāni pana mahābhūtaviseseneva visesitāni, idha upādārūpavisesanena mahābhūtāni viya. Na hi aññataravisesanaṃ ubhayavisesanaṃ na hotīti.

**58. Aññamaññapaccaye khandhe paṭicca vatthu, vatthuṃ paṭicca khandhāti** khandhāvattūnaṃ aññamaññapaccayatādassanena pubbe visum paccayabhāvena dassitānaṃ khandhānaṃ ekato paccayabhāvo dassito hotīti iminā adhippāyēnāha “**catunnampi khandhānaṃ ekato vatthunā aññamaññapaccayatāṃ dassetuṃ vuttan**”<sup>1</sup> ti.

1. Abhi 8. 24 piṭṭhe.

“Khandhe paṭicca vatthū”ti idaṃ pana catunnampi khandhānaṃ ekato paṭiccatthapharaṇatādassanatthaṃ, “vatthuṃ paṭicca khandhā”ti vatthussa. Na kevalaṅca khandhānaṃ idheva, hetupaccayādisupi ayameva nayo. Tattha sabbesaṃ khandhānaṃ visuṃ paṭiccatthapharaṇataṃ dassetvā puna “vatthuṃ paṭicca khandhā”ti vatthussapi dassitāya “ekaṃ khandhaṅca vatthuṅca paṭicca tayo khandhā”ti-ādinā khandhavatthūnaṅca dassitāyeva hotīti daṭṭhabbā.

Kasmā panettha “kusalaṃ dhammaṃ paṭicca abyākato dhammo uppajjati aññamaññapaccayā, kusale khandhe paṭicca cittasamuṭṭhānā mahābhūtā”ti evamādi na vuttaṃ, nanu yadeva paṭiccatthaṃ pharati, na teneva aññamaññapaccayena bhavitabbaṃ hetupaccayādihi viya. Na hi yaṃ “ekaṃ tayo dve ca khandhe paṭiccā”ti vuttaṃ, te hetupaccayabhūtā eva honti. Esa nayo ārammaṇapaccayādisupi. Paccayavāre ca “abyākataṃ dhammaṃ paccayā kusalo dhammo uppajjati aññamaññapaccayā”ti<sup>1</sup> vuttaṃ, na vatthu kusalānaṃ aññamaññapaccayo hoti, atha ca pana tāmpaccayā khandhānaṃ aññamaññapaccayā uppatti vuttā eva. Yadiipi kusalā khandhā mahābhūtānaṃ aññamaññapaccayā na honti, tathāpi te paṭicca tesāṃ uppatti vattabbā siyāti? Na vattabbā khandhasahajātānaṃ mahābhūtānaṃ khandhānaṃ paccayabhāvābhāvato. Aññamañña-saddo hi na hetādisaddo viya nirapekkho, sahajātādisaddo viya vā aññatārāpekkho, atha kho yathāvuttetaretarāpekkho. Paccayapaccayuppannā ca khandhā mahābhūtā idha yathāvuttā bhaveyyuṃ, tesu ca mahābhūtā khandhānaṃ na koci paccayo. Yassa ca sayāṃ paccayo, tato tena tannissitena vā aññamaññapaccayena uppajjamānaṃ aññamaññapaccayā uppajjatīti vattabbataṃ arahati yathā khandhe paṭicca khandhā, vatthuṃ paccayā khandhā, tasmā attano paccayassa paccayattābhāvato tadapekkhattā ca aññamaññasaddassa khandhe paṭicca paccayā ca mahābhūtānaṃ aññamaññapaccayā uppatti na vuttā, na aññamaññapaccayā ca vuttā. Khandhā pana vatthuṃ paccayā uppajjamānā vatthussa pacchājātapaccayā honti, tannissitena ca aññamaññapaccayena uppajjanti, tasmā vatthuṃ paccayā khandhānaṃ kusalādināṃ aññamaññapaccayā uppatti vuttāti.

---

1. Abhi 8. 74 piṭṭhe.

59. **Na sā gahitā**ti cakkhāyatanādīni nissayabhūtāni paṭiccāti na vuttanti adhippāyo. Nissayapaccayabhāvena pana na cakkhāyatanādīni ārammaṇapaccayabhāvena rūpāyatanādīni viya na gahitānīti.

60. Dvīsu upanissayesu vattabbameva natthi, ārammaṇūpanissayampi pana ye labhanti, tesam vasena ārammaṇapaccayasadisanti evaṃ vuttanti dassetuṃ **“tattha kiñcāpī”**ti āha. Tattha “na sabbe akusalā abyākatā ārammaṇūpanissayaṃ labhanti”ti purimapāṭho. Kusalāpi pana mahaggatā ekantena, kāmāvacarā ca kadāci na labhanti **“na sabbe kusalā kusalābyākatā”**ti paṭhanti.

61. Purejātapaccaye yathā aññattha paccayaṃ aniddisitvāva desanaṃ katā, evaṃ akatvā kasmā **“vatthuṃ purejātapaccayā”**ti vuttanti? Niyamasabbhāvā. Hetu-ādīsu hi niyamo natthi. Na hi tehi uppajjamānānaṃ alobhādīsu kusalādīsu rūpādīsu ca ayameva paccayoti niyamo atthi, idha pana vatthu na vatthudhammesu purejātapaccayā uppajjamānānaṃ dhammānaṃ niyamato chabbidhaṃ vatthu purejātapaccayo hotīti imamatthaṃ dassetuṃ idaṃ vuttaṃ. Ārammaṇapurejātampi hi vatthupurejāte avijjamāne na labbhati, evaṃ katvā paṭisandhivipākassa napurejātapaccayā eva uppatti vuttā, paccuppannārammaṇassapi tassa purejātapaccayo na uddhaṭo. “Nevavipākanavipākadhammadhammaṃ paṭicca vipāko dhammo uppajjati purejātapaccayā”ti etassapi alābhato tattha **“purejāte tīṇī”**<sup>1</sup> vuttanti.

63. **Tathā paṭisandhikkhaṇe mahābhūtānanti** mahābhūtānaṃ ekakkhaṇikanānākkhaṇikakammaṇapaccayavaseneva tadupādārūpānampi vadatīti ca daṭṭhabbam. **Kaṭattārūpānanti** pavattiyam kaṭattārūpānanti adhippāyo.

64. **Yathālābhavasena**ti indriyarūpesu yaṃ yaṃ paṭisandhiyaṃ labbhati, tassa tassa vasena.

69. Vippayuttapaccayā uppajjamānānampi kesañci niyamato vatthu vippayuttapaccayo, kesañci khandhā, na ca samānavippayuttapaccayā eva kusalādike paṭicca uppajjamānā uppajjanti, atha kho nānāvipayuttapaccayāpi, tasmā

---

1. Abhi 8. 385 piṭṭhe.

taṃ viśesaṃ dassetuṃ **“vatthum vip̄payuttapaccayā, khandhe vip̄payuttapaccayā”**ti tattha tattha vuttaṃ. Tattha tadāyattavuttiṭāya paccayuppanno paccayaṃ paccayaṃ karotīti imassatthassa vasena upayogavacanaṃ daṭṭhabbaṃ. Vatthum khandhe vip̄payuttapaccayakaraṇatoti ayañhettha attho. Aṭṭhakathāyaṃ pana **“vatthum paṭicca vip̄payuttapaccayā, vatthunā vip̄payuttapaccayataṃ sād̄hentenā”**ti attho vutto, tattha kusalānaṃ khandhānaṃ vatthum paṭicca uppatti natthīti **“vatthum paṭicca”**ti na sakkā vatthunti, idaṃ pana paṭiccasaddena ayojetvā **“paṭicca uppajjanti vatthum vip̄payuttapaccayā”**ti yojetvā tassattho **“vatthunā vip̄payuttapaccayataṃ sād̄hentenā”**ti vuttoti daṭṭhabbo. Kiṃ pana paṭiccāti? Yaṃ **“ekaṃ khandhan”**ti-ādikaṃ pāḷiyaṃ paṭiccāti vuttaṃ. Tameva atthaṃ pākaṭaṃ katvā **“vatthum vip̄payuttapaccayāti khandhe paṭicca khandhā, vatthunā vip̄payuttapaccayataṃ sād̄hentenā”**ti paṭhanti. Anantarattā pākaṭassa abyākatacittasamuṭṭhānasseva gahaṇaṃ mā hotūti **“abyākatacittasamuṭṭhānampi kusalākusalacittasamuṭṭhānampī”**ti āha. Āsannampi dūrampi sabbanti vuttaṃ hotīti.

71-72. **“Ime vīsati paccayāti saṃkhipitvā dassitānaṃ vasetanaṃ vuttan”**ti vuttaṃ. Tattha yaḍi ekenapi desanaṃ saṃkhitānaṃ saṃkhitameva, ādimhi pana tayo paccayā vip̄payuttapaccayo ekampi padaṃ aparihāpetvā vitthāritāti te cattāro pacchājātaṅca vajjetvā **“ime ekūnavīsati paccayā”**ti vattabbaṃ siyā. Ettakā hi saṃkhipitvā dassitāti. Ye pana pāḷiyaṃ vitthāritānaṃ avitthāritaṅca sabbānaṃ saṅgahetvā vuttanti vadanti, tesāṃ **“ime tevīsati paccayā”**ti pāḷhena bhavitabbaṃ. Ādimhi pana tayo paccaye vitthārite vajjetvā yato pabhuti saṅkhepo āraddho, tato catutthato pabhuti saṃkhitānaṃ vitthāritaṅca saha gahetvā **“ime tevīsati paccayā”**ti vuttanti daṭṭhabbaṃ.

Vibhaṅgavāraṇṇanā niṭṭhitā.

## 1. Paccayānuloma 2. Saṅkhyāvāra

73. **Tathā purejātapaccayeti** yathā aññamaññapaccaye viśeso vibhaṅge atthi, tathā purejātapaccayepi atthīti attho. **“Vatthum purejātapaccayā”**ti hi tattha viśeso paṭisandhi-abhāvo cāti. **Vipākāni**

**ceva vīthiccittāni ca na labbhantīti** etena “kiriyaḅyākatam ekaṃ khandham paṭicca”<sup>1</sup>ti-ādike<sup>1</sup> vibhaṅge vipākābyākatābhāvaṃ kiriyaḅyākate ca ajavanassa sabbena sabbam alabbhamānataṃ visesaṃ dasseti.

74. **Ekamūlake dassitāya desanāya labbhamānagaṇanaññeva ādāyāti** idaṃ etasmim anulome suddhikanaye dassitagaṇanato tato paresu navesu aññissā abhāvaṃ sandhāya vuttam. Abahugaṇanena yuttassa tena samānagaṇanata ca imasmim anulomeyeva daṭṭhabbā. Paccanīye pana “nahetupaccayā nārammaṇe ekan”<sup>2</sup>ti-ādim<sup>2</sup> vakkhatīti.

76-79. **Te pana saṅkhipivā tevīsatiṃmūlakovettha dassitoti** ettha pacchājātavipākānaṃ parihīnattā “dvāvīsatiṃmūlako”<sup>3</sup>ti vattabbaṃ siyā sāsevanasavipākānaṃ vasena. Duvidhampi pana dvāvīsatiṃmūlakaṃ saha gaḅetvā saṅgahite tasmiṃ ubhayasabbhāvato “tevīsatiṃmūlako”<sup>3</sup>ti āhāti daṭṭhabbaṃ. Āsevanavipākānaṃ vā virodhābhāve sati pucchāya dassitanayena tevīsatiṃmūlakena bhavitabbaṃ, tassa ca nāmaṃ dvāvīsatiṃmūlake āropetvā “tevīsatiṃmūlako”<sup>3</sup>ti vuttanti ayamettha ruḅhī.

**Ārammaṇapade cevāti** etena ekamūlake aññapadāni vajjeti. Na hi ekamūlake hetādīsu tayovāti adhippāyo. Suddhikanayo pana ārammaṇamūlakādīsu na labbhatīti ārammaṇamūlake “navā”<sup>3</sup>ti etāya adhikagaṇanāya abhāvadassanattham “**ārammaṇe ṭhitena sabbattha tīṇeva pañhā**”<sup>3</sup>ti vuttam. Tattha kātabbāti vacanaseso. **Tīṇevāti** ca tato uddham gaṇanam nivāreti, na adho paṭikkhipati. Tena “vipāke ekan”<sup>3</sup>ti gaṇanā na nivāritāti<sup>3</sup> daṭṭhabbā. Tīsu ekassa antogadhatāya ca “tīṇevā”<sup>3</sup>ti vuttanti. **Itīti-**ādinā “sabbattha tīṇevā”<sup>3</sup>ti vacanena attano vacanam daḅham karoti.

80-85. **Ye -pa- taṃ dassetunti** etthāyamadhippāyo—yadipi avigaṭānantaram “ārammaṇapaccayā hetuyā tīṇī”<sup>3</sup>ti vuttepi ūnataragaṇanena saddhim saṃsandane yā gaṇanā labbhati, sā dassitā hoti,

1. Abhi 8. 19 piṭṭhe.

2. Abhi 8. 39 piṭṭhe.

3. Na vicāritāti (Ka)

tathāpi ūnataragaṇanehi samānagaṇanehi ca saddhiṃ saṃsandane ūnatarā samānā ca hoti, na evaṃ āvikaraṇavasena dassitā hoti, vipallāsyojanāya pana tathā<sup>1</sup> dasseti. Vacanena vā hi liṅgena vā atthavisesāvikaraṇaṃ hotīti. **Tenetam āvikarotīti** etthāpi evameva adhippāyo yojetabbo. Paccanīyādisupi pana “nārammaṇapaccayā nahetuyā ekaṃ -pa- novigatapaccayā nahetuyā ekaṃ”ti-ādinā<sup>2</sup> mūlapadaṃ ādimhiyeva ṭhapetvā yojanā katā, na ca tattha etaṃ lakkhaṇaṃ labbhati, tasmā mūlapadassa ādimhi ṭhapetvā yojanameva kamo, na cakkabandhananti “ārammaṇapaccayā hetuyā tīṇī”ti-ādi yojitaṃ, na ca viññāte atthe vacanena liṅgena ca payojanamattḥīti.

Paccayānulomavaṇṇanā niṭṭhitā.

### Paṭiccavāra paccayapaccanīyavaṇṇanā

86-87. “Ahetukaṃ vipākābyākatanti idaṃ rūpasamuṭṭhāpakavaseneva **veditabban**”ti vuttaṃ, sabbasaṅgāhakavasena panetaṃ na na sakkā yojetuṃ.

93. **Sahajātapurejātapaccayā saṅgahaṃ gacchantīti** ettha ca sahajātā ca hetādayo purejātā ca ārammaṇādayo paccayā saṅgahaṃ gacchantīti attho daṭṭhabbo. Na hi napacchājātapaccayā uppajjamānā dvīheva sahajātapurejātapaccayehi uppajjanti, atha kho pacchājātavajjehi sabbehīti.

94-97. **Nāhārapaccaye ekaccaṃ rūpameva paccayapaccayuppannanti**<sup>3</sup> yaṃ paṭicca uppajjati, so paccayo rūpamevāti katvā vuttaṃ. Yasmā pana paccayā uppajjati, so arūpampi hoti yathā kammaṃ kaṭattārūpassa.

99-102. Namaggapaccaye yadipi cittasamuṭṭhānādayo sabbe rūpakoṭṭhāsā labbhanti, tathāpi yaṃ maggapaccayaṃ labhati, tassa pahīnattā “**ekaccaṃ**

1. Yathā (?)

2. Abhi 8. 40 piṭṭhe.

3. Paccayuppannanti (Aṭṭhakathāyaṃ)



**rūpaṃ paccayuppannaṃ**”ti vuttaṃ, evameva pana nahetupaccayādīsipi ekaccarūpassa paccayuppannatā daṭṭhabbā.

107-130. **Nāhārana-indriyanajhānanamaggapaccayā sabbattha sadisavissajjanā**ti idaṃ etesu mūlabhāvena ṭhitesu gaṇanāya samānatam sandhāya vuttaṃ. Mūlānañhi idha vissajjanaṃ gaṇanāyeva, na sarūpadassananti. **Nasahajātādicatukkaṃ idhāpi parihīnamevā**ti suddhikanaye viya mūlesupi parihīnamevāti attho.

Paccayapaccanīyavaṇṇanā niṭṭhitā.

### Paṭiccavāra paccayānulomapaccanīyavaṇṇanā

131-189. **Hetādhipatimaggapaccayesu anulomato ṭhitesu -pa- aṭṭha paccanīyato na labbhantī**ti tiṇṇampi sādharmaṇaṃ paccanīyato alabbhamānaṃ sabbesaṃ saṅghavasena vuttaṃ, tasmā maggapaccaye itarehi sādharmaṇā satteva yojetabbā. Adhipatipaccaye anulomato ṭhite hetupaccayopi paccanīyato na labbhati, so pana maggena asādharmaṇoti katvā na vuttoti daṭṭhabbo. Yehi vinā arūpaṃ na uppajjati, te ekantikattā arūpaṭṭhānikāti idha vuttāti daṭṭhabbā, tena purejātāsevanapaccayā tehi vināpi arūpassa uppattito vajjitā honti. Sabbatṭhānikā aññamañña-āhārindriyā ca tehi vinā arūpassa anuppattito saṅgahitāti.

**Ūnataragaṇanānyeva vasenā**ti yadi anulomato ṭhitā ekakādayo dvāvīsati pariyosānā ūnataragaṇanā honti, tesaṃ vasena paccanīyato yojitassa tassa tassa gaṇanā veditabbā. Atha paccanīyato yojito ūnataragaṇano, tassa vasena anulomato ṭhitassapi gaṇanā veditabbāti attho. “Aññamaññapaccayā nārammaṇe ekaṃ”ti-ādivacanato<sup>1</sup> pana na idaṃ lakkhaṇaṃ ekantikaṃ.

Paccayānulomapaccanīyavaṇṇanā niṭṭhitā.

1. Abhi 8. 47 piṭṭhe.

**Paṭiccavāra paccayapaccanīyānulomavaṇṇanā**

190. **Sabbatthevā**ti na kevalaṃ hetumhiyeva, atha kho sabbesu paccayesu paccanīkato ṭhitesūti attho. Purejātaṃ āsevanañca alabhantaṃ kañci nidassanavasena dassento “**paṭisandhivipāko panā**”ti-ādimāha.

“**Purejātapacchājātāsevanavipākavippayuttesu paccanīkato ṭhitesu ekaṃ ṭhapetvā avasesā anulomato labbhantī**”ti idaṃ avasesānaṃ lābhamattaṃ sandhāya vuttaṃ. Na sabbesaṃ avasesānaṃ lābhanti daṭṭhabbaṃ. Yadipi hi pacchājāte pasaṅgo natthi “anulomato sabbattheva na labbhantī”ti apavādassa katattā, purejāto pana vippayutte paccanīkato ṭhite anulomato labbhantīti idampi avasesā sabbeti atthe gayhamāne āpajjeyya. Yampi keci “vippayuttapaccayarahite āruppepi ārammaṇapurejātassa sambhavaṃ ñāpetuṃ evaṃ vuttan”ti vadanti, tampi tesāṃ rucimattameva. Na hi yattha vatthupurejātaṃ na labbhanti, tattha ārammaṇapurejātabhāvena upakāraṃ hotīti dassitoyaṃ nayoti. **Yujjamānakavasesā**ti paccanīkato ṭhitassa ṭhapetabbattā vuttaṃ, yujjamānakapaccayuppannavasena vāti attho. “Maggapaccaye paccanīkato ṭhite hetupaccayo anulomato na labbhantī”ti purimapaṭho, adhipatipaccayopi pana na labbhantīti “**hetādhipatipaccayā anulomato na labbhantī**”ti paṭhanti. Adhipatipaccaye paccanīkato ṭhite pacchājātato añño anulomato alabbhamāno nāma natthīti na vicāritaṃ. Aññamaññe paccanīkato ṭhite “arūpānaṃyevā”ti vuttānava anulomato na labbhanti, tampi paccanīkato ṭhitehi ārammaṇapaccayādīhi sadisatāya suviññeyyanti na vicāritaṃ bhavissatīti.

191-195. **Yāva āsevanā sabbāṃ sadisanti** na aññamaññena ghaṭitassa mūlassa vitthāritattā tato parāni mūlāni sandhāya vuttaṃ. Tesu hi anulomato yojetabbapaccayā ca pañhā cātisabbaṃ sadisanti.

**Imasīṃ paccanīyānulometi** etassa “**imesampi pakiṇṇakānaṃ vasenettha gaṇanavāro asammohato veditabbo**”ti etena saha

sambandho. Tattha **etthā**ti etesu paccayesūti attho veditabbo. Imasmiṃ paccanīyānulome labbhamānesu paccayuppannadhammesupīti vā yojetabbaṃ. Tattha **pi**-saddena imamatthaṃ dīpeti—na kevalaṃ paccayesveva kismiñci paccanīkato ṭhite keci anulomato na labbhanti, atha kho paccayuppannadhammesupi koci ekaccaṃ paccayaṃ labhamāno kañci paccayaṃ na labhatīti. Tattha kamma-paccayaṃ labhamāno yebhuyyena indriya-paccayaṃ labhati, magga-paccayaṃ labhamāno yebhuyyena hetu-paccayaṃ, tathā ca jhāna-paccayaṃ labhamāno magga-paccayanti etesveva lābhālābhā vicāritā. **Yatthā**ti pañcavokārapavatte asaññesu ca. **Rūpadhammā**ti yathāvuttāni kaṭattārūpāneva sandhāya vadati. Na hi pañcavokārapavatte sabbe rūpadhammā hetādīni na labhantīti. “Hetādhipativipākindriya-paccaye na labhantī”ti purima-pāṭho, jhānamaggepi pana na labhantīti **“hetādhipativipākindriya-jhānamagga-paccaye na labhantī”**ti paṭhanti. Ye rūpadhammānaṃ paccayā honti, tesu arūpaṭṭhānikavajjesu ete yeva na labhantīti adhippāyo. Pacchājātāhāravippayuttapaccayepi hi pavatte kaṭattārūpaṃ labhatīti. Labbhamānā labbhamāna-paccaya-dassana-mattañcetaṃ, na tehi paccayehi uppatti-anuppattidassananti. Evaṃ indriya-paccayālābho jīvitindriyaṃ sandhāya vutto siyā. Yathāvuttesu hi dhammavasena pacchājātādittayampi alabhantaṃ nāma kaṭattārūpaṃ natthi. Ko pana vādo sabbatṭhānikakammesu<sup>1</sup>. Indriyaṃ pana alabhantaṃ atthi, kintaṃ? Jīvitindriyanti. Yadi evaṃ upādārūpāni sandhāya aññamañña-paccayampi na labhantīti vattabbaṃ, taṃ pana pākaṇanti na vuttaṃ siyā. Arūpindriyālābhaṃ vā sandhāya indriya-paccayālābho vuttoti daṭṭhabbo.

196-197. **Nārammaṇamūlakesu dukādīsu hetuyā pañcā**ti yadipi tikādīsu “hetuyā pañcā”ti idaṃ natthi, tathāpi dukādīsu sabbattha anuttānaṃ vattukāmo “dukādīsū”ti sabbasaṅgahavasena vatvā tattha yaṃ ādiduke vuttaṃ “hetuyā pañcā”ti, taṃ niddhāreti. Keci pana “nārammaṇamūlake hetuyā pañcā”ti pāṭhaṃ vadanti. “Aññamaññe ekanti bhūtarūpameva sandhāya vuttan”ti purima-pāṭho, vatthupi pana labhatīti **“bhūtarūpāni cevavattuñca sandhāya vuttan”**ti paṭhanti. **Timūlaketi** idhāpi dumūlakaṃ timūlakanti vadanti.

---

1. Sabbatṭhānikadhammesu (Ka)

203-233. **Nakammamūlake hetuyā tīṇīti-ādīsu cetanāva paccayuppannāti** idam “hetuyā tīṇī”ti evaṃpakāre cetanāmattasaṅgāhake sandhāya vuttanti daṭṭhabbam. **Ādi**-saddo hi pakāratthova hotīti. Sahajāta-aññamaññanissayāhāra-atthi-avigatesu pana rūpampi labbhatīti.

Paccayapaccanīyānulomavaṇṇanā niṭṭhitā.

Paṭiccavāraṇṇanā niṭṭhitā.

## 2. Sahajātavāraṇṇanā

234-242. **Kusalam dhammam sahajāto, kusalam ekam khandham sahajātoti-ādīsu sahajātasaddena sahajātapaccayakaraṇam** sahajātāyattabhāvagamanam vā vuttanti tassa karaṇassa gamanassa vā kusalādīnam kammabhāvato upayogavacanam katanti daṭṭhabbam. Esa nayo paccayavārādīsupi. Tatrāpi hi paccayasaddena ca nissayapaccayakaraṇam nissayāyattabhāvagamanam vā vuttam, saṃsaṭṭhasaddena ca sampayuttapaccayakaraṇam sampayuttāyattabhāvagamanam vāti taṃkammabhāvato upayogavacanam kusalādīsu katanti. **Sahajātampi ca upādārūpam bhūtarūpassa paccayo na hotīti** “paṭiccā”ti iminā vacanena dīpito paccayo na hotīti attho. **“Upādārūpam bhūtarūpassā”**ti ca nidassanavasena vuttam. Upādārūpassapi hi upādārūpam yathāvuttā paccayo na hoti, vatthuvajjāni rūpāni ca arūpānanti.

Sahajātavāraṇṇanā niṭṭhitā.

## 3. Paccayavāraṇṇanā

243. **Paccayāti** ettha pati ayo paccayo. Pati-saddo patiṭṭhattham dīpeti, aya-saddo gatim, patiṭṭhābhūtā gati nissayo paccayoti vuttam hoti, tato paccayo, paccayakaraṇato tadāyattabhāvagamanato vāti attho.

“Mahābhūte paccayā cittasamuṭṭhānaṃ rūpan”<sup>1</sup> bhūtupādārūpāni saha saṅgaṇhitvā vuttaṃ. Aṭṭhakathāyaṃ pana **cittasamuṭṭhāne ca mahābhūte nissāya cittasamuṭṭhānaṃ upādārūpanti** sayāṃ nissayo ahutvā nissaye uppajjamānena upādārūpena nidassanaṃ katanti daṭṭhabbāṃ.

255. **Asañña -pa- kaṭattārūpaṃ upādārūpanti** ettha yo paṭiccavāre sahaḷāte kamma-utujānaṃ, kamme ca ekantānekantakammajānaṃ vasena attho vutto, so nādhippeto eva “kaṭattārūpan”<sup>ti</sup> kammasamuṭṭhānarūpasseva sabbassa ca gahitattāti taṃ pahāya yathāgahitassa kaṭattārūpassa viśesanavasena “**upādārūpasaṅkhātaṃ kaṭattārūpan**”<sup>ti</sup> atthamāha. Mahābhūte pana paṭicca paccayā ca mahābhūtānaṃ uppatti na nivāretabbāti upādārūpaggaḷaṇena kaṭattārūpaggaḷaṇaṃ aviśesetvā upādārūpānaṃ nivattetabbānaṃ atthitāya kaṭattārūpaggaḷaṇeneva upādārūpaggaḷaṇassa viśesanaṃ daṭṭhabbāṃ.

269-276. “Abyākatena abyākataṃ, kusalaṃ, akusalaṃ”<sup>ti</sup> vattabbe “abyākatena kusalaṃ, akusalaṃ, abyākatan”<sup>ti</sup>, “kusalaṃ dhammaṃ paṭicca kusalo ca akusalo ca dhammā kusalassāti anāmasitvā”<sup>ti</sup> ca purimapāṭhe pamādalekhā daṭṭhabbā.

286-287. **Nahetupaccayā napurejāte dveti** ettha aṭṭhakathāyaṃ “āruppe pana ahetukamohassa ahetukakiriyassa vasena dveti vuttā, navippayutte dveti āruppe ahetukākusalakiriyavasena”<sup>ti</sup> vuttaṃ, taṃ labbhamānesu ekadesena nidassanavasena vuttanti daṭṭhabbāṃ. Āruppe pana ahetukamohassa ahetukakiriyāya ahetukapaṭisandhiyā ekaccassa ca rūpassa vasena dve vuttāti, navippayutte dveti āruppe ahetukākusalakiriyā-ekaccarūpānaṃ vasenāti vuttanti. “**Nonatthinovigatesu ekanti sabbarūpassa vasenā**”<sup>ti</sup> vuttaṃ, nahetumūlakattā imassa nayassa hetupaccayaṃ labhantaṃ na labbhatīti “ekaccassa rūpassa vasenā”<sup>ti</sup> bhavitabbāṃ. Cakkhādidhammasavasena pana cittasamuṭṭhānādikoṭṭhāsavasena vā sabbāṃ labbhatīti “sabbarūpassā”<sup>ti</sup> vuttaṃ siyā.

---

1. Abhi 8. 70 piṭṭhe.

289-296. **Āgatānāgatanti** pañhavasena vuttam,  
**labbhamānālabbhamānanti** āgate ca pañhe  
 labbhamānālabbhamānadhamavasena.

Paccayavāraṇṇanā niṭṭhitā.

---

#### 4. Nissayavāraṇṇanā

329-337. **Paccayavārena nissayapaccayabhāvanti** nissayavāre vuttassa  
 nissayapaccayabhāvaṃ niyametunti attho.

Nissayavāraṇṇanā niṭṭhitā.

---

#### 5. Samsaṭṭhavāraṇṇanā

351-368. Samsaṭṭhavāre paccanīye “navippayutte paṭisandhi natthī”ti  
 idaṃ vatthuvirahitāya paṭisandhiyā visum anuddharaṇato vuttam.  
 Paṭiccavārādīsu hi sahaḥjātassa paccayabhāvadassanattam savatthukā  
 paṭisandhi uddhaṭā, sā idhāpi adhipatipurejātāsevanesu  
 nakammanavipākanajhānavipayuttesu na labbhati, aññesu ca anulomato  
 paccanīyato ca labbhamānapaccayesu labbhatīti imassa visesassa  
 dassanattam uddhaṭāti. **Sesā terasa na labbhantīti** ettha “sesā cuddasā”ti  
 bhavitabbaṃ. **Na jhāne ekanti ahetukapañcaviññāṇavasenāti**  
 pañcaviññāṇaṃ hetupaccayavirahitamattadassanattam ahetukaggahaṇaṃ  
 katanti daṭṭhabbaṃ, “**namagge ekanti ahetukakiriyavasenā**”ti vuttam,  
 “ahetukavipākakiriyavasenā”ti bhavitabbaṃ.

369-391. **Heṭṭhā vuttanayenevāti** paṭiccavāre anulomapaccanīye  
 vuttanayena. “**Nahetupaccayuppannesu ahetukamohova**  
**jhānamaggapaccayaṃ labhati, sesā na labhantī**”ti vuttam, sesesu pana  
 pañcaviññāṇavajjāhetukakkhandhā taṃsamuṭṭhānā paccayuppannadhammā  
 jhānapaccayaṃ labhanti, na paccanīyanulome dvinnam paccayānaṃ  
 anulomena saha yojanā atthīti jhānamaggapaccayaṃ sahitaṃ labhatīti ca na  
 sakkā vuttam, tasmā “ahetukamohova maggapaccayaṃ labhatī”ti vattabbaṃ.

Samsaṭṭhavāraṇṇanā niṭṭhitā.

## 6. Sampayuttavāraṇṇanā

392-400. Sadisaṃ sampayuttaṃ saṃsaṭṭhaṃ vokiṇṇaṅca saṃsaṭṭhaṃ na hotīti ubhayaṃ aññaṃaññaṃpekkhaṃ vuccamānaṃ aññaṃaññaṃssa niyāmakaraṃ hotīti.

Sampayuttavāraṇṇanā niṭṭhitā.

## 7. Pañhāvāravibhaṅgavaṇṇanā

401-403. **Yehi paccayehi kusalo kusalassa paccayo hoti, te paccaye paṭipāṭiyā dassetunti** yathākkamena āgatāgatapaṭipāṭiyā dassetunti attho. **Kusalo kusalassāti** nidassanamattametam, tena kusalo kusalādīnaṃ, akusalo akusalādīnaṃ, abyākato abyākatādīnaṃ, kusalābyākatā kusalādīnanti-ādiko sabbo pabhedo nidassito hotīti yathānidassite sabbe gahetvā āha “**te paccaye paṭipāṭiyā dassetun**”ti.

404. **Datvāti** ettha **dā**-saddo sodhanatthopi hotīti mantvā āha “**visuddhaṃ katvā**”ti. **Tesañhi taṃ cittanti** tesanti vattabbatārahaṃ sakadāgāmaggādipurecārikam taṃ gotrabhucittanti adhippāyo. **Vipassanākusalaṃ pana kāmāvacaramevāti** paccayuppannaṃ bhūmito vavatthapeti. **Tenevāti** dhammavaseneva dassanato, desanantarattāti adhippāyo.

405. Assādanaṃ sarāgassa somanassassa sasomanassassa rāgassa ca kiccanti āha “**anubhavati ceva rajjati cā**”ti. Abhinandanam pītikiccasahitāya taṇhāya kiccanti āha “**sappītikataṇhāvasenā**”ti. **Diṭṭhābhinandanā** diṭṭhiyeva. Ettha pana pacchimatthameva gahetvā “**abhinandantassa attā attaniyanti-ādivasena -pa- diṭṭhi uppajjati**”ti vuttaṃ. Abhinandanā pana diṭṭhābhinandanāyevāti na sakkā vuttuṃ “bhāvanāya pahātabbo dhammo bhāvanāya pahātabbassa dhammassa ārammaṇa -pa- bhāvanāya pahātabbam rāgaṃ assādeti abhinandati”ti<sup>1</sup> vacanato, tasmā purimopi attho vuttoti daṭṭhabbo. Dvīsu pana somanassasahagatacittesu yathāvuttena

1. Abhi 9. 159 piṭṭhe.

somanassena rāgena ca assādentassa tesuyeva sappītikataṇhāya catūsupi diṭṭhābhinandanāya abhinandantassa ca diṭṭhi uppajjatītipi sakkā yojetum. **Jātivasenāti** suciṅṅasāmaññavasenāti attho.

406. **Tadārammaṇatāti** tadārammaṇabhāvena. Vibhattilopi hettha katoti. Bhāvavantato vā añño bhāvo natthīti bhāvene va vipākāṃ viseseti, vipāko tadārammaṇabhāvabhūtoti attho.

Viññāṇaṅcāyatananevasaññānāsaññāyatanavipākānaṃ viya na kāmāvacaravipākānaṃ niyogato vavatthitaṃ idaṅca kammaṃ ārammaṇanti taṃ labbhamānampi na vuttaṃ. Tadārammaṇena pana kusalārammaṇabhāvena samānalakkhaṇatāya kammārammaṇā paṭisandhi-ādayopi dassitāyevāti daṭṭhabbā. **Paṭilomato vā ekantarikavasena vāti** vadantena anulomato samāpajjane yebhuyyena āsannasamāpattiyā ārammaṇabhāvo dassitoti daṭṭhabbo. Yathā pana paṭilomato ekantarikavasena ca samāpajjantassa anāsannāpi samāpatti ārammaṇaṃ hoti, evaṃ anulomato samāpajjantassapi bhaveyyāti. **“Cetopariyaññassāti-ādīni parato āvajjanāya yojetabbāni”**ti vatvā **“yā etesaṃ āvajjanā, tassā”**ti attho vutto, evaṃ sati “iddhividhaññassā”tipi vattabbaṃ siyā. Yasmā pana kusalā khandhā abyākatassa iddhividhaññassā ārammaṇaṃ na hontīti taṃ na vuttaṃ, cetopariyaññādīnaṅca hontīti tāni vuttāni, tasmā kiriyānaṃ cetopariyaññādīnaṃ yāya kāyaci āvajjanāya ca kusalārammaṇāya kusalā khandhā ārammaṇapaccayena paccayoti evamattho daṭṭhabbo.

407-409. **Vipparisāradivasena vāti ādi-**saddena ādīnavadassanena sabhāvato ca anīṭṭhatāmattaṃ saṅgaṇhāti, akkhantibhedā vā.

410. **Rūpāyatanam cakkhuviññāṇassāti-**ādīnā viññāṇakāyehi<sup>1</sup> niyatārammaṇehi abyākatassa abyākatānaṃ ārammaṇapaccayabhāvaṃ nidasseti. Sabbassa hi vuttum asakkuṇeyyattā ekasmiṃ santāne dhammānaṃ ekadesena nidassanaṃ karotīti.

---

1. Cakkhuviññāṇakāyehi (Ka)



413-416. **Catubhūmakam kusalam** ārammaṇādhipatipaccayabhāvena dassitam, paccayuppannam pana kāmāvacarameva.

417. Apubbato cittasantānato vuṭṭhānam bhavaṅgameva, tam pana mūlāgantukabhavaṅgasaṅkhātā tam tadārammaṇam pakatibhavaṅgaṇca. **Anulomaṁ sekkhāya phalasaṁpattiyāti** ettha kāyaci sekkhaphalasaṁpattiyā avajjetabbattā vattabbaṁ natthīti nevasaññānāsaññāyatanakusalam phalasaṁpattiyāti imaṁ nibbisesanam phalasaṁpattim uddharitvā dassento āha **“phalasaṁpattiyāti anāgāmiphalasaṁpattiyā”**ti. **Kāmāvacarakiriyā duvidhassapi vuṭṭhānassāti** ettha kiriyānantaram tadārammaṇavuṭṭhāne yaṁ vattabbaṁ, tam cittuppādakaṇḍe vuttameva.

**Tā ubhopi -pa- dvādasannanti** idaṁ somanassasahagatamanoviññāṇadhātuvasena vuttam, upekkhāsahagatā pana yathāvuttānam dasannaṁ viññāṇadhātūnam voṭṭhabbanakiriyassa manodhātukiriyassa cāti dvādasannaṁ hotīti daṭṭhabbaṁ.

423. Dānādipuññakiriyāyattā sabbasampattiyo paṭivijjhivāti sambandho. **Na panetaṁ ekantena gahetabbanti** “balavacetanāva labbhati, na dubbalā”ti etaṁ ekantaṁ na gahetabbaṁ, daḷhaṁ vā na gahetabbanti adhippāyo. Kiṁ kāraṇanti? Balavato dubbalassa vā katokāsassa antarāyaṁ paṭibāhitvā vipaccanato “yaṁkañci yadi vipākaṁ janeti, upanissayo na hotī”ti navattabbattā cāti dassento **“katokāsañhī”**ti-ādimāha. Vipākattike pana pañhāvārapaccanīye “vipākadhammadhammo vipākassa dhammassa ārammaṇapaccayena paccayo, upanissayapaccayena paccayo, kammaṇapaccayena paccayo”ti<sup>1</sup> kammaṇapaccayassa visum uddhaṭṭā, vedanāttike ca pañhāvārapaccanīye “nahetupaccayā na-ārammaṇapaccayā na-upanissaye aṭṭhā”ti<sup>2</sup> vuttattā “vipākajanakampi kiñci kammaṁ upanissayapaccayo na hotī”ti sakkā vattunti.

**Tasmiṁ vā viruddhoti** taṁnimittaṁ viruddho, **viruddhanti** vā pāṭho. **Omānanti** parassa pavatta-omānam. **Rāgo** rañjanavasena pavattā kāmāragataṇhā, “iti me cakkhum siyā anāgatamaddhānam, iti rūpā”ti appaṭiladdhassa paṭilābhāya cittapaṇidahanataṇhā **patthanāti** ayametesam viseso.

1. Abhi 8. 365, 373, 376 piṭṭhesu.

2. Abhi 8. 330 piṭṭhe.

**Tesu aññampīti** tesu yaṁkiñci pubbe hanitato aññampi pāṇaṁ hanatīti attho.

**Punappunam āṇāpanavasena vāti** mātughātakammena sadisatāya pubbe pavattāyapi āṇattacetanāya mātughātakammanāmaṁ āropetvā vadanti. Esa nayo **dvīhi pahārehīti** etthāpi.

**Yatheva hi -pa- uppādeti nāmāti** rāgaṁ upanissāya dānaṁ detīti rāgaṁ upanissāya dānavasena saddhaṁ uppādetīti ayamattho vutto hotīti iminā adhippāyena vadati. Yathā rāgaṁ upanissāya dānaṁ detīti-evamādi hoti, evaṁ rāgādayo saddhādīnaṁ upanissayapaccayoti idampi hotīti dasseti. **Kāyikaṁ sukhanti-ādīnaṁ** ekato dassanena visumyeva na etesaṁ paccayabhāvo, atha kho ekatopīti dassitaṁ hotīti daṭṭhabbāṁ.

425. **Upatthambhakattena paccayattāyevāti** etena idaṁ dasseti—na purimavāresu viya imasmiṁ paccayena uppatti vuccati, atha kho tassa tassa paccayuppannessa tesam tesam dhammānaṁ taṁtaṁpaccayabhāvo, na ca pacchājātakhandhā upatthambhakattena paccayā na hontī, tenesa pacchājātapaccayo idha anulomato āgatoti.

427. **Cetanā vatthussapi paccayoti** attano patiṭṭhābhūtassapi kammaṁpaccayoti adhippāyo.

Kasmā panettha paccayavāre viya nissaya-atthi-avigatesu dumūlakadukāvasānā pañhā na uddhaṭṭati? Alabbhamānattā. Tattha hi paccayuppannappadhānattā desanāya kusalo ca abyākato ca dhammā ekato uppajjamānā kusalābyākatapaccayā labbhantīti “kusalañca abyākatañca dhammaṁ paccayā kusalo ca abyākato ca dhammā uppajjantī”ti<sup>1</sup> vuttam. Yato tato vā ubhayapaccayato paccayuppannessa uppattimattaṁyeva hi tattha adhippetam, na ubhayassa ubhinnaṁ paccayabhāvoti. Idha pana paccayappadhānattā desanāya kusalābyākatā kusalābyākatānaṁ ubhinnaṁ nissayādibhūtā na

---

1. Abhi 8. 71 piṭṭhe.

labbhantīti “kusalo ca abyākato ca dhammā kusalassa ca abyākatassa ca dhammassa nissayapaccayena paccayo”ti-ādi na vuttam.

Pañhāvāravibhaṅgavaṇṇanā niṭṭhitā.

### Pañhāvārassa ghaṭane anulomagaṇanā

439. “**Ettha pana purejātampi labbhati**”ti vuttam, yadi evam kasmā “tathā”ti vuttanti? “Tīṇī”ti gaṇanamattasāmaññato.

440. “Adhipatipaccaye ṭhapetvā vīmaṃsaṃ sesādhipatino visabhāgā”ti purimapāṭho nidassanavasena daṭṭhabbo. Yasmā pana hetupaccayassa visabhāgena ekena ārammaṇena nidassanam akatvā anantarādīni vadanto sabbe visabhāge dasseti, tasmā indriyamaggapaccayā ca visabhāgā dassetabbāti “adhipatindriyamaggapaccayesu ṭhapetvā paññaṃ sesā dhammā visabhāgā”ti paṭhanti. **Tathā bhāvābhāvato** hetupaccayabhāve sahajātādipaccayabhāvato. Nanu yathā amohavajjānam hetūnam hetupaccayabhāve adhipatindriyamaggapaccayabhāvo natthīti paññāvajjānam adhipatipaccayādīnam visabhāgatā, evam kusalādihetūnam hetupaccayabhāve vipākapaccayabhāvābhāvato hetuvajjānam vipākānam visabhāgatāya bhavitabbanti? Na bhavitabbaṃ ubhayapaccayasahite cittacetasarāsīmhi hetupaccayabhāve vipākapaccayattābhāvābhāvato. Yathā hi hetusahajātapaccayasahitarāsīmhi satipi hetuvajjasabbhāve hetūnam hetupaccayabhāve sahajātapaccayattābhāvo natthīti na hetuvajjānam sahajātānam hetussa visabhāgatā vuttā, evamidhāpīti. Esa nayo vippayuttapaccayepi. Apica paccayuppannasewa paccayā vuccantīti paccayuppannakkhaṇe tathā bhāvābhāvavasena<sup>1</sup> sabhāgatāya vuccamānāya nānākkhaṇavasena visabhāgatā tasseva na vattabbāti.

**Kusalā vīmaṃsāti** idaṃ “kusalā vīmaṃsādhipatī”ti evam vattabbaṃ. Na hi anadhipatibhūtā vīmaṃsā adhipatipaccayo hotīti.

1. Tathābhāvābhāvavasena (Ka)

441-443. “**Sace pana vippayuttapaccayo pavisati, itarāni dve labhatī**”ti purimapāṭho, “kusalo dhammo kusalassa ca abyākatassa cā”ti idaṃ pana na labbhatīti “kusalo abyākatassa, abyākato abyākatassāti dve labhatī”ti paṭhanti. **Ūnataragaṇanesūti** yesu pavitṭhesu ūnatarā gaṇanā hoti, tesūti attho. Tīṇi dve ekanti<sup>1</sup> evaṃ ūnataragaṇanesu vā aññamaññādīsu pavisantesu tesam vasena tikato ūnaṃ yathāladdhañca ekanti gaṇanaṃ labhatīti attho.

**Avipākānīti** anāmaṭṭhavipākānīti attho, na vipākaheturahitānīti.

**Tattha sabbepi sahajātavipākā cevāti** tattha ye sahajātā paccayuppannā vuttā, te sabbepi vipākā ceva vipākasahajātārūpā cāti attho.

**Taṃsamuṭṭhānarūpā cāti** ettha paṭisandhiyaṃ kaṭattārūpampi taṃsamuṭṭhānaggahaṇeneva saṅgaṇhātīti veditabbaṃ.

“Taṃsamuṭṭhānarūpakaṭattārūpā ca labbhanti”tipi paṭhanti. **Catutthe vipākacittasamuṭṭhānarūpamevāti** etthāpi eseva nayo. “Kaṭattārūpañcā”tipi pana paṭhanti.

**Evampīti** “etesu pana ghaṭanesu sabbapaṭhamānī”ti-ādinā vuttanayenapi. Ghaṭanesu pana yo yo paccayo mūlabhāvena ṭhito, taṃpaccayadhammānaṃ niravasesa-ūna-ūnatarā-ūnatamalābhakkamena ghaṭanā vuccati, niravasesalābhe ca paccayuppannānaṃ niravasesalābhakkamena. Tathā<sup>2</sup> ūnalābhādīsūti ayaṃ kamo veditabbo.

Hetumūlakam niṭṭhitā.

445. Vatthivasena sanissayaṃ vakkhatīti na idaṃ labbhamānassapi vatthussa vasena ghaṭananti adhippāyenāha “**ārammaṇavaseneva vā**”ti.

446. **Sahajātena pana saddhiṃ ārammaṇādhipati, ārammaṇādhipatinā ca saddhiṃ sahajātaṃ na labbhatīti** idaṃ yathā sahajātāpurejātā eko nissayapaccayo atthipaccayo ca honti, evaṃ sahajātārammaṇādhipatīnaṃ ekassa adhipatipaccayabhāvassa abhāvato

1. Tīṇi pañca ekanti (?)

2. Tato(?)

vuttaṃ. Nissayabhāvo hi atthi-avigatabhāvo ca saha-jātapurejātanissayādīnaṃ samāno, na panevaṃ saha-jātārammaṇādhipatibhāvo samāno. Sahajāto hi ārammaṇabhāvaṃ anupagantvā attanā saha pavattanavasena adhipati hoti, itaro ārammaṇaṃ hutvā attani ninnatākaraṇena. Sahajāto ca vijjamānabhāveneva upakārako, itaro atītānāgatopi ārammaṇabhāveneva, tasmā saha-jātārammaṇapaccayā viya bhinnasabhāvā saha-jātārammaṇādhipatinoti na te ekato eva adhipatipaccayabhāvaṃ bhajanti, teneva pañhāvāravibhaṅge ca “kusalo ca abyākato ca dhammā kusalassa dhammassa adhipatipaccayena paccayo”ti-ādi na vuttanti.

447-452. Sāhārakaghaṭanānaṃ purato vīriyacittavīmaṃsānaṃ sādharmaṇavasena anāhārakāmagga-kāni sa-indriyaghaṭanāni vattabbāni siyūṃ “adhipatisaha-jātanissaya-indriya atthi-avigatanti satta. Adhipatisaha-jāta-añña-mañña-nissaya-idriyasampayutta-atthi-avigatanti tīṇi. Adhipatisaha-jātanissaya-indriyavippayutta-atthi-avigatanti tīṇi. Adhipatisaha-jātanissayavipāka-indriya-atthi-avigatanti ekaṃ. Adhipatisaha-jāta-añña-mañña-nissayavipāka-indriyasampayutta-avigatanti ekaṃ. Adhipatisaha-jātanissayavipāka-indriyavippayutta-atthi-avigatanti ekaṃ”ti. Kasmā tāni na vuttānīti? Indriyabhūtaṃ adhipatiṃ āhāramaggehi aññaṃ abhāvā. Cittādhipati hi āhāro, vīriyavīmaṃsā ca maggo hoti, na ca añño indriyabhūto adhipati atthi, yassa vasena anāhārakāmagga-kāni sa-indriyaghaṭanāni vattabbāni siyūṃ, tasmā tāni avatvā cittādhipati-ādīnaṃ ekantena āhāramaggabhāvadassanattamaṃ sāhārakasamaggakāneva vuttāni. Tesu ca samaggakesu dve paccayadhammā labbhanti, sāhāra-kesu ekoyevāti samaggakāni pubbe vattabbāni siyūṃ. Sa-indriyakāni pana yehi āhāramaggehi bhinditabbāni, tesam kamavasena pacchā vuttāni. Aṭṭhakathāyaṃ pana **sadisattāti** samaggakattena samānattā, anantararūpattāti vā attho.

457-460. **Kusalābyākato abyākatassāti cattārīti** abyākatasahitassa kusalassa paccayabhāvadassanavasena kusalamūlake sveva dumūlakampi āharitvā vuttaṃ. **Abyākate vatthurūpampīti** idam

“kaṭattārūpampī”ti evaṃ vattabbaṃ. **“Dutiyaḡhaṭane abyākatavissajjane rūpesu vatthumeva labbhaṭī”**ti purimapaṭṭho, bhūtarūpampi pana labbhaṭīti “vatthuñca bhūtarūpañca labbhaṭī”ti paṭhanti. **“Catutthe cittasamuṭṭhānarūpamevā”**ti vuttaṃ, “cittasamuṭṭhānarūpaṃ paṭisandhikkhaṇe kaṭattārūpañcā”ti pana vattabbaṃ. **Savipākesu paṭhame vipākā ceva vipākacittasamuṭṭhānarūpañcā**ti ettha **catutthe vipākacittasamuṭṭhānamevā**ti idha ca kaṭattārūpampi vipākacittasamuṭṭhānaggahaṇena gahitanti daṭṭhabbaṃ. “Kaṭattārūpañcā”tipi pana paṭhanti. Ettha pana sahaḡāta-aññamaññanissayavipāka sampayuttavippayutta-atthi avigatamūlakesu ḡhaṭanesu hetukammajhānamaggehi ḡhaṭanāni na yojitāni, yathāvuttesu atthi-avigatamūlavajjesu āhārena, nissayavippayutta-atthi-avigatavajjesu adhipati-indriyehi ca. Kasmāti? Tesu hi yojiyamānesu taṃtaṃcittuppādekadesabhūtā hetu-ādayo arūpadhammāva paccayabhāvena labbhanti. Tena tehi ḡhaṭanāni hetumūlakādīsu vuttasadisāneva rūpamissakattābhāvena suviññeyyānīti na vuttāni. Atthi-avigatehi pana yojiyamāno āhāro nissayādīhi adhipati-indriyāni ca rūpamissakāni hontīti adhipatāhārindriyamūlakesu vuttasadisānīpi ḡhaṭanāni atthi-avigatamūlakesu nissayādimūlakesu ca āhārena adhipatindriyehi ca supākaṭabhāvattamaṃ yojitānīti daṭṭhabbānīti.

462-464. Nissayamūlake **“chaṭṭhe tīṇīti kusalādīni cittasamuṭṭhānassā”**ti purimapaṭṭho, cakkhādīni pana cakkhuviññāṇādīnam labbhantīti “abyākatassa cakkhāyatanādīni cā”ti paṭhanti.

466. Upanissayamūlake pakatūpanissayavasena vuttesu dvīsu paṭhame **“lokiyakusalākusalacetanā paccayabhāvato gaḡetabbā”**ti vuttaṃ, lokuttarāpi pana gaḡetabbāva.

473-477. Kammamūlake **paṭisandhiyaṃ vatthupī**ti ettha na pavatte viya khandhāyeva paccayuppanabhāvenagaḡetabbāti adhippāyo. Vipākāvīpākasādāhāraṇavasena vuttesu catūsu paṭhame **“arūpena saddhiṃ cittasamuṭṭhānarūpaṃ labbhaṭī”**ti vuttaṃ, kaṭattārūpampi pana labbhāteva. Imasmiṃ pana kammamūlake “kammaḡaccayā ārammaṇe dve”ti, ārammaṇamūlake ca “ārammaṇapaccayā

kamme dve”ti kasmā na vuttaṃ, nanu kusalākusalacetanā  
 kammārammaṇānaṃ paṭisandhiyādīnaṃ kammaṇṇapaccayo ārammaṇapaccayo  
 ca hoti. Yathā ca ārammaṇabhūtaṃ vatthuṃ  
 ārammaṇanissayapaccayabhāvena vuccati, evaṃ kammampi  
 ārammaṇapaccayabhāvena vattabbanti? Na, dvinnaṃ paccayabhāvānaṃ  
 aññamaññapaṭikkhepato. Paccuppannañhi vatthu nissayabhāvaṃ  
 apariccajitvā tenevākārena tannissitena ālambiyamānaṃ nissayabhāvena ca  
 nissayapaccayoti yuttaṃ vattuṃ. Kammaṃ pana tasmiṃ kate  
 pavattamānānaṃ katūpacitabhāvena kammaṇṇapaccayo hoti, nārammaṇākārena,  
 visayamattatāvasena ca ārammaṇapaccayo hoti, na santānavisesaṃ katvā  
 phaluppādanasaṅkhātena kammaṇṇapaccayākārena, tasmā kammaṇṇapaccayabhāvo  
 ārammaṇapaccayabhāvaṃ paṭikkhipati, ārammaṇapaccayabhāvo ca  
 kammaṇṇapaccayabhāvanti “kammaṇṇapaccayo hutvā ārammaṇapaccayo hoti”ti,  
 “ārammaṇapaccayo hutvā kammaṇṇapaccayo hoti”ti ca na sakkā vattunti na  
 vuttaṃ. Esa ca sabhāvo vattamānānaṃca ārammaṇapurejātānaṃ  
 vatthucakkhādīnaṃ, yaṃ ārammaṇapaccayabhāvena saha nissayādipaccayā  
 honṭīti vattabbatā, atītaṃ ca kammaṇṇapaccayo ayaṃ sabhāvo, yaṃ  
 ārammaṇapaccayabhāvena saha kammaṇṇapaccayo hotīti navattabbatā. Yathā  
 saha jātāpurejātanissayānaṃ saha nissayapaccayabhāvena vattabbatā  
 sabhāvo, saha jātārammaṇādhipatīnaṃca saha adhipatipaccayabhāvena  
 navattabbatā, evamidhāpīti.

478-483. **Nirādhipativīññāṇāhārasenā**ti anāmatṭhādhipatibhāvassa  
 vīññāṇāhārassa vasenāti adhippāyo. **Vatthu parihāyatī**ti aññamaññampi  
 labhantassa vatthussa vasena sabbassa kaṭattārūpassa parihānaṃ dasseti.

484-495. **“Tatiye arūpindriyāni rūpānaṃ”**ti vuttaṃ, cakkhādīni ca pana  
 cakkhuvīññāṇādīnaṃ labbhanti. **Tato vīriyavasena maggasampayuttāni chāti**  
 ettha yadipi vīmaṃsā labbhati, vīriyassa pana vasena taṃsamānagatikā  
 vīmaṃsāpi gahitīti “vīriyavasenā”ti vuttaṃ.

511-514. Viprayuttamūlake **“dasame kusalādayo cittasamuṭṭhānānaṃ”**ti  
 vuttaṃ, paṭisandhiyaṃ pana “khandhā kaṭattārūpānaṃ vatthu ca  
 khandhānaṃ”ti idampi labbhati. **“Ekādasame paṭisandhiyaṃ vatthu  
 khandhānaṃ”**ti vuttaṃ, taṃ

vipākapaccayassa aggahitattā yassa vatthussa vasena ghaṭanaṃ kataṃ, tassa dassanavasena vuttaṃ. “Khandhā ca vatthussā”ti idampi pana labbhateva. **“Dvādasame paṭisandhiyaṃ khandhā kaṭattārūpānaṃ”**ti pubbapāṭho, cittasamuṭṭhānāni pana na vajjetabbānīti “dvādasame khandhā pavatte cittasamuṭṭhānarūpānaṃ paṭisandhiyaṃ kaṭattārūpānañcā”ti paṭhanti.

515-518. Atthipaccayamūlake paṭhamaghaṭane **“arūpavattḥārammaṇamahābhūta-indriyāhārānaṃ vasena sahajātapurejātapacchājātapaccayā labbhanti”**ti vuttaṃ, “āhārindriyapaccayā cā”tipi pana vattabbaṃ. Na hi indriyāhārānaṃ vasena sahajātādayo labbhanti. **“Dutiye pacchājātakabalīkārāhārā na labbhanti”**ti vuttaṃ, sabbānīpi pana alabbhamānāni dassetuṃ “pacchājātakabalīkārāhārārūpajīvitindriyarūpādi-ārammaṇāni ca na labbhanti”ti paṭhanti, chaṭṭhaṃ sabbesaṃ indriyānaṃ vasena vuttaṃ. Sattame tato rūpajīvitindriyamattaṃ parihāyatīti evametesāṃ viseso vattabbo. **Tato ekādasame**ti ettha **tatoti** navamatoti attho. **Terasame vatthārammaṇāti** ettha vatthuggahaṇena cakkhādivattḥūnīpi gahitāni, tathā **cuddasame vatthumevāti** etthāpi. **“Sattarasame pana tadeva ārammaṇādhipatibhāvena, aṭṭhārasamepi tadeva ārammaṇūpanissayavasena”**ti purimapaṭho, “ārammaṇūpanissayavasena”ti ayaṃ pana sattarasamato viseso na hoti vatthārammaṇānaṃ pana sattarasame aṭṭhārasame ca vatthusseva paccayabhāvo visesoti “sattarasame pana ārammaṇādhipatibhāvena cakkhādīni ca aṭṭhārasame vatthusseva ārammaṇūpanissayavasena”ti paṭhanti.

519. Sahajātāni viya sahajātena kenaci ekena paccayena aniyamitattā tāni pakiṇṇakānīti vuttānīti ettha purejātapachājātāhārindriyāni<sup>1</sup> sahajātena aññamaññañca asāmaññavasena vippakiṇṇāni vuttāni. Ārammaṇamūlake anantarasamanantarapurejātāti ettha upanissayopi paṭhitabbo.

Yesu pākaṭā hutvā paññāyanti<sup>2</sup>, tāni dassetuṃ **“hetumūlakādīnaṃ”**ti-ādimāha. Alobhāditaṃtānāmasena pana hetu-ārammaṇādhipati-āhārindriyajhānamaggapaccayadhammā evaṃ pākaṭā hutvā na paññāyeyyunti

1. Purejātapacchājātāhārindriyānaṃ (Ka)

2. Na paññāyanti (Ka)



te paricchedavasena dassento “**dvādaseva hi hetū**”ti-ādimāha. Tena “**ettakāyeva paccayadhammā**”ti nicchayaṃ katvā pākaṭo hutvā apaññāyamānopi tesveva maggitabboti dasseti. Tattha **cha ārammaṇāti** etena ārammaṇādhipati rūpādi-ārammaṇabhāvato saṅgahitoti taṃ aggahetvā “**cattāro adhipatayo**”ti vuttam. **Ekantena kusalavipākāti** idaṃ indriyesu aññindriyavasena labbhati. **Ekantena akusalavipākāti** idaṃ pana na sakkā laddhuṃ. Jhānaṅgesvapi hi dukkhaṃ akusalameva vipākassa ajhānaṅgattā. Cittaṭṭhitipi akusalavipākakiriyā hotīti. Akusalassa vipākā akusalavipākāti evaṃ pana atthe gayhamāne indriyesu dukkhindriyavasena labbheyya, kusalavipākākusalavipākavisesena pana paccayayojanā natthīti ayamattho adhippetoti sakkā vattunti.

Pañhāvārassa ghaṭane anulomagaṇanā niṭṭhitā.

### Paccanīyuddhāraṇanā

527. **Ekena lakkhaṇenāti** “kusalo dhammo kusalassa dhammassa nahetupaccayena paccayo”ti hetupaccayato aññena paccayena paccayoti attho. Hetupaccayato ca aññe paccayā aggahitaggahaṇena aṭṭha honti, tesu kusalo kusaldassa tīhi paccayehi paccayo, akusalassa dvīhi, evaṃ tasmim tasmim paccaye paccanīyato ṭhite tato aññe paccayā imesveva ārammaṇādīsu aṭṭhasu paccayesu yathāyogaṃ yojetabbāti idamettha lakkhaṇaṃ veditabbaṃ. Etesu ca aṭṭhasu paccayesu purimapurimehi asaṅgahite saṅgahetvā pacchimapacchimā vuttāti ārammaṇato aññesaṃ dvinnam vasena upanissayo, vatthupurejātassa vasena purejātam, sahajātato upanissayato, ca aññissā cetanāya vasena kammaṃ, sahajātato aññassa kabaḷi kārāhārassa vasena āhāro, sahajātato purejātato ca aññassa rūpajīvitindriyassa vasena indriyaṃ vuttanti daṭṭhabbaṃ. Evañca katvā kusalo dhammo kusalassa dhammassa ārammaṇapaccayena paccayo,

sahajāta-upanissayapaccayena paccayo”ticceva<sup>1</sup> vuttaṃ, tadaññābhāvāna vuttaṃ “kammāhārindriyapaccayena paccayo”ti, tasmā “ārammaṇādhipati ārammaṇapaccaye saṅgahaṃ gacchatī”ti evaṃ vattaḃbaṃ. Yaṃ pana parittattike pañhāvārapaccanīye “appamāṇo dhammo appamāṇassa dhammassa saṅgajāta-upanissayapaccayena paccayo”ti<sup>2</sup> ettha ārammaṇassa avacanaṃ, taṃ purimehi asaṅgahitavasena vuttānaṃ saṅgahitavivajjanābhāvato upanissayato aññārammaṇābhāvato ca, na pana ārammaṇūpanissayassa ārammaṇe asaṅgahitattā.

Atthi-avigatapaccayā yadipi saṅgajātapurejātapacchājātāhārindriyānaṃ vasena pañcavidhāva, saṅgajātapurejātānaṃ pana pacchājātāhārānaṃ pacchājātāhārindriyānaṃ saṅgajātapurejātānaṃ sahāpi atthi-avigatapaccayabhāvo hoti, na tiṇṇaṃ vippayuttatā viya visumyevāti **“atthi-avigatesu ca ekekassa vasena chahi bhedehi ṭhitā”**ti atthi-avigatapaccayalakkhaṇesu ekekaṃ saṅgahetvā vuttaṃ.

**“Rūpindriyapaccayo pana ajjhatabhiddhābhedato duvidho”**ti vuttaṃ, taṃ **“ajjhattikabāhirabhedato”**ti evaṃ vattaḃbaṃ.

**Catuvīsatiyāpīti** na soḷasannaṃyeva, nāpi aṭṭhannaṃyeva, atha kho catuvīsatiyāpīti attho. Ārammaṇabhūtānaṃ adhipati-upanissayapaccayānaṃ upanissaye nissayapurejātavippayutta-atthi-avigatānaṃ purejāte saṅgaho atthīti ārammaṇapaccayaṃ ārammaṇapaccayabhāveyyeva ṭhapetvā tadekadesassa tesaṃ upanissayādīsu saṅgahaṃ vattukāmo **“ārammaṇapaccaye ārammaṇapaccayova saṅgahaṃ gacchati, na sesā tevīsati”**ti āha. **Catutthepurejātapaccayeti** ettha yathā “upanissayapaccaye adhipatibhūto ārammaṇapaccayo”ti vuttaṃ, evaṃ “purejātabhūto ārammaṇapaccayo”tipi vattaḃbaṃ, taṃ pana tattha vuttanayena gahetuṃ sakkāti katvā na vuttaṃ siyā. Atha pana “ārammaṇato aññaṃ purejātaggahaṇena gahitaṃ”ti na vuttaṃ, evaṃ sati upanissayaggahaṇenapi ārammaṇato aññassa gahitatāya bhavitabbanti **“adhipatibhūto ārammaṇapaccayo upanissaye saṅgahaṃ gacchati”**ti na vattaḃbaṃ siyāti.

1. Abhi 8. 132, 139, 144 piṭṭhesu.

2. Abhi 9. 328, 333 piṭṭhesu.

**Yesu pañhesu -pa- ekova paccayo āgatoti** ettha āgatovāti evaṃ evasaddo ānetvā yojetabbo. Tena dvādasamacuddasamesu pañhesu sahaḥajātapurejātesu ekeko paccayo na anāgato hoti, atha kho āgatovāti tesu aññatarapaṭikkhepe tepi pañhā parihāyantīti dassitaṃ hotīti. **Yasmim̃ pana pañheti** dutiyachaṭṭhapañhesu ekekavasena gahetvā ekavacanena niddisīyati. **Evanti** ārammaṇa-upanissayavasenāti attho. Tena dvādasamacuddasame nivatteti. Tesupi hi dve paccayā āgatā, na pana ārammaṇa-upanissayavasenāti. **Avasesānaṃ vassenāti** avasesānaṃ labbhamānānaṃ vassenāti daṭṭhabbaṃ. Na hi terasamapannarasamesu pacchājātepi paṭikkhitte āhārindriyānaṃ vasena te pañhā labbhanti, atha kho sahaḥātasseva vassenāti. **Idameva cettha lakkhaṇanti** aṭṭhannaṃ paccayānaṃ sabbapaccayasaṅgāhakattaṃ, ukkaṭṭhavasena pañhāparicchedo, te te paccaye saṅgahetvā dassitapaccayaparicchedo, tasmim̃ tasmim̃ paccaye paṭikkhitte tassa tassa pañhassa parihānāparihānīti etaṃ sabbaṃ sandhāya vuttanti daṭṭhabbaṃ. teneva “**iminā lakkhaṇenā**”ti vuttaṃ.

**Tatrāti** pabhedaparihānīsu. **Tīhi paccayehi ekūnavīsati paccayā dassitāti** “nahetupaccayā”ti ettha labbhamānapaccaye sandhāya vuttaṃ. Ayaṃ pana paccayuddhāro sabbapaccanīyassa sādharmaṇalakkhaṇavasena vutto, na “nahetupaccayā”ti ettheva labbhamānapaccayadassanavasena. Evañca katvā hetudukapañhāvārapaccanīye “hetudhammo hetussa dhammassa ārammaṇapaccayena paccayo, sahaḥajātapaccayena paccayo, upanissayapaccayena paccayo”ti<sup>1</sup> vuttaṃ, aññathā “nahetupaccayā”ti ettha labbhamānapaccayadassane “sahaḥajātapaccayena paccayo”ti na vattabbaṃ siyā, tasmā idhāpi sabbalabbhamānapaccayasaṅgahavasena paccayuddhārassa vuttattā tīhi paccayehi vīsati paccayā dassitāti daṭṭhabbā. Yaṃ vuttaṃ “tatrāyaṃ vitthārakathā”ti, tatra pabhede vitthārakathaṃ vatvā parihānīyaṃ dassento “**tasmim̃ pana paccaye -pa- te parato vakkhāmā**”ti āha.

528. **Tathā akusalādikesupi catūsu pañhesu tehi tehi paccayehi te teyeva paccayā dassitāti** kusalādikesu

---

1. Abhi 10. 19 piṭṭhe.

dassitehi aññesaṃ abhāvaṃ sandhāya vuttanti veditabbaṃ. Na hi “akusalo dhammo kusalassa dhammassā”ti ettha dvīhi paccayehi tayo paccayā dassitā, atha kho dveyeva, abyākatassapi akusalo ārammaṇādhīpatipaccayo na hotīti.

### 530. Sahajātapaccayā pana na honti vatthumissakattāti

asahajātapaccayena vatthunā sahajātapaccayabhāvena gahitattā tena saddhiṃ sahajātapaccayā na hontīti dasseti, na pana suddhānaṃ sahajātapaccayabhāvaṃ nivāreti. Vatthunā pana saddhiṃ yena nissayādinā paccayā honti, tameva nissayādiṃ visesetuṃ sahajātanti vuttanti dassento “**tasmā tesan**”ti-ādimāha.

Imasmim pana paccayuddhāre ārammaṇa-upanissayakamma-atthipaccayesu catūsu sabbapaccaye saṅgaṇhitvā kasmā tesam vasena paccayuddhāro na katoti? Missakāmissakassa atthipaccayavibhāgassa duviññeyyattā. Na hi “avibhāgena atthipaccayena paccayo”ti vutte sakkā viññātuṃ “kiṃ suddhena sahajāta-atthipaccayena purejātapacchājātāhārindriya-atthipaccayena vā, atha sahajātapurejātamissakena pacchājātāhāramissakena pacchājātindriyamissakena vā”ti. Atthipaccayavisesesu pana sahajātādīsu sarūpatu vuccamānesu yattha suddhānaṃ sahajātādīnaṃ paccayabhāvo tattha “sahajātapaccayena paccayo”ti-ādinā suddhānaṃ, yattha ca missakānaṃ paccayabhāvo, tattha “sahajātam purejātan”ti-ādinā missakānaṃ gahaṇato suviññeyyattā hoti, tasmā atthipaccayavisesadassanattham sahajātādayo gahitā, tena ca sabbapaccayānaṃ catūsu paccayesu saṅgaho dassito hoti.

Kasmā pana sahajātapurejāte aggahetvā nissayo, purejātapacchājāte aggahetvā vippayutto vā atthipaccayavisesabhāvena na vuttoti? Avattabbattā, nissayo tāva na vattabbo sahajātapurejātānaṃ suddhānaṃ missakānaṃca nissayapaccayabhāvato vibhajitabbatāya atthipaccayena avisiṭṭhattā, vippayuttapaccayo ca sahajātapurejāta pacchājātabhāvato atthipaccayo viya visesitabboti so viya na vattabbo. Sahajātapurejātānaṃca missakānaṃ atthipaccayabhāvo hoti,

na vippayuttabhāvo. Tathā sahaḥjātapacchājātānañca missakānaṃ atthipaccayabhāvo hoti. Vakkhati hi “anupādinna-anupādāniyo dhammo upādinnupādāniyassa ca anupādinna-anupādāniyassa ca dhammassa atthipaccayena paccayo sahaḥjātaṃ pacchājātan”<sup>1</sup>, na pana vipayuttapaccayabhāvo, tasmā vippayuttaggahaṇena missakānaṃ atthi paccayabhāvassa aggahaṇato na so atthipaccayaviseso bhavituṃ yuttoti bhiiyopi na vattabbo.

Nanu ca sahaḥjātapaccayo ca hetu-ādīhi visesitabboti sopi nissayavippayuttā viya atthipaccayavisesabhāvena na vattabboti? Na, viruddhapaccayehi avisesitabbatā. Nissayavippayuttā hi atthipaccayo viya uppattikālaviruddhehi paccayehi visesitabbā, na pana sahaḥjāto. Hetu-ādayo hi sahaḥjātā eva, na uppattikālaviruddhāti.

Paccanīyuddhāraṇṇanā niṭṭhitā.

### Paccanīyagaṇanavaṇṇanā

#### Nahetumūlakavaṇṇanā

532. **Suddho ārammaṇapaccayo parihāyatīti** ettha suddhaggahaṇena na kiñci payojanam. Ārammaṇe hi paccanīyato ṭhite adhipatipaccayādibhūto ārammaṇapaccayo parihāyatiyevāti. **Suddhoti** vā aṭṭhasu paccayesu kevalam ārammaṇapaccayo parihāyati, na sesāti dasseti. **Ekādasannanti** sahaḥjāte saṅgahaṃ gacchantesu pannarasasu aññamaññavipākasampayuttavippayutte vajjetvā ekādasannaṃ vasena. **Teti** te sahaḥjāte antogadhāyeva tasmim paṭikkhitte aññenākārena vissajjanaṃ na labhantīti dasseti, anantogadhā pana ārammaṇādhipatipurejātanissayādayo ārammaṇādi-ākārena labhantīti.

**Kiñcāpi sahaḥjātapaccayoyeva natthīti** tasmim paṭikkhitte ime vārā na labbheyyum, atha kho nissaya-atthi-avigatānaṃ vasena ete labhitabbā siyunti adhippāyo. **Yasmā panāti-ādinā** yadipi sahaḥjātapaccayo

1. Abhi 8. 433 piṭṭhe.

natthi, yasmā pana sahajātapaccayadhamme t̥hitā ete na nissayādayo na honti, yasmā ca sahajāte paṭikkhitte ye paṭikkhittā honti, te idha sahajātapatiṅkhepena paṭikkhittā, tasmā tepi vārā na labbhantīti dasseti.

**Ṭhapetvā sahajātapaccayanti** etena nissayādibhūtañca sahajātapaccayaṃ ṭhapetvāti vuttanti daṭṭhabbāṃ. Kusalo pavattamānesu kusalābyākatesu kusalassa kusalo aññamaññapaccayo hotīti imamattamaṃ sandhāyāha “**aññamaññapaccayadhammavasena pavattisabbhāvato**”ti. **Ye dhammā aññamaññapaccayasāṅgamaṃ gatāti** tesam tesam paccayuppannānaṃ paccayabhāvena vuccamānā ye dhammā attano paccayuppannabhāvena vuccamānānaṃ aññamaññapaccayoti saṅgamaṃ gatāti attho. Kusalo ca kusalassa aññamaññapaccayoti katvā kusalābyākatānaṃ aññamaññapaccayasāṅgamaṃ gateveva dhammehi paccayo hoti, samudāyabhūto ekadesabhūtehīti ayamettha adhippāyo. Kusalo pana kusalassa aññamaññapaccayabhūteveva<sup>1</sup> kusalābyākatānaṃ sahajātādīhi, na aññathāti aññamaññe paṭikkhitte so vāro parihāyatīti vattabbaṃ.

**Catunnaṃ khandhānaṃ ekadesovāti** sahajāte sandhāya vuttaṃ. Asahajātā hi āhārindriyā rūpakkhandhekadesova honti. **Teti** te vippayuttapaccayadhammā.

533. “**Dumūlakādivasena paccayagaṇanaṃ dassetun**”ti likhitaṃ, “paccanīyagaṇanaṃ dassetun”ti pana vattabbaṃ. Paccanīyavāragaṇanā hi dassitāti.

“**Vipākamaṃ panettha na-upanissayapaccayena saddhim ghaṭitattā na labbhati**”ti vuttaṃ, vipākassapi pana kammaṃ upanissayo ahutvāpi kammappaccayo hotīti vipākattike dassitametanti.

Nahetumūlakavaṇṇanā niṭṭhitā.

534. **Satta pañca tīṇi dve ekanti paricchinnagaṇanānīti** sattādiparicchedehi paricchinnagaṇanāni vissajjanāni hetumūlake dassitānīti āha.

---

1. Aññamaññapaccayabhūtoyeva (Ka)

538. **Nanissayapaccayā na-upanissayapaccayā napacchājāte tiṇīti** mūlakam saṅkhipitvā dasamūlake “napacchājāte tiṇī”ti vuttam gaṇanam uddharati. “**Tesu kaṭattārūpaṇca āhārasamuṭṭhānaṇca paccayuppannan**”ti vuttam, dvīsu pana vipāko tatiye tesamuṭṭhānikakāyo ca paccayuppanno hotiyeva.

545. **Abyākato ca sahajāta-abyākatassāti** “arūpābyākato arūpābyākatassa, rūpābyākato ca rūpābyākatassā”ti etaṃ dvayam sandhāya vuttam. Rūpābyākato pana arūpābyākatassa, arūpābyākato ca rūpābyākatassa sahajātapaccayo honto vippayuttapaccayo hotiyeva. “Abyākato sahajātāhārindriyavasena abyākatassāti evam pañcā”ti pana vattabban.

536. **No-atthipaccayā nahetuyā navāti** ettha “ekamūlakekāvasānā anantarapakatūpanissayavasena labbhanti”ti vuttam, atthipaccaye pana paṭikkhitte aṭṭhasu paccayesu sahajātapurejātapacchājātāhārindriyāni paṭikkhittāni, ārammaṇa-upanissayakammāni ṭhitānīti tesam tiṇṇam ṭhitānam vasena labbhanti vattabban. Sabbattha hi aṭṭhasu paccayesu ye ye paṭikkhittā, te te apanetvā, ye ye ṭhitā, tesam vasena te te vārā labbhanti idamettha lakkhaṇanti. **Yāva nissayampīti** na kevalam nārammaṇeyeva ṭhatvā, atha kho yāva nissayam, tāva ṭhatvāpi na-upanissaye dve kātābbāti attho. Na-upanissayato hi purimesu ca navapi labbhanti, na-upanissaye pana pavatte atthi-ārammaṇa-upanissayapaṭikkhepena satta paccayā paṭikkhittāti avasiṭṭhassa kamma vasena dveyevāti.

Paccanīyavaṇṇanā niṭṭhitā.

### Anulomapaccanīyavaṇṇanā

550. **Sadisavārāti** anurūpavārāti attho. Na-aññamaññe laddhesu hi ekādasasu “kusalo kusalassa akusalo akusalassā”ti ime hetuyā laddhesu sattu imeheva dvīhi samānā honti,

atthābhāvato pana na anurūpāti. Atha vā vacanato atthato ca uddesato yathāyogaṃ niddesato cāti sabbathā samānataṃ sandhāya “**sadisavārā**”ti āha.

551. **Paṭisandhināmarūpaṃ sandhāyā**ti paṭisandhiyaṃ hetunāmapaccayaṃ vatthurūpaṅca paccayuppannaṃ sandhāya. **Tīṇi kusalādīni cittasamuṭṭhānarūpassāti** ettha “abyākato kaṭattārūpassa cā”ti idampi vattabbaṃ.

556. Adhipatimūlake **nahetuyā dasāti** dvinnampi adhipatīnaṃ vasena vuttaṃ, **nārammaṇe sattāti** sahaḷātādhipatissa, **nasahajāte sattāti** ārammaṇādhipatissāti evaṃ sabbattha tasmim tasmim paccaye paṭikkhitte ghaṭanesu ca tasmim tasmim paccaye ghaṭite mūlabhāvena ṭhite paccaye ye dhammā parihāyanti, ye ca tiṭṭhanti, te sādhukaṃ sallakkhetvā ye dhammā ṭhitā yesaṃ paccayā honti, tesaṃ vasena gaṇanā uddharitabbā. Anulome vuttagaṭite hi mūlabhāvena ṭhapetvā ghaṭatāvasesā paccayā paccanīyato yojitāti tattha laddhāyeva paccanīyato ṭhitapaccayānaṃ vasena samānā ūnā ca sakkā viññātunti.

Anulomapaccanīyavaṇṇanā niṭṭhitā.

### Paccanīyānulomavaṇṇanā

631. **Ūnataragaṇanena saddhiṃ atirekagaṇanassapi gaṇanaṃ parihāpetvāti** ettha anulomato yojiyamānena paccayena saddhiṃ paccanīyato ṭhitassa atirekagaṇanassapi gaṇanaṃ parihāpetvāti adhippāyo. Parihāpanagaṇanāya ūnataragaṇanena saddhiṃ samānattaṅca na ekantikaṃ. Nahetunārammaṇadukassa hi gaṇanā adhipatipaccayena yojiyamānena ūnataragaṇanena saddhiṃ parihīnāpi adhipatipaccaye laddhagaṇanāya na samānā, atha kho tatopi ūnatarā hotīti āha “**na panetaṃ sabbasaṃsandanesu gacchatī**”ti.

Nissaye paccanīyato ṭhite sahaḷāte ca anulomato atīṭṭhamānānaṃ hetu-ādīnaṃ sahaḷātassa ca aṭṭhanaṃ pākaṭanti



apākaṭameva dassento “**vatthupurejāto anulomato na tiṭṭhati**”ti āha. **Āhāre vāti**-ādinā idam dasseti—sahajāte paccanīyato ṭhite anulomati atitiṭṭhamānā jhānamaggasampayuttā āhāre vā indriye vā paccanīyato ṭhite tiṭṭhantīti hetu-ādayopi tiṭṭhanti. Sabbajhānamaggehi pana catukkhandhekadesabhūtānam sampayuttena ca catukkhandhabhūtānam sabbesaṃ tesam anulomato ṭhānam dassetiṭi daṭṭhabbam, itaresu vattabbameva natthi. **Adhipati-upanissayāti** ārammaṇamissānampi anulomato ṭhānam dasseti.

“**Indriye ekanti rūpajīvitindriyavasenā**”ti<sup>1</sup> vuttam, “cakkhundriyādīnam rūpajīvitindriyassa ca vasenā”ti pana vattabbam. **Kamena gantvā vippayutte tīṇīti** idam pākaṭabhāvattham “navamūlakādīsu vippayutte tīṇī”ti evam kesuci potthakesu uddhaṭam. **Imāni ca dve pacchājātindriyavasenāti** idam “imāni ca dve pacchājātāhārindriyavasenā”ti ca vattabbam.

Nahetumūlakavaṇṇanā niṭṭhitā.

636. **Na-aññamaññapaccayā hetuyā tīṇīti kusalādīni** cittasamuṭṭhānānti ettha “paṭisandhiyam kaṭattārūpānañcā”tipi vattabbam. **Hetuyā vuttehi tīhīti** vārasāmaññameva sandhāya vadati, tathā **kamme tīṇīti hetuyā vuttānevāti** ca. Paccayesu pana sabbattha viseso sallakkhetabbo. **Adhipatiyā tīṇīti** na-aññamaññanahetuna-ārammaṇapaccayā adhipatiyā tīṇīti etāni heṭṭhā hetuyā vuttānevāti.

644. **Yathā ca heṭṭhāti** yathā nahetumūlake yāva navipākā, tāva gantvā nāhārindriyesu ekekameva gahitam, tathā idhāpi nārammaṇamūlakādīsu ekekameva gahitanti adhippāyo.

648. **Nānākkhaṇikā kusalākusalacetanā kammamasamuṭṭhānarūpassāti** ettha “vipākānan”tipi vattabbam. **Āhāri ndriyesu tīṇi sahaṭasadisāni** rūpassapi paccayabhāvato, **jhānamaggādīsu tīṇi hetusadisāni** arūpānamyeva paccayabhāvatoṭi adhippāyo daṭṭhabbo. **Ādi-saddena** ca “navippayutta<sup>2</sup>nahetunārammaṇapaccayā adhipatiyā tīṇī”ti-ādīni<sup>3</sup> saṅgaṇhāti.

1. Indriye ekam rūpindriyavasenāti (Aṭṭhakathāyam)

2. Nasampayutta (Ka)

3. Abhi 8. 290 piṭṭhe.

650. **Yaṃ paṇāti** yaṃ paccayaṃ sakaṭṭhāne anulomato labhantampi aggahetvā tato paretarā paccanīyato gayhanti, so paccayo pacchā anulomatova yojanaṃ labhatīti attho. Yathā pana nahetumūlakādīsu nāhāre ghaṭṭite indriyavasena, nindriye ca ghaṭṭete āhāravasena pañhalābho hotīti tesu aññataraṃ paccanīyato ayojetvā anulomato yojitaṃ, evaṃ no-atthino-avigatamūlakesu upanissaye ghaṭṭite kammavasena, kamme ca ghaṭṭite upanissayavasena pañhalābho hotīti tesu aññataraṃ paccanīyato ayojetvā anulomato yojitanti veditabbaṃ. Evametasmim paccanīyānulome sabbāni mūlāni dvedhā bhinnāni nāhāranindriyāni na-upanissayanakammāni ca patvāti.

Paccanīyānulomavaṇṇanā niṭṭhitā.

Kusalattikavaṇṇanā niṭṭhitā.

## 2. Vedanāttikavaṇṇanā

1. Vedanārūpanibbānāni pana tikamuttakāni paṭiccādiniyamaṃ paccayuppannavacanañca na labhanti. Paṭiccavārādīsu pana chasu yato hetupaccayādito tikadhammānaṃ uppatti vuttā, tattha yathānurūpato ārammaṇādipaccayabhāvena labbhantīti veditabbānīti.

10. **Sabba-arūpadhammapariggāhakā pana saha-jātādayo paccayāti** iminā kusalattikepi parihīnaṃ saha-jātaṃ rūpārūpadhammapariggāhakattā ādimhi ṭhapetvā ādisaddena sabbārūpadhammapariggāhakavacanena ca paccayuppannavasena sabba-arūpadhammapariggāhakānaṃ ārammaṇādīnaṃ parihāniṃ dassetīti daṭṭhabbaṃ. Tena kusalattikaparihīnaṃ sabbatṭhānikānaṃ catunnaṃ sabbatikādīsu parihāni dassitā hoti. **Pacchājātapaccayañca vināva uppattitoti** etena pana pacchājātapaccayassa anulome parihāniṃ, paccanīye ca lābhaṃ dasseti. **Saha-jātādayoti** vā saha-jātamūlakā saha-jātanibandhanā paṭiccādīm pharantehi saha-jātadhammehi vinā paccayā ahontātivuttaṃ hoti. Kasmā pana saha-jātanibandhanā sabbārūpadhammapariggāhakā ca ye,

teva parihāyanti, na pana yo sahaḷātānibandhano sabbārūpadhammapariggāhako ca na hoti, so pacchāḷātoti tattha kāraṇaṃ vadanto “**sahaḷātādīhi vinā anuppattito pacchāḷātapaccayaṇca vināva uppattito**”ti āha. Tattha **sahaḷātādīhi vinā**ti sahaḷātānibandhanehi sabbārūpadhammapariggāhakehi ca vināti attho. Atha vā sahaḷātānibandhanānameva parihāni, na pacchāḷātassa sahaḷātānibandhanassāti ettheva kāraṇaṃ vadanto “**sahaḷātādīhi vinā anuppattito pacchāḷātapaccayaṇca vināva uppattito**”ti āha. Sahaḷātānibandhanāpi pana sabba-arūpadhammapariggāhakāyeva parihāyantīti dassitametanti.

17. **Navipākepi eseva nayoti** nayadassanameva karoti, na ca paccayapaccayuppannasāmaññadassanaṃ. Sukhāya hi adukkhamasukhāya ca vedanāya sampayutte dhamme paṭicca tāhi vedanāhi sampayuttā ahetukakiriyadhammā vicikicchuddhaccasahaḷātamoḥo cāti ayañhettha nayoti. **Navippayutte ekanti āruppe āvajjanavasena vuttanti** idaṃ āvajjanāhetukamoḥānaṃ vasena vuttanti daṭṭhabbaṃ.

25-37. Anulomapaccanīye **yathā kusalattikaṃ, evaṃ gaṇetabbanti** hetumūlakādīnaṃ nayānaṃ ekamūlakadvimūlakādivasena ca yojetvā gaḇetabbatāsāmaññaṃ sandhāya vuttaṃ, na gaṇanasāmaññaṃ. Ito paresupi evarūpesu eseva nayo. **Ahetukassa pana cittuppādassāti**-ādi nahetumūlakaṃ sanehāya vuttaṃ, “ahetukassa pana cittuppādassa mohassa cā”ti panettha vattabbaṃ. Mohassa cāpi hi ahetukassa adhipati-abhāvato adhipatino nahetumūlake anulomato aṭṭhānanti. **Parivattetvāpīti** nahetupaccayā na-adhipatipaccayā ārammaṇe tīṇīti evaṃ purato ṭhitampi ārammaṇādīnaṃ pacchato yojetvāti attho.

39. Pañhāvāre **domanassaṃ uppajjati**ti etena taṃsampayutte dasseti. Upanissayavibhaṅge “saddhāpaṇcakesu mānaṃ jappeti diṭṭhiṃ gaṇhātīti kattabbaṃ, avasesesu na kattabbaṃ”ti idaṃ pāṭhagatidassanatthaṃ vuttaṃ, na pana rāgādīhi mānadiṭṭhīnaṃ anuppattito. Kusalattikepi hi rāgādīsu “mānaṃ jappeti diṭṭhiṃ gaṇhātī”ti pāḷi na vuttā, “rāgo doso moḥo māno diṭṭhi patthanā rāgassa dosassa mohassa

mānassa diṭṭhiyā patthānāya upanissayapaccayena paccayo”<sup>1</sup> pana rāgādīnaṃ mānadiṭṭhi-upanissayabhāvo utto. Tathā idhāpi daṭṭhabbanti. “Sukhāya vedanāya sampayuttena pana cittena gāmaghātāṃ nigamaghātāṃ karotī”<sup>2</sup> ti somanassasampayuttalobhasahagatacittena gāmanigamaviluppanaṃ sandhāya vuttaṃ.

62. **Suddhānanti** paccayapaccayuppannapadānaṃ anaññattaṃ dasseti. **Purejātapacchājātā panettha na vijjanti**<sup>2</sup>. **Na hi purejātā pacchajātā vā arūpadhammā arūpadhammānaṃ paccayā hontīti** ettha **purejātāti** imasmim tike vuccamānā adhikārapattā sukhāya vedanāya sampayuttādayova arūpadhammānaṃ purejātā hutvā paccayā na honti purejātattābhāvatoti adhippāyo, tathā pacchājātattābhāvato pacchājātā vā hutvā na hontīti.

63-64. **Sādhipati-amohavasenāti** adhipatibhāvasahitāmohavasenāti attho.

83-87. **Nahetupaccayā -pa- na-upanissaye aṭṭhāti** nahetupaccayā nārammaṇapaccayā na-upanissaye aṭṭhāti evaṃ saṅkhipitvā uddharati. **Nānākkhaṇīkammappaccayavasena veditabbāti** idaṃ “dukkhāya vedanāya sampayutto sukhāya vedanāya sampayuttassā”<sup>3</sup> ti etaṃ<sup>3</sup> vajjetvā avasesesu aṭṭhasupi nānākkhaṇīkammappaccayasambhavaṃ sandhāya vuttaṃ. Na hi sahajātapaccayo aṭṭhasupi labbhati, atha kho tīsvevāti.

Vedanāttikavaṇṇanā niṭṭhitā.

### 3. Vipākattikavaṇṇanā

1-23. Vipākattike **vipākadhammaṃ paṭiccāti** vipākaṃ dhammaṃ paṭicca. Samāsenapi hi soyevattho vuttoti pāliyaṃ samāsaṃ katvā likhitaṃ.

1. Abhi 8. 315, 316 piṭṭhesu.

2. Chijjanti (Aṭṭhakathāyaṃ)

3. Ekaṃ (Ka)

24-52. “Nevavipākanavipākadhammadhammaṃ paṭicca nevavipākanavipākadhammadhammo uppajjati navipākapaccayā”ti etassa vibhaṅge “mahābhūte paṭicca cittasamuṭṭhānaṃ rūpaṃ upādārūpan”ti ettakameva vuttaṃ, na vutaṃ “kaṭattārūpan”ti. Taṃ khandhe paṭicca uppajjamānassa mahābhūte paṭicca uppattidassanattattā na vuttaṃ. Na hettha kaṭattārūpassa khandhe paṭicca uppatti atthi, yassa mahābhūte paṭicca uppatti vattabbā siyā. Pavattiyāṃ pana kaṭattārūpaṃ “asaññasattānaṃ -pa-mahābhūte paṭicca kaṭattārūpaṃ upādārūpan”ti eteneva dassitaṃ hoti. Evañca kahvā asaññasattānaṃ rūpasamānagatikattā nāhārapaccaye ca pavattiyāṃ kaṭattārūpaṃ na uddhaṭaṃ. Tampi hi uppādakkhaṇe āhārapaccayena vinā uppajjatīti uddharitabbaṃ siyāti.

Vipākattikavaṇṇanā niṭṭhitā.

#### 4. Upādinnattikavaṇṇanā

15. Upādinnattike anupādinna-anupādāniyaṃ dhammaṃ paṭicca anupādinna-anupādāniyo dhammo uppajjati nādhipatipaccayāti etena sayāṃ adhipatibhūtatā avirahitārammaṇādhipatīsupi adhipati duvidhenapi adhipatipaccayena uppajjatīti na vattabbo, ayametassa sabhāvoti dasseti.

72. Upādinnupādāniyo kabalīkārāhāro upādinnupādāniyassa kāyassa āhārapaccayena paccayoti ettha kammajānaṃ rūpānaṃ abbhantaragatā oḷā tasseva kammajakāyassa rūpajīvitindriyaṃ viya kaṭattārūpānaṃ anupālanupatthambhanavasena paccayo, na janakavasenāti ayamattho aṭṭhakathāyaṃ vutto. Etasmim̐ pana atthe sati upādinnupādāniyo ca anupādinnanupādāniyo ca dhammā upādinnupādāniyassa dhammassa atthipaccayena paccayo pacchājātindriyanti ettha “āhāran”tipi vattabbaṃ, yadi ca kammajā oḷā sakalāparūpānameva āhārapaccayo hoti, evaṃ sati “upādinnupādāniyo kabalīkārāhāro anupādinnupādāniyassa kāyassa āhārapaccayena paccayo”ti na vattabbaṃ siyā, vattañcidam̐, tampi anajjhohaṭāya sasantānagatāya upādinnojāya anupādinnupādāniyassa kāyassa āhārapaccayaṃ sandhāya vuttaṃ. Evañca

sati “upādinna-upādāniyo ca anupādinna-anupādāniyo ca dhammā anupādinna-upādāniyassa dhammassa atthipaccayena paccayo”<sup>1</sup> ayampi pañho pacchājātāhārasena uddharitabbo siyā, tasmā ajjhohaṭassa upādinna-hārasa lokuttarakkhaṇe abhāvato dumūlakesu paṭhamapañhe “āhāraṇ”<sup>2</sup>ti na vuttaṃ. Dutiyapañho ca na uddhaṭo, na itarassa upādinna-hārasa kāmabhavā asambhavābhāvatoti ajjhohaṭameva maṇḍūkādīsarīragataṃ upādinna-hāraṃ sandhāya “upādinna-upādāniyo kabaḷīkārahāro upādinna-upādāniyassa ca anupādinna-upādāniyassa ca kāyassa āhārapaccayena paccayo”<sup>2</sup> vadantānaṃ vādo balavataro. Na hi ajjhohaṭamattāva maṇḍūkādāyo kucchivittataṃ na karonti, na va balaṃ na upajāyanti, na ca rūpaviseso na viññāyatīti.

“Anupādinna-anupādāniyo dhammo upādinna-upādāniyassa ca anupādinna-anupādāniyassa ca dhammassa atthipaccayena paccayo saha-jātaṃ pacchājātaṃ”<sup>3</sup>ti evamādīhi idha vuttehi ekamūlakadukatikāvasānapañhavissajjanehi “kusalo dhammo kusalassa ca abyākatassa ca dhammassa atthipaccayena paccayo saha-jātaṃ”<sup>3</sup>ti-ādinā idha dutiyadukāvasāne viya vissajjanaṃ labbhatīti viññāyatīti. Sukhāvabodhanatthaṃ pana tatha saha-jātavaseneva vissajjanaṃ kataṃ. Paccānīye pana saha-jātasēva apaṭikkhepe lābhato, paṭikkhepe ca alābhato saha-jātapaccayavaseneva ekamūlakadukāvasānā tatha uddhaṭā, idha penetehi vissajjanehi eko dhammo saha-jātādīsu atthipaccayavisesesu anekehipi anekesaṃ dhammānaṃ eko atthipaccayo hotīti dassitaṃ hoti. Eko hi dhammo ekassa dhammassa ekeneva atthipaccayavisesena atthipaccayo hoti, eko anekesaṃ ekenapi anekehipi, tathā aneko ekassa, aneko anekesaṃ samānatte paccayuppannadhammānaṃ, atthipaccayavisesesu pana pañcasu saha-jātaṃ purejāteneva saha atthipaccayo hoti, anaññadhammatte pacchājātena ca, na nāññadhammatte.

Yadi siyā, **“upādinna-upādāniyo ca anupādinna-anupādāniyo ca dhammā upādinna-upādāniyassa dhammassa atthipaccayena paccayo pacchājātaṃ indriyaṇ”**ti ettha “saha-jātaṃ”<sup>3</sup>tipi vattabbaṃ siyā. Kammajānañhi bhūtānaṃ

1. Abhi 8. 434 piṭṭhe.

2. Abhi 8. 425 piṭṭhe.

3. Abhi 8. 432 piṭṭhe.

sahajātānaṃ pacchājātānaṃca lokuttarānaṃ ekakkhaṇe labbhamānānampi eko atthipaccayabhāvo natthi sahajātapacchājātānaṃ nānādhammānaṃ viruddhasabhāvattāti taṃ na vuttanti vedittabbaṃ. Evaṃca katvā paccanīye ca “**na-indriye bāvīsā**”ti vuttam. Aññathā hi indriyapaṭikkhepepi sahajātapacchājātavasena tassa pañhassa lābhato “tevisā”ti vattabbaṃ siyāti. Purejātaṃ sahajāteneva saha atthipaccayo hoti, na itarehi, tampi vatthu taṃsahitapurejātameva, na itaraṃ. Kusalattike hi pañhāvāre “na vippayuttapaccayā atthiyā pañcā”ti<sup>1</sup> vuttam, sanidassanattike pana “vippayutte bāvīsā”ti<sup>2</sup>. Yaṃ pana tattha atthivibhaṅge paccayuddhāre ca timūlakekāvāsānaṃ uddhaṭam, taṃ vatthusahitassa ārammaṇapurejātassa sahajātena, saha paccayabhāvato pacchājātaṃ āhārindriyeheva, anaññadhammatte ca sahajātena ca, āhāro pacchājātindriyeheva, indriyaṃ pacchājātāhārenāti evametam atthipaccayavibhāgaṃ sallakkhetvā anulome paccanīyādīsu ca labbhamānā pañhā uddharitabbā.

Upādinnattikavaṇṇanā niṭṭhitā.

## 6. Vitakkattikavaṇṇanā

22. Vitakkattike paṭicavārānulome **adhipatiyā tevīsā**ti sattasu mūlakesu yathākkamaṃ satta pañca tīṇi ekaṃ tīṇi tīṇi ekanti evaṃ tevīsā, **aññamaññe aṭṭhavīsā** satta pañca pañca tīṇi cattāri tīṇi ekanti evaṃ, **purejāte ekādasa** tīṇi cattāri dve dutiyatīyadumūlakesu ekaṃ ekanti evaṃ, tathā āsevane. Aññāni gaṇanāni hetu-ārammaṇasadisāni.

31. Paccanīye nādhipatipaccaye paṭhamapañhe<sup>3</sup> “avitakkavicāramatte khandhe paṭicca avitakkavicāramattā adhipatī”ti vatvā puna “vipākaṃ avitakkavicāramattam ekaṃ khandham paṭiccā”ti-ādinā vissajjanaṃ kataṃ, na pana avisesena. Kasmā? Vipākavajjānaṃ avitakkavicāramattakkhandhānaṃ ekantena

1. Abhi 8. 290 piṭṭhe.

2. Abhi 9. 492 piṭṭhe.

3. Aṭṭhamapañhe... (Ka)

sādhipatibhāvato. Vipākānaṃ pana lokuttarānameva sādhipatibhāvo, na itaresanti te visuṃ niddhāretvā vuttā. Lokuttaravipākādhipatissa cettha purimakotṭhāseyeva saṅgaho vedītabbo.

38. Nāsevanamūlake **avitakkavicāramattaṃ vipākena saha gacchantenā**ti etaṃ mūlaṃ avitakkavicāramatta-avitakkavicārapadehi avitakkehi saha yojentena napurejātasadisam pāḷigamaṇaṃ kātabbanti vuttam hoti. Sadisatā cettha yebhūyena visadisatā ca daṭṭhabbā. Tattha hi āruppe avitakkavicāramattaṃ idha vipākaṃ avitakkavicāramattanti-ādi yojetabbanti ayamettha viseso. Idañca nāsevanavibhaṅgānantaraṃ likhitabbaṃ, na jhānānantaraṃ, kesuci potthakesu likhitaṃ.

Paccayavāre **paṭhamaghaṭane pavattiṭṭhisandhiyoti** dumūlakesu paṭhame sattasupi pañhesu pavattiñca ṭṭhisandhiñca yojetvāti vuttam hoti.

49. Paccanīye **sattasu ṭṭhānesu satta mohā uddharitabbā mūlapadesu evā**ti savitakkasavicārādīpadesu mūlapadameva avasānabhāvena yesu pañhesu yojitam, tesu sattasu pañhesu satta mohā uddharitabbāti attho.

Pañhāvārapaccanīye “avitakkavicāramatto dhammo avitakkavicāramattassa dhammassa ārammaṇasahajāta-upanissayakammapaccayena paccayo”ti kesuci potthakesu pāṭho dissati, upanissayena pana saṅgahitattā “kammapaccayena paccayo”ti na sakkā vattum. Upādinnattikapañhāvārapaccanīye hi “anupādinna-anupādāniyo dhammo anupādinna-anupādāniyassa dhammassa sahajāta-upanissayapaccayena paccayo”ti<sup>1</sup> ettakameva vuttam. Parittattikapañhāvārapaccanīye ca “mahaggato dhammo mahaggatassa dhammassa ārammaṇasahajāta-upanissayapaccayena paccayo”ti<sup>2</sup> ettakameva vuttanti. Ettakameva ca avitakkavicāramattaṃ kammaṃ appamāṇaṃ mahaggatañca, tañca dubbalaṃ na hotīti etehiyeva vacanehi viññāyatīti.

Vitakkattikavaṇṇanā niṭṭhitā.

1. Abhi 8. 413, 416 piṭṭhesu.

2. Abhi 9. 324, 327, 332 piṭṭhe.



### 8. Dassanenapahātabbattikavaṇṇanā

Dassanenapahātabbattike **dassanena pahātabbo dhammo bhāvanāya pahātabbassa dhammassa ekenapi paccayena paccayo na hotīti** idaṃ paṭiccasamuppādavibhaṅge vicāritanayena vicāretabbanti.

Dassanenapahātabbattikavaṇṇanā niṭṭhitā.

#### Pucchāgaṇanagāthāyo

Kusalādi ekakatthaya-mathādi antena majjhimantena.

Ādi ca majjhena dukā, tayo tikeko ca viññeyyo.

Tesvekekaṃ mūlaṃ katvā, taṃ sattasattakā pucchā.

Ekekapaccaye yathā, bhavanti ekūnapaññāsa.

Chasattatādhikasataṃ, sahasamekañca suddhike pucchā.

Esa ca nayonulome, paccanīye cāti nāññattha.

Rāsiguṇitassa rāsissaddhaṃ, saha rāsikassa piṇḍo so.

Rāsissa vā sahekassaddhaṃ, puna rāsinā guṇitaṃ.

Iti hetumūlakāduka-tikādayo chacca sattatisatā dve.

Catuvīsattettha pucchā, aḍḍhuḍḍhasahasanaḥutañca.

Tāsaṃ yasmā suddhika-nayo na paccekapaccaye tasmā.

Catuvīsatiḡuṇitānaṃ, sasuddhikānaṃ ayaṃ gaṇanā.

Lakkhattayaṃ dvinahutaṃ, pañca sahasāni satta ca satāni.

Dvāpaññāsā etā, anulome piṇḍitā pucchā.

Anulomasadisagaṇanā, bhavanti pucchānaye ca paccanīye.

Hāpetvā pana sese, nayadvaye suddhike laddhā.

Chappaññāsa bhavanti pucchā, chasatasahitañca lakkhaterasakaṃ.

Pucchānayesu gaṇitā, paṭiccvāre catūsvapi.

Sattahi guṇitā kusalattike dvayaṃ, navutiñceva pañcasatā.

Cattāri saḥassāni ca, tathekanavute ca lakkhakā.

Tā dvāvīsati guṇitā, tikesu sabbesu vīsati ca koṭi.

Lakkhattayaṃ saḥsaṃ, catuvīsati cāpi viññeyyā.

Tikapāṭṭhānaṃ.

Ekakapaccaye pana, nava nava katvā soḷasadvīsataṃ.

Hetudukapaṭṭhamavāre, paṭṭhamanaye suddhike pucchā.

Hetādimūlakanaye-svekekasmim dukādibhedayute.

Caturāsīticasata-sahitaṃ saḥsadvayaṃ pucchā.

Tā catuvīsatiguṇitā, sasuddhikā ettha honti anulome.

Dvattimsaṭṭhasatādhika-saḥsanavakaḍḍhalakkhakā.

Evam paccanīye dve, suddhikarahitā catūsvato honti.

Channavutaṭṭhasataṭṭha-timsasahasadvilakkhakāni.

Tā pana sattaḡuṇā dve, sattatisatadvayaṃ saḥassāni.

Dvāsattati honti tato, soḷasa lakkhāni hetuduke.

Tā satagūṇā dukasate, satadvayaṃ sattavīsati saḥassā.

Dvāsattati lakkhāni ca, soḷasakoṭi tato pucchā.

Dukapaṭṭhānaṃ.

Dukatikapāṭṭhāne tika-pakkhepo hoti ekamekaduke.

Tassa chasaṭṭhiguṇena te, chasaṭṭhisataṃ dukā honti.

Hetudukaladdhapucchā, guṇitā tehi ca honti tikapadameva.

Dukapaṭṭhāne pucchā, tāsāṃ gaṇanā ayaṃ ñeyyā.

Dvāpaññāsa satāni ca, naveva nahutāni nava ca saṭṭhiñca.

Lakkhāni tīhi sahitaṃ, sataṃ saḥassañca koṭinaṃ.

Dukatikapāṭṭhānaṃ.

Tikadukapaṭṭhāne tika-mekekaṃ dvisatabhedanaṃ katvā.

Dvāvīsadvīsataḡuṇā, ñe yyā kusalattike laddhā.

Pucchā aṭṭhasatādhika-catusahassadvilakkhayuttānaṃ.

Koṭīnaṃ chakkamatho, koṭisahassāni cattāri.

Tikadukapaṭṭhānaṃ.

Tikatikapāṭṭhāne, tesatṭhividhekekabhedanā tu tikā.

Tehi ca ḡuṇitā kusala-ttikapucchāpi honti pucchā tā.

Dvādasa pañcasatā catu-satṭhisahassāni navuti cekūnā.

Lakkhānamekasatṭhi, dvādasasatakoṭīyo ceva.

Tikatikapāṭṭhānaṃ.

Dvayahīnadvayasataḡuṇo, ekeko dukaduke tehi.

Hetuduke laddhā saṅkha-bhedehi<sup>1</sup> ca vaḡḡhitā pucchā.

Chasatayutāni pañcā-sītisahassāni lakkhanavakaṅca.

Ekādasāpi koṭi, puna koṭisatāni tettiṃsa.

Dukadukapaṭṭhānaṃ.

Sampiṇḡitā tu pucchā, anulome chabbidhepi paṭṭhāne.

Chattīṃsatisatasahassa-tṭhakayutasattanahutāni.

Lakkhāni chacca cattā-līseva navātha koṭīyo dasa ca.

Sattakoṭisatehi ca, koṭisahassāni nava honti.

Tā catuḡuṇitā pucchā, catuppabhede samantapaṭṭhāne.

Catucattālīsasatattayaṃ, saḡassāni terasa ca.

---

1. Satabhedehi (Ka)

Sattāsīti ca lakkhānaṃ, koṭīnañca sattasattatiyo.  
Hontiṭṭhasatāniṭṭha-tiṃsasatasahassāni iti gaṇanā.

Paṭṭhānassa pucchāgaṇanagāthā.

Paṭṭhānapakaraṇamūlaṭīkā samattā.

Pañcapakaraṇamūlaṭīkā samattā.

Iti bhadanta-ānandācariyakena katā līnatthapadaṇṇanā

**Abhidhammassa mūlaṭīkā samattā.**

## Pañcapakaraṇamūlaṭīkāya

### Saṁvaṇṇitapadānaṁ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[ A ]		[ I - U - Ū ]	
Akāraṇavacchalo	39	Itthī	156
Ajanakā	197	Unnaḷo	41
Ajjhattasaṁyojano	39	Upatthaddhaṁ	76
Aññamaññapaccayatā	171	Upatthambhakattena	222
Atthipaccayatā	175	Upahacca	38
Adadamāno	50	Uppajjakkhaṇeyeva	180
Addhānaṁ	32	Uppaṭipāṭiyā	108
Adhipatiyaṭṭhena	173	Ūnataragaṇanesu	224
Anavaññātaraṁ	182		
Anicchanto	88	[ E ]	
Anupahaccatalā	38	Ekantarikapapaṇhā	66
Anuyogo	42	Eti	168
Anurakkhaṇā	33		
Anulomapañcakassa	54	[ O ]	
Anekantatā	73	Okāsaṁ	50
Araṇiyattā	34	Omānaṁ	221
Avikiṇṇasukhaṁ	43		
Avigatapaccayatā	175	[ Ka ]	
Avipākāni	224	Kaṭattārūpānaṁ	209
Asammissaṁ	22	Kaṭādayo	75
		Kammadvāraṁ	97
[ Ā ]		Karaṇamattaṁ	60
Āṇāpanavasena	222	Kiccasabbhāvaṁ	67
Ādheyyaṁ	44	Kirīṭi	29
Ādheyyamukho	44		
Ānantariyābhāvaṁ	98	[ Ga ]	
Āsevanaṭṭho	172	Gamanussukkavacanāṁ	200
		Goṭṭhā	167



Padānukkamo	Piṭṭhaṅko	Padānukkamo	Piṭṭhaṅko
<b>[ Pha - Ba ]</b>		<b>[ Va ]</b>	
Phuṭṭhantaṁ	36	Vaṭṭaṁ	87
Bāhirānaṁ	32	Vatthurūpamattampi	179
<b>[ Bha - Ma ]</b>		Vikappato	6
Bhinnakā	47	Vigatapaccayatā	175
Bhinnavādena	49	Vinayagambhīraṁ	48
Bhūtaṁ	38	Vippayuttapaccayatā	174
Maṁsacakkhumeva	76	<b>[ Sa ]</b>	
Mahāvīro	1	Sadisavārā	235
Mārabhaṅjano	1	Santatiṁ	82
Mukhaṁ	44	Sabbaṭṭhānikā	197
Mūlataṇhā	86	Samantapaṭṭhānāni	167
Mūlasaṅgahaṁ	47	Samantā	167
<b>[ Ya - Ra - La ]</b>		Samādhānaṭṭhena	96
Yujjamānakavasena	214	Sampayuttapaccayatā	174
Rajaggasmim	44	Sayanti	150
Rāgo	221	Suttabhayena	91
Lakkhaṇena	229	Suddhasaṁyamo	165
		<b>[ Ha ]</b>	
		Hetu	168

Abhidhammapiṭaka

# Pañcapakaraṇa-anuṭikā

Namo tassa Bhagavato Arahato Sammāsambuddhassa.

## Dhātukathāpakaraṇa-anuṭikā

Ganthārambhavaṇṇanā

Dhātukathāpakaraṇadesanāya desadesakaparisāpadesā vuttappakārā evāti kālāpadesam dassento “**dhātukathāpakaraṇam desento**”ti-ādimāha. “Tasseva anantaram adesayī”ti hi iminā vibhaṅgānantaram dhātukathā desitāti tassā desanākālo apadiṭṭho hoti. Ye pana “vibhaṅgānantaram kathāvattthupakaraṇam desitan”ti vadanti, tesam vādam paṭikkhipanto “**vibhaṅgānantaram -pa- dassetun**”ti āha.

“Kāmā te paṭhamā senā”ti<sup>1</sup> ādivacanato kilesaviddhamsanampi devaputtamārassa balavidhamananti sakkā vattum, “appavattikaraṇavasena kilesābhisaṅkhāramārānan”ti pana vuccamānattā khantibalasaddhābalādi-ānubhāvena ussāhāparisābalabhañjanameva devaputtamārassa balaviddhamsanam daṭṭhabbam. **Visayātikkamanam** kāmādhātusamatikkamo. **Samudayappahānapariññāvasenāti** pahānābhisamayapariññābhisamayānam vasena. Nanu cetam pañcannam mārānam bhañjanam sāvakesupi labbhatevāti codanam manasi katvā āha “**parūpanissayarahitan**”ti-ādi. Vīrassa bhāvo vīriyanti katvā vuttam “**mahāvīriyoti mahāvīro**”ti. Mahāvīriyatā ca paripuṇṇavīriyapāramitāya

1. Khu 1. 432; Khu 7. 73; Khu 8. 114 piṭṭhesu.



caturaṅgasamannāgatavīriyādhiṭṭhānena  
anaññasādhāraṇacatubbidhasammappadhānasampattiyā ca veditabbā. Tato  
eva hissa vīriyāhānisiddhipīti.

Khandhādike dhamme adhiṭṭhāya nissāya visayaṃ katvā  
abhidhammakathā pavattāti āha “**abhidhammakathādhiṭṭhānaṭṭhena vā**”ti.  
**Tesaṃ kathanatoti** tesaṃ khandhādīnaṃ kathābhāvato. Etena  
atthavisesasannissayo byañjanasamudāyo pakaraṇanti vuttam hoti. Atha vā  
dhātuyo kathīyanti ettha, etena vāti **dhātukathā**, tathāpavatto  
byañjanatthasamudāyo. Yadi evaṃ sattannampi pakaraṇānaṃ  
dhātukathābhāvo āpajjatīti codanaṃ sandhāyāha “**yadipi**”ti-ādi. Tattha  
**sātisayanti** savisesaṃ vicittātirekavasena anavasesato ca desanāya pavattattā.  
Tathā hi vuttam “sabbāpi dhammasaṅgaṇī dhātukathāya mātikā”ti<sup>1</sup>.  
Tenevāha “**ekadesakathanameva hi aññattha katan**”ti.

Idāni sāsane yesu dhātu-saddo niruḷho, tesaṃ vasena aññehi  
asādhāraṇaṃ imassa pakaraṇassa dhātukathābhāvaṃ dassento  
“**kandhāyatanadhātūhi vā**”ti-ādīmāha. Tattha **tatthāti**  
kandhāyatanadhātūsu. Mahanto pabhedānugato visayo etāsanti  
**mahāvisayā**, dhātuyo, na kandhāyatanāni appatarapadattā. Yena vā  
sabhāvena dhammā saṅgahāsaṅgahasampayogavippayogehi uddesaniddese  
labhanti, so sabhāvo dhātu. Sā dhātu idha sātisayaṃ desitāti savisesaṃ  
dhātuyā kathanato idaṃ pakaraṇaṃ “**dhātukathā**”ti vuttam. Sabhāvattho hi  
ayaṃ dhātu-saddo “dhātuso bhikkhave sattā saṃsandantī”ti-ādisu viya.  
**Dhātubhedanti** dhātuvibhāgaṃ. Pakaraṇanti vacanaseso. Kuto pakaraṇa-  
saddo labbhatīti āha “**sattannaṃ pakaraṇānaṃ kamena vaṇṇanāya**  
**pavattattā**”ti. **Tena yojanaṃ katvāti** tena pakaraṇa-saddena “dhātukathāva  
pakaraṇaṃ dhātukathāpakaraṇaṃ”ti yojanaṃ katvā. **Tam dīpananti** tam  
dhātukathāpakaraṇassa atthadīpanaṃ, atthadīpanākārena pavattaṃ  
vaṇṇanaṃ “atthaṃ dīpayissāmī”ti vatvā “tam suṇāthā”ti vadanto  
sotadvārānusārena tattha upadhāraṇe niyojetīti āha  
“**tam dīpanavacanasavanena upadhārethāti attho**”ti.

Ganthārambhavaṇṇanā niṭṭhitā.

1. Abhi 3. 2 piṭṭhe.

2. Saṃ 1. 368 piṭṭhe.

# 1. Mātikāvaṇṇanā

## 1. Nayamātikāvaṇṇanā

1. **Cuddasavidhenā**ti cuddasappakārena, cuddasahi padehīti attho. Tattha “saṅgaho asaṅgaho”ti idamekaṃ padaṃ, tathā “sampayogo vippayogo”ti. “Saṅgahitena sampayuttaṃ vippayuttaṃ”ti-ādīni pana tīṇi tīṇi padāni ekekaṃ padaṃ. Itaresu padavibhāgo suviññeyyova. **Etehī**ti saṅgahādippakārehi. Nayanam pāpanam, tam pana pavattanam nāpanaṅca hotīti “pavattiyati nāyanti”ti ca dvidhāpi attho vutto. Nayā eva uddisiyamānā mātikā. Atthadvayepi pavattanaññakiriyānam karaṇabhāvena saṅgahādippakārā nayāti vuttā. Tenāha **aṭṭhakathāyam** “iminā saṅgahādikena nayanā”ti<sup>1</sup>. **Padānanti** atthadīpakānam vacanānam. Pajjati etena atthoti hi padaṃ. **Padānanti** ca saṃsāmisambandhe sāmivacanam, **pakaranassāti** pana avayavāvayavīsambandhe.

## 2. Abbhantaramātikāvaṇṇanā

2. **Tadatthānī**ti paṭiccasamuppādatthāni. Paṭicca samuppajjati saṅkhārādikaṃ etasmāti hi paṭiccasamuppādo, paccekaṃ avijjādiko paccayadhammo. Tathā hi vuttaṃ saṅkhārapiṭake “dvādasa paccayā, dvādasa paṭiccasamuppādā”ti. **Tesanti** khandhādīnam. **Tathādassitānanti** gaṇanuddesavibhāgamattena dassitānam. Kasmā panettha paṭiccasamuppādo dvādasabhāveneva ghito, nanu tattha bhavo kammabhavādibhedena, sokādayo ca sarūpatoyeva idha pāḷiyam gahitāti codanam sandhāyāha “**tatthā**”ti-ādi. Tattha **tatthāti** tasmim “pañcavīsādhikena padasatenā”ti evam vutte aṭṭhakathāvacane. Kammabhavassa bhāvanabhāvena, upapattibhavassa bhāvanabhāvena. Padatthato pana kammabhavo bhavati etasmāti bhavo, itaro bhavati, bhavanam vāti. **Tannidānadukkhabhāvenāti** jarāmarañanidānadukkhabhāvena.

“Sabbāpi dhammasaṅgaṇī dhātukathāya mātukā”ti idampi dhātukathāya mātikākittanamevāti “sabbāpi -pa- mātikāti ayam dhātukathāmātikāto bahiddhā vuttā”ti vacanam asambhāvento “**atha**

---

1. Abhi-Ṭṭha 3. 1 piṭṭhe.

**vā**”ti-ādimāha. **Pakaraṇantaragatā vuttā** dhātukathāya mātikābhāvenāti attho. Kāmañcetta mātikābhāvena vuttā, pakaraṇantaragatatā pana aññato gahetabbarūpā ito bahibhūtā nāma honti, sarūpato gahitāva pañcakkhandhāti-ādikā abhantarā. Tenāha “**sarūpato dassetvā ṭhapitattā**”ti. **Mātikāya asaṅgahitattāti** mātikāya sarūpena asaṅgahitattā, na aññathā. Na hi mātikāya asaṅgahito koci padattho atthi. **Vikiṇṇabhāvenāti** khandhavibhaṅgādīsu visuṃ visuṃ kiṇṇabhāvena visaṭabhāvena.

### 3. Nayamukhamātikāvaṇṇanā

3. **Nayānaṃ** saṅgahādippakāravisesānaṃ **pavatti** desanā, tassā viṇiggamaṭṭhānatāya **dvāraṃ**. Yathāvuttadhammā yathārahaṃ khandhāyatanadhātuyo arūpino ca khandhāti **tesaṃ uddeso nayamukhamātikā**. Tenāha “nayāna”ti-ādi. Viyujjanasīlā, viyogo vā etesaṃ atthīti viyogino, tathā sahayogino, saṅgahāsaṅgahadhammā ca viyogīsahayogīdhammā ca **saṅgahā -pa- dhammā**, saṅgaṇhanāsaṅgaṇhanavasena viyujjanasaṃyujjanavasena ca pavattanakasabhāvāti attho. **Cuddasapīti**-ādinā tamevattham pākātaram karoti. **Yehīti** yehi khandhādīhi arūpakkhandhehi ca. **Te cattāro**ti te saṅgahādayo cattāro. **Saccādīhipīti** sacca-indriyapaṭicasamuppādādīhipi saha. **Yathāsambhavanti** sambhavānurūpaṃ, yaṃ yaṃ padaṃ saṅgahito asaṅgahitoti ca vattum yuttam, tam tanti attho.

**So panāti** saṅgahāsaṅgaho. **Saṅgāhakabhūtehīti** saṅgahaṇakiriyāya kattubhūtehi. **tehīti** saccādīhi. **Na saṅgahabhūtehīti** saṅgahaṇakiriyāya karaṇabhūtehi saccādīhi saṅgahāsaṅgaho na vutto. Tatthāpi hi khandhāyatanadhātuyo eva karaṇabhūtāti dasseti **khandhādīheva saṅgahehīti** khandhādīhiyeva saṅgaṇhanakiriyāya karaṇabhūtehi, “khandhasaṅgahena saṅgahitā, āyatanasaṅgahena asaṅgahitā, dhātusaṅgahena asaṅgahitā, te dhammā catūhi khandhehi, dvīhāyatanehi, aṭṭhahi dhātūhi asaṅgahitā”ti saṅgahāsaṅgaho niyametvā vutto. **Tasmāti** yasmā saccādīni saṅgāhakabhāvena vuttāni, na saṅgahabhāvena, khandhādīniyeva ca saṅgahabhāvena vuttāni, tasmā.

Kasmā panettha saccādayo saṅgahasena na vuttāti? Tathādesanāya asamभवतो. Na hi sakkā rūpakkhandhādīnaṃ samudayasaccādīhi, saññādīnaṃ vā indriyādīhi saṅghanayena pucchitum vijjitum vāti. Tathā ariyaphalādīsu uppannavedanādīnaṃ saccavinimuttatāya “vedanākkhandho katīhi saccehi saṅgahito”ti pucchitvāpi “ekena saccena saṅgahito”ti-ādīnaṃ niyametvā saṅgahaṃ dassetum na sakkāti. **Yathāsambhavanti** yehi sampayogo, yehi ca vippayogo, tadanurūpaṃ.

**Rūpaṃ rūpena nibbānena vā vippayuttaṃ na hoti, nibbānaṃ vā rūpena.** Kasmā? Sampayuttanti anāsaṅkanīyasabhāvattā. Catunnañhi khandhānaṃ aññamaññaṃ sampayogībhāvato “rūpanibbānehi so atthi natthi”ti siyā āsaṅkā, tasmā tesaṃ itarehi, itaresaṅca tehi vippayogo vuccati, na pana rūpassa rūpena, nibbānena vā, nibbānassa vā rūpena katthaci sampayogo atthīti tadāsaṅkābhāvato vippayogopi rūpassa rūpanibbānehi, nibbānassa vā tena na vuccati, arūpakkhandhehiyeva pana vuccatīti āha “**catūhevā**”ti-ādī. **Anārammaṇassa** cakkhāyatanādīkassa. **Anārammaṇa-anārammaṇamissakehī**ti anārammaṇena sotāyatanādīnaṃ anārammaṇamissakena ca dhammāyatanādīnaṃ. **Missakassa** dhammāyatanādīkassa. Anārammaṇa-anārammaṇamissakehi na hotīti yojettabbaṃ. Yesaṃ pana yehi hoti, taṃ dassetum “**anārammaṇassa panā**”ti-ādī vuttaṃ. Yathā hi sārammaṇassa anārammaṇena anārammaṇamissakena ca vippayogo hoti, evaṃ sārammaṇenapi so hotiyeva. Tena viya anārammaṇassa anārammaṇamissakassa cāti daṭṭhabbaṃ.

#### 4. Lakkhaṇamātikāvaṇṇanā

4. **Visum yojanā kātabbāti** yo tīhi saṅgaho catūhi ca sampayogo vutto, taṃ sabhāgo bhāvo payojeti, yo ca tīhi asaṅgaho catūhi ca vippayogo vutto, taṃ visabhāgo bhāvoti imamatthaṃ dassento “**saṅgaho -pa- viññāyati**”ti āha. Yassa saṅgaho, so dhammo khandhādīko **sabhāgo**. Yassa asaṅgaho, so **visabhāgo**. Tathā sampayogesupi veditabbaṃ. idāni yathāvuttaṃ sabhāgataṃ sarūpato niddhāretvā dassetum “**tatthā**”ti-ādī vuttaṃ.

Tattha **samānabhāvo saṅgahe sabhāgatā, ekuppādādiko sampayogeti** iminā ruppanādividhuro asamānasabhāvo asaṅgahe visabhāgatā, nānuppādādiko vippayogeti ayamatto atthasiddhoti na vuttoti.

### 5. Bāhramātikāvaṇṇanā

5. **Etena ṭhapanākārenā**ti sarūpena aggahetvā yathāvuttena pakaraṇantaramātikāya idha mātikābhāvakkittanasāṅkhātena ṭhapanākārena. Pakaraṇantaraṭhapitāya mātikāya avibhāgena pacchato gahaṇaṃ bahi ṭhapananti āha “**bahi piṭṭhito ṭhapitattā**”ti. **Idha aṭṭhapetvā**ti imissā dhātukathāya sarūpena avatvā. **Tathā pakāsītattā**ti mātikābhāvena jotitattā. Dhammasaṅgaṇīsīsena hi dhammasaṅgaṇiyaṃ āgatamātikāva gahitāti. Yehi nayehi dhātukathāya niddeso, tesu navesu, tehi vibhajitabbesu khandhādīsu, tesaṃ nayānaṃ pavattidvāralakkhaṇesu ca uddiṭṭhesu dhātukathāya uddesavasena vattabbaṃ vuttameva hotīti yaṃ uddesavasena vattabbaṃ, taṃ vatvā puna yathāvuttānaṃ khandhādīnaṃ kusalādivibhāgadassanattamaṃ “sabbāpi dhammasaṅgaṇi dhātukathāya mātikā”ti vuttanti evamettha mātikāyanikkhepavidhi veditabbo.

“Gāvīti ayamāhā”ti ettha gāvī-saddo viya “saṅgaho asaṅgaho”ti ettha padatthavipallāsakārinā iti-saddena atthapadatthako saṅgahāsaṅgaha-saddo saddapadatthako jāyatīti adhippāyenāha “**aniddhāritatthassa saddasseva vuttattā**”ti. Tena atthuddhārato saṅgaha saddaṃ saṃvaṇṇetīti dasseti. **Aniddhāritavisesoti** asaṅgahitajātisaṅjāti-ādiviseso. **Sāmaññena gahetabbatanti** saṅgahasaddābhidheyyatāsāmaññena Viññāyamāno vuccamāno vā. Na cettha Sāmaññaṅca ekarūpamevāti codanā kātabbā bhedāpekkhattā tassa. Yattakā hi tassa visesā, tadapekkhameva tanti. “**Attano jātiyā**”ti viññāyati yathā “matteyyā”ti vutte attano mātu hitāti.

**Dhammavisesaṃ aniddhāretvā**ti saṅgahitatādīnā pucchitabbavissajjetabbadhammānaṃ visesanaṃ akatvā. **Sāmaññenā**ti avisesena. **Dhammānanti** khandhādīdhammānaṃ. **Avasesā nidvāretvā**ti “saṅgahitena asaṅgahitan”ti-ādikā

avasesā dvādasapi pucchitabbavissajjetabbadhammavisesaṃ niddhāretvā dhammānaṃ pucchanavissajjananaya-uddesāti yojanā. Nanu ca “saṅgahitena asaṅgahitan”ti-ādiyopi yathāvuttavisesaṃ aniddhāretvā sāmāñña dhammānaṃ pucchanavissajjananayuddesāti codanaṃ sandhāyāha “**saṅgahitena asaṅgahitan**”ti-ādi. Yassa attho ñāyati, saddo ca na payujjati, so lopoti veditabbo, āvutti-ādivasena vā ayamattho dīpetabbo. **Tenāti** luttaniddiṭṭhena asaṅgahita-saddena. **Saṅgahitavisesavisiṭṭhoti** cakkhāyatanena khandhasaṅgahena saṅgahitatāvisesavisiṭṭho, tena sotāyatanādibhāvena asaṅgahito sotapasādādiko yo ruppanasabhāvo dhammaviseso. **Tannissito** taṃ dhammavisesaṃ nissāya labbhamāno. “Te dhammā katihī khandhehi -pa- catūhi khandhehi asaṅgahitā”ti-ādinā asaṅgahitatāsaṅkhāto pucchāvissajjananayo parato pucchitvā vissajjiyamāno idha uddiṭṭho hoti. **Vesane karaṇavacananti** iminā tassa dhammassa yathāvuttasaṅgahitatāvisesavisiṭṭhatāmyeva vibhāveti. Evamete pucchitabbavissajjetabbadhammavisesaṃ niddhāretvā pucchanavissajjananayuddesā pavattāti veditabbā.

Nanu ca “saṅgahitena asaṅgahitan”ti ettāvātāpi ayamattho labbhatīti? Na labbhati tassa dhammamattadīpanato. Nayuddeso heso, na dhammuddeso. Tathā hi **pāḷiyam** saṅgahitena asaṅgahitapadaniddese “cakkhāyatanena ye dhammā khandhasaṅgahena saṅgahitā, āyatana -pa- dhātusaṅgahena asaṅgahitā”ti vatvā “te dhammā katihī khandhehi -pa- asaṅgahitā”ti<sup>1</sup> pucchitvā “te dhammā catūhi khandhehi dvīhāyatanehi aṭṭhahi dhātūhi asaṅgahitā”ti dutiyam asaṅgahitapadaṃ gahitaṃ. Aññathā “cakkhāyatanena ye dhammā khandhasaṅgahena saṅgahitā, te dhammā āyatanasaṅgahena asaṅgahitā, dhātusaṅgahena asaṅgahitā. Te katame” icceva niddisitabbaṃ siyā.

**Esa** nayoti atidesena dassitamattaṃ pākaṭataraṃ kātum “**tesupī**”ti-ādi vuttaṃ. **tatiyapadenāti** luttaniddesena gahetabbanti vuttapadaṃ sandhāyāha. **Kattu-atthe karaṇaniddeso** saṅgahitāsaṅgahitehi tehi dhammehi dhammānaṃ saṅgahitatāsaṅgahitatāya vuttattā.

---

1. Abhi 3. 28 piṭṭhe.

Tathā hi tattha pāliyaṃ “tehi dhammehi ye dhammā”ti dhammukheneva saṅgahitatāsaṅgahitatā vuttā. Dutiyatatiyesu pana saṅgahitatāsaṅgahitatāsaṅkhātavisesanadvārena dhammānaṃ asaṅgahitatāsaṅgahitatā vuttāti tattha “visesane karaṇavacanaṃ”ti vuttaṃ. Tenāha “**tattha hi -pa- dhammantarassā**”ti. Tattha **sabhāvantarenā**ti saṅgahitatāsaṅgahitatāsaṅkhātēna sabhāvantarena pakārantarena. **Sabhāvantarassā**ti asaṅgahitatāsaṅgahitatāsaṅkhātassa sabhāvantarassa. **Etesū**ti catutthapañcomesu. **Dhammantarenā**ti aññadhammena. **Dhammantarassā**ti tato aññassa dhammassa visesanaṃ kataṃ. Tattha hi antarena pakāravisesāmasanaṃ dhammeneva dhammo visesitoti. **Ādipadenevā**ti “saṅgahitenā”ti-ādinā vuttēna paṭhamapadeneva. **Itarehī**ti “sampayuttaṃ vippayuttaṃ”ti-ādinā vuttehi dutiyatatiyapadehi. **Etthā**ti ekādasamādīsu catūsu. Dutiyatatiyesu viya visesane eva karaṇavacanaṃ daṭṭhabbaṃ, na catutthapañcomesu viya kattu-attheti adhippāyo. **Pucchāvissajjanānanti**-ādinā tamevatthaṃ vibhāveti.

**Vividhakappanatoti** vividhaṃ bahudhā kappanato, saṅgahāsaṅgahānaṃ visuṃ saha ca visesanavisesitabbabhāvakappanatoti attho. Taṃ pana vikappanaṃ vuttākārena vibhajānaṃ hotīti āha “**vibhāgatoti attho**”ti. Sanniṭṭhānalakkaḥaṇena adhimokkheṇa sampayuttadhammā ārammaṇe nicchayanākārena pavattiyā sanniṭṭhānavasena vuttadhammā. Te ca tehi saddhiṃ tadavasiṭṭhe dvipaṇcaviññāṇavicikicchāsahagatadhamme ca saṅgahetvā āha “**sanniṭṭhānavasena vuttā ca sabbe ca cittuppādā sanniṭṭhānavasena vuttasabbacittuppādā**”ti. **Itareti** phassādayo. **Sabbesanti** ekūnanavutiyā cittuppādānaṃ. **Pariggahetabbā**ti saṅgahādivasena pariggaṇhitabbā. **Mahāvisayena** adhimokkheṇa. **Aññesanti** vitakkādīnaṃ. **Vacanaṃ sandhāyā**ti “adhimuccanaṃ adhimokkho, so sanniṭṭhānalakkaḥaṇo”ti **dhammasaṅgahavaṇṇanāyaṃ**<sup>1</sup> “taṇhāpaccayā adhimokkho, adhimokkhapaccayā bhavo”ti **paṭiccasamuppādavibhaṅge**<sup>2</sup> ca āgataṃ vacanaṃ sandhāya. **Atthe satī**ti “sanniṭṭhāna -pa- sādharmaṇato”ti evamatthe vuccamaṇe. **Vattabbesū**ti saṅgahādipariggahatthaṃ vattabbesu. **Vuttā phassādayo** manasikārapariyosānā.

1. Abhi-Ṭṭha 1. 177 piṭṭhe.

2. Abhi 2. 171 piṭṭhe.

**Tādisassāti** phassādisadisassa sādharmaṇassa adhimokkhasadisassa asādharmaṇassa aññaṇassa dhammassa abhāvā.

Nanu jīvitindriyacittaṭṭhitiyopi sādharmaṇāti? Saccam sādharmaṇā, atthi pana visesoti dassento āha “**jīvitindriyam panā**”ti-ādi. Asamādhisabhāvā balabhāvam appattā sāmāññasaddeneva vattabbāti yojanā.

**Sāmāññavisesasaddehi cāti** sāmāññavisesa-saddehi vattabbā ca samādhisabhāvā cittekaggatā. **Visesasaddavacanīyam aññanti** balappattasamādhito aññaṇam sāmāññasaddena byāpetabbaṇam, visesasaddena ca nivattetabbaṇam natthi samādhisabhāvāya eva cittekaggatāya gahittā. Na aññabyāpakanivattako sāmāññaviseso **anañña -pa- viseso**, tassa dīpanato.

**Tasseva dhammassāti** tasseva balappattasamādhidhammassa.

**Bhedadīpakehīti** visesadīpakehi samādhibalādivacanehi vattabbā.

**Vuttalakkaṇā** anaññabyāpakanivattakasāmāññavisesadīpanā saddā. Tato **viparītehi** aññaṇam byāpetabbaṇam nivattetabbaṇa gahetvā pavattehi sāmāññavisesasaddeheva na sukhādisabhāvā vedanā viya vattabbā. **Tasmāti** yasmā asamādhisabhāvā samādhisabhāvāti dvedhā bhinditvā gahitā cittekaggatā, tasmā. **Asamādhisabhāvameva pakāseyya**

visesasaddanirapekkhaṇam pavatamānattā. **Itaroti** samādhipabādiko visesa-saddo. **Idhāti** imasmim abhantaramātikuddese, sādharmaṇe phassādike, mahāvisaye vā adhimokkhe uddisiyamāne. Nanu ca abhinditvā gayhamānā cittekaggatā vedanā viya sādharmaṇā hotīti codanaṇam sandhāyāha “**abhinnāpi vā**”ti-ādi. “Cittassa ṭhiti cittekaggatā avisāhaṭamānasatā<sup>1</sup>. Arūpīnaṇam dhammānaṇam āyu ṭhiti<sup>2</sup> vacanato samādhijīvitindriyānaṇam **aññadhammanissayena vattabbatā** veditabbā. **Na arahatīti** idha uddesaṇam na arahatī samukheneva vattabbesu phassādīsu uddisiyamānesūti attho.

Mātikāvaṇṇanā niṭṭhitā.

1. Abhi 1. 19 piṭṭhe.

2. Abhi 1. 20 piṭṭhe.



## 2. Niddesavaṇṇanā

### 1. Paṭhamanaya saṅgahāsaṅgahapadavaṇṇanā

#### 1. Khandhapadavaṇṇanā

6. “Abhiññeyyadhammabhāvena vuttā cattāro khandhā hontī”ti-ādinā, “rūpakkkhandho abhiññeyyo”ti-ādinā ca abhiññātalakkhaṇavisayāti āha “**sabhāvato abhiññātānan**”ti. **Pariññeyyatādīti** ādisaddena pahātabbasacchi kātabbabhāvetabbatā saṅgayhati. **Adhipatīyādīti** adhipatipaccayabhāva-upaṭṭhānapadahanādīni. **Saccādiviseso viyāti** dukkhasaccādi-pariyāyo abhiññeyyapīlanapaṭṭhādiviseso viya. **Evañca katvāti** nayamukhamātikāya abhiññeyyanissayena vuccamānattā eva. **Tesaṃ rūpadhammānaṃ** pañcannaṃ khandhānaṃ khandhabhāvena viya **rūpakkkhandhabhāvena sabhāgatā hoti**, na vedanākkhandhādibhāvenāti saṅgahalakkhaṇamāha. **Itīti** tasmā, yasmā rūpadhammā aññamaññaṃ rūpakkkhandhabhāvena sabhāgā, tasmāti attho. **Rūpakkkhandhabhāvasaṅkhātena** rūpakkkhandhabhāvena atthamukheneva gahaṇe. Saddadvārena pana gahaṇe **rūpakkkhandhavacanasāṅkhātena vā** rūpakkkhandhavacana-vacaniyatāsaṅkhātena. Idāni tamevatthaṃ pākāṭataraṃ kātum “**rūpakkkhandhoti hī**”ti-ādi vuttaṃ.

**Purimenāti** rūpakkkandhena. **Saññākkhandhamūlakāti**-ādīsu “purimena yojyamāne”ti-ādīṃ ānetvā yathārahaṃ yojetabbaṃ. Abhedato pañcakupucchāvissajjanaṃ khandhapadaniddese sabbapacchimamevāti āha “**bhedato pañcakupucchāvissajjanānantaran**”ti.

#### Āyatanapadādivaṇṇanā

40. **Yadipi ekakepi sadisaṃ vissajjanaṃ** vissajjanaṃ samudayamaggasaccānaṃ “samudayasaccaṃ ekena khandhena -pa-maggasaccaṃ ekena khandhena ekenāyatanena ekāya dhātuyā saṅgahitaṃ, catūhi khandhehi ekādasahi āyatanehi sattarasahi dhātūhi asaṅgahitaṃ”ti<sup>1</sup> niddiṭṭhattā. **Etthāti** etasmim

---

1. Abhi 3. 9 piṭṭhe.

indriyapadaniddese. **Cakkhusotacakkhusukhindriyadukānanti** cakkhusotadukaṃ cakkhusukhindriyadukanti etesaṃ dukānaṃ. Cakkhusotasukhindriyānañhi “ekena khandhena ekenāyatanena ekāya dhātuyā saṅgahitaṃ, catūhi khandhehi ekādasahi āyatanehi sattarasahi dhātūhi asaṅgahitaṃ”ti ekake sadisaṃ vissajjanaṃ. Cakkhusotindriyadukassa pana “cakkhundriyañca sotindriyañca ekena khandhena dvīhāyatanehi dvīhi dhātūhi saṅgahitā, catūhi khandhehi dasahāyatanehi soḷasahi dhātūhi asaṅgahitā”ti, “cakkhundriyañca sukhindriyañca dvīhi khandhehi dvīhāyatanehi dvīhi dhātūhi saṅgahitā, tīhi khandhehi dasahāyatanehi soḷasahi dhātūhi asaṅgahitā”ti cakkhusukhindriyadukassa ca **asadisaṃ vissajjanaṃ. Nāpi dukehi tikassāti** cakkhusotacakkhusukhindriyādidukehi cakkhusotasukhindriyāditikassa nāpi sadisaṃ vissajjanaṃ. **Idhāti** saccapadaniddese. **Tikena cāti** dukkhasamudayamaggāditikena ca. “Pañcahi khandhehi dvādasahāyatanehi aṭṭhārasahi dhātūhi saṅgahitā, na kehici khandhehi na kehici āyatanehi na kāhici dhātūhi asaṅgahitā”ti sadisaṃ vissajjanaṃ.

## 6. Paṭicasamuppādavannaṇā

61. **Avijjāvacaṇenāti** “avijjāpaccayā saṅkhārā”ti ettha avijjāggahaṇena. **Visesaṇaṃ na kattabbaṃ**, “sabbampi viññāṇaṃ”ti vattabbanti adhippāyo. Tattha kāraṇamāha “**kusalādīnampi**”ti-ādinā. **Vissajjanāsadisena** sabbaviññāḍisaṅgahaṇato. **Tesanti** viññāḍipadānaṃ. **Idhāti** imasmim paṭhamanaye. **Akammajānampi saṅgahitā viññāyati** saddāyatanassapi gahitattā.

71. **Jāyamāna -pa- mānānanti** jāyamānādi-avatthānaṃ dhammānaṃ. **Jāyamānādibhāvamattattāti** nibbattaṇādi-avatthāmatthabhāvato. **Vinibbhujjivāti** avatthābhāvato vinibbhogaṃ katvā. Paramatthato avijjamānāni, **sabhāvamattabhūtānīti** paramatthadhammānaṃ avatthābhāvamattabhūtāni. Aparamatthasabhāvānīpi rūpadhammassa nibbatti-ādibhāvato ruppanabhāvena gayhanti. Tato “rūpakkhandhassa sabhāgāni, arūpānaṃ pana jātijarāmarāṇāni”ti ānetvā yojanā. **Ekekabhūtānīti** yathā ekasmim rūpakalāpe jāti-ādīni ekekāniyeva honti, evaṃ ekasmim arūpakalāpepi vuttaṃ.

Tenāha “**rūpakalāpajāti-ādīni viyā**”ti-ādi.

Anubhavanasañjānanavijānanakiccānaṃ vedanādīnaṃ nibatti-ādibhūtanipi jāti-ādīni tathā na gayhantīti āha “**vediyana -pa- agayhamānāni**”ti. Tena vedanākkhandhādīhi jāti-ādīnaṃ saṅgahābhāvamāha. “Jāti bhikkhave aniccā saṅkhatā”ti-ādi<sup>1</sup>vacanato jāti-ādīnampi saṅkhatapariyāyo atthīti saṅkhatābhisaṅkhāraṇakiccena saṅkhārakkhandhena tesmā saṅgahoti vuttaṃ “**saṅkhatā -pa- sabhāgāni**”ti. Teneva ca saṅkhārakkhandhassa anekantaparamatthakicchā veditabbā. **Tathā duvidhāni** vuttappakārena rūpārūpadhammānaṃ nibbatti-ādibhāvena dvippakārāni. **Tenāti** yathāvuttasabhāgatthena. **Tehi khandhādīhi** rūpakkkhandhasaṅkhārakkhandhadhammāyanadhammadhātūhi.

Paṭhamanayasāṅgahāsaṅgahapadavaṇṇanā niṭṭhitā.

## 2. Dutīyanaya saṅgahitena-asaṅgahitapadavaṇṇanā

171. “**Saṅgahitena asaṅgahitan**”ti ettha saṅgahitāsaṅgahitasaddā bhinnādhikaraṇā na gahetabbā visesanavisesitabbatāya icchitattā. Yo hi dhammo saṅgahitāvisesavisiṭṭho asaṅgahito heṭṭhā uddiṭṭho, sveva idha asaṅgahitabhāvena pucchivā vissajjīyatīti dassento “**yam tam -pa- tadeva dassento**”ti āha. Ye hi dhammā cakkhāyatanena khandhasaṅgahena saṅgahitā, āyatanadhātusaṅgahena ca asaṅgahitā, tesamyeva puna khandhādīhi asaṅgaho pucchivā vissajjito. Tena vuttaṃ “**cakkhāyatanena -pa- āhā**”ti. **Sabbatthāti** sabbesu navesu vāresu ca.

**Khandhādīsaṅgahasāmaññānanti** “khandhasaṅgahenā”ti-ādīnā avisesena vuttānaṃ khandhādīsaṅgahānaṃ. “Sāmaññajotānā visese avatiṭṭhatī”ti āha “**niccaṃ visesāpekkhattā**”ti. Visēsāvabodhanatthāni pañhabyākaraṇānīti vuttaṃ “**bhedanissitattā ca pucchāvissajjanānan**”ti. **Savisesāva khandhādīgaṇanāti** “khandhasaṅgahenā”ti-ādīnā avisesena vuttāpi rūpakkkhandhādīnā savisesāva khandhādīgaṇanā, khandhādīnā saṅgahoti attho. **Suddhāti** kevalā anavasesā, sāmaññabhūtāti vuttaṃ hoti.

**Tatthāti** yathādhikate dutīyanaye. Sāmaññajotānāya visesaniddiṭṭhattā āha “**saṅgahi -pa- niddhāritattā**”ti. **Tīsu saṅgahesūti**

1. Saṃ 1. 264 piṭṭhe.

khandhādisaṅghesu tīsu. **Aññehī**ti vuttāvasesehi dvīhi ekena vā. **Ettakeneva dassetabbā siyurū** tāvatāpi saṅghahitena asaṅghahitabhāvassa pakāsītattā. **Tesanti** saṅghahitena asaṅghahitabhāvena vuttadhammānaṃ. **Evamvidhānanti** “cakkhāyatanam sotāyatanam”ti-ādinā aniddhāritavisesānaṃ. **Asambhavāti** vuttappakārena niddisitum asambhavā. Saṅghādinayadassanamattam nayamātikāya byāpāro, yattha pana saṅghādayo, te khandhādayo kusalādayo ca tesam visayabhūtāti tehi vinā saṅghādinam pavatti natthi. Tenāha “**nayamātikāya abhantarabāhīramātikāpekkhattā**”ti. **Saṅghakam** asaṅghakāñcāti vattabbanā. Yo hi idha saṅghakabhāvena vutto dhammo asaṅghakabhāvenapi vuttoyevāti.

“Ye dhammā khandhasaṅghahena saṅghahitā, āyatanadhātusaṅghahena asaṅghahitā”ti, “ye dhammā khandhasaṅghahena asaṅghahitā, āyatanadhātusaṅghahena saṅghahitā”ti ca **yattha** **pucchitabbavissajjitabbadhammavisesaniddhāraṇam natthi, tattha paṭhamanaye chaṭṭhanaye ca** “rūpakkhandho katihi khandhehi saṅghahito? Ekena khandhenā”ti,<sup>1</sup> “rūpakkhandho katihi khandhehi sampayuttoti? Natthi. Catūhi khandhehi vippayutto”ti<sup>2</sup> ca evam **pucchitabbavissajjitabbabhāvena. Itaresūti** dutiyādinayesu. **Tassa tassāti** yaṃ pucchitabbanā vissajjitabbañca “ye dhammā”ti aniyamitarūpena niddhāritam, tassa tassa “te dhammā”ti niyāmakabhāvena.

**Etthāti** etasmim pakaraṇe. **Yena yena** cakkhāyatanādinā saṅghahakena. **Khandhādisaṅghesūti** khandhāyatanadhātusaṅghahesu. **Tena tenāti** khandhādisaṅghahena. **Aññanti** tato tato saṅghahakato aññam. Tabbinimuttam saṅghahetabbāsaṅghahetabbanā yaṃ dhammajātam atthi, tam tadeva “cakkhāyatanena ye dhammā khandhasaṅghahena saṅghahitā, āyatanadhātusaṅghahena asaṅghahitā”ti **saṅghakāsaṅghakabhāvena uddhaṭam. Añño dhammo natthi** tassa sabhāgabhāvena saṅghahakasseva abhāvato. Siyā panetaṃ sabhāgena ekadesena saṅghahoti, tam paṭikkhipanto āha “**na ca so -pa- hoti**”ti. **Yañcāti**-ādinā vacanantaram pariharati.

1. Abhi 3. 3 piṭṭhe.

2. Abhi 3. 43 piṭṭhe.

**Yadi cāti**-ādināpi tasseva tena saṅgahābhāvaṃ pāṭhābhāvadassanena vibhāveti. Tattha **so evāti** yo rūpādikkhandho saṅgāhakabhāvena vutto, so eva tena rūpādikkhandhena saṅgayheyya saṅgahetabbo bhaveyya, teneva tassa saṅgahābhāve lakkhaṇaṃ dassento āha “**na hi so eva tassa sabhāgo visabhāgo cā**”ti. **Ekadesā viya** cakkhāyatanādayo **samudāyassa** rūpakkhandhādikassa. **Rūpakkhandho cakkhāyatanādīnaṃ na saṅgāhako asaṅgāhako ca** sabhāgavisabhāgabhāvābhāvato. Esa nayo sesesupi **samudāyantogadhānanti**-ādinā vuttamevatthaṃ pākaṭataraṃ karoti. Tattha **yenāti** vibhāgena. **Teti** ekadesā. **Tesanti** ekadesānaṃ. Ettha tadantogadhatāya vibhāgābhāvo, vibhāgābhāvena sabhāgavisabhāgatābhāvo, tena saṅgāhakāsaṅgāhakatābhāvo dassitoti veditabbo.

Yathā sabbena sabbāṃ sabhāgavisabhāgābhāvena ekadesānaṃ samudāyo saṅgāhako asaṅgāhako ca na hoti, evaṃ ekadesasabhāgavisabhāgānanti dassento “**tathā**”ti-ādimāha. Tattha **yathāti**-ādi udāharaṇadassanena yathāvuttassa atthassa pākaṭakaraṇaṃ. Khandhasaṅgahena saṅgāhakaṃ asaṅgāhakañcāti yojanā. Tathā sesesupi. **Na hi ekadesa -pa- visabhāgaṃ** yena samudāyo saṅgāhako asaṅgāhako ca siyāti adhippāyo. Ettha ca saṅgāhakattaṃ tāva mā hotu, asaṅgāhakattaṃ pana kasmā paṭikkhipiyatīti codanaṃ manasi katvā āha “**tasmā**”ti-ādi. Tattha **tasmāti** vuttamevatthaṃ hetubhāvena parāmasati. Attato aññassa, attani antogadhato aññassa, attekadesasabhāgato aññassa satipi asaṅgāhakatteti yojanā. taṃ panetaṃ “rūpakkhandho rūpakkhandhena saṅgahito asaṅgahito ca na hoti”ti-ādinā vutte tayo pakāre sandhāya vuttaṃ. **Saṅgāhakattameva etesaṃ natthīti** etesaṃ attā, attani antogadho, attekadesasabhāgo cāti vuttānaṃ saṅgāhakabhāvo eva natthi sabhāgābhāvato. Tena vuttaṃ “na hi so eva tassa sabhāgo”ti-ādi. **Yenāti** saṅgāhakattena. **Evarūpānanti** yathāvuttānaṃ tippakārānaṃ **aggahaṇaṃ veditabbaṃ** satipi visabhāgabhāveti adhippāyo.

**Tenā**ti “dhammāyatanan”ti ādinā vacanena. Ekadesassa vedanākkhandhādikassa samudāyassa dhammāyatanassa saṅgāhakattaṃ ekadesena samudāyassa saṅgahitabhāvanti attho, samudāyassa rūpakkhandhassa ekadesassa cakkhāyatanassa sotāyatanassa ca saṅgāhakattaṃ samudāyena ekadesassa saṅgahitabhāvanti vuttaṃ hoti. Yadi evaṃ na dasseti, atha kiṃ dasseti āha “**catukkhandhagaṇanabhedehi**”ti-ādi. Tatha **catukkhandhagaṇanabhedehi**ti rūpādicatukkhandhagaṇanavibhāgehi. **Pañcadhā**ti rūpādicatukkhandhasaṅgaho viññāṇakkhandhasaṅgahoti evaṃ pañcappakārena bhinnataṃ. Tenāha “**gaṇetabbāga ṇetabbabhāvenā**”ti. “Ekena khandhenā”ti-ādīsu karaṇatte karaṇavacanaṃ, na kattu-attheti katvā āha “**saṅgāhakāsaṅgāhakanirapekkhānan**”ti. Tenevāha “**kammakaraṇamattasabbhāvā**”ti. **Dutiyādayo pana** nayā. **Agāṇanādidassanānī**ti agāṇanagaṇanadassanāni. Nanu ca dutiyādīsu gaṇanādīnīpi vijjantīti? Saccam vijjanti, tāni pana visesanabhūtāni appadhānānīti visesitabbabhūtānam padhānānam vasenevaṃ vuttaṃ. “Cakkhāyatanena ye dhammā khandhasaṅgahena saṅgahitā”ti-ādinā kattu-ādayo niddiṭṭhāti āha “**kattukaraṇakammattayasabbhāvā**”ti.

**Tathā tathā**ti tena tena rūpakkhandhādippakārena. **Tamtaṃkhandhādibhāvābhāvo sabhāgavisabhāgatā**ti rūpadhammādīnam rūpakkhandhādibhāvo sabhāgatā, vedanākkhandhādi-abhāvo visabhāgatāti attho. **Yathāniddhāritadhammadassaneti** “ye dhammā, te dhammā”ti niddhāritappakāradhammanirūpane. **Saṅgāhakasaṅgahetabbānanti** cakkhāyatanādikassa saṅgāhakassa sotāyatanādikassa ca saṅgahetabbassa. **Samānakkhandhādibhāvoti** ekakkhandhādibhāvo, rūpakkhandhādibhāvoti attho. **Tadabhāvoti** tassa samānakkhandhādibhāvassa abhāvo aññakkhandhādibhāvo. **Ayanti** yvāyam paṭhamanaye tathā tathā gaṇetabbāgaṇetabbatāsaṅkhāto dutiyādinayesu yathāvuttānam samānakkhandhādibhāvābhāvāsaṅkhāto tamtaṃkhandhādibhāvābhāvo vutto, ayametesam dvippakāraṇam nayānam sabhāgavisabhāgatāsu viseso.

**Samudayasaccasukhindriyādīti ādi**-saddena maggasaccadukkhindriyādi saṅgayhati. **Asaṅgāhakattābhāvototi** saṅgahitāvisiṭṭhassa asaṅgāhakattassa

abhāvato. Na hi sakkā “samudayasaccena ye dhammā khandhasaṅgahena saṅgahitā, āyatanadhātusaṅgahena asaṅgahitā”ti-ādi vattum.

**Dukkhasaccasadisāni** abyākatapadādīni. **Itarehīti** āyatanadhātusaṅgahehi saṅgāhakattāsaṅgāhakattābhāvato na uddhaṭṭhānīti yojanā. **Evanti-ādi** yathāvuttassa atthassa nigamanavasena vuttam. **Na rūpakkhandhoti** na sabbo rūpakkhandhadhammoti attho.

“Khandhapadenā”ti idaṃ karaṇatthe karaṇavacanam, na kattu-attheti āha “**khandhapadasaṅgahenāti attho**”ti. Tenevassa kattu-atthataṃ paṭisedhetum “**na saṅgāhakenā**”ti vuttam. Karaṇam pana katturahitam natthīti āha “**kenaci saṅgāhakenāti idaṃ pana ānetvā vattabban**”ti.

**Saṅgāhakesu na yujjati** na saṅgahetabbesūti adhippāyo.

Rūpakkhandhadhammā hi “ye dhammā khandhasaṅgahena saṅgahitā”ti vuttāti. Samudāye vuttavidhi tadavayavepi sambhavaṭṭi codanam samuṭṭhāpento “**etena nayanā**”ti-ādimāha. Paṭiyogīnivattanam eva-saddena karīyatīti āha “**na hi aññamattanivāraṇam eva-saddassa attho**”ti. Tenāha “**saṅgāhakato aññanivāraṇam eva-saddassa attho**”ti. **So ca -pa- pekkhanti** iminā tamevattham pākāṭataram karoti. Saṅgāhakāpekkhatte hi “so cā”ti-ādivacanassa “cakkhāyatanena rūpakkhandhova saṅgahito”ti ettha cakkhāyatanam saṅgāhakanti yathādhippetassa atthassa asambhavo evāti idāni taṃ asambhavam vibhāvento “**kathan**”ti-ādimāha, taṃ suviññeyyameva.

**Etthāti** “aḍḍhekādasahi āyatanadhātūhī”ti ettha. “**Rūpakkhandhenā**”ti **ānetvā vattabban** āyatanadhātuvisesanattham. na so eva tassa, samudāyo vā tadekadesānam saṅgāhako asaṅgāhako ca hotīti vuttovāyamatthoti āha “**rūpakkhandho -pa- na hotī**”ti. **Iminā pariyāyenāti** yasmā vuttappakāram saṅgāhakattam natthi “yena saṅgahitassa asaṅgāhakaṃ siyā”ti iminā pariyāyena. **Asaṅgahitatāya abhāvo vutto** atṭhakathāyam<sup>1</sup> “so ca -pa- natthī”ti. **Saṅgahitatāyāti** nippariyāyena saṅgahitabhāvena asaṅgahitatāya abhāvo vuttoti na yujjatīti yojanā. **Sā saṅgahitatāti** attanā attano,

---

1. Abhi-Ṭṭha 3. 7 piṭṭhe.

attekadesānaṃ vā saṅgahitatā. **Tenāti** rūpakkhandhena. **Tesanti** rūpakkhandhatadekadesānaṃ. **Atthi ca vippayuttatā** vedanākkhandhādīhi. **Cakkhāyatanādīhi** viyāti visadisudāharaṇaṃ. **Etehi** rūpavedanākkhandhādīhi **aññehi ca** evarūpehi. **Etāni aññāni cāti** etthāpi eseva nayo.

**Teneva tassa saṅgahitattābhāvadassanena** heṭṭhā dassitena. **Etthāti** etasmim vāre. **Aggahaṇeti** akathane, adesaṇāyanti attho. **Samudayasaccādīsūti** samudayasaccasukhindriyādīsū yujjeyya taṃ kāraṇaṃ. Kasmā? **Tehi** samudayasaccādīhi khandhādisaṅgahena **saṅgahite** dhammajāte sati tassa āyatanasaṅgahādīhi asaṅgahitattassa abhāvato. **Rūpakkhandhādīhi** rūpakkhandhavedanākkhandhādīhi. **Saṅgahitameva natthi**, kasmā? “So eva tassa saṅgāhako na hotī”ti vuttovāyamattho. Yadiipi rūpakkhandhādīnā rūpakkhandhādīkassa attano -pa- natthīti sambandho. Aññassa pana vedanākkhandhādīkassa rūpakkhandhādīnā saṅgahitattābhāvena asaṅgahitattaṃ atthīti yojanā. **Ubhayābhāvoti** saṅgahitattāsaṅgahitattābhāvo. **Ettha** etasmim vāre. **Dhammāyatanajīvitindriyādīnanti** dhammāyatanādīnaṃ khandhacatukkasaṅgāhakatte, jīvitindriyādīnaṃ khandhadukasaṅgāhakatteti yojanā. Pāḷiyaṃ anāgatattā “**sati**”ti sāsakaṃ vadati. **Ādi-saddena** paṭhamena dhammadhātusaḷāyatanādīnaṃ sukhindriyādīnaṃca, dutiyena ekakkhandhassa saṅgaho daṭṭhabbo. Sukhindriyāñhi vedanākkhandhasseva saṅgāhakaṃ. **Tesanti** khandhacatukkakhandhadukādīnaṃ **asaṅgahitatā na natthi** atthevāti tassa abhāvo anekantiko. **Pubbe vuttanayenāti** “rūpakkhandhādīhi panā”ti-ādīnā vuttanayena.

**Tatthevāti** tasmim yeva pubbe vutte sanidassanasappaṭighapade. **Nivattetvā gaṇhantoti** pubbe vuttaṃ paṭinivattetvā gaṇhanto paccāmasanto. **Tadvattabbatāti** tesam saṅgāhakāsaṅgāhakasaṅgahitattāsaṅgahitattānaṃ avattabbatā. **Asaṅgāhakattābhāvato eva -pa- na saṅgāhakattābhāvato**ti yasmā nesam asaṅgāhakattaṃ viya saṅgāhakattampi natthi, tato eva saṅgahitattāsaṅgahitattampīti dasseti.

Dutiyānayaṣaṅgahitena-asaṅgahitapadavaṇṇanā niṭṭhitā.



### 3. Tatiyanaya asaṅgahitenasaṅgahitapadaṅṅaṇā

179. **Rūpakkhandhena khandhasaṅgahena asaṅgahitesūti** niddhāraṇe bhummaṃ, **tasmāti** yasmā ekadesasabhāgatā samudāyasabhāgatā na hoti, tasmā. **Tenāti** rūpakkhandhena. **Tānīti** vedanādikkhandhattayanibbānāni. Yathā ca ekadesavisabhāgatāya na saṅgahitatā, evaṃ ekadesasabhāgatāya asaṅgahitatāpi natthīti dassento “**na kevalan**”ti-ādimāha. Saṅgahitānevana na hotīti yojanā. **Teti** vedanādikkhandhattayanibbānasukhumarūpadhammā. **Tehīti** viññāṇakkhandhacakkhāyatanādīhi. **Na kathañci sammissāti** kenacipi pakārena na sammissāti asammissatāya saṅgahitattābhāvaṃ sādheti. **Rūpakkhandhena viya -pa- na hotīti** yathā rūpakkhandhena sabhāgatābhāvato nibbānaṃ na kenacipi saṅgahaṇena saṅgahitaṃ, evaṃ viññāṇakkhandhacakkhāyatanādīhi taṃ āyatanadhātusaṅgahēhi saṅgahitaṃ na hotīti khandhasaṅgahābhāvo pākaṭo vuttovāti evaṃ vuttaṃ.

**Evarūpānanti** rūpakkhandhaviññāṇakkhandhacakkhāyatanādīnaṃ. Na hi nibbānaṃ sandhāya “rūpakkhandhena viññāṇakkhandhena cakkhāyatanena ye dhammā khandhasaṅgahena asaṅgahitā, āyatanadhātusaṅgahena saṅgahitā”ti sakkā vattum. Tena vuttaṃ “**saṅgāhakattābhāvato evā**”ti. Tathā “abyākatehi dhammehi ye dhammā khandhasaṅgahena asaṅgahitā, āyatanadhātusaṅgahenasāṅgahitā”ti-ādi na sakkā vattum tādisassa dhammassa abhāvatoti āha “**sanibbāna -pa- bhāvatovā**”ti. Aggahaṇaṃ veditabbanti yojanā. Tenāha “**na hī**”ti-ādi. **Kañcīti** kañci dhammajātaṃ. **Teti** abyākatadhammādayo. **Attanoti** abyākatadhammādim sandhāyāha. **Ekadesoti** rūpakkhandhādi. **Attekadesasabhāgoti** nibbānaṃ. Tañhi dhammāyatanadhammadhātupariyāpannatāya tadekadesasabhāgo. **Asaṅgahitasāṅgāhakattāti** khandhasaṅgahena asaṅgahitānaṃ saññākkhandhādīnaṃ āyatanadhātusaṅgahena saṅgāhakattāti attho.

Visabhāgakkhandhanibbānasamudāyattā khandhasaṅgahena dhammāyatanena na koci dhammo saṅgahito atthīti yojanā. **Etassāti** “dhammāyatanena saṅgahitā”ti etassa padassa dhammāyatanagaṇanena saṅgahitāti attho. Oḷārikarūpasampissaṃ **dhammāyatanekadesaṃ**.

Tatiyanaya-asaṅgahitenasaṅgahitapadaṅṅaṇā niṭṭhitā.

#### 4. Catutthanaya saṅgahitenasaṅgahitapadaṅṇanā

191. **Tiṇṇaṃ saṅgahānanti** khandhāyatanadhātusaṅgahānaṃ. Saṅgahaṇapubbaṃ asaṅgahaṇaṃ, asaṅgahaṇapubbaṃ saṅgahaṇaṃca vuccamānaṃ saṅgahaṇāsaṅgahaṇānaṃ pavattivisesena vuttam hotīti āha “**saṅgahaṇā -pa- uddiṭṭhā**”ti. Saṅgahābhāvakato asaṅgaho saṅgahahetuko saṅgahassa pavattivisesoyeva nāma hotīti āha “**saṅgahaṇappavattivisesavirahe**”ti. **Kenaci** samudayasaccādinā tīhipi saṅgahehi **saṅgahitena** saṅkhārakkhandhapariyāpanna dhammavisesena puna tatheva **saṅgahito** so eva samudayasaccādiko **dhammaviseso** saṅgahitena saṅgahito. **Saṅgāhakattābhāvasabbhāvā saṅgāhakabhāvena na uddhaṭā**, na asaṅgāhakattā eva. Yathā hi tīhi saṅgahehi na saṅgāhakā, evaṃ dvīhi, ekenapi saṅgahena na saṅgāhakā idha na uddhaṭā. **Tehi saṅgahitāti** tehi tīhi saṅgahehi saṅgahitā dhammā. **Yassāti** yassa attano saṅgāhakassa.

**Sakalavācakenāti** anavasesaṃ khandhādi-atthaṃ vadantena. **Tena khandhādipadenāti** “teneva saṅgahaṃ gaccheyyā”ti ettha tena khandhādipadenāti evaṃ yojetabbaṃ. Evaṃ pana ayojetvā “yaṃ attano saṅgāhakaṃ saṅgaṇhitvā puna teneva saṅgahaṃ gaccheyya, taṃ aññaṃ saṅgahitaṃ nāma natthī”ti evaṃ na sakkā vattum. Kasmāti ce? Na hi **yena** samudayasaccādinā **yaṃ** saṅkhārakkhandhapariyāpannaṃ dhammajātaṃ khandhādisaṅgahehi **saṅgahitaṃ**, **teneva** samudayasaccādinā **tassa** tadavasiṭṭhassa saṅkhārakkhandhadhammassa, **na ca tasseva** kevalassa samudayasaccādikassa saṅgaho pucchito vissajjitoti yojanā, atha kho **tena** saṅkhārakkhandhadhammena phassādinā. **Saṅgahitassāti** saṅgahitatāvisiṭṭhassāti attho. Tasmā attano saṅgāhakaṃ sakalakkhaṇādiṃ saṅgaṇhitvā puna tena khandhādipadena yaṃ saṅgahaṃ gaccheyya, taṃ tādisaṃ natthīti attho veditabbo. **Vedanā saddo ca khandho āyatanāñcāti** vedanā visum khandho, saddo ca visum āyatananti attho. **Aññaena** khandhantarādinā. **Asammissanti** abyākatadukhasaccādi viya amissitaṃ. **Na hi -pa- etthāti** saṅgahitatāvisiṭṭhena dhammena yo dhammo saṅgahito, tassa saṅgahitatāvisiṭṭhoyeva yo saṅgaho, so na ettha vāre pucchito vissajjito ca. **Saṅgahovāti** kevalo

saṅgaho, na kattāpekkhoti attho. **Na saṅgāhakenā**ti idaṃ yathāvuttena atthena nivattitassa dassanaṃ. **Na hī**ti-ādi taṃsamatthanam.

Catutthanayasaṅgahitenasaṅgahitapadavaṇṇanā niṭṭhitā.

### 5. Pañcamanaya asaṅgahitena-asaṅgahitapadavaṇṇanā

193. **Vuttanayenā**ti yasmā saṅgahappavattivisesavirahito asaṅgahitadhammavisesanissito pañcamanayo, tasmā yo ettha kenaci asaṅgahitena dhammavisesena puna asaṅgahito dhammaviseso asaṅgahitena asaṅgahitito asaṅgahitatāya pucchitabbo vissajjitabbo ca. Tameva tāva yathāniddhāritam dassento “rūpakkhandhena ye dhammā khandha -pa- asaṅgahitā, tehi dhammehi ye dhammā khandha -pa- asaṅgahitāti āhā”ti catutthanaye vuttanayānusārena. **Yathāniddhāritadhammadassananti** pāḷiyam niddhāritappakāradhammadassanaṃ. Saha sukhumarūpenāti sasukhumarūpaṃ, tena sukhumarūpena saddhim gahitam viññāṇaṃ, tena sahitadhammasamudāyā **sasukhuma -pa- dāyā**. Ke pana teti āha “**dukkhasaccā**”ti-ādi. **Kesañcī**ti nibbānacakkhāyatanādīnaṃ. **Tīhipi** saṅgahehi. Paripuṇṇasaṅgahehi tīhipi saṅgahehi asaṅgāhakā **paripuṇṇasaṅgāhāsaṅgāhakā**. **Abyākatadhammasadisā** nevadassanenanabhāvanāyapahātābbanevasekkhānāsekkhādayo. **Itareti** rūpakkhandhādayo. **Tabbipariyāyenā**ti vuttavipariyāyena, tīhipi saṅgahehi asaṅgahetabbassa atthitāya paripuṇṇasaṅgāhāsaṅgāhakattāti attho.

**Asaṅgāhakesu nibbānaṃ antogadham**, tasmā taṃ anidassana-appatighehi asaṅgahetabbaṃ na hotīti attho. Tenāha “**na ca tadeva tassa asaṅgāhakan**”ti. “Vedanākkhandhena ye dhammā”ti ādayo nava pañhā dutiyapañhādayo, te paṭhamapañhena saddhim dasa, nāmarūpapañhādayo pana catuvīsati āha “**sabbepi catuttimsa hontī**”ti.

**Rūpakkhandhādivisesakapadanti** “rūpakkhandhenā”ti-ādinā asaṅgāhakattena visesakaṃ rūpakkhandhādipadaṃ. **Pucchāyāti** ca pucchanatthanti attho. “Rūpakkhandhenā”ti-ādi sabbampi vā viññāpetum icchitabhāvena vacanaṃ pañhabhāvato pucchā. Tenāha

aṭṭhakathāyaṃ “pañhā panettha -pa- catuttiṃsa hontī”ti. **Te hi lakkhaṇato dassitā**ti te niddhāritadhammā teneva asaṅgahitāsaṅgahitatāya niddhāraṇasaṅkhātena lakkhaṇena dassitā.

**Tadevāti eva-saddenāti** “tadevā”ti ettha eva-saddena. “Yaṃ pucchāya uddhaṭaṃ padaṃ, taṃ khandhādīhi asaṅgahitaṃ”ti ettha “khandhādīhevā”ti avadhāraṇaṃ nippayojanaṃ pakārantarassa abhāvato. “Tīhi asaṅgaho”ti hi vuttaṃ. tathā “asaṅgahitamevā”ti saṅgahitatānivattanassa anadhippetattā. Tadevāti pana icchitaṃ uddhaṭasseva asaṅgahitena-asaṅgahitabhāvassa avadhāretabbattāti dassento “**na kadāci**”ti-ādimāha. Tattha **aññassāti** anuddhaṭassa. **Aniyatataṃ dasseti**ti idaṃ avadhāraṇaphaladassanaṃ. **Niyamatoti sakkā vacanaseso yojetunti** idampi eva-kārena siddhamevatthaṃ pākāṭataraṃ kāturaṃ vuttaṃ. Yato hi eva-kāro, tato aññattha niyamoti. **Evampakāramevāti** pucchāya uddhaṭappakārameva, yaṃ pakāraṃ pucchāya uddhaṭaṃ, taṃpakāramevāti attho. **Tassāti** asaṅgahitassa. **Aññassāti** pucchāya anuddhaṭappakāraṇassa. Etena yo pucchāya uddhaṭo tīhipi saṅgahehi asaṅgahito, tasseva idha pucchi tabbavissajjitabbabhāvo, na aññassāti dasseti. Tenāha “**pucchāya uddhaṭañhī**”ti-ādi. Āyatanadhātusaṅgahavasena cettha rūpakkhandhādīnaṃ **aññasahitatā**, viññāṇakkhandhādīnaṃ **asahitatā** ca veditabbā.

Avasesā vedanādayo tayo khandhā nibbānaṅca sakalena rūpakkhandhena tesam saṅgaho natthīti “saṅgahitā”ti na sakkā vattum, ekadesena pana saṅgaho atthīti “**asaṅgahitā na hontīti evaṃ daṭṭhabban**”ti āha. “Rūpadhammāvā”ti niyamaṇaṃ pucchāya uddhaṭabhāvāpekkhanti dassento “**pucchāya -pa- adhippāyo**”ti āha. tena vuttaṃ “**anuddhaṭā vedanādayopi hi asaṅgahitā evā**”ti. **Etthāti** etasmim pañcamanayaniddese. **Paṭhame nayeti** paṭhame atthavikappe. Tathā **dutiyeti** etthāpi. **Rūpaviññāṇehīti** asukhumarūpadhammehi viññāṇena cāti ayamettha adhippāyoti dassento “**oḷārika -pa- attho**”ti āha. Kathaṃ pana rūpadhammāti vutte oḷārikarūpasseva gahaṇanti āha “**rūpekadeso hi ettha rūpaggahaṇena gahito**”ti.

196. **Asaṅgāhakanti** “cakkhāyatanena -pa- asaṅgahitā”ti evaṃ asaṅgāhakabhāvena vuttaṃ pucchitabbavissajjetabbabhāvena vuttampi kāmaṃ vedanādīheva catūhi asaṅgahitaṃ, taṃ pana na cakkhāyatanaevāti dassetuṃ “**cakkhāyatanena panā**”ti-ādi vuttaṃ. **Yehi dhammehīti** khandhādīsu yehi. **Sabbaṃ** dhammajātaṃ **teva** rūpādike dhamme **udāneti** pāḷiyam. Kasmā panetaṃ udānetīti āha “**sadisavissajjanā**”ti-ādi. **Paṭhamena** udānena. **Dveti** “bāhirā upādā dve”ti ettha vuttaṃ dve-saddaṃ sandhāyāha. **Tassa** asaṅgahitassa. **Yathādassitassāti** “rūpan”ti-ādinā dassitappakārassa. Dhammanvayañāṇuppādanam **nayadānam**. “Rūpaṃ dhammāyatanan”ti-ādinam padānam vasena **dvevīsapadiko esa nayo**.

Pañcamanaya-asaṅgahitena-asaṅgahitapadavaṇṇanā niṭṭhitā.

## 6. Chatṭhanaya sampayogavippayogapadavaṇṇanā

228. “Tatthā”ti iminā “sampayogavippayogapadaṃ bhājetvā”ti ettha sampayogavippayogapadaṃ bhājitaṃ, samvaṇṇetabbatāya ca padhānabhūtaṃ paccamaṭṭham, na rūpakkhandhādipadanti dassento”**yam labbhati -pa- veditabban**”ti vatvā puna “**rūpakkhandhādīsu hī**”ti-ādinā tamattham vivarati. tattha na **labbhatīti** “sampayuttaṃ vippayuttan”ti vā gahetuṃ na labbhati, **alabbhamānampi pucchāya gahitaṃ** paṭikkhepena vissajjetuṃ. Paṭikkhepopi hi pucchāya vissajjanameva. tathā hi **yamake**<sup>1</sup> “yassa rūpakkhandho nuppajjittha, tassa vedanākkhandho nuppajjitthā”ti pucchāya “natthī”ti vissajjitaṃ. tena panettha rūpadhammesu sampayogaṭṭho na labbhatīti ayamatto dassito hoti. Alabbhamānampi sampayogapadaṃ gahitanti sambandho. **Sabbatthāti** atamsabhāgatā. Ekuppādādibhāvo hi sampayoge sabhāgatā, na saṅgahe viya samānasabhāgatā, tasmā ekuppādādibhāvarahitānam rūpanibbānānam sā ekuppādādītā visabhāgatā vuttā. **Tadabhāvato**ti tassā visabhāgatāya ekuppādādītāya abhāvato. **Vippayogopi nivārito eva hoti**, visabhāgo bhāvo vippayogoti vuttovāyamatthoti.

1. Abhi 5. 34 piṭṭhe.

“catūsu hī”ti-ādinā vuttamevattham pākaṭataram karoti. Tatha **tesam tehī** ca arūpakkhandhe eva parāmasati. **Visabhāgatā ca hoti** rūpanibbānesu avijjamānattāti attho. Tenāha “**na ca rūpekadesassā**”ti-ādi. **Tenevāti** catukkhandhasabhāgattā eva.

**Tīhi viññādhātūhī** ghānajivhākāyaviññādhātūhi vippayutte **anārammaṇamissake** rūpadhammamissake dhamme dīpeti rūpabhavoti yojanā. **Pañcahī**ti cakkhuvīññādhātūhi pañcahi viññādhātūhi. **Ekāya** manodhātuyā. **Na sampayutteti** na sampayutte eva. Tathā hi “vippayutte ahonte sattahipi sampayutte sattapi vā tā”ti vuttam. **Tenāti** vippayuttatāpaṭikkhepena. **Tāhī**ti sattaviññādhātūhi. **Sampayutte dīpentī**ti sampayutte dīpentiyeva, na sampayutte evāti evamavadhāraṇam gahetabbam. Esa nayo sesesupi. **Sampayutte** vedanādike. **Sampayuttavippayuttabhāvehi na vattabbam**, tamyeva viññādhātusattakam. Sampayuttabhāvena navattabbāni **sampayuttanavattabbāni**, bhinnasantānikāni, nānākkhaṇikāni ca arūpānīpi dhammajātāni. **Anārammaṇamissakasabbaviññādhātutaṃsampayuttā** dhammāyatanādīpadehi dīpetabbā, **anārammaṇamissakasabbaviññādhātuyo** acetasikādīpadehi dīpetabbā, **tadubhayasamudāyā** dukkhasaccādīpadehi dīpetabbāti veditabbā.

**Yadi evanti yadi anārammaṇamissānam dhammānam vippayogo natthi.** **Anārammaṇamissobhayadhammāti** rūpanibbānasahitasabbaviññādhātutaṃsampayuttadhammā. **Khandhādīhevāti** khandhāyatanadhātūhi eva, na arūpakkhandhamattena. Arūpakkhandheyeva pan asandhāya “tehi dhammehi ye dhammā vippayuttā”ti vuttanti nāyam dosoti dasseti. **Tadekadesāti** “anārammaṇamissā”ti-ādinā vuttadhammasamudāyassa ekadesā. **tadekadesāññasamudāyāti** tasseva yathāvuttassa samudāyassa ekadesā hutvā aññesaṃ avayavānam rūpakkhandhādīnam samudāyabhūtā. **Vibhāgābhāvato**ti bhedaḥbhāvato. Bhedoti cettha accantabhedo adhippeto. Na hi samudāyāvayavānam sāmāññavisesānam viya ccantabhedo atthi bhedaḥbhāvato. Tesam accantabhedameva hi sandhāya “samudāyantogadhānam ekadesānam na vibhāgo atthī”ti saṅgahepi vuttam. **Tenāti** avibhāgasabbhāvato sabhāgavisabhāgattābhāvena. **Tesanti**

anārammaṇamissakasabbaviññādhātu-ādīnaṃ. **Te ca** akusalābyākataṃ **tesanti** kusalākusalābyākatadhammānaṃ. **Tasmāti** yasmā vibhattasabhāvānaṃ na tesāṃ samudāyekadesādibhāvo, tasmā. Yasmā pana kusalādayo eva khandhādayoti khandhādi-āmasanena samudāyekadesādibhāvo āpanno evāti vuttanayena vip̐payogābhāvo hoti, tasmā taṃ pariharanto “**khandhādīni anāmasitvā**”ti-ādīmāha. **Tesanti** kusalādīnaṃ **aññamaññavip̐payuttatā vuttā** “kusalehi dhammehi ye dhammā vip̐payuttā”ti-ādīnā. **Sabbesūti** dutiyādisabbapañhesu.

Chattimsāya piṭṭhidukapadesu vīsati dukapadāni imasmim̐ naye labbhanti, avasiṭṭhāni soḷasevāti āha “**soḷasāti vattabban**”ti. Tato eva “tevisapadasatan”ti ettha “tevisan”ti idañca “ekavisan”ti vattabbanti yojanā. **Sabbatthāti** sabbapañhesu. Ekakālekasantānānaṃ bhinnakālabhinnasantānānañca anekesaṃ dhammānaṃ samudāyabhūtā saṅkhārakkhandhammāyanadhammadhātuyoti āha “**kālasantāna -pa-dhātūnan**”ti. **Ekadesasammissāti** cittiddhipādādīnā attano ekadeseneva khandhantarādīhi sammissā iddhipādādayo, **anārammaṇehi** rūpanibbānehi ca asammissā. **Samānakālasantānehīti** ekakālasantānehi kālasantānabhedarahitehi ekadesantarehi, saṅkhārakkhandhādīnaṃ ekadesantarehi, saṅkhārakkhandhādīnaṃ ekadesavisesabhūtehi satipaṭṭhānasammappadhānasaññākkhandhādīhi vibhattā eva samudayasaccādayo sampayogīvip̐payogībhāvena rūpakkhandhādayo vip̐payogībhāvena gahitāti yojanā. **Tehi** samudayasaccādīhi. **Te** saññākkhandhādayo. **Kehici** sahuppajjanārahehi ekadesantarehi vibhattehi. Na hi saṅkhārakkhandhādīpariyāpannattepi samudayasaccādayo maggasaccādīhi sampayogaṃ labhanti. **Tesanti** vedanākkhandha saññākkhandhādīnaṃ. **Ekuppādā -pa- visabhāgatā cāti** ekuppādādītā saṅkhātā yathārahaṃ sabhāgatā visabhāgatā ca. **Tena** yathāvuttam̐ kāraṇena sampayogassa vip̐payogassa ca labhanato.

Bhinnakālānaṃ samudāyīnaṃ samudāyā **bhinnakālasamudāyā**. **Vattamānaca** ekasmim̐ santāne **ekekadhammā** vattanti. **Tasmāti** yasmā etadeva, tasmā. **Tesaṃ** vedanākkhandhādīnaṃ **vibhajitabbassa** ekadesabhūtasā abhāvato. **Sukhundriyādīni** vedanākkhandhekadesabhūtanipi. **Tena**

vibhāgākaraṇena. Yadi samānakālassa vibhajitabbassa abhāvato cakkhuvīññādhātādayo viññāṇakkhandhassa vibhāgaṃ na karonti, atha kasmā “cakkhuvīññādhātu -pa- manovīññādhātu soḷasahi dhātūhi vippayuttā”ti vuttanti codanaṃ manasi katvā āha “**khandhāyatana -pa- vippayuttāti vuttan**”ti. **Evamevanti** yathā dhātuvibhāgena vibhattassa viññāṇassa, evamevaṃ.

235. **Taṃsampayogībhāvanti** tehi khandhehi sampayogībhāvaṃ. Yathā hi samānakālasantānehi ekacittuppādagatehi vedanāsaññāvīññāṇakkhandhehi samudayasaccassa sampayuttatā, evaṃ bhinnasantānehi bhinnakālehi ca tehi tassa vippayuttatāti āha “**evaṃ taṃvippayogībhāvaṃ -pa- na vuttan**”ti. Visabhāgatānibandhassa vibhāgassa abhāvena **avibhāgehi tehi** tīhi khandhehi. **Vibhāge hīti**-ādinā tamevatthaṃ pākāṭataraṃ karoti. **Vibhāgarahitehīti** samānakālasantānehi ekacittuppādagatattā avibhattehi vedanākkhandhādīhi na yuttaṃ vippayuttanti vuttuṃ. Tenāha “**vijjamānehi -pa- bhāvato**”ti. Tattha **vijjamānassa** samānassa samānajātikassāti adhippāyo. Na hi vijjamānaṃ rūpārūpaṃ aññamaññassa visabhāgaṃ na hoti. **Anuppannā dhammā viyāti** idaṃ visadisudāharaṇadassanaṃ. Yathā “anuppannā dhammā”ti anāgatakālaṃ vuccatīti āmaṭṭhakālabhedam, evaṃ yaṃ āmaṭṭhakālabhedam na hotīti attho. **Uddharitabbaṃ** desanāya desetabbanti vuttaṃ hoti. Vijjamānasseva vijjamānena sampayogo, sampayogārasseva ca vippayogoti atthibhāvasannissayā sampayuttavippayuttatāti āha “**paccuppannabhāvaṃ nissāyā**”ti. Tenevāha “**avijjamānassā**”ti-ādi. **Taṅcāti** uddharaṇaṃ.

**Vibhāgarahitehīti** visabhāgatābhāvato avibhāgehi. **Anāmaṭṭhakālabhede**ti anāmaṭṭhakālavise. **Avijjamānassa -pa- sampayogo natthīti** etena pārisesato vijjamānassa ca vijjamānena sampayogo dassito. **Avijjamānatādīpake bhede gahite**ti yathāgahitesu dhammesu tehi vippayogīnaṃ avijjamānabhāvādīpake tesamyeva vise “arūpabhavo ekena khandhena dasahāyatanehi soḷasahi dhātūhi vippayutto”ti-ādinā<sup>1</sup> gahite teneva ruppanādinā bhedenā

---

1. Abhi 3. 46 piṭṭhe.



tesaṃ aññamaññaṃ visabhāgatāpi gahitā evāti vippayogo hotīti yojanā.  
**Bhede pana aggahite tena tena gahaṇēti** yathāvutte avijjamānatādīpake  
 visese, visabhāge vā aggahite “vedanā, saññā, saṅkhārakkhandho tīhi  
 khandhehi ekenāyatanena sattahi dhātūhi sampayutto”ti-ādinā<sup>1</sup> tena tena  
 gahaṇena sabhāgatādīpanena visabhāgatāya aggahitattā sabhāgatāva hoti.  
 Tathā ca sati sabhāgatte kā panettha sabhāgatāti āha “**vijjamānatāya -pa-**  
**hoti**”ti. **Tassāti** sabhāgatāya. **Tasmāti** visabhāgatāya alabbhamānattā,  
 sabhāgatāya ca labbhamānattā.

262. **Vitakko viyāti** savitakkasavicāresu cittuppādesu vitakko viya. So  
 hi vitakkarahitattā avitakko vicāramatto ca. Tenāha  
 “**koṭṭhāsantaracittuppādesu alīnā**”ti. Tato eva so appadhāno,  
 dutiyajhānadhammā evettha padhānāti āha “**ye padhānā**”ti. **Tenevāti**  
 savitakkasavicāresu cittuppādesu vitakkassa avitakkavicāramattaggahaṇena  
 idha aggahitattā, vitakkattike dutiyarāsiyeva ca adhippetattā. **Anantaranayeti**  
 sampayuttenavippayuttapadaniddese. **Samudayasaccena samānagatikā**  
 sadisappavattikā. **Itīti** iminā kāraṇena. **Te** avitakkavicāramattā dhammā na  
 gahitā, samudayasaccaṃ viya na desanāruḷhā. Na savitakkasavicārehi  
 samānagatikāti yojanā. Yadi hi te savitakkasavicārehi samānagatikā siyuṃ,  
 “avitakkavicāramattehi dhammehi ye dhammā sampayuttā, tehi dhammehi  
 ye dhammā vippayuttā, te dhammā na kehici khandhehi, na kehici  
 āyatanehi, ekāya dhātuyā vippayuttā”ti vattabbā siyuṃ. Yasmā pana te  
 samudayasaccena samānagatikā. Yathā hi ye samudayasaccena sampayuttehi  
 vippayuttā, tesmā kehici vippayogaṃ vattuṃ na sakkā, evaṃ tehipi. tathā hi  
 vakkhati “samudayasaccādīni”ti-ādi. **Dasamo -pa- vuttoti** ettha dasamanaye  
 tehi avitakkavicāramattehi vippayuttehi vippayuttānaṃ soḷasahi dhātūhi  
 vippayogo vutto, osānanaye tehi vippayuttānaṃ aṭṭhārasahi dhātūhi saṅgaho  
 ca vuttoti tasmā na te savitakkasavicārehi samānagatikāti dasseti.

---

1. Abhi 3. 42 piṭṭhe.

**Vitakkasahitesūti** sahavitakkesu. **Tesūti** avitakkavicāramattesu saha vitakkena dutiyajjhānadhammesu, “avitakkavicāramattā”ti gahitesu vuttēsūti attho. **Sabbepi teti** dutiyajjhānadhammā vitakko cāti sabbepi te dhammā sakkā vattum. Tathā hi sampayogavippayogapadaniddese “avitakkavicāramattā dhammā ekena khandhena ekenāyatanena ekāya dhātuyā kehici sampayuttā”ti vuttam. Tattha **ekena khandhenāti** saṅkhārakkhandhena. **So hi samudāyoti** “avitakkavicāramattā dhammā”ti vuttadhammasamudāyo. Nanu vitakkopettha dhammasaṅgahaṃ gato, so ca vicārato aññenapi sampayuttoti codanaṃ sandhāyāha “**na hi tadekadesassa -pa- hoti**”ti. **Yathāti-ādinā** tamevatthaṃ iddhipādanidassanena vibhāveti. Tassattho—yathā iddhipādasamudāyassa ekadesabhūtānaṃ chandiddhipādādīnaṃ tīhi khandhehi sampayogo vutto, taṃsamudāyassa na hoti, evaṃ idhāpi vitakkassa aññehi sampayogo avitakkavicāramattassa samudāyassa na hotīti.

Yadi evaṃ “iddhipādo dvīhi khandhehi sampayutto”ti-ādi na vattabbanti ce? No na vattabbanti dassento “**yathā panā**”ti-ādimāha. Tattha **tesūti** iddhipādesu. **Samudāyassāti** iddhipādasamudāyassa. **Tehi** vedanākkhandhādīhi **sampayuttatā vuttā** “iddhipādo dvīhi khandhehi sampayutto”ti-ādinā. **Tenāti** vicārena. **Na hīti-ādinā** yathādhigatadhammānaṃ sampayuttatāya navattabbābhāvaṃ udāharaṇadassanavasena vibhāveti. **Keci** vicikicchā taṃsahagatā ca mohavajjā mohena sampayuttā, keci asampayuttā. **Mohenāti** vicikicchāsahagatamohameva sandhāya vadati. **Iti** iminā kāraṇena na samudāyo **tena** mohena sampayutto. **Añño koci dhammo** hetubhāvo nāpi atthi, **yena** hetunā **so** dassanenapahātabbahetukoti vutto samudāyo. **Evanti** iminā nayena “bhāvanā -pa- yopi sampayuttā”ti navattabbatāya nidassetabbāti attho. **Evanti** yathā dassanenapahātabbahetukasamudāyassa sampayuttatā na vattabbā, evaṃ yena dhammena avitakka -pa- siyā, taṃ na natthi<sup>1</sup>. **Tasmāti** yasmā avitakkavicāramattesu kocipi vicārena asampayutto natthi, tasmā. **Teti**

---

1. Taṃ pana natthi (Ka)

avitakkavicāramattā dhammā. **Ekadhammepi -pa- kato** yathā “appaccayā dhammā asaṅkhatā dhammā”<sup>1</sup>.

Chatṭhanayasampayogavippayogapadavaṇṇanā niṭṭhitā.

### 7. Sattamanaya sampayuttenavippayuttapadavaṇṇanā

306. **Tehi** samudayasaccādīhi khandhattayakhandhekadesādike sampayutte satipi, sampayuttehi ca vippayutte rūpanibbānādike tadaññadhamme satipi vippayogābhāvato. Saṅkhepena vuttamatthaṃ vitthārena dassetuṃ “**na hī**”<sup>ti</sup>-ādi vuttaṃ. **Tato** lobhasahagatacittuppādato **aññadhammānaṃ** avasiṭṭhānaṃ kusalākusalābyākatadhammānaṃ **kandhādīsu kenaci vippayogo na hi atthi** kandhapañcakādīnaṃ saṅgaṇhanato tesāṃ. **Te eva cittuppādāti** te lobhasahagatacittuppādā eva. **Tadaññadhammānanti** tadaññadhammānampīti pi-saddalopo daṭṭhabbo. **Tathāti** iminā na ca te eva dhammā aḍḍhadutiyāyatanadhātuyo, atha kho te ca tato aññe cāti imammatthaṃ upasaṃharati.

Nanu tadaññabhāvato eva tehi itaresaṃ vippayogo siddhoti āha “**na cā**”<sup>ti</sup>-ādi. **Tadaññasamudāyehīti** tato lobhasahagatacittuppādato aññasamudāyehi **aññe** lobhasahagatā dhammā vippayuttā na honti. Kasmā? **Samudāye -pa- vippayogābhāvato**. Tassattho—**samudāyena** lobhasahagatatadaññadhammāsinā **ekadesānaṃ** lobhasahagatadhammānaṃ vippayogābhāvato, tathā ye ekadesā hutvā aññesaṃavayavānaṃ samudāyabhūtā, tesaṃca samudāyena vippayogābhāvato. Anena samudāyena avayavassa samudāyassa avayavena ca tassa na vippayogo, avayavasseva pana avayavenāti dasseti. **Esa nayoti** yvāyaṃ samudayasacce vutto vidhi, eseva maggasaccasukhindriyādīsu arūpakhandhekadesattā tesanti dasseti. **Niravasesesūti** abahikatavitakkesu. Vitakko hi samudāyato abahikato. “So hi samudāyo”<sup>ti</sup>-ādiko vuttanayo labbhatīti āha “**aggahaṇe kāraṇaṃ na dissatī**”<sup>ti</sup>.

1. Abhi 1. 4 piṭṭhe.

**Aññesupi** samudayasaccādīsu **vissajjanassa -pa- datṭhabbāṃ**, yato samudayasaccādi idha na gahitanti adhippāyo. Sampayuttādhikārato “aññenā”ti padaṃ sampayuttato aññaṃ vadatīti āha “**asampayuttena asammissanti attho**”ti. Idāni byatirekenapi tamatthaṃ patiṭṭhāpetuṃ “**adukkhamasukhā -pa- gahitānī**”ti vuttam. **Etena lakkhaṇenā**ti “asampayuttena asammissan”ti vuttalakkaṇena. **Cittanti** “cittehi dhammehi ye dhammā”ti pañham upalakkheti. **Sahayuttapadehi**<sup>1</sup> **sattāti** “cetasikehi dhammehi ye dhammā”ti-ādinā cittena sahayutte dhamme dīpentehehi padehi āgatā sattapañhā. Tiṇṇaṃ tikapadānamaggahaṇena **ūnoti katvā**. Ye sandhāya “**tike tayo**”ti vuttam. Taṃ pana vedanāpīṭṭikesu pacchimaṃ, vitakkattike paṭhamanti padattayaṃ veditabbāṃ.

309. Uddhaṭapadena pakāsiyamānā atthā abhedopacārena “uddhaṭapadan”ti vuttāti āha “**uddhaṭapadena sampayuttehi**”ti. **Tena** ca yathāvuttena uddhaṭapadena. **Manena yuttāti** ettha mananamattattā manodhātu “mano”ti vuttāti āha “**manodhātuyā ekantasampayuttā**”ti.

Sattamanayasampayuttenavippayuttapadavaṇṇanā niṭṭhitā.

## 8. Aṭṭhamanaya vippayuttenasampayuttapadavaṇṇanā

317. Rūpakkhandhena vippayuttā nāma cattāro arūpino khandhā, tesam aññehi sampayogo nāma natthi tādisassa aññassa sampayogino abhāvato. Samudāyassa ca ekadesena sampayogo natthīti vuttovāyamattho. Vedanākkhandhādīhi vippayuttaṃ rūpaṃ nibbānañca, tassa kenaci sampayogo natthevāti āha “**rūpakkhandhādīhi -pa- natthī**”ti. **Tenāti** “rūpakkhandhena ye dhammā vippayuttā”ti-ādivacanena.

Aṭṭhamanayavippayuttena sampayuttapadavaṇṇanā niṭṭhitā.

---

1. Saha sampayuttapadehi (Ka)

### 9. Navamanaya sampayuttenasampayuttapadavaṇṇanā

319. “Samāsapadaṃ idan”ti vatvā yaṃ nāma samāsoṭi dassento “**yassa khandhādino**”ti-ādimāha, yassa vedanākkhandhādinoti attho. **Yaṃ idha sampayuttaṃ vuttanti** imasmiṃ navamanaye yaṃ dhammajātaṃ sampayuttanti vuttaṃ. **Rūpakkhandhādīsu araṇantesu** abbhantarabāhiraṃatikādhammesūti niddhāraṇe bhummaṃ. **Tañhi** dhammajātaṃ **attanā sampayuttena** vedanākkhandhādinā sayāṃ sampayuttanti niddhāritaṃ. **Ayogoti** asampayogo. **Vakkhati** dasamanaye. Tattha hi “rūpakkhandhena vedanādayo vippayuttā, tehi rūpakkhandho vippayutto”ti vatvā nibbānaṃ kathanti codanaṃ sandhāyāha “**nibbānaṃ pana sukhumarūpagatikamevā**”ti vuttaṃ. “Manāyatanāṃ ekenāyatanena ekāya dhātuyā kehici vippayuttan”ti ettha hi yathā sukhumarūpaṃ viya sarūpato anuddhaṭampi nibbānaṃ kehicītipadena gahitameva hotīti edisesu ṭhānesu nibbānaṃ sukhumarūpagatikanti viññāyati, evamidhāpi “rūpamissakehi vā”ti etena anupādinna-anupādāniyādīhi nibbānamissakehipi asampayogo vutto hotīti daṭṭhabbo. Avikalacatukkhandhasaṅgāhakehi padehi saḥavattino aññassa sampayogino abhāvato atītānāgatehi ca sampayogo natthevāti tassa ayujjamaṇataṃ dassento “**vattamānānameva -pa- arūpabhavādīhīti attho**”ti āha. **Itareti** ye dampayogaṃ labhanti, ke pana te rūpeṇa asammissā arūpekadesabhūtā. Tenāha “**vedanākkhandhādayo**”ti.

Navamanayasampayuttenasampayuttapadavaṇṇanā niṭṭhitā.

### 10. Dasamanaya vippayuttenavippayuttapadavaṇṇanā

353. Ye vippayuttena vippayuttabhāvena pāliyaṃ aggahitā, tesu keci vippayuttassa dhammantarassa abhāvato keci khandhādīhi vippayogasseva asambhavatoti imamatthaṃ dassento “**dhammāyatanādīdhammā**”ti-ādimāha. Tattha **sabbacittuppādagatadhammabhāvato**ti iminā bhinnakālatādivisesavato arūpakkhandhassa vippayuttassa dhammantarassa abhāvamāha, **anārammaṇamissakabhāvato**ti iminā pana sabbassapi.

Kāmabhavo upapattibhavo saññibhavo pañcavokārabhavoti ime **cattāro mahābhavā. Vippayogābhāvatoti** vippayogāsambhavato. Na hi ye dukkhasaccādīhi vippayuttā, tehi vippayuttānaṃ tesāmyeva dukkhasaccādīnaṃ khandhādīsu kenaci vippayogo sambhavati.

Dasamanayavippayuttenavippayuttenavippayuttapadavaṇṇanā niṭṭhitā.

---

### 11. Ekādasamanaya saṅgahitena sampayuttavippayuttapadavaṇṇanā

409. **Teti** saṅkhārakkhandhadhammā. **Sesehīti** avasiṭṭhehi vedanāsaññāviññāṇakkhandhehi. “**Etena saha sambandho**”ti iminā padānaṃ sambandhadassanamukhena “samudayasaccena ye dhammā sampayuttā”ti pāḷiyā atthavivaraṇaṃ pākaṭataraṃ katvā kehicītipadassatthaṃ kātum “**kehicīti etassa panā**”ti-ādimāha. Atthaṃ dassetum āhāti sambandho. **Visesetvāti** ettha tesāṃ dhammānaṃ taṅhāvajjānaṃ saṅkhārakkhandhadhammāyatanadhammadhātupariyāpannatākittanaṃ visesanaṃ daṭṭhabbaṃ, yato te samudayasaccena khandhādīsaṅgahena saṅgahitāti vuttā. Sayāṃ attanā sampayutto na hotīti vuttaṃ “**attavajjehī**”ti. Tena vuttaṃ “cittaṃ na vattabbaṃ cittena sampayuttantipi, cittena vippayuttantipī”ti. **Sampayogārahehīti** visesanaṃ sukhumarūpaṃ nibbānanti dve sandhāya kataṃ, na taṅhādike.

Ekādasamanayasāṅgahitenasampayuttavippayuttapadavaṇṇanā niṭṭhitā.

---

### 12. Dvādasamanaya sampayuttenasaṅgahitāsaṅgahitapadavaṇṇanā

417. Navamanaye sampayogavisiṭṭhā sampayuttā uddhaṭā, dvādasamanaye ca sampayogavisiṭṭhā saṅgahitāsaṅgahitāti ubhayatthāpi sampayogavisiṭṭhāva gahitāti āha “**dvādasama -pa- labbhantī**”ti.

Dvādasamanayasampayuttenasaṅgahitāsaṅgahitapadavaṇṇanā niṭṭhitā.

### 13. Terasamanaya asaṅgahitenasampayuttavippayuttapadavaṇṇanā

448. **Yehīti** rūpakkhandhadhammāyatanādīhi. **Tīhipi** khandhāyatanādisaṅgahehi. Puna **yehīti** arūpabhavādīhi. **Oḷārikāyatanāneva honti** āyatanadhātusaṅgahepihi asaṅgahitattā. **Teti** catuvokārabhavādayo. **Vuttāvasesāti** rūpakkhandhadhammāyatanādīhi avasiṭṭhā. Satipi asaṅgāhakatte tehi asaṅgahitānaṃ sampayogo na sambhavatīti **vedanākkhandhādayo idha** terasamanaye **vissajjanaṃ na ruhanti** nārohanti. Tenāha aṭṭhakathāyaṃ “vedanākkhandhena hi khandhādivasena rūpārūpadhammā asaṅgahitā honti, tesaṅca sampayogo nāma natthī”<sup>1</sup> **asaṅgāhakā eva na honti** avikalapaṅcakkhandhādisamudāyabhāvato.

**Teti** “dukkhasaccādi”<sup>1</sup>ti ādi-saddena vuttadhammā. **Asabba -pa- siyuṃ** avitakkāvicārādiddhammā viya. **Na tesaṃ vippayogo natthi** tabbinimuttassa cittuppādassa sambhavato. **Vedanākkhandhena asaṅgahitānaṃ** anārammaṇamissakattā na “vippayogassa atthitāyā”<sup>1</sup>ti vuttaṃ. Tathā cāha “rūpārūpadhammā asaṅgahitā”<sup>1</sup>ti. **Ubhayābhāvato** sampayogavippayogābhāvato. **Anārammaṇasahitasabbaviññānatarīdhātusampayuttadubhayadhammā** acetasikacetasikalokiyapadādīnaṃ vasena veditabbā.

Terasamanaya-asaṅgahitenasampayuttavippayuttapadavaṇṇanā niṭṭhitā.

### 14. Cuddasamanaya vippayuttenasaṅgahitāsaṅgahitapadavaṇṇanā

456. **Dhammasabhāvamattattāti** sabhāvadhammānaṃ dhammamattattā avatthāvisesamattattā.

Samucchijjati etenāti **samucchedo**. Saṅgahādivicārapariniṭṭhānabhūto cuddasamanayo. Tenāha “**pariyosāne naye**”<sup>1</sup>ti. Vissajjetabbadhammavivittā pucchā **moghapucchā**, sā tathābhūtāpi vissajjetabbadhammābhāvassa ñāpikā hotīti āha “**tesaṃ pucchāya moghattā te na labbhanti**”<sup>1</sup>ti. Moghā pucchā etassāti **moghapucchako**. **Aṭṭhamo**

1. Abhi-Ṭṭha 3. 21 piṭṭhe.

**nayo** tattha sabbapucchānaṃ moghattā. **Tena ca sahā**ti tena aṭṭhamanayena saddhiṃ imasmim̐ osānanaye aṭṭhamanaye ca osānanaye ca **ete** dhammāyatanādayo sabbappakārena na labbhanti. **Vippayogassapi abhāvā**ti tattha kāraṇamāha.

Cuddasamanayavippayuttenasaṅgahitāsaṅgahitapadavaṇṇanā niṭṭhitā.

**Dhātukathāpakaraṇa-anuṭṭikā samattā.**





# Puggalapaññattipakaraṇa-anuṭikā

Namo tassa Bhagavato Arahato Sammāsambuddhassa.

## 1. Mātikāvaṇṇanā

1. “Dhātukatham desayitvā anantaram tassa āha puggalapaññattin”ti vutte tatha kāraṇam samudāgamato paṭṭhāya vibhāvento “**dhammasaṅgahe**”ti-ādimāha. Tattha yadipi dhammasaṅgahe phassādīnam pathavī-ādīnañca dhammānam nānāyavicitto anupadavibhāgopi kato, na saṅgaho eva, so pana tesaṃ kusallatikādihetudukāditikadukehi saṅghasandassanattoti vuttam “**dhammasaṅgahe tikadukādivasena saṅghatānam dhammānam**”ti. Teneva hi tam pakaraṇam “dhammasaṅgaho”ti samaññam labhi. Kāmañca dhammasaṅgahepi “tasmim kho pana samaye cattāro khandhā hontī”ti-ādinā<sup>1</sup> khandhādivibhāgo dassito, so pana na tathā sātisayo, yathā vibhaṅgapakaraṇeti sātisayam tam gahetvā āha “**Vibhaṅge khandhādivibhāgam dassetvā**”ti, yato tam “vibhaṅgo”tveva paññāyittha. **Dhātukathāyāti** ādhāre bhummam, tathā “dhammasaṅgahe vibhaṅge”ti etthāpi. Ādhāro hi saṅghaṇavibhajanappahedavacanasankhātānam avayavakiriyānam tam samudāyabhūtāni pakaraṇāni yathā “rukkhe sākha”ti. Karaṇavacanam vā etam, dhātukathāyam karaṇabhūtāyāti attho.

Ettha ca abhiññeyyadhamme desento desanākusalo bhagavā tikadukavasena tāva nesaṃ saṅgham dassento **dhammasaṅgaṇim** desetvā saṅghapubbakattā vibhāgassa tadanantaram khandhādivasena vibhāgam dassento **vibhaṅgam** desesi. Puna yathāvuttavibhāgasāṅghayutte dhamme saṅghāsaṅghādinayappahedato dassento **dhātukatham** desesi tassā abhantarabāhiramātikāsarīrakattā. Na hi sakkā khandhādike kusalādike ca vinā saṅghāsaṅghādinayam netunti. Tenāha “**tathāsaṅghatavibhattā nan**”ti. Evaṃ saṅghato vibhāgato pahedato ca dhammānam desanā

---

1. Abhi 1. 26 piṭṭhe.

yassā paññattiyā vasena hoti, yo cāyaṃ yathāvuttadhammupādāno puggalavohāro, tassa ca samayavimuttādivasena vibhāgo, taṃ sabbam vibhāvetum **puggalapaññatti** desitāti idametesam catunnam pakaraṇānam desanānukkamakāraṇam daṭṭhabbam.

**Tesanti** dhammānam. **Sabhāvatoti** “phasso vedanā”ti-ādisabhāvato. **Upādāyāti** “puggalo satto poso”ti-ādinā khandhe upādāya. Paññāpanam **yāya** tajjā-upādādibhedāya paññattiyā hoti, **taṃ** paññattim. **Pabhedatoti** khandhādisamayavimuttādivibhāgato. Yāya paññattiyā sabhāvato upādāya ca paññāpananti saṅkhepato vuttamattham vivaranto “**tattha ye dhamme**”ti-ādimāha. tattha asabhāvapaññattiyāpi mūlabhūtam upādānam sabhāvadhammo eva, kevalam pana tesam pavatti-ākārabhedasannissayato visesoti dassento “**yedhamme -pa- hoti**”ti āha. Tattha **pubbāpariyabhāvena pavattamāneti** iminā pabandhasannissayam dassento santānapaññattim vadati, **asabhāvasamūhavasenāti** iminā sesapaññattim. Tisso hi paññattiyō santānapaññatti samūhapaññatti avatthāvisesapaññattiti. Tattha pabandho **santāno**. Samudāyo **samūho**. Uppādādiko daharabhāvādiko ca **avatthāviseso**. Tesu asabhāvaggahaṇena vinā pabandhasamūhānam asabhāvatte siddhe asabhāvasamūhavasenāti asabhāvaggahaṇam pabandhasamūhavinimuttapaññattisandassanattanti tena avatthāvisesapaññattiyā pariggaho vuttoti veditabbo.

**Tesanti** pubbe yaṃ-saddena parāmaṭṭhānam indriyabaddhadhammānam. Tenevāha “**aññesañca bāhirarūpanibbānāna**”ti. **Sasabhāvasamūhasasabhāvappabhedavasenāti** rūpakkhandhādisasabhāvasamūhavasena cakkhāyatanādisasabhāva visesavasena ca. “Sasabhāvasamūhasabhāvabhedavasenā”ti ca pāṭho tattha **samūhasabhāvoti** sabhāvasantānam avatthāvisesavidhuram samūhavasena lakkhaṇamevāha. Tattha hi khandhapaññattiyāpi sabhāvapaññattitā vuttā. **Tāyāti** āyatanapaññatti-ādippabhedāya sabhāvapaññattiyā. **Vibhattā sabhāvapaññattiti** “phasso phusanā”ti-ādinā<sup>1</sup> vibhattā phassādisabhāvapaññatti. **Sabbāpīti pi**-saddena sabhāvadhammesu sāmāññavasena pavattam kusalādipañattim saṅgaṇhāti. Rūpādidhammānam samūho

---

1. Abhi 1. 18 piṭṭhe.

santānena pavattamāno avatthāvisesasaḥito ekattaggahaṇanibandhano sattoti voharīyatīti so sabhāvadhammo nāma pana na hotīti āha “**puggalapaññatti pana asabhāvapaññatti**”ti. **Tāyāti** puggalapaññattiyā. Yasmā pana dhammānaṃ pabandho samūho ca dhammasannissitoti vattabbataṃ arahati, tasmā “**pariññeyyādisabhāvadhamme upādāya pavattito**”ti vuttaṃ.

**Vijjamānapaññatti** pana “sabhāvapaññatti”ti vuttā, **avijjamānapaññatti** “asabhāva paññatti”ti vuttā. **Sabbā paññattiyoti** upādāyapaññattikiccapaññatti-ādayo sabbā paññattiyoti. Yadi sabbā paññattiyoti idha dassitā honti, katharaṃ “puggalapaññatti”ti nāmaṃ jātanti āha “**khandhādipaññattisū**”ti-ādi. **Aññatthāti** dhammasaṅgahādīsu. **Ye dhammeti** ye khandhādiddhamme. **Paññattiyā vatthubhāvenāti** paññāpanassa adhiṭṭhānabhāvena. Adhiṭṭhānañhi paññāpetabbadhammā paññāpanassa. Evañca katvā khandhādīhi saddhim puggalo gahito. **Ye dhammeti** vā ye paññattiddhamme. **Paññāpetukāmoti** nikkhipitukāmo vatthubhedato asaṅkarato ṭhapetukāmo. **Paññattiparicchanti** ca vatthubhedabhinnāṃ paññattibhūtaṃ paricchantaṃ. Evamettha attho daṭṭhabbo.

**Sāmaññappabhedapaññāpanāti** sāmaññabhūtānaṃ visesabhūtānañca atthānaṃ paññāpanā. **Tesanti** atthasaddāpekkhāya pulliṅganiddeso. **Tatthāti** paññāpanāya atthadassanabhūtesu dassanādīsu. **Idamevaṃnāmakanti** idaṃ ruppanādi-atthajātaṃ itthannāmakaṃ rūpakkhandhavedanākkhandhādisamaññaṃ. **Tarantaṃkoṭṭhāsikakaraṇanti** rūpavedanāditaṃtaṃatthavibhāgapariyāpannatāpādanaṃ. Tathā saññuppādānamevāti āha “**bodhanameva nikkhipanā**”ti. Bodhanañhi bodhaneyyasantāne bodhetabbassa atthassa ṭhapananti katvā nikkhipanā”ti vuttaṃ. “Paññāpanā”ti-ādinā bhāvasādhanena vatvā sādhanantarāmasanena atthantaraparikkappāsaṅkā siyāti taṃ nivāretuṃ “**yo paññāyaṃ -paveditabbo**”ti āha. **Tesaṃ tesaṃ dhammānanti** taṃtaṃpaññāpetabbadhammānaṃ. Dassanabhūtāya nāmapaññattiyā **diṭṭhatāya**, ṭhapanabhūtāya **ṭhapitatāya**. **Tarānimittatanti** tassa dassanassa ṭhapanassa ca nimittakāraṇataṃ. Nimittañhi kattubhāvena voharīyati yathā “bhikkhā vāsetī”ti, “ariyabhāvakarāni saccāni ariyasaccāni”ti ca.

**Pāḷiyam anāgatatanti** vijjamānatādivisesavacanena saha pāṭhānāruḷhataṃ. **Vijjamānassa satoti** vijjamānassa samānassāti imamatthaṃ dassento “**vijjamānabhūtasāti attho**”ti āha. **Tathāti** saccikaṭṭhaparamatthavasena **avijjamānassa** anupalabbhamānassa. Taṃ pana anupalabbhamānataṃ tathā-saddena byatirekavasena dīpitaṃ pākāṭataraṃ kātum “**yathā kusalādīni**”ti-ādimāha. Tattha **vinivattasabhāvāni**ti vibhattasabhāvāni. **Upaladdhīti** gahaṇaṃ. **Tenākārenāti** tena rūpavedanādi-ākārena avijjamānassa. **Aññenākārenāti** tato rūpavedanādito aññaena tabbinimuttana paññāpetabbapaññāpanākārena vijjamānassa. Paññattiduke vuttameva “ayañca vādo sevattthikathāya paṭisiddho”ti-ādinā. **Lokaniruttimattasiddhassāti** ettha **mattaggahaṇaṃ** tassa pañattivatthussa na kevalaṃ vijjamānasabhāvātānivattanatthameva, atha kho viparītaggāhanivattanatthampīti dassento “**anabhinivesena cittenā**”ti āha. Catusaccapañcakkhandhādivinimuttaṃ saccantarakhantantārādikaṃ **pañcamasaccādikaṃ**. Sace taṃ koci atthīti paṭijāneyya, ayāthāvagahitassa taṃ vācāvattthumattamevassāti dassento āha “**sābhinivesena -pa- vuttan**”ti. Uddese niddese ca sattavantaṃ padhānabhāvena āgamaṇaṃ sandhāyāha “**sarūpato tissannaṃ āgatatan**”ti. Guṇabhāvena pana uddhamānotapaññāvimuttapāsāṇalekhādiggahaṇesu itarāpi tisso pañattiyo imasmim pakaraṇe āgatā eva.

**Yathāvuttassa -pa- avirodhenāti** “vijjamānapaññatti avijjamānapaññatti”ti evaṃ vuttappakāraṇassa avilomanena. **Ācariyavādāti** cettha attanomatīyo veditabbā, aññattha pana aṭṭhakathā ca. Yathā ca avirodho hoti, taṃ dassento “**tasmā**”ti-ādimāha. Tattha **avijjamānattā paññāpetabbamatatthena paññattīti** etena “avijjamānā paññatti avijjamānapaññatti”ti imaṃ samāsavikappamāha. **Avijjamānapaññattīti** ettha hi dve samāsā avijjamānassa, avijjamānā vā paññattīti avijjamānapaññatti. Tesu purimena nāmapaññatti vuttā, dutiyena upādāpaññatti-ādibhedā itarāpi. **Sasabhāvaṃ** vedanādikaṃ. **tajjaparamatthanāmālābhatoti** tajjassa tadanurūpassa paramatthassa anvatthassa nāmassa labhanato, anubhavanādisabhāvānaṃ dhammānaṃ paramatthikassa vedanādināmassa labhanattāti

attho. Etena visesanivatti-attho matta-saddo, tena cāyaṃ viseso nivattitoti dasseti. **Parato labhitabbanti** paraṃ upādāya laddhabbaṃ yathā rūpādike upādāya sattoti nissabhāvasamūhasantānādi paññattivatthu. **Ekattenāti** anaññattena. **Anupalabbhasabhāvatā** ñāṇena aggahetabbasabhāvatā, yato te navattabbāti vuccanti.

Sasūkasāli-rāsi-ādi-ākārena saṅkucitaggo vāsavavāsudevādīnaṃ viya moliviseso kirīṭaṃ, so pana maḷḷavisesopi hotiyevāti āha “**kirīṭaṃ maḷḷaṇaṃ**”ti. **Sabbasamorodhoti** sabbāsaṃ vijjamānapaññatti-ādīnaṃ channaṃ paññattīnaṃ antokaraṇaṃ. **Saṅkhātābbappadhānattāti** idaṃ lakkhaṇavacanaṃ. Na hi sabbāpi upanidhāpaññattisaṅkhāvasena pavattā, nāpi sabbā saṅkhātābbappadhānā. **Dutiyāṃ tatiyanti**-ādikaṃ pana upanidhāpaññattiyā, **dve tīṇīti**-ādikaṃ upanikkhittapaññattiyā ekadesaṃ upalakkhaṇavasena dassento tassa ca saṅkhyeyyappadhānatāyāha “**saṅkhātābbappadhānattā**”ti. Pūraṇattho hi saddo tadatthadīpanamukhena pūretabbamatthaṃ dīpeti. So ca saṅkhāvisayo padhānovāti dutiyādīnaṃ paññattīnaṃ saṅkhātābbappadhānatā vuttā. Yāva hi dasasaṅkhā<sup>1</sup> saṅkhyeyyappadhānāti. Tathā **dve tīṇīti**-ādīnaṃpi paññattīnaṃ. Saṅkhātābbo pana attho koci vijjamāno, koci avijjamāno, koci saha viṣuṃ ca tadubhayaṃ missoti **chapi paññattiyo bhajatīti**.

**Itarāti** upādāsasamodhānatajjāsantatipaññattiyo vuttāvasesā upanidhāpaññatti-upanikkhittapaññattiyo ca. Sattarathādibhedā upādāpaññatti, dīgharassādibhedā upanidhāpaññatti ca avijjamānapaññatti. Hatthagatādivisiṭṭhā upanidhāpaññatti, samodhānapaññatti ca avijjamānena-avijjamānapaññatti. Tatheva “suvaṇṇavaṇṇo brahmassaro”ti-ādikā vijjamānagabbhā vijjamānena-avijjamānapaññattim bhajantīti āha “**yathāyogaṃ taṃ taṃ paññattin**”ti. Tena vuttaṃ “dutiyāṃ tatiyāṃ -pa-bhajantī”ti. **Yañhīti**-ādi yathāvutta-upanidhā-upanikkhittapaññattīnaṃ avijjamānena-avijjamānapaññattibhāvasamatthanaṃ. Tatha **tañca saṅkhānanti** yaṃ “paṭhamaṃ ekaṃ”ti-ādikaṃ saṅkhānaṃ, tañca saṅkhāmukhena gahetabbarūpaṃ. **Ca**-saddena saṅkhyeyyaṃ saṅgaṇhāti. Tampi hi paññāpetabbaṃ paññattīti. Tassā pana paramatthato abhāvo vuttoyeva.

---

1. Ādasa hi saṅkhyā (?)

**Kiñci natthīti** paramatthato kiñci natthi. **Tathāti** iminā avijjamānena-avijjamānabhāvanti etaṃ ākaḍḍhati. Tenāha “**nahi -pa- vijjamāno**”ti.

**Okāseti** avīciparanimmitavasavattīparicchinne padese. So hi kāmādhīṭṭhānato “kāmo”ti vuccati. **Kammanibbattakkhandhesūti** iminā uttarapadalopena kāmabhavaṃ “kāmo”ti vadati. Bhaṇanaṃ saddo cetanā vā, taṃsamaṅgitāya tabbisiṭṭhe puggale bhāṇakoti paññattīti āha “**vijjamānena-avijjamānapaññattipakkhaṃ bhajati**”ti. Yebhuyyena rūpāyatanaggahaṇamukhena rūpasāṅkhātena saṅṭhānaṃ gayhatīti tassa tena abhedopacāraṃ katvā vuttaṃ “**rūpāyatanasaṅkhātena saṅṭhānenā**”ti. Yaṃ abhedopacāraṃ bhinditum ajānantā nikāyantariyā rūpāyatanam saṅṭhānasabhāvaṃ paṭijānanti. “Kiso puggalo, thūlo puggalo, kiso daṇḍo, thūlo daṇḍo”ti-ādinā puggalādinam paññāpanā tathātathāsanniviṭṭhe rūpasāṅkhāte kisādisaṅṭhānapaññatti, na rūpāyatanamatteti āha “**saṅṭhānanti vā rūpāyatane aggahite**”ti. **Paccattadhammanāmavasenāti** “pathavī phasso”ti-ādinā dhammānaṃ taṃtaṃnāmavasena. Kiccapaññatti-ādivibhāgena pavatto ayampi ācariyavādo “kiccapaññatti ekaccā bhūmipaññatti paccattapaññatti asaṅkhatapaññatti ca vijjamānapaññatti, liṅgapaññatti ekaccā paccattapaññatti ca avijjamānapaññatti, ekaccā kiccapaññatti vijjamānena-avijjamānapaññatti, ekaccā bhūmisaṅṭhānapaññatti vijjamānena vā avijjamānena vā avijjamānapaññatti”ti dassitattā “dhammakathā itthilingan”ti-ādinam vijjamānena-vijjamānapaññattibhāvo, avijjamānena-avijjamānapaññattibhāvo ca dassitanayoti āha “**sabbasaṅgāhakoti daṭṭhabbo**”ti. Upādāpaññatti-ādivibhāvo cettha kiccapaññatti-ādinam kiccapaññatti-ādivibhāvo ca tāsam yathārahaṃ vibhāvetabbo.

2. **Saṅkhepappabhedavasenāti** “yāvatā pañcakkhandhā”ti sabbepi khandhe khandhabharvasāmaññena saṅkhipanavasena, “yāvatā rūpakkhandho”ti-ādinā khandhānaṃ tato sāmaññato pakārehi bhindanavasena ca. **Ayaṃ atthoti** ayaṃ paññattisaṅkhāto attho. Sāmaññato vā hi dhammānaṃ paññāpanam hoti visesato vā. Viseso cettha attano sāmaññāpekkhāya veditabbo, visesāpekkhāya pana sopi sāmaññam sampajjatīti “kittāvatā khandhānaṃ khandhapaññatti”ti pucchāya saṅkhepato

vissajjanavasena “yāvatā pañcakkhandhā”ti vuttanti tatthāpi “khandhānaṃ khandhapaññattī”ti ānetvā yojetabbanti āha “**yāvatā -pa- paññattī**”ti. “Yāvatā pañcakkhandhā, ettāvatā khandhānaṃ khandhapaññatti. Yāvatā rūpakkhando -pa- viññāṇakkhandho, ettāvatā khandhānaṃ khandhapaññattī”ti evamettha pāliyojanā kātabbā. Evañhi saṅkhepato pabhedato ca khandhapaññatti vissajjitā hoti. Tathā hi imasseva atthassa aṭṭhakathāyaṃ vuttabhāvaṃ dassento “**yattakena -pa- ādikenā**”ti āha. **Tatthā**ti tasmim̐ vissajjanassa atthavacane, tasmim̐ vā vissajjanapāṭhe tadatthavacane ca. **Pabhedanidassanamattanti** pabhedassa udāharaṇamattam̐. **Avuttopi sabbo** bhūtopādiko, sukhādiko ca pabhedo. Tam̐ pana bhūmimukhena dassetuṃ “**rūpakkhando kāmāvacaro**”ti-ādi vuttanti daṭṭhabbam̐.

Evam̐ aṭṭhakathāyaṃ āgatanayena pāliyā atthayojanaṃ dassetvā idāni tam̐ pakārantarena dassetuṃ “**ayaṃ vā**”ti-ādi vuttam̐. Tattha **ayaṃ vā**ti vuccamānaṃ sandhāyāha. **Etthā**ti etasmim̐ khandhapaññattivissajjane. **Idanti** idam̐ padaṃ. **Yattako -pa- khandhapaññattiyā pabhedoti** iminā saṅkhepato vitthārato ca khandhānaṃ pabhedam̐ patipaññattivibhāgoti dassitam̐ hoti. Tenāha “**vatthubhedena -pa- dasseti**”ti. **Pakaraṇantareti** vibhaṅgapakaraṇe. Tattha hi sātisaṃyānaṃ khandhānaṃ vibhāgapaññatti vuttā. Tenāha aṭṭhakathāyaṃ “**sammāsambuddhena hi -pa- kathitā**”ti. Ettha ca paṭhamanaye samukhena, dutiye vatthumukhena paññattiyā vibhāgā dassitāti ayametesam̐ viseso.

**Esa nayoti** iminā khandhapaññattiyā vuttamattham̐ āyatanapaññattiyādīsū atidisati. Tattha “**yāvatā pañcakkhandhā**”ti, “**khandhānaṃ khandhapaññattī**”ti idam̐ paññattiniddesapāliyā ādipariyosānaggahaṇamukhena dassanaṃ. “**Yāvatā dvādasāyatanāni**”ti, “**āyatanānaṃ āyatanapaññattī**”ti imassa attho “**yattakena paññāpanena saṅkhepato dvādasāyatanāni**”ti etena dassito, “**yāvatā cakkhāyatanan**”ti-ādikassa pana “**pabhedato cakkhāyatanan**”ti-ādikenāti. Tattha “**cakkhāyatanam̐ -pa- dhammāyatanan**”ti pabhedanidassanamattametam̐. Etena avuttopi sabbo saṅgahito hotīti “**tatrāpi dasāyatanā kāmāvacarā**”ti-ādi vuttam̐. Ayaṃ vā ettha pāliyā atthayojanā—“yāvatā”ti idam̐ sabbehi



padehi yojetvā “yattakāni dvādasāyatanāni -pa- yattako dvādasannaṃ āyatanānaṃ, tappabhedānañca cakkhāyatanādīnaṃ pabhedo, tattako āyatanānaṃ āyatanapaññattiyā pabhedo”ti pakaraṇantare vuttena vatthupabhedena āyatanapaññattiyā pabhedaṃ dassetīti-ādina itarapaññattisupi nayo yojetabbo.

7. “Cha paññattiyo -pa- puggalapaññattī”ti imaṃ apekkhitvā “kittāvatā -pa- ettāvatā indriyānaṃ indriyapaññattī”ti ayaṃ pālīpadeso niddesopi samāno pakaraṇantare vatthubhedena vuttaṃ khandhādipaññattippabhedaṃ upādāya uddesoyeva hotīti āha “**uddesamattenevāti attho**”ti.

Mātikāvaṇṇanā niṭṭhitā.

## 2. Niddesavaṇṇanā

### 1. Ekakaniddesavaṇṇanā

1. Paccanīkadhammānaṃ jhāpanaṭṭhena jhānaṃ, tato suṭṭhu vimuccanaṭṭhena vimokkhoti nipariyāyena jhānaṅgāneva vimokkhoti aṭṭhakathā-adhippāyo. Ṭīkākārena pana “abhibhāyatanāṃ viya sasampayuttaṃ jhānaṃ vimokkho”ti maññamānena “**adhippāyenāhā**”ti vuttaṃ. Jhānadhammā hi sampayuttadhammehi saddhimyeva paṭipakkhato vimuccanti, na vinā, tathā abhirativasena ārammaṇe nirāsaṅkappavattipīti adhippāyo. Yathā vā jhānaṅgānaṃ jhānapaccayena paccayabhāvato saviseso jhānapariyāyo, evaṃ vimokkhakiccayogato tesāṃ saviseso vimokkhapariyāyo, tadupacārena sampayuttānaṃ veditabbo.

**Paṭhamaṃsamaṅgibhāvattanti** paṭilābhaṃ sandhāyāha. “Phusitvā viharatīti paṭilābhivā iriyatī”ti hi vuttaṃ. Aṭṭhakathāyaṃ “yena hi saddhim -pa-paṭilāddhā nāma hontī”ti tehi sādhetabbasahajātādīpaccayalābhoyevettha paṭilābho daṭṭhabbo. Yathā phasso yattha uppanno, taṃ ārammaṇaṃ phusatīti vuccati, evaṃ sampayuttadhammepi taṃsabhāvattatī āha “**samphassena phusanatthan**”ti. Tassa “vivaratī”ti iminā sambandho.

**Itarehīti** upacārapīti-ādinā upacārapurimappanāparappanānaṃ paṭilābhakāraṇanti vacanehi. **Itare kāraṇattheti** “upacārena -pa-phusatiyevā”ti vutte kāraṇatthadīpake atthe. Phusati phalaṃ adhigacchati etāyāti kāraṇabhāvassa phusanāpariyāyo veditabbo.

**Paṭhamatthamevāti** samaṅgibhāvattameva. **Tāni aṅgānīti** iminā jhānakoṭṭhāsabhāvena vuttadhammāyeva gahitā, na phassapañcamaka-indriyaṭṭhakādībhāvenāti vuttaṃ “**sesā -pa- saṅgahitānī**”ti. **Evaṃ satīti** sukhasaṅkhātajhānaṅgato vedanāsomanassindriyānaṃ sesitabbabhāve sati. Evañhi nesāṃ phassakatā itarassa phassitabbatāva siyā. Tenāha “**sukhassa phusitabbattā**”ti. **Vedayitādhipateyyaṭṭhehīti**

ārammaṇānubhavanasaṅkhātena vedayitasabhāvena, tasseva sātavisesasaṅkhātena sampayuttehi anuvattanīyabhāvena ca.

**Upanijjhāyanabhāvopi** yathāvuttavedayitādhipateyyaṭṭhavisitṭho oḷārikassa ārammaṇassa nijjhāyanabhāvo. Abhinnasabhāvopi hi dhammo purimavisiṭṭhapaccayavisesasambhavana

visesena bhinnākāro hutvā visiṭṭhaphalabhāvaṃ āpajjati. Yathekaṃyeva kammaṃ cakkhādiniḅattihetubhūtaṃ kammaṃ. Tena vuttaṃ “**vedayitā -pa-vuttattā**”ti. **Āṅgānīti** nāyaṃ tapparabhāvena bahuvacananiddeso anantabhāvato, kevalaṅca āṅgānaṃ bahuttā bahuvacanaṃ, tena kiṃ siddham? Paccekampi yojanā siddhā hoti. Tena vuttaṃ “**paccekampi yojanā kātābbā**”ti. Yadi “sukhaṃ ṭhapetvā”ti yojanāyaṃ sesā tayo khandhā honti, sesā tayo, cattāro ca khandhā hontīti vattabbaṃ siyāti? Na, catūsu tiṇṇaṃ antogadhattā. Tenāha “**sabbayojanā -pa- vuttan**”ti.

2. **Asamayavimokkhenāti** heṭṭhāmaggavimokkheṇa. So hi lokiya vimokkho viya dhigamavaḷaṅjanatthaṃ pakappetabbasamayavisesābhāvato evaṃ vutto. Aggamaggavimokkho pana ekaccāsavavimuttivacanaṭo idha nādhippeto. Tenāha “**ekacce āsavā parikkhīṇā hontī**”ti. **Ekaccehi āsavehi vimuttoti** diṭṭhāsavādīhi samucchadavimuttiyā vimutto. **Asamaya -pa- lābhenāti** yathāvutta-asamayavimokkhassa upanissayabhūtaṣṣa adhigameṇa. Tato eva **sāṭisayena**, ekaccehi kāmāsavehi vimutto vikkhambhanavaseneṭi attho. **So eva** ekaccasamayavimokkhalābhi yathāvutto **samayavimutto** asamayavimokkhavisesassa vasena samayavimokkhapaññattiyā adhippetattā. **Soti** asamayavimokkhūpanissayasamayavimokkhalābhī. **Tena** sāṭisayena samayavimokkheṇa. **tathāvimuttova hotīti** ettha **iti**-saddo hetu-attho. Yasmā tathāvimutto hoti, tasmā samayavimuttapaññattiṃ laddhuṃ arahatīti pariññātattaṃ hetunā paṭiṭṭhāpeti. Byatirekamukhenapi tamatthaṃ pākaṭataraṃ kātuṃ “**puthujano paṇā**”ti-ādi vuttaṃ. Tattha **samudācārabhāvato**ti samudācārassa samudācārassa sambhavato. **Soti** jhānalābhī puthujjano.

Yadi punarāvattakadhammatāya puthujjano samayavimuttoti na vutto, tadabhāvato kasmā arahā tathā na vuttoti āha “**arahato paṇā**”ti-ādi. **Tadakāraṇabhāvanti** tesam vimokkhānaṃ, tassa vā samayavimuttibhāvassa akāraṇabhāvaṃ. **Sabboti** sukkhaviḷpassakopi samathayānikopi aṭṭhavimokkhalābhīpi. Bahi-abbhantarabhāvā apekkhāsiddhā, vattu adhippāyavasena gaheṭṭabarūpā cāti āha “**bāhirānanti lokuttarato bahibhūtānaṃ**”ti.

3. **Rūpato aññam na rūpanti** tattha rūpapaṭibhāgam kasiṇarūpādi rūpa-saddena gahitanti tadaññam paṭhamatatiyāruppavisayamattam arūpakkhandhanibbānavinimuttam arūpa-saddena gahitam daṭṭhabbam. Paṭipakkhabhūtehi kilesaccorehi amūsitabbam jhānameva **cittamañjūsam**. **Samādhinti** vā samādhisīsenā jhānameva vuttanti veditabbam.

4. **Attano anurūpena pamādenā**ti ettha anāgāmino adhikusalesu dhammesu asakkacca-asātaçcakiriyādinā. Khīṇāsavassa pana tādīsena pamādatirūpakena, tādīsāya vā asakkaccakiriyāya. Sā cassa ussukkābhāvato veditabbā. Paṭippassaddhasabbussukkā hi te uttamapurisā. **Samayena samayanti** samaye samaye. Bhummatthe hi etaṃ karaṇavacanam upayogavacanañca. **Anipphattitoti** samāpajjitum asakkuṇeyyato. **Assāti** “tesañhi”ti-ādinā vuttassa imassa aṭṭhakathāvacanassa. **Tenāti** yathābhatena suttena.

5. Yenādhippāyena **“dhammehī”ti vattabbanti** vuttam, tam vivaranto **“idhā”ti-ādimāha**. Tattha **idhāti** “parihānadhammo aparihānadhammo”ti etasmiṃ padadvaye. **Tatthāti** “kuppadhammo akuppadhammo”ti padadvaye. Sati vacananānatte attheva vacanathanānattanti āha **“vacanathanānattamattena vā”ti**. Vacanathaggahaṇamukhena gahetabbassa pana vibhāvanatthassa natthettha nānattam, yato tesam pariyāyantaratāsiddhi.

7-8. **Samāpatticetanāti** yāya cetanāya samāpattim nibbatteti samāpajjati ca. Tenāha **“tadāyūhanā”ti**. Ārakkhapaccupaṭṭhānā satīti katvā āha **“anurakkhaṇā -pa- satī”ti**. Tenāha “ekārakkho satārakkhena cetasā viharatī”ti. tathā hi sā “kusalā kusalānam dhammānam gatiyo samannesatī”ti vuttā.

11. Aggamaggaṭṭhopi itaramaggaṭṭhā viya anupacchinnabhayattā bhayūparatavohāram labhatīti āha **“arahattamaggaṭṭho ca -pa- bhayūparato”ti**.

12. **Kecīti** tihetukapaṭisandhike mandabuddhike sandhāyāha. Tena vuttam **“duppaññāti iminā gayhantī”ti**. Dubbalā paññā yesam te duppaññāti.

14. Aniyatadhammasamannāgatasseva paccayavisesena niyatadhammapaṭilābhoti āha “**yattha -pa- hontī**”ti. **Tadabhāvāti** niyatāniyatavomissāya pavattiyā abhāvā.

16. **Pariyādiyitabbānī**ti pariyaḍakena maggena khepetabbāni. Taṇhādīnaṃ palibudhanādikiriyaṃ matthakappattiyā sīsabhāvo veditabbo, nibbānassa pana visaṅkhārahāvato saṅkhārasīsātā. Tenāha “**saṅkhāravivekabhūto nirodho**”ti. Keci pana “saṅkhārasīsāṃ nirodhasamāpattī”ti vadanti, taṃ tesāṃ matimattaṃ paññattimattassa sīsabhāvānupapattito taduddhañca saṅkhārappavattisabbhāvato. **Saha viyāti** ekajjhaṃ viya. Etena sama-saddassa atthamāha. Sahattho hesa sama-saddo. **Sāmsiddhidassanenāti** sāmsiddhiyā niṭṭhānassa uparamassa dassanena.

**Idhāti** imissā puggalapaññattipāḷiyā, imissā vā tadaṭṭhakathāya. **Kilesapavattasīsānanti** kilesasīsapavattasīsānaṃ. Tesu hi gahitesu itarampi pariyaḍiyitabbaṃ kilesabhāvena pariyaḍiyitabbatāsāmaññena ca gahitameva hotīti kilesavaṭṭapariyaḍānena maggassa itaravaṭṭānampi pariyaḍiyanāṃ. Vaṭṭupacchedakena maggeneva hi jīvitindriyampi itaravaṭṭānampi pariyaḍiyanāṃ. Vaṭṭupacchedakena maggeneva hi jīvitindriyampi anavasesato nirujjhatīti. Kasmā panettha pavattasīsāṃ visuṃ gahitanti codanaṃ sandhāyāha “**pavattasīsampi**”ti-ādi. Odhiso ca anodhiso ca kilesapariyaḍāne sati sijjhamānā paccavekkhaṇavārā tena nipphādetabbāti vuttā. Tenevāha “**kilesapariyaḍānasseva vārā**”ti. Idāni tamatthaṃ āgamena sādiento “**vimuttasmin**”ti-ādimāha. **Cuticittena hotīti** idam yathāvuttassa kilesapariyaḍānasamāpanabhūtassa paccavekkhaṇavārassa cuticittena paricchinnattā vuttaṃ, tasmā cuticittena paricchadakena paricchinnaṃ hotīti attho.

17. **Tiṭṭheyyāti** na upagaccheyya. Ṭhānaṃ hi gatinivatti. Tena vuttaṃ “**nappavatteyyā**”ti.

18. Payirupāsānāya bahūpakārattā **payirupāsitabbattā**.

20. Aggavijjā yassa anadhigatavijjādvayassa hoti, so ce pacchā vijjādvayaṃ adhigacchati, tassa paṭhamam adhigatavijjādvayassa viya

atevijjatābhāvā yadipi nippariyāyatā<sup>1</sup> tevijjatā, paṭhamam  
adhigatavijjādvayassa pana sā savisesāti dassento “**yāya katakiccatā**”ti-  
ādimāha. Tattha **aggavijjāti** āsavakkhayañāṇam, aggamaggañāṇameva vā  
veditabbanam. Sā ca tevijjatāti yojanā.

22. **Tatthevāti** saccābhisambodhe eva.

24. **Tanti** nirodhasamāpattilābhino ubhatobhāgavimuttatāvacaṇam.  
**Vuttalakkhaṇūpapattikoti** dvīhi bhāgehi dve vāre vimuttoti evam  
vuttalakkhaṇena upapattito yuttito samannāgato. **Eseva nayoti** yathā  
catunnam arūpasamāpattīnam ekekato nirodhato ca vuṭṭhāya arahattaṃ  
pattānam vasena pañca ubhatobhāgavimuttā vuttā, tathā sekkhabhāvaṃ  
pattānam vasena pañca kāyasakkhino hontīti katvā vuttam.

**Dassanakāraṇāti** iminā “disvā”ti ettha tvā-saddo hetu-atthoti dasseti  
yathā “sīham disvā bhayaṃ hotī”ti-ādīsu. Dassane sati parikkhayo, nāsati  
āha “**dassanāyattaparikkhayattā**”ti. **Purimakiriyāti** āsavānam khayakiriyāya  
purimakiriyā. Samānakālattepi hi kāraṇakiriyā phalakiriyāya purimasiddhā  
viya voharīyati. **Tato** nāmakāyato mucchanato. Yato hi yena muccitabbanam,  
tam nissitohotīti vuttam “**nāmanissitako**”ti. **Tassāti** kāyadvayavimuttiyā  
ubhatobhāgavimuttabhāvassa. Arūpaloke hi ṭhitārahantavasenāyamattho  
vutto. Tenāha “**sutte hī**”ti-ādi.

**Dvīhi bhāgehīti** vikkhambhanasamucchedabhāgehi. **Dve vāreti**  
kilesānam vikkhambhanasamucchindanavasena dvikkhattum. **Kilesehi**  
**vimuttoti** idam paṭhamatatiyavādānam vasena vuttam, itaram dutiyavādassa.  
Arūpajjhānam yadipi rūpasaññādīhi vimuttaṃ taṃsamattikkamādinā  
pattabbattā, pavattinivārahehi pana kāmacchandādīhiyevassa vimutti  
sātisayāti dassento “**nīvaraṇasañkhātanāmakāyato vimuttan**”ti āha. Yañcāpi  
arūpajjhānam rūpaloke vivekaṭṭhatāvasenapi rūpakāyato vimuttaṃ, tam pana  
rūpapaṭibandhachandarāgavikkhambhaneneva hotīti vikkhambhanameva  
padhānanti vuttam

---

1. Nippariyāyā (Ka)

“rūpaṇhāvikkhambhanena rūpakāyato ca vimuttatā”ti. **Ekadesena ubhatobhāgavimuttam nāma hoti samucchavedavimuttiyā abhāvā.**

25. “Sattisayo”ti viya samudāye pavatto vohāro avayavepi dissatīti dassento āha “aṭṭhavimokkhekadesena -pa- vuccatī”ti.

26. **Phuṭṭhānanti** phassitānam, adhigatānanti attho. **Antoti** antasadiso phassanāya parakālo. Tadanantaro hi tappariyosāno viya hotīti. Kālavisayo cāyam anta-saddo, na pana kālattho. Tenāha “**adhippāyo**”ti. **Nāmakāyekadesatoti** nīvaraṇasaṅkhātānāmākāyekadesato. **Ālocito pakāsito viya hoti** vibandhavikkhambhanena ālocane<sup>1</sup> pakāsane samatthassa nāṇacakkhuno adhiṭṭhānasamuppādānato. **Na tu vimuttoti** vimuttoti na vuccateva.

28. **Idam pana nayanti** “apica tesan”ti-ādinā āgatavidhiṃ. **Yena visesenāti** yena kāraṇavisesena. **Soti** diṭṭhippattasaddhāvimmuttānam yathāvutto pañāya viseso. **Paṭikkhepo kato** kāraṇassa avibhāvitattā. Ubhatobhāgavimutto viya, paññāvimutto viya vā sabbathā avimuttassa sāvasesavimuttiyampi diṭṭhippattassa viya paññāya sātisayāya abhāvato **saddhāmattena vimuttabhāvo** daṭṭhabbo. **Saddhāya adhimuttoti** idam āgamanavasena saddhāya adhikabhāvaṃ sandhāya vuttam, maggādhigamato panassa paccakkhameva nāṇadassanam.

31. Sototi ariyamaggassa nāman”ti nippariyāyena taṃsamaṅgī sotāpannoti adhippāyena codako “api-saddo kasmā vutto”ti codanam uṭṭhāpetvā “**nanu**”ti-ādinā attano adhippāyam vivarati. Itaro “**nāpannan**”ti-ādinā pariharati. **Samannāgato eva nāma** lokuttaradhammānam akuppasabhāvattā. **Itarehīti** dutiyamaggaṭṭhādīhi. **So evāti** paṭhamaphalaṭṭho eva. **Idhāti** imasmim sattakkhattuparamaniddese. Sotam vā ariyamaggaṃ ādito panno adhigatoti sotāpannoti vuccamāne

---

1. Ālocito (Ka)

dutiyamaggaṭṭhādīnaṃ nattheva sotāpannabhāvāpatti. Sutte pana **sotaṃ** ariyamaggaṃ **ādito** mariyādaṃ amuñcivāva **panno** paṭipajjatīti katvā maggasaṃgī “sotāpanno”ti vutto. Pariyāyena itaropi tassa aparihānadhammattā sotāpannoti veditabbaṃ.

Pahīnāvasiṭṭhakilesapaccavekkhaṇāya samudayasaccaṃ viya dukkhasaccampi paccavekkhitaṃ hoti saccadvayapariyāpannattā kilesānanti āha “**catusaccapaccavekkhaṇādīnaṃ**”ti. **Ādi**-saddena phalapaccavekkhaṇa-uparimaggaphaladhamme ca saṅgaṇhāti.

32. **Mahākulamevā**ti uḷārakulameva vuccati “kulīno kulaputto”ti-ādīsu viya.

33. Sajjhānako aparihīnājjhāno kālakato brahmalokūpago hutvā vaṭṭajjhāsayo ce, uparūpari nibbattitvā nibbāyatīti āha “**anāgāmisabhāgo**”ti. Yato so jhānānāgāmīti vuccati. Tenāha “**anāvattidhammo**”ti.

36. Parayoge tvā-saddo tadanto hutvā “**parasaddayoge**”ti vutto, appatvāti vuttaṃ hotīti “**appattaṃ hutvā**”ti iminā vuccati.

37. **Tenā**ti “upahaccā”ti padena. Nanu ca vemajjhātikkamo “**atikkamitvā vemajjhan**”ti iminā pakāsito hotīti adhippāyo.

40. **Taṇhāvaṭṭasotā** taṇhāvaṭṭabandhā. **Tassā**ti sotassa. Sambandhe cetam sāmivacanaṃ. Uddhamṣotassa uparibhavūpagatā ekamsikāti āha “**yattha vā tattha vā gantvā**”ti. **Tassā**ti uddhamṣotassa. **Tatthā**ti avihesu.

**Lahusālahusagatikā**ti lahukālahukāyugatikā, lahukālahukañāṇagatikā vā.

**Uppajjitvāva nibbāyanakādīhī**ti **ādi**-saddena “ākāsaṃ laṅghitvā nibbāyatī”ti-ādīnā vuttā tisso upamā saṅgaṇhāti. Antarā-upahaccaparinibbāyīhi

adhimattatā, uddhamṣotato anadhimattatā ca

asaṅkhārasasaṅkhāraparinibbāyīnaṃ na veditabbāti yojanā. **Te evā**ti antarā-upahaccaparinibbāyī-uddhamṣotā eva. Yadi evaṃ

asaṅkhārasasaṅkhāraparinibbāyīnaṃ upamāvacaṇena tato mahantatarehi kasmā vuttanti codanaṃ sandhāyāha “**tato mahanta -pa- dassanattan**”ti.



**Tenāti** “no cassa, no ca me siyā”ti vacanena. **Tenāti** vā yathāvuttena tassa atthavacanena. **Imassa dukkhassāti** imassa sampati vattamānassa viññāṇādiddukkhassa. **Udayadassanam** ñāṇam. **Catūhipīti** “no cassā”ti catūhi padehi. **Yaṁ atthīti** yaṁ paramatthato vijjati. Tenāha “**bhūtanti sasabhāvan**”ti, bhūtanti khandhapañcakanti attho. Yathāha “bhūtamidanti bhikkhave samanupassathā”ti<sup>1</sup>. **Vivaṭṭamānaso** viviccamānahadayo taṇhādisotato nivattajjhāsayo. **Upekkhako hotīti** cattabhariyo viya puriso bhayaṁ nandiṅca pahāya udāsino hoti.

**Avisiṭṭheti** hīne. **Visiṭṭheti** uttame. “Bhave”ti vatvā “sambhave”ti vuccamānam avuttavācakaṁ hotīti dassento “**paccuppanno**”ti-ādimāha. **Bhūtameva vuccatīti** yaṁ bhūtanti vuccati, tadeva bhavoti ca vuccati, bhavati ahoṣīti vā. Sambhavati etasmāti **sambhavo**. **Tadāhāro** tassa bhavassa paccayo. **Anukkamena maggapaññāyāti** vipassanānukkamena laddhāya ariyamaggapaññāya. **Tenāti** sekkhena.

Ekakaniddesavaṇṇanā niṭṭhitā.

## 2. Dukaniddesavaṇṇanā

63. **Kassacīti** kassacipi. **Kathañcīti** kenaci pakārena, vikkhambhanamattenāpīti vuttam hoti. **Ajjhattaggahaṇassāti** attānam adhikicca uddissa pavattaggāhassa.

83. **Purimaggahitanti** “karissati me”ti-ādinā cittena paṭhamam gahitam. **Tam katanti** tam tādissam upakāram. Puññaphalam upajīvanto kataññupakkhe tiṭṭhatīti vuttam “**puññaphalam anupajīvanto**”ti.

90. Guṇapāripūriyā paripuṇṇo yāvadattho idha tittoti āha “**niṭṭhitakiccatāya nirussukko**”ti.

Dukaniddesavaṇṇanā niṭṭhitā.

---

1. Ma 1. 326 piṭṭhe.

### 3. Tikaniddesavaṇṇanā

91. **Sesasaṃvarabhedenā**ti kāyikavācasikavīttikkamato sesena saṃvaravināsenā. So pana dvāravasena vuccamāno manodvāriko hotīti āha “**manosaṃvarabhedenā**”ti. Idāni taṃ pakārabhedena dassento “**satisaṃvarādibhedena vā**”ti āha, muṭṭhasaccādippavattiyāti attho. Yaṃ kiñci sabhāvabhūtaṃ caritampi “sīlan”ti vuccatīti akusalassapi sīlapariyāyo vutto.

94. **Samānavisayānanti** paṭhamaphalādiko samāno evarūpo visayo etesanti samānavisayā, tesam.

107. **Tadattho** tappayojano lokuttarasādhakoti attho. **Tassa** paramatthasāsanassa. **Mūlekadesattā**ti mūlabhāvena ekadesattā.

118. **Unnaḷo** uggatātucchamāno.

123. Sīlassa anuggaṇhanam aparisuddhiyam sodhanam apāripūriyam pūraṇaṅcāti āha “**sodhetabbe ca vaḍḍhetabbe cā**”ti. **Adhisīlam nissāyāti** adhisīlam nissayam katvā uppannapaññāya.

124. **Gūthasadisattameva dasseti**, na gūthakūpasadisattanti adhippāyo. Gūthavaseneva hi kūpassapi jigucchaniyatāti. Ayaṅca attho gūtharāsiyeva gūthakūpoti imasmiṃ pakkhe navattabbo siyā.

130. Sarabhaṅgasatthārādayo rūpabhavādikāmādipariññam katvā paññapento lokiyaṃ pariññam sammadeva paññapentīti āha “**yebhuyyena na sakkontī**”ti. Asamatthabhāvaṃ vā sandhāya no ca paññāpetum sakkontīti vuttanti yojanā.

Tikaniddesavaṇṇanā niṭṭhitā.

#### 4. Catukkaniddesavaṇṇanā

133. **Parenā**ti aññena, āṇattenāti attho. **Āṇattiyā attanā cāti** āṇāpakassa āṇattiyā, attanā ca āṇattena kataṃ tañca tassa āṇāpakassa yaṃ vacīpayogena katanti yojanā. **Āṇattiyā pāpassāti** āṇāpanavasena pasutapāpassa.

148. **Desanāya** karanabhūtāya. **Dhammānanti** desanāya yathābodhetabbānaṃ silādidhammānaṃ.

152. **Anantaranti** nāṇassa upaṭṭhitanti anantaraṃ vuttaṃ. Kim pana tanti āha “**vacanan**”ti. **Lujjatīti** idaṃ yena kāraṇena loka-saddo tadatthe pavatto, taṃ dassetīti āha “**kāraṇayuttan**”ti.

156. **Sahitāsahitassāti** kusalasaddayogena sāmivacanaṃ bhummattheti dassento āha “**sahitāsahiteti attho**”ti. Sahitabhāsanena desakasampatti, sahitāsahitakosallena sāvakasampatti veditabbā. Parisasampattipi nāṇasampannassa dhammakathikassa paṭibhānasampadāya kāraṇaṃ hotīti āha “**sāvakasampattiyā bodhetuṃ samatthatāyā**”ti.

157. **Kusaladhammehīti** samathavipassanādhammehi. **Catuttho vutto**, yo neva saṅghaṃ nimanteti, na dānaṃ deti.

166. **Yamidaṃ “kālenā”ti vuttanti** “yo tattha avaṇṇo, tampi bhaṇati kālena. Yopi tattha vaṇṇo, tampi bhaṇati kālenā”ti yaṃ idaṃ pāḷiyam vuttaṃ, **tatra tasmim vacane** vākye **yo** puggalo “kālena bhaṇatī”ti vutto, **so kīdisoti** vicāraṇāya tassa dassanattamaṃ “kālaññūhotī”ti-ādi pāḷiyam vuttanti dassento saṅgahe āhāti yojanā.

168. **Pubbuppannapaccayavipattīti** tasmim attabhāve paṭhamuppannapaccayavipattīti. Tesam vipattīti pavattappaccayavipattīti yojanā.

173. **Tesanti** pahīnāvasiṭṭhakilesānaṃ. **Vimuttidassanameva hoti** vimutti-atthattā taṃdassanassa.

174. **Tantāvutānaṃ vatthānanti** niddhāraṇe sāmivacanaṃ.

178. **Nāmakāyoti** nāmasamūho. **Idameva ca dvayanti** sīlasaṃvarapūraṇaṃ, sājīvāvītikkamanañcāti idameva dvayaṃ. **Tatoti** sājīvāvītikkamanato. Kathāya haliddarāgādisadisatāti yojanā. Tenāha “**na puggalassā**”ti.

179. **Iti-saddenāti** “dārumāsako”ti ettha vutta-iti-saddena. **Evamṃpakāreti** imināpi salākādike saṅgaṇhāti.

181. **Avisaṭasukhanti** avikkhepasukhaṃ<sup>1</sup>.

187. **Khandhadhammesūti** saṅkhatadhammesu. **Tadalābhenāti** maggaphalālābhena. **Atthenāti** silādi-atthena.

Catukkaniddesavaṇṇanā niṭṭhitā.

### 5. Pañcakaniddesavaṇṇanā

191. **Yathā tesu paṭipajjitabbanti** tesu pañcasu puggalesu yathārahaṃ upameyyopamādassanamukhena hitūpadesapaṭipattiyā yathā aññehi paṭipajjitabbanti attho. Kiriyaṃvācī ārambha-saddo adhippeto, na “ārambhakattussa kasāvapucchā”ti-ādīsu viya dhammavācīti āha “ārambhakiriyaṃvācako saddo”ti. “Nirujjhantī”ti vuttattā “maggakiccavasena”ti vutaṃ.

192. **Gahaṇaṃ** “evametan”ti sampaṭicchanaṃ.

199. **Na evaṃ sambandho** asamānajātikattā.

Pañcakaniddesavaṇṇanā niṭṭhitā.

---

1. Avivaṭamukhanti avikkhepamukhaṃ (Ka)

### 6. Chakkaniddesavaṇṇanā

202. **Idaṃ** saccābhisambodhādikaṃ **saṅgahitaṃ hoti** phalassa hetunā avinābhāvato. Tenāha “**sāman**”ti-ādi. **Anācariyakena attanā uppāditenāti** idaṃ sabbaññutaññāṇe vijjamānaguṇakathanā, na tabbidhuradhammantaranivattanaṃ tathārūpassa aññassa abhāvato. Tenassa sācariyakatā, parato ca uppatti paṭikkhittāti imamattamāha “**tatthā**”ti-ādinā. Tattha **sācariyakattaṃ** parūpadesahetukatā, **parato uppatti** upadesena vināpi sannissāya nibbattīti ayametesāṃ viseso.

Chakkaniddesavaṇṇanā niṭṭhitā.

### 7. Sattakaniddesavaṇṇanā

203. **Kusalesu dhammesūti** ādhāre bhummaṃ, na visayeti dassento “**kusalesu dhammesu antogadhā**”ti āha. Idāni visayalakkhaṇaṃ etaṃ bhummanti dassento “**bodhipakkkhiyadhammesu vā**”ti-ādimāha. “**Tadupakāratāyā**”ti idaṃ kusalesu dhammesu sādhetabbesūti imamattamā sandhāya vuttaṃ. **Ummujjanapaññāyāti** ummujjāpanapaññāya, ummujjanākārena vā pavattapaññāya. **Tenāvāti** ummujjanamattattā eva. Yathā hi ñāṇuppādo saṃkilesapakkhato ummujjanaṃ, evaṃ saddhuppādoṇi āha “**saddhāsāṅkhātameva ummujjanan**”ti. **Cittavāroti** cittappabandhavāro. Paccekam ṭhānavipassanāpataraṇapatigādhappattiniṭṭhattā tesāṃ puggalānaṃ “**aneke puggalā**”ti vuttaṃ. Kasmā? Tenattabhāvena arahattassa aggahaṇato. **tatoyapuggalādibhāvanti** ummujjitvā ṭhitapuggalādibhāvaṃ.

Sattakaniddesavaṇṇanā niṭṭhitā.

**10. Dasakaniddesavaṇṇanā**

209. **Sotāpannādayoti** vuttavisesayuttā  
sotāpannasakadāgāmijhānānāgāmino. **Asā -pa- panā**ti ettha **pana**-saddo  
visesatthadīpano. Tena “ajjhattasamyōjanānam samucchinnattā”ti idaṃ  
visesaṃ dīpetīti veditabbaṃ.

Dasakaniddesavaṇṇanā niṭṭhitā.

**Puggalapaññattipakaraṇa-anuṭṭikā samattā.**



# Kathāvatthupakaraṇa-anuṭīkā

Namo tassa Bhagavato Arahato Sammāsambuddhassa.

## Ganthārambhavaṇṇanā

Samudāye ekadesā antogadhāti samudāyo tesam adhiṭṭhānabhāvena vutto yathā “rukkhe sākā”ti dasseti “**kathāsamudāyassā**”ti-ādinā. Tattha **kathānanti** tisso kathā vādo jappo vitaṇḍati. Tesu yena pamānatakkehi<sup>1</sup> pakkhapaṭipakkhānam patiṭṭhāpanapaṭikkhepā honti, so **vādo**. Ekādhikaraṇā hi aññamaññaviruddhā dhammā pakkhapaṭipakkhā yathā “hoti tathāgato paraṃ maraṇā, na hoti tathāgato paraṃ maraṇā”ti<sup>2</sup>. Nānādhikaraṇā pana aññamaññaviruddhāpi pakkhapaṭipakkhā nāma na honti yathā “aniccam rūpaṃ, niccam nibbānaṃ”ti. Yena chalajātiniggahaṭṭhānehi pakkhapaṭipakkhānam patiṭṭhāpanam paṭikkhepārambho, so **jappo**. Ārambhamatamevettha, na atthasiddhīti dassanattham ārambhaggahaṇam. Yāya pana chalajātiniggahaṭṭhānehi paṭipakkhapaṭikkhepāya<sup>3</sup> vāyamanti, sā **vitaṇḍā**. Tattha atthavikappupapattiyā vacanavighāto **chalam**<sup>4</sup> yathā “navakambaloyam<sup>5</sup> puriso, rājā no sakkhī”ti evamādi. Dūsanabhāsā **jāyayo**, uttarapatirūpakāti attho. **Niggahaṭṭhānāni** parato āvibhavissanti. Evam vādajappavitaṇḍappabhedāsu tisu kathāsu idha vādakathā “kathā”ti adhippetā. Sā ca kho aviparītadhammatāya patiṭṭhāpanavasena, na viggāhikakathābhāvenāti veditabbaṃ. **Mātikāṭhapanenevāti** uddesadesanāya eva. **Ṭhapitassāti** desitassa. Desanā hi desetabbamattham vineyyasantānesu ṭhapanato nikkhipanato ṭhapanam, nikkhepoti ca vuccati.

## Ganthārambhavaṇṇanā niṭṭhitā.

- 
1. Samānatakkehi (Ka) pamānatakkasādhanopālambho siddhantāviruddho pañcāvayavopapanno pakkhapaṭipakkhapariggaho vādo (Nyāyadassane 1. 2. 1 suttaṃ)
  2. Dī 1. 26 piṭṭhe.
  3. Paṭipakkhapaṭipakkhepā (Ka) Nyāyadassane 1. 2. 2 suttaṃ passitabbaṃ.
  4. Nyāyadassane 1. 2. 10 suttaṃ passitabbaṃ.
  5. Navakappaloyam (Ka)



### Nidānakathāvaṇṇanā

**Parinibbānameva -pa- vuttaṃ.** Abhinnasabhāvampi hi atthaṃ tadaññadhammato visesāvabodhanatthaṃ aññaṃ viya katvā voharanti yathā “attano sabhāvaṃ dhārentīti dhammā”ti<sup>1</sup>. **Sāti** asaṅkhatā dhātu.

**Karaṇabhāvena vuttā** yathāvuttassa upasamassa sādhakatamabhāvaṃ sandhāya. **Dhammavādī -pa- dubbalatā vuttā** tathārūpāya paññāya bhāve tādīsānaṃ pakkhabhāvābhāvato. **Laddhiyāti** “atthi puggalo saccikaṭṭhaparamatthena, parihāyati arahā arahattā”ti-ādiladdhiyā. **Suttantehīti** devatāsāmyuttādīhi. **Liṅgākappabhedaṃ** parato sayameva vakkhati.

**Bhinditvā mūlasaṅgahanti** mūlasaṅgītiṃ vināsetvā, bhedaṃ vā katvā yathā sā ṭhitā, tato aññathā katvā. **Saṅgahitato vā aññatrāti** mūla-aṅgītiyā saṅgahitato aññatra. Tenāha “asaṅgahitaṃ suttan”ti. **Nītatthaṃ** yathārutavasena viññeyyatthattā. **Neyyatthaṃ** vipariṇāmadukkhatādivasena niddhāretabbatthattā. **Tīhi ṭhānehīti** “sūrā satimanto idha brahmacariyavāso”ti<sup>2</sup> evaṃ vuttehi tīhi kāraṇehi. **Aññaṃ sandhāya bhaṇanti** ekaṃ pabbajjāsaṅkhātāṃ brahmacariyavāsaṃ sandhāya bhaṇitaṃ. **Aññaṃ atthaṃ ṭhapayimsūti** sabbassapi brahmacariyavāsassa vasena “natthi devesu brahmacariyavāso”ti-ādikaṃ<sup>3</sup> aññaṃ atthaṃ ṭhapayimsu. Suttañca aññaṃ sandhāya bhaṇitaṃ tato aññaṃ sandhāya bhaṇitaṃ katvā ṭhapayimsu, tassa atthañca aññaṃ ṭhapayimsūti evamettha yojanā veditabbā. **Suññatādīti ādi-saddena** aniccatādīṃ saṅgaṇhāti.

**Gambhīraṃ ekadesaṃ** mahāpadesaparivārādīṃ. **Ekacce sakalaṃ abhidhammaṃ vissajjimsu** chaḍḍayimsu seyyathāpi suttantikā. Te hi taṃ na jinavacananti vadanti. **Kathāvatthussa savivādatteti-ādi** heṭṭhā nidānatṭhakathāya āgatanayaṃ sandhāya vuttaṃ. Keci pana puggalapaññattiyāpi savivādattaṃ maññanti. “**tatīyasaṅgītito pubbe pavattamānānaṃ vasenā**”ti idaṃ kasmā vuttaṃ, nanu tatīyasaṅgītito pubbepi taṃ mātīkārūpena pavattateva? Niddesaṃ vā sandhāya tathā vuttanti veditabbāṃ. **Aññānīti** aññākārāni abhidhammapakaraṇādīni akarimsu, pavattantānīpi tāni aññathā katvā paṭhimsūti

1. Abhi-Ṭṭha 1. 81 piṭṭhe.

2. Am 3. 198 piṭṭhe.

3. Abhi 4. 80 piṭṭhe.

attho. **Mañjusirī**ti idaṃ kasmā vuttaṃ. Na hi taṃ nāmaṃ piṭakattayaṃ anuvattantehi bhikkhūhi gayhati? Itarehi gayhamānampi vā sāsānikapariññehi na sāsānāvācaram gayhatīti katvā vuttaṃ. **Nikāyanāmanti** mahāsaṃghikādinikāyanāmaṃ, duttaguttādivaggaṇāmaṃca.

**Saṅkantikānaṃ bhedo**<sup>1</sup> **suttavādī**ti saṅkantikānaṃ anantare eko nikāyabhedo suttavādī nāma bhijjīthā. **Sahā**ti ekajjhaṃ katvā, gaṇiyamānāti attho.

**Uppanne vāde sandhāyā**ti tatiyasāṅgītikāle uppanne vāde sandhāya. **Uppajjanaketi** tato paṭṭhāya yāva saddhammantaradhānā etthantare uppajjanake. **Suttasahassāharaṇa**ñcethā paravādabhañjanatthaṃca sakavādapaṭiṭṭhāpanatthaṃca. Suttekaḍḍesopi hi “suttan”ti vuccati samudāyavohārassa avayavesupi dissanato yathā “paṭo daḍḍho, samuddo diṭṭho”ti ca. Te panettha suttapadesā “atthi puggalo attahitāya paṭipanno”ti-ādinā<sup>2</sup> āgatā veditabbā.

Nidānakathāvaṇṇanā niṭṭhitā.

1. Bheda (Mūlaṭṭikāyaṃ)

2. Am 1. 408; Abhi 4. 13 piṭṭhesu.

# 1. Puggalakathā

## 1. Suddhasaccikaṭṭha

### 1. Anulomapaccanīkavaṇṇanā

1. Sambarādīhi pakappitavijjā, tathābhisaṅkhātāni osadhāni ca “māyā”ti vuccanti, idha pana māyāya āhitavisesā abhūtaññeyyākārā adhippetāti dassento “**māyāya amaṇi-ādayo maṇi-ādi-ākārena dissamānā māyāti vuttā**”ti āha. Saccaññeva saccikaṃ, so eva attho aviparītassa ñāṇassa visayabhāvaṭṭhenāti **saccikaṭṭho**. Tenāha “**bhūtaṭṭho**”ti. Aviparītabhāvato eva paramo padhāno atthoti **paramattho**, ñāṇassa paccakkhabhūto dhammānaṃ aniddisitabbasabhāvo. Tena vuttam “**uttamattho**”ti.

**Atthīti vacanasāmaññenāti** “atthi puggalo attahitāya paṭipanno”ti-ādīsu<sup>1</sup> “atthī”ti pavattavacanasāmaññena. Atthavikappupapattiyā vacanavighāto chalanti vadanti. **Paṭiṭṭham pacchindantoti** hetum dūseno, aheturū karontoti attho. Hetu hi paṭiññāya paṭiṭṭhāpanato paṭiṭṭhā, tam pana hetum atthamattato dassento “**yadi saccikaṭṭhenā**”ti-ādīmāha. Payogato pana dūsanena saddhim parato āvi bhavissati. **Okāsaṃ adadamānoti** yathānurūpaṃ yuttim vuttum avasaraṃ adento. Atha vā **paṭiṭṭham pacchindanto**, paṭiññam eva parivattentoti attho. Upalabbhati puggaloti hi sakavādim uddissa paravādino paṭiññāva na yuttā appasiddhattā visesitabbassa. Tenevāha “**anupalabbhaneyyato na tava vādo tiṭṭhatī nivattento**”ti. **Rūpaṇca upalabbhati -pa- dassetīti** etena paravādinā adhippetahetuno viparītatthasādhakattam dasseti.

**Upalabbhamānaṃ nāma hotīti** ākārato tamākāravantānaṃ anaññattāti adhippāyo. **Aññathāti** ākāra-ākāravantānaṃ bhede. **Etissāti** “tato so puggalo upalabbhati saccikaṭṭhapatramaṭṭhenā”ti

---

1. Am 1. 408; Abhi 4. 13 piṭṭhesu.

evaṃ vuttāya dutiyapucchāya. **Esa visesoti** yo yathāvutto dvinnam pucchānam visayassa sabhāvākārabhedo, esa dvinnam pucchānam viseso. Sabhāvadhammānam sāmāññalakkhaṇena abhinnānampi salakkhaṇato bhedoyevāti aññadhammassa aññenākārena na kadācipi upalabbho bhaveyya. Yadi siyā, aññattameva na siyāti ruppanādisapaccayādi-ākārena anupalabbhamānopi puggalo attano bhūtasabhāvaṭṭhena upalabbhatevāti vadantaṃ paravādinam pati “yo saccikaṭṭho”ti-ādi codanā anokāsāti dassento āha “**yathā pana -pa- niggaho ca na kātabbo**”ti. Tattha **niggahoti** “ājānāhi niggahan”ti evaṃ vuttaniggaho, parājayāropanena paravādino niggahaṇanti attho.

Svāyam pana yasmā tassa vādāparādhahetuko, tasmā taṃ dassetuṃ aṭṭhakathāyam dosāparādhapariyāyehi vibhāvito. Avajānanam hettha niggahaṭṭhānam. Tathā hi paṭiññāhāni, paṭiññāntaram, paṭiññāvirodho, paṭiññāsaññāso, hetvantaram, atthantaram, niratthakam, aviññātatham, asambandhattham, appattakālam, ūnam, adhikam, punaruttam, ananubhāsanam, aviññātam, appaṭibhā, vikkhepo, matānuññā, anuyūñjitabbassa upekkhanam, ananuyūñjitabbassa anuyogo, apasiddhantaram, hetvābhāsā cāti **dvāvīsati** niggahaṭṭhānāni nāyavādino vadanti<sup>1</sup>.

Tattha visadisūdāharaṇadhammānujānanam paṭhamudāharaṇe **paṭiññāhāni**. Paṭiññātthapaṭisedhe<sup>2</sup> tadaññatthaniddeso **paṭiññāntaram**. Paṭiññāviroddahetukittanam **paṭiññāvirodho**. Paṭiññātthāpanayanam **paṭiññāsaññāso**<sup>3</sup>. Avisesavutte hetumhi paṭisiddhe visesahetukathanam **hetvantaram**. Adhikatatthānupayogi-atthakathanam **atthantaram**. Mātikāpāṭho viya atthahīnam **niratthakam**. Tikkhattum vuttampi sakkhipaṭivādīhi aviditam **aviññātatham**. Pubbāparavasena sambandharahitam **asambandhattham**. Avayavavipallāsavacanam **appattakālam**. Avayavavikalām **ūnam**. Adhikahetūdāharaṇam **adhikam**. Ṭhapetvā anuvādam saddatthānam punappunam vacanam atthāpannavacanaṅca **punaruttam**. Parisāya viditassa tīhi vuttassa apaccudāhāro **ananubhāsanam**. Yam

1. Nyāyadassane 5. 2. 1 suttaṃ passitabbarā.

2. Paṭiññātthapaṭisedhe (Ka) Nyāyadassane 5. 2. 3 suttaṃ pana passitabbarā.

3. Paṭiññāpaññāso (Ka) paṭiññāsañnyāso (saṃ + ni + asa + ṇa)  
iti Nyāyadassane 5. 2. 5 sutte.

vādinā vuttam̐ parisāya viññātam̐ paṭivādinā duviññātam̐, tam̐ **aviññātam̐**. Tamvādinā vattabbe vutte paravādino paṭivacanassa anupaṭṭhānam̐ **appaṭibhā**. Kiccantarappasaṅgena kathāvicchindanam̐ **vikkhepo**. Attano dosānujānanena parapakkhassa dosappasañjanam̐<sup>1</sup> paramatānujānanam̐ **matānuññā**. Niggahappattassa niggaṇhanam̐ **anuyuññitabbassa upekkhanam̐**. Sampayuttaniggahassa aniggahaṭṭhāne ca niggaṇhanam̐ **anuyuññitabbassa anuyogo**. Ekam̐ siddhantamanujānitvā aniyamato tadanāsiddhantakathāppasañjanam̐ **apasiddhantaram̐**<sup>2</sup>. Asiddhā anekantikā viruddhā ca **hetvābhāsā**, hetupatirūpakāti attho. Tesañca kathanam̐ niggaṇhaṭṭhānanti.

Imesu **dvāvīsatiyā** niggaṇhaṭṭhānesu idam̐ paṭiññāya apanayanato sayameva paccakkhānato paṭiññāsaññāso nāma niggaṇhaṭṭhānam̐. Tenevāha “**avajānaneneva niggaṇham̐ dasseti**”ti. **Asiddhattāti** etena paccakkhato anumānato ca puggalassa anupalabbhamāha. Na hi so paccakkhato upalabbhati. Yadi upalabbheyya, vivādo eva na siyā, anumānampi tādisam̐ natthi, yena puggalam̐ anumineyyum̐. Tathā hi tam̐ sāsāniko puggalavādī vadeyya “puggalo upalabbhati, atthi puggalo”ti bhagavatā vuttatā rūpavedanādi viya. Yam̐ hi bhagavatā “atthi”ti yadi vuttam̐, tam̐ paramatthato atthi yathā tam̐ rūpam̐ vedanā saññā saṅkhārā viññāṇam̐. Yam̐ pana paramatthato natthi, na tam̐ bhagavatā “atthi”ti vuttam̐ yathā tam̐ pakativādi-ādīnam̐ pakati-ādīti, tam̐ micchā. Ettha hi yadi vohārato puggalassa atthibhāvo adhippeto, siddham̐ sādhanam̐, atha paramatthato, asiddho hetutathā avuttatā, Viruddho ca tassa aniccasaṅkhatapaṭiccasamuppannādibhāvāsādhānato rūpavedanādīsu tathā diṭṭhattāti-ādīnā tassa ahetukabhāvasseva pākaṭabhāvato.

Yam̐ pana bāhirakā puthu aññatitthiyā vadanti. Attheva ca paramatthato attā nāṇābhidhānassa pavattiyā nimittabhāvato rūpādi viya. Atha vā attātirittapadatthantaro rūpakkhandho khandhasabhāvattā yathā tam̐ itarakkhandhā. Yam̐ hettha padatthantaram̐, so puggaloti adhippāyo.

1. Dosappasañjanam̐ (Ka) sapakkhadosaṭṭyupagamā parapakkhadosaṭṭyupagaṅgo matānuññā, Nyāyadassane 5. 2. 21 suttaṃ.

2. Appasiddhantaram̐ (Ka) siddhantamabhyupeccāniyamā kathāpasaṅgo apasiddhanto, Nyāyadassane 5. 2. 23 suttaṃ.

Ettha ca purimassa hetuno paññattiyā anekantikatā asiddhatā ca. Na hi asato sakavādinam pati paramatthato ñāṇābhidhānappavattiyā nimittabhāvo sījjhati. Vohārato ce, tadasiddhasādhanatā rūpādisabhāvavinimuttarūpopi puggalo na hotīti evamādiviruddhatatā. Pacchimassa pana hetuno sādhetabbatthasāmaññapariggāhe siddhasādhanatā, rūpakkhandhato padatthantarato paramatthantarabhūtavedanādisambhavassa icchitattā ca. Tabbisesapariggāhe ca sakavādinam pati udāharaṇābhāvo paraparikappitajīvapadatthavirahato. Itarakkhandhānam vedanādicinimuttāubhayasiddhajīvapadatthasahitopi rūpakkhandho na hoti itarakkhandhā viyāti viruddhatatā ca.

yaṃ pana kāṇādā “sukhādīnam nissayabhāvato”ti anumānam vadanti<sup>1</sup>, te idaṃ vattabbā—kiṃ sukhādīnam attani paṭibaddham yato sukhādinissayatāya attā anumīyati. Yadi uppādo, evaṃ sante sabbepi sukhādayo ekato eva bhavyeyyūṃ kāraṇassa sannihitabhāvato aññanirapekkhato ca. Atha aññampi kiñci indriyādikāraṇantaramapekkhitabbaṃ, tadeva hotu kāraṇam, kimaññena adiṭṭhasāmatthiyena parikappitena payojanam. Atha pana tesam attādhīnā vuttīti vadeyyūṃ, evampi na sījjhati udāharaṇābhāvato. Na hi rūpādivinimutto tādiso koci sabhāvadhammo sukhādisannissayabhūto atthi, yato attano attatthasiddhiyā udāharaṇam apadiseyyūṃ. Iminā nayena asamāsapadābhidheyyattāti-ādīnampi ayuttattā nivāretabbā. Tathā “aññassa saccikaṭṭhassa asiddhattā”ti iminā ca pakati-aṇu-ādīnampi bāhiraparikappitānam asiddhatā vuttāvāti veditabbā. Katham pana tesam asiddhīti? Pamāṇena anupalabbhanato. Na hi paccakkhato pakati siddhā kapilassapi isino tassa apaccakkhabhāvassa kāpilehi anuññāyamānattā<sup>2</sup>.

Yaṃ pana “atthi padhānam bhedānam anvayadassanato sakalalāpamattam viyā”ti te anumānam vadanti. Iminā hi bhedānam satvādīnam<sup>3</sup> vijjāmānapadhānatā paṭiññātā. Ettha ca vuccate—sakalādīnam padhānam tabbibhāgehi kiṃ aññattam, udāhu anaññanti, kiñcettha yadi aññattam, sabbo loko padhānamayoti samayavirodho siyā, saṅghānabhedena aññattha

1. Nyāyadassane 1. 1. 10 suttaṃ; Visesikadassane 3. 2. 4 suttaṅca passitabbaṃ.

2. Saṃkhyadassane 1. 60 suttaṃ passitabbaṃ.

3. Saddādīnam (Ka)

paṭijānanato na dosoti ce? Taṃ na, valayakaṭakādisaṅṭhānabhedepi kanakābhedadassanato. Na hi saṅṭhānaṃ vatthubhedanimittaṃ tassa anupādānattā. Yaṃ yassa bhedanimittaṃ, na taṃ tassa anupādānaṃ yathā suvaṇṇamattikādighaṭṭādīnaṃ suvaṇṇaghaṭṭo mattikāghaṭṭo koseyyapaṭo kappāsapaṭoti ca sādhetabhadhammarahitaṅca udāharaṇaṃ. Na hi padhānekakāraṇapubbakattaṃ sakalādīnaṃ pakativādino siddhaṃ, nāpi kāpilānaṃ kathaṅci aññattānujānanato. Anaññatte pana udāharaṇābhāvo. Na hi tadeva sādhetabbaṃ tadeva ca udāharaṇaṃ yuttaṃ, anvayadassanampi asiddhaṃ. Na hi tadeva tena anvitaṃ yujjati. Padhānena anvayadassanampi asiddhaṃ paravādinoti guṇassa padhānassa ananujānanato. Atha yaṃ kiṅci kāraṇaṃ padhānaṃ “padhīyati ettha phalaṃ”ti, evampi asiddhameva kāraṇe phalassa atthibhāvānanujānanato, hetuno ca asiddhanissayatāparābhimatabhedānanujānanato. Atha visesena kāraṇāyattavuttitā phalassa sādhiyati, na kiṅci viruddhaṃ dhammānaṃ yathāsakaṃ paccayenapaṭiccasamuppattiyā icchitattāti.

Apica pakativādino “satvarajataṃmasaṅkhātānaṃ tiṇṇaṃ guṇānaṃ samabhāvo pakati<sup>1</sup>, sā ca niccā satvādivisamasabhāvato aniccato mahatādivikārato anaññā”ti paṭijānanti. Sā tesāṃ vuttappakārā pakati na sijjhati tato viruddhasabhāvato vikārato anaññattā. Na hi assassa visāṇaṃ dīghaṃ, taṅca rassato govisāṇato anaññanti vuccamānaṃ sijjhati. Kiṅca bhiyyo? Tiṇṇaṃ ekabhāvābhāvato. Satvādiguṇattayato hi pakatiyā anaññattaṃ icchantānaṃ tesāṃ satvādīnampi pakatiyā anaññattaṃ āpajjati, na ca yuttaṃ tiṇṇaṃ ekabhāvoti. Evampi pakati na sijjhati. Kathaṃ? Anekadosāpattito. Yadihi byattasabhāvato vikārato abyattasabhāvā pakati anaññā, evaṃ sante hetumantatā aniccataṃ abyāpitā sakiriyatā anekataṃ nissitatā liṅgatā sāvayavatā paratantratātī<sup>2</sup> evamādayo aneke dosā pakatiyā āpajjanti, na jātivikārato anaññā paṭijānitabbā. Tathā ca sati samayavirodhoti kappanāmettaṃ pakatīti asiddhā sāti niṭṭhamettha gantabbaṃ.

1. Saṃkhyadassane 1. 61 suttaṃ passitabbaṃ.

2. Saṃkhyadassane 1. 18. 1, 124 suttāni passitabbāni.

Pakatiyā ca asiddhāya taṃnimittakabhāvena vuccamānā mahatādayopi asiddhā eva. Yathā ca pakati mahatādayo ca, evaṃ issarapajāpatipurisakālasabhāvanīyatīyadicchādayopi. Etesu hi issaro tāva na sijjhati upakārassa adassanato. Sattānaṃ hi jātiyaṃ mātāpitūnaṃ bījakkhettabhāvena kammaṃ hīnatādivibhāgākaraṇena, tato parañca utu-āhārānaṃ brūhanupatthambhanena, indriyānaṃ dassanādikiccasādhanaṃ upakāro dissati, na, evamissarassa. Hīnatādivibhāgākaraṇamissarassatī ce? Taṃ na, asiddhattā. Yathāvutto upakāraviseso issaranimmito, na kammunāti sādhanīyametaṃ. Itaratrāpi samānametanti ce? Na, kammato phalānīyamasiddhattā. Sati hi katūpacite kammaṃ tattha yaṃ akusalaṃ, tato hīnatā, yaṃ kusalaṃ, tato paṇītatī siddhametaṃ. Issaravādināpi hi na sakkā kammaṃ paṭikkhipitum.

Apicetassa lokaviccittassa issaranimmānabhāve bahū dosā sambhavanti. Kathaṃ? Yaḍi sabbamidaṃ lokaviccittaṃ issaranimmitaṃ, saheva vacanena pavattitabbaṃ, na kamena. Na hi sannihitakāraṇānaṃ phalānaṃ kamena uppatti yuttā, kāraṇantarāpekkhāya issarassa sāmattīyahāni. Cakkhādīnaṃ cakkhuviññānādisu kāraṇabhāvo na yutto. Karotīti hi kāraṇanti. Issaro eva ca kārakoti sabbakāraṇānaṃ kāraṇabhāvahāni. Yehi puthuvisesehi issaro pasīdeyya, tesaṃca sayamkārātā āpajjati, tathā sabbesaṃ hetukānaṃ kāraṇabhāvo. Yañcetaṃ nimmānaṃ, tañcassa attadatthaṃ vā siyā, paratthaṃ vā siyā. Attadatthatāyaṃ attano issarabhāvahāni akatakkicatāya isitāvāsītābhāvato. Tena vā nimmitena yaṃ attano kātabbaṃ, taṃ kasmā sayameva na karoti. Paratthatāyaṃ pana paro nāmettha loko evāti kimattīyaṃ tassa nirayādirogādivisādinimmānaṃ. Yā cassa issaratā, sā sayamkatā vā siyā paramkatā vā ahetukā vā. Tattha sayamkatā ce, tato pubbe anissarabhāvāpatti. Paramkatā ce, pacchāpi anissarabhāvāpatti sa-uttaratā ca siyā. Ahetukā ce, na kassaci anissaratāti evamissarassapi asiddhi vedītābbā.

Tathā ca issaro, evaṃ pajāpati puriso ca. Nāmamattameva hettha viseso. Tehi vādīhi pakappitaṃ yadidaṃ “pajāpati puriso”ti.



Taṃnimittakaṃ pana lokappavattiṃ icchantānaṃ pajāpativāde purisavāde ca issaravāde viya dosā asiddhi ca vidhātābā. Yathā cete issarādayo, evaṃ kālōpi asiddho lakkhaṇābhāvato. Paramatthato hi vijjāmānānaṃ dhammānaṃ sabhāvasaṅkhātānaṃ lakkhaṇaṃ upalabbhati. Yathā pathaviyā kathinatā, na evaṃ kālassa, tasmā natthi paramatthato kāloti. Kālavādī panāya “vattanālakkhaṇo kālo”ti. So vattabo “kā panāyaṃ vattanā”ti. So āha “samayamuhuttādīnaṃ pavatti”ti. Tampi na, rūpādīhi atthantarabhāvena aniddhāritattā. Paramatthato hi aniddhāritasabhāvassa vattanālakkhaṇatāyaṃ sasavisāṇādīnampi taṃlakkhaṇatā āpajjeyya.

Yaṃ pana vadanti kāṇādā “aparasmīṃ aparāṃ yugapadi ciraṃ khippamiti kālaliṅgānīti<sup>1</sup> liṅgasabbhāvato atthi kālo”ti, taṃ ayuttaṃ liṅgino anupalabbhamānattā. Siddhasambandhesu hi liṅgesu liṅgamattaggahaṇena liṅgini avabodho bhayeyya. Na ca kenaci aviparītacetāsā tena liṅgena saha kadāci kālasaṅkhāto liṅgī gahitapubboti. Ato na yuttaṃ “liṅgasabbhāvato atthi kālo”ti. “Aparasmīṃ aparāṃ”ti-ādikassa visesassa nimittabhāvato yuttanti ce? Na, paṭhamajātātādinimittakattā tassa. Na ca paṭhamajātātādi nāma koci dhammo atthi aññatra samaññāmattatoti nattheva paramatthato kālo. Kiñca bhiyyo, bahūnaṃ ekabhāvāpattito. Atītādivibhāgena hi lokasamaññāvasena bahū kālabhedā. Tvaṃ cetāṃ ekaṃ vadasīti bahūnaṃ ekabhāvābhāvato nattheva paramatthato kālo. Tathā ekassa anekabhāvāpattito. Yo hi ayaṃ ajja vattamānakālo, so hiyyo anāgato ahoṣi, sve atīto bhavissati. Hiyyo ca vattamāno ajjā atīto ahoṣi, tathā sve vattamānopi aparajja. Na cekasabhāvassa anekasabhāvātā yuttāti asiddho paramatthato kālo. Dhammappavattiṃ pana upādāya kappanāmattasiddhāya lokasamaññāya atītādivibhāgato voharīyatīti vohāramattakoti daṭṭhabbo.

Sabhāvanīyatīyadicchādyopi asiddhā. Kimkāraṇā? Lakkhaṇābhāvā. Na hi sabhāvato niyatīyadicchā sambhavati. Aññathā evaṃvidho

---

1. Visesikadassane 2. 2. 6 suttaṃ.

koci bhāvo atthi ce, tesam sabhāvasaṅkhātena lakkhaṇena bhavitabbanā, paṭiṭṭhāpakahetunā ca na catthi. Kevalam panete vādā vimaddiyamānā ahetuvāde eva tiṭṭhanti, na cāhetukaṃ lokavicittam visesābhāvappasaṅgato. Ahetukabhāve hi pavattiyā yvāyam narasuranirayatiracchānādīsu indriyādīnam viseso, tassa abhāvo āpajjati, na cāyam paṇḍitehi icchito. Kiñca? Diṭṭhabhāvato. Diṭṭhā hi cakkhādito cakkhuviññānādīnam bijādito aṅkurādīnam pavatti, tasmāpi hetutovāyam pavatti. Tathā pure pacchā ca abhāvato. Yato yato hi paccayasāmaggitto yaṃ yaṃ phalam nibbattati, tato pubbe pacchā ca na tassa nibbatti sambhavati, kiñca bahunā. Yadi ahetuto pavatti siyā, ahetukā pavattīti imāpi vācā yathāsakapaccayasamavāyato pure pacchā ca bhaveyyuṃ, na ca bhavanti aladdhappaccayattā, majjhe eva ca bhavanti laddhappaccayattā. Evaṃ sabbepi saṅkhatā dhammāti na sijjhati ahetuvādo. tasmīnca asiddhe pavattiyā ahetubhāvo viya ahetupariyāyavisesabhūtā sabhāvaniyatiyadicchādayopi asiddhā eva hontīti veditabbā.

Yaṃ pana kāṇādā “paramāṇavo niccā, tehi dvi-aṅukādiphalam nibbattati, tañca aniccaṃ, tassa vasenetam lokavicittan”ti vadanti<sup>1</sup>, tampi micchāparikappamattam. Na hi paramāṇavo nāma santi aññatra bhūtasāṅghātā. So pana aniccova, na ca niccato aniccassa nibbatti yuttā tassa kāraṇabhāvānupapattito tathā adassanato ca. Yadi ca so kassaci kāraṇabhāvam gaccheyya, anicco eva siyā vikārapattito. Cāyam sambhavo atthi, yaṃ vikāram anāpajjantameva kāraṇam phalam nibbatteyyāti. Vikārañce āpajjati, kutassa niccatāvakaṃ, tasmā vuttappakārā paramāṇavo sattā aniccā, aññepi niccādibhāvena bāhirakehi parikappitā asiddhā evāti veditabbanā. Tena vuttam “**dhammappabhedato pana aññassa saccikaṭṭhassa asiddhattā**”ti.

Etthāha “yadi paramatthato puggalo na upalabbhati, evam pana puggale anupalabbhamāne atha kasmā bhagavā ‘atthi puggalo attahitāya paṭinno’ti<sup>2</sup>, ‘cattārome bhikkhave puggalā santo samvijjamānā

1. Visesikadassane sattamaparicchede paṭhamakaṇḍe passitabbanā.

2. Am 1. 407, 408; Abhi 4. 13 piṭṭhesu.

lokasmin'ti<sup>1</sup> ca tattha tattha puggalassa atthibhāvaṃ pavedesī"ti. Vineyyajjhāsayavasena. Tathā tathā vinetabbānaṃ hi puggalānaṃ ajjhāsayavasena vineyyadamanakusalo satthā dhammaṃ desento lokasamaññānurūpaṃ tattha tattha puggalaggahaṇaṃ karoti, na paramatthato puggalassa atthibhāvato.

Apica **aṭṭhahi** kāraṇehi bhagavā puggalakathaṃ katheti hirottappadīpanatthaṃ, kammassakatādīpanatthaṃ, paccattapurisakāradīpanatthaṃ, ānantariyadīpanatthaṃ, brahmavihāradīpanatthaṃ, pubbenivāsadīpanatthaṃ, dakkhiṇāvisuddhidīpanatthaṃ, lokasammutiyā appahānatthañcāti. “Khandhā dhātū āyatanāni hiriyanti ottappanti”ti hi vutte mahājano na jānāti, sammohaṃ āpajjati, paṭisattu vā hoti “kimidaṃ khandhā dhātū āyatanāni hiriyanti ottappanti nāmā”ti. “Ithi hiriyati ottappati, puriso, khattiyo, brāhmaṇo”ti pana vutte jānāti, na sammohaṃ āpajjati, na paṭisattu hoti, tasmā bhagavā **hirottappadīpanatthaṃ** puggalakathaṃ katheti. “Khandhā kammassakā dhātuyo āyatanāni”ti vuttepi eseva nayo. Tasmā **kammasa katādīpanatthampi** puggalakathaṃ katheti. “Veḷuvanādayo mahāvihārā khandhehi kārapitā, dhātūhi, āyatanehi”ti vuttepi eseva nayo. Tathā “khandhā mātaraṃ jīvitā voropenti, pitaraṃ, arahantaṃ, ruhiruppādakammaṃ saṃghabhedakammaṃ karonti, dhātuyo, āyatanāni”ti vuttepi, “khandhā mettāyanti, dhātuyo, āyatanāni”ti vuttepi, “khandhā pubbenivāsaṃ anussaranti, dhātuyo, āyatanāni”ti vuttepi eseva nayo. Tasmā bhagavā **paccattapurisakāradīpanatthaṃ ānantariyadīpanatthaṃ brahmavihāradīpanatthaṃ pubbenivāsadīpanatthañca** puggalakathaṃ katheti. “Khandhā dānaṃ paṭiggaṇhanti dhātuyo, āyatanāni”ti vuttepi mahājano na jānāti, sammohaṃ āpajjati, paṭisattu vā hoti “kimidaṃ khandhā dhātū āyatanā paṭiggaṇhanti nāmā”ti. “Puggalo paṭiggaṇhāti”ti pana vutte jānāti, na sammohaṃ āpajjati, na paṭisattu hoti, tasmā bhagavā **dakkhiṇāvisuddhidīpanatthaṃ** puggalakathaṃ katheti. Lokasammutiñca buddhā bhagavanto nappajahanti lokasamaññāya lokābhilāpe ṭhitāyeva dhammaṃ desenti, tasmā bhagavā **lokasammutiyā appahānatthampi** puggalakathaṃ kathetīti imehi

---

1. Am 1. 407, 408; Abhi 4. 13 piṭṭhesu.

**aṭṭhahi** kāraṇehi bhagavā puggalakathaṃ katheti, na paramatthato puggalassa atthibhāvatoti veditabbaṃ.

**Dhammappabhedākārenevā**ti yathāvuttarūpādidhammappabhedato aññassa saccikaṭṭhassa asiddhattā rūpādidhammappabhedākāreneva puggalassa upaladdhiyā bhavitabbanti attho. Tena “kiṃ tava puggalo upalabbhamāno ruppanākārena upalabbhati, udāhu anubhavanasañjānanābhisaṅkharāṇavijānanesu aññatarākārenā”ti dasseti tabbinimuttassa sabhāvadhammassa loke abhāvato. Avisesavisesehi puggalūpalabbhassa paṭiññāpaṭikkhepapakkhā anujānanāvajānanapakkhā. Yadipime dvepi pakkhā anulomapaṭilomanayesu labbhanti, ādito pana paṭhamam ṭhapetvā pavatto paṭhamanayo, itaro dutiyanti imam nesam visesam dassento “**anujānanā -pa- veditabbo**”ti āha. Yathādhikatāya laddhiyā anulomanato cettha paṭhamo nayo **anulomapakkho**, tabbilomanato itaro **paṭilomapakkhoti** vuttoti veditabbanti.

**Tena vata reti** ettha **tenā**ti kāraṇavacanam. Yena puggalūpalabbho paṭiṭṭhapīyati, tena hetunā. Svāyam hetu sāsānikassa bāhirakassa ca vasena heṭṭhā dassito eva. Hetupatirūpake cāyam hetusamaññā paramatthassa adhippetattā. Heṭṭhā “ājānāhi niggahan”ti niggahassa saññāpanamattam katam, tam idāni “yam tattha vadesī”ti-ādinā nigamanarūpena micchābhāvadassanena ca vibhāviyamānam pākāṭabhāvakaraṇato āropi tam paṭiṭṭhāpitam hotīti aṭṭhakathāyam “āropitattā”ti vuttam.

Ettha ca “puggalo upalabbhati”ti **paṭiññāvayavo** sarūpeneva dassito. “tenā”ti iminā sāmāññato **hetāvayavo** dassito. Yvāyam yasmā paṭiññādhammo hutvā sadisapakkhe vijjamāno, visadisapakkhe avijjamānoyeva hetu lakkhaṇūpapanno nāma hoti, na itaro, tasmā yattha so vijjati na vijjati ca, so sadisāsadisabhāvabhinno duvidho **ditṭhantāvayavo**. yathā rūpādi upalabbhati, tathā puggalo. Yathā ca sasavisāṇam na upalabbhati, na tathā puggaloti **upanayo**. Svāyam “vattabbe kho puggalo upalabbhati saccikaṭṭhaparamatthenā”ti imāya pāḷiyā dīpito, yo aṭṭhakathāyam saddhim hetudāharaṇehi “pāpanā”ti vutto. **Nigamanam** pāḷiyam sarūpeneva āgatam, yā aṭṭhakathāyam

“ropanā”ti vuttāti. Evaṃ porāṇena nāyakkamena<sup>1</sup> sādhanāvayavā niddhāretvā yojetabbā.

Idāni vattanena parapakkhupalakkhite hetudāharaṇe anvayabyatirekadassanavasena niddhāretvā sādhanapayogo yojetabbo. **Kāraṇaṃ vattabanti** kimettha vattabbaṃ. Hetudāharaṇehiyeva hi saparapakkhānaṃ sādhanāṃ dūsaṇaṃ vā, na paṭiññāya, tassā sādhetabbādibhāvato. Taṃ pana dvayaṃ “tena vata re”ti-ādi pāḷiyā vibhāvitāṃ. Aṭṭhakathāyaṃ pāpanāropanāsīsena dassitaṃ. Paṭiññāṭṭhapanā pana tesaṃ visayadassanaṃ kathāyaṃ taṃmūlatāyāti veditabbaṃ. Tenāha “**yaṃ pana vakkhati**”ti-ādi. Teneva ca aṭṭhakathāyaṃ “idaṃ anuloma -pa-ekaṃ catukkaṃ veditabbaṃ”ti vakkhati. Tathā cāha “**yathā pana tattā**”ti-ādi. **Niggahova visuṃ vutto**, na paṭikammanti adhippāyo. Visuṃ vuttoti ca pāpanāropanāhi asammissaṃ katvā visuṃ aṅgabhāvena vutto, na tadaññataro viya tadantogadhabhāvena vutto, nāpi ṭhapanā viya aḡaṇanupagabhāvenāti attho. **Ye panāti** padakāre sandhāyāha. **Dutiye -pa-āpajjati** tattha niggahassa ayathābhūtattā paṭikammaṃ ca yathābhūtabhāvatoti adhippāyo.

2. Paramatthato puggalaṃ nānujānāti, vohārato pana anujānātīti sakavādimataṃ jānantenapi paravādinā chalavasena vibhāgaṃ akatvā “puggalo nupalabbhati saccikaṭṭhparamatthenā”ti pucchāya katāya sakavādī tattha ayaṃ puggalavādī, imassa laddhi paṭikkhipitabbāti paramatthasaccaṃ sandhāyāha “āmantā”ti. “Na upalabbhati”ti hi vuttaṃ hoti. Puna itaro sammutisaccaṃ sandhāya “yo saccikaṭṭho”ti-ādimāha. Tassattho—yo lokavohārasiddho saccikaṭṭho, tato eva kenaci apaṭikkhipitabbato paramatthato<sup>2</sup> tato so puggalo nupalabbhatīti. Puna sakavādī pubbe paramatthasaccavasena puggale paṭikkhitte idāni sammutisaccavasenāyaṃ pucchāti mantvā taṃ appaṭikkhipanto “na hevaṃ vattabbe”ti āha. Tenāha “**attanā adhippetāṃ saccikaṭṭhamevāti sammutisaccaṃ sandhāyāti adhippāyo**”ti. Evamavaṭṭhite “**yadi paravādinā -pa-**

1. Paṭiññāhetudāharaṇopānayanigamaṇānyavayavā, Nyāyadassane 1. 1. 32 suttaṃ.

2. Paramattho (Ka)

**nārabhitabbā**”ti idaṃ na vattabbaṃ paṭhamapucchāya paramatthasaccassa saccikaṭṭhoti adhippetattā. **“Atha sakavādinā -pa- āpajjati”**ti idampi na vattabbaṃ dutiyapucchāya sammutisaccassa saccikaṭṭhoti adhippetattā.

**Yadi ubhayaṃ adhippetanti** idaṃ yadi paṭhamapucchāya sandhāya, tadayuttaṃ tassā paramatthasaccasseva vasena pavattattā. Atha dutiyapucchāya sandhāya, tassā sammutisaccavasena paṭhamattham vāvā puna missakavasena vattum **“sammutisaccaparamatthasaccāni vā ekato katvāpi evamāhā”**ti vuttattā tampi na vattabbameva. **Dvepi saccāni**ti sammutiparamatthasaccāni. Tesu paramatthasaccasseva nippariyāyena saccikaṭṭhaparamatthabhāvo, itarassa upacārena. Tathā ca vuttaṃ **“māyā marīci -pa- uttamaṭṭho”**ti. Tasmā sammutisaccavasena upaladdhiṃ icchantenapi paramatthasaccavasena anicchanato **“puggalo upalabbhati saccikaṭṭhaparamatthenā”**ti-ādinā anuyogo yutto. **“Padhānappadhānesu padhāne kiccāsiddhiṃ”**ti eteneva **“na ca saccikaṭṭhekadesena anuyogo”**ti-ādi nivattitañca hoti saccikaṭṭhekadesabhāvasseva asiddhattā. **Nāssa paramatthasaccatā anuyuñjītabbā**ti assa saccikaṭṭhassa paramatthasaccatā paravādinā na anuyuñjītabbā **“puggalo nupalabbhati saccikaṭṭhaparamatthenā”**ti sakavādinopi saccikaṭṭhaparamatthato tassa icchitabbattāti adhippāyo. **Voharitasaccikaṭṭhassa attanā adhippetasaccikaṭṭhatāpi** yuttā tassa tena adhippetattā. Svāyamattho heṭṭhā dassitoyeva. **Vuttanayova dosoti** **“dvepi saccāni”**ti-ādinā anantameva vuttaṃ sandhāyāha. Tassa pana adosabhāvo dassitoyeva. **Atha na** iti atha na bhūtasabhāvatthena upalabbheyyāti yojanā. **Vattabboti** yadettha vattabbaṃ, taṃ **“yo lokavohārasiddho”**ti-ādinā vuttameva, tasmā ettha **“paramatthato puggalaṃ nānujānāti”**ti-ādinā adhippāyamaggaṇaṃ daṭṭhabbaṃ.

**Anuññeyyametaṃ siyāti** etaṃ anupalabbhanaṃ paṭhamapucchāyaṃ viya dutiyapucchāyampi anujānitabbaṃ siyā. **Na vā kiñci vattabbanti** atha vā kiñci na vattabbaṃ ṭhapanīyattā pañhassa. Tathā hissa ṭhapanīyākāraṃ dassento **“yathā hī”**ti-ādimāha. Ettha ca kāmāṃ saccadvayākārena puggalo nupalabbhati, sammutiyākārena pana nupalabbhatīti upalabbhanabhāvassa vasena paṭikkhepo katoti ayamettha adhippāyo daṭṭhabbo. **Anuññātaṃ**

**paṭikkhittañcā**ti paṭhamapucchāyaṃ anuññātaṃ, dutiyapucchāyaṃ paṭikkhittaṃ. **Etam chalavādaṃ nissāyā**ti etaṃ ekaṃyeva vatthum uddissa anujānanapaṭikkhipanākāraṃ chalavacanaṃ nissāya. Tvaṃ niggahetabboti yojanā. **Sambhavantassa sāmāññenā**ti niggahaṭṭhānabhāvena sambhavantassa anulomanayena anujānanapaṭikkhepassa samānabhāvena. **Asambhavantassa kappananti** paccanīkanayena tassa niggahaṭṭhānabhāvena asambhavantassa tathā kappanaṃ saṃvidhānaṃ chalavādo bhavituṃ arahati. “Atthavikappupapattiyā vacanaviḥhāto chalan”ti vuttovāyamattho. **Tenā**ti yathāvuttakappanaṃ chalavādoti vuttattā. Vacanasāmāññamattaṃ kappitaṃ chalaṃ vadati etenāti chalavādo. Tena vuttaṃ “**chalavādassa kāraṇattā chalavādo**”ti. **Vacanasāmāññamattaṃ** atthabhūtaṃ tadatthaṃ chalavādaṃ nissāya. “**Vicāretabban**”ti vuttaṃ, kimettha vicāretabbaṃ. Yadi pi pakkhassa ṭhapanāmūlakaṃ anujānanāvajānanānaṃ micchābhāvadassanaṃ tabbisayattā, pāpanāropanāhi eva pana so vibhāvīyati, na ṭhapanāyāti pākaṭoyamattho.

4-5. **Tenā**ti sakavādinā. **Tena niyāmenā**ti yena niyāmena sakavādinā catūhi pāpanāropanāhissa niggaho kato, tena niyāmena nayena. So niggaho dukkaṭo aniggahoyevāti dassento āha “**aniggahabhāvassa vā upagamitattā**”ti, pāpitattāti attho. **Evamevā**ti yathā “tayā mama kato niggaho”ti-ādinā aniggahabhāvūpanayo vutto, evameva. **Etassā**ti “tena hī”ti-ādinā imāya pāliya vuttassa.

Anulomapaccanīkavaṇṇanā niṭṭhitā.

## 2. Paccanīkānulomavaṇṇanā

7-10. **Aññenā**ti sammutisaccabhūtena. **Parassā**ti sakavādino. So hi paravādinā paro nāma hoti. Paṭiññāpaṭikkhepanāṃ bhinnavisayattā “**avirodhitattā**”ti vuttaṃ. Abhinnādhikaraṇaṃ viya hi abhinnavisayameva viruddhaṃ nāma siyā, na itaranti adhippāyo. tamevatthaṃ vibhāvetuṃ “**na hi -pa- āpajjati**”ti āha. Yadi evaṃ kathamidaṃ niggahaṭṭhānaṃ jātanti āha

“attano panā”ti-ādi. Tena paṭiññāntaraṃ nāma aññamevetamaṃ niggahaṭṭhānanti dasseti.

Paccanīkānulomavaṇṇanā niṭṭhitā.

Suddhasaccikaṭṭhavaṇṇanā niṭṭhitā.

## 2. Okāsasaccikaṭṭha

### 1. Anulomapaccanīkavaṇṇanā

11. Sāmaññena vuttaṃ visesaniviṭṭhaṃ hotīti āha “sabbatthāti sabbasmim̃ sarīreti ayamatto”ti. Sāmaññajotanā hi visese avatiṭṭhatīti visesatthinā viseso anupayujjitabboti. Etenāti desavasena sabbattha paṭikkhepavacanena.

## 3. Kālasaccikaṭṭha

### 1. Anulomapaccanīkavaṇṇanā

12. Majjhimaṭṭhikāletī paccuppannattabhāvakāle. Attabhāvo hi idha “jātī”ti adhippeto. tato atīto purimajātīkālo, anāgato pacchimajātīkālo. Imesu tīsūti sabbattha, sabbadā, sabbesūti imesu tīsu navesu. Pāṭhassa saṃkhittatā suviññeyyāti taṃ ṭhapetvā atthassa sadisatāṃ vibhāvento “idhāpi hi -pa-yojetabban”ti āha. Etthāpi “na kenaci sabhāvena puggalo upalabbhatī”ti ayamatto vutto hoti. Na hi kenaci sabhāvena upalabbhamānassa sakalekadesavinimutto pavattikālo nāma atthīti.

## 4. Avayavasaccikaṭṭha

### 1. Anulomapaccanīkavaṇṇanā

13. Tatiyanaye na sabbekadhamavinimuttaṃ pavattiṭṭhānaṃ nāma atthīti yojetabban.



## Okāsādisaccikaṭṭha

### 2. Paccanīkānulomavaṇṇanā

14. **Anulomapañcakassāti-ādimhi** aṭṭhakathāvacane. Puna **tatthāti** yathāvutte aṭṭhakathāvacane, tesu vā anulomapañcakapaccanīkesu. **Sabbattha puggalo nupalabbhatī**-ādikassa pāṭhappadesassa attho “sarīraṃ sandhāyā”ti-ādinā aṭṭhakathāyaṃ vuttanayena veditabbo attho. **Paṭikammādipāḷinti** paṭikammaniggaha-upanayananiḡamanapāḷim. **Tīsu mukhesūti** “sabbatthā”ti-ādinā vuttesu tīsu vādamukhesu. Paccanīkassa pāḷi vuttāti sambandho. **Tanti** pāḷim. Saṅkhipitvā āgatattā **sarūpena avutte**. **Suddhika -pa- vuttaṃ hoti** tattha “sabbatthā”ti-ādinā sarīrādino parāmasanaṃ natthi, idha atthīti ayameva viseso, aññaṃ samānanti.

Saccikaṭṭhavaṇṇanā niṭṭhitā.

### 5. Suddhikaśamsandanavaṇṇanā

17-27. Saccikaṭṭhassa, saccikaṭṭhe vā śamsandanam saccikaṭṭhasamsandananti samāsadvayaṃ bhavatīti dassento “**saccikaṭṭhassā**”ti-ādimāha. Tattha **saccikaṭṭhassa puggalassāti** saccikaṭṭhasabhāvassa paramatthato vijjamānasabhāvassa puggalassa. **Rūpādīhi saddhiṃ śamsandananti** saccikaṭṭhatāsāmaññaena rūpādīhi samīkaraṇam. **Saccikaṭṭheti** saccikaṭṭhahetu, tattha vā taṃ adhiṭṭhānam katvā. “Tulyayoge samuccayo”ti samuccayatthattā eva ca-kārassa saccikaṭṭhena upaladdhisāmaññaena idha rūpamāhaṭanti tassa udāhaṭabhāvo yuttoti “**yathārūpan**”ti **nidassanavasena attho vutto**, aññathā idha rūpassa āharaṇameva kimatthiyam. Evaṃ sesadhammesupi. Yā panettha aññattapucchā, sāpi nidassanattam upabrūheti aññattanibandhanattā tassa. Opammasamsandane pana nidassanatto gāhīyatīti imasmim siddhikaśamsandane kevalam samuccayavaseneva atthadassanam yuttanti adhippāyo. Rūpādīni upādāpaññattimattatāpuggalassa so tehi añño, anañño cāti na vattabboti ayam sāsanaḡkamoti āha “**rūpādīhi -pa- samayo**”ti. **Anuññāyamāneti** tasmim samaye sutte ca appaṭikkhipiyamāne. Ayañca attho sāsanaḡkassa paravādino vasena yuttoti veditabbam.

“**Ājānāhi niggahan**”ti pāṭho diṭṭho bhavissati, aññathā  
 “paṭilomapañcakāni dassitāni, paṭikammacatukkādīni saṁkhittānī”ti na  
 sakkā vattunti adhippāyo. Codanāya vinā paravādino paṭijānāpanaṁ natthīti  
 vuttaṁ “**paṭijānāpanatthanti -pa- codanatthan**”ti. Codanāpubbakañhi tassa  
 paṭijānāpanaṁ. Tena phalavohārena kāraṇaṁ vuttanti dasseti. **Abyākatattāti**  
 abyākaraṇīyattā, bhagavatā vā na byākatattā. **Yadi ṭhapanīyattā**  
**paṭikkhipitabbanti** imasmim paccanīkanaye ṭhapanīyattā pañhassa  
 sakavadinā paṭikkhipitabbaṁ. **Parenapīti** paravādināpi ṭhapanīyattā  
 laddhimeva nissāya anulomanaye paṭikkhepo katoti **ayamettha**  
 suddhikasāmsandanāya **adhippāyo yutto** anulomepi rūpādīhi  
 aññattacodanāyameva paravādinā paṭikkhepassa katattāti adhippāyo.

Suddhikasāmsandanavaṇṇanā niṭṭhitā.

## 6. Opammasāmsandanavaṇṇanā

28-36. **Upaladdhisāmaññena aññattapucchācāti** iminā dvayampi  
 uddharati upaladdhisāmaññena aññattapucchā, upaladdhisāmaññena pucchā  
 cāti. Tattha pacchimāṁ sandhāyāha “**dvinnam samānatā**”ti-ādi. Tassattho—  
 dvinnam rūpavedanānaṁ viya rūpapuggalānaṁ saccikaṭṭhena samānatā  
 tesam aññattassa kāraṇaṁ yuttaṁ na hoti. **Atha kho -pa- upalabbhanīyatāti**  
 idaṅca saṁsandanāṁ vicāretabbaṁ. Ayam hettha adhippāyo—yadi  
 saccikaṭṭhasāmaññena rūpapuggalānaṁ upaladdhisāmaññaṁ icchitaṁ,  
 teneva nesam aññattampi icchitabbaṁ. Atha paramatthavohārabhedato  
 tesam aññattaṁ na icchitaṁ, tato eva upaladdhisāmaññaṁ na  
 icchitabbanti.

37-45. **Upaladdhīti** puggalassa upaladdhi vijjamānatā.  
 “Paṭikammaapañcakan”ti viññāyatīti yojanā.

Opammasāmsandanavaṇṇanā niṭṭhitā.

### 7. Catukkanayasamsandanavaṇṇanā

46-52. **Ekadhammatopī**ti sattapaññāsāya saccikaṭṭhesu ekadhammatopi. Etena tato sabbatopi puggalassa aññattānanujānanam dasseti. Tenāha aṭṭhakathāyaṃ “sakalam paramatthasaccam sandhāyā”ti. **Rūpādi- ekekadhammavasena nānuyuñjītabbo** avayavabyatirekena samudāyassa abhāvato. Yasmā pana samudāyāvayavā bhinnasabhāvā, tasmā “**samudāyato -pa- niggaḥāraho siyā**”ti paravādino āsaṅkamāha. **Etaṃ vacanokāsanti** yadipi sattapaññāsadhammasamudāyato puggalassa aññattam na icchati tabbinimuttassa saccikaṭṭhassa abhāvato, tadekadesato panassa anaññattampi na icchateva. Na hi samudāyo avayavo hotīti. Tasmā “taṃ paṭikkhipato kiṃ niggaḥaṭṭhānanti vattum mā labbhetā”ti dassetum “**ayañcā**”ti-ādi vuttam. Rūpādidhammappabhedavibhāgamukheneva anavasesato puggaloti gahaṅkārādassanavasena pavatto paṭhamavikappo, dutiyo pana avibhāgato paramatthasaccabhāvasāmaññenāti ayam imesam dvinnam vikappānam viseso. Itīti vuttappakāraparāmasananti āha “**evan**”ti.

**Sabhāvavinibbhogato**ti sabhāvena vinibbhujitabbato. Sabhāvabhinno hi dhammo tadaññadhammato vinibbhogaṃ labhati. Tenāha “**rūpato aññasabhāgattā**”ti. **Rūpavajjeti** rūpadhammavajje. **Tīsupīti** “rūpasmim puggalo, aññatra rūpā, puggalasmim rūpan”ti imesu evam pavattesu tīsupi anuyogesu. Sāsaniko evāyaṃ puggalavādīti katvā āha “**na hi so sakkāyaditṭhim icchatī**”ti. “Rūpavā”ti iminā rūpena sakiñcanatāva ñāpīyati, na rūpāyattavuttitāti āha “**aññatra rūpāti ettha ca rūpavā puggaloti ayamatto saṅgahito**”ti.

Catukkanayasamsandanavaṇṇanā niṭṭhitā.

Niṭṭhitā ca samsandanakathāvaṇṇanā.

### 8. Lakkhaṇayuttivaṇṇanā

54. Lakkhaṇayuttikathāyaṃ “chalavasena pana vattabbaṃ ājānāhi niggahaṇ”ti pāṭho gahetabbo.

Lakkhaṇayuttivaṇṇanā niṭṭhitā.

### 9. Vacanasodhanavaṇṇanā

55-59. **Padadvayassa atthato ekatteti** padadvayassa ekattatthe satīti attho. Parikappavacanāṃ hetāṃ dosadassanattamaṃ “evaṃ sante ayaṃ doso”ti. Tayidaṃ ekattaṃ upalabbhati evāti pacchimapadāvadadhāraṇaṃ veditabbaṃ. “Kehici puggalo kehici na puggalo”ti byabhicāradassanato parena na sampāṭicchitanti katvā tameva asampāṭicchitattaṃ vibhāvento “**puggalassa hi**”ti-ādimāha. Tattha **avibhajitabbatanti** “upalabbhati cā”ti evaṃ avibhajitabbataṃ. **Vibhajitabbatanti** “puggalo ca tadaññaṅca upalabbhatī”ti-evaṃ vibhajitabbataṃ. Etena “puggalo upalabbhati evā”ti pacchimapadāvadadhāraṇaṃ veditabbaṃ, na “puggalo eva upalabbhatī”ti imamatthaṃ dasseti. **Tam vibhāganti** yathāvuttaṃ vibhajitabbāvibhajitabbaṃ vibhāgaṃ **vadato** sakavādino, aññaṃ vā kassaci. **Etassāti** paravādino. **Yathāvuttavibhāganti** “puggalo upalabbhati -pa- kehici na puggalo”ti evaṃ pāḷiyaṃ vuttappakāraṃ vibhāgaṃ. **Yathā-āpāditenāti** “puggalo upalabbhatīti padadvayassa atthato ekatte”ti-ādinā āpāditappakārena. **Na bhavitabbanti** yadipi tena puggalo upalabbhati eva vuccati, upalabbhatīti pana puggalo eva na vuccati, atha kho aññopi, tasmā yathāvuttena pasaṅgena na bhavitabbaṃ. Tenāha “**maggitabbo ettha adhippāyo**”ti.

60. **Atthato puggalo natthīti vuttaṃ hoti** attasuññatādassanena anattalakkhaṇassa vihitattā.

Vacanasodhanavaṇṇanā niṭṭhitā.

### 10. Paññattānuyogavaṇṇanā

61-66. **Rūpakāyāviraḥaṃ sandhāya āha**, na rūpaṭaṇhāsabbhāvaṃ. Tathā sati anekantikattā paṭikkhipitabbameva siyā, na anujānitabbanti. “Atthitāyā”ti āhāti sambandho. **Kāmībhāvassa anekanti kattā** kassaci kāmadhātūpapannassa **kāmadhātuyā āyattattābhāvato ca** kadāci bhāvassevāti yojanā.

67. **Kāyānupassanāyāti** kāyānupassanādesanāya. Sā hi kāyakāyānupassinaṃ vibhāgaggahaṇassa kāraṇabhūtā, kāyānupassanā eva vā. **Evamladdhikattāti** añño kāyo añño puggaloti evamladdhikattā. **Āhacca bhāsīnti** ṭhānakaraṇāni āhantvā kathitaṃ, bhagavatā sāmaṃ desīnti attho.

Paññattānuyogavaṇṇanā niṭṭhitā.

### 11. Gati-anuyogavaṇṇanā

69-72. Yānissa suttāni nissāya laddhi uppannā, tesam dassanato parato “tena hi puggalo sandhāvātī”ti-ādinā pāḷi āgatā, purato pana “na vattabban puggalo sandhāvātī”ti-ādinā, tasmā vuttam **“dassento -pa- bhavitabban”**ti. **Dassetvāti vā vattabbanti** “yānissa -pa- tāni dassetvā ‘tena hi puggalo sandhāvātī’ti-ādimāhā”ti vattabbanti attho. **Dassentoti vā idam** dassanakiriyāya na vattamānatāmattavacanam, atha kho tassā lakkaṇaṭthavacanam, hetubhāvavacanam vāti na koci doso.

91. **So vattabboti** so jīvasarīraṇam anaññatāpajjanākāro vattabbo, natthīti adhippāyo. “Rūpī attā”ti imissā laddhiyā vasena “yena rūpasankhātena attano sabhāvabhūtena sarīrena saddhiṃ gacchatī”ti evam pana atthe sati so ākāro vutto eva hoti, tathā ca sati “rūpaṃ puggaloti ananuññātattā”ti evampi vuttum na sakkā. Yasmā pana “idha sarīranikkhepā”ti anantaram vakkhati,

tasmā “so vattabbo”ti vuttaṃ. **Nirayūpagassa puggalassa antarābhavaṃ na icchatī**ti idaṃ purātanānaṃ antarābhavavādīnaṃ vasena vuttaṃ. Adhunātanā pana “uddhampādo tu nārako”ti<sup>1</sup> vadantā tassapi antarābhavaṃ icchanteva, keci pana asaṅṅūpagānaṃ. Arūpūpagānaṃ pana sabbepi na icchanti. Tattha ye “saṅṅuppādā ca pana te devā tamhā kāyā cavantī”ti suttassa attham micchā gahetvā cutūpapātakālesu asaṅṅīnaṃ saṅṅā atthīti antarābhavatova asaṅṅūpapattim icchanti, tadaṅṅesaṃ vasena “savedano -pa- paṭikkhipatī”ti dassento “**ye panā**”ti-ādimāha. Ke panevaṃ icchanti? Sabbatthivādīsu ekacce.

92. **Nevasaṅṅānāsaṅṅāyatane**ti nevasaṅṅānāsaṅṅāyatane bhava, acittuppāde vā saṅṅā atthīti icchantīti na vattabbanti sambandho. Yato so saṅṅābhavena asaṅṅahito, bhavantarabhāvena ca saṅṅahito.

93. **Indhanupādāno aggi viya indhanena rūpādi-upādāno puggalo rūpādīnā vinā natthī**ti ettha ayamadhippāyavibhāvanā—yathā na vinā indhanena aggi paṅṅāpīyati, na ca taṃ aṅṅaṃ indhanato sakkā paṭijānitum, nāpi anaṅṅaṃ. Yadi hi aṅṅaṃ siyā, na uṅṅaṃ indhanaṃ siyā, atha anaṅṅaṃ, nidahitabbaṃyeva dāhakaṃ siyā, evaṃ na vinā rūpādīhi puggalo paṅṅāpīyati, na ca tehi aṅṅo, nāpi anaṅṅo sassatucchedabhāvappasaṅgatoti paravādino adhippāyo. Tattha yadi aggindhanopamā lokavohārena vuttā, apaṭittaṃ kaṭṭhādi-indhanaṃ nidahitabbaṅca, paṭittaṃ bhāsuruṅṅaṃ aggidāhakaṅca, taṅca ojaṭṭhamakarūpaṃ pabandhavasena pavattaṃ aniccaṃ saṅkhataṃ paṭicasamuppannaṃ. Yadi evaṃ puggalo rūpādīhi aṅṅo anicco ca āpanno, atha paramatthato ca, tasmimyeva kaṭṭhādīsaṅṅāte rūpasāṅkhātapalitte yaṃ usumaṃ so aggi taṃsahajātāni tīṇibhūtāni indhanaṃ. Evampi siddhaṃ lakkhaṇabhedato aggindhanānaṃ aṅṅāttanti aggi viya indhanato rūpādīhi aṅṅo puggalo anicco ca āpajjatīti.

Gati-anuyogavaṅṅanā niṭṭhitā.

1. Uddhapādā tu nārakā (Abhidhammakose lokadhātuniddese pannarasamagāthāyaṃ)

## 12. Upādāpaññattānuyogavaṇṇanā

97. Nīlaguṇayogato nīlo, nīlo eva nīlako, tassa, ayaṃ panassa nīlapaññatti nīlarūpupādānāti āha “**nīlaṃ -pa- paññatti**”ti. Evaṃ pana pāṭhe ṭhite nīlaṃ upādāya nīloti kathamayaṃ paduddhāroti āha “**nīlaṃ rūpaṃ -pa- ettha yo puṭṭho nīlaṃ upādāya nīlo**”ti. Etthāti etasmim vacane. Tadādīsūti “pītaṃ rūpaṃ upādāyā”ti-ādikaṃ aṭṭhakathāyaṃ **ādi**-saddena gahitameva tadatthadassanavasena gaṇhāti.

98. **Vuttanti** “maggakusalo”ti-ādīsu chekaṭṭhaṃ sandhāya vuttaṃ. **Kusalapaññattiṃ** kusalavohāraṃ.

112. **Pubbapakkaṃ dassetvā uttaramāhāti** paravādī pubbapakkaṃ dassetvā sakavādissa uttaramāha.

115. “Rūpaṃ rūpavā”ti-ādinayappavattaṃ paravādivādaṃ bhindituṃ “yathā na nigalo negaliko”ti-ādinā sakavādivādo āraddhoti āha “**yassa rūpaṃ so rūpavāti uttarapakke vutaṃ vacanaṃ uddharitvā**”ti.

118. **Viññāṇanissayabhāvūpagamananti** cakkhuvīññāṇassa nissayabhāvūpagamaṃ. Tayidaṃ visesaṃ **cakkhussāti** imināva siddhanti na kataṃ daṭṭhabbaṃ.

Upādāpaññattānuyogavaṇṇanā niṭṭhitā.

## 13. Purisakārānuyogavaṇṇanā

123. **Kammānanti** kusalākusalakammānaṃ. Taggahaṇeneva hi taṃtaṃkiccakaraṇīye kiriyānampi saṅgaho daṭṭhabbo. **Nippāḍakappayo** jakabhāvenāti kārakakārāpakabhāvena.

125. **Kammakārakassa** puggalassa yo añño puggalo kārako. **Tenapīti** kārakakāraṇepi. **Tassāti** kārakakārakassa. **Aññanti** aññaṃ kammaṃ. **Evanti** iminā vuttappakārena. Tehi tehi kārakehi puggalā viya aññāni kammāni karīyantīti dasseti.

Tenāha “**kammavattassa anupacchedaṃ vadanti**”ti. Evaṃ sante puggalassa kārako, kammaṃ kārakoti aya vibhāgo idha anāmaṭṭho hoti, tathā ca sati kārakaparamparāya vacanaṃ virujjheyāti āha “**puggalassa -pa-vicāretabbametana**”ti. Tassa kārakanti puggalassa kārakaṃ. **Idaṅcāti** na kevalaṃ puggalakārakassa kammakāratāpattiyeva doso, atha kho idaṃ kammakāratāya kārakaparamparāpajjanampi vicāretabbaṃ, na yujjati attho. Puggalānañhi paṭipāṭiyā kārakabhāvo kārakaparamparā.

170. **Eko antoti** “gāho”ti sassatagāhasaṅkhāto antoti attho.

176. Siyā añño, siyā anañño, siyā na vattabbo “aññoti vā anaññoti vā”ti, evaṃ pavattanigaṇṭhavādasadisattā so eva eko neva so hoti, na aññoti laddhimattaṃ. Tenāha “**idaṃ pana nathevā**”ti. **Parassa icchāvasenevāti** paravādino laddhivaseneva. **Ekaṃ anicchantassāti** ekaṃ “so karoti, so paṭisaṃvedeti”ti gahaṇaṃ sassatadiṭṭhibhayena paṭikkhipantassa **itaraṃ** ucchedaggahaṇaṃ āpannaṃ. tañca paṭikkhipantassa aññaṃ missakaṃ niccāniccaggahaṇaṃ, vikkhepaggaṇaṃ āpannaṃ. **Kārakavedakicchāya** **ṭhatvāti** sveva kārako vedako cāti imasmiṃ ādāye ṭhatvā. **Taṃtaṃanicchāyāti** tassa tassa vādassa asampaṭicchana. **Āpannavasenapīti** āpannagāhavasenaṃ ayaṃ anuyogo vuttoti yojanā. **Sabbesaṃ āpannattāti** heṭṭhā vuttanayena sabbesaṃ vikappānaṃ anukkamena āpannattā nāyamanuyogo katoti yojanā. **Ekekassevāti** tesu visum visum ekekasseva āpannattā. Tantivasena pana te vikappā ekajjhaṃ dassetvāti adhippāyo. **Ekato yojetabbaṃ** catunnampi pañhānaṃ ekato puṭṭhattā.

Purisakārānuyogavaṇṇanā niṭṭhitā.

Kalyāṇavaggo niṭṭhito.



#### 14. Abhiññānuyogavaṇṇanā

193. **Vikubbatīti** ettha **iti-saddo** ādi-attho, pakārattho vā. Tena “dibbāya sotadhātuyā saddam suṇātī”ti-ādikaṃ saṅgaṇhāti. Abhiññānuyogo daṭṭhabboti yojanā. **Tadabhiññāvato**ti āsavakkhayābhiññāvato. **Arahato sādhananti** arahato saccikaṭṭhaparamatthena puggalattābhāvasādhanam. **Tabbhāvassāti** arahattassa. Arahattadhārānam hi khandhā nāma puggalattam tassapi hotīti.

Abhiññānuyogavaṇṇanā niṭṭhitā.

---

#### 15-18. Ñātakānuyogādivaṇṇanā

209. **Tatīyakoṭibhūtassāti** tatiyakoṭisabhāvassa saṅkhatāsankhatavinimuttasabhāvassa. **Sabhāvassāti** ca sabhāvadhammassa. **Laddhim nigūhitvāti** puggalo neva saṅkhato, nāsaṅkhatoti laddhim avibhāvetvā.

Ñātakānuyogādivaṇṇanā niṭṭhitā.

---

#### 19. Paṭivedhānuyogādivaṇṇanā

218. **Pajānanam nāma na hoti** nibbidādīnam appaccayattā. Paricchedanasamatthatañca dassetīti sambandho.

228. **Saharūpabhāvo** rūpena samaṅgitā, **vinārūpabhāvo** tato vinissaṭatāti tadubhayaṃ rūpassa abhantaragamanam bahinikkhamanañca hoti. Tasmā tam dvayaṃ saharūpabhāvavinārūpabhāvānam lakkhaṇavacananti vuttam.

237. **Oḷārikoti** thūlo. Āhito aham māno etthāti **atthā**, attabhāvo. So eva yathāsakaṃ kammunā paṭilabhitabbato **paṭilābho**. Padadvayenapi kāmāvacarattabhāvo kathito. **Mano mayo attapaṭilābho** rūpāvacarattabhāvo. So hi jhānāmanena

nibbattattā manomayo. **Arūpo attapaṭilābhoti** arūpāvacarattabhāvo. So hi rūpena amissitattā arūpoti evamettha attho veditabbo. “Attā”ti pana jīve lokavohāro niruḷho, asatipi jīve tathāniruḷham lokavohāraṃ gahetvā sammāsambuddhāpi voharantīti dassento “**iti imā lokassa samaññā, yāhi tathāgato voharati**”ti vatvā idāni yathā voharanti, taṃ pakāraṃ vibhāvento “aparāmasan”ti-ādimāha.

**Paccattasāmaññalakkhaṇavasenā**ti kakkhaḷaphusanādisalakkhaṇavasena aniccatādisāmaññalakkhaṇavasena ca. **Imināti** “paccattasāmaññalakkhaṇavasenā”ti-ādinā vuttena paramatthato puggalābhāvavacanena. **Ito purimāti** tattha tattha sakavādipaṭikkhepādivibhāvanavasena pavattā ito atthasaṃvaṇṇanato purimā. **Imināti** vā “yathā rūpādayo dhammā”ti-ādinā aṭṭhakathāyaṃ vuttavacanena. **Yathā cāti** ettha **ca**-saddo samuccayattho. tena samaññānatidhāvanam sampiṇḍeti. Idam vuttam hoti—yathā parāmāso ca na hoti janapadaniruttiyā abhinivisitabbato, yathā ca samaññātidhāvanam na hoti, evam ito purimā ca atthavaṇṇanā yojetabbā. Samaññātidhāvane hi sati sabbalokavohārūpacchedo siyāti.

**Tasmā saccanti** yasmā tattha paramatthākāraṃ anāropetvā samaññam nātidhāvanto kevalam lokasammutiyaṃ voharati, tasmā saccam paresam avisamvādanato. **Tathakāraṇanti** tatho avitatho dhammasabhāvo kāraṇam pavattihetu etassāti tathakāraṇam, paramatthavacanam, aviparītadhammasabhāvavisayanti attho. Tenāha “**dhammānam tathatāya pavattan**”ti.

Paṭivedhānuyogādivaṇṇanā niṭṭhitā.

Puggalakathāvaṇṇanā niṭṭhitā.

## 2. Parihānikathā

### 1. Vādayuttiparihānikathāvaṇṇanā

239. **Idaṃ suttanti** idaṃ lakkhaṇamattaṃ daṭṭhabbaṃ. “Pañcime bhikkhave dhammā samayavimuttassa bhikkhuno parihānāya saṃvattantī”<sup>1</sup> idampi hi suttam anāgāmi-ādīnaṃyeva parihāninissayo, na arahato.

**Samayavimuttoti** aṭṭhasamāpattilābhino sekkhassetam nāmaṃ. Yathāha—

“Katamo ca puggalo samayavimutto? Idhekacco puggalo kālena kālam samayena samayaṃ aṭṭha vimokkhe kāyena phusitvā viharati, paññāya cassa disvā ekacce āsavā parikkhīṇā honti. Ayaṃ vuccati puggalo samayavimutto”<sup>2</sup>.

“Parihānidhammo”<sup>ti</sup> ca puthujjano ca ekacco ca sekkho adhippeto, na arahāti. **Tasmāti** yasmā yathādassitāni suttāni anāgāmi-ādīnaṃ parihāniladdhiyā nissayo, na arahato, tasmā. Tam nissāya tam apekkhitvā yasmā “arahatopī”<sup>ti</sup> ettha arahatopi parihāni, ko pana vādo anāgāmi-ādīnanti ayamattho labbhati, tasmā pi-saddasampiṇḍitamattham dassento “**arahatopi -pa- yojetabban**”<sup>ti</sup> āha. Yasmā vā kāmañcettha dutiyasuttam sekkhavasena āgataṃ paṭhamatatiyasuttāni pana asekkhavasenapi āgatānīti tesam laddhim tasmā “arahatopī”<sup>ti</sup> aṭṭhakathāyaṃ vuttam. Tenāha “**idaṃ suttam arahato**”<sup>ti</sup>-ādi.

**Tatiyasminti** “sabbesaññeva arahantānaṃ parihānī”<sup>ti</sup> etasmim pañhe. So hi “sabbeva arahanto”<sup>ti</sup>-ādīnā āgatesu tatiyo pañho. **Tesanti** mudindriyānaṃ. **Tatiyasmimpīti** pi-saddo vuttatthasamuccayo. tena paṭhamapañham samuccinoti “tatthapi tikkhindriyā adhippetā”<sup>ti</sup>.

**Soyeva na parihāyatīti** sotāpannoyeva sotāpannabhāvato na parihāyatīti attho. Na cettha sakadāgāmiabhāvāpattiyā sotāpannabhāvāpagamo parihāni hoti visesādhigamabhāvato.

---

1. Am 2. 153 piṭṭhe.

2. Abhi 3. 114 piṭṭhe.

Pattavisesato hi parihānīti. **Itareti** sakadāgāmi-ādikā. **Uparimaggatthāyāti** uparimaggattayapaṭilābhatthāya “niyato”ti vuttamattham aggahetvā.

Vādayuttiparihānikathāvaṇṇanā niṭṭhitā.

## 2. Ariyapuggalasaṃsandana-parihānikathāvaṇṇanā

241. **Tatoti** arahattato. **Tatthāti** dassanamaggaphale. **Vāyāmenāti** vipassanussāhanena. **Tadanantaranti** sotāpatti-phalānantaram. Paṭhamam dassanamaggaphalānantaram arahattam pāpuṇāti, tato parihīno puna vāyamanto tadanantaram na arahattam pāpuṇātīti kā ettha yuttīti adhippāyo. Paravādī nāma yuttampi vadati ayuttampīti kim tassa vāde yuttigavesanāyāti pana daṭṭhabbam. Aparihānasabhāvo bhāvanāmaggo ariyamaggattā dassanādassanamaggo viya. Na cettha asiddhatāsaṅkā lokuttaramaggassa parassapi ariyamaggabhāvassa siddhattā, nāpi lokiyamaggena anekantikātā ariyasaddena visesitattā. Tathā na viruddhatā dutiyamaggādīnam bhāvanāmaggabhāvassa oḷārikakilesappahānādīnañca parassapi āgamato siddhattā.

Ariyapuggalasaṃsandana-parihānikathāvaṇṇanā niṭṭhitā.

## 3. Suttasādhanaparihānikathāvaṇṇanā

265. Puggalapaññatti-aṭṭhakathāyam “patti, phusanā”ti ca paccakkhato adhigamo adhippetoti vuttam “**pattabbam vadatīti āha phusanārahan**”ti.

267. **Katasanniṭṭhānassāti** imasmim sattāhe māse utumhi antovasse vā aññam ārādhessāmīti katanicchayassa.

Suttasādhanaparihānikathāvaṇṇanā niṭṭhitā.

Parihānikathāvaṇṇanā niṭṭhitā.

### 3. Brahmacariyakathā

#### 1. Suddhabrahmacariyakathāvaṇṇanā

269. **Heṭṭhāpī**ti paranimmitavasavattidevehi heṭṭhāpī.  
**Maggabhāvanampi na icchantīti viññāyati** “idha brahmacariyavāso”ti iminā  
“dvepi brahmacariyavāsā natthi devesūti upaladdhivasenā”ti vuttatā.

270. **Tassevāti** paravādino eva. **Puggalavasenāti** “gihīnañceva ekaccānañca devāna”ti evaṃ puggalavasena. **Tassāti** paravādino.  
**Paṭikkhepo na yuttoti** evaṃ puggalavasena atthayojanā na yuttāti adhippāyo.  
Puggalādhiṭṭhānena pana katāpi atthavaṇṇanā okāsavasena paricchijjātīti  
nāyaṃ doso. **Tassāyaṃ adhippāyoti** ayaṃ “gihīnañceva”ti-ādinā vutto tassa  
paravādino yadi adhippāyo, evaṃ saññāya paravādino sakavādinā  
samānādāyoti na niggahāraho siyā. Tenāha “**saka -pa- tabbo**”ti. Paṭhamam  
pana anujānitvā pacchā paṭikkhepeneva niggahetabbatā veditabbā. Keci  
“yattha natthi pabbajjā, natthi tattha brahmacariyavāsoti pucchāya  
ekaccānaṃ manussānaṃ maggappaṭivedhaṃ sandhāya paravādino  
paṭikkhepo. Yadipi so devānaṃ maggappaṭilābhaṃ na icchati,  
sambhavantam pana sabbam dassetum aṭṭhakathāyaṃ ‘gihīnam’icceva  
avatvā ‘ekaccānañca devāna’ti vuttan”ti vadanti, tam na sundaram  
“sandhāyā”ti vuttatā, purimoyevattho yutto.

Suddhabrahmacariyakathāvaṇṇanā niṭṭhitā.

#### 2. Saṃsandanabrahmacariyakathāvaṇṇanā

273. **Rūpāvacaramaggenāti** rūpāvacarajjhānena. tañhi  
rūpabhavūpapattiyā upāyabhāvato maggoti vutto. Yathāha “rūpupapattiyā  
maggam bhāvetī”ti<sup>1</sup>. **Idanti** idaṃ rūpāvacarajjhānaṃ.  
“Idhavihāyantiṭṭhahetubhūto rūpāvacaramaggo”ti-ādikaṃ dīpentam vacanaṃ  
anāgāmimaggassa tabbhāvadīpakena “idha bhāvitamaggo”ti-ādikena katham  
sametīti codetvā yathā

---

1. Abhi 1. 44 piṭṭhe.

sameti, taṃ dassetuṃ “**pubbe panā**”ti-ādi vuttaṃ. Tattha “**pubbe**”ti iminā “idha bhāvitamaggo”ti-ādikaṃ vadanti, idhāpi pana “rūpāvacaramaggenā”ti-ādikaṃ. Tattha **anāgāmī evā**ti anāgāmiphalaṭṭho eva. **Jhānānāgāmī**ti asamucchinnajjhattasāmyojanopi rūpabhāve uppajjitvā anāvattidhammaggaṃ bhāvetvā tattheva parinibbāyanato. **Adhippāyoti** yathāvutto dvinnāṃ aṭṭhakathāvacanānaṃ avirodhadīpako adhippāyo.

**Idhā**ti kāmaloke. **Tatthā**ti brahmaloke. Ettha ca paravādī evaṃ pucchitabbo “tīhi bhikkhave ṭhānehi”ti suttāṃ kiṃ yathārutavasena gahetabbatthaṃ, udāhu sandhāyabhāsitaṃ? Tattha jānamāno sandhāyabhāsitaṃ vadeyya. Aññathā “paranimmitavasavattideve upādāyā”ti-ādi vattum na sakkā “deve ca tāvatimse”ti vuttattā. Yathā hi tassa “seyyathāpi devehi tāvatimsehi saddhiṃ mantevā”ti-ādīsu viya sakkāṃ devarājānaṃ upādāya kāmāvacaradevesu tāvatimsadevā pākaṭā paññātāti tesāṃ gahaṇāṃ, na teyeva adhippetāti suttapadassa sandhāyabhāsitatthaṃ sampañcchitabbaṃ, evaṃ “idha brahmacariyavāso”ti etthāpi anavajjasukha-abyāsekasukhanekhammasukhādisannissayabhāvena mahānisaṃsatāya sāsane pabbajjā “idha brahmacariyavāso”ti imasmiṃ sutte adhippetā. Sā hi uttarakurukānaṃ devānañca anokāsabhāvato dukkarā dullabhā ca. Tattha sūriyaparivattādīhipi devesu maggapaṭilābhāya atthitā vibhāvetabbā, uttarakurukānaṃ pana visesānadhigamabhāvo ubhinnampi icchito evāti.

Samsandanabrahmacariyakathāvaṇṇanā niṭṭhitā.

### 3. Odhisokathāvaṇṇanā

274. **Odhisoti** bhāgaso, bhāgenāti attho. Bhāgo nāma yasmā ekadeso hoti, tasmā “**ekadesena ekadesenā**”ti vuttaṃ. Tattha yadi catunnaṃ maggānaṃ vasena samudayapakkhikassa kilesagaṇassa catubhāgehi pahānaṃ “odhiso pahānaṃ”ti adhippetāṃ, icchitamevetāṃ sakavādissa “tiṇṇāṃ saṃyojanānaṃ parikkhayā diṭṭhigatānaṃ

pahānāyā”ti ca ādivacanato. Yasmā pana maggo catūsu saccesu nānābhisamayavasena kiccakaro, na ekābhisamayavasenāti paravādino laddhi, tasmā yathā “maggo kālena dukkhaṃ parijānāti, kālena samudayaṃ pajahatī”ti-ādinā nānakkhaṇavasena saccesu pavattatīti icchito, evaṃ paccekampi nānakkhaṇavasena pavatteyya. Tathā sati dukkhādīnaṃ ekadesa-ekadesameva parijānāti pajahatīti dassetuṃ pāḷiyaṃ “sotāpatti -pa-ekadese pajahatī”ti-ādi vuttaṃ. Sati hi nānābhisamaye paṭhamamaggādīhi pahātabbānaṃ saṃyojanattayādīnaṃ dukkhadassanādīhi ekadesa-ekadesappahānaṃ siyāti ekadesasotāpattimaggaṭṭhādītā, tato eva ekadesasotāpannādītā ca āpajjati anantaraphalattā lokuttarakusalānaṃ, na ca taṃ yuttaṃ. Na hi kālabhedena vinā so eva sotāpanno, asotāpanno cāti sakkā viññātuṃ. Tenāha “**ekadesaṃ sotāpanno, ekadesaṃ na sotāpanno**”ti-ādi.

Apicāyaṃ nānābhisamayavādī evaṃ pucchitabbo “maggañāṇaṃ saccāni paṭivijjhantaṃ kiṃ ārammaṇato paṭivijjhati, udāhu kiccato”ti. Yadi ārammaṇatoti vadeyya, tassa vipassanāñāṇassa viya dukkhasamudayānaṃ accantaparicchedasamucchedā na yuttā tato anissaṭattā, tathā maggadassanaṃ. Na hi sayameva attānaṃ ārabba pavattatīti yuttaṃ, maggantaraparikkappanāyaṃ anavaṭṭhānaṃ āpajjatīti, tasmā tīṇi saccāni kiccato, nirodhaṃ kiccato ārammaṇato ca paṭivijjhātīti evamasammohato paṭivijjhantassa maggañāṇassa nattheva nānābhisamayo. Vuttañhetā “yo bhikkhave dukkhaṃ passati, dukkhasamudayampi s passatī”ti-ādi. Na cetāṃ kālantaradassanaṃ sandhāya vuttaṃ. “Yo nu kho āvuso dukkhaṃ passati, dukkhasamudayampi so passati, dukkhanirodhampi -pa-dukkhanirodhagāminipaṭipadampi so passatī”ti<sup>1</sup> ekasaccadassanasamaṅgino aññasaccadassanasamaṅgibhāvavicāraṇāyaṃ tadatthasādhanatthaṃ āyasmatā gavampatittherena ābhatattā paccekañca saccattayadassanassa yojitattā. Aññathā purimadiṭṭhassa puna adassanato samudayādidassane dukkhādidassamanayojanīyaṃ siyā. Na hi lokuttaramaggo lokiyamaggo viya katakārībhāvena pavattati samucchedakattā. Tathā yojane ca sabbaṃ

---

1. Saṃ 3. 382 piṭṭhe.

dassanaṃ dassanantaraparanti dassanānuparamo siyā. Evaṃ āgamato yuttito ca nānābhisamayassa asambhavato paccekaṃ maggānaṃ odhiso pahānaṃ natthīti niṭṭhamettha gantabbaṃ.

Odhisokathāvaṇṇanā niṭṭhitā.

#### 4. Jahatikathāvaṇṇanā

##### 1. Nasuttāharaṇakathāvaṇṇanā

280. Yadipi pāḷiyaṃ “tayo magge bhāvetī”ti vuttaṃ, maggabhāvanā pana yāvadeva kilesasamucchindanattāti ñatvā “**kiccasabbhāvanti tīhi pahātabbassa pahīnatan**”ti āha. Tattha **tīhīti** heṭṭhimehi tīhi ariyamaggehi **pahātabbassa** ajjhattasaṃyojanassa pahīnataṃ samucchindananti attho. **Taṃ pana kiccanti** adhobhāgiyasmāyojanesu maggassa pahānābhisamayakiccaṃ. **Teneva maggenāti** anāgāmimaggeneva. **Etaṃ na sametīti** evaṃ magguppādato pageva kāmarāgabyāpādā pahīyantīti laddhikittanaṃ iminā maggassa kiccasabbhāvakathanena na sameti na yujjati. **Tasmāti** iminā yathāvuttameva virodhaṃ paccāmasati. **Pahīnānanti** vikkhambhitānaṃ. Yo hi jhānalābhī jhānena yathāvikkhambhite kilese maggena samucchindati, so idhādhippeto. Tenāha “**dassanamagge -pa- adhippāyo**”ti.

Jahatikathāvaṇṇanā niṭṭhitā.

#### 5. Sabbamatthītikathāvaṇṇanā

##### 1. Vādayuttivaṇṇanā

282. **Sabbaṃ atthīti** ettha yasmā paccuppannaṃ viya atītānāgatampi dharamānasabhāvanti paravādino laddhi, tasmā **sabbanti** kālavibhāgato atītādibhedanā sabbānaṃ. So pana “yampi natthi, tampi atthī”ti kālavimuttassa vasena anuyogo, taṃ atippasaṅgadassanavasena paravādipaṭiññāya dosāropanaṃ. Nayadassanaṃ vā atītānāgatānaṃ natthibhāvassa.



**Atthī**ti pana ayaṃ atthibhāvo yasmā desakālākāradhammehi vinā na hoti, tasmā taṃ tāva tehi saddhim yojetvā anuyogaṃ dassetuṃ “sabbattha sabbamatthī”ti-ādinā pāḷi pavattā. Tatha yadipi **sabbatthā**ti idaṃ sāmaññavacanā, taṃ pana yasmā visesaniviṭṭhaṃ hoti, parato ca **sabbesū**ti dhammā vibhāgato vuccanti, tasmā oḷārikassa pākaṭassa rūpadhammasamudāyassa vasena atthaṃ dassetuṃ aṭṭhakathāyaṃ “sabbatthāti sabbasmim sarīre”ti vuttaṃ, nidassanamattaṃ vā etaṃ daṭṭhabbā. Tathā ca kāṇāḍakāpilehi paṭiññāyamānā ākāsakālādisattapakatipurisā<sup>1</sup> viya paravādinā paṭiññāyamānaṃ sabbāṃ sabbabyāpīti āpannameva hotīti. “Sabbattha sarīre”ti ca “tile telan”ti viya byāpane bhummanti sarīrapariyāpanna sabbena bhavitabbanti vuttaṃ “**sirasi pādā -pa- attho**”ti.

Sabbasmim kāle sabbamatthīti yojanā. Etasmim pakkhēyevassa aññavādo paridīpito siyā “yaṃ atthi, attheva taṃ, yaṃ natthi, nattheva taṃ, asato natthi sambhavo, sato natthi vināso”ti. Evaṃ sabbenākārena sabbāṃ sabbesu dhammesu sabbāṃ atthīti atthoti sambandho. Imehi pana pakkhehi “sabbāṃ sabbasabhāvaṃ, anekasattinicitābhāvā asato natthi sambhavo”ti vādo paridīpito siyā. **Yogarahitanti** kenaci yuttāyuttalakkhaṇasaṃyogarahitaṃ. **Taṃ pana ekasabhāvanti** saṃyogarahitaṃ nāma atthato ekasabhāvaṃ, ekadhammoti attho. Etena devavādināṃ brahmadassanaṃ athevātivādo paridīpito siyā. **Atthīti pucchatīti** yadi sabbamatthīti tava vādo, yathāvuttāya mama diṭṭhiyā sammādiṭṭhibhāvo atthīti ekantena tayā sampañcchitabbo, tasmā “kiṃ so atthī”ti pucchatīti attho.

Vādayuttivaṇṇanā niṭṭhitā.

## 2. Kālasaṃsandanakathāvaṇṇanā

285. **Atītā -pa- karitvā**ti etthāyaṃ saṅkhepattho—atītaṃ anāgatanti rūpassa imaṃ visesaṃ, evaṃ visesaṃ vā rūpaṃ aggahetvā paccuppannatāvisesavisiṭṭharūpameva appiyaṃ paccuppannarūpabhāvānaṃ samānādhikaraṇattā

1. Visesikadassane 1. 1. 5 suttaṃ; Saṅkhyadassane 1. 61 suttañca passitabbā.

etasmimīyeva visaye appetabbaṃ, vacīgocaraṃ pāpetabbaṃ satipi nesam  
 visesanavisesitabbatāsaṅkhāte vibhāge tathāpi avibhajitabbaṃ katvāti.  
 Yasmā pana pāḷiyam “paccuppananti vā rūpanti vā”ti  
 paccuppannarūpasaddehi tadatthassa vattabbākāro iti-saddehi dassito, tasmā  
 “**paccuppannasaddena -pa- vuttaṃ hoti**”ti āha. **Rūpapaññattī**  
 rūpāyatanapaññatti. Sā hi sabhāvadhammupādānā tājāpaññatti. Tenevāha  
 “**sabhāvaparicchinne pavattā vijjamānapaññattī**”ti. **Rūpasamūhaṃ upādāyāti**  
 taṃtaṃmattapaññattiyā<sup>1</sup> upādānabhūtānaṃ abhāvavibhāvanākārena  
 pavattamānānaṃ rūpadhammānaṃ samūhaṃ upādāya. Upādānupādānampi  
 hi upādānamevāti. **Tasmāti** samūhupādāyādhīnatāya  
 avijjamānapaññattibhāvato. **Vigamāvattabbatāti** vigamassa  
 vatthabhāvāpagamassa avattabbatā. Na hi odātāvīgamena avattham hoti.  
 Na pana yuttā rūpabhāvassa vigamāvattabbatāti yojanā. **Rūpabhāvoti** ca  
 rūpāyatanasabhāvo cakkhuvīññāṇassa gocarabhāvo. Na hi tassa  
 paccuppannabhāvavīgame vigamāvattabbatā yuttā.

Kālasaṃsandanakathāvaṇṇanā niṭṭhitā.

### 3. Vacanasodhanavaṇṇanā

288. **Anāgataṃ vā paccuppannaṃ vāti** ettha **vā-saddo** aniyamattho  
 yathā “khadire vā bandhitabbaṃ palāse vā”ti. Tasmā “hutvā hoti”ti ettha  
 hoti-saddo anāgatapaccuppannesu yaṃ kiñci padhānaṃ katvā sambandham  
 labhatīti dassento “**anāgataṃ -pa- daṭṭhabban**”ti āha. Tattha **paccuppannaṃ**  
**hontanti** paccuppannaṃ jāyamānaṃ paccuppannabhāvaṃ labhantaṃ. Tenāha  
 “**taññeva anāgataṃ taṃ paccuppannanti laddhivasenā**”ti. **tampi hutvā hotīti**  
 yaṃ anāgataṃ hutvā paccuppannabhāvappattiyā “hutvā hoti”ti vuttaṃ, kiṃ  
 tadapi puna hutvā hotīti pucchati. **Tabbhāvāvīgamatotī** paccuppannabhāvato  
 hutvāhotibhāvānupagamato. **Paccuppannābhāvatoti** paccuppannatāya  
 abhāvato.

1. Taṃtaṃmaṃsupaṇñattiyā (Ka)

**Vacanam̐ arahatī**ti iminā vacanamatte na koci dosoti dasseti. Idam̐ vuttam̐ hotiyadipi tassa puna hutvā bhūtassa puna hutvāhotibhāvo natthi, punappunam̐ nāpetabbatāya pana dutiyam̐ tato parampi tathā vattabbatam̐ arahatīti “āmantā”ti paṭijānātīti. **Dhammeti** sabhāvadhamme. Tappaṭikkhepato **adhamme** abhāvadhamme. Tenāha “**sasavisāṇe**”ti.

**Paṭikkhittanayenā**ti “hutvā hoti, hutvā hotī”ti ettha pubbe yadetaṃ tayā “anāgataṃ hutvā paccuppannam̐ hotī”ti vadatā “tam̐yeva anāgataṃ tam̐ paccuppannam̐”ti laddhivasena “anāgataṃ vā paccuppannam̐ vā hutvā hotī”ti vuttam̐, “kim̐ te tampi hutvā hotī”ti pucchite yo paravādinā hutvā bhūtassa puna hutvā-abhāvato “na hevā”ti paṭkkhepo kato, tena paṭikkhittanayena. Svāyam̐ yadeva rūpādi anāgataṃ, tadeva paccuppannanti satipi atthābhede anāgatapaccuppannanti pana attheva kālabhedoti tam̐kālabhedavirodhāya paṭikkhepo pavattoti āha “**paṭikkhittanayenāti kālanānattenā**”ti. Tena hi so ayañca paṭikkhepo nīto pavattitoti. **Paṭiññātanayenā**ti idampi yathāvuttapaṭikkhepānantaram̐ yam̐ paṭiññātam̐, tam̐ sandhāyāha. Yathā hi sā paṭiññā atthābhedenā nītā pavattitā, tathāyampi. Tenevāha “**atthānānattenā**”ti, anāgatādippabhedāya kālapaññattiyā upādānabhūtassa atthassa abhedenāti attho. Yathā upādānabhūtarūpādi-atthābhedepe tesam̐ khaṇattayānāvatti tam̐samaṅgitā anāgatapaccuppannabhāvāvattitā, tathā tattha vuccamānā hutvāhotibhāvā yathākkamaṃ purimapacchimesu pavattitā purimapacchimakiriyāti katvāti imamattham̐ dassento “**atthānānattam̐ -pa-paṭijānātī**”ti vatvā puna “**atthānānattameva hī**”ti-ādinā tameva attham̐ samattheti. Yathā pana “tam̐ jīvam̐ tam̐ sarīran”ti paṭijānantassa jīvova sarīram̐, sarīrameva jīvoti jīvasarīranam̐ anaññattam̐ āpajjati, evmā “taññeva anāgataṃ tam̐ paccuppannam̐”ti ca paṭijānantassa anāgatapaccuppannānam̐ anaññattam̐ āpannanti paccuppannānāgatesu vuttā hotibhāvahutvābhāvā anāgatapaccuppannesupi āpajjeyyunti vuttam̐ atthakathāyam̐ “evam̐ sante anāgatampi hutvāhoti nāma, paccuppannampi hutvāhotiyeva nāmā”ti.

**Anuññātapañhassāti** “taññeva anāgataṃ taṃ paccuppananti? Āmantā”ti evaṃ atthānānattaṃ sandhāya anuññātassa atthassa. Ñātaṃ icchito hi attho pañho. **Doso vuttoti** anāgataṃ hutvā paccuppanabhūtaṃ puna anāgataṃ hutvā paccuppanabhāvāpattisaṅkhāto doso vutto purimanaye. Pacchimanaye pana anāgatapaccuppannesu ekekassa hutvāhotibhāvāpattisaṅkhāto doso vuttoti attho. **Paṭikkhattapañhanti** “taṃyeva anāgataṃ taṃ paccuppananti? Na hevaṃ vattabbe”ti evaṃ kālanānattaṃ sandhāya paṭikkhattapañham. **Tenāti** anāgatapaccuppannānaṃ hotihutvābhāvapaṭikkhepena. **Codetīti** anāgataṃ tena hoti nāma, paccuppannaṃ tena hutvā nāma, ubhayampi anaññattā ubhayasabhāvanti codetī. **Etthāti** “hutvā hotī”ti etasmim pañhe **kathaṃ hoti dosoti** codetī. **“Tassevā”**ti pariharati. Kathaṃ katvā codanā, kathaṃ katvā parihāro? Anujānanaṃ paṭikkhepanaṃ bhinnavisayatāya codanā, atthābheda-kālabhedavisayatāya abhinnādhāratāya tesam parihāro. **Tassevāti** hi paravādino evāti attho.

**Tadubhayaṃ gahetvāti** “taṃ anāgataṃ taṃ paccuppannaṃ”ti ubhayaṃ ekajjhaṃ gahetvā. **Ekekanti** tesu ekekaṃ. **Ekekamevāti** ubhayaṃ ekajjhaṃ aggahetvā ekekameva visum visum imasmim pakkhe tathā na yuttanti attho. **Esa nayoti** atidesaṃ katvā saṅkhittattā taṃ dubbhiññeyyanti **“anāgatassa hī”**ti-ādinā vivarati. **Paṭijānitabbaṃ siyā** anāgatapaccuppannānaṃ yathākkamaṃ hotihutvābhāvato adhippāyo. “Yadetaṃ tayā”ti-ādinā pavatto saṃvaṇṇanāyayo **purimanayo**, tattha hi “yadi te anāgataṃ hutvā”ti-ādinā hutvāhotibhāvo codito. “paro nayo”ti-ādiko **dutiyanayo**. Tattha hi “anāgatassa -pa- hutvāhotiyeva nāmā”ti anāgatādīsu ekekassa hutvāhotināmatā coditā.

Vacanasodhanavaṇṇanā niṭṭhitā.

#### 4. Atītañāṇādikathāvaṇṇanā

290. **Katham vuccatīti** kasmā vuttam. **Tenāti** hi iminā dutiyapucchāya “atītam ñāṇam”ti idam paccāmaṭṭham, tañca paccuppannam ñāṇam, atītadhammārammaṇatāya atītanti vuttam. Tenāha aṭṭhakathāyam “puna puṭṭho atītārammaṇam paccuppannam ñāṇam”ti-ādi.

Atītañāṇādikathāvaṇṇanā niṭṭhitā.

#### 5. Arahantādikathāvaṇṇanā

291. “Araham khīṇāsavo”ti-ādinā suttavirodho pākaṭoti idameva dassento “**yuttivirodho -pa- daṭṭhabbo**”ti āha. Tattha **anānattanti** aviseso. **Evamādikoti ādi**-saddena katakiccatābhāvo anohitabhāratāti evamādinam saṅgaho daṭṭhabbo.

Arahantādikathāvaṇṇanā niṭṭhitā.

#### 6. Padasodhanakathāvaṇṇanā

295. Yo atītasaddābhidheyyo attho, so atthisaddābhidheyvoti dvepi samānādhikaraṇatthāti katvā vuttam “**atīta-atthisaddānam ekatthattā**”ti, na, atītasaddābhidheyvasseva atthisaddābhidheyvattā. Tenāha “**atthisaddatthassa ca nvātītabhāvato**”ti. Tena kim siddhanti āha “**atītam nvātītam, nvātītañca atītam hotī**”ti. Idam vuttam hoti—yadi tava matena atītam atthi, atthi ca nvātītanti atītañca no atītam siyā, tathā atthi no atītam atītañca no atītam atītam siyāti, yathā “atītam atthī”ti ettha atītameva atthīti nāyam niyamo gahetabbo anatītassapi atthibhāvassa icchitattā. Tenevāha “**atthi siyā atītam, siyā nvātītan**”ti. Yena hi ākārena atītassa atthibhāvo paravādinā icchito, tenākārena anatītassa anāgatassapaccuppannassa ca so icchito. Kena pana ākārena

icchitoti? Saṅkhataḱārena. Tena vuttaṃ “tenāṭitaṃ nvāṭitaṃ, nvāṭitaṃ atītaṃ”ti. Tasmā atītaṃ atthiyevāti evamettha niyamo gahetabbo. Atthibhāve hi atītaṃ niyamitaṃ, na atīte atthibhāvo niyamito, “na pana nibbānaṃ atthi”ti ettha pana nibbānameva atthīti ayampi niyamo sambhavaṭīti so eva gahetabbo. Yadihi hi nibbānaṃ paramatthato atthibhāvaṃ upādāya uttarapadāvadhāraṇaṃ labbhati tadaññassapi abhāvato, tathāpi asaṅkhataḱārena aññassa anupalabbhanato tathā nibbānameva atthīti purimapadāvadhāraṇe atthe gayhamāne “atthi siyā nibbānaṃ, siyā no nibbānaṃ”ti codanā anokāsā. Atītādīsu pana purimapadāvadhāraṇaṃ paravādinā na gahitanti natthettha atippasaṅgo. Aggahaṇaṅcassa pālito eva viññāyati. Evamettha atītādīnaṃ atthitaṃ vadantassa paravādissevāyaṃ iṭṭhaviḱhātadosāpatti, na pana nibbānassa atthitaṃ vadantassa sakavādissāti. **Paṭipādanā** paṭiṭṭhāpanā veditabbā.

Etthāha “atītaṃ atthi”ti-ādinā kiṃ panāyaṃ atītānāgatānaṃ paramatthato atthibhāvo adhippeto, udāhu na paramatthato. Kiñcettha—yadi tāva paramatthato, sabbakālaṃ atthibhāvato saṅkhārānaṃ sassatabhāvo āpajjati, na ca taṃ yuttaṃ āgamavirodhato yuttivirodhato ca. Atha na paramatthato, “sabbamatthi”ti-ādikā codanā niratthikā siyā, na niratthikā. So hi paravādī “yaṃ kiñci rūpaṃ atītānāgatan”ti-ādinā atītānāgatānampi khandhabhāvassa vuttatā asati ca atīte kusalākusalassa kammassa āyatim phalaṃ kathaṃ bhaveyya, tattha ca pubbenivāsaññādi anāgate ca anāgatamsaññādi kathaṃ pavatteyya, tasmā attheva paramatthato atītānāgatanti yaṃ paṭijānāti, taṃ sandhāya ayaṃ katāti. Ekantena cetam sampatīcchitabbaṃ. Yepi “sabbam atthi”ti vadanti atītaṃ anāgatā paccuppannaṅca, te sabbatthivādāti.

Catubbidhā cete te sabbatthivādā. Tattha **keci bhāvaññattikā**. Te hi “yathā suvaṇṇabhājanassa bhinditvā aññathā kariyamānassa saṅṭhānasseva aññathattaṃ, na vaṇṇādīnaṃ, yathā ca khīraṃ dadhibhāvena pariṇamantaṃ rasavīriyavipāke pariccajati, na vaṇṇaṃ, evaṃ dhammāpi anāgataddhuno paccuppannaddhaṃ saṅkamantā anāgatabhāvameva jahanti, na attano sabhāvaṃ.

Tathā paccuppannaddhuno atītaddham saṅkame”ti vadanti. **Keci lakkhaṇaññattikā**, te pana “tīsu addhāsu pavattamāno dhammo atīto atītalakkhaṇayutto, itaralakkhaṇehi ayutto. Tathā anāgato paccuppanno ca. Yathā puriso ekissā itthiyā ratto aññāsu aratto”ti vadanti. **Aññe avatthaññattikā**, te “tīsu addhāsu pavattamāno dhammo taṃ taṃ avattham patvā añño aññaṃ niddisīyati avatthantarato, na sabhāvato. Yathā ekaṃ akkham ekaṅge nikkhittaṃ ekanti vuccati, sataṅge satanti, sahaṅge sahaṅgati, evaṃsampadamidan”ti. **Apare aññathaññattikā**, te pana “tīsu addhāsu pavattamāno dhammo taṃ taṃ apekkhitvā tadaññasabhāvena vuccati. Yathā taṃ ekā itthī mātāti ca vuccati dhītā”ti ca. Evamete cattāro sabbatthivādā.

Tesu paṭhamo pariṇāmaṇḍitāya kāpilapakkhikesu pakkhipitabboti. Dutiyassapi kālasaṅkaro āpajjati sabbassa sabbalakkhaṇayogato. Catutthassapi saṅkaro. Ekasseva dhammassa pavattikkhaṇe tayopi kālā samodhānaṃ gacchanti. Purimapacchimakkhaṇā hi atītānāgatā, majjhimo paccuppannoti. Tatiyassa pana avatthaññattikassa natthi saṅkaro dhammakiccena kālavavatthānato. Dhammo hi sakiccakkhaṇe paccuppanno, tato pubbe anāgato, pacchā atītoti.

Tattha yadi atītampi dharamānasabhāvatāya atthi anāgatampi, kasmā taṃ atītanti vuccati anāgatanti vā, nanu vuttaṃ “dhammakiccena kālavavatthānato”ti. Yadi evaṃ paccuppannassa cakkhussa kiṃ kiccaṃ, anavasesapaccayasamavāye phaluppādanam. Evaṃ sati anāgatassapi cassa tena bhavitabbaṃ atthibhāvatoti lakkhaṇasaṅkaro siyā. Idañcetta vattabbaṃ, teneva sabhāvena sato dhammato kiccaṃ, kiccakaraṇe ko vibandho, yena kadāci karoti kadāci na karoti paccayasamavāyabhāvato, kiccassa samavāyābhāvatoti ce? Taṃ na, niccaṃ atthibhāvassa icchitattā. Tato eva ca addhunaṃ avavatthānaṃ. Dhammo hi teneva sabhāvena vijjamāno kasmā kadāci atītoti vuccati kadāci anāgatoti kālassa vavatthānaṃ na siyā. Yo hi dhammo ajāto, so anāgato. Yo jāto na ca niruddho, so paccuppanno. Yo niruddho, so atīto. Idamevettha vattabbaṃ. Yadi yathā vattamānaṃ

atthi, tathā atītaṃ anāgatañca atthi, tassa tathā sato ajātatā niruddhatā ca kena hotīti. Teneva hi sabhāvena sato dhammassa kathamidam sijjhati ajātoti vā niruddhoti vā. Kim tassa pubbe nāhosi, yassa abhāvato ajātoti vuccati, kim ca pacchā natthi, yassa abhāvato niruddhoti vuccati. Tasmā sabbathāpi addhattayaṃ na sijjhati, yadi ahutvā saṅgati hutvā ca vinassatīti na sampañicchanti.

Yaṃ pana vuttaṃ “saṅkhatalakkhaṇayogato na sassatabhāvappasaṅgo”ti, tayidaṃ kevalaṃ vācāvattumattaṃ udayavayāsambhavato, atthi ca nāma sabbadā so dhammo, na ca niccoti kutoyaṃ vācāyutti.

Sabhāvo sabbadā atthi, nicco dhammo na vuccati.

Dhammo sabhāvato nāñño, aho dhammesu kosalam.

Yañca vuttaṃ “yaṃ kiñci rūpaṃ atītānāgatan”ti-ādinā atītānāgatānaṃ khandhabhāvassa vuttatā atthevāti, vadāma. Atītaṃ bhūtapubbaṃ, anāgataṃ yaṃ sati paccaye bhavissati, tadubhayassapi ruppanādisabhāvānātivattanato rūpakkhandhādibhāvo vutto. Yathādhammasabhāvānātivattanato atītā dhammā anāgatā dhammāti, na dharamānasabhāvātāya. Ko ca eva māha “paccuppannaṃ viya taṃ atthi”ti. Kathaṃ panetaṃ atthīti? Atītānāgatasabhāvena. Idaṃ pana taveva upaṭṭhitaṃ, kathaṃ taṃ atītaṃ anāgatañca vuccati, yadi niccakālaṃ atthīti.

Yaṃ pana “na tāva kālaṃ karoti, yāva na taṃ pāpaṃ byantī hoti”ti sutte<sup>1</sup> vuttaṃ, taṃ yasmiñca santānekammaṃ katūpacitaṃ, tattha tenāhitaṃ taṃphaluppādanasamatthataṃ sandhāya vuttaṃ, na atītaṃ kamma dhammānasabhāvattā. Tathā sati sakena bhāvena vijjamānaṃ kathaṃ taṃ atītaṃ nāma siyā. Itthañcetaṃ evaṃ sampañicchitabbaṃ, yaṃ saṅkhārā ahutvā sambhavanti, hutvā pativenti tesaṃ udayato pubbe vayato ca pacchā na kāci ṭhīti nāma atthi, yato atītānāgataṃ atthīti vucceyya. tena vuttaṃ—

“Anidhānagatā bhaggā, puñjo natthi anāgate.

Uppannaṃ yepi tiṭṭhanti, āragge sāsapūpama”ti<sup>2</sup>.

1. Ma 3. 204 piṭṭhe.

2. Khu 7. 32, 91 piṭṭhe.



Yadi cānāgataṃ paramatthato siyā, ahutvā sambhavantīti vattuṃ na sakkā. Paccuppannakāle ahutvā sambhavantīti ce? Na, dhammappavattimattattā kālassa. Atha attano sabhāvena ahutvā sambhavantīti, siddhametaṃ anāgataṃ paramatthato natthīti. Yañca vuttaṃ “asati atīte kusalākusalassa kammassa āyatīṃ phalaṃ kathaṃ bhaveyyā”ti, na kho panettha atitakammato phaluppatti icchitā, atha kho tassa katattā tadāhitavisesato santānato. Vuttañhetā bhagavatā “kāmvāvacarassa kusalassa kammassa katattā upacitattā vipākaṃ cakkhuvīññāṇaṃ uppannaṃ hotī”ti<sup>1</sup>. Yassa pana atītānāgataṃ paramatthato atthi, tassa phalaṃ niccāmeva atthīti kiṃ tattha kammassa sāmattiyaṃ. Uppādane ce, siddhamidaṃ ahutvā bhavati. Yaṃ pana vuttaṃ “asati atītānāgate kathaṃ tattha ñāṇaṃ pavatteyyā”ti, yathā taṃ ālambaṇaṃ, taṃ tathā atthi, kathañca taṃ ālambaṇaṃ, ahoṣi bhavissati cāti. Na hi koci atītaṃ anussaranto atthīti anussarati, atha kho ahoṣīti. Yathā pana vattamānaṃ ārammaṇaṃ anubhūtaṃ, tathā taṃ atītaṃ anussarati. Yathā ca vattamānaṃ bhavissati, tathā buddhādīhi gayhati. Yadi ca taṃ tatheva atthi, vattamānameva taṃ siyā. Atha natthi, siddhaṃ “asantaṃ ñāṇassa ārammaṇaṃ hotī”ti. Vijjamānaṃ vā hi cittasaññātaṃ avijjamānaṃ vā ārammaṇaṃ etesaṃ atthīti ārammaṇā, cittacetāsikā, na vijjamānaṃyeva ārabha pavattanato, tasmā paccuppannameva dharmānasabhāvaṃ na atītānāgatanti na tiṭṭhati sabbatthivādo. Keci pana “na atītādīnaṃ atthitāpaṭiññāya sabbatthivādā, atha kho āyatanaṃsabbassa atthitāpaṭiññāyā”ti vadanti, tesaṃ matena sabbeva sāsānikā sabbatthivādā siyunti.

Padasodhanakathāvaṇṇanā niṭṭhitā.

Sabbamatthītikathāvaṇṇanā niṭṭhitā.

---

1. Abhi 1. 104 piṭṭhe.

## 6. Atītakhandhādīkathā

### 1. Nasuttasādhanakathāvaṇṇanā

297. “Atītaṃ anāgataṃ paccuppannaṃ”ti yaṃ kālavibhāgaparicchinno vohāro dhammānaṃ taṃ taṃ avatthāvisesaṃ upādāya paññatto. Dhammo hi sakiccakkhaṇe paccuppanno, tato pubbe anāgato, pacchā atītoti vuttovāyamattho. Tattha yadipi dhammā aniccatāya anavaṭṭhitā, avatthā pana tesāṃ yathāvuttā vavatthitāti tadupādānā kālapaññattipi vavatthitā eva. Na hi atītādi anāgatādibhāvena voharīyati, khandhādīpaññatti pana anapekkhitakālavisesā. Tīsupi hi kālesu rūpakkhandho rūpakkhandhova, tathā sesā khandhā āyatanadhātuyo ca. Evamavaṭṭhite yasmā paravādī “atthī”ti imaṃ paccuppannaniyataṃ vohāraṃ atītānāgatesupi āropeti, tasmā so addhasaṅkaraṃ karoti. Paramatthato avijjamāne vijjamāne katvā voharatīti tato vivecetum **“atītaṃ khandhā”**ti-ādīkā yaṃ kathā āraddhā.

Yasmā pana ruppanādisabhāve atītādibhedabhinne dhamme ekajjhaṃ gahetvā tattha rāsaṭṭhaṃ upādāya khandhapaññatti, cakkhurūpādīsū kāraṇādi-atthaṃ suññataṭṭhaṇca upādāya āyatanapaññatti dhātupaññatti ca, tasmā sā addhattayasādihāraṇā, na atītādīpaññatti viya addhavisesaḍhiṭṭhānāti āha **“khandhādibhāvavijahanato atītānāgatānaṃ”**ti. Te panete atītādike khandhādike viya sabhāvadhammato sañjānanto paravādī “atthī”ti paṭijānātīti āha **“atītānāgatānaṃ atthitaṃ icchantassā”**ti. Sesamettha yaṃ vattabbaṃ, taṃ heṭṭhā vuttanayameva.

“Tayome bhikkhave niruttipathā”ti suttaṃ **niruttipathasuttaṃ**. Tattha hi paccuppannasēva atthibhāvo vutto, na atītānāgatānaṃ. Tena vuttaṃ **“atthitāya vāritattā”**ti. Yadi evaṃ “atthi bhikkhave nibbānaṃ”ti idaṃ kathanti? Taṃ sabbadā upaladdhito vuttaṃ nīccasabhāvāvañāpanatthaṃ asaṅkhatadhammassa, idha pana saṅkhatadhammānaṃ khaṇattayasamaṅgītāya atthibhāvo na tato pubbe pacchā cāti paññāpanatthaṃ “yaṃ bhikkhave rūpaṃ -pa- na tassa saṅkhā bhavissatī”ti vuttaṃ. Etena “atthī”ti samaññāya anupādānato atītaṃ anāgataṃ

paramatthato natthīti dassitaṃ hoti. **Imināvūpāyenā**ti “khandhādibhāvāvijahanato”ti evaṃ vuttena hetunā. Upapattisādhanayutti hi idha “upāyo”ti vuttā.

Nasuttasādhanakathāvaṇṇanā niṭṭhitā.

## 2. Suttasādhanakathāvaṇṇanā

298. **Ete dhammā**ti ete khandha-āyatanadhātudhammā. **Suttāharaṇanti** niruttipathasuttāharaṇaṃ. **Nesanti** atītānāgatānaṃ.

Suttasādhanakathāvaṇṇanā niṭṭhitā.

Atītakkhandhādikathāvaṇṇanā niṭṭhitā.

## 7. Ekaccamatthītikathā

### 1. Atītādi-ekaccakathāvaṇṇanā

299. Ye katūpacitā kusalākusalā dhammā vipākadānāya akatokāsā, katokāsā ca ye “okāsakatuppannā”ti vuccanti. Ye ca vipakatavipākā, te sabbepi “avipakkavipākā”ti veditabbā. Tesāṃ vipākadānasāmatthiyaṃ anapagatanti adhippāyena paravādī atthitaṃ icchati. Ye pana paravādī sabbena sabbaṃ vipakkavipākā kusalākusalā dhammā, tesāṃ apagatanti natthitaṃ icchati. Tenāha “atthīti ekaccaṃ atthi ekaccaṃ natthī”ti-ādi. Evaṃ icchantassa pana paravādino yathā avipākesupi ekaccaṃ natthīti āpajjati, evaṃ vipakkavipākesu avipakkavipākesu ca āpajjatevāti dassetuṃ “avipakkavipākā dhammā ekacce”ti-ādinā pāḷi pavattā. Tena vuttaṃ “**tiṇṇaṃ rāsīnaṃ vasenā**”ti-ādi. **Vohāravasenā**ti phalassa anuparamavohāravasena, hetukiccaṃ pana anuparataṃ anupacchinnaṃ atthīti laddhiyaṃ ṭhitattā codetabbova. Avicchedavasena pavattamānaṃ hi phalassa pabandhavohāraṃ paravādī vohārato atthīti icchati, hetu panassa kammaṃ paramatthato ca kammūpacayavādibhāvato

patti-appattisabhāvatādayo viya cittavippayutto kammūpacayo nāma eko saṅkhāradhammo avipanno, sopi tasseva vevacananti paravādī. Yaṃ sandhāyāha—

“Nappacayanti kammāni, api kappasahassato.  
Patvā paccayasāmaggiṃ, kāle paccanti pāṇinan”ti.

Yaṅca sandhāya parato paribhogamayapuññakathāya “paribhogamayam pana cittavippayuttam uppajjatīti laddhiyā paṭijānātī”ti vakkhati.

Ekaccamatthītikathāvaṇṇanā niṭṭhitā.

### 8. Satipaṭṭhānakathāvaṇṇanā

301. **Paramatthasatipaṭṭhānattā**ti etena lokuttarāya eva sammāsatiyā tattḥāpi maggabhūṭāya nippariyāyena sati paṭṭhānabhāvo niyyānikattā itarāya pariyāyenāti dasseti. Maggaphalasammāsatiyā dhammānussatibhāvapariyāyo atthīti

“**lokiyalokuttarasatipaṭṭhānasamudāyabhūtassā**”ti vuttam.

**Satisamudāyabhūtassa** na satigocarabhūtassāti adhippāyo. Satigocarassa hi satipaṭṭhānatam codetum pāṇiyam “cakkhāyatanam satipaṭṭhānan”ti āraddham. Tena vuttam “**sabbadhammānam pabhedapucchāvasena vuttan**”ti. Suttasāadhanāyam pana paṭhamam lokiyasatipaṭṭhānavasena, dutiyam missakavasena, tatiyam lokuttaravasena dassitanti vedittabham.

Satipaṭṭhānakathāvaṇṇanā niṭṭhitā.

### 9. Hevatthikathāvaṇṇanā

304. Hevatthikathāyam “sabbo dhammo sakabhāvena atthi parabhāvena natthī”ti pavatto paravādīvādo yathā vibhajja paṭipucchā vā na byākātabbo, evam ekamsato na byākātabbo visesābhāvato, kevalam ṭhapanīyapakkhe tiṭṭhatīti adhippāyenāha “**avattabbuttarenā**”ti. Yathā hi

sabbe vādā sappatīvādāvāti paṭiññā bhūtakathanattā avattabbuttarā upekkhitabbā, evamayampīti veditabbarā. Tenāha **“upekkhitabbenā”**ti. Atha vā avattabbarā uttarā **avattabbuttarā**. Yathā aniccavādinā pati anicco saddo paccayādhīnavuttitoti, uttarā na vattabbarā siddhasāadhanabhāvato, evaṃ idhāpi daṭṭhabbarā. Siddhasāadhanā hi daḍḍhassa ḍahanasadisattā niratthakameva siyā, aṭṭhakathāyā pana yasmā paravādinā yena sabhāvena yo dhammo atthi, teneva sabhāvena so vinā kālabhedādirāmasanena natthīti paṭiṭṭhāpīyati, tasmā **“ayoniso paṭiṭṭhāpitattā”**ti vuttaṃ.

Ettha ca “hevatti, hevaṃ natthi”ti paṭijānanta paravādinā yathā saparabhāveti rūpādīnaṃ atthitā paṭiññātā, evaṃ kāladesādibhedehipi **anāgatapaccuppannāni vā atītādivasena natthi**”ti. Evaṃ sati nigaṇṭhācelakavādo paridīpito siyā. Te hi “siyā atthi, siyā natthi, siyā atthi ca natthi cā”ti-ādinā sabbapadatthesu pattabhāge paṭijānanti. Tattha yadi vatthuno sabhāveneva, desakālasantānavasena vā natthitā adhippetā, tam siddhasāadhanā sakavādinopi icchitattā. Yassa hi dhammassa yo sabhāvo, na so tato aññathā upalabbhati. Yadi upalabbheyya, añño eva so siyā. Na cettha sāmāññalakkhaṇā nīdassetabbarā salakkhaṇassa adhippetattā tassa natthibhāvassa abhāvato. Yathā ca parabhāvena natthitāya na vivādo, evaṃ desakālantaresupi ittarakālattā saṅkhārānaṃ. Na hi saṅkhārā desantaraṃ, kālantaraṃ vā saṅkamanti khaṇikabhāvato. Eteneva pariyañtarena natthitāpi paṭikkhittā veditabbā. Yathā ca atthitā, natthitā vinā kālabhedena ekasmiṃ dhamme paṭiṭṭhānaṃ na labhanti aññamaññaviruddhattā, evaṃ sabbadāpi niccattā.

Yaṃ pana te vadanti “yathā suvaṇṇānaṃ kaṭakādirūpena ṭhitānaṃ rucakādiabhāvaṃ āpajjatīti niccāniccaṃ. tañhi suvaṇṇabhāvāvijahanato niccaṃ kaṭṭhakādi bhāvahānito aniccaṃ, evaṃ sabbadhammā”ti. Te idaṃ vattabbā “kiṃ kaṭakabhāvo kaṭakassa, udāhu suvaṇṇassa”ti. Yadi kaṭakassa, suvaṇṇanirapekkho siyā tadaññabhāvo viya. Atha suvaññassa, niccakālaṃ tattha upalabbheyya suvaṇṇabhāvo viya. Na ca sakkā ubhinnaṃ ekabhāvoti vattuṃ kaṭakavināsepi suvaṇṇāvināsato. Atha mataṃ, suvaṇṇakaṭakādīnaṃ

pariyāyīpariyāyabhāvato nāyaṃ dosoti. Yathā hi kaṭakapariyāyanirodhena rucakapariyāyuppādepi pariyāyī tatheva tiṭṭhati, evaṃ manussapariyāyanirodhe devapariyāyuppādepi pariyāyī jīvadrabyaṃ tiṭṭhatīti niccāniccaṃ, tathā sabbadrabyānīti. Tayidaṃ ambaṃ puṭṭhassa labujabyākaraṇaṃ. Yaṃ sveva nicco aniccoti vā vadanto aññattha niccataṃ aññattha aniccataṃ paṭijānāti, atha pariyāyapariyāyīnaṃ anaññatā icchitā, evaṃ sati pariyāyopi nicco siyā pariyāyino anaññattā pariyāyasarūpaṃ viya, pariyāyī vā anicco pariyāyato anaññattā pariyāyasarūpaṃ viyāti. Atha nesaṃ aññā anaññatā, evaṃ sati vuttadosadvayānativatti. Apica koyāṃ pariyāyo nāma, yadi saṅṭhānaṃ, suvaṇṇo tāva hotu, kathaṃ jīvadrabye arūpibhāvato. Yadi tassapi saṅṭhānavantaṃ icchitaṃ, tathā satissa ekasmimpi sattasantāne bahutā āpajjati sarūpatā ca saṅṭhānavantesupi pīlakādīsu tathādassanato. Atha pavattiviseso, evampi bahutā khaṇikatā ca āpajjati, tasmā pariyāyasarūpameva tāva patiṭṭhapetabbaṃ.

Yaṃ pana vuttaṃ “suvaṇṇaṃ kaṭakādirūpena ṭhitaṃ”ti, tattha sampattiyogato viññāyamānesu visiṭṭhesu rūpagandharasaphoṭṭhabbesu kiṃ ekaṃ, udāhu tesāṃ samudāyo, tabbinimuttaṃ vā dhammantaraṃ suvaṇṇanti? Tattha na tāva rūpādīsu ekekaṃ suvaṇṇaṃ tena suvaṇṇakiccāsiddhito, nāpi tabbinimuttaṃ dhammantaraṃ tādisassa abhāvato. Atha samudāyo, taṃ pana paññattimattanti na tassa niccatā, nāpi aniccatā sambhavati. Yathā ca suvaṇṇassa, evaṃ kaṭakassapi paññattimattattāti. Tayidaṃ nidassanaṃ paravādino jīvadrabyassapi paññattimattaṃ tasseva sādhetīti kuto tassa niccāniccatāti alamatippapañcena.

Hevatthikathāvaṇṇanā niṭṭhitā.

Mahāvaggavaṇṇanā niṭṭhitā.

## 2. Dutiyavagga

### 1. Parūpahāraṇṇanā

307. **Vikkhambhitarāgāva** avikkhambhitarāgānaṃ adhimānikatāya asambhavatoti yāva adhimānikaṃ, tāva sampajānā niddaṃ okkamantīti adhippāyo.

“Adhimānikānan”ti idaṃ bhūtapubbagatiyā vuttanti āha “**adhimānikapubbā adhippetā siyun**”ti.

308. Yaṃ vimatigāhakāraṇaṃ vuccamānaṃ, taṃ “handā hī”ti paraṃ jotetīti adhippāyenaṃha “**kāraṇattheti yuttan**”ti. Vimatigāhassa pana nicchitataṃ “handā hī”ti paraṃ jotetīti vuttaṃ “**vacasāyatthe**”ti.

Parūpahāraṇaṇā niṭṭhitā.

### 5. Vacībhedakathāvaṇṇanā

326. Soti paṭhamamaggaṭṭho. **Tasmāti** yasmā “virajāṃ vītamalaṃ dhammacakkhuṃ udapādi ‘yaṃ kiñci samudayadhammaṃ, sabbaṃ taṃ nirodhadhammaṃ’ti” suttassa atthaṃ aññathā gahetvā udayabbayānupassanānissandena maggakkhaṇepi dukkhanti vipassanā upaṭṭhāti, tasmā “so dukkhamicceva vācaṃ bhāsati”ti vadanti.

328. **Ichiteti** paravādinā sampaṭicchite. **Āropiteti** yuttiniddhāraṇena tasmim atthe paṭiṭṭhāpīte yujjati, vacīsamuṭṭhāpanakkhaṇato pana pacchā taṃ saddaṃ suṇāti icchite na yujjati sotaviññāṇassa paccuppanārammaṇattāti adhippāyo. Yasmā pana attanā nicchāritam saddaṃ attanāpi suṇāti, tasmā sotaviññāṇaṃ “yena taṃ saddaṃ suṇāti”ti aṭṭhakathāyaṃ vuttanti daṭṭhabbaṃ.

332. **Lokuttaramaggakkhaṇeti** paṭhamajjhānikassa paṭhamamaggassa khaṇe. **Abhibhūsuttāharaṇe adhippāyo vattabboti** etena tadāharaṇassa asambandhataṃ dasseti. Tenāha “**tasmā asādhakan**”ti.

Vacībhedakathāvaṇṇanā niṭṭhitā.

### 7. Cittaṭṭhitikathāvaṇṇanā

335. **Evanti** “ekacittaṃ yāvatāyukaṃ tiṭṭhati”ti vuttākārena. **Aññatthāti** arūpabhavato aññasmim. **Etenāti** “ekameva cittaṃ āruppe

tiṭṭhati, yāvatāyukam tiṭṭhati”ti evamvādinā **dutiyāpi aḍḍhakathā passitabbā** paṭhamakathāya cirakālāvaṭṭhānavacanassa aññadatthu bhāvavibhāvanatoti adhippāyo. **Purimāyāti** “yāvatāyukam tiṭṭhati”ti pañhato purimāya. Tattha hi “vassasatam tiṭṭhati”ti pucchāya “āmanta”ti anuññā katā, pacchimāyam pana “manussānam ekam cittam yāvatāyukam tiṭṭhati”ti “na hevam vattabbe”ti paṭikkhepo kato. **Avirodho vibhāvetabbo**, yato tattheva anuññā katā, na pacchāti adhippāyo. **Vassasatādīti** ca ādi-saddena na kevalam “dve vassasatāni”ti evamādiyeva saṅgahitam, atha kho “ekam cittam divasam tiṭṭhati”ti evamādiṭṭi daṭṭhabbam. **“Muhuttam muhuttam uppajjati pañho sakavādinā pucchito viya vutto”**ti idam vicāretabbam. “Muhuttam muhuttam uppajjati”ti pañho paravādissa. “Uppādavayadhammino”ti-ādisuttatthavasena paṭiññā sakavādissāti hi vuttam.

Cittaṭṭhitikathāvaṇṇanā niṭṭhitā.

### 9. Anupubbābhisamayakathāvaṇṇanā

339. “Tāni vā cattāripi ñāṇāni eko sotāpattimaggoyevāti paṭijānāti”ti imam sandhāyāha **“atha vā”**ti-ādi. **Catunnam ñāṇānanti** dukkheñāṇādīnam catunnam ñāṇānam. **Ekamaggabhāvatoti** sotāpatti-ādi-ekamaggabhāvato. Kamena pavattamānānīpi hi tāni ñāṇāni tamtamaggakiccassa sādhanato ekoyeva maggo hotīti adhippāyo. Tenāha **“ekamaggassa -pa- paṭijānāti”**ti.

344. **Dassaneti** maggadassane.

345. Dhammatthānam hetuphalabhāvato dhammatthapaṭisambhidānam siyā sotāpattiphalahetutā, tadabhāvato na itarapaṭisambhidānanti āha **“nirutti -pa- vicāretabbam”**ti. Sabbāsampi pana paṭisambhidānam paṭhamaphalāsacchikiriyaṅhetutā vicāretabbā maggādhigameneva laddhabbattā phalānam viya, tasmā “aṭṭhahi ñāṇehī”ti ettha nikkhepakāṇḍe āgatanayena dukkhādiñāṇānam pubbantādiñāṇānañca vasena “aṭṭhahi ñāṇehī”ti yuttam viya dissati.

Anupubbābhisamayakathāvaṇṇanā niṭṭhitā.



### 10. Vohārakathāvaṇṇanā

347. **Visayavisayīsūti** rūpacakkhādike sandhāyāha. Te hi rūpakkhandhapariyāpannattā ekantena lokiyā. **Visayassevāti** saddasseva. So hi voharitabbato vohārakaraṇatāya ca “vohāro”ti pāliyaṃ vutto. **Natthettha kāraṇaṃ** visayīnaṃ visayassapi āsavādi-anārammaṇatābhāvato. **Asiddhalokuttarabhāvassa** ekantasāsavattā **tassa** saddāyatanassa yathā lokuttaratā tava matenāti adhippāyo.

**Paṭihaññeyyāti** idaṃ parikappavacanaṃ. Parikappavacanañca ayāthāvanti āha “**na hi -pa- atthī**”ti. Na hi jalaṃ analanti parikappitaṃ dahati pacati vā. Kiṃ lokiyena ñāṇena jānitabbato lokiyo rūpāyatanādi viya, udāhu lokuttaro paccavekkhiyamānamaggādi viyāti evamettha hetussa **anekantabhāvo** veditabbo. Tenāha “**lokiye lokuttare ca sambhavato**”ti.

Vohārakathāvaṇṇanā niṭṭhitā.

### 11. Nirodhakathāvaṇṇanā

353. **Yesaṃ dvinnanti** yesaṃ dvinnaṃ dukkhasaccānaṃ. **Dvīhi nirodhehīti** appaṭisaṅkhāpaṭisaṅkhāsāṅkhātehi dvīhi nirodhehi. Tattha dukkhādīnaṃ paṭi saṅkhāti paṭisaṅkhā, paññāviseso. Tena vattabbo nirodho paṭisaṅkhānirodho. Yo sāsavehi dhammehi visaṃyogoti vuccati, yo paccayavekallena dhammānaṃ uppādassa accantavibandhabhūto nirodho, so paṭisaṅkhāya navattabbato appaṭisaṅkhāni rodho nāmāti paravādino laddhi. **Paṭisaṅkhāya vinā niruddhāti** paccayavekallena anuppattim sandhāya vuttaṃ. Tenāha “**na uppajjitvā bhaṅgā**”ti. Anuppādopi hi nirodhoti vuccati yato “imassuppādā idaṃ uppajjati”ti lakkhaṇuddesassa paṭilome “imassa nirodhā idaṃ nirujjhati”ti dassito. **Tenāti** paṭisaṅkhāya nirodhassa khaṇikanirodhassa ca idha nādhippetattā.

Nirodhakathāvaṇṇanā niṭṭhitā.

Dutiyavaggavaṇṇanā niṭṭhitā.

### 3. Tatiyavagga

#### 1. Balakathāvaṇṇanā

354. **Niddesatoti** “aṭṭhānametaṃ anavakāso”ti-ādinā niddiṭṭhappakārato. So pana yasmā vitthāro hoti, tasmā vuttam **“vitthārato”**ti. **Sabbam** kilesāvaraṇādiṃ, tameva paccekam pavatti-ākārabhedato **sabbākāram**. “Sabbam”ti hi idam sarūpato gahaṇam, “sabbākārato”ti pavatti-ākārabhedato. Bhagavā hi dhamme jānanto tesam ākārabhede anavasesetvāva jānāti. Yathāha “sabbe dhammā sabbākārato buddhassa bhagavato ñāṇamukhe āpātham āgacchanti”ti<sup>1</sup>. **Uddesatoti** ekadesato. Ekadeso ca vitthāro na hotīti āha **“saṅkhapatto”**ti. Yathā jānantīti sambandho. **Uddesamattenapīti** diṭṭhigatayathābhūtañāṇādippabhedānam āsayādīnam uddesamattenapi. Tenāha **“indriyānam tikkhamudubhāvajānanamattam sandhāyā”**ti. **Therenāti** anuruddhattherena. **Evamevāti** uddesato ṭhānādimmattajānanākāreneva. Svāyamatto sakavādināpi icchitoyevāti āha **“kāthamayam codetabbo siyā”**ti.

356. **Sesesūti** indriyaparopariyattañāṇato sesesu. **Paṭikkhepoti** asādhāraṇatāpaṭikkhepo. Nanu ca sesānam asādhāraṇatāpi atthīti codanam sandhāyāha **“ṭhānā -pa- adhippāyo”**ti.

Balakathāvaṇṇanā niṭṭhitā.

#### 2. Ariyantikathāvaṇṇanā

357. **Saṅkhāre sandhāya paṭijānantassāti** diṭṭhiyā parikappitena sattena suññe saṅkhāre sandhāya “suññatañca manasi karotī”ti pucchāya “āmanta”ti paṭijānantassa. **Dvinnam phassānam samodhānam katham āpajjati** ṭhānāṭhānabhūte saṅkhāre vuttanayena suññattam manasi karontassāti adhippāyo. **Yathāvuttanayenāti** “diṭṭhiyā parikappitena sattena

---

1. Khu 7. 277; Khu 8. 175; Khu 9. 376 piṭṭhesu.

suññā pañcakkhandhā”ti pakārena nayena. Atha vā **yathāvuttanayenā**ti “**ṭhānāṭhānāmanasikāro sañkhārārammaṇo, suññatāmanasikāro nibbānārammaṇo**”ti evaṃ vuttanayena. “Sañkhāre sandhāya paṭijānantassā”ti vuttattā “**dvinnam phassānam samodhānam katham āpajjati**”ti āha. Sattasuññatāya suññattepi sañkhārānam añño va ṭhānāṭhānāmanasikāro, añño suññatāmanasikāroti yujjateva dvinnam phassānam samodhānāpatticodanā, sañkhāre sandhāya paṭijānantassa pana katham ariyabhāvasiddhi ṭhānāṭhānāññādīnanti vicāretabbaṃ. Kim vā etāya yutticintāya. Ummattakapacchisadiso hi paravādivādo. Aññesu ṭhānesu idisesu eseva nayo. **Āropetvā**ti itthipurisādi-ākāraṃ, sattākārameva vā asantaṃ rūpādi-upādāne āropetvā. Abhūtāropanaṅhettha paṇidahananti adhippetāṃ. Tenāha “**parikappanavasenā**”ti. **Soti yathāvutto paṇidhi. Ekasmimpi** khandhe.

Ariyantikathāvaṇṇanā niṭṭhitā.

#### 4. Vimuccamānakathāvaṇṇanā

366. Maggakkhaṇe cittaṃ ekadesena vimuttaṃ ekadesena avimuttanti ayaṃ “vimuttaṃ vimuccamānan”ti laddhiyā doso. Tathā hi vuttaṃ “**ekadesaṃ vimuttaṃ. Ekadesaṃ avimuttan**”ti. Aṭṭhakathāyañca “taṃ hi tadā samucchadavimuttiyā vimuttekaḍḍhesena vimuccamānantissa laddhī”ti dassitovāyamattho. **Vippakathaniddeseti** vimuccanakiriyāya apariyositaṅnidese. Yaṃ sandhāyāha “**vimuttaṃ vimuccamānanti vippakatabhāvena vuttattā**”ti. **Tenā**ti paravādinā. **Vimucca -pa- vuttaṃ** vimuccamānassa vimuttabhāvābhāvato, vimuttabhedenā pana tathā vuttanti adhippāyo. Sati ca dose vippakataniddeseti ānetvā yojetabbaṃ. **Ekadeso visesanaṃ hoti** nippadesavimuttiyā avicchinnato. **Phalacittēnā**ti paṭhamaphalacittēna uppannena.

Vimuccamānakathāvaṇṇanā niṭṭhitā.

### 5. Aṭṭhamakakathāvaṇṇanā

368. **Pahīnā nāma bhaveyyurū**, na paḥiyamānāti adhippāyo.

Aṭṭhamakakathāvaṇṇanā niṭṭhitā.

---

### 6. Aṭṭhamakassa-indriyakathāvaṇṇanā

371. Lokuttarānaṃyeva saddhādīnaṃ indriyabhāvo, na lokiyānanti paravādino adhippāyavasenāha “**appaṭiladdhindriyattā**”ti-ādi. Tattha **niyyānikāni bhāventoti** yathā niyyānikā honti, evaṃ uppādentō brūhento vā. Indriyabhāvaṃ pana pattesu tesu puna bhāvanākiccaṃ natthīti tassa adhippāyoti dassento āha “**na pana indriyāni bhāvento**”ti.

Aṭṭhamakassa-indriyakathāvaṇṇanā niṭṭhitā.

---

### 7. Dibbacakkhukathāvaṇṇanā

373. Visinoti visesena bandhati visayīnaṃ attapaṭibandhaṃ karotīti **visayo**, ārammaṇaṃ, anubhavati etenāti **ānubhāvo**, sāmattiyaṃ, balanti attho, gocarakaraṇaṃ **gocaro**, visaye ānubhāvagocarā **visaya -pa- carāti**. Tehi yathā visiṭṭhaṃ visesaṃ hoti, tathā paccayabhūtena jhānadhammena āhitabalaṃ **katabalādhānaṃ**. Visayaggahaṇaṃcetta ānubhāvagocarakaraṇānaṃ pavattiṭṭhānadassanaṃ yathassa tehi upatthaddhattā balādhānaṃ pākaṭaṃ hoti. Tenāha “**yādise visaye**”ti-ādi. Balādhānaṃca uttarimanussadhammato mahaggatadhammavisesato uppannehi paṇītehi cittajarūpehi visesāpatti. Yaṃ nissāya parāvuttīti eke vadanti. **Purimaṃ maṃsacakkhumattamevāti** yathāvuttabalādhānato purimaṃ maṃsacakkhumattameva. **Vadanto** saṅgahakāro. **Visayaggahaṇaṃ** pāḷiyāṃ kataṃ. **Na visayavisesadassanattanti** na visayassa visesasadassanattamaṃ. Yato ubhinnaṃpi rūpāyatanaṃeva visayoti visayassa sadisaṭaṃ avisesaṃ āha, sadisassa vā visesaṃ dīpetīti yojanā.

**Dhammupatthaddha -pa- adhippāyo**, aññathā laddhiyeva na siyāti bhāvo. **Maggoti** upāyo, kāraṇanti attho. Pakaticakkhumato eva hi dibbacakkhu uppajjati. Kasmā? Kasiṇālokaṃ vaḍḍhetvā dibbacakkhuñāṇassa uppādanam, so ca kasiṇamaṇḍale uggahanimittena vinā natthi, tasmā vuttaṃ “**maṃsacakkhupaccayatādassanattameva vuttan**”ti. **Tenāti** “maggo”ti vacanena. **Rūpāvacarajjhānapaccayenāti** rūpāvacarajjhānena paccayabhūtena **uppannāni** rūpāvacarajjhānaccittasamuṭṭhitāni. Jhānakammasamuṭṭhitesu vattabbameva natthi. Tassa hesā laddhi.

374. **Yena** dibbacakkhuno paññācakkhubhāvassa icchanena paṭijānanena. **Tiṇi cakkhūni** maṃsadibbapaññācakkhūni **cakkhantarabhāvaṃ vadato bhaveyyum**, tasmā taṃ na icchatīti attho.

Dibbacakkhukathāvaṇṇanā niṭṭhitā.

### 9. Yathākammūpagaññakathāvaṇṇanā

377. Dibbacakkhupādakattā “**yathākammūpagaññassa upanissaye dibbacakkhumhi**”ti vuttaṃ, **na yathākammūpagatajānanakiccake dibbacakkhumhi** tassa taṃkiccatābhāvato. Yato yaṃ anaññaṃ, tampi tato anaññamevāti āha “**iminā -pa- bhavitabban**”ti. Tattha **atthantarabhāvaṃ nivāretīti** dibbacakkhuñāṇassa pakkhikattā yathākammūpagaññassa tato atthantarabhāvaṃ nivāreti. Tassa hi taṃ paribhaṇḍaññaṃ. **Dibbacakkhussa yathākammūpagaññato atthantarabhāvaṃ na nivāreti** atappakkhikattāti adhippāyo. Dibbacakkhussa yathākammūpagaññakiccatā paravādinā icchitā, na yathākammūpagaññassa dibbacakkhukiccatāti tamatthaṃ “yathākammūpagaññameva dibbacakkhu”ti ettha yojetvā dassento “**eva-saddo cā**”ti-ādimāha.

Yathākammūpagaññakathāvaṇṇanā niṭṭhitā.

### 10. Saṃvarakathāvaṇṇanā

379. **Āṭānāṭiyasutte** “santi bhikkhave yakkhā yebhuyyena pāṇātipātā appaṭiviratā”<sup>1</sup> āgatattā cātumahārājikānaṃ saṃvarāsaṃvarasabbhāvo avivādasiddho. Yattha pana vivādo, tameva dassentena tāvatimsādayo gahitāti imamattamaṃ dassetuṃ “**cātumahārājikānaṃ**”<sup>2</sup> ti vuttaṃ. **Evaṃ satīti** yadi tāvatimsesu saṃvarāsaṃvaro natthi, evaṃ sante. **Sutāpānanti** etthāpi “suyyati”<sup>2</sup> ti padaṃ ānetvā sambandhitabbaṃ. Kathaṃ suyyatīti? Vuttañhetam **kumbhajātake**<sup>2</sup>—

“Yaṃ ve pivitvā pubbadevā pamattā,  
Tidivā cutā sassatiyā samāyā.  
Taṃ tādisaṃ majjamimaṃ nirattham,  
Jānaṃ mahārāja kathaṃ piveyyā”<sup>2</sup> ti.

Tattha **pubbadevā** nāma asurā. Te hi tāvatimsānaṃ uppattito pubbadevatī paññāyimsu. **Pamattāti** surāpānena pamādaṃ āpannā. **Tidivāti** manussacātumahārājikaloke upādāya tatiyalokabhūtā devaṭṭhānā, nāmameva vā etaṃ tassa devaṭṭhānassa. **Sassatiyāti** kevalaṃ dīghāyukataṃ sandhāya vadati. **Samāyā** saha attano asuramāyāya, asuramantehi saddhiṃ cutāti attho. Aṭṭhakathāyañca vuttaṃ “āgantukadevaputtā āgatāti nevāsikā gandhapānaṃ sajjayimsu. Sakko sakaparisāya saññāmadāsī”<sup>2</sup> ti. Tenāha “**tesaṃ surāpānaṃ asaṃvaro na hotīti vattabbaṃ hotī**”<sup>2</sup> ti. Ettha ca tāvatimsānaṃ pātubhāvato paṭṭhāya surāpānampi tattha nāhosi, pageva pāṇātipātādayoti vīramitabbābhāvato eva tāvatimsato paṭṭhāya upari devalokesu samādānasampattavirativasena puretabbā saṃvarā na santi, lokuttarā pana santiyeva. Tathā tehi pahātabbā asmāvarā. Na hi appahīnānusayānaṃ maggavajjhā kilesā na santīti.

Saṃvarakathāvaṇṇanā niṭṭhitā.

Tatiyavaggavaṇṇanā niṭṭhitā.

1. Dī 3. 158, 167 piṭṭhesu.

2. Khu 5. 364 piṭṭhe.

#### 4. Catutthavagga

##### 1. Gihissa-arahatikathāvaṇṇanā

387. **Gihichandarāgasampayuttatāyāti** gihibhāve kāmabhogibhāvo chandarāgasahitatāya.

Gihissa-arahātikathāvaṇṇanā niṭṭhitā.

---

##### 4. Samannāgatakathāvaṇṇanā

393. **Pattinti** adhigamo. Adhigamo nāma samannāgamo hotīti pāḷiyam catūhi phassādīhi samannāgamo coditoti daṭṭhabbam.

Samannāgatakathāvaṇṇanā niṭṭhitā.

---

##### 5. Upekkhāsamannāgatakathāvaṇṇanā

397. **Sabbam yojetabbanti** ettha yadi te arahā catūhi handhehi viya chahi upekkhāhi samannāgato, evam sante cha upekkhā paccekam phassādisahitāti “chahi phassādīhi samannāgato”ti-ādinā yojetabbam.

Upekkhāsamannāgatakathāvaṇṇanā niṭṭhitā.

---

##### 6. Bodhiyābuddhotikathāvaṇṇanā

398. **Pattidhammavasenāti** “pattidhammo nāmā”ti-ādinā vuttassa cittavippayuttassa saṅkhārassa vasena. “Bodhiyā buddho”ti **pucchā**. “Bodhiyā niruddhāya vigatāya paṭippassaddhāya abuddho hoti”ti **anuyogo**. Evamaññatthāpi pucchānuyogā veditabbā.

Bodhiyābuddhotikathāvaṇṇanā niṭṭhitā.

### 7. Lakkhaṇakathāvaṇṇanā

402. **Tasmāti** yasmā abodhisattassapi cakkavattino lakkhaṇehi samannāgamo bodhisattassapi carimabhavato aññattha asamannāgamo hoti, tasmā lakkhaṇasamannāgato bodhisattovāti imassatthassa asādhakam. Tenāha “**ābhatampi anābhatasadisamevā**”ti.

Lakkhaṇakathāvaṇṇanā niṭṭhitā.

### 8. Niyāmokkantikathāvaṇṇanā

403. **Pāramīpūraṇanti** idaṃ bodhicariyāya upalakkhaṇam, na pāramīnaṃ puṇṇabhāvadassanaṃ. Tena tesam ārambhasamādānādīnampi saṅgaho katoti daṭṭhabbam. mahābhinihārato paṭṭhāya hi mahāsattā niyatāti vuccanti. Yathāha—“evam sabbaṅgasampannā, bodhiyā niyatā narā”ti<sup>1</sup>, “dhuvam buddho bhavissati”ti<sup>2</sup> ca, na niyāmassa nāma kassaci dhammassa uppannattā byākaronti, atha kho ekaṃsenāyaṃ pāramiyo pūretvā buddho bhavissatīti katvā byākarontīti paravādīparikappitaṃ dhammantaram paṭisedheti, na bodhiyā niyatattaṃ. Tenāha “**kevalañhi nan**”ti-ādi.

Niyāmokkantikathāvaṇṇanā niṭṭhitā.

### 10. Sabbasaṃyojanappahānakathāvaṇṇanā

413. Satipi kesañci saṃyojanānaṃ heṭṭhimamaggehi pahīnatte “pañcannaṃ orambhāgiyānaṃ saṃyojanānaṃ parikkhayā”ti-ādīsu<sup>3</sup> viya vaṇṇabhaṇaṇamukhena anavasesatañca sandhāya sabbasaṃyojanappahānakittanaṃ pariyāyavacananti āha “**imaṃ pariyāyaṃ aggahetvā**”ti. **Arahattamaggena pajahanato evāti gaṇhātīti** aggamaggo eva sabbasaṃyojanāni pajahatīti laddhiṃ gaṇhātīti **vadanti** padakārā. **evam satīti** yadi anavasesatāmattena tathā paṭijānāti.

Sabbasaṃyojanappahānakathāvaṇṇanā niṭṭhitā.

Catutthavaggavaṇṇanā niṭṭhitā.

1. Abhi-Ṭṭha 1. 72; Apadāna-Ṭṭha 1. 55; Buddhavaṃsa-Ṭṭha 316; Cariyāpiṭaka-Ṭṭha 332; Jātaka-Ṭṭha 1. 53 piṭṭhesu.

2. Khu 4. 312-3 piṭṭhādīsu.

3. Ma 3. 124; Saṃ 3. 330 piṭṭhesu.



## 5. Pañcamavagga

### 1. Vimuttikathāvaṇṇanā

418. Phalañāṇaṃ na hoti, sesāni vipassanāmaggapaccavekkhaṇañāṇāni vimuttānīti na vattabbānīti sambandho. **Etthā**ti etesu catūsu ñāṇesu. **Vipassanāggahaṇena gahitaṃ**, maggādikkavidūrakiccattā vipassanāpariyosānattā ca.

Vimuttikathāvaṇṇanā niṭṭhitā.

---

### 2. Asekhañāṇakathāvaṇṇanā

421. Asekhe ārabha pavattattā asekhañāṇanti parassa laddhi, na asekhe asekhadhamme pariyāpannanti imamathamāha “**etena -pa- dasseti**”ti.

Asekhañāṇakathāvaṇṇanā niṭṭhitā.

---

### 3. Viparītakathāvaṇṇanā

424. Asive sivāti vohāraṃ viya aññāṇe **-pa- vadati**.

Viparītakathāvaṇṇanā niṭṭhitā.

---

### 4. Niyāmakathāvaṇṇanā

428-431. **Yanti** yaṃ ñāṇaṃ. **Saccānulomanti** saccappaṭivedhānukūlaṃ **viparītanuyogato pabhuti gaṇetvā “catutthan”ti āha** na aniyatassa niyāmagamanāyāti aviparītanuyogato pabhuti gaṇetvā, tathā sati pañcamabhāvato visesabhāvato ca.

Niyāmakathāvaṇṇanā niṭṭhitā.

### 5. Paṭisambhidākathāvaṇṇanā

432-433. **Sabbaṃ ñāṇanti** idaṃ “ariyānaṃ”ti iminā na viśesitanti adhippāyenaṃha “**anariyānampi hi ñāṇaṃ ñāṇamevā**”ti. Atha vā pāḷiyam avisesena sabbaṃ ñāṇanti vuttaṃ gahetvā evamaṃha. Ariyassa ce ñāṇanti, so pana paṭikkhepeyyāti āha “**anariyassa etaṃ ñāṇaṃ sandhāyā**”ti.

Paṭisambhidākathāvaṇṇanā niṭṭhitā.

---

### 7. Cittārammaṇakathāvaṇṇanā

436-438. **Vattabbapaṭiññāti** phassārammaṇe ñāṇaṃ vattabbaṃ cetopariyaññānti evaṃ pavattā paṭiññā.

Cittārammaṇakathāvaṇṇanā niṭṭhitā.

---

### 8. Anāgataññānakathāvaṇṇanā

439-440. **Anantarānāgatepi citte ñāṇaṃ icchanti**, tattha pana khaṇapaccuppanne viya tādisena parikammaṇa kadāci ñāṇaṃ uppajjeyya. Tenāha “**anantare ekanteneva ñāṇaṃ natthī**”ti.

Anāgataññānakathāvaṇṇanā niṭṭhitā.

---

### 9. Paṭuppannaññānakathāvaṇṇanā

441-442. “Sabbasaṅkhāresu aniccato diṭṭhesū”ti vutte yaṃ dassanabhūtaṃ ñāṇaṃ, tampi saṅkhārasabhāvattā tathādiṭṭhaṃ siyāti atthato āpajjati, evaṃbhūtaṃ vacanaṃ sandhāyāha “**atthato āpannaṃ vacanaṃ**”ti. Taṃ pana yasmā “tampi vacanaṃ aniccato diṭṭhaṃ hotī”ti paṭijānavasena pavattaṃ, tasmā “**anujānavacanaṃ**”ti vuttaṃ. **Bhaṅgānupassanānaṃ** pabandhavasena pavattamānānaṃ.

Paṭuppannaññānakathāvaṇṇanā niṭṭhitā.

### 10. Phalaññakathāvaṇṇanā

443-444. **Phalaparopariyattam** phalassa uccāvacaṭā. **Balenāti** ñāṇabalena.

Phalaññakathāvaṇṇanā niṭṭhitā.

Pañcamavaggavaṇṇanā niṭṭhitā.

Mahāpaṇṇāsako samatto.

### 6. Chaṭṭhavagga

#### 1. Niyāmakathāvaṇṇanā

445-447. **Etassa** ariyassa puggalassa.

Niyāmakathāvaṇṇanā niṭṭhitā.

#### 2. Paṭiccasamuppādakathāvaṇṇanā

451. **Kāraṇaṭṭhenā** ṭhitatāti kāraṇabhāvena byabhicaraṇābhāvamāha. Yo hi dhammo yassa yadā kāraṇam hoti, na tassa tadā aññathābhāvo atthi, sā ca atthato kāraṇabhāvoyevāti “**kāraṇabhāvoyevā**”ti āha.

Paṭiccasamuppādakathāvaṇṇanā niṭṭhitā.

#### 5. Nirodhasamāpattikathāvaṇṇanā

457-459. **Sabhāvadhammatam** paṭisedheti tadubhayalakkhaṇarahitassa sabhāvadhammassa abhāvā. “Vodānampi vuṭṭhānan”ti<sup>1</sup> vacanato “**vodānañca vuṭṭhāna-ariyāyovā**”ti āha. Sabhāvadhammatte siddhe saṅkhatavidūratāya asaṅkhataṃ siyāti āha “**sabhāvadhammatāsādhakattā**”ti.

Nirodhasamāpattikathāvaṇṇanā niṭṭhitā.

Chaṭṭhavaggavaṇṇanā niṭṭhitā.

---

1. Abhi 2. 357 piṭṭhe.

## 7. Sattamavagga

### 1. Saṅgahitakathāvaṇṇanā

471-472. **Saṅgahitā**ti saṅghaṇḍivasena saddhim gahitā. Te pana yasmā ekavidhatādisāmaññena bandhā viya honti, tasmā āha “**sambandhā**”ti.

Saṅgahitakathāvaṇṇanā niṭṭhitā.

---

### 2. Sampayuttakathāvaṇṇanā

473-474. Anuppavisitabbānuppavisānabhāvo tesam bhede sati yujjeyya, nāññathāti upamābhindanena upameyyassa bhinnatam dassento “**nānattava vatthā -pa- dasseti**”ti āha.

Sampayuttakathāvaṇṇanā niṭṭhitā.

---

### 3. Cetasikakathāvaṇṇanā

475-477. **Phassikādayoti** ettha **ādi**-saddo vavattthāvācī. Tena cittuppādadesanāyam dassitappabhedā vedanādayo gayhanti, na taṁsamuṭṭhānā rūpadhammāti āha “**ekuppādatādivirahitā saha-jātata natthi**”ti.

Cetasikakathāvaṇṇanā niṭṭhitā.

---

### 4. Dānakathāvaṇṇanā

479. **Phaladānabhāvādīpanatthanti** phaladānasabbhāvādīpanattham. **Phaladānam vuttam viya hoti**ti cittena phaladānam padhānabhāve vuttam viya hoti attho. Aññathā dānabhāvoti na sakkā vuttum. Dānabhāvopi hi “dānam aniṭṭhaphalan”ti-ādinā vuttovēvāti. **Tannivāraṇatthanti** phaladānanivāraṇattham. **Etanti** “dānam aniṭṭhaphalan”ti-ādivacanam. Bhesajjādivasena ābādhāniṭṭhatā deyyadhammassa aniṭṭhaphalatāpariyāyo daṭṭhabbo.

Katham̄ theva suttam̄ sakavāḍiparavāḍivāḍesu yujjati codanāya “**na pana ekenatthenā**”ti vuttam̄ vibhāvetum̄ “**deyyadhammova dānan**”ti-āḍi vuttam̄. Tattha nivattanapakkheyeva eva-kāro yutto, na sādhanapakkhe dvinnampi dānabhāvassa icchittā. Tenāha “**cetasikovāti attho datṭhabbo, deyyadhammovā**”ti ca. Tenevāha “**dvinnam̄ hi dānānan**”ti-āḍi. **Saṅkarabhāvamocanattanti** satipi dānabhāve sabhāvasaṅkaramocanattam̄. Tenāha “**cetasikassā**”ti-āḍi.

Dānakathāvaṇṇanā niṭṭhitā.

### 5. Paribhogamayapuñṇakathāvaṇṇanā

485. **Tassā laddhiyāti** pañcannaṃ viññāṇaṇaṃ samodhānaṃ hotīti laddhiyā. **Etesanti** vattamānacittaparibhogamayapuñṇānaṃ.

486. **Ayam̄ vādo hīyati** paribhogasseva abhāvato. **Cāgacetanāya eva puñṇabhāvo**, na cittavippayuttassa. **Evanti** iminā pakārena, aparibhutte deyyadhamme puñṇabhāvenāti attho. Aparibhutte deyyadhamme puñṇabhāvato eva hi puthujjanakāle dinnam̄ arahā hutvā paribhuñjante tampi puthujjane dānamevāti nicchitam̄. Paravāḍīpaṭikkhepamukhena sakavāḍam̄ patiṭṭhāpeti paṭhamo atthavikappo, dutiyo pana ujukameva sakavāḍam̄ patiṭṭhāpetīti ayametesam̄ viseso.

Paribhogamayapuñṇakathāvaṇṇanā niṭṭhitā.

### 6. Itodinnakathāvaṇṇanā

488-491. **Teneva cīvarāḍidānenāti** anumodanaṃ vinā dāyakena pavattitacīvarāḍidānena. Tenāha “**sayam̄katena kammunā vināpī**”ti. **Iminā kāraṇenāti** anumoditattāva tesam̄ tattha bhogā uppajjantīti etena kāraṇena. **Yadi yanti-āḍi** paravāḍino laddhipatiṭṭhā panākāradassanaṃ. Tattha **yadi na yāpeyyum̄, katham̄ anumodeyyum̄, cittam̄**

pasādeyyum, pītim uppādeyyum, somanassam paṭilabheyyunti ekacce aññe pete anumodanādīni katvā yāpente disvā anumodanādīni katvā yāpente disvā anumodanādīni karonti, tasmā te ito dinnena yāpentīti adhippāyo.

Itodinnakathāvaṇṇanā niṭṭhitā.

### 7. Pathavīkammavipākotikathāvaṇṇanā

492. **Attavajjehīti** phassavajjehi. Na hi so eva tena sampayutto hoti. **Soti** phassameva paccāmasati. **Sāvajjaneti** āvajjanasahite, āvajjanam purecārikam katvā eva pavattanaketi attho. **Kammūpanissayabhūtamevāti** yena kammunā yathāvuttā phassādayo nibbattitā, tassa kammassa upanissayabhūtameva. **Dukkhasāti** āyatim uppajjanakadukkhassa. “Mūlatanāhā”ti dassētīti yojanā, tathā “**upanissayabhūtan**”ti etthāpi. Kammāyūhanassa kāraṇabhūtā purimasiddhā taṇhā kammassa **upanissayo**, katūpacite kamme bhavādīsu namanavasena pavattā hi vipākassa upanissayo.

493. Okāsakatuppannam akhepetvā parinibbānabhāvo **sakasamayavasena codanāya yujjamānatā**.

494. **Kamme satīti** iminā kammassa pathavī-ādīnam paccayatāmattamāha, na janakattam. Tenāha “**taṁsaṁvattanikam nāma hotī**”ti.

Pathavīkammavipākotikathāvaṇṇanā niṭṭhitā.

### 8. Jarāmarāṇamvipākotikathāvaṇṇanā

495. **Ekārammaṇāti** idam anārammaṇatāsādhanavasena sampayogalakkhaṇābhāvassa uddhaṭṭatā vuttam, na tasseva sampayogalakkhaṇattā.

496. **Abyākatānanti** vipākābyākatānam. Itarattha vattabbameva natthi.

497. **Tanti** “aparissuddhavaṇṇatā jarāyevā”ti vacanam.

Jarāmarāṇamvipākotikathāvaṇṇanā niṭṭhitā.

## 10. Vipākovipākadhammadhammotikathāvaṇṇanā

501. Vipāko vipākassa paccayo honto aññamaññapaccayo hotīti adhippāyenāha “**yassa vipākassa vipāko aññamaññapaccayo hotī**”ti. “Tappaccayāpi aññassa vipākassa uppattiṃ sandhāyā”ti-ādivacanato pana jātijarāmarañādīnaṃ upanissayapaccayoti sakkā viññātum. **Purimapaṭiññāyāti** “vipāko vipākadhammadhammo”ti paṭiññāya. **Imassa codanassāti** “vipāko ca vipākadhammadhammo cā”ti-ādinā pavattassa codanassa.

Vipākovipākadhammadhammotikathāvaṇṇanā niṭṭhitā.

Sattamavaggavaṇṇanā niṭṭhitā.

## 8. Aṭṭhamavagga

### 1. Chagatikathāvaṇṇanā

503-504. Vaṇṇā eva nīlādivasena nibhātīti **vaṇṇanibhā**, vaṇṇāyatananti attho. **Sanṭhānaṃ** dīghādi.

Chagatikathāvaṇṇanā niṭṭhitā.

### 2. Antarābhavakathāvaṇṇanā

505. **Antarattṭhānānīti** antarikatṭhānāni. Nivārakatṭhānāni bhinditvā ca ākāseṇa ca gamanato. **Yadi so bhavānaṃ antarā na siyāti** so antarābhavo kāmabhavādīnaṃ bhavānaṃ antare yadi na bhaveyya. **Na nāma antarābhavoti** “sabbena sabbaṃ natthi nāma antarābhavo”ti evaṃ pavattassa sakavādivacanassa **paṭikkhepe kāraṇaṃ natthi**, tassa paṭikkhepe kāraṇaṃ hadaye ṭhapetvā na paṭikkhipati, atha kho tathā anicchanto kevalaṃ laddhiyā paṭikkhipatīti attho.

506. Jātīti na icchatīti sambandho.

507. **Evam taṃ tattha na icchatī**ti kāmabhavādīsu viya taṃ cutipaṭṭisandhiparamparaṃ tattha antarābhavāvattāya na icchati. So hi tassa bhāvibhavanibbattakakammato eva pavattiṃ icchati, tasmā jātijarāmarañāni aniccato kuto cutipaṭṭisandhiparamparā. Ayañca vādo antarābhavavādīnaṃ ekaccānaṃ vutto. Ye “appakena kālena sattāheneva vā paṭṭisandhiṃ pāpuṇāti”ti vadanti, ye pana “tattheva cavitvā āyātīti sattasattāhānī”ti vadanti, tehi anuññātāva cutipaṭṭisandhiparamparāti te adhunātanā daṭṭhabbā pāḷiyam “antarābhavave sattā jāyanti jīyanti mīyanti cavanti upapajjantīti? Na hevaṃ vattabbe”ti āgatattā. Yathā cetam, evam nirayūpagādi bhāvampissa adhunātanā paṭijānanti. Tathā hi te vadanti “uddhampādo tu nārako”ti<sup>1</sup>ādi. Tattha yaṃ nissāya paravādī antarābhavaṃ nāma parikkappeti, taṃ dassetuṃ aṭṭhakathāyaṃ “antarāparinibbāyīti suttapadaṃ ayoniso gahetvā”ti vuttam. Imassa hi “avīhādīsu tattha tattha āyuvemajjhaṃ anatikkamitvā antarā aggamaggādhigamena anavasesakilesaparinibbānena parinibbāyati, antarāparinibbāyī”ti suttapadassa ayamatto, na antarābhavabhūtoti. Tasmā vuttam “antarāparinibbāyīti suttapadaṃ ayoniso gahetvā”ti.

Ye pana “sambhavesīti vacanato attheva antarābhavo. So hi sambhavaṃ upapattiṃ esatīti sambhavesī”ti vadanti, tepi ye bhūtāva na puna bhavissanti, te khīṇāsavā “bhūtānaṃ vā sattānaṃ ṭhitiyā”ti ettha “bhūtā”ti vuttā. Tabbidhuratāya sambhavamesantīti sambhavesino, appahīnabhavasamyojanattā sekkhā puthujjanā. Catūsu vā yonīsu aṇḍajalābujā sattā yāva aṇḍakosaṃ vatthikosañca na bhindanti, tāva “**sambhavesī** nāma, aṇḍakosato vatthikosato ca nikkhantā **bhūtā** nāma. Samsedaja-opapātikā ca paṭhamacittakkaṇe **sambhavesī** nāma, dutiyacittakkaṇato paṭṭhāya **bhūtā** nāma. Yena vā iriyāpathena jāyanti, yāva tato aññam na pāpuṇanti, tāva **sambhavesī** nāma, tato paraṃ **bhūtā** nāmāti evam ujuke pāḷi-anugate atthe sati kiṃ aniddhāritassa patthiyena antarābhavena atabhāvena parikkappitena payojananti paṭikkhipitabbā.

---

1. Uddhapādā tu nārakā (Abhidhammakose lokadhātuniddese pannarasamagāthāyaṃ)



Yaṃ paneke “santānavasena pavattamānānaṃ dhammānaṃ avicchedena desantaresu pātubhāvo diṭṭho. Yathā taṃ vīhi-ādi-aviññāṇakasantāne, evaṃ saviññāṇakasantānēpi avicchedena desantare pātubhāvena bhavitabbaṃ. Ayañca nayo sati antarābhave yujjati, nāññathā”ti yuttim vadanti, tehi iddhimato cetovasippattassa cittānugatikāṃ kāyaṃ adhiṭṭhahantassa khaṇena brahmalokato idhūpasaṅkamane ito vā brahmalokūpagamane yutti vattabbā. Yadi sabbattheva vicchinnadese dhammānaṃ pavatti na icchitā, yadipi siyā “iddhimantānaṃ iddhivisayo acinteyyo”ti, taṃ idhāpi samānaṃ “kammavipāko acinteyyo”ti<sup>1</sup> vacanato, tasmā taṃ tesāṃ matimattameva. Acinteyyasabhāvā hi sabhāvadhammā, te katthaci paccayavasena vicchinnadese pātubhavanti, katthaci avicchinnadese ca. Tathā hi mukhaghosādīhi paccayehi aññasmim dese ādāsapabbatapadesādike paṭibimbapaṭighosādikaṃ nibbattamānaṃ diṭṭhanti.

Etthāha—paṭibimbaṃ tāva asiddhattā asadisattā ca na nidassanaṃ. Paṭibimbaṃ hi nāma aññadeva rūpantaraṃ uppajjatīti asiddhametaṃ. Siddhiyampi asadisattā na nidassanaṃ siyā ekasmim ṭhāne dvinnaṃ sahaṭhānābhāvato. Yattheva hi ādāsarūpaṃ paṭibimbarūpañca dissati, na ca ekasmim dese rūpadvayassa sahabhāvo yutto nissayabhūtadesato, asadisañcetaṃ sandhānato. Na hi mukhassa paṭibimbāsandhānabhūtaṃ ādāsasandhānasambandhattā sandhānaṃ uddissa avicchedena desantare pātubhāvo vuccati, na asantānanti asamānameva tanti.

Tattha yaṃ vuttaṃ “paṭibimbaṃ nāma aññadeva rūpantaraṃ uppajjatīti asiddhaṃ ekasmim ṭhāne dvinnaṃ sahaṭhānābhāvato”ti, tayidaṃ asantānameva sahaṭhānaṃ coditaṃ bhinnanissayattā. Na hi bhinnanissayānaṃ sahaṭhānaṃ atthi. Yathā anekesaṃ maṇidīpādīnaṃ pabhārūpaṃ ekasmim padese pavattamānaṃ acchitamānatāya nirantaratāya ca abhinnaṭṭhānaṃ viya paññāyati, bhinnanissayattā pana bhinnaṭṭhānameva taṃ, gahaṇavisesena tathā-abhinnaṭṭhānamattaṃ, evaṃ ādāsarūpapaṭibimbarūpesupi daṭṭhabaṃ. Tādisapaccayasamavāyena hi tattha taṃ uppajjati ceva vigacchati ca, evañcetaṃ sampaṭicchitabbaṃ cakkhuviññāṇassa gocarabhāvūpagamanato. Aññathā ālokena vināpi paññāyeyya, cakkhuviññāṇassa vā na gocaro viya siyā. Tassa pana

---

1. Am 1. 392 piṭṭhe.

sāmaggiyā so ānubhāvo, yaṃ tathā dassanaṃ hotīti. Acinteyyo hi dhammānaṃ sāmattiyaḥhedoti vadantenapi ayamevattho sādhitō bhinnanissayassapi abhinnaṭṭhānassa viya upaṭṭhānato. Eteneva udakādīsu paṭibimbarūpābhāvācodanā paṭikkhittā veditabbā.

Siddhe ca paṭibimbarūpe tassa nidassanabhāvo siddhoyeva hoti hetuphalānaṃ vicchinnadesatāvibhāvanato. Yaṃ pana vuttaṃ “asadisattā na nidassanaṃ”ti, tadayuttaṃ. Kasmā? Na hi nidassanaṃ nāma nidassitabbena sabbadā sadisameva hoti. Cutikkhandhādhanato vicchinnadeso upapattikkhandhā pātubhavantīti etassa atthassasādhanatthaṃ mukharūpatō vicchinne ṭhāne tassa phalabhūtaṃ paṭibimbarūpaṃ nibbattaṭīti ettha tassa nidassanatthassa adhippetatā. Etena asantānacodanā paṭikkhittā veditabbā.

Yasmā vā mukhapaṭibimbarūpānaṃ hetuphalabhāvo siddho, tasmāpi sā paṭikkhittāva hoti. Hetuphalabhāvasambandhesu hi santānavohāro. Yathāvuttadvīhikāraṇehi paṭibimbarūpaṃ uppajjati bimbato ādāsato ca, na cevaṃ upapattikkhandhānaṃ vicchinnadesuppatti. Yathā cettha paṭibimbarūpaṃ nidassitaṃ, evaṃ paṭighosadīpamuddādayopi nidassitabbā. Yathā hi paṭighosadīpamuddādayo saddādihetukā hontī, aññatra agantvā hontī, evameva idaṃ cittanti.

Apicāyaṃ antarābhavavādī evaṃ pucchitabbo—yadi “dhammānaṃ vicchinnadesuppatti na yuttā”ti antarābhavo parikappito, rāhu-ādīnaṃ sarīre kathamanekayojanasahassantarikesu pādaṭṭhānahadayaṭṭhānesu kāyaviññāṇamanoviññāṇuppatti vicchinnadeso yuttā. Yadi ekasantānabhāvato, idhāpi taṃsamānaṃ. Na cettha arūpadhammabhāvato alaṃ parihārāya pañcavokāre rūpārūpadhammānaṃ aññamaññaṃ sambandhattā. Vattamānehi tāva paccayehi vicchinnadeso phalassa uppatti siddhā, kimaṅgaṃ pana atītehi pañcavokārabhavehi. Yattha vipākaviññāṇassa paccayo, tatthassa nissayabhūtaṃ vatthussa sahabhāvīnaṃca khandhānaṃ sambhavoti laddhokāsena kammunā nibbattiyamānassa avasesapaccayantarāsahitassa vipākaviññāṇassa uppattiyāṃ nālaṃ vicchinnadesatā vibandhāya. Yathā ca anekakappasahassantarikāpi cutikkhandhā upapattikkhandhānaṃ anantarapaccayoti na kāladūratā, evaṃ anekayojanasahassantarikāpi te tesāṃ anantarapaccayo hontīti na desadūratā.

Evam cutikkhandhanirodhānantaram upapattiṭṭhāne paccayantarasamavāyena paṭisandhikkhandhā pātubhavantīti nattheva antarābhavo. Asati ca tasmim yam tassa keci “bhāvibhavanibbattakakammuno tato eva bhāvipurimakālabhavākāro sajātisuddhadibbacakkhugocaro ahīnindriyo kenaci appaṭihatagamano gandhāhāro”ti evamādikāraṇākārādim vaṇṇenti, tam vaṇjhātanayassa rassadīghasāmatādivivādasadisanti veditabbam.

Antarābhavakathāvaṇṇanā niṭṭhitā.

### 3. Kāmaguṇakathāvaṇṇanā

510. **Sabbepīti** kusalākusalakkhandhādayopi. Tesampi hi ālambanattikatālakkhaṇassa kattukamyatāchandassa vasena siyā kamaṇaṭṭhatāti adhippāyo. Dhātukathāyam<sup>1</sup> “kāmabhavo pañcahi khandhehi ekādasahi āyatanehi sattarasahi dhātūhi saṅgahito. Katihi asaṅgahito? Na kehici khandhehi ekenāyatanena ekāya dhātuyā asaṅgahito”ti āgatattā āha “**upādinnakkhandhānameva kāmabhavabhāvo dhātukathāyam dassito**”ti. **Pañcāti** gaṇanaparicchedo, tadaññagaṇananivattanatthoti “pañca kāmaguṇā”ti vacanam tato aññesam tabbhāvam nivattetīti āha “**pañceva kāmakotṭhāsā kāmoti vuttā**”ti. Tato eva **kāmadhātūti vacanam na aññassa nāmam**, tesamyeva nāmanti attho. Tayidaṃ paravādino matimattanti vuttam “**iminā adhippāyenā**”ti. **Evam vacanamattanti** evam “pañcime kāmaguṇā”ti vacanamattam nissāya, na panatthassa aviparītam atthanti attho.

Kāmaguṇakathāvaṇṇanā niṭṭhitā.

### 5. Rūpadhātukathāvaṇṇanā

515-516. **Rūpadhātūti gacanatoti** “kāmadhāturūpadhātu-arūpadhātū”ti ettha rūpadhātūti vuttattā. **Rūpīdhammehevāti** ruppanasabhāvehiyeva dhammehi. “**Tayome bhavā**”ti-ādinā paricchinnāti tayome

1. Abhi 3. 13 piṭṭhe.

bhavā, tisso dhātuyoti ca evaṃ paricchinnā. “Dhātuyā āgataṭṭhāne bhavena paricchinditabbaṃ, bhavassa āgataṭṭhāne dhātuyā paricchinditabbaṃ”ti hi vuttaṃ, tasmā kāmarūpārūpāvacaradhammāva taṃtaṃbhummabhāvena paricchinnā evaṃ vuttā.

Rūpadhātukathāvaṇṇanā niṭṭhitā.

---

### 6. Arūpadhātukathāvaṇṇanā

517-518. **Purimakathāyanti** rūpadhātukathāyaṃ. **Avisesenāti** pavattiṭṭhānavasena visesaṃ akatvā.

Arūpadhātukathāvaṇṇanā niṭṭhitā.

---

### 7. Rūpadhātuyā-āyatanakathāvaṇṇanā

519. **Okāsabhāvenāti** vatthubhāvena. **Tathāvidhanti** ghānādi-ākāraṃ.

Rūpadhātuyā-āyatanakathāvaṇṇanā niṭṭhitā.

---

### 8. Arūperūpakathāvaṇṇanā

524-526. **Nissaraṇaṃ** nāma nissaritaḥ sati hoti, na asati, tasmā “arūpabhāve sukhumarūpaṃ atthi, yato nissaraṇaṃ taṃ āruppaṃ”ti āha.

Arūperūpakathāvaṇṇanā niṭṭhitā.

---

### 9. Rūpaṃkammantikathāvaṇṇanā

527-537. **Pakappayamānāti** pakārehi kappayamānā attano sampayuttānaṃ kiccaṃ samatthayamānā. Tenāha “sampayuttesu adhikaṃ byāpāraṃ kurumānā”ti.

Rūpaṃkammantikathāvaṇṇanā niṭṭhitā.

### 10. Jīvitindriyakathāvaṇṇanā

540. **Antaṅgahetvā vadatīti** “atthi arūpadhammānaṃ āyu ṭhiti yapaṇā yāpanā iriyanā vattanā pālanā, atthi arūpajīvitindriyan”ti tasmim pañhe “atthi arūpajīvitindriyan”ti imaṃ antaṃ pariyosānaṃ gahetvā vadati. **Vattuṃ yutto** samudāyassa icchanto tadavayavassa icchatīti. Na hi avayavehi vinā samudāyo nāma atthi.

541. **Tamevāti** arūpaṃ cittavippayuttameva.

542. **Tadāpīti** samāpajjanavuṭṭhānakālepi.

544-545. **So yutto** dvinnaṃ rūpārūpajīvitindriyānaṃ sakasamaye icchitattā.

Jīvitindriyakathāvaṇṇanā niṭṭhitā.

### 11. Kammahetukathāvaṇṇanā

546. “Pāṇātipātakamassa hetū”ti-ādikassa parihānikathāyaṃ anāgatattā yo tattha āgatanayo, tameva dassento “**sesanti -pa- vadatī**”ti āha. **Sampaṭicchānavacananti** sampaṭicchāpanavacanaṃ. **Taṃ** paravādiṃ. Taṃtaṃladdhisampaṭicchāpanaṃ vā gāhāpananti dassento “**pakkhan**”ti-ādimāha.

Kammahetukathāvaṇṇanā niṭṭhitā.

Aṭṭhamavaggavaṇṇanā niṭṭhitā.

## 9. Navamavagga

### 1. Ānisaṃsadassāvīkathāvaṇṇanā

547. Daṭṭhabbassa ādīnavato ānisaṃsato ca yadipi paravādinā pacchā nānācittavasena paṭiññātaṃ, pubbe pana ekato katvā paṭijāni, na

ca taṃ laddhiṃ pariccaji. Tenassa **adhippāyamaddanaṃ yuttanti** daṭṭhabbaṃ. Tenevāha “**anicca -pa- paṭiññātattā**”ti. **Ārammaṇavasena**ti ārammaṇakaraṇavasena, na kiccaṇipphattivaseṇāti adhippāyo. **Idaṃ** ānisaṃsakathānuyuñjanaṃ ānisaṃsadassanañca. **Ñāṇaṃ vipassanā** paṭivedhaññāṇassa viya anubodhaññāṇassapi yathārahaṃ pavattinivattīsu kiccakaraṇaṃ yuttanti adhippāyo.

Ānisaṃsadassāvīkathāvaṇṇanā niṭṭhitā.

## 2. Amatārammaṇakathāvaṇṇanā

549. **Evamādinā suttabhayenā**ti ettha **ādi**-saddena “anāsavañca vo bhikkhave dhammaṃ desessāmi anāsavagāminiñca paṭipadaṇa”ti-ādīni suttapadāni saṅgaṇhāti.

Amatārammaṇakathāvaṇṇanā niṭṭhitā.

## 3. Rūpaṃsārammaṇantikathāvaṇṇanā

552-553. “Tadappatiṭṭhaṃ anārammaṇaṇa”ti-ādīsu paccayattho ārammaṇa-saddo. “Rūpāyatanaṃ cakkhuvīññāṇadhātuyā taṃsāmpayuttakānañca dhammānaṃ ārammaṇapaccayena paccayo”ti-ādīsu<sup>1</sup> olubbhaṭṭhoti āha “**paccayaṭṭho olubbhaṭṭho**”ti. **Evam vibhāge vijjamāneti** tattha paccayāyattavuttitā paccayaṭṭho<sup>2</sup>, daṇḍarajju-ādi viya dubbalassa cittacetāsikānaṃ ālambitabbatāya upatthambhanaṭṭho olubbhaṭṭho. **Visesābhāvaṃ** paccayabhāvasāmaññena kappetvā vā.

Rūpaṃsārammaṇantikathāvaṇṇanā niṭṭhitā.

## 4. Anusayā-anārammaṇantikathāvaṇṇanā

554-556. “Imasmim satī”ti iminā maggena aniruddhatāpi saṅgahitāti āha “**appahīnattāva atthīti vuccatī**”ti. **Na pana vijjamānattāti**

1. Abhi 8. 1 piṭṭhe.

2. Sappaccayaṭṭho (Ka)

avadhāraṇena nivattitaṃ dasseti, vijjamānattā dharamānattā  
khaṇattayasamaṅgibhāvatoti attho.

Anusayā-anārammaṇāntikathāvaṇṇanā niṭṭhitā.

---

### 5. Nāṇamanārammaṇāntikathāvaṇṇanā

557-558. Yassa adhigatattā arahato pariññeyyādīsu anavasesato  
sammoho vigato, taṃ aggamaggañāṇaṃ sandhāya “**maggañāṇassā**”ti  
vadanti. Yasmā tassa sabbassa satokāritā viya sampajānakāritā, tasmā tena  
ñāṇena so ñāṇī. Satipaññāvepullappatto hi so uttamapuriso.

Nāṇamanārammaṇāntikathāvaṇṇanā niṭṭhitā.

---

### 7. Vitakkānupatitakathāvaṇṇanā

562. **Dvīhipīti** dvīhi visesehi, visesena visesaṃ akatvāti attho.

Vitakkānupatitakathāvaṇṇanā niṭṭhitā.

---

### 8. Vitakkavipphārasaddakathāvaṇṇanā

563. **Sabbasoti** sabbappakārato, so pana pakāro pavattiṭṭhānakālavasena  
gahettabboti āha “**sabbattha sabbadā vā**”ti. Te ca ṭhānakālā “vitakkayato”ti-  
ādivacanato cittavisesavasena gahettabbāti vuttaṃ “**savitakkacittesū**”ti.  
“Vitakketvā vācaṃ bhindatī”ti<sup>1</sup> suttapadaṃ ayoniso gahetvā  
“vitakkavipphāramattaṃ saddo”ti āha.

Vitakkavipphārasaddakathāvaṇṇanā niṭṭhitā.

---

### 9. Nayathācittassavācātikathāvaṇṇanā

565. Musāvādo na hoṭīti vuttam anāpattīti sambandho.

Nayathācittassavācātikathāvaṇṇanā niṭṭhitā.

---

### 11. Atītānāgatasamannāgatakathāvaṇṇanā

568-570. **Samannāgatapaññattiyāti** samaṅgibhāvapaññattiyā. Tenevāha “**paccuppannadhammasamaṅgī samannāgoti vuccatī**”ti. **Paṭilābhapaññattiyāti** adhigamanapaññattiyā. **Ayanti** “samannāgato”ti vuccamānapuggalassa yo tathā vattabbākāro, ayaṃ samannāgatapaññatti nāma. Esa nayo sesesupi.

Atītānāgatasamannāgatakathāvaṇṇanā niṭṭhitā.

Navamavaggavaṇṇanā niṭṭhitā.

---

## 10. Dasamavagga

### 1. Nirodhakathāvaṇṇanā

571-572. Sakasamaye “purimacittassa nirodhānantaram pacchimacittam uppajjati”ti icchitam, paravādī pana “yasmim khaṇe bhavaṅgacittam, tasmimyeva khaṇe kiriyamayacittam uppajjati”ti vadati. Evaṃ sati purimacchimacittānam **sahabhāvopi** anuññāto hoti. Tenāha “**bhaṅgakkhaṇena sahevā**”ti. Tathā ca sati vipākakiriyakkhandhānam viya kiriyavipākakkhandhānam vipākavipākakkhandhānam kiriyakiriyakkhandhānaṅca vuttanayena sahabhāvo vattabboti imamattham dassento “**bhavaṅgacittassā**”ti-ādīmāha. Tattha upapattibhavabhāvena esiyā icchitabbāti upapattesiya vipākakkhandhā, te ca yebhuyyena bhavaṅgapariyāyakāti aṭṭhakathāyaṃ vuttam “upapattesiyaṃ saṅkham gatassa bhavaṅgacittassā”ti. Ādipariyosānamattam hi tassa paṭisandhicutticittam, tadārammaṇam bhavaṅgantveva vuccatīti. **Cakkhuvīññānādīnam**





### 6. Dvīhisīlehītikathāvaṇṇanā

587-589. **Appavattinirodhanti** anuppādanirodham. Sīlassa vītikkamoyeva nirodho **sīlavītikkamanirodho**. **Ninnānam** khaṇikanirodham sallakkhento.

Dvīhisīlehītikathāvaṇṇanā niṭṭhitā.

---

### 7. Sīlamacetāsikantikathāvaṇṇanā

590-594. **Thitena** avinaṭṭhena. **Upacayenāti** sīlabhūtena kammūpacayena. “**Dānam acetāsikan**”ti **kathāyam vuttanayenāti** yathā “na vattabham cetasiko dhammo dānanti? Āmantā. Dānam aniṭṭhaphalanti -pa-. Tena hi cetasiko dhammo dānan”ti pāḷi pavattā, evaṃ tadanusārena “na vattabhamcetasikam sīlanti? Āmantā. Sīlam aniṭṭhaphalan”ti-ādinā sīlassa cetasikabhāvasādhakāni suttapādāni ca ānetvā tadatthadassanavasena acetāsiko rūpādīdhammo āyatim vipākam deti. Yadi so sīlam bhaveyya, vinā samvarasamādānena vinā viratiyā sīlavā nāma siyā. Yasmā pana samādānacetanā virati samvaro sīlam, tasmā “sīlam iṭṭhaphalam kantaphalan”ti-ādinā yojanā kātabbāti imamattam sandhāya vuttam “**vuttanayenā**”ti, vuttanayānusārenāti attho. Yasmā pana pāḷiyam yathā “sīlam acetāsikan”ti kathā āgatā, tathā “dānam acetāsikan”ti visum āgatā kathā natthi, tasmā “**sā pana kathā maggitabbā**”ti vuttam.

Sīlamacetāsikantikathāvaṇṇanā niṭṭhitā.

---

### 9. Samādānahetukathāvaṇṇanā

598-600. Samādānahetukathāyam “phasso deti”ti ārabhitvā yāva kaṇhasukkasappaṭibhāgā dhammā sammukhībhāvaṃ āgacchantīti ārāmaropādisuttāharaṇaṅcāti ettakameva paribhogakathāya sadisanti āha “**samādāna -pa- datṭhabbā**”ti.

Samādānahetukathāvaṇṇanā niṭṭhitā.

### 11. Aviññattidussīlyantikathāvaṇṇanā

603-604. Mahābhūtāni upādāya pavatto aññacittakkhaṇepi labbhamāno kusalākusalānubandho aviññattīti ayaṃ vādo “cittavippayutto apuññūpacayo”ti iminā saṅgahitoti tato aññānubandhāyaṃ “āṇattiyā”ti-ādi vuttanti taṃ dassetuṃ “**āṇattiyā -pa- adhippāyo**”ti vuttaṃ. Tattha āṇatto yadā āṇattabhāvena vihiṃsādikiriyaṃ sādheti, tadā āṇattiyā pāṇātipātādīsu aṅgabhāvo veditabbo. Sāpanāṇatti pārivāsikabhāvena viññattirahitā nāma hotīti paravādino adhippāyo, taṃ tassetuṃ “**ekasmim divase**”ti-ādi vuttaṃ.

Aviññattidussīlyantikathāvaṇṇanā niṭṭhitā.

Dasamavaggavaṇṇanā niṭṭhitā.

Dutiyo paṇṇāsako samatto.

### 11. Ekādasamavagga

#### 4. Ñāṇakathāvaṇṇanā

614-615. “Andhakā”ti vuttā pubbaseliya-  
 aparaseliyarājagirikasiddhatthikāpi yebhuyyena mahāsaṅghikā evāti vutaṃ  
 “**pubbe -pa- bhaveyyun**”ti. Tattha aññeti vacanaṃ dvinnaṃ kathānaṃ  
 ujuvipaccanīkabhāvato. Purimakānañhi cakkhuvīññādisamaṅgī “ñāṇī”ti  
 vuccati, imesaṃ so eva “ñāṇī”ti na vattabboti vutto. **Rāgavigamo** rāgassa  
 samucchindanaṃ, tathā **aññānavigamo**. Yathā samucchinnāvijjo “ñāṇī”ti  
 paṭipakkhato “aññāṇī”ti, evaṃ asamucchinnāvijjo “aññāṇī”ti, paṭipakkhato  
 “ñāṇī”ti vutto. **Aññāṇassa vigatattā so “ñāṇī”ti vattabbaṃ** āpajjati<sup>1</sup>, na  
 pana satataṃ samitaṃ ñāṇassa pavattanatoti adhippāyo.

Ñāṇakathāvaṇṇanā niṭṭhitā.

### 7. Iddhibalakathāvaṇṇanā

621-624. Yasmiṃ āyukappe kammakkhayena maraṇaṃ hoti, taṃ sandhāya vuttaṃ “**kammasa vipākavasena**”ti, yasmiṃ pana āyukkhayena maraṇaṃ hoti, taṃ sandhāya “**vassagaṇanāyā**”ti. Tattha “na ca tāva kālaṃ karoti, yāva na taṃ pāpakammaṃ byantī hoti”ti<sup>1</sup> vacanato yebhuyyena niraye kammakkhayena maraṇaṃ hotīti āha “**kammasa vipākavasena vāti nirayaṃva sandhāya vuttaṃ**”ti. “Vassasataṃ vassasahassaṃ vassasatasahassānī”ti-ādinā manussānaṃ devānañca āyuparicchavedavacanato yebhuyyena tesāṃ āyukkhayena maraṇaṃ hotīti vuttaṃ “**vassagaṇanāyā vāti manusse cātumahārājikādeve ca sandhāyā**”ti. “Vuttaṃ”ti ānetvā yojetabbaṃ.

Iddhibalakathāvaṇṇanā niṭṭhitā.

### 8. Samādhikathāvaṇṇanā

625-626. **Samaṃ ṭhapanatṭhena**ti samaṃ visamaṃ līnuddhaccādiṃ paṭibāhitvā, vikkhepameva vā viddhamsetvā ṭhapanatṭhena. “Cittasantati samādhī”ti vadantena tassa cetasikabhāvo paṭikkhitto hotīti āha “**cetasikantaraṃ atthīti aggahetvā**”ti. Bhāvanāya āhitavisesāya ekaggatāya vijjamaṇavisesapaṭikkhepo **chalaṃ**<sup>2</sup>, so panassa anāhitavisesāya ekaggatāya sāmāññenāti āha “**sāmaññamattenā**”ti.

Samādhikathāvaṇṇanā niṭṭhitā.

### 9. Dhammatṭhitatākathāvaṇṇanā

627. **Avijjāya yā ṭhitatāti** avijjāya saṅkhārānaṃ anantarapaccayabhāve yā niyatatā dhammaniyāmatāsaṅkhātā, yā ṭhitasabhāvata

1. Ma 3. 205; Aṃ 1. 139 piṭṭhesu.

2. Chalaṃ nāma tividhaṃ vācāchalaṃ, sāmāññachalaṃ, upacārachalañcāti. Vitthāro pana Nyāyadassane 1. 2. 11, 12, 13, 14 suttesu passitabbo.

nipphannā, na dhammamattatāṭhitatāya nipphannāya vasena, **anantarapaccayabhāvasaṅkhātā ṭhitatā** paccayatā hotīti attho. **Aññama-aññapaccayabhāvarahitassāti** idaṃ sahaajātanissayādipaccayānaṃ paṭikkhepapadam daṭṭhabbam, na aññamaññapaccayatāmattassa. **Sabbo tādīsoti** iminā samanantara-anantarūpanissayanatthivigatāsevanādikaṃ saṅgaṇhāti. **Aññamaññapaccayatañcāti** etthāpi vuttanayena attho veditabbo. Ettha pana paccayuppanassapi paccayabhāvato saṅkhārānampi vasena vojjetabbam. Tenāha “**tassā ca itarā**”ti.

Dhammaṭṭhitatākathāvaṇṇanā niṭṭhitā.

## 10. Aniccatākathāvaṇṇanā

628. Rūpādīnaṃ aniccatā rūpādike sati hoti, asati na hotīti iminā pariyāyena tassā tehi saha uppādanirodho vutto, uppādādīsu tīsu lakkhaṇesu aniccatāvohāro hotīti yathā tayo daṇḍe upādāya pavatto tidaṇḍavohāro tesu sabbesu hoti, evaṃ jātijarāmarañadhammo na nicco anicco, tassa jāti-ādīpakatitā aniccatāsaddena vuccatīti uppādādīsu lakkhaṇesu aniccatāvohāro sambhavatīti vuttam “**tīsu -pa- hotī**”ti. **Vibhāgānuyuñjanavasenāti** pabhedānuyuñjanavasena. Tattha yathā jarābhaṅgavasena aniccatā pākaṭā hoti, na tathā jātivasenāti pāliyaṃ jarāmarañavaseneva aniccatāvibhāgo dassitoti daṭṭhabbam.

Aniccatākathāvaṇṇanā niṭṭhitā.

Ekādasamavaggavaṇṇanā niṭṭhitā.

## 12. Dvādasamavagga

### 1. Saṃvarokammantikathāvaṇṇanā

630-632. Sabbassapi manaso manodvārabhāvato “**vipākadvāranti bhavaṅgamanam vadatī**”ti āha.

Saṃvarokammantikathāvaṇṇanā niṭṭhitā.

## 2. Kammakathāvaṇṇanā

633-635. **Savipākāpi dassitāyeva nāma hoti vuttāvasiṭṭhā savipākāti atthasiddhattā.**

Kammakathāvaṇṇanā niṭṭhitā.

---

## 4. Saḷāyatanakathāvaṇṇanā

638-640. Manāyatanekadesassa vipākassa atthitāya “**avisesenā**”ti vuttaṃ.

Saḷāyatanakathāvaṇṇanā niṭṭhitā.

---

## 5. Sattakkhattuparamakathāvaṇṇanā

641-645. **Assāti** imassa sattakkhattuparamassa. Tenāha “**sattakkhattuparamabhāve ca niyāmaṃ icchasi**”ti. **Yena** ānantariyakammena. **Antarāti** satta bhava anibbattetvā tesam antareyeva. **Kecīti** abhayagirivāsino. **Apareti** padakārā. **Tassāti** yo sattakkhattuparamoti vā, kolaṃkoloti vā, ekabījīti vā bhagavatā nāṇena paricchinditvā byākato, tassa yathāvuttaparicchedā antarā uparimaggādhigamo natthi avitathadesanattā. Yathāparicchedameva tassa abhisamayo, svāyaṃ vibhāgo tesameyeva puggalānaṃ indriyaparopariyattena veditabbo bhavanīyāmena tādissassa kassaci abhāvato. Yasmā kassaci mudukānīpi indriyāni paccayavisesena tikkhabhāvaṃ āpajjeyyurū, tasmā tādisaṃ santāya “**bhabboti vuccati, na so abhabbo nāmā**”ti ca vuttaṃ. Yasmā pana bhagavā na tādisaṃ “**sattakkhattuparamo**”ti-ādinā niyametvā byākaroti, tasmā āha “**na pana antarā abhisametuṃ bhabbatā vuttā**”ti. Ayañca nayo ekantena icchitabbo. Aññathā puggalassa saṅkaro siyāti dassento “**yadi cā**”ti-ādimāha.

Sattakkhattuparamakathāvaṇṇanā niṭṭhitā.

Dvādasamavaggavaṇṇanā niṭṭhitā.

### 13. Terasamavagga

#### 1. Kappaṭṭhakathāvaṇṇanā

654-657. “Heṭṭhā vuttādhippāyamevā”ti idaṃ iddhibalakathāyaṃ yaṃ vuttaṃ “atītaṃ anāgatanti idaṃ avisesena kappam tiṭṭheyāti paṭiññātattā codetī”ti-ādi, taṃ sandhāya vuttanti āha “**heṭṭhāti iddhibalakathāya**”ti. Tatha “dve kappe”ti-ādi-āyuparicchedātikkamasamatthataḥcodanāvasena āgatā, idha pana saṅghabhedako āyukappameva aṭṭhatvā yadi ekaṃ mahākappam tiṭṭheyya, yathā ekaṃ, evaṃ anekepi kappe tiṭṭheyāti codanā kātābbā.

Kappaṭṭhakathāvaṇṇanā niṭṭhitā.

---

#### 4. Niyatassaniyāmakathāvaṇṇanā

663-664. **Appattaniyāmānanti** ye anuppannicchattasammattaniyatadhammā puggalā, tesam dhamme. Ke pana te? Yathāvuttapuggalasantānapariyāpannā dhammā. Te hi bhūmittayapariyāpannatāya “**tebhūmakā**”ti vuttā. Ye pana pattaniyāmānam santāne pavattā aniyatadhammā, na tesamettha saṅgho kato. Na hi tehi samannāgamena aniyatatā atthi. tenevāha “**tehi samannāgatopi aniyatoyevā**”ti. **Idaṃ vohāramattanti** iminā niyāmo nāma koci dhammo natthi, upacitasambhāratāya abhisambujjhituṃ bhabbatāva tathā vuccatīti dasseti. Niyatoti vacanassa kāraṇabhāvena vuttoti yojanā. **Ubhayassapīti** niyato niyāmaṃ okkamatīti vacanadvayassa.

Niyatassaniyāmakathāvaṇṇanā niṭṭhitā.

---

#### 8. Asātarāgakathāvaṇṇanā

674. **Evampavattamānoti** “aho vata me bhavyeyā”ti evaṃ patthanākārena pavattamāno. **Aññathāti** nandanādi-ākārena.

Asātarāgakathāvaṇṇanā niṭṭhitā.

### 9. Dhammatañhā-abyākatātīkathāvaṇṇanā

676-680. **Gahetvā**ti etena gahaṇamattameva taṃ, na pana sā tādisi atthīti dasseti. Na hi lokuttarārammaṇā abyākatā vā tañhā atthīti. **Tīhi koṭṭhāsehī**ti kāmabhavavibhavatañhākoṭṭhāsehi. Rūpatañhādibhedā **chapi tañhā**.

Dhammatañhā-abyākatātīkathāvaṇṇanā niṭṭhitā.

Terasamavaggavaṇṇanā niṭṭhitā.

## 14. Cuddasamavagga

### 1. Kusalākusalapaṭisandahanakathāvaṇṇanā

686-690. Anantarapaccayabhāvoyevettha paṭisandhānam ghaṭanañcāti āha “**anantaram uppādeti**”ti.

Kusalākusalapaṭisandahanakathāvaṇṇanā niṭṭhitā.

### 2. Saḷāyatanuppattikathāvaṇṇanā

691-692. **Keci vādinoti** kāpile<sup>1</sup> sandhāyāha. Te hi abhibyattavādino vijjamānameva kāraṇe phalaṃ anabhibyattaṃ hutvā ṭhitaṃ pacchā abhibyattim gacchatīti vadantā bījāvatthāya vijjamānāpi rukkhādīnaṃ na aṅkurādayo āvibhavanti, bījamattaṃ āvibhāvaṃ gacchatīti kathenti.

Saḷāyatanuppattikathāvaṇṇana niṭṭhitā.

### 3. Anantarapaccayakathāvaṇṇanā

693-697. **Anantaruppattim sallakkhentoti** cakkhuvīññāṇānantaram sotavīññāṇuppattim maññamāno. **Sotavīññāṇanti** vacaneneva tassa

---

1. Saṃkhyadassane 1. 122 suttaṃ passitabbaṃ.



cakkhusannissayatā rūpārammaṇatā ca paṭikkhittā, paṭiññātā ca sotasannissayatā saddārammaṇatā cāti āha “**na so cakkhumhi saddārammaṇan**”<sup>1</sup>. Tattha **saddārammaṇanti** “sotaviññāṇam icchatī”<sup>ti</sup> ānetvā sambandhitabbaṃ. Tayidaṃ cakkhuviññāṇassa anantaraṃ sotaviññāṇam uppajjatīti laddhiyā evaṃ ñāyatīti āha “**anantarūpaladdhivasena āpannattā**”<sup>ti</sup>.

Anantarapaccayakathāvaṇṇanā niṭṭhitā.

#### 4. Ariyarūpakathāvaṇṇanā

698-699. **Sammāvācādīti** sammāvācākammantā. Tattha sammāvācā saddasabhāvā, itaro ca kāyaviññattisabhāvo, ubhayampi vā viññattīti adhippāyena rūpantissa laddhi.

Ariyarūpakathāvaṇṇanā niṭṭhitā.

#### 5. Añño-anusayotikathāvaṇṇanā

700-701. **Tasmim samayeti** kusalābyākatacittakkhaṇe. **So hīti** pacchimapāṭho.

Añño-anusayotikathāvaṇṇanā niṭṭhitā.

#### 6. Pariyuṭṭhānaṃcittavippayuttantikathāvaṇṇanā

702. **Teti rāgādayo. Tasmāti** yasmā vipassantassapi rāgādayo uppajjanti, tasmā.

Pariyuṭṭhānaṃcittavippayuttantikathāvaṇṇanā niṭṭhitā.

---

1. Rūpārammaṇanti (Mūlaṭīkāyam)

### 7. Pariyāpannakathāvaṇṇanā

703-705. **Kilesavatthu-okāsavasenāti**

kilesakāmaavatthukāmabhūmivasena. **Rūpadhātusahagatavasena anusetīti** kāmarāgoyathā kāmavitakkasaṅkhātāya kāmadhātuyā saha paccayasamavāye uppajjanāraho, tameva rūpadhātuyāpīti attho. Rāgādikāraṇalābhe uppatti-arahatā hi anusayanaṃ.

Pariyāpannakathāvaṇṇanā niṭṭhitā.

---

### 8. Abyākatakathāvaṇṇanā

706-708. **Sabbathāpīti** avipākabhāvenapi sassatādibhāvenapi.

Abyākatakathāvaṇṇanā niṭṭhitā.

---

### 9. Apariyāpannakathāvaṇṇanā

709-710. **Tasmā diṭṭhi lokiyapariyāpannā na hotīti atthaṃ vadanti,** evaṃ sati atippasaṅgo hoti vītadosādivohārabhāvato. Tato aññathā atthaṃ vadanto “**rūpadiṭṭhiyā**”ti-ādimāha. Tatha **ādi**-saddena arūpadiṭṭhi-ādim saṅgaṇhāti. Paravādi-adhippāyavasena ayamatthavibhāvanāti āha “**yadi ca pariyāpannā siyā**”ti. **Tathā ca satīti** diṭṭhiyā kāmadhātupariyāpannante satīti attho. **Tasmāti** “vītadiṭṭhiko”ti evaṃ vohārābhāvato. **Na hi sā tassa avigatā diṭṭhi,** yato so vītadiṭṭhikoti na vuccati. **Yenāti** kāmadiṭṭhibhāvena.

Apariyāpannakathāvaṇṇanā niṭṭhitā.

Cuddasamavaggavaṇṇanā niṭṭhitā.

## 15. Pannarasamavagga

### 1. Paccayatākathāvaṇṇanā

711-717. **Vavatthitoti** asaṁkiṇṇo. Yo hi dhammo yena paccayabhāvena paccayo hoti, tassa tato aññenapi aññenapi paccayabhāve sati paccayatā smākiṇṇā nāma bhaveyya. Viruddhāsambhavīnaṁ viya tabbidhurānaṁ paccayabhāvānaṁ sahabhāvaṁ paṭikkhipati.

Paccayatākathāvaṇṇanā niṭṭhitā.

---

### 2. Aññamaññapaccayakathāvaṇṇanā

718-719. **Sahajātāti vuttattā** na saṅkhārapaccayā ca avijjāti vuttattāti adhippāyo. Anantarādināpi hi saṅkhārā avijjāya paccayā hontiyeva. Aññamaññānantaraṁ avatvā avigatānantaraṁ sampayuttassa vacanaṁ **kamabhedo, atthiggahaṇe**veva **gahito** atthipaccayabhūtoyeva dhammo nissayapaccayo hotīti. **Asādhāraṇatāyā**ti padantarāsādhāraṇatāya. Tenāha “**vakkhati hī**”ti-ādi.

Aññamaññapaccayakathāvaṇṇanā niṭṭhitā.

---

### 9. Tatiyasaññāvedayitakathāvaṇṇanā

732. Yadi pi sesaṁ nāma gahitato aññaṁ, tathāpi pakaraṇaparicchinnamevettha taṁ gayhatīti dassento “**yesaṁ -pa-adhippāyo**”ti vatvā puna anavasesameva saṅgaṇhanto “**asañña**sattānampi **cā**”ti-ādimāha. Tattha sabbasatte sandhāyāti adhippāyoti yojanā. Pāṇisamphassāpi kamantīti-ādikaṁ sarīrapakatīti sambandho.

733-734. Pañcahi viññāṇehi na cavati, na upapajjatīti vādaṁ paravādi nānujānātīti āha “**sutta -pa- vattabban**”ti.

Tatiyasaññāvedayitakathāvaṇṇanā niṭṭhitā.

### 10. Asaññasattupikākathāvaṇṇanā

735. Yathā vitakkavicārapīṭisukhavirāgavasena pavattā samāpatti vitakkādirahitā hoti, evaṃ saññāvirāgavasena pavattāpi saññārahitāva siyāti tassa laddhīti dassento āha “**sāpi asaññitā -pa- dasseti**”ti.

736. Yadi catutthajjhānasamāpatti kathaṃ asaññasamāpattīti codanaṃ sandhāyāha “**saññāvirāgavasena samāpannattā asaññitā, na saññāya abhāvato**”ti.

Asaññasattupikākathāvaṇṇanā niṭṭhitā.

---

### 11. Kammūpacayakathāvaṇṇanā

738-739. “Kammūpacayo kammaṇa sahaajāto”ti puṭṭho sampayuttasahajātataṃ sandhāya paṭikkhipati, vippayuttasahajātataṃ sandhāya paṭijānātīti. Vippayuttassapi hi atthi sahaajātatā cittasamuṭṭhānarūpassa viyāti adhippāyo.

741. **Tiṇṇanti** kammakammūpacayakammavipākānaṃ.

Kammūpacayakathāvaṇṇanā niṭṭhitā.

Pannarasamavaggavaṇṇanā niṭṭhitā.

Tatiyo paṇṇāsako samatto.

---

## 16. Soḷasamavagga

### 3. Sukhānuppadānakathāvaṇṇanā

747-748. **Na tassāti** yassa taṃ anuppadissati, na tassa. Yo hi anuppadeti, yassa ca anuppadeti, tadubhayavinimuttā idha paretī adhippetā.

Sukhānuppadānakathāvaṇṇanā niṭṭhitā.

#### 4. Adhigayhamanasikārahāvāṇṇanā

749-753. **Tamcittatāyā**ti ettha manasikaronto yadi sabbasaṅkhāre ekato manasi karoti, yena cittena manasi karoti, sabbasaṅkhārantogadhattā tasmimīyeva khaṇe taṃ cittaṃ manasi kātabbhaṃ etassāti tamcittatā nāma doso āpajjati dassetto āha “**tadeva ārammaṇabhūtan**”ti-ādi. Etena tasseeva tena manasikaraṇāsambhavamāha, **taṃ vā**ti-ādinā pana sasamvedanāvādāpattinti ayametesam viseso.

Adhigayhamanasikārahāvāṇṇanā niṭṭhitā.

Soḷasamavaggavaṇṇanā niṭṭhitā.

### 17. Sattarasamavagga

#### 1. Atthi-arahatopuññūpacayakathāvāṇṇanā

776-779. **Kiriyacittaṃ abyākataṃ anādiyivā**ti “kiriyacittaṃ abyākatan”ti aggahetvā, dānādīpavattanena dānamayādīpuññattena ca gahetvāti attho.

Atthi-arahatopuññūpacayakathāvāṇṇanā niṭṭhitā.

#### 2. Natthi-arahato-akālamaccūtīkathāvāṇṇanā

780. **Aladdhavipākavārānanti** vipākadānaṃ pati aladdhokāsānaṃ. **Byantībhāvanti** vīgatantataṃ, vīgamaṃ avipākanti attho.

781. **Tato paranti** byatirekena atthasiddhi, na kevalena anvayenāti āha “**tāva na kamati, tato paraṃ kamatī laddhiyā paṭikkhipati**”ti. Tattha **tato paranti** pubbe katassa kammaṃ parikkhayagamanato paraṃ. **Natthi pāṇātipāto** pāṇātipātalakkhaṇābhāvatoti adhippāyo. Tameva lakkhaṇābhāvaṃ dassetum “**pāṇo pāṇasaññitā**”ti-ādi vuttam. Tattha **na tenā**ti yo parena upakkamo

kato, tena upakkamena na mato, dhammatāmarañeṇeva matoti **dubbiññeyyaṃ** avisesavidūhi, dubbiññeyyaṃ vā hotu suviññeyyaṃ vā, aṅgapāripūriyāva pāṇātipāto.

Natthi-arahato-akālamaccūtikathāvaṇṇanā niṭṭhitā.

---

### 3. Sabbamidamkammatotikathāvaṇṇanā

784. **Abījatoti** sabbena sabbaṃ abījato aññabījato ca. **Tanti** deyyadhamaṃ, gilānapaccayanti attho.

Sabbamidamkammatotikathāvaṇṇanā niṭṭhitā.

---

### 4. Indriyabaddhakathāvaṇṇanā

788. **Vināpi aniccaṭṭhenāti**<sup>1</sup> aniccaṭṭhaṃ ṭhapetvāpi aṭṭhapetvāpīti attho, na aniccaṭṭhavirahenāti. Na hi aniccaṭṭhavirahitaṃ anindriyabaddhaṃ atthi.

Indriyabaddhakathāvaṇṇanā niṭṭhitā.

---

### 7. Navattabbamsaṅghodakkhiṇaṃvisodhetītikathāvaṇṇanā

793-794. **Appaṭiggahaṇatoti** paṭiggāhakattābhāvato.

Navattabbamsaṅghodakkhiṇaṃvisodhetītikathāvaṇṇanā niṭṭhitā.

---

### 11. Dakkhiṇāvisuddhikathāvaṇṇanā

800-801. **Paṭiggāhakanirapekkhāti** paṭiggāhakassa guṇavisesanirapekkhā, tassa dakkhiṇeyyabhāvena vināti attho. Tenāha

---

1. Aniccattenāti (Mūlaṭṭikāyaṃ)

“**paṭiggāhakena paccayabhūtena vinā**”ti. **Sabbametanti** laddhikittanena vittabhāvameva paṭijānāti. Paṭiggāhakassa **vipākanibbattanam** dānacetanāya mahāphalatā. Paccayabhāvoyeva hi tassa, na tassā kāraṇattam. Tenāha “**dānacetanānibbattanena yadi bhaveyyā**”ti-ādi.

Dakkhiṇāvisuddhikathāvaṇṇanā niṭṭhitā.

Sattarasamavaggavaṇṇanā niṭṭhitā.

## 18. Aṭṭhārasamavagga

### 1. Manussalokakathāvaṇṇanā

802-803. **Gahaṇanti** micchāgahaṇam.

Manussalokakathāvaṇṇanā niṭṭhitā.

### 2. Dhammadesanākathāvaṇṇanā

804-806. **Tassa ca** nimmitabuddhassa desanam sampaṭicchitvā āyasmatā ānandena sayameva ca desito.

Dhammadesanākathāvaṇṇanā niṭṭhitā.

### 6. Jhānasaṅkantikathāvaṇṇanā

813-816. Vitakkavicāresu virattacittatā tatha ādīnavamanasikāro, tadākāro ca dutiyajjhānupacāroti āha “**vitakkavicārā ādīnavato manasi kātabbā, tato dutiyajjhānena bhavitabban**”ti.

Jhānasaṅkantikathāvaṇṇanā niṭṭhitā.

## 7. Jhānantarikakathāvaṇṇanā

817-819. Na paṭhamajjhānaṃ vitakkābhāvato, nāpi dutiyajjhānaṃ vicārasabbhāvatoti jhānametaṃ na hotīti dassento āha “**paṭhamajjhānādīsu aññatarabhāvābhāvato na jhānaṃ**”ti.

Jhānantarikakathāvaṇṇanā niṭṭhitā.

---

## 9. Cakkhunārūpampassatītikathāvaṇṇanā

826-827. “Cakkhunā rūpaṃ disvā”ti iminā cakkhuviññāṇena paṭijānaṇassa aggahaṇe aruciṃ sūcento āha “**manoviññāṇapaṭijānaṇaṃ kira sandhāyā**”ti. Tenevāha “**manoviññāṇapaṭijānaṇaṃ panā**”ti-ādi. Tasmāti manoviññāṇapaṭijānaṇasseva adhippetattāti attho. **Evaṃ santeti** yadi rūpena rūpaṃ paṭivijānāti, rūpaṃ paṭivijānantampi manoviññāṇaṃ rūpavijānaṇaṃ hoti, na rūpadassananti āha “**manoviññāṇapaṭijānaṇaṃ pana rūpadassanaṃ kathaṃ hotī**”ti.

Cakkhunārūpampassatītikathāvaṇṇanā niṭṭhitā.

Aṭṭhārasamavaggavaṇṇanā niṭṭhitā.

---

## 19. Ekūnavīsatiṃavagga

### 1. Kilesapajahanakathāvaṇṇanā

828-831. **Te panāti** ye ariyamaggena pahīnā kilesā, te pana. Kāmañcetha maggena pahātabbakilesā maggabhāvanāya asati uppajjanārahā khaṇattayaṃ na āgatāti ca anāgatā nāma siyurū, yasmā pana te na uppajjissanti, tasmā tathā na vuccantīti daṭṭhabbaṃ. Tenevāha “**nāpi bhavissanti**”ti.

Kilesapajahanakathāvaṇṇanā niṭṭhitā.



## 2. Suññatakathāvaṇṇanā

832. Yena avasavattanaṭṭhena paraparikappito natthi etesaṃ attano visayanti<sup>1</sup> anattāti vuccanti sabhāvadhammā, svāyaṃ anattatāti āha “**avasavattanākāro anattatā**”ti. Sā panāyaṃ yasmā atthato asāraakatāva hoti, tasmā tadekadesena taṃ dassetuṃ “**atthato jarāmaraṇamevā**”ti āha. Evaṃ sati lakkhaṇasaṅkaro siyā, tesaṃ panidaṃ adhippāyakittananti daṭṭhabbaṃ. Arūpadhammānaṃ avasavattanākāratāya eva hi anattalakkhaṇassa saṅkhārakkhandhapariyāpannatā.

Suññatakathāvaṇṇanā niṭṭhitā.

## 3. Sāmaññaphalakathāvaṇṇanā

835-836. **Pattidhammanti** heṭṭhā vuttaṃ samannāgamamāha.

Sāmaññakathāvaṇṇanā niṭṭhitā.

## 5. Tathatākathāvaṇṇanā

841-843. **Rūpādīnaṃ sabhāvatāti** etena rūpādayo eva sabhāvatāti imamatthaṃ paṭikkhipati. Yato taṃ paravādī rūpādīsu apariyāpannaṃ icchati. Tenāha “**bhāvaṃ hesa tathatāti vadati, na bhāvayogan**”ti. Tattha **bhāvanti** dhammamattaṃ, pakatīti attho “jātidhamman”ti-ādīsu viya. Rūpādīnaṃ hi ruppanādipakati tathā asaṅkhatāti ca paravādinō laddhi. Tena vuttaṃ “**na bhāvayogan**”ti. Yena hi bhāvo sabhāvadhammo yujjati, ekībhāvameva gacchati, taṃ ruppanādilakkhaṇaṃ bhāvayogo. Taṃ pana rūpādīto anaññaṃ, tato eva saṅkhatam, aviparītaṭṭhena pana “tathan”ti vuccati.

Tathatākathāvaṇṇanā niṭṭhitā.

---

1. Visayoti (?)

## 6. Kusalakathāvaṇṇanā

844-846. Anavajjabhāvamatteneva kusalanti yojanā. **Tasmāti** yasmā avajjarahitaṃ anavajjaṃ, anavajjabhāvamatteneva ca kusalaṃ, tasmā nibbānaṃ kusalanti.

Kusalakathāvaṇṇanā niṭṭhitā.

## 7. Accantaniyāmakathāvaṇṇanā

847. Yaṃ “ekavāraṃ nimuggo tathā nimuggova hoti, etassa puna bhavato vuṭṭhānaṃ nāma natthi”ti aṭṭhakathāyaṃ āgataṃ, so pana ācariyavādo, na aṭṭhakathānayoti dassento “**tāya jātiyā -pa- maññaṃāno**”ti āha. Tattha **tāya jātiyā**ti yassaṃ jātiyaṃ puggalo kammāvaraṇādi-āvaraṇehi samannāgato hoti, tāya jātiyā. **Saṃsārakhāṇukabhāvo** vassabhaññādīnaṃ viya makkhali-ādīnaṃ viya ca daṭṭhabbo. So ca ahetuḥkādimicchādassanassa phalabhāvene va veditabbo, na accantaniyāmassa nāma kassaci atthibhāvato. Yathā hi vimuccantassa koci niyāmo nāma kassaci atthibhāvato. Yathā hi vimuccantassa koci niyāmo nāma natthi ṭhapetvā maggena bhavaparicchedaṃ, evaṃ avimuccantassapi koci saṃsāranīyāmo nāma natthi. Tādisassa pana micchādassanassa balavabhāve aparimitakappaparicchede cirataraṃ saṃsārappabandho hoti, apāyūpapatti ca yattha saṃsārakhāṇusamañña.

Yaṃ paneke vadanti “attheva accantaṃ saṃsaritā anantattā sattaniyāyassā”ti, tampi apuññabahulaṃ sattasantānaṃ sandhāya vuttaṃ siyā. Na hi mātuḥkātakādīnaṃ tenattabhāvena sammattaniyāmokkamanantarāyabhūto micchattaniyāmo viya sattānaṃ vimuttantarāyakaro saṃsāranīyāmo nāma natthi. Yāva pana na maggaphalassa upanissayo upalabbhati, tāva saṃsāro aparicchinno. Yadā ca so upaladdho, tadā so paricchinno evāti daṭṭhabbaṃ.

Yathānīyatasammādassanaṃ, evaṃ niyatamicchādassanena pi savisaye ekaṃsaḡāhasena ukkaṃsaḡatena bhavitabbanti tena samannāgatassa puggalassa sati accantaniyāme kathaṃ tasmim abhinivesavisaye anekāsaḡāho uppajjeyya, abhinivesantaraṃ vā viruddhaṃ yadi uppajjeyya, accantaniyāmo eva

na siyāti pāliyaṃ vicikicchuppattiniyāmantaruppatticodanā katā. Na hi vicikicchā viya sammattaniyatapuggalānaṃ yathākkamaṃ micchattasammattaniyatapuggalānaṃ sammattamicchattaniyatā dhammā kadācipi uppajjanti, aviruddhaṃ pana niyāmantarameva hotīti ānantarikantaraṃ viya micchādassanantaraṃ samānajātikaṃ na nivattetīti viruddhaṃyeva dassetuṃ pāliyaṃ vicikicchā viya sassatucchedadiṭṭhiyo eva uddhaṭā. Evamettha vicikicchuppattiniyāmantaruppattīnaṃ niyāmantaruppattinivattakabhāvo veditabbo, accantaniyāmo ca nivattissatīti ca viruddhametanti pana “**vicāretvāva gahetabbā**”ti vuttaṃ siyā.

Accantaniyāmakathāvaṇṇanā niṭṭhitā.

### 8. Indriyakathāvaṇṇanā

853-856. Yathā lokuttarā saddhādayo eva saddhindriyādīni, evaṃ lokiyāpi. Kasmā? Tatthāpi adhimokkhalakkhaṇādinā indaṭṭhasabbhāvato. Saddheyyādivatthūsu saddahanādimmattameva hi tanti imamatthaṃ dassento āha “**lokuttarānaṃ -pa- daṭṭhabbo**”ti.

Indriyakathāvaṇṇanā niṭṭhitā.

Ekūnavīsativavaggavaṇṇanā niṭṭhitā.

### 20. Vīsativavagga

#### 2. Ñānakathāvaṇṇanā

863-865. Kāmaṃ pubbabhāgepi attheva dukkhapariññā, atthasādhikā pana sā maggakkhaṇikā evāti ukkaṃsagataṃ dukkhapariññāṃ sandhāya avadhārento āha “**dukkhaṃ -pa- maggaññānameva dīpetī**”ti. Tam pana avadhāraṇaṃ na ñānantaranivattanaṃ, atha kho ñānantarassa yathādhigatakiccanivattanaṃ daṭṭhabbaṃ. Tenāha “**na tasseva ñānabhāvan**”ti-ādi.

Ñānakathāvaṇṇanā niṭṭhitā.

### 3. Nirayapālakathāvaṇṇanā

866-868. Nerayike niraye pārenti, tato niggantuṃ appadānavasena rakkhantīti **nirayapālā**<sup>1</sup>. Nirayapālatāya vā nerayikānaṃ narakadukkhena pariyonaddhāya<sup>2</sup> alaṃ samatthāti **nirayapālā**. Kiṃ panete nirayapālā nerayikā, udāhu anerayikāti. Kiñcetha—yadi tāva nerayikā, nirayasmāvattaniyena kammaena nibbattāti sayampi nirayadukkhāṃ paccanubhaveyyuṃ, tathā sati aññesaṃ nerayikānaṃ yātanāya asamatthā siyuṃ, “ime nerayikā, ime nirayapālā”ti vavattānañca na siyā. Ye ca ye yātentī, tehi samānarūpabalappamañehi itaresaṃ bhayasantāsā na siyuṃ. Atha anerayikā, tesāṃ tattha kathaṃ sambhavoti? Vuccate—anarayikā nirayapālā anirayagatisaṃvattaniyakamma nibbattā. Nirayūpapattisaṃvattaniyakammato hi aññeneva kammunā te nibbattanti rakkhasajātikattā. Tathā hi vadanti<sup>3</sup>—

“Kodhanā kurūrakkammantā, pāpābhirucino tathā.  
Dukkhitesu ca nandanti, jāyanti yamarakkhasā”ti.

Tattha yadeke vadanti “yātanādukkhassa appaṭisaṃvedanato, aññathā puna aññamaññaṃ yāteyyuṃ”ti ca evamādi, tayidaṃ ākāsaromaṭṭhanam<sup>4</sup> nirayapālānaṃ nerayikabhāvasseva dabhāvato. Ye pana vadeyyuṃ—yadi pi anerayikā nirayapālā, ayomayāya pana ādittāya sampajjalitāya sajotibhūtāya nirayabhūmiyā parivattamānā kathaṃ nāma dukkhāṃ nānubhavanti? Kammānubhāvato. Yathā hi iddhimanto cetovasippattā mahāmoggallānādayo nerayike anukampantā iddhibalena nirayabhūmiṃ upagatā tattha dāhadukkhena bādhiyanti, evaṃ sampadamidaṃ daṭṭhabbāṃ.

Taṃ iddhi-visayassa acinteyyabhāvatoti ce? Idampi taṃsamānaṃ kammavipākassa acinteyyabhāvatoti. Tathārūpena hi kammunā te nibbattā yathā nirayadukkhena abādhitā eva hutvā nerayike yātentī, na cettakena bāhira-visayābhāvo vijjati iṭṭhāniṭṭhatāya paccekaṃ dvārapurisesu vibhattasabhāvattā. Tathā hi ekaccassa dvārassa purisassa

1. Uparipaṇṇāsake devadūtasuttaṭṭikāyaṃ passitabbaṃ.

2. Narakadukkhapariyosānāya (Ka)

3. Vadanti sabbatthivādino (?)

4. Asāraromanthanaṃ (?)

iṭṭhaṃ ekaccassa anīṭṭhaṃ, ekaccassa ca anīṭṭhaṃ ekaccassa iṭṭhaṃ hoti. Evañca katvā yadeke vadanti “natthi kammavasena tejā parūpatāpanan”ti-ādi, tadapāhataṃ hoti. Yaṃ pana vadanti “anerayikānaṃ tesāṃ kathaṃ tattha sambhavo”ti nerayikānaṃ yātakabhāvato. Nerayikasattayātanāyoggaṃ hi attabhāvaṃ nibbattentaṃ kammaṃ tādīsanikanti vināmitaṃ nirayaṭṭhāneyeva nibbatteti. Te ca nerayikehi adhikatarabalārohapariṇāhā ativiya bhayānakasantāsakurūratarapayogā ca honti. Eteneva tattha kākasunakhādīnampi nibbatti samvaṇṇitāti daṭṭhabbaṃ.

Kathamaññagatikhehi aññagatikabādhananti<sup>1</sup> ca na vattabbaṃ aññatthāpi tathā dassanato. Yaṃ paneke vadanti “asattasabhāvā nirayapālā nirayasunakhādayo cā”ti, taṃ tesāṃ matimattaṃ aññattha tathā adassanato. Na hi kāci atthi tādīsī dhammappavatti, yā asattasabhāvā, sampatisattehi appayojitā ca atthakiccaṃ sādhetī diṭṭhapubbā. Petānaṃ pānīyanivārakānaṃ daṇḍādīhatthapurisānampi asattabhāve visesakāraṇaṃ natthi. Supinupaghātopi atthakiccasamatthatāya appamāṇaṃ dassanādīmattenapi tadatthasiddhito. Tathā hi supine āhārūpabhogādīnā na atthasiddhi atthi, nibbānarūpaṃ panettha laddhaparihāraṃ iddhivisayassa acinteyyabhāvato. Idhāpi kammavipākassa acinteyyabhāvatoti ce? Taṃ na, asiddhattā. Nerayikānaṃ kammavipāko nirayapālāti asiddhametaṃ, vuttanayena pana nesaṃ sattabhāvo eva siddho. Sakkā hi vattum sattasaṅkhātā nirayapālāsāññitā dhammappavatti sābhisandhikā parūpaghāti atthakiccasabbhāvato oṃhārādīrakkhasasantati viyāti. Abhisandhi pubbakatā cettha na sakkā paṭikkhipitum tathā tathā abhisandhiyā yātanato tato eva na saṅghāṭapabbatādīh anekantikātā. Ye pana vadanti “bhūtavisesā eva te vaṇṇasaṅṭhānādīvisesavanto bheravākārā narakapālāti samaññaṃ labhanti”ti, tadasiddhaṃ. Ujukamevapāliyaṃ “atthi niraye nirayapālā”ti vādassa patiṭṭhāpitattā.

Apica yathā ariyavinaye narakapālānaṃ bhūtamattatā asiddhā, tathā paññattimattavādinopi tesāmbhūtamattatā asiddhāva. Na hi tassa bhūtāni nāma santi. Yadi paramatthaṃ gahetvā voharati, atha kasmā

---

1. Aññagatikāvibādhitā (Ka) uparipaññāsake devadūtasuttaṭīkāyaṃ passitabbaṃ.

vedanādike eva paṭikkhipatīti? Tiṭṭhabhesā anavaṭṭhitatakkānaṃ appahīnasammohavipallāsānaṃ vādavīmaṃsā<sup>1</sup>, evaṃ attheva nirayapālāti niṭṭhamettha gantabbaṃ. Sati ca nesāṃ sabbhāve, asatīpi bhāhīre visaye narake viya desādiniyamo hotīti vādo na sijjhati evāti daṭṭhabbaṃ.

Nirayapālakathāvaṇṇanā niṭṭhitā.

#### 4. Tiracchānakathāvaṇṇanā

869-871. **Tassāti** erāvaṇanāmakassa devaputtassa. Tahim kīlanakāle hatthivaṇṇena vikubbaṇaṃ sandhāya “**hatthināgassā**”ti vuttaṃ. **Dibbayā nassāti** etthāpi eseva nayo. Na hi ekantasukhappaccayaṭṭhāne sagge dukkhādhiṭṭhānassa akusalakammasamuṭṭhānassa attabhāvassa sambhavo yutto. Tenāha “**na tiracchānagatassā**”ti.

Tiracchānakathāvaṇṇanā niṭṭhitā.

#### 6. Nāṇakathāvaṇṇanā

876-877. “Dvādasavattthukāṃ nāṇaṃ lokuttaraṇaṃ”ti ettha dvādasavattthukassa nāṇassa lokuttarāṭṭhāni patiṭṭhāpīyatīti dassento paṭhamavikappaṃ vatvā puna lokuttaraṇāṇassa dvādasavattthukāṭṭhāni patiṭṭhāpīyatīti dassetuṃ “**taṃ vā -pa- attho**”ti āha. **Pariññeyyanti** ettha itisaddo ādi-attho, pakārattho vā. Tena “pahātabbaṇaṃ”ti evamādim saṅgaṇhāti. **Pariññātanti** etthāpi eseva nayo. “Pariññeyyaṃ pariññātaṇaṃ”ti-ādinā pariṇānaṇādikiriyāya nibbattatā nibbattitā ca dassitā, na nibbattiyamānatāti. Yena pana sā hoti, taṃ dassetuṃ “**saccañāṇaṃ panā**”ti-ādi vuttaṃ. Tattha **saccañāṇanti** dukkhādisaccasabhāvāvabodhakaṃ nāṇaṃ, yaṃ sandhāya “idaṃ dukkhaṇaṃ”ti-ādi vuttaṃ. **Maggakkhaṇepīti** api-saddena

1. Tadalāṃ vīmaṃsā (Ka)

tato pubbāparabhāgepīti daṭṭhabbaṃ. **Parijānanādikiccasādhanavasena hoti asammohato visayato cāti adhippāyo.**

Ñānakathāvaṇṇanā niṭṭhitā.

Vīsativavaggavaṇṇanā niṭṭhitā.

Catuttho paṇṇāsako samatto.

## 21. Ekavīsativavagga

### 1. Sāsanakathāvaṇṇanā

878. **Samudāyāti** “sāsanam navam katan”ti-ādinā pucchāvasena pavattā vacanasamudāyā. **Ekadesānanti** tadavayavanam. “Tisupi pucchāsū”ti evam **adhikarāṇabhāvena vuttā.**

Sāsanakathāvaṇṇanā niṭṭhitā.

### 11. Iddhikathāvaṇṇanā

883-884. **Adhippāyavasenāti** tathā tathā adhimuccanādhippāyavasena.

Iddhikathāvaṇṇanā niṭṭhitā.

### 14. Dhammakathāvaṇṇanā

887-888. Rūpasabhāvo rūpaṭṭhoti āha “**rūpaṭṭho nāma koci rūpato añño natthi**”ti. Yam pana yato aññaṃ, na taṃ taṃsabhāvanti āha “**rūpaṭṭhato aññaṃ na hoti**”ti, rūpameva na hotīti attho. Etena byatirekato tamattham sādheti. **Tasmāti** yasmā rūpato añño rūpaṭṭho natthi, rūpaṭṭhato ca aññaṃ rūpaṃ, tasmā **rūpaṃ rūpameva**

rūpasabhāvamevāti **eva**-kārena nivattitaṃ dasseti “**na vedanādisabhāvan**”ti. **Adhippāyenā**ti rūparūpaṭṭhānaṃ anaññattādhippāyena. **Aññathāti** tesam aññatte rūpaṭṭhena niyameṇa rūpaṃ niyatanti vattabbanti yojanā. **Dassitoyevahoti** atthato āpannattā. Na hi abhinne vatthusmim pariyañantarabhedam karoti. **Aññattanti** rūpasabhāvānaṃ rūparūpaṭṭhānañca. Sasāminiddesasiddhābheda “silāputtakassa sarīran”ti viya, kappanāmettato cāyam bhedo, na paramatthato āha “**gahetvā viya pavatto**”ti. **Vedanādīhi nānattamevāti** vedanādīhi aññattameva. **So sabhāvoti** so rūpasabhāvo. **Nānattasaññāpanatthanti** rūpassa sabhāvo, na vedanādīnantī evam bhedassa ñāpanattham. **Taṅca vacananti** “rūpaṃ rūpaṭṭhena na niyatan”ti vacanam. **Vuttappakārenāti** “rūpaṭṭhato aññassa rūpassa abhāvā”ti-ādinā vuttākārena. Yadi sadosam, atha kasmā paṭijānātīti yojanā.

**Vuttameva kāraṇanti** “rūpaṃ rūpameva, na vedanādisabhāvan”ti evam vuttameva yuttim. **Parena coditanti** “na vattabham rūpaṃ rūpaṭṭhena niyatan”ti-ādinā paravādinō codanam sandhāyāha. **Tameva kāraṇam dassetvāti** tameva yathāvuttam yuttim “ettha hī”ti-ādinā dassetvā. **Codanamnivattetīti** “atha kasmā paṭijānātī”ti vuttam codanam nivatteti. Yamattham sandhāya “ito aññathā”ti vuttam, tam dassetum “**rūpādī**”ti-ādi vuttam.

Dhammakathāvaṇṇanā niṭṭhitā.

Vīsativaggavaṇṇanā niṭṭhitā.

## 22. Bāvīsativagga

### 1. Kusalacittakathāvaṇṇanā

894-895. **Purimajavanakkhaṇeti** parinibbānacittato anantarātītapurimajavanavārakkhaṇe.

Kusalacittakathāvaṇṇanā niṭṭhitā.



### 3. Āneñjakathāvaṇṇanā

896. Hetusarūpārammaṇasampayuttadharmārammaṇādito bhavaṅgasadisattā cuticittam **“bhavaṅgacittan”**ti āha.

Āneñjakathāvaṇṇanā niṭṭhitā.

---

### 5. Tissopikathāvaṇṇanā

898-900. Arahattappattipi gabbheyeva atthīti maññati. Sattavassikā hi sopākasāmaṇerādayo arahattaṃ pattā. Sattavassikopi gabbho atthīti paravādino adhippāyo. Ākāsenā gacchanto viya supinaṃ **ākāsasupinaṃ**. Taṃ abhiññānibbattaṃ maññatīti nidassanaṃ katvā dassento āha **“ākāsagamanādi-abhiññā viyā”**ti. Heṭṭhimā catunnaṃ vā maggānaṃ adhigamena dhammābhisamayo aggaphalādhigamena arahattappatti ca supine atthīti maññatīti yojanā.

Tissopikathāvaṇṇanā niṭṭhitā.

---

### 9. Āsevanapaccayakathāvaṇṇanā

903-905. **Bījaṃ catumadhurabhāvaṃ na gaṇhātī**ti idaṃ sakasamayavasena vuttaṃ, parasamaye pana rūpadhammāpi arūpadhammehi samānakkhaṇā eva icchitā. Tenevāha **“sabbe dhammā khaṇikā”**ti. Khaṇikattepi vā acetanesupi anindriyabaddharūpesu bhāvanāviseso labbhati, kimaṅgaṃ pana sacetanesūti dassetuṃ **“yathā bījaṃ catumadhurabhāvaṃ na gaṇhātī”**ti nidassananti daṭṭhabbaṃ. **Āsevento nāma koci dhammo natthi** ittaratāya anavaṭṭhānatoti adhippāyo. Ittarakhaṇatāya eva pana āsevanam labbhati. Kusalādibhāvena hi attasadisassa payogena karaṇīyassa punappunaṃ karaṇappavattanaṃ attasadisatāpādanaṃ vāsanaṃ vā āsevanam pure paricitagantho viya pacchimassāti.

Āsevanapaccayakathāvaṇṇanā niṭṭhitā.

### 10. Khaṇikakathāvaṇṇanā

906-907. **Pathaviyādirūpesūti** anekakalāpasamudāyabhūtesu sasambhārapathavī-ādirūpesu. Tattha hi kesuci purimuppannesu ṭhitesu kesañci tadaññesaṃ uppādo, tato purimantaruppannānaṃ kesañci nirodho hoti ekekakalāparūpesu samānuppādanirodhattā tesam. **Evam patiṭṭhānanti** evaṃ vuttappakārena asamānuppādanirodhena pabandhena patiṭṭhānapavattīti attho. Sā panāyaṃ yathāvuttā pavatti kasmā rūpasantatiyā evāti āha “**na hi rūpanan**”ti-ādi. Tassāttho—yadi sabbe saṅkhatadhammā samānakkhaṇā, tathā sati arūpasantatiyā viya rūpasantatiyāpi anantarādipaccayena vidhinā pavatti siyā, na cetam atthi. Yadi siyā, cittakkhaṇe cittakkhaṇe pathavī-ādīnaṃ uppādanirodhehi bhavitabbanti.

Khaṇikakathāvaṇṇanā niṭṭhitā.

Bāvīsatimavaggavaṇṇanā niṭṭhitā.

### 23. Tevīsatimavagga

#### 1. Ekādhippāyakathāvaṇṇanā

908. **Eka-saddo** aññatthopi hoti “ittheke abhivadanti”ti-ādīsū<sup>1</sup> viya, aññattañcetha rāgādhippāyato veditabbaṃ, puthujjanassa pana sachandarāgaparibhogabhāvato<sup>2</sup> āha “**rāgādhippāyato aññādhippāyovāti vuttaṃ hoti**”ti. Ko pana so aññādhippāyoti? Karuṇādhippāyo. Tena vuttaṃ “**karuṇādhippāyena ekādhippāyo**”ti. yañca nayo itthiyā jīvitarakkhaṇattham kārūñṇena manoratham pūrentassa bodhisattassa saṃvaravināso na hotīti evaṃvādinam paravādim sandhāya vutto, paṇidhānādhippāyavādinam pana sandhāya “**eko adhippāyoti etthā**”ti-ādi vuttaṃ. Puttamukhadassanādhippāyopi ettheva saṅgahaṃ gatoti daṭṭhabbaṃ. **Ekatobhāveti** sahabhāve.

Ekādhippāyakathāvaṇṇanā niṭṭhitā.

1. Ma 3. 18, 22 piṭṭhādīsū. 2. Nibbacanassa pana accantarāgaparibhogabhāvato (Ka)

### 3-7. Issariyakāmakārikākathāvaṇṇanā

910-914. **Issariyenā**ti cittissariyena, na cetovasibhāvenāti attho. **Kāmakārikam** yathicchitanipphādanam. **Issariyakāmakārikāhetū**ti issariyakāmakāribhāvanimittam, tassa nibbattanatthanti attho. **Micchādīṭṭhiyā karīyatī**ti micchābhiniveseneva yā kāci dukkarakārikā karīyatīti attho.

Issariyakāmakārikākathāvaṇṇanā niṭṭhitā.

---

### 8. Patirūpakathāvaṇṇanā

915-916. **Mettādayo viyā**ti yathā mettā karuṇā muditā ca sinehasabhāvāpi arañjanasabhāvattā asamkiliṭṭhattā ca na rāgo, evam rāgapatirūpako koci dhammo natthi ṭhapetvā mettādayo, aññacittassa siniyhanākāro rāgasseva pavatti-ākāroti attho. Tenevāha “**rāgameva gaṇhatī**”ti. **Evam dosepī**ti ettha issādayo viya na doso dosapatirūpako koci atthīti dosameva gaṇhātīti yojetabbanam. Ṭhapetvā hi issādayo aññacittassa dussanākāro dosasseva pavatti-ākāroti.

Patirūpakathāvaṇṇanā niṭṭhitā.

---

### 9. Aparinipphannakathāvaṇṇanā

917-918. **Aniccādiko bhāvoti** aniccasaṅkhārapaṭiccasamuppannatādiko bhāvo dhammo pakati etassāti attho. **Dukkhaññeva parinipphannanti** “dukkhasaccam sandhāya pucchā katā, na dukkhatāmattan”ti ayamattho viññāyati “na kevalañhi paṭhamasaccameva dukkhan”ti vacanena. Tathā sati paravādinā cakkhāyatanādīnam aññesañca taṃsarikkhakānam dhammānam parinipphannatā nānujānitabbā siyā. kasmā? Tesampi hi dukkhasaccena saṅgaho, na itarasaccehi. Yañhi samudayasaccato nibbattam, tam nippariyāyato

dukkhasaccaṃ, itaraṃ saṅkhāradukkhatāya dukkhanti imamatthaṃ dassento “**na kevalañhī**”ti-ādimāha. Tattha **na hi anupādinnaṇī**ti iminā cakkhāyatanādīnaṃ samudayasaccena saṅgahābhāvamāha. Lokuttarāṇīti iminā nirodhamaggasaccehi. Yadi evamettha yutti vattabbā, kimettha vattabbaṃ? Sabhāvo hesa paravādivādassa, yadidaṃ pubbenāparamasaṃsandanaṃ. Tathā hi so viññūhi paṭikkhitto. Tathā ceva taṃ amhehi tattha tattha vibhāvitāṃ. **Etanti** “rūpaṃ aparinipphannaṃ, dukkhaññeva parinipphannaṃ”ti yadetaṃ tayā vuttaṃ, etaṃ no vata re vattabbe. Kasmā? Rūpassa ca dukkhattā. Rūpaṃ hi aniccaṃ dukkhādhiṭṭhānaṇca. Tena vuttaṃ “yadaniccaṃ taṃ dukkhaṃ. Saṃkhittena pañcupādānakkhandhā dukkhā”ti ca.

Aparinipphannakathāvaṇṇanā niṭṭhitā.

Tevīsativaggaṇṇanā niṭṭhitā.

**Kathāvatthupakaraṇa-anuṭīkā samattā.**



# Yamakapakaraṇa-anuṭikā

Namo tassa Bhagavato Arahato Sammāsambuddhassa.

## Ganthārambhavaṇṇanā

**Saṅkhepenevā**ti uddeseneva. Yam “mātikāṭhapanan”ti vuttam.

**Dhammesū**ti khandhādidhammesu kusalādidhammesu ca. Aviparītato gahitesu dhammesu mūlayamakādivasena pavattiyamānā desanā veyyānam nānapakāraṇasallāvahā pariññākiccasādhanī ca hoti, na viparītato āha **viparītaggahaṇam -pa- āraddhan**”ti. Etena kathāvathupakaraṇadesanānantaram yamakapakaraṇadesanāya kāraṇamāha. Tattha **viparītaggahaṇanti** puggalapariggahaṇādemicchāgāham.

**Dhammapuggalokāsādinissayānanti** “ye keci kusalā dhammā, sabbe te kusalamūlā”ti-ādinā<sup>1</sup> dhamme, “yassa rūpakkhandho uppajjati, tassa vedanākkhandho uppajjati”ti-ādinā<sup>2</sup> puggalam, “yattha rūpakkhandho uppajjati, tattha vedanākkhandho uppajjati”ti-ādinā<sup>2</sup> okāsam nissāya ārabha pavattānam. **Ādi**-saddena puggalokāsa-uppādanīrodhatadubhayapariññādīnam saṅgaho daṭṭhabbo.

**Sanniṭṭhānasamsayānanti**

pāḷigatipaṭivacanasarūpadassanapaṭikkhipanapaṭisedhananayehi yathāpucchitassa atthassa nicchayakaraṇam sanniṭṭhānam, tadabhāvato samsayanam samsayo. Tesam sanniṭṭhānasamsayānam.

Kāmañcetta dhammapaṭiggāhakānam samsayapubbakam sanniṭṭhānanti paṭhamam samsayo vattabbo, desentassa pana bhagavato sanniṭṭhānapubbako samsayoti dassanattam ayam padānukkamo kato. Sabbam hi pariññeyyam hatthāmalakam viya paccakkham katvā ṭhitassa dhammasāmino na kathaci samsayo, vissajjetukāmatāya pana vineyyajjhāsayaगतam samsayam dassento samsayitavasena puccham karotīti evam vissajjanapucchanasena na sanniṭṭhānasamsayā labbhantīti ayamatto dassito, nicchitasamsayadhammaseneva panettha

1. Abhi 5. 1 piṭṭhe.

2. Abhi 5. 31 piṭṭhe.

sanniṭṭhānasāsayā veditabbā. Tenāha **aṭṭhakathāyaṃ** “kusalesu kusalā nu kho, na nu kho kusalāti sandehābhāvato”ti-ādi. Teneva ca “sanniṭṭhānasāsayānan”ti, “sanniṭṭhānasāsayavasenā”ti ca paṭhamam sanniṭṭhānaggahaṇam kataṃ.

**Tanti** yamakapakaraṇam. Tassa ye samayādayo vattabbā, te kathāvattthupakaraṇadesanānantaro desanāsamayo, tāvatimsabhavanameva desanādeso, kusalākusalamulādiyamakākārena desanāti vibhāgato “saṅkhepenevā”ti-ādigāthāhi vibhāvītā nimittena saddhim samvaṇṇanapaṭiñṇā cāti imamattam dassento “**samayadesadesanāvasenā**”ti-ādimāha. Nimittam hetam idha samvaṇṇanāya, yadidam kamānuppatti āgatabhāravāhitā ca paṇḍitānam paṇḍitakiccabhāvato. Tattha anuppattam dassetvāti sambandho.

**Tathāti** tasmim samayādissane. Yamanam uparamananti yamo maraṇanti āha “**jātiyā sati maraṇam hotīti -pa- visayo**”ti. Tattha yathā “jātiyā sati maraṇam hotī”ti jāti yamassa visayo, evam “upādānakkhandhesu santesu maraṇam hotī”ti upādānakkhandhā yamassa visayoti yojetabbam. Te hi maraṇadhamminoti. Anuppattamarāṇamyeva kibbisakārinam puggalam yamapurisā vividhā kammakāraṇā karonti<sup>1</sup>, na appattamarāṇanti maraṇam yamassa visayo vutto. **Ānāpavattiṭṭhānanti** idam visaya-saddassa atthavacanam. **Desam vāti** kāmādidhātuttayadesam sandhāyāha. Dhātuttayissaro hi maccurājā. Pañcānantariyāni aññasatthāruddeso ca, tena vā saddhim pañca verāni **cha abhabbaṭṭhānāni**. **Āvattāti** padakkhiṇāvattā. **Tanuruhāti** lomā.

Ganthārambhavaṇṇanā niṭṭhitā.

---

1. Kārenti (Ka)

## 1. Mūlayamaka uddesavāraṇṇā

1. **Yamakasamūhassā**ti mūlayamakādikassa yamakasamūhassa. Mūlayamakādayo hi pakaraṇāpekkhāya avayavabhūtāpi niccāvayavāpekkhāya yamakasamūhoti vutto. Tenāha “**taṃsamūhassa ca sakalassa pakaraṇassā**”ti.

**Kusalākusalāmūlavisesānanti** dutiyapucchāya vuttānaṃ saṃsayapadasaṅgahitānaṃ kusalasankhātānaṃ, tathā paṭhamapucchāya vuttānaṃ kusalamūlasankhātānaṃ visesānaṃ atthayamakabhāvassa vuttattāti yojanā. Yathā hi paṭhamapucchāya visesavantabhāvena vuttāyeva kusaladhammā dutiyapucchāyaṃ visesabhāvena vuttā, evaṃ paṭhamapucchāyaṃ visesabhāvena vuttāyeva kusalamūladhammā dutiyapucchāyaṃ visesavantabhāvena vuttā. Vattuvacanicchāvasena hi dhammānaṃ visesavisesavantatāvibhāgā hontīti. **Kusalāmūlakusalavisesehi** saṃsayitapadasaṅgahitehi kusalakusalāmūlānaṃ visesavantānanti adhippāyo. Ettha ca visesavantāpekkhavisavasena paṭhamo atthavikappo vutto, dutiyo pana visesāpekkhavisasantavasenāti ayametesāṃ viseso. Tenāha “**ñāturū icchitānaṃ hī**”ti-ādi.

Tattha **ñāturū icchitānanti** pucchāya visayabhūtānanti attho. **Visesānanti** kusalakusalāmūlavisesānaṃ. **Visesavantāpekkhānanti** kusalamūlakusalasankhātehi visesavantehi sāpekkhānaṃ. **Visesavatanti** kusalamūlakusalānaṃ. **Visesāpekkhānanti** kusalakusalāmūlavisesehi sāpekkhānaṃ. **Etthāti** etasmim mūlayamake. **Padhānabhāvoti** paṭhamavikappe tāva saṃsayitappadhānattā pucchāya visesānaṃ padhānabhāvo veditabbo. Te hi saṃsayitānaṃ visesavantoti. Dutiyavikappe pana visesā nāma visesavantādhīnāti visesavantānaṃ tattha padhānabhāvo daṭṭhabbo. Dvinnānaṃ pana ekajjhaṃ padhānabhāvo na yujjati. Sati hi appadhāne padhānaṃ nāma siyā. Tenāha “**ekekāya pucchāya ekeko eva attho saṅgahito hotī**”ti. Evañcetāṃ sampañcchitabbaṃ, aññathā vinicchitavisesitabbabhāvehi idha padhānabhāvo na yujjatevāti. **Na dhammavācakoti** na sabhāvadhammavācako.



Sabhāvadhammopi hi atthoti vuccati “gambhīrapaññaṃ nipuṇatthadassin”ti-ādīsu<sup>1</sup>. “Hetuphale ñāṇaṃ atthapaṭisambhidā”ti-ādīsu<sup>2</sup> attha-saddassa hetuphalavācakatā daṭṭhabbā. **Ādi**-saddenassa “atthābhisamayā”ti-ādīsu<sup>3</sup> āgatā hitādivācakatā saṅgayhati. **Tenevā**ti pāḷi-atthavācakatā eva.

**Tiṇi**pi padānīti ettha **pi**-saddo samuccayattho, samuccayo ca tulyayoge siyā. Kiṃ nāma-padena anavasesato kusalādīnaṃ saṅgahoti āsaṅkāya tadāsaṅkānivattanatthamāha “**tiṇi**pi **-pa-** saṅgāhakatā”ti. Tattha **saṅgāhakatamattanti matta**-saddo visesanivatti-atthoti. Tena nivattitaṃ visesaṃ dassetuṃ “**na niravasesasaṅgāhakatā**”ti vuttaṃ. Na hi rūpaṃ nāma-padena saṅgayhati. Kusalādiyeva nāmaṃ niyamo daṭṭhabbo, na nāmaṃyeva kusalādīti imameva ca niyamaṃ sandhāyāha “**kusalādīnaṃ saṅgāhakatamattameva sandhāya vuttaṃ**”ti. Yadi nāma-padaṃ na niravasesakusalādīsaṅgāhakaṃ, kusalādīsaṅgāhakaṃ pana hoti, tadatthameva ca taṃ gahitanti nāmassa kusalattikapariyāpannatā vuttāti dassento āha “**kusalādi -pa-** vuttaṃ”ti.

Uddesavāraṇṇanā niṭṭhitā.

### Mūlayamaka niddesavāraṇṇanā

52. **Duti**yamakeṭi ekamūlayamake. **Evamidhāpī**ti yathā ekamūlayamake “ye keci kusalā” icceva pucchā āraddhā, evaṃ idhāpi aññaṃaññaṃmūlayamakepi “ye keci kusalā” icceva pucchā ārabhitabbā siyā. Kasmā? **Purimayamaka -pa-** appavattattāti. Idañca dutiyayamakassa tathā appavattattā vuttaṃ, tatiyayamakaṃ pana tatheva pavattaṃ. **Kecī**ti padakārā. Te hi yathā paṭhamadutiyaṃyakesu purimapucchā eva parivattanavasena pacchimapucchā katāti pacchimapucchāya purimapucchā samānā ṭhapetvā paṭilomabhāvaṃ, na tathā aññaṃaññayamake. Tattha hi dvepi pucchā aññaṃaññavisadisā. Yadi tatthāpi dvīhipi pucchāhi sadisāhi

1. Khu 1. 305 piṭṭhe Suttanipāte.

2. Abhi 2. 307 piṭṭhe.

3. Saṃ 1. 90 piṭṭhe.

bhavitabbaṃ, “ye keci kusalā”ti paṭhamapucchā ārabhitabbā, pacchimapucchā vā “sabbe te dhammā kusalamūlena ekamūlā”ti vattabbā siyā. Evaṃ pana avatvā paṭhamadutiyaamakesu viya purimapacchimapucchā sadisā akatvā tatiyaamake tāsāṃ visadisatā “ye keci kusalā”ti anāraddhattā, tasmā paṭilomapucchānurūpāya anulomapucchāya bhavitabbanti imamatthaṃ sandhāya “ye keci kusalāti apucchitvā”ti vuttanti vadanti.

**Atthavasenā**ti sambhavantānaṃ nicchitasāmsayitānaṃ atthānaṃ vasena. **Tadanurūpāyā**ti tassā purimapucchāya atthato byañjanato ca anucchavikāya. Purimaṃ hi apekkhitvā pacchimāya bhavitabbaṃ. **Tenā**ti tasmā. Yasmā anulome sāmsayacchede jātepi paṭilome sāmsayo uppajjati, yadi na uppajjeyya, paṭilomapucchāya payojanameva na siyā, tasmā na pacchimapucchānurūpā purimapucchā, atha kho vuttanayena purimapucchānurūpā pacchimapucchā, tāya ca anurūpatāya atthādivasena dvinnāṃ padānaṃ sambandhattā atthādiyamakatā vuttā. Desanākkamato cettha anulomapaṭilomatā veditabbā “kusalā kusalamūlā”ti vatvā “kusalamūlā kusalā”ti ca vuttattā. Sesayamakesupi eseva na yo. Visavantavisesa, visavisesavantaggahaṇato vā idha anulomapaṭilomatā veditabbā. Paṭhamapucchāyaṃ hi ye dhammā visavanto, te nicchayādhiṭṭhāne katvā dassento “ye keci kusalā dhammā”ti vatvā tesu yasmim viseso sāmsayādhiṭṭhāno, taṃdassanatthaṃ “sabbe te kusalamūlā”ti pucchā katā. Dutiyaapucchāyaṃ pana tappaṭilomato yena visesena te visavanto, taṃ visesaṃ sanniṭṭhānaṃ katvā dassento “ye vā pana kusalamūlā”ti vatvā te visavante sāmsayādhiṭṭhānabhūte dassetuṃ “sabbe te dhammā kusalā”ti pucchā katā. Aniyatavatthukā hi sanniṭṭhānasāmsayā anekajjhāsayaṭṭā sattānaṃ.

**Imināpi byañjanenā**ti “ye keci kusalamūlena ekamūlā”ti imināpi vākyena. **Evaṃ na sakkā vattuntī** yenādhippāyena vuttaṃ, tamevādhippāyaṃ vivarati “**na hī**”ti-ādinā. Tattha **tenevā**ti kusalabyañjanatthassa kusalamūlena ekamūlabyañjanatthassa bhinnattā eva. **Vissajjananti**

vibhajanam. **Itarathā**ti kusalamūlena ekamūlabyañjanena pucchāya katāya.

**Tāni vacanānī**ti kusalavacanam kusalamūlena ekamūlavacanañca.

Kusalacittasamuṭṭhānarūpavasena cassa abyākatadīpanatā datṭhabbā. **Etthā**ti “imināpi byañjanena tassevatthassa sambhavato”ti etasmim vacane. **Ye keci kusalā -pa- sambhavatoti** etena kusalanam kusalamūlena ekamūlatāya byabhicārābhāvam dasseti. Tenevāha “**na hi -pa- santi**”ti.

**Vuttabyañjanatthasseva sambhavatoti** hi iminā avuttabyañjanatthassa sambhavābhāvavacanena svāyamadhippāyamatto vibhāvito. Yathā hi kusalamūlena ekamūlabyañjanattho kusalabyañjanattham byabhicarati, na evam tam kusalabyañjanattho. Katham katvā codanā, kathañca katvā parihāro? Kusalamūlena ekamūlā kusalā evāti codanā katā, kusalamūlena ekamūlā eva kusalāti pana parihāro pavattoti veditabbam. **Dutiyyamake viya apucchitvāti** “ye keci kusalā”ti apucchitvā. **Kusalamūlehī**ti kusalehi mūlehi. **Teti** kusalamūlena ekamūlā.

**Ekato uppajjantī**ti ettha **iti**-saddo ādi-attho pakārattho vā. Tena “kusalamūlāni ekamūlāni ceva aññamaññamūlāni cā”ti-ādipāḷisesam dasseti. Yam sandhāya “**heṭṭhā vuttanayeneva vissajjanam kātabbam bhaveyyā**”ti vuttam. Tattha **heṭṭhā**ti anulomapucchāvissajjane. **Vuttanayenāti** “mūlāni yāni ekato uppajjantī”ti-ādinā vuttanayena. **Tampī**ti “kusalamūlenā”ti-ādi aṭṭhakathāvacanampi. **Tathā**ti tena pakārena, anulomapucchāyam viya vissajjanam kātabbam bhaveyyāti iminā pakārenāti attho. Yena kāraṇena “na sakkā vattun”ti vuttam, tam kāraṇam dassetuṃ “**ye vā panā**”ti-ādimāha. Tattha “**āmantā**” **icceva vissajjanena bhavitabbanti** “sabbe te dhammā kusalā”ti pucchāyam viya “sabbe te dhammā kusalamūlena ekamūlā”ti pucchitepi paṭivacanavissajjanameva labbhati, na anulomapucchāyam viya sarūpadassanavissajjanam vibhajitvā dassetabbassa abhāvato. Ye hi dhammā kusalamūlena ekamūlā, na te dhammā kusalamūlena aññamaññamūlāva. Ye pana kusalamūlena aññamaññamūlā, te kusalamūlena ekamūlāva. Tenāha “**na hi -pa- vibhāgo kātabbo bhaveyyā**”ti.

Tattha **yenā**ti yena aññamaññamūlesu ekamūlassa abhāvena. **Yatthā**ti yasmim̄ ñānasampayuttacittuppāde. Aññamaññamūlakattā ekamūlakattā cāti adhippāyo. Dvinnam̄ dvinnam̄ hi ekekena aññamaññamūlakatte vutte tesam̄ ekekena ekamūlakattampi vuttameva hoti samānattho ekasaddoti katvā. Tenevāha “**yattha pana -pa- na ekamūlānī**”ti. Tayidaṃ micchā, dvīsupi ekekena itarassa ekamūlakattam̄ sambhavati evāti. Tenāha “**etassa gahaṇassa nivāraṇatthan**”ti-ādi. “Ye dhammā kusalamūlena aññamaññamūlā, te kusalamūlena ekamūlā”ti imamattam̄ vibhāventena idha “**āmantā**”ti padena yattha dve mūlāni uppajjanti, tattha ekekena itarassa ekamūlakattam̄ pakāsītamevāti āha “**āmantāti imināva vissajjanena taṃgahaṇanivāraṇato**”ti. **Nicchitattā**ti ettha ekato uppajjamānānam̄ tiṇṇannaṃ tāva mūlānam̄ nicchitam̄ hotu aññamaññekamūlakattam̄, dvinnam̄ pana kathanti āha “**aññamaññamūlānam̄ hī**”ti-ādi. **Samānamūlatā evā**ti avadhāraṇena nivattitattam̄ dassetuṃ “**na aññamaññasamānamūlatā**”ti vuttaṃ. Tena aññamaññamūlānam̄ samānamūlatā mattavacanicchāya ekamūlaggahaṇam̄, na tesam̄ aññamaññapaccayatāvisiṭṭhasamānamūlatādassanattanti imamattam̄ dasseti. **Dvinnam̄ mūlānanti** dvinnam̄ ekamūlānam̄ ekato uppajjamānānam̄. Yathā tesam̄ samānamūlatā, tam̄ dassetuṃ “**tesu hī**”ti-ādi vuttaṃ. **Taṃmūlehi aññehī**ti itaramūlehi mūladvayato aññehi sahaṇādhammehi.

Idāni yena adhippāyena paṭilome “kusalā” icceva pucchā katā, na “kusalamūlena ekamūlā”ti, tam̄ dassetuṃ “**aññamaññamūlatte pana -pakatāti daṭṭhabban**”ti āha. Na hi kusalamūlena aññamaññamūlesu kiñci ekamūlam̄ na hotīti vuttovāyamattho. **Mūlayuttatameva vadati**, na mūlehi ayuttanti adhippāyo. Aññathā pubbenāparam̄ virujjheyya. **Tenevā**ti mūlayuttatāya eva vuccamānattā. **Ubhayatthāpī**ti aññamaññamūlā ekamūlāti dvīsupi padesu. “**Kusalamūlenā**”ti vuttaṃ, kusalamūlena sampayuttenāti hi attho. Yadi ubhayampi vacanam̄ mūlayuttatameva vadati, atha kasmā anulomapucchāyameva ekamūlaggahaṇam̄ kataṃ, na paṭilomapucchāyanti ubhayatthāpī tam̄ gahetabban̄ na vā gahetabban̄. Evañhi mūlekamūlayamakadesanāhi ayam̄ aññamaññayamakadesanā samānaraṣā siyāti codanam̄ manasi katvā āha “**tatthā**”ti-ādi.

Tattha **tatthā**ti tasmim̄ aññamaññayamake. Yadipe ekamūlā aññamaññamūlāti idam̄ padadvayaṃ vuttanayena mūlayuttatameva vadati, tathāpi sāmāññavisesalakkhaṇe attheva bhedoti dassetuṃ “**mūlayogasāmaññe**”ti-ādi vuttam̄. Samūlakānam̄ samānamūlatā ekamūlattanti ekamūlavacanam̄ tesu avisesato mūlasabbhāvamattaṃ vadati, na aññamaññamūlasaddo viya mūlesu labbhamānam̄ visesaṃ, na ca sāmāññe nicchayo visese saṃsayam̄ vidhamatīti imamattamāha “**mūlayogasāmaññe -pa- pavattā**”ti iminā. Visese pana nicchayo sāmāññe saṃsayam̄ vidhamanto eva pavattatīti āha “**mūlayogavisesa pana -pa- nicchitameva hotī**”ti. **Tasmā**ti vuttasseva tassa hetubhāvena parāmasanam̄, visesanichayeneva avinābhāvato, sāmāññassa nicchitattā tattha vā saṃsayābhāvatoti attho. Tenāha “**ekamūlāti pucchaṃ akatvā**”ti. **Kusalabhāvadīpakaṃ na hotī**ti kusalabhāvasseva dīpakaṃ na hoti tadanñajātikassapi dīpanato. Tenāha “**kusalabhāve saṃsayasabbhāvā**”ti. **Aññamaññamūlavacananti** kevalam̄ aññamaññamūlavacananti adhippāyo. **Kusalādhikārassa anuvattamānattā**ti iminā “sabbe te dhammā kusalā”ti kusalaggahaṇe kāraṇamāha. Ekamūlaggahaṇe hi payo janābhāvo dassito, kusalassa vasena cāyam̄ desanāti.

53-61. **Mūlanaye vutte eva attheti** mūlanaye vutte eva kusalādidhamme. Kusalādayo hi sabhāvadhammā idha pāḷi-atthatāya atthoti vutto. Kusalamūlabhāvena, mūlassa visesanena, mūlayogadīpanena ca pakāsetuṃ. Kusalamūlabhūtā mūlā kusalamūlamūlāti samāsyojanā. Mūlavacanañhi nivattetabbagahetabbasādhāraṇam̄. Akusalābyākatāpi mūladhammā atthīti kusalamūlabhāvena mūladhammā visesitā. Mūlaggahaṇena ca mūlavantānam̄ mūlayogo dīpito hoti. Samānena mūlena, mūlassa visesanena, mūlayogadīpanena ca pakāsetuṃ “ekamūlamūlā”ti, aññamaññassa mūlena mūlabhāvena, mūlassa visesanena, mūlayogadīpanena ca pakāsetuṃ “aññamaññamūlamūlā”ti mūlamūlanayo vuttoti yojanā. Tīsupi yamakesu yathāvuttavisesanamevettha pariyaṅtaram̄ daṭṭhabbam̄.

**Mūlayogaṃ dīpetunti** mūlayogameva padhānaṃ sātisayañca katvā dīpetunti adhippāyo. Yathā hi kusalāni mūlāni etesanti kusalamūlakānīti bāhiratthasamāse mūlayogo padhānabhāvena vutto hoti, na evaṃ “kusalasaṅkhātā mūlā kusalamūlā”ti kevalaṃ, “kusalamūlamūlā”ti savisesanaṃ vā vutte uttarapadatthappadhānasamāse. Tenāha “**aññapadattha -pa- dīpetun**”ti. **Vuttappakārovāti** “kusalamūlabhāvena mūlassa visesanenā”ti-ādinā mūlamūlanaye ca, “aññapadatthasamāsentena kakārenā”ti-ādinā mūlakanaye ca vuttappakāro eva. **Vacanapariyāyo** mūlamūlakanaye ekajjhaṃ katvā yojetabbo.

74-85. **Na ekamūlabhāvaṃ labhamānehīti** abyākatamūlena na ekamūlakam tathāvattabbatam labhamānehi aṭṭhārasa-ahetukacittuppādāhetukasamuṭṭhānarūpanibbānehi ekato alabhamānattā. Yathā hi yathāvuttacittuppādādayo hetupaccayavirahitā ahelikavohāraṃ labhanti, na evaṃ sahetukasamuṭṭhānaṃ rūpaṃ. Tenāha “**ahelikavohārarahitaṃ katvā**”ti. Ettha ca “sabbaṃ rūpaṃ na hetukameva, ahelikamevā”ti vuttattā kiñcāpi sahetukasamuṭṭhānampi rūpaṃ ahelikam, “abyākato dhammo abyākatassa dhammassa hetupaccayena paccayo, vipākābyākātā kiriyābyākātā hetū sampayuttakānaṃ khandhānaṃ cittasamuṭṭhānānañca rūpānaṃ hetupaccayena paccayo”ti<sup>1</sup> pana vacanato hetupaccayayogena sahetukasamuṭṭhānassa rūpassa ahelikavohārābhāvo vutto. Keci pana “**abohārikaṃ katvāti** sahetukavohārena abohārikaṃ katvāti atthaṃ vatvā aññathā ‘ahelikam abyākatam abyākatamūlena ekamūlan’ti na sakkā vattun”ti vadanti. Tattha yaṃ vattabbaṃ, taṃ vuttameva ahelikavohārābhāvena sahetukatāpariyāyassa atthasiddhattā. Apica hetupaccayasabbhāvato tassa sahetukatāpariyāyo abbhateva. Tenāha “**na vā sahetukaduke viya -pa- abohārikaṃ katan**”ti. Ettha **etthāti** etasmiṃ ekamūlakaduke. **Hetupaccayayogāyogavasenāti** hetupaccayena yogāyogavasena, hetupaccayassa sabbhāvāsabbhāvavasenāti attho. **Sahelikavohārameva labhati** paccayabhūtahelikasabbhāvato.

---

1. Abhi 8. 132 piṭṭhe.

Apare pana bhaṇanti “sahetukacittasamuṭṭhānaṃ rūpaṃ ahetukaṃ abyākatanti iminā vacanena saṅgahaṃ gacchantampi samūlakattā ‘abyākatamūlena na ekamūlan’ti na sakkā vattuṃ, satipi samūlakatte nippariyāyena sahetukaṃ na hotīti ‘abyākatamūlena ekamūlan’ti ca na sakkā vattuṃ, tasmā ‘ahetukaṃ abyākataṃ abyākatamūlena na ekamūlaṃ, sahetukaṃ abyākataṃ abyākatamūlena ekamūlan’ti dvīsupi padesu anavarodhato abbohārikaṃ katvāti vuttan”ti, taṃ tesāṃ matimattaṃ “sahetuka-abyākatasamuṭṭhānaṃ rūpaṃ abyākatamūlena ekamūlaṃ hotī”ti **aṭṭhakathāyaṃ** tassa ekamūlabhāvassa nicchittā, tasmā vuttanayeneva cettha attho veditabbo.

86-97. Kusalākusalābyākatarāsito namananāmanasaṅkhātena visesena arūpadhammānaṃ gahaṇaṃ niddhāraṇaṃ nāma hotīti āha “**nāmānaṃ niddhāritattā**”ti. Tena tesāṃ adhikabhāvamāha viññāyamānameva pakaraṇena aparicchinnattā. Yadi evaṃ “ahetukaṃ nāmaṃ sahetukaṃ nāman”ti pāṭhantare kasmā nāmaggaṇaṃ katanti āha “**supākaṭabhāvatthan**”ti, paribyaṭṭaṃ katvā vutte kiṃ vattabbanti adhippāyo.

Niddesavāraṇaṇā niṭṭhitā.

Mūlayamakavaṇṇanā niṭṭhitā.

## 2. Khandhayamaka

### 1. Paṇṇatti-uddesavāraṇaṇā

2-3. **Khandhayamake -pa- pariññā ca vattabbā**ti idaṃ padhānabhāvena vattabbadassanaṃ. Abhiññeyyakathā hi abhidhammo, sā ca yāvadeva pariññattāti pariññāsu ca na vinā tīraṇapariññāya pahānapariññā, tīraṇaṅca sampuṇṇaparānuggahassa adhippetattā kālapuggalokāsavibhāgamukhena khandhānaṃ visuṃ saha ca uppādanirodhalakkhaṇapariggahavasena sātisayaṃ sambhavati, nāññathāti imamatthaṃ dassento “**chasu kālabhedesu -pa- pariññā ca vattabbā**”ti padhānaṃ vattabbaṃ uddharati. Tattha pana yathā na tīraṇapariññāya vinā pahānapariññā, evaṃ tīraṇapariññā vinā ñātapariññāya.

Sā ca sutamayañāṇamūlikāti desanākusalo satthā anvayato byatirekato ca samudāyāvayavapadatthādivibhāgadassanamukhena khandhesu pariññāppabhedanāṃ pakāsetukāmo “pañcakkhandhā”ti-ādinā desanāṃ ārabhīti dassento “**te pana khandhā**”ti-ādimāha. **Pañcahi padehīti** pañcahi samudāyapadehi.

**Tatthā**ti tesu samudāyāvayavapadesu. **Dhammoti** ruppanādiko ñeyyadhammo. **Samudāyapadassā**ti rūpakkkhandhādisamudāyapadassa. Yadi pi avayavavinimutto paramatthato samudāyo nāma natthi, yathā pana avayavo samudāyo na hoti, evaṃ na samudāyopi avayavoti satipi samudāyāvayavānaṃ bhede dvinnāṃ padānaṃ samānādhikaraṇabhāvato atthevābhedoti padadvayassa samānatthātāya siyā āsaṅkāti āha “**etasmim saṃsayatṭhāne**”ti. “Cakkhāyatanaṃ rūpakkkhandhagaṇanaṃ gacchati, viññāṇakkhandho tajjā manoviññāṇadhātū”ti-ādīsu<sup>1</sup> ekadeso samudāyapadattho vutto, “yaṃ kiñci rūpaṃ -pa- ayaṃ vuccati rūpakkkhandho”ti-ādīsu<sup>2</sup> pana sakaloti āha “**rūpādi -pa- attho**”ti. Avayavapadānañcetha viśesaṇavisesitabbavisaṇāyānaṃ samānādhikaraṇātāya samudāyapadatthātā vuttā, tato eva samudāyapadānampi avayavapadatthātā. Na hi viśesaṇavisesitabbānaṃ atthānaṃ accantaṃ bhedo abhedo vā icchito, atha kho bhedaḥbhedo, tasmā abhedadassanavasena paṭhamanayo vutto, bhedadassanavasena dutiyanayo. Yo hi ruppanādisaṅkhāto rāsaṭṭho avayavapadehi rūpādisaddehi ca khandhasaddena ca viśesaṇavisesitabbabhāvena bhinditvā vutto, svāyaṃ atthato rāsibhāvena apekkhito ruppanādi-attho evāti.

Yathā avayavapadehi vuccamānopi samudāyapadassa attho hoti, evaṃ samudāyapadehi vuccamānopi avayavapadassa atthoti “rūpakkkhandho rūpañceva rūpakkkhandho ca, rūpakkkhandho rūpanti āmantā”ti-ādinā padasodhanā katāti dassento āha “**rūpādi-avayavapadehi -pa-padasodhanavāro vutto**”ti. Tattha ekaccassa avayavapadassa aññattha vuttiyā avayavapadatthassa samudāyapadatthātāya siyā anekantikātā, samudāyapadassa pana taṃ natthīti samudāyapadatthassa avayavapadatthātāya

1. Abhi 1. 18 piṭṭhe.

2. Abhi 2. 1 piṭṭhe.



byabhicārābhāvo “rūpakkhandho rūpanti? Āmantā”ti **pāḷiyā** pakāsitoti vuttaṃ “**rūpādi -pa- dassetun**”ti.

“Rūpakkhandho”ti-ādīsu khandhatthassa visesitabbattā vuttaṃ “**padhānabhūtassa khandhapadassā**”ti. **Vedanādi-upapadatthassa ca sambhavato** “vedanākkhandho”ti-ādīsu. **Rūpāvayavapadena vuttassāti** rūpasaṅkhātena avayavapadena visesanabhāvena vuttassa khandhatthassa rūpakkhandhabhāvo hoti. Tena vuttaṃ “rūpakkhandho rūpanti? Āmantā”ti. **Tatthāti** tasmim rūpakkhandhapade. Padhānabhūtena visesitabbattā khandhāvayavapadena vuttassa ruppanaṭṭhassa kiṃ vedanākkhandhādibhāvo hotīti yojanā. Samāne avayavapadābhidheyyabhāve appadhānena padena yo attho viññāyati, so kasmā padhānena na viññāyatīti adhippāyo. **Khandhāvayavapadena vutto dhammoti** rāsaṭṭhamāha. Tattha **kocīti** ruppanaṭṭho. **Kenaci samudāyapadenāti** rūpakkhandhapadena, na vedanākkhandhādipadena. Tenāha “**na sabbo sabbenā**”ti. Esa nayo vedanākkhandhādīsu. Rūparūpakkhandhādī-avayavasamudāyapadasodhanamukhena tattha ca catukkhandhavasena pavattā pāḷigati **padasodhanamūlacakkavāro**. **Evañca dassetenāti** iminā yvāyaṃ rūpādi-avayavapadehi rūpakkhandhādīsamudāyapadehi ca dassitākāro atthaviseso, taṃ paccāmasati. **Visesanabhāvo** bhedakatāya sāmāññato avacchedakattā, **visesitabbabhāvo** abhedayogena bhedantarato avicchinditabbattā, **samānādhikaraṇabhāvo** tesam bhedābhedānaṃ ekavatthusannissayattā.

**Tenāti** yathāvuttena visesanavisesitabbabhāvena. **Etthāti** etasmim samānādhikaraṇe. **Tenāti** vā samānādhikaraṇabhāvena. **Etthāti** rūpakkhandhapade. Yathā nīluppalapade uppalavisesanabhūtaṃ nīlaṃ viṣiṭṭhameva hoti, na yaṃ kiñci, evamidhāpi khandhavisesanabhūtaṃ rūpampi viṣiṭṭhameva siyāti dassento “**kiṃ khandhato -pa- hotī**”ti āha. Tathā “rūpañca taṃ khandho cā”ti samānādhikaraṇabhāveneva yaṃ rūpaṃ, so khandho. Yo khandho, taṃ rūpanti ayampi āpanno evāti āha “**sabbeva -pa- visesitabbā**”ti. Visesanena ca nāma niddhāritarūpena bhavitabbaṃ avacchedakattā, na aniddhāritarūpenāti āha “**kiṃ pana tan**”ti-ādī, tasseva gahitattā na piyarūpasātarūpassāti adhippāyo.

Na hi taṃ khandhavisesanabhāvena gahitaṃ, vissajjanaṃ kataṃ tassevāti yojanā. **Na khandhato aññaṃ rūpaṃ atthīti** idaṃ ruppanaṭṭho rūpanti katvā vuttaṃ, na hi so khandhavinimutto atthi. **Tenevāti** yathāvuttarūpassa khandhavinimuttassa abhāveneva. “Piyarūpaṃ satarūpaṃ, dassentenappakan”ti ca ādīsu<sup>1</sup> atadattassa rūpasaddassa labbhamānattā “tena rūpasaddena”ti visesetvā vuttaṃ. **Vuccamānaṃ** bhūtopādāyampi bhedaṃ<sup>2</sup> dhammajātaṃ. **Suddhenāti** kevalena, rūpasaddena vināpīti attho. Tayidaṃ pakaraṇādi-avacchinnataṃ sandhāya vuttaṃ, samānādhikaraṇataṃ vā. Yo hi rūpasaddena samānādhikaraṇo khandhasaddo, tena yathāvuttarūpasaddena viya tadattho vuccateva. Tenāha “**khandhā rūpakkkhandho**”ti. Yadi pi yathāvuttaṃ rūpaṃ khandho eva ca, khandho pana na rūpamevāti āha “**na ca sabbe -pa- visesitabbā**”ti. **Tenevāti** arūpasabhāvassa khandhassa atthibhāveneva. **Teti** khandhā. **Vibhajitabbāti** “khandhā rūpakkkhandho”ti padaṃ uddharitvā “rūpakkkhandho khandho ceva rūpakkkhandho ca, avasesā khandhā na rūpakkkhandho”ti-ādinā vibhāgena dassetabbā.

**Khandhānaṃ rūpavisēsa -pa- saṃsāyo hotīti**<sup>3</sup> ettha kiṃ khandhato aññāpi vedanā atthi, yato vinivattā vedanā khandhavisēsaṃ hoti, sabbe ca khandhā kiṃ khandhavisēsanabhūtāya vedanāya visesitabbāti evaṃ yojanā veditabbā. **Kecīti** anubhavanādippakāra. **Kenaci visēsaṇenāti** vedanādinā visēsaṇena.

Ettha ca rūpādipaṇṇatti khandhapaṇṇatti ca “rūpaṃ khandho, khandhā rūpakkkhandho”ti-ādinā visum saha ca ruppanādike atthe pavattamānā kadāci avayavabhūte pavattati, kadāci samudāyabhūte, tassā pana tathā pavattanākāre niddhārite yasmā rūpādikkhandhā padato atthato ca visodhitā nāma honti tabbisayakaṅkhāpanodanato, tasmā “rūpakkkhandho rūpañceva rūpakkkhandho ca, rūpakkkhandho rūpanti? Āmantā”ti-ādinayappavattena paṭhamavārena rūpādi-avayavapadehi avayavattho viya samudāyatthopi vuccati, tathā samudāyapadehipīti ayamattho dassito. “Rūpaṃ rūpakkkhandho, khandhā vedanākkhandho”ti-ādinayappavattena pana dutiyavārena visesavācī viya rūpādi-avayavapadehi sāmāññabhūtenapi taṃtaṃvisiṭṭhena khandhāvayavapadena

1. Piyarūpaṃ satarūpaṃ rūpaṃ na rūpakkkhandhoti-ādīsu (?)

2. Bhūtopādāyappabhedam (?)

3. Esa nayo vedanākkhandhādīsuti (?)

so so eva samudāyattho vuccati, na sabboti ayamattho dassito. Khandhavinimuttassa yathādhippetassa abhāvā yadipi khandhoyeva rūpaṃ, so pana na sabbo rūpaṃ, atha kho tadekadeso, tathā vedanādayopīti ayamattho “rūpaṃ khandho, khandhā rūpaṃ”ti-ādinayappavattena tatiyavārena dassito. “Rūpaṃ khandho, khandhā vedanākkhandho”ti-ādinayappavattena pana catutthavārena “rūpaṃ khandho”ti rūpassa khandhabhāve nicchite khandho nāmāyaṃ na kevalaṃ rūpameva, atha kho vedanādi cāti vedanādīnampi khandhabhāvappakāsane na sabbe khandhā vedanādivisesavanto, kecideva pana tena tena visesena tathā vuccantīti ayamattho dassito. Evaṃ dassentī cesā pāḷi khandhānaṃ yathāvuttapaṇṇattisodhanamukhena sarūpāvadhāraṇāya saṃvattati, tañca tesāṃ yāvadeva uppādādinicchayatthanti dassento “**evaṃ yesaṃ -pa-vedītabbo**”ti āha.

Ekadesepi samudāyavohāro dissati yathā paṭo daḍḍho, samuddo diṭṭhoti āha “**cakkāvayavabhāvato cakkānīti yamakāni vuttānī**”ti. **Bandhītvā** yamakabhāvena bandhitvā, yamakamūlabhāveneva vā. Mūlabhāvena gahaṇaṃ sambandhabhāvo, taṃsambandhatā ca mūlapadādīnaṃ nābhi-ādisadisatā daṭṭhabbā. Apubbassa vattabbassa abhāvato nayidha desanā maṇḍalabhāveneva sambajjhatīti āha “**na maṇḍalabhāvena sambajjhanato**”ti. Yadipi rūpakkhandaṃ apubbaṃ natthi, vedanākkhandhādīmūlakesu pana saññādīmukhena desanappavattiyāṃ apubbavaseneva gato siyā maṇḍalabhāvena sambandho, na tathā pāḷho pavattoti āha “**vedanākkhandha -pa- sambandhenā**”ti. Pacchimassa purimena asambajjhanameva hi heṭṭhimasodhanaṃ. **Suddhakkhandhalābhamattameva gahetvā** “khandhā rūpaṃ”ti ettha khandhāti khandhasaddena labbhamānaṃ rūpādīhi asammissaṃ khandhaṭṭhamattameva uddesavasena gahetvā. Yadipi uddese khandhavisesaṃ rūpādi “khandhā rūpaṃ”ti suddharūpādīmattameva gahitaṃ, tathāpi visesarahitassa sāmāññassa abhāvato tattha **suddharūpādīmattatāya aṭṭhatvā. Khandhavisesaṃ abhāvasaṃ khātanti** yathādhigataṃ khandhānaṃ visesaṃ abhāvena kathitaṃ rupanādikaṃ visesanatthaṃ dassetuṃ. Kevalameva taṃ aggaṇhanto khandhasaddena saha yojetvā -pa- vibhattatā suddhakkhandhavāroti vuttoti yojanā.

Paṇṇatti-uddesavāraṇaṇā niṭṭhitā.

### 1. Paṇṇattiniddesavāraṇṇanā

26. **Evam vuttanti** evam dvārālabbanehi saddhim dvārappavattadhammavibhāgavasena vuttam. Piyasabhāvaṃ piyajātikam “katham rūpena kho āvuso”ti-ādīsu viya piyasabhāvaṭṭhena rūpaṃ, na ruppanaṭṭhenāti vuttam **“piyarūpaṃ -pa- rūpaṃ na rūpakkhando”**ti. Ruppanaṭṭhena rūpakkhandaḥpariyāpannampi cakkhādi piyasabhāvamattavacanicchāvasena piyarūpameva anuppavisati, na rūpakkhandaṃ āha **“piyasabhāva -pa- na rūpakkhandaḥ vuttan”**ti. “Yo pana yattha viseso”ti vutto visesasaddo nānuvattatīti adhippāyenāha **“vacanaseso”**ti. Na hi adhi-kārato labbhamānassa ajjhāraṇakiccaṃ atthi. Diṭṭhisāññāti vā paduddhāroyaṃ veditaḥbo. Visesaṭṭa panassa “visesaṃ vaṇṇayissāmā”ti paṭiññāya eva pākaṭā. “Avasesā saṅkhārā”ti etthāpi eseva nayo. Saṃyojanavasena jānāti abhinivisaṭīti saññā diṭṭhīti āha **“diṭṭhi eva saññā”**ti. **Diṭṭhi cāti ca-**saddena avasiṭṭhaṃ papañcaṃ saṅgaṇhāti. Tathā hi “papañcasāññāsaṅkhā”ti ettha **papañcasūdaniyaṃ**<sup>1</sup> vuttam “saññānāmena vā papañcā eva vuttā”ti.

28. “Khandhā vedanākkhandho”ti etasmim anulome yathā sarūpadassanena vissajjanaṃ labbhati, na evam “na khandhā na vedanākkhandho”ti paṭilome, idha pana paṭivacanena vissajjananti tadatthaṃ vivaranto **“khandhasaddappavattiyā ca abhāve vedanākkhandhasaddappavattiyā ca abhāvo”**ti āha. Tena sattāpaṭisedhe ayaṃ na-kāroti dasseti. Saddaggaḥaṇaṅcetha saddanibandhanattā paññattiyā saddasabhāgatam vā sandhāya katam. Paṇṇattisodhanam hetam. Tenāha **“paṇṇattisodhanamattameva karoti”**ti. Tena niddhāretabbassa dhammantarassa abhāvaṃ dasseti. Yato vuttam **“na aññadhammasabbhāvo evettha pamāṇan”**ti. **Evañca katvāti-**ādinā yathāvuttamatthaṃ paṭhantarena samattheti. Kāmaṃ katthaci satipi khandhe natthi vedanākkhandho, akhandhattasabhāvā pana natthi vedanāti “na khandhā na vedanākkhandho? Āmantā”ti vuttanti evam vā etaṃ daṭṭhabbam. Tenāha **aṭṭhakathāyaṃ** “paññattinibbānasaṅkhātā”ti-ādi.

39. “Rūpato aññe”ti ettha bhūtopādāya dhammo viya piyasabhāvopi rūpasaddābhidheyyatāsāmaññena gahitoti āha **“lokuttarā**

---

1. Ma-Ṭṭha 1. 379 piṭṭhe.

**vedanādayo datṭhabbā**”ti. **Appavattimattamevā**ti khandhasaddappavattiyā abhāve rūpasaddappavattiyā ca abhāvoti paṇṇattisodhanamattataṃyeva sandhāya vadati, tathā cāha **“evañca katvā**”ti-ādi. Tenetaṃ dasseti—yathā cakkhuto aññassa sabbassapi sabhāvadhammassa āyatanaggahaṇena gahitattā tadubhayavinimuttam kiñci natthīti kevalam paññattisodhanattham tameva abhāvam dassetuṃ **“cakkhuñca āyatane ca ṭhapetvā avasesā na ceva cakkhu na ca āyatanan**”ti vuttam, evamidhāpi tadatthameva ubhayavinimuttassa abhāvam dassetuṃ **“rūpañca khandhe ca ṭhapetvā avasesā na ceva rūpaṃ na ca khandhā**”ti vuttanti. Visamopaññāso. **“Cakkhuñca āyatane ca ṭhapetvā**”ti ettha hi avasesaggahaṇena gayhamānam kiñci natthīti sakkā vattum āyatanavinimuttassa sabhāvadhammassa abhāvā. Tenāha **“yadi siyā**”ti. **“Rūpañca khandhe ca ṭhapetvā**”ti ettha pana na tathā sakkā vattum khandhavinimuttassa sabhāvadhammassa atthibhāvato. Yadi pana tādisam khandhagataṃ dhammajātam natthīti evamidam vuttam siyā, evam sati yuttametam siyā. Tathā hi **“aṭṭhakathāyaṃ panā**”ti-ādinā paññattiggahaṇameva uddharīyati. Taṇhāvattthu ca na siyā avasesaggahaṇena gayhamānanti ānetvā sambandho. Khandho ca siyāti yojanā.

Paṇṇattiniddesavāraṇṇanā niṭṭhitā.

## 2. Pavattivāraṇṇanā

50-205. Missakakālabhedeṣu yamakesu padānam bhinnakālattā siyā atthavisesoti āha **“amissakakālabhedeṣu vāresu atthavisesābhāvato**”ti. Idāni tamevattham **“purimassa hī**”ti-ādinā vivarati. **Tenā**ti atthavisesābhāvena. **Etthā**ti etasmim pavattivārapāṭhe, etissam vā pavattivāraṇṇanāyam. **Cha eva vuttā**, na navāti adhippāyo. Tenāha **“atītenā**”ti-ādi. **Ete pana tayoti** attanā visum anantaram dassite sandhāyāha. **Yathādassitā**ti aṭṭhakathāyam niddhāretvā dassitabbākārā paccuppannānādayo ye pāḷiyam ujukameva āgatā. **“Na visum vijjanti**”ti vuttamevattham **“tattha tattha hī**”ti-ādinā pākāṭataram karoti. Tattha **paṭilomapucchā**hīti “yassa vā pana

vedanākkhandho uppajjittha, tassa rūpakkhando uppajjati”ti evamādikāhi paṭhamapade vuttassa paṭilomavasena pavattāhi. **Tenevā**ti nayato yojetum sakkuṇeyyattā eva. **Missakakālabhede**su cāti na kevaṇaṃ amissakakālabhedesuyeva, atha kho missakakālabhedesu cāti attho. Na yojanāsukaratāya eva purime ayojanā, atha kho sukhaggahaṇatthampīti dassento āha “**amissaka -pa- vuttānī**”ti.

**Yena kāraṇenā**ti yena ekapadadvayaśaṅgahitānaṃ khandhānaṃ uppādassa nirodhassa lābhasaṅkhātena kāraṇena. Yathākkamaṃ purepañho pacchāpañhoti ca nāmaṃ vuttaṃ. Ca-saddena purepacchāpañhoti ca nāmaṃ vuttanti niddhāretvā yojetabbaṃ. Tattha pana “ekapadadvayaśaṅgahitānaṃ”ti idaṃ ekajjhaṃ katvā gahetabbaṃ. Tamevatthampi vivarati “**yassa hi**”ti-ādinā. Tattha **yassā**ti yassa pañhassa. “Pañho”ti cettha pucchanavasena pavattaṃ vacanaṃ veditabbaṃ. Tenevāha “**paripūretvā vissajjetabbatthasaṅgaṇhanato**”ti. Taṃ sarūpadassanena vissajjanaṃ taṃvissajjanaṃ, taṃ vā yathāvuttaṃ vissajjanaṃ etassāti taṃvissajjano, tassa **taṃvissajjana**ssa. **Purimakoṭṭhāsenā**ti purimena uddesapadena. Tena hi vissajjanapadassa samānatthātā idha sadisatthātā. **Ekena padenā**ti ekena padhānāppadhānena yamakapadena, na paṭhamapadenevāti attho. **Uppādanirodhalābhasāmaññamattenā**ti uppādassa vā nirodhassa vā labbhamānatāya samānatāmattena. **Sanniṭṭhānapada -pa- yuttanti** idaṃ aṭṭhakathāyaṃ “yattha rūpakkhando nuppajjati”ti-ādinā purepañhassa dassitattā vuttaṃ. Yadi

Yadipi tattha “uppajjati”ti vissajjitattā vedanākkhandhassa uppādo labbhatīti vuttaṃ, yo pana sanniṭṭhānapadasaṅgahito rūpakkhandhassa anuppādo pāḷiyaṃ anuññātarūpena ṭhito, tassa vasena purepañho yuttoti adhippāyo. Evañhi purimakoṭṭhāsenā sadisatthātā hoti.

“Yassa rūpakkhando nuppajjittha, tassa vedanākkhandho nuppajjitthā”ti ettha rūpakkhandhassa anuppānapubbatāpaṭikkhepamukhena itarassa paṭikkhipīyatīti rūpakkhandhasseva yathāvuttapaṭikkhepo padhānabhāvena vutto. Eseva nayo aññesupi edisesu ṭhānesūti āha “**sanniṭṭhānatthasseva paṭikkhipanaṃ**”ti.

**paṭikkhepo**”ti. “Yassa rūpakkhandho uppajjati, tassa vedanākkhandho nirujjhati”ti ettha pana rūpakkhandhassa uppādalakkhaṇaṃ katvā vedanākkhandhassa nirodho pucchīyatīti so eva “no”ti paṭisedhīyati. Esa nayo aññesupi edisesu ṭhānesūti vuttaṃ “**saṃsayatthanivāraṇaṃ paṭisedho**”ti. “Nakāravirahitaṃ”ti etena paṭisedhassa paṭisedhitamāha. Yadi evaṃ pāligatipaṭisedhavissajjanānaṃ ko visesoti āha “**tattha uppattī**”ti-ādi.

**Tadekadesapakkhepavasenā**ti tesam catunnaṃ pañhānaṃ pañcannañca vissajjanānaṃ ekadesassa pakkhipanavasena. Tenāha **aṭṭhakathāyaṃ** “paṭhame ṭhāne paripuṇṇapañhassa purimakotṭhāse sarūpadassanena”ti-ādi. Yo panettha pañhesu vissajjanesu ca sattavīsatiyā ṭhānesu pakkhepaṃ labhati, taṃ dassetuṃ “**paripuṇṇapañho evā**”ti-ādi vuttaṃ. **Pāḷivavatthānadassanāditoti** ettha **ādi**-saddena pucchāvibhaṅgo vissajjanāṭhānāni ekasmiṃ pañhe yojanānayoti imesaṃ saṅgaho daṭṭhabbo.

**Suddhāvāsānanti**-ādi pāḷiyā padaṃ uddharitvā atthadassanattham āraddhaṃ. “Yassa yattha rūpakkhandho nuppajjittha, tassa tattha vedanākkhandho nuppajjitthā”ti imassa vissajjanaṃ hoti “suddhāvāsānaṃ tesam tathā”ti. Tattha **ekabhūmiyaṃ dutiyā upapatti natthīti** ekissā bhūmiyā ekassa ariyapuggalassa dutiyavāraṃ paṭisandhiggahaṇaṃ natthīti attho. Tatiyavārādīsu vattabbameva natthi. Svāyamattho yathā ñāpito hoti, taṃ dassetuṃ “**paṭisandhito pabhuti hi -pa- pavattā**”ti vuttaṃ. Tena addhāpaccuppannavasenāyaṃ desanā pavattāti dasseti. **Ādānanikkhepaparicchinnam** kammajasantānaṃ ekattena gahetvā tassa vasena uppādanirodhesu vuccamānesu akammajesu kusalādīsu kathanti codanāyaṃ tepi idha taṃnissitā eva katāti dassento āha “**tasmiñhi -pa- dassitā**”ti. **Tenevāti** kammajasantāneneva. **Tasmāti** ekakammanibbattassa vipākasantānassa ekattena gahitattā. **Tassāti** kammajasantānassa. Pañcasu suddhāvāsesu yathā paccekam “ekissā bhūmiyā dutiyā upapatti natthi”ti yathāvuttapāḷiyā viññāyati, evaṃ “suddhāvāsānaṃ”ti avisesavacanato sakalepi suddhāvāse sā natthīti tāya kasmā na viññāyatīti codanaṃ samuṭṭhāpetvā sayameva pariharituṃ “**kasmā panā**”ti-ādimāha. Tattha suddhāvāsesu heṭṭhābhūmikassa asati indriyaparipāke uparibhūmisamuppattī na

sakkā paṭisedhetum uddhamṣotavacanato. Uddhamassa taṇhāsotaṃ vaṭṭasotañcāti hi uddhamṣoto. Tenāha “**uddhamṣotapālisabbhāvā**”ti. **Samsandetabbā**ti yathā na virujjhanti, evaṃ netabbā. Tathā ceva samvaṇṇitaṃ.

**Etena sannitṭhānenā**ti aṅkitokāsabhāvīrūpuppādasannissayena nicchayena. **Visesitā** tathābhāvīrūpabhāvino. **Asaññasattāpī**ti na kevalaṃ pañcavokārā eva, atha kho asaññasattāpī. **Te eva** asaññasatte eva gahetvā purimakotṭhāseti adhippāyo. **Tena ye sannitṭhānena vajjitā**ti tena yathāvuttasannitṭhānena ye virahitā, te tathā na vattabbāti attho. Idāni “**te tato**”ti-ādinā dasseti. **Tatoti** asaññābhavato. **Pacchimabhavikānanti** ettha pacchimabhavaṃ sarūpato dassetum “**kiṃ pañcavokārādī**”ti-ādi vuttam. Apacchimabhavikānampi arūpānaṃ arūpabhava yathā rūpakkhandho nuppādi, evaṃ tattha pacchimabhavikānaṃ vedanākkhandhopīti āha “**etena sannitṭhānena saṅgahitattā**”ti. Tenāha “**tesaṃ -pa- āhā**”ti. Tattha **tesanti** pacchimabhavikānaṃ. **Tatthāti** arūpabhava. **Itarānuppattibhāvañcāti** itarassa vedanākkhandhassa anuppajjanasabbhāvampi. Sappaṭisandhikānampi suddhāvāsānaṃ khandhabhedassa parinibbānapariyāyo oḷārikadosappahānato kilesūpasamasāmaññena vuttoti veditabbam.

**Sabbesañhi tesanti** taṃtambhūmiyaṃ ṭhitānaṃ sabbesaṃ suddhāvāsānaṃ. **Yathā panāti**-ādinā vuttamevattham pākaṭataraṃ karoti. **Anantā lokadhātuyoti** idaṃ okāsassa paricchedābhāvaṃyeva dassetum vuttam. Puggalavasena samānādhāratāya samānakālattena asambhavanto okāsavasena pana sambhavanto samkiṇṇā viya hontīti āha “**samkiṇṇatā hotī**”ti.

Pavattivāraṇṇanā niṭṭhitā.

### 3. Parīññāvāraṇṇanā

206-208. **Tassāpī**ti puggalokāsavārassapi. **Okāse puggalassevāti** yathāgahite okāse yo puggalo, tasseva



okāsavisiṭṭhapuggalassevāti attho. Yathā pana puggalavāre labbhamāne puggalokāsavāropi labbhati, evaṃ okāsavāropi labbheyyāti codanam sandhāyāha “**okāsavāropi cā**”ti. **Tasmāti** yasmā vuccamānopi okāso puggalassa visesabhāveneva vucceyya, na visum, tasmā.

**Aññathāti** pavattivāre viya ādānanikkhepaparicchinnaṃ kammajasantānaṃ ekattena gahetvā tassa uppādanirodhavasena pariññāvācane. “Yo rūpakkhandhaṃ parijānāti”ti sanniṭṭhānapadasaṅgahitatthābhāvadassanamukhena itarassapi abhāvaṃ dassetum “**rupakkhandhaparijānanassa abhāvā**”ti vuttam. “Āmantā”ti ca kataṃ, tasmā pavatte cittakkaṇavasenevettha tayo addhā labbhantīti attho. “Aggamaggasamaṅgiṇca arahantañcā”ti dvinnam padānam “rūpakkhandhaṅca na parijānanti vedanākkhandhaṅca na parijānitthā”ti dvīhi padehi yathākkamaṃ sambandho. “Ṭhapetvā avasesā puggalā”ti pana paccemaṃ yojetabbaṃ. **Aggamagga -pa- natthīti** iminā arahattamaggañāṇasseva pariññāmatthakappattiyā pariññākiccaṃ sātisayam, tadabhāvā na itaresanti dasseti. Yato tasseva vajirūpamatā vuttā, sesānaṅca vijjūpamatā. **Tenāti** tena yathāvuttena vacanena. **Tadavasesasabbapuggaleti** tato aggamaggasamaṅgito avasesasabbapuggale. Imaṃ pana yathāvuttadosam pariharantā “puthujjanādayo sandhāyā”ti vadanti.

Pariññāvāraṇṇanā niṭṭhitā.

Khandhayamakavaṇṇanā niṭṭhitā.

### 3. Āyatanayamaka

#### 1. Paṇṇatti-uddesavāraṇṇanā

1-9. **Vuttanayenāti** “avayavapadehi vutto ekadeso sakalo vā samudāyapadānam attho, samudāyapadehi pana vutto ekantena avayavapadānam attho”ti-ādinā vuttena nayena. Etena yathāvutta-atthavaṇṇanāyadassanatāya sabbapaṇṇattivārādīsu yathārahaṃ attho netabboti dasseti.

Paṇṇatti-uddesavāraṇṇanā niṭṭhitā.

### 1. Paṇṇattiniddesavāraṇṇanā

10-17. **Vāyanam** savisayam byāpetvā pavattanam, tayidaṃ yathā gandhāyatane labbhati, evaṃ sīlādīsupīti pāḷiyam “sīlagandho”ti-ādi vuttam “sīlādiyeva gandho”ti katvā. Tenāha aṭṭhakathāyam “sīlagandho -pa-nāmāni”ti. Yasmā pana savisayabyāpanam tattha pasatābhāvo pākāṭābhāvo vā hoti, tasmā “pasāraṇaṭṭhena pākāṭābhāvaṭṭhena vā”ti vuttam. Attano vatthussa sūcanam vā **vāyanam**. “Devakāyā samāgatā<sup>1</sup>, paṇṇattidhammā”ti-ādīsu<sup>2</sup> samūhapaññattīsupi kāyadhammasaddā āgatāti “**sasabhāvan**”ti viseseti. **Kāyavacanena -pa- natthīti** idaṃ “na dhammo nāyatanaṃ”ti ettha dhammasaddassa vinivattavisesasabbasabhāvadhammavācakatam sandhāya vuttam, na dhammāyatanaśākhādadhammavisesavācakatanti daṭṭhabbām.

Paṇṇattiniddesavāraṇṇanā niṭṭhitā.

### 2. Pavattivāraṇṇanā

18-21. **Etasminti** pavattivāre. **Pucchāmattalābhenāti** moghapucchābhāvamāha. **Ekekanti** “yassa cakkhāyatanaṃ uppajjati, tassa saddāyatanaṃ uppajjati”ti-ādikaṃ ekekaṃ. **Pañcāti** “yassa saddāyatanaṃ uppajjati, tassa gandhāyatanaṃ uppajjati”ti-ādīni pañca. Pucchāmattalābhena saṅgaham anujānanto “**vissajjanavasena hāpetabbāni**”ti āha. “**Vakkhati hī**”ti-ādīnā yathāvuttamattham aṭṭhakathāya samattheti.

**Sadisavissajjananti** sāmāññavacanam visesaniviṭṭhameva hotīti tam visesam dassento “puggalavārameva sandhāya vuttan”ti vatvā tassā pana sadisavissajjanatāya abyāpitattā yattha sadisam, tatthāpi vissajjitanti dassento “**okāsavāre pana -pa- vissajjitan**”ti āha. Tattha **tanti** dutiyam. **Puggalavārepīti** yattha sadisam vissajjanam, tattha puggalavārepi vissajjitam, pageva okāsavāreti adhippāyo. **Virattakāmakammaṇibbattassāti** bhāvanābalena viratto kāmo etenāti virattakāmam, rūpāvācarakammaṃ, tato nibbattassa. Paṭisandhi eva

1. Dī 2. 203; Sam 1. 25 piṭṭhesu.

2. Abhi 1. 14 piṭṭhe.

bijaṃ **paṭisandhibījaṃ**, tassa. “**Evamsabhāvattā**”ti etena ekantato kāmataṇḥānidānakammahetukāni ghānādīnīti dasseti. **Gandhādayo ca na santī**ti sabbena sabbaṃ tesampi abhāvaṃ sandhāya vadati. Tattha yaṃ vattabbaṃ, taṃ heṭṭhā vuttameva.

“**Saccan**”ti yathāvuttavasena gahetabbaṃ codakena vuttamatthaṃ sampaṭicchitvā puna yenādhippāyena tāni yamakāni sadisavissajjanāni, taṃ dassetuṃ “**yathā panā**”ti-ādi vuttaṃ. Tatrāyaṃ saṅkhepattho—tattha cakkhāyatanamūlakesu ghānāyatanayamakena “sacakkhukānaṃ aghānakānaṃ upapajjantānaṃ”ti-ādinā nayena jivhākāyāyatanayamakāni yathā sadisavissajjanāni, tathā idha ghānāyatanamūlakesu ghānāyatanayamakena tāni jivhākāyāyatanayamakāni “yassa ghānāyatanam upajjati, tassa jivhāyatanam upajjati? **Āmantā**”ti-ādinā nayena sadisavissajjanānīti. Evamettha ubhayesaṃ visuṃ aññamaññaṃ sadisavissajjanatāya idaṃ vuttaṃ, na ekajjhaṃ aññamaññaṃ sadisavissajjanatāya. Tenāha “**tasmā tattha tattheva sadisavissajjanatā pāli-anārulhatāya kāraṇan**”ti. Evañca sati cakkhāyatanamūlaggahaṇaṃ kimatthiyanti āha “**nidassanabhāvenā**”ti-ādi. Tattha **nidassanabhāvenā**ti nidassanabhūtānaṃ aññamaññasadisavissajjanatāsaṅkhātena nidassanabhāveneveva, na pana tesam nidassitabbehi sabbathā sadisavissajjanatāyāti adhippāyo. “**Yebhuyyatāyā**”ti vuttaṃ yebhuyyataṃ dassetuṃ “**tesu hī**”ti-ādi vuttaṃ.

**Evanti** iminā “**āmantā**”ti paṭivacanavissajjanena yathāvuttavacanasseva vissajjanabhāvānujānaṃ katthabbanti imamatthaṃ ākaḍḍhati. **Sāti** dutiyapucchā. **Ghānāyatanayamakenā**ti cakkhāyatanamūlakesu ghānāyatanayamakeneva. **Taṃsesānī**ti tena ghānāyatanamūlakakāyāyatanayamakena saddhim sesāni. **Sadisavissajjanattā anārulhānī**ti ettha “**anārulhānī**”ti ettakameva **tathā**-saddena anukaḍḍhīyati, na “sadisavissajjanattā”ti dassento “**tathāti -pa- samaññenā**”ti vatvā idāni “**kāraṇasāmaññenā**”ti vuttassa sadisavissajjanattassa tattha abhāvaṃ dassetuṃ “**ghānajivhākāyāyatanānaṃ panā**”ti-ādi vuttaṃ.

Tattha **agabbhaseyyakesu pavattamānānanti** etthāpi “**sahacāritāyā**”ti padaṃ ānetvā sambandhitabbaṃ, tathā “**gabbhaseyyakesu ca pavattamānānan**”ti. **Itarāni** ghānāyatanamūlakāni jivhākāyāyatanayamakāni **dve** na vissajjīyanti, ghānāyatanamūlakesu ca yamakesu vissajjitesu **itaradvayamūlakāni** jivhākāyāyatanamūlakāni na vissajjīyanti avisesattā appavisesattā cāti yojetabbaṃ. Tattha kāyāyatanayamake dutiyapucchāvasena appaviseso, itaravasena aviseso veditabbo. **Rūpāyatanamanāyatanehi saddhinti** idaṃ rūpāyatanamūlakamanāyatanavasena vuttanti āha “**rūpāyatana -pa-adhippāyo**”ti. Tenevāha “**rūpāyatanamūlakesu hī**”ti-ādi. **Yamakānanti** rūpāyatanamūlakagandharasaphoṭṭhabbāyatanayamakānaṃ. **Dutiyapucchānanti** yathāvuttayamakānaṃyeva dutiyapucchānaṃ. **Vuttanayenāti** “sarūpakānaṃ acittakānaṃ”ti-ādinā vuttana nayena. **Ādipucchānanti** tesāmyeva yamakānaṃ paṭhamapucchānaṃ.

**Hetṭhimehīti** idaṃ avisesavacanampi yesu sadisavissajjanatā sambhavati, tadapekkhanti āha “**gandharasa -pa- attho**”ti. Uddiṭṭhadhammesu uddesānurūpaṃ labbhamānavisesakathanāṃ vissajjanaṃ, yo tattha na sabbena sabbaṃ uddesānurūpaṇena upalabbhati, tassa akathanampi atthato vissajjanaṃyeva nāma hotīti āha “**avissajjaneneva alabbhamānatādassanena vissajjitāni nāma hontī**”ti.

Cakkhuvikalasotavikalā viya cakkhusotavikalopi labbhatīti so pana aṭṭhakathāyaṃ pi-saddena saṅgahitoti dassento “**jaccandhampi -pa-veditabbo**”ti āha. Paripuṇṇāyatanameva opapātikaṃ sandhāya vuttanti ettha aṭṭhānappayutto **eva**-saddoti tassa ṭhānaṃ dassento “**vuttamevāti attho**”ti vatvā tena paripuṇṇāyatanassa tattha aniyatattā aparipuṇṇāyatanassapi saṅgaho siddhoti dassento “**tena jaccandhabadhirampi sandhāya vuttatā na nivāritā hotī**”ti āha.

22-254. **Tasmim̐ puggalassa anāmaṭṭhattāti** kasmā vuttaṃ, yāvata “rūpībrahmalokaṃ pucchatī”ti imināpi okāsoyeva āmaṭṭhoti. “**Āmantā**”ti paṭiññāya kārāṇavibhāvanādhippāyenāva “kasmā paṭiññātan”ti codanaṃ samuṭṭhāpetvā taṃ kārāṇaṃ dassetukāmo

“**nanū**”ti-ādimāha. **Gabbhaseyyakabhāvaṃ gantvā parinibbāyissatī** pacchimabhavikaṃ sandhāyāha. **Tadavatthassā**ti pacchimabhavāvattassa. **Bhavissantassā**ti bhāvino. **Paṭiññātabbattā**ti “uppajjissatī”ti paṭiññātabbattā.

**Atha kasmā**ti etthāyaṃ saṅkhepattho—yadi “yassa rūpāyatanam uppajjissati, tassa cakkhāyatanam uppajjissatī”ti pucchāyaṃ vuttena vidhinā paṭiññātabbam, atha kasmā atha kena kāraṇena paṭilome “yassa vā pana rūpāyatanam nuppajjissati, tassa cakkhāyatanam nuppajjissatī”ti pucchāya “āmantā”ti paṭiññātam, nanu idaṃ aññamaññaṃ viruddhanti? **Nanū**ti-ādināpi codako tameva virodham vibhāveti. **No ca nuppajjissati** uppajjissati evāti attho. “**Tasmim bhave**”ti-ādi tassa parihāro. Tattha **tasmim bhaveti** yasmim bhave “rūpāyatanam nuppajjissatī”ti vuttam pavattamānattā, tasmim bhave. **Anāgatabhāvena avacanatoti** bhāvībhāvena avattabbato āraddhuppādabhāvena pavattamānattāti adhippāyo. Tenevāha “**bhavantare hī**”ti-ādi. Na pana vuccatīti sambandho. **Evañca katvā**ti-ādinā pāṭhantarena yathāvuttamattham samattheti.

Yasmim attabhāve yehi āyatanehi bhavitabbam, **taṃtamāyatananibbattakakammena avassambhāvī-āyatanassa** sattassa, santānassa vā, “yassa vā pana rūpāyatanam uppajjissati, tassa cakkhāyatanam uppajjissatī? **Āmantā**, yassa vā pana rūpāyatanam nuppajjissati, tassa cakkhāyatanam nuppajjissatī? **Āmantā**”ti ca evam pavattam pucchād vavayavissajjanam āyatanapaṭilābhassa jātibhāvato suṭṭhu upapannaṃ bhavati. **Pacchimabhavikādayoti** ettha **ādi**-saddena arūpe uppajjitvā parinibbāyanakā saṅgayhanti. **Idampi** vissajjanam. **Abhinanditabbattā**ti “āmantā”ti sampañcchitabbattā.

Yaṃ pana aghānakānam kāmāvacaram uppajjantānanti vuttanti sambandho. Yassa vipāko ghānāyatanuppattito puretameva upacchijjissati. Tam ghānāyatananibbattakakammanti vuttam. Katham panīdisam kammam atthīti viññāyatīti āha “**yassa yatthā**”ti-ādi. Evampi gabbhaseyyako eva idha aghānakoti adhippetoti kathamidam viññāyatīti codanāya “**na hī**”ti-ādim vatvā tamattham sādhetum “**dhammahadayavibhaṅge**”ti-ādi vuttam. Avacanattampi hi yathādhammasāsane abhidhamme

paṭikkhepoyevāti. **Idhāti** imasmim āyatanayamake. **Yathādassitāsūti** “yassa vā pana sotāyatanam nuppajjissati, tassa cakkhāyatanam nuppajjati, yassa yattha ghānāyatanam na nirujjhati, tassa tattha rūpāyatanam na nirujjissati”ti ca dassitappakārāsu pucchāsu. **Āmantāti vuttanti** atha kasmā na viññāyatīti yojanā. Etāsu pucchāsu kasmā paṭivacanena vissajjanam na katanti adhippāyo. **Sanniṭṭhānena gahitathassāti** “yassa vā pana sotāyatanam nuppajjissati, yassa yattha ghānāyatanam na nirujjissati”ti ca evamādikena sanniṭṭhānapadena gahitassa atthassa. **Ekadese saṃsayatthassa sambhavenāti** ekadese saṃsayitabbassa atthassa sambhavana sanniṭṭhānatthapaṭiyogabhūtasamśayatthassa paṭivacanassa akaraṇato “āmantā”ti paṭivacanavissajjanassa akattabbato atthassa abhinditvā ekajjham katvā avattabbato. Tenāha **“bhinditabbehi na paṭivacanavissajjanam hotī”**ti.

**Yadi siyāti** bhinditvā vattabbepi atthe yadi paṭivacanavissajjanam siyā, **paripuṇṇavissajjanameva na siyā** anokāsabhāvato bhinditabbato cāti attho. Tathā hi “pañcavokāre parinibbantānam, arūpe pacchimabhavikānam, ye ca arūpaṃ upapajjitvā parinibbāyissanti, tesam cavantānam tesam sotāyatanañca nuppajjissati, cakkhāyatanañca nuppajjati”ti ca, tathā “rūpāvacare parinibbantānam, arūpānam tesam tattha ghānāyatanañca na nirujjhati, rūpāyatanañca na nirujjissati”ti ca tattha vibhāgavasena pavatto pāṭhaseso. **Atha kasmāti** yadi abhinditabbe paṭivacanavissajjanam, na bhinditabbe, evam sante “yassa vā pana somanassindriyam uppajjati, tassa cakkhundriyam uppajjati? **Āmantā**”ti iminā paṭivacanavissajjanena gabbhaseyyakānam somanassapaṭisandhi natthīti kasmā na viññāyati, bhinditabbe na paṭivacanavissajjanam hotīti sampaṭicchitabbanti? Tam na, aññāya pāṭiyā tadatthassa viññāyamānattāti dassento **“kāmadhātuyā”**ti-ādimāha.

“Yam cittam uppajjati, na nirujjhati, tam cittam nirujjissati, nuppajjissati? **Āmantā**”ti tasseva cittassa nirodho anāgatabhāvena tassa uppādakkaṇe yathā vutto, evam tasseva kammajasantānassa nirodho tassa uppāde anāgatabhāvena vattabbo. Tenetaṃ dasseti “ekacittassa nāma uppādakkaṇe nirodho anāgatabhāvena vuccati, kimaṅgam pana

ekasantānassā”ti. **Sabbattha** sabbasmim̄ anāgatavāre. Upapajjantānaṃ eva vasena **so** nirodho **tathā** anāgatabhāvena vutto, kasmā panettha nirodho upapannānaṃ vasena na vuttoti āha “**uppannānaṃ panā**”ti-ādi. **Tasseva** yathāpavattassa kammajasantānassa eva. **Tasmāti** yasmā uppādakkhaṇato uddhaṃ nirodho āraddho nāma hoti, tasmā. **Bhede satipi** kālabhedāmasanassa kāraṇe satipi. Anāgatakālāmasanavaseneva nirodhasseva vasena vissajjanadvayaṃ **upapannameva** yuttameva hotīti. Aññesaṃ vasena nirodhasseva vattuṃ asakkuṇeyyattā “**arahatan**”ti vuttaṃ.

Yadi upapatti-anantaraṃ nirodho āraddho nāma hoti, atha kasmā cutiyā nirodhavacananti codanaṃ sandhāyāha “**tanniṭṭhānabhāvato pana cutiyā nirodhavacanan**”ti. **Tanniṭṭhānabhāvato** tassa santānassa niṭṭhānabhāvato. **Pavatteti**-ādi vuttassevatthassa pākāṭakaraṇaṃ. Tattha **tassāti** santānassa. **Vakkhatī**-ādipi pavatte nirodhaṃ anādiyivā cutinirodhasseva gahitatāya kāraṇavacanaṃ. **Tenāti** tena yathāvuttena pāṭhantaravacanena. **Etthāti** etasmim̄ “yassa cakkhāyatanam̄ nirujjhissati”ti-ādike āyatanayamake. Yadi pavatte niruddhassapi cutiyā eva nirodho icchito, “sacakkhukānan”ti-ādi kathanti āha “**sacakkhukānanti-ādīsu ca paṭiladdhacakkhukānanti-ādinā attho viññāyati**”ti. **Teti** arūpe pacchimabhavikā. Acakkhukavacanañca sāvasesanti yojanā.

Pavattivāraṇṇanā niṭṭhitā.

Āyatanayamakavaṇṇanā niṭṭhitā.

#### 4. Dhātuyamakavaṇṇanā

1-19. **Saddadhātusambandhānanti** idaṃ yāni cakkhudhātādimūlakesu saddayamakāni, sabbāni ca saddadhātumūlakāni, tāni sandhāya vuttaṃ. Na hi tāni cakkhuviññāṇadhātādisambandhāni viya cutipaṭisandhivasena labbhanti, eteneva āyatanayamakepi pavattivāre saddadhātusambandhānaṃ yamakānaṃ alabbhamānatā ca veditabbā.

Dhātuyamakavaṇṇanā niṭṭhitā.

## 5. Saccayamaka

### 1. Paṇṇattivāraṇṇanā

10-26. **Soti dukkhasaddo. Aññatthāti**

saṅkhāradukkhavipariṇāmadukkhadukkhādhiṭṭhānesu. **Aññanirapekkhoti** saṅkhārādīpadantarānapekkho. **Tenāti** aññanirapekkhadukkhapadaggahaṇato. **Tasmim dukkhadukkhe** visayabhūte. **Esa dukkhasaddo** “dukkhaṃ dukkhasaccan”ti ettha paṭhamo dukkhasaddo. **Tañca dukkhadukkhaṃ.** “Dukkhaṃ dukkhasaccan”ti ettha dukkhomeva dukkhasaccanti nayidaṃ avadhāraṇaṃ icchitabbaṃ, dukkhaṃ dukkhasaccamevāti pana icchitabbanti āha “**ekantena dukkhasaccamevā**”ti-ādi. **Saccavibhaṅge vuttesu samudayesu koci phaladhammesu natthīti** saccavibhaṅge pañcadhā vuttesu samudayesu ekopi phalasabhāvesu natthi, phalasabhāvo natthīti attho. “Phaladhammo natthī”ti ca pāṭho. **Maggasaddo ca phalaṅgesūti** sāmāññaphalaṅgesu sammādiṭṭhi-ādīsu “maggāṅgam maggapariyāpannan”ti-ādīnā<sup>1</sup> āgato maggasaddo **maggaphalattā pavattati** kāraṇūpacārenāti adhippāyo. Tenāha “**na maggakiccasabbhāvā**”ti-ādi. **Tasmāti** yasmā saccadesanāya pabhavādisabhāvā eva dhammā samudayādiipariyāyena vuttā, na appabhavādisabhāvā, tasmā. Ettha ca tebhūmakadhammānaṃ yathārahaṃ dukkhasamudayasaccantogadhattā asaccasabhāve sabhāvadhamme ca uddharanto phaladhamme eva uddhari. Nanu ca maggasampayuttāpi dhammā asaccasabhāvāti tepi uddharitabbāti? Na, tesāṃ maggagatikattā. “Phaladhammesū”ti ettha dhammaggaṇaṇena vā phalasampayuttadhammānaṃ viya tesāṃpi gahaṇaṃ daṭṭhabbaṃ.

**Padasodhanena -pa- idha gahitāti** etena asaccasabhāvānaṃ dhammānaṃ pakaraṇaṇa nivattitataṃ āha. **Tesanti dukkhādīnaṃ.** **Tabbisesanayogavisesanti** tena dukkhādivisesanayogena viṣiṭṭhataṃ. Saccavisesanabhāveneva dukkhādīnaṃ pariññeyyatādībhāvo siddhoti āha “**ekantasaccattā**”ti. **Yathā cetthāti** yathā etasmim saccayamake suddhasaccavāre saccavisesanabhūtā eva dukkhādayo gahitā. **Evaṃ khandhayamakādīsūpīti** na suddhasaccavāre eva ayaṃ nayo dassitoti attho. Padasodhanavāre taṃmūlacakkavāre ca “rūpaṃ rūpakkhando”ti-ādīnā samudāyapadānaṃyeva vattabbameva natthīti “**suddhakkhandhādivāresū**”ti vuttaṃ. Tathā

1. Abhi 2. 246, 247 piṭṭhesu.



cetthāpi suddhavāre eva ayaṃ nayo dassito. Yadi suddhakkhandhādivāresu khandhādivisesanabhūtānameva rūpādīnaṃ gahaṇena bhavitabbaṃ, atha kasmā khandhādivisesanato aññesampi rūpādīnaṃ vasena attho dassitoti codanaṃ sandhāyāha **“aṭṭhakathāyaṃ panā”**ti-ādi. Purimo eva attho yutto, yuttito pāṭhova balavāti.

Paṇṇattivāraṇṇanā niṭṭhitā.

## 2. Pavattivāraṇṇanā

27-164. Dukkhapariññā yāva dukkhasamatikkamanatthāti sappadesaṃ pavattāpi sā tadatthāvahā bhaveyyāti kassaci āsaṅkā siyāti dassento āha **“ariyattā -pa- katvā vuttan”**ti. Keci panettha **“antimabhava ṭhitattā”**ti kāraṇaṃ vadanti, taṃ na yujjati upapattiyā dukkhavicārattā, na ca sabbe suddhāvāsā antimabhavikā uddhaṃsotavacanato. **“Yassa dukkhasaccaṃ uppajjati”**ti uppādāvatthā. Avisesena dukkhasaccapariyāpannā dhammā sambandhībhāveneva taṃsamaṅgī ca puggalo vuttoti dassento **“sabbe upapajjantā”**ti-ādiṃ vatvā svāyamattho yasmā nicchayarūpena gahito, nicchitasseva ca atthassa vibhāgadassanena bhavitabbaṃ, tasmā **“tesveva -pa- upapannamevā”**ti āha. Tattha tesveva keci dassīyantīti sambandho. **Ekakoṭṭhāsappattisamaṅginoti dukkhakoṭṭhāsappattisamaṅgino. Tesūti sannīṭṭhānena gahitesu. Maggaphaluppādasamaṅgīsūti** maggaphaluppādasamaṅgīnaṃ, ayaṃmeva vā pāṭho.

**Ettha cāti-ādinā “sabbesan”**ti-ādipāliya piṇḍatthaṃ dasseti. Tattha **samudayasaccuppādavomissassa dukkhasaccuppādassāti** idaṃ anādare sāmivacanaṃ. Katthaci samudayasaccuppādavomisepi dukkhasacca taṃrahitassa samudayasaccuppādarahitassa dukkhasaccuppādassa dassanavasena vuttanti yojanā. Keci pana **“samudayasaccāvomissassā”**ti pāṭhanti, tesāṃ **“taṃrahitassā”**ti idaṃ purimapadassa atthavicaraṇaṃ veditabbaṃ. **Taṃsahitassāti** samudayasaccuppādasahitassa dukkhasaccuppādassa dassanavasena vuttanti yojanā. **Tesanti** asaṅghasattānaṃ, **pavattiyaṃ dukkhasaccassa uppādo** **“pavatte”**ti-ādinā vuttetu dvīsupi koṭṭhāsesu na gahitoti attho. Paṭisandhiyaṃ

pana tesam uppādassa paṭhamakoṭṭhāsena gahitatā dassitā eva. **Tathā nirodho cāti** yathā asaññasattānam paṭisandhiyam dukkhasaccassa uppādo paṭhamakoṭṭhāsena gahito, pavattiyam pana so dvīhi koṭṭhāsehi na gahito, tathā tesam dukkhasaccassa nirodhopīti attho. Tathā hi “sabbesam cavantānam pavatte taṅhāvippayuttacittassa bhaṅgakkhaṇe”<sup>1</sup>ti-ādinā<sup>1</sup> nirodhavāre pāli pavattā. **Eseva nayoti** yvāyam “etthā cā”<sup>2</sup>ti-ādinā samudayasaccayamake pāliyā atthanayo vutto, maggasaccayamakepi eseva nayo, evameva tatthāpi attho netabboti attho. Tathā hi “sabbesam upapajjantānan”<sup>2</sup>ti-ādinā tattha pāli pavattā.

**Evañca satīti** evam khaṇavasena okāsaggahaṇe satīti yathāvuttamattham ananujānavasena paccāmasati. **Etassa vissajjaneti** etassa yamakapadassa vissajjane. “Aggamaggassa uppādakkhaṇe, arahantānam cittassa uppādakkhaṇe, yassa cittassa anantarā aggamaggam paṭilabhissanti, tassa cittassa uppādakkhaṇe, asaññasattam upapajjantānam tesam tattha dukkhasaccam uppajjati, no ca tesam tattha samudayasaccam uppajjissatī”<sup>2</sup>ti<sup>2</sup> purimakotṭhāsassa āgatattā virodho natthīti **“pacchimakotṭhāse”**ti-ādi vuttam. Tattha tasmāti yasmā na upapatticittuppādakkhaṇo bhāvino samudayapaccuppādassa ādhāro, atha kho kāmāvacarādi-okāso, tasmā. **Puggalokāsavāro hesāti** yasmā puggalokāsavāro esa, tasmā “tesam tatthā”<sup>2</sup>ti ettha okāsavasena tattha-saddassa attho veditabbo. Yadi puggalokāsavāre kāmāvacarādi-okāsavaseneva attho gahetabbo, na khaṇavasena, atha kasmā “sabbesam upapajjantānan”<sup>2</sup>ti-ādinā okāsam anāmasitvā tattha vissajjanam pavattanti codanam sandhāyāha **“tattha -pa- so evā”**ti. Tattha **tatthāti** okāsavāre. **Puggalavisesadassanattanti** puggalasākhātavisesadassa-attham. **Yattha teti** yasmim kāmāvacarādi-okāse te puggalā.

**Kecīti** dhammasirittheram sandhāyāha. So hi “pavatte cittassa bhaṅgakkhaṇe dukkhasaccam nuppajjati”<sup>2</sup>ti ettha cittajarūpameva adhippetam cittapaṭibaddhavuttittāti kāraṇam vadati. Apare “arūpeti imam purimāpekkhampi hotīti tena pavattam visesetvā arūpabhavavasena ayamattho

---

1. Abhi 5. 234 piṭṭhe.

2. Abhi 5. 227 piṭṭhe.

vutto, tasmā ‘yassa vā pana samudayasaccaṃ nirujjhati, tassa dukkhasaccaṃ uppajjatīti? No’ti-ādīsupi evamattho veditabbo”ti vadanti. **Puggalo na cittaṃ apekkhitvāva gahitoti** idaṃ cittaṃ anadhikatattā vuttam. Yattha pana samudayasaccassa uppādanicchayo, tattheva tassa anuppādanicchayenapi bhavitabbaṃ cittena ca vinā puggalasseva anupalabbhanatoti “yassa samudayasaccaṃ nuppajjati”ti ettha samudayasaccādhāraṃ cittaṃ atthato gahitamevāti sakkā viññātuṃ. Apica indriyabaddhepi na sabbo rūpuppādo ekantena cittuppādādhīnoti sakkā vattuṃ cittuppattiyā vināpi tattha rūpuppattidassanato, tasmā cittajarūpameva cittaṃ uppādakkhaṇe uppajjati, na itaraṃ, itaraṃ pana tassa tīsupi khaṇesu upajjati tiṭṭhamettha gantabbaṃ. Vibhajitabbā avibhattā nāma natthīti siyāyaṃ pasaṅgo paṭhamavāre, dutiyavāre pana vibhajanā evasāti nāyaṃ pasaṅgo labbhati, paṭhamavārepi vā nāyaṃ pasaṅgo. Kasmā? Esā hi<sup>1</sup> yamakassa pakati, yadidaṃ yathālābhavasena yojanā.

**Dutiye citte vattanāneti** ettha “paṭhamam bhavaṅgam, dutiyam cittaṃ”ti vadanti. Bhavanikantiyā āvajjanampi vipākappavattito visadisattā “dutiyaṃ”ti vattuṃ sakkā, tato paṭṭhāya pubbe tassa tattha samudayasaccaṃ nuppajjitthāti vattabbāti apare. Bhavanikantiyā pana sahaṅgamaṃ paṭhamam cittaṃ idha dutiyam cittaṃ adhippetam. Tato pubbe pavattam sabbam abyākatabhāvena samudayasaccaṃ nuppajjitthevāti. Tenāha “**sabbantimena paricchedenā**”ti-ādi. **Tasminti** dutiye citte. **Tena samānagatikattāti** tena yathāvuttadutiyaṃcittaṃ ca taṃsamaṅgino vā dukkhasaccaṃ uppajjittha, no ca samudayasaccanti vattabbabhāvena samānagatikattā. **Evañca kathāti** tena samānagatikatāya dassitattā eva. **Yathāvuttāti** dutiyākusalacittato purimasabbacittasamaṅgino aggahitā honti itarabhāvābhāvato. Vuttamevattham pāṭhantarena samatthetum “**yathā**”ti-ādi vuttam. **Teti** catuvokārā. **Vajjetabbāti** “itaresan”ti visesanena nivattetabbā. **Pañcavokārā viya yathāvuttā suddhāvāsāti** dutiyacittakkhaṇasamaṅgībhāvena vuttappakārā yathā suddhāvāsasaṅkhātā pañcavokārā pubbe vuttā santi, evam catuvokārā pubbe vuttā na hi santīti yojanā.

---

1. Esāti (Ka)

“Yassa yatthā”ti puggalokāsā ādheyyādhārabhāvena apekkhitāti āha “**puggalokāsā aññamaññaparicchinā gahitā**”ti. **Kāmāvacare -pa-upapannā**ti ettha kāmāvacare abhisametāvino rūpāvacaraṃ upapannā, rūpāvacare abhisametāvino arūpāvacaraṃ upapannā, vā-saddena kāmāvacare abhisametāvino arūpāvacaraṃ upapannāti ca yojetabbaṃ. **Tatthāti** upapannokāse. **Abhisamayoti** uparimaggābhisamayo yāva upapanno na bhavissati, tāva **te** tattha upapannapuggalā **ettha** etasmim “abhisametāvīna”ti-ādīna vutte dutiyakoṭṭhāse **na gayhanti**puggalokāsānaṃ aññamaññaṃ paricchinattā. Yadi evaṃ kiṃ te imasmim yamake asaṅgahitāti āha “**te paṇā**”ti-ādī. Tattha yaṃ vuttaṃ “samānagatikāti visum na dassitā”ti, taṃ pākaṭataraṃ kātuṃ “**anabhisametāvīna**”ti-ādī vuttaṃ. Tassattho—“anabhisametāvīna”ti iminā paṭhamapadena gahitā sabbattha magguppattirahe sampattibhave tattha suddhāvāse ye anabhisametāvino, tesu dvippakāresu suddhāvāsā yasmim kāle tattha anabhisametāvīnoti gahetabbā, tattha nesam tathā gahetabbakālassa visesanatthaṃ “suddhāvāsānaṃ dutiye citte vattamāne”ti vuttanti.

**Etenāti** etena vacanena. Vodānacittaṃ nāma maggacittānaṃ anantarapaccayabhūtaṃ cittaṃ, idha pana aggamaggacittassa. **Tatoti** yathāvuttavodānacittato **purimataracittasamaṅgino**, anulomaññāṣampayuttacittasamaṅgino, avasiṭṭhavuṭṭhānagāminivipassanācittādisamaṅginopi. tenāha “**yāva sabbantimataṇhāsampayuttacittasamaṅgī, tāva dassitā**”ti.

Paṭisandhicutticittānaṃ bhaṅguppādakkhaṇā pavatte cittassa bhaṅguppādakkhaṇehi dukkhasaccādīnaṃ nuppādādīsu samānagatikāti katvā vuttaṃ “**pavatte cittassā**”ti-ādī. Tattha cuticittassapi uppādakkhaṇassa gahaṇaṃ daṭṭhabbanti yojanā. **Dvīsupi koṭṭhāsesūti** samudayasaccassa bhāvino nirodhassa appaṭikkhepapaṭikkhepavasena pavattesu purimapacchimakoṭṭhāsesu. **Na visesitanti** yathāvutte appaṭikkhepe ca satipi visesetvā na vuttanti attho. **Ekassapi** puggalassa tādisassa **maggassa ca phalassa ca bhaṅgakkhaṇasamaṅgino** purimakoṭṭhāsseva abhajanato koṭṭhāsadvayasambhavābhāvatoti attho. Idāni tamevatthaṃ vivarituṃ “**yassa dukkhasacca**”ti-ādī vuttaṃ. **Kesañci** puggalānaṃ. Niddhāraṇe cetam sāmivacanaṃ. “Maggassa ca

phalassa cā”ti vuttamaggaphalāni dassento **“tiṇṇaṃ phalānaṃ dvinnaṅca maggānaṃ”**ti āha. Tāni pana heṭṭhimāni tīni phalāni majjhe ca dve maggā veditabbā. **Nirantaraṃ anuppādetvāti** paṭipakkhadhammehi avokiṇṇaṃ katvā saha vipassanāya maggaṃ uppādentena yā sātaccakiriya kātabbā, taṃ akatvāti attho. Tenāha **“antarantarā -pa- uppādetvā”**ti. “Arūpe maggassa ca phalassa ca bhaṅgakkhaṇe”ti avisesato vutte kathamayaṃ viseso labbhatīti āha **“sāmaññavacanenaṃ”**ti-ādi. Tena apavādivisayapariyāyena upasaggā abhinivisanti lokasiddhoyaṃ nāyoti dasseti.

Pavattivāraṇṇanā niṭṭhitā.

### 3. Pariññāvāraṇṇanā

165-170. **Etthevāti** imasmim saccayamake eva.

**Apariññeyyatādassanattanti** ettha a-kāro na pariññeyyābhāvavacano, nāpi pariññeyyapaṭipakkhavacano, atha kho tadaññavacanoti yathārahaṃ saccesu labbhamānānaṃ pahātabbatādīnampi dassane āpanneyeva samayavāro dassanaparo, yesaṅca na dassanaparo, tesu kesuci saccesu labbhamānānampi kesaṅci visesānaṃ ayaṃ vāro na dassanapdaroti dassento **“sacchikaraṇa -pa- dassanattaṅca”**ti āha. **Samudaye pahānapariññāva vuttā, na tīraṇapariññāti** yuttaṃ tāvetaṃ samudayassapi tīretabbasabhāvattā, **“dukkhe tīraṇapariññāva vuttā, na pahānapariññā”**ti idaṃ tabbasabhāvattā, **“dukkhe tīraṇapariññāva vuttā, na pahānapariññā”**ti idaṃ pana kasmā vuttaṃ, nanu dukkhaṃ appahātabbamevāti? Samudayasacca vibhaṅge vuttānaṃ kesaṅci samudayakoṭṭhāsānaṃ dukkhasacce saṅgahaṇato dukkhasamudaye vā asaṅkaratova gahetvā bhūtakathanametam daṭṭhabbam. **Ubhayatthāti** dukkhe samudaye ca vuttā. Kasmā? Tesam sādharmaṇāti. Evaṃ sādharmaṇāsādharmaṇabhedabhinnaṃ yathāvuttaṃ pariññākiccaṃ pubbabhāge nānakkhaṇe labbhamānampi maggakāle ekakkhaṇe eva labbhati ekaññakiccattāti dassetuṃ **“maggaññaṅhi”**ti-ādi vuttaṃ.

Pariññāvāraṇṇanā niṭṭhitā.

Saccayamakavaṇṇanā niṭṭhitā.

## 6. Saṅkhārayamaka

### 1. Paṇṇattivāraṇṇanā

1. Satipi kusalamūlādīnampi vibhattabhāve khandhādivibhāgo tato sātīsayoti dassento “**khandhādayo viya pubbe avibhattā**”ti āha. Pakārattho vā ettha **ādi**-saddo “bhūvādayo”ti-ādīsu viyāti kusalamūlādīnampi saṅgaho daṭṭhabbo. **Aviññātattā** nisāmentehi. Hetu-attho vā ettha luttaniddiṭṭho aviññāpitattāti attho. Yadipi kāyasaṅkhārānaṃ vikappadvayepi hetuphalabhāvoyeva icchito, sāmivacanarūpāvibhūto pana attheva atthabhedoti dassento “**kāyassa -pa- kattu-atthe**”ti āha. **So panāti** kattu-attho.

2-7. **Suddhika-ekekapadavasenā**ti “kāyo saṅkhāro”ti-ādīsu dvīsu dvīsu padesu aññamaññānaṃ asammissa-ekekapadavasena. **Atthābhāvatoti** yathādhippetatthābhāvato. Aññathā karajakāyādiko attho attheva. Tenevāha “**padasodhana -pa- avacanīyattā**”ti. Idāni tameva atthābhāvānaṃ byatirekavasena dassento “**yathā**”ti-ādīmāha. Kasmā pana ubhayattha samāne samāsapadabhāve tattha attho labbhati, idha na labbhatīti? Bhinnalakkhaṇattā. Tattha hi rūpakkhandhādīpadāni samānādhikaraṇānīti padadvayādhiṭṭhāno eko attho labbhati, idha pana kāyasaṅkhārādīpadāni bhinnādhikaraṇānīti tathārūpo attho na labbhatīti. Tenāha “**yathādhippetatthābhāvato**”ti.

**Viṣuṃ adīpetvāti** “kāyasaṅkhāro”ti-ādīnā saha vuccamānopi kāyasaṅkhārasaddo viṣuṃ viṣuṃ attano atthaṃ ajotetvā ekaṃ atthaṃ yadi dīpetīti parikkappavasena vadati. Tena kāyasaṅkhārasaddānaṃ samānādhikaraṇataṃ ullīgeti. “**Kāyasaṅkhārasaddo kāyasaṅkhāratthe vattamāno**”ti kasmā vuttamā, “saṅkhārasaddo saṅkhārattheva vattamāno”ti pana vattabbaṃ siyā. Evañhi sati khandhatthe vattamāno khandhasaddo viya rūpasaddena kāyasaddena viṣesitabboti idaṃ vacanaṃ yujjeyya, kāyasaṅkhārasaddānaṃ pana samānādhikaraṇatte na kevalaṃ saṅkhārasaddoyeva

saṅkhāratthe vattati, atha kho kāyasaddopīti imamattham dassetuṃ “**kāyasaṅkhārasaddo kāyasaṅkhāratthe vattamāno**”ti vuttam siyā, kāyasaddena samānādhikaraṇenāti adhippāyo. Byadhikaraṇena pana saṅkhārasa visesitabbatā athevāti.

**Imassa vārassāti** suddhasaṅkhāravārassa. **Padasodhanena dassitānanti** ettakeva vuccamāne tatha dassitabhāvasāmaññaena suddhakāyādīnampi gahaṇam āpajjeyyāti tamnivāraṇattham “**yathādhīppetānamevā**”ti āha. **Kāyādīpadehi aggahitattāti** suddhakāyādīpadehi aggahitattā. **Idha panāti** aṭṭhakathāyaṃ. Suddhasaṅkhāravāram sandhāya vuttampi suddhasaṅkhāravāramevettha ananujānanto sakalasaṅkhārayamakavisayanti āha “**idha pana saṅkhārayamake**”ti. **Adhippetatthapariccāgoti** assāsapassāsādīkassa adhippetatthassa aggahaṇam cetanākāya-abhisāṅkharaṇasaṅkhārādi **anadhippetatthapariggaho**. Yadi “kāyo saṅkhāro”ti-ādinā suddhasaṅkhāratam mūlacakkavārā atthābhāvato idha na gahetabbā, atha kasmā pavattivārameva anārabhitvā aññathā desanā āraddhāti āha “**padasodhanavārataṃ mūlacakkavārehi**”ti-ādi. **Sarīsayo hoti** saṅkhārasaddavacanīyatāsāmaññato kāyasaṅkhārādīpadānam byadhikaraṇabhāvato ca. Tenevāha “**asamānādhikaraṇehi -pa- dassitāyā**”ti.

Paṇṇattivāraṇṇanā niṭṭhitā.

## 2. Pavattivāraṇṇanā

19. **Saṅkhārānam puggalānañca okāsattāti** sampayuttānam nissayapaccayatāya, saṅkhārānam samāpajjitabbatāya puggalānam jhānassa okāsatā veditabbā, bhūmi pana yadaggena puggalānam okāso, tadaggena saṅkhārānampi okāso. “Dutiye jhāne tatiye jhāne”ti-ādinā **jhānam**, “kāmāvacare rūpāvacare”ti-ādinā **bhūmi** ca visum okāsabhāvena gahitā. **Itīti** hetu-attho, yasmā jhānampi okāsabhāvena gahitam, tasmāti attho. **Puggalavāre ca okāsavasena puggalaggahaṇeti** puggalavāre ca yadā puggalokāsasaṅkhārādīnam okāsabhāvena gayhati,

tadā tesaṃ dvinnāṃ okāsānaṃ vasena gayhanaṃ hotīti yattha so puggalo, yañca tasmim̄ puggale jhānaṃ upalabbhati, tesaṃ dvinnāṃ bhūmijhānasankhātānaṃ okāsānaṃ vasena yathārahaṃ kāyasaṅkhārādīnaṃ gahaṇaṃ kathaṇaṃ hotīti. **Tasmāti** yasmā etadeva, tasmā.

**Dutiyatatiyajjhānokāsavasenāti** dutiyatatiyajjhānasaṅkhāta-okāsavasena **gahitā**. Kathaṃ? “Vinā vitakkavicārehi assāsapassāsānaṃ uppādakkhaṇe”ti evaṃ gahitā **puggalā visesetvā dasseti**. Kena? Teneva vitakkavicārahita-assāsapassāsāsuppādakkhaṇenāti yojetabbaṃ.

Paṭhamakoṭṭhāse jhānokāsavasena puggaladassanaṃ katanti vuttaṃ “**puna -pa- dasseti**”ti. Bhūmi-okāsavasena puggalaṃ dasseti sambandho. **Dvippekārānanti** jhānabhūmi-okāsabhedena duvidhānaṃ. **Tesanti** puggalānaṃ. “Paṭhamānaṃ jhānaṃ samāpannānaṃ kāmāvacarānaṃ”ti ca idaṃ nivattetabbagahetabbasādhāraṇavacanaṃ, tassa ca avacchedakaṃ “assāsapassāsānaṃ uppādakkhaṇe”ti idanti vuttaṃ “**visesa -pa- khaṇe**”ti. **Tena** visesana. **Kāmāvacarānampīti pi**-saddo sampiṇḍanatto. Tena na kevalaṃ rūpārūpāvacaṇesu paṭhamajjhānaṃ samāpannānaṃ, atha kho kāmāvacarānampīti vuttamevatthaṃ sampiṇḍeti. Kīdisānaṃ kāmāvacarānanti āha “**gabbhagatādīnaṃ**”ti. **Ādi**-saddena udakanimuggavisaññibhūtā saṅgahitā, na matacatutthajjhānasamāpannanirodhasamāpannā. Te hi akāmāvacarātāya viya rūpārūpabhavasamaṅgino vitakkavicāruppattiyāva nivattitā. **Ekantikattāti** assāsapassāsābhāvassa ekanti kattā. **Nidassitāti** rūpārūpāvacaṇā nidassanabhāvena vuttā, na tabbiraḥitānaṃ aññesaṃ abhāvatoti adhippāyo. Paṭhamajjhānokāsā assāsapassāsāviraḥavisiṭṭhāti yojanā. Paṭhamañcetta paṭhamajjhānasamaṅgīnaṃ rūpārūpāvacaṇānaṃ gahaṇaṃ, dutiyānaṃ yathāvuttagabbhagatādīnaṃ. **Iminā nayanāti** yvāyaṃ “saṅkhārānaṃ puggalānañcā”ti-ādīnā jhānokāsabhūmi-okāsavasena puggalavibhāganayo vutto, iminā nayaṇa upāyena. **Sabbattha** sabbapucchāsu.

21. **Etasmim̄ pana atthe satīti** yvāyaṃ uppattibhūmiyā jhānaṃ visesetvā attho vutto, etasmim̄ atthe gayhamāne aññatthapi uppattibhūmiyā jhānaṃ visesitabbaṃ bhaveyya, tathā ca anīṭṭhaṃ āpajjatīti dassento “**catutthajjhāne**”ti-ādīmāha. Kim̄ pana taṃ anīṭṭhanti āha



“**bhūmīnaṃ okāsabhāvasseva aggahitatāpattito**”ti. Yattha yattha hi jhānaṃ gayhati, tattha tattha taṃ uppattibhūmiyā visesitabbaṃ hoti. Tathā sati jhānokāsova gahito siyā, na bhūmi-okāso guṇabhūtattā. Kiñca “catutthajjhāne rūpāvacare arūpāvacare”ti ettha rūpārūpabhūmiyā catutthajjhāne visesiyamāne tadekadesova okāsavasena gahito siyā, na sabbaṃ catutthajjhānaṃ. Tenāha “**sabbacatutthajjhānassa okāsavasena aggahitatāpattito cā**”ti. **Jhānabhūmokaśānanti** jhānokāśabhūmi-okāśānaṃ.

Nanu ca jhānabhūmi-okāse asaṅkarato yojyamāne na sabbasmiṃ paṭhamajjhānokāse kāyasaṅkhāro vacīsaṅkhāro ca atthi, tathā sabbasmiṃ kāmāvacarokāseti codanuppattiṃ sandhāya tassa pariḥāraṃ vattuṃ seca. **Taṃdvayuppattī** tassa kāyavacīsaṅkhāradvayassa uppatti. Okāśadvayassa asaṅkarato gahaṇe ayañca guṇo laddho hotīti āha “**visuṃ -pa- na vattabbaṃ hotī**”ti. Tattha **aṅgamattavasena**ti vitakkādijhānaṅgamattavasena. Saṅkhāroyevāti āha “**avitakka -pa- gacchati**”ti. **Muddhabhūtaṃ dutiyajjhānanti** catukkanaye dutiyajjhānamāha. Tañhi sakalakkhobhakaradhammavigamena vitakkekaṅgappahāyikato sātisayattā “muddhabhūtan”ti vattabbaṃ labhati. **Assaṅṅasattā viyāti** idaṃ visadisudāharaṇaṃ daṭṭhabbaṃ.

37. Āvajjanato pubbe pavattaṃ sabbaṃ cittaṃ paṭisandhicittena samānagatikattā ekaṃ katvā vuttaṃ “**paṭhamato**”ti. Tenāha “**avitakka-avicārato**”ti-ādi. **Cittasaṅkhārassa ādidassanattanti** suddhāvāse cittasaṅkhārassa ādidassanattaṃ. Tathā “**vacīsaṅkhārassa ādidassanattan**”ti etthāpi.

Pavattivāraṇaṇā niṭṭhitā.

Saṅkhārayamakavaṇṇanā niṭṭhitā.

## 7. Anusayayamaka

### Paricchedaparicchinuddesavāraṇṇanā

1. “Avijjāsamudayā rūpasamudayo, taṇhāsamudayā rūpasamudayo, kammasamudayā rūpasamudayo.<sup>1</sup> Lobho nidānaṃ kammānaṃ samudayāyā”<sup>2</sup>ti<sup>2</sup> ca evaṃdinā kusalamūlakusalādīnaṃ paccayabhāvo vuttoti āha **“paccayadīpakena mūlayamakenā”**ti. “So ‘aniccaṃ rūpaṃ, aniccaṃ rūpan’<sup>3</sup>ti yathābhūtaṃ pajānāti. Cakkhu aniccaṃ, rūpā aniccā”<sup>3</sup>ti ca ādinā bahulakhandhādīmukhena aniccānupassanādayo vihitāti vuttaṃ **“khandhādīsu tīraṇabāhullato”**ti. Kilesānaṃ samucchindanato paraṃ pahānakiccaṃ natthīti āha **“anusayapahānantā pahānapariññā”**ti. Yadi pi anusayehi sampayogato ārammaṇato vā pahānapariññā nappavattati, anusayābhāve pana tadārambho eva natthīti katvā vuttaṃ **“anusayehi pahānapariññānaṃ vibhāvetun”**ti. **Anusayabhāvena labbhamānānanti** anusayabhāvena vijjāmānānaṃ, anusayasabhāvānanti attho. **Tīhākārehīti** paricchedādīhi tīhi pakārehi. Anusayesu gaṇanasarūpappavattiṭṭhānato abodhitesu puggalokāsādivasena pavattiyamānā tabbisayā desanā na suviññeyyā hotīti dassento āha **“tesu tathā -pa- duravabodhattā”**ti.

**Ettha purimesūti** paduddhāro anantarassa vidhi paṭisedho vāti katvā sānusayavārādi-apekkho, na anusayavārādi-apekkho anusayavāre pāḷivavatthānassa pageva katattāti dassento **“etesu sānusayavārādīsu purimesūti attho”**ti āha. Sānusayavārādīsu hi tīsu purimesu okāsavāre yato tatoti desanā pavattā, na anusayavārādīsu. **Atthavisesābhāvatoti** “kāmadhātuyā cutassā”<sup>3</sup>ti-ādinā<sup>3</sup> pāḷi-āgatapadassa, “kāmadhātuṃ vā pana upapajjantassā”<sup>3</sup>ti-ādinā yamakabhāvena aṭṭhakathā-ādigatapadassa ca atthavisesābhāvato. **Kathamayaṃ yamakadesanā siyā** dutiyassa padassa abhāvatoti attho. Yadi nāyaṃ yamakadesanā, atha kasmā idhāgatāti āha **“purimavāre hī”**ti-ādi. Tattha **anusayaṭṭhānaparicchedadassananti**

1. Khu 9. 53 piṭṭhe Paṭisambhidāmagge. 2. Saṃ 1. 133 piṭṭhe. 3. Abhi 6. 274 piṭṭhe.

anusayaṭṭhānatāya paricchedadassanaṃ. Evampi kathamidam anusayayamakam yamakadesanāsabbhāvatoti āha “**yamakadesanā -pa-nāmaṃ daṭṭhabban**”ti. **Atthavasenā**ti paṭilomatthavasena. Paṭhamapadena hi vuttassa viparivattanavasenapi yamakadesanā hoti “rūpaṃ rūpakkhandho, rūpakkhandho rūpan”ti-ādīsu<sup>1</sup>, tatha pana atthaviseso atthi, idha natthi, tasmā na tathā desanā katāti dassento āha “**atthavisesābhāvato pana na vuttā**”ti. **Labhamānatāvasenā**ti pucchāya labhamānatāvasena.

**Uppatti-arahataṃ dasseti**ti iminā nipariyāyena anusayā anāgatāti dassitam hoti yato te maggavajjhā, na ca atītapaccuppannā uppattirahāti vuccanti uppannattā. Yaṃsabhāvā pana dhammā anāgatā anusayāti vuccanti, taṃsabhāvā eva te atītapaccuppannā vuttā. Na hi dhammānaṃ addhābhedenā sabbhāvabhedo atthi, tasmā anusayānaṃ atītapaccuppannabhāvā pariyāyato labbhantīti **aṭṭhakathāyam**<sup>2</sup> “atītopi hoti”ti-ādī vuttam. **Evampakārā**ti anusayappakārā, kāraṇalābhe sati uppajjanārahā-icceva attho. **So evampakāro** uppajjanavāre **uppajjatisaddena gahito** uppajjanārahatāya avicchinnabhāvadīpanatthanti adhippāyo. Tenāha “**na khandhayamakādīsu viya uppajjamānatā**”ti, paccuppannatāti attho. **Tenevā**ti-ādinā yathāvuttamattham pākāṭataram karoti. Tatha **ninnānākaraṇoti** nibbiseso. Uppajjanānusayānaṃ ninnānākaraṇattā eva hi “etthesā taṇhā uppajjamānā uppajjati, ettha nivisamānā nivisati”ti **vibhaṅge**<sup>3</sup> āgataṃ. Anusayanaṃ hi ettha nivisananti adhippetam.

Idāni yena pariyāyena atītapaccuppannesu anusayavohāro. Tam dassetukāmo anāgatampi tehi saddhim ekajjham katvā dassento “**anurūpaṃ kāraṇam pana -pa- vuccanti**”ti āha. Etena bhūtapubbagatiyā atītapaccuppannesu uppattirahatā veditabbāti dasseti. Uppatti-arahatā nāma kilesānaṃ maggena asamucchinnatāya veditabbā. Sā ca atītapaccuppannesupi atthevāti pakārantarenapi tesam pariyāyatova anusayabhāvaṃ pakāseti. Tenevāha “**maggassa panā**”ti-ādī. **Tādisānanti** ye maggabhāvanāya asati uppattirahā, tādisānaṃ. **Dhammo eva ca uppajjati**, na dhammākāroti adhippāyo. Na hi dhammākārā

1. Abhi 5. 17 piṭṭhe.

2. Abhi-Ṭṭha 3. 319 piṭṭhe.

3. Abhi 2. 106 piṭṭhe.

aniccatādayo uppajjantīti vuccanti. Yadi pana te uppādādisamaṅgino siyūṃ, dhammā eva siyūṃ. Tena vuttaṃ “appahīnākāro ca uppajjatīti vattum na yujjati”ti.

Vuttampi thāmagamanam aggahetvā appahīnaṭṭhamattameva gahetvā codako codetīti dassento āha “**sattānusaya -pa- āpajjatīti ce**”ti. Na hi thāmagamane gahite codanāya okāso atthi. Tenāha “**nāpajjati**”ti-ādi. Vuttaṃ aṭṭhakathāyaṃ, na kevalamaṭṭhakathāyameva pāṭhagatovāyamattho, tasmā evameva gahettabboti dassento “**thāmagato -pa- huttan**”ti vatvā kiṃ pana taṃ thāmagamananti parāsaṅkaṃ nivattento “**thāmagatanti ca -pa- vuttā**”ti āha. Tattha **aññehi sodhāraṇoti** kilesavatthu-ādīnaṃ kilesatādisabhāvo viya kāmārāgādito aññattha alabbhamāno tesamīyeva āveṇoko sabhāvo, yato te bhavabījāṃ bhavamūlnti ca vuccanti. Yasmā ca thāmagamanam tesamī anaññasādhāraṇo sabhāvo, tasmā anusayananti vuttaṃ hotīti dassento “**thāmagatoti anusa-ayasamaṅgīti attho**”ti āha.

“Yassa kāmārāgānusayo anuseti, tassa paṭighānusayo anusetīti? Āmantā”ti-ādīnā<sup>1</sup> anusayavāre vutto eva attho “yassa kāmārāgānusayo uppajjati, tassa paṭighānusayo uppajjatīti? Āmantā”ti-ādīnā<sup>2</sup> vuttoti anusayanākāro eva uppajjanavāre uppajjatisaddena gahitoti “uppajjanavāro anusayavārena ninnānākaraṇo vibhatto”ti yaṃ vuttaṃ, tattha vicāraṃ ārabhati “**anusaya-uppajjanavārānaṃ samānagatikattā**”ti-ādīnā.

“**Uppajjati**”ti vacanamī siyāti uppajjanavāre “uppajjati”ti vacanamī appahīnākārādīpakamī siyā. Tathā ca sati yathā “imassa uppādā”ti ettha imassa anirodhāti ayamatthopi ñāyati, evamī “uppajjati”ti vutte atthato “na uppajjati”ti ayamattho vutto hoti appahīnākārassa uppattirahabhāvassa anuppajjamānasabhāvattāti codanamī dassento “**uppajjatīti vacanassa avuttatā na sakkā vattuntī ce**”ti āha. **Vacantthavisesena taṃdvayassa vuttattāti** etena dhammanānattābhāvepi padatthanānatthena vārantaradesanā hoti

1. Abhi 6. 56 piṭṭhe.

2. Abhi 6. 274 piṭṭhe.

yathā sahaḷātasamsaṭṭhavāresūti dasseti. **Anurūpaṃ kāraṇaṃ labhitvāti**-ādi tameva vacanattavisesaṃ vibhāvetuṃ āradhmaṃ. **Uppattiyogganti** uppattiyā yoggaṃ, uppajjanasabhāgatanti attho. Yato anusayā uppattirahāti vuccanti, ekantena cetadeva sampaṭicchitabbaṃ “yassa kāmarāgānusayo uppajjati, tassa paṭighānusayo uppajjati? Āmantā”ti-ādivacanato<sup>1</sup>. “Anusentīti anusayā”ti ettake vutte sadā vijjamānā nu kho te aparinipphannānusayanaṭṭhena “anusayā”ti vuccantīti ayamatto āpajjati taṃnisedhanatthaṃ “**anurūpaṃ kāraṇaṃ labhitvā uppajjanti**”ti vuttaṃ. Uppatti-arahabhāvena thāmagatatā anusayaṭṭhoti yaṃ tesāṃ uppattiyogavacanāṃ vuttaṃ, taṃ sammadeva vuttanti imamatthamāha “**anusayasaddassā**”ti-ādinā. Tena vāradvayadesanuppādikā anusayasaddatthaniddhāraṇāti dasseti. **Tampi suvuttameva iminā tantippamāṇenāti** idampi “abhidhamme tāvā”ti-ādinā āgataṃ tividhameva tantim sandhāyāhāti dassento āha “**tantittayenapi hi cittasampayuttatā dīpitā hotī**”ti.

Paricchedaparicchinnuddesavāraṇṇanā niṭṭhitā.

### Uppattiṭṭhānavāraṇṇanā

2. **Evaṃ satīti** vedanānaṃ visesitabbabhāve kāmadhātuyā ca visesanabhāve sati. **Kāmadhātuyā anusayanaṭṭhānatā na vuttā hoti** appadhānabhāvato, padhānāppadhānesu padhāne kiccadassanato, visesanabhāvena caritabbatāya cāti adhippāyo. Hotu ko dosoti kadāci vadeyyāti āsaṅkamāno āha “**dvīsu panā**”ti-ādi. **Dvīsūti** niddhāraṇe bhuttaṃ, tathā “**tīsu dhātūsū**”ti etthāpi. **Tasmāti** yasmā dhātu-ādibhedena tividhaṃ anusayaṭṭhānaṃ, tattha ca rūpārūpadhātūnaṃ bhavarāgassa anusayaṭṭhānatā vuttāti kāmadhātuyā kāmarāgassa anusayaṭṭhānatā ekantena vattabbā, tasmā. **tīsu dhātūsū tīsu vedanāsūti** ca niddhāraṇe bhuttaṃ, **kāmadhātuyā dvīsu vedanāsūti** ca ādhāre.

1. Abhi 6. 274 piṭṭhe.

**Dvīsvevāti** dvīsu sukhopekkhāsu eva. **Sabbāsu dvīsūti** yāsu kāsuci dvīsu. **Tenāti** “kāmarāgo dvīsu vedanāsu anusetī”ti vacanasāmatthiyaladdhena visesanicchayeneva. **Bhavarāgānusayaṭṭhānaṃ** rūpārūpadhātuyo tadanurūpā ca vedanā. Na hi dvīsu vedanāsu kāmarāgānusayova anusetīti avadhāraṇaṃ icchitaṃ, dvīsu eva pana vedanāsūti icchitaṃ. Tenevāha “**dvīsveva anuseti, na tīsū**”ti. **Aṭṭhānaṃ** anusayānaṃ, kiṃ taṃ apariyāpannaṃ sakkāye? Sabbo lokuttaro dhammo. **Ca-saddena paṭighānusayaṭṭhānaṃ saṅgaṇhāti**. Tena vuttaṃ “**yathā cā**”ti-ādi. **Aññāti** kāmarāgā-usayaṭṭhānaḥhūtā dve vedanā.

**Aññesu** dvīhi vedanāhi vippayuttesu. **Piyarūpasātarūpesūti** piyāyitabbamadhurasabhāvesu. Visesanañcetaṃ rūpādīnaṃ sabbadvārasabbapurisesu iṭṭhabhāvassa aniyatatāya kataṃ. **Sātasantasukhagiddhiyāti** sātasukhe santasukhe ca gijjhanākārena abhikaṅkhanākārena. Tattha sātasukhaṃ kāyikaṃ, santasukhaṃ cetasikaṃ. Sātasukhaṃ vā kāyikasukhaṃ, santasukhaṃ upekkhāsukhaṃ. tathā cāhu “upekkhā pana santattā, sukhamicceva bhāsītā”ti<sup>1</sup>. Parittaṃ vā oḷārikaṃ sukhaṃ sātasukhaṃ, anolārikaṃ santasukhaṃ. Parittaggaṇaṇācetta kāmarāgānusayassa adhippetattā. **Aññatthāti** vedanāhi aññattha. **Soti** kāmarāgānusayo. **Vedanāsu anugato hutvā setīti** vedanāpekkho eva hutvā pavattati yathā puttāpekkhāya dhātuyā anuggaṇhanappavatti, sayanasankhātā pavatti ca kāmarāgassa nikāmanameva. Tenāha “**sukhamicceva abhilapati**”ti. Yathā tassa, evaṃ paṭighānusayādīnampi vuttaniyāmena yathāsakaṃ kiccakaraṇameva dukkhavedanādīsu anusayanaṃ daṭṭhabbā. Tena vuttaṃ “**evaṃ paṭighānusayo cā**”ti-ādi. **Tīsu vedanāsu anusayanavacanenāti** tīsu vedanāsu yathārahaṃ anusayanavacanena. **Iṭṭhādibhāvena gahitesūti** iṭṭhādīsu ārammaṇapakatīyā vasena iṭṭhādibhāvena gahitesu viparītasaññāya vasena anīṭṭhādīsu iṭṭhādibhāvena gahitesūti yojanā. Na hi iṭṭhādibhāvena gahaṇaṃ viparītasaññā.

**Tatthāti** iṭṭhārammaṇādīsu. **Etthāti** anusayane. **Kāmassādādivatthubhūtānaṃ kāmabhavādīnanti** kāmassādabhavassādavatthubhūtānaṃ

1. Visuddhi 2. 203; Abhi-Ṭṭha 2. 171; Mahāniddeśa-Ṭṭha 198 piṭṭhesu.

kāmarūpārūpabhavānaṃ gahaṇaṃ veditabbanti yojanā. **Tatthāti** vedanāttayadhātuttayesu. Niddhāraṇe cetam̄ bhummaṃ. **Dukkhaṇaṭṭhāto** dukkhe anabhirati. **Yattha tatthāti** dukkhavedanāya tamsampayuttesu aniṭṭharūpādīsu vāti yattha tattha. Mahaggatā upādinnakkhandhā **rūpārūpabhavā**, anupādinnakkhandhā **rūpārūpāvacaradhammā**. **Tatthāti** yathāvuttesu mahaggatadhammesu bhavarāgo-icceva veditabbo. Tena vuttam̄ “**rūpadhātuyā arūpadhātuyā ettha kāmarāgānusayo nānusetī**”ti. **Diṭṭhānusayādīnanti ādi**-saddena vicikicchānusaya-avijjānusayādīnaṃ snāgaho daṭṭhabbo.

**Dhātuttayavedanāttayavinimuttam̄ diṭṭhānusayādīnam̄ anusayanatṭhānam̄ na vuttanti** suvuttametam̄ diṭṭhānusayādīnam̄ uppattiṭṭhānapucchāyam̄ “sabbasakkāyapariyāpannesu dhammesu” icceva vissajjitattā. Kāmarāgo pana yattha nānuseti, tam̄ dukkhavedanārūpārūpadhātuviniṃuttam̄ diṭṭhānusayādīnam̄ anusayanatṭhānam̄ atthīti dassetuṃ “**nanu cā**”ti-ādi āradham̄. Tattha **tadanusayanatṭhānato** tassa kāmarāgānusayassa anusayanatṭhānato. **Aññānekkhammassitasomanassupekkhāsāṅkhātā**. Ayamettha saṅkhepattho—nekkhammassitadomanasse viya ṇaṭṭhānusayo nekkhammassitasomanassupekkhāsu kāmarāgānusayo nānusetīti “yattha kāmarāgānusayo nānuseti, tattha diṭṭhānusayo nānusetī”ti sakkā vattuntī tasmā tam̄ uddharitvā na vuttanti. **Hontūti** tāsam̄ vedanānam̄ atthitam̄ ṇaṭṭhānitvā uddharitvā avacanassa kāraṇam̄ dassento āha “**na pana -pa- tam̄ na vuttan**”ti. **Tadanusayanatṭhānanti** tesam̄ diṭṭhānusayādīnam̄ anusayanatṭhānam̄. **Tasmāti** yasmā satipi kāmarāgānusayanatṭhānato aññasmim̄ diṭṭhānusayādīnam̄ anusayanatṭhāne tam̄ pana dhātuttayavedanāttayavinimuttam̄ natthi vedanādvayabhāvato, tasmā. **Tam̄** vedanādvayam̄ **na vutam̄** visum̄ na uddhaṭanti attho. **Tasmāti** yasmā “yattha kāmarāgādayo nānuseti, tattha diṭṭhivicikicchā nānusetī”ti ayamettho “āmantā”ti iminā ṇaṭṭhānavissajjanena avibhāgato vuttoti “yattha kāmarāgādayo anuseti, tattha diṭṭhivicikicchā anusetī”ti ayampi attho avibhāgatova labbhati, tasmā. Avibhāgato ca dukkham̄ ṇaṭṭhassa anusayanatṭhānanti dipitam̄ hoti. Tenāha “**avisesena -pa- veditabban**”ti. Tattha **avisesenāti** gehassitam̄ nekkhammassitanti visesam̄ akatvā.

**Samudāyavasena gahetvā**ti yathāvutta-avayavānaṃ samūhavasena dukkhantveva gahetvā. “Avisesena samudāyavasena gahetvā”ti imamatthaṃ **tathā**-saddena anukaḍḍhati “dvīsu vedanāsū”ti etthāpi gehassitādivibhāgassa anicchittā.

Yadi evaṃ “paṭighaṃ tena pajahati, na tattha paṭighānusayo anuseti”ti idaṃ suttapadaṃ kathanti codanaṃ sandhāya “**apicā**”ti-ādi vuttaṃ. **Tatthā**ti tasmim̄ domanasse, taṃsampayutte vā paṭighe. **Nekkhammassitaṃ domanassanti**-ādinā neyyatthamidam̄ suttaṃ, na nītatthanti dasseti. Yathā pana suttaṃ udāhaṭaṃ, tathā idha kasmā na vuttanti āha “**paṭighuppattirahaṭṭhānatāyā**”ti-ādi. Evampi suttabhidhammapāṭhānaṃ kathamavirodhoti āha **nippariyāyadesanā hesā, sā pana pariyāyadesanā**ti. **Evañca katvā**ti pariyāyadesanattā eva. **Rāgānusayoti** kāmarāgānusayo adhippeto. Yato “anāgānimaggena samugghātanam̄ sandhāyā”ti vuttaṃ, tasmā tassa na mahaggaṭṭhammā anusayanaṭṭhānanti taṃ paṭhamajjhānañca anāmasitvā “**na hi lokiyā -pa- nānuseti sakkā vattun**”ti vuttaṃ. **Avatthubhāvato**ti sabhāveneva anuppattiṭṭhānattā. **Idhā**ti imasmim̄ anusayayamake. **Vuttanayenā**ti “nekkhammassitaṃ domanassaṃ uppādetvā”ti-ādinā vuttena nayena. **Taṃpaṭipakkkhāvato**ti tesam̄ paṭighādīnam̄ paṭipakkkhassa maggassa sabbhāvato. Na kevalam̄ maggasabbhāvato, atha kho balavavipassanāsabbhāvatoṇi dassento āha “**taṃ samugghā -pa- bhāvato cā**”ti.

Idāni yadetaṃ tattha tattha “anusayanaṭṭhānan”ti vuttaṃ, taṃ gahettabbadhamavasena vā siyā gahaṇavisesena vāti dve vikappā, tesu paṭhamam̄ sandhāyāha “**ārammaṇe anusayanaṭṭhāne satī**”ti. Rūpādi-ārammaṇe anusayānam̄ anusayanaṭṭhānanti gayhamāne yamatthaṃ sandhāya “na sakkā vattun”ti vuttaṃ, taṃ dassetuṃ “**dukkhāya hi**”ti-ādimāha. **Yadi siyā**ti yadi kāmarāgānusayo siyā. **Etassapī**ti diṭṭhānusayasampayuttalobhassapi “sabbasakkāyapariyāpannesu dhammesū”ti kāmarāgassa ṭhānam̄ vattabbaṃ siyā, na ca vuttaṃ. **Atha panā**ti-ādi dutiyavikappaṃ sandhāya vuttaṃ. **Ajjhāsayasena tarinnatāyā**ti asatipi ārammaṇakarāṇe yattha kāmarāgādayo ajjhāsayato ninnā, taṃ tesam̄ anusayanaṭṭhā.



tena vuttam̄ “anugato hutvā setī”ti. Atha pana vuttanti sambandho. **Yathāti-**ādi yathāvuttassa atthassa udāharaṇavasena nirūpanam̄. **Dukkhe paṭihaññānavaseneva pavattati**, nānammaṇakaraṇavasenāti adhippāyo. **Dukkhomeva tassa anusayanaṭṭhānam̄ vuttanti** ajjhāsayaassa tatha ninnattā dukkhameva tassa paṭighassa anusayanaṭṭhānam̄ vuttam̄, **nālambitam̄** rūpādi sukhavedanā cāti adhippāyo. **Evanti** yathā aññārammaṇassapi paṭighassa ajjhāsayaato dukkhaninnatāya dukkhameva anusayanaṭṭhānam̄ vuttam̄, evam̄. **Dukkhadīsū -pa- vuttanti** “dukkhena sukham̄ adhigantabbam̄. Natthi dinnan”ti ca ādinā kāyakilamanadukkhe dānānubhāvādike ca micchābhinivesanavasena uppajjamānena diṭṭhānusayena sampayutto aññārammaṇopi lobho “evam̄ sukham̄ bhavissatī”ti ajjhāsayaato sukhābhisaṅgavaseneva pavattatīti sukhupekkhābhedaṃ sātasantasukhadvayameva assa lobhassa anusayanaṭṭhānam̄ vuttam̄ pāḷiyam̄, na yathāvuttam̄ dukkhādi, tasmā **bhavarāga -pa- na virujjhati. Ekasmimyeva cāti-**ādi dutiyavikkappaṃyeva upabrūhanattham̄ vuttam̄. Tatha rāgassa sukhajjhāsayaatā taṃsamaṅgino puggalassa vasena veditabbā, tanninnabhāvena vā cakkhussa visamajjhāsayaatā viya. Esa nayo sesesupi. **Tesam̄** rāgapāṭighānam̄ **nānānusayaṭṭhānatā hoti** ekasmimpi ārammaṇeti attho.

**Evañca katvāti** asatipi gahetabbabhede gahaṇavisesena anusayanaṭṭhānassa bhinnattā eva. “**Yattha -pa- no**”ti **vuttam̄**, aññathā virujjheyya. Gahetabbabhedena hi rāgapāṭighānam̄ anusayanaṭṭhānabhede gayhamāne vipākamatte ṭhātabbam̄ siyā, na ca tam̄ vuttam̄, napi sabbesam̄ purisadvārānam̄ iṭṭhāniṭṭham̄ niyatanti. Yadi pi yathāvuttalobhassa vuttanayena kāmarāgānusayaatā sambhavati, yathā pana sukhupekkhāsu iṭṭhārammaṇe ca uppajjantena domanassena saha pavatto doso dubbalabhāvena paṭighānusayo na hoti, evam̄ yathāvuttalobhopi kāmarāgānusayo na hotīti imamattam̄ dassetuṃ “**aṭṭhakathāyam̄ panā**”ti-ādi vuttam̄. **Na paṭighānusayoti** ettha **na-kāro** paṭisedhanattho, na aññattho, itarattha pana sambhavo eva natthīti dassento “**yaṃ panetan**”ti-ādimāha. Tatha “**na hi domanassassa paṭighānusayabhāvāsāṅkā atthī**”ti iminā **na-kārassa** aññatthatābhāvadassanamukhena abhāvattatam̄ samattheti.

Desanā saṁkiṇṇā viya bhaveyyāti ettha desanāsaṅkaraṁ dassetuṁ “bhavarāgassapi -pa- bhaveyyā”ti vuttaṁ. Tassattho—yathā kāmarāgassa kāmadhātuyā dvīsu vedanāsu ārammaṇakaraṇavasena uppatti vuttā “kāmarāgo kāmadhātuyā dvīsu vedanāsu anusetī”ti, evaṁ yadi “bhavarāgo kāmadhātuyā dvīsu vedanāsu anusetī”ti vucceyya, bhavarāgassapi -pa- bhaveyya. Tato ca kāmarāgena saddhiṁ bhavarāgassa desanā saṁkiṇṇā bhaveyya, kāmarāgato ca bhavarāgassa viseso dassetabbo. So ca sahajātānusayavasena na sakkā dassetunti ārammaṇakaraṇavasena dassetabbo. Tena vuttaṁ “tasmā ārammaṇa -pa- adhippāyo”ti. Tattha ārammaṇavisesenāti rūpārūpadhātusaṅkhāta-ārammaṇavisesena. Visadassanattanti kāmarāgato bhavarāgassa visadassanattanti. Evaṁ desanā katāti “rūpadhātuyā arūpadhātuyā ettha bhavarāgānusayo anusetī”ti evaṁ visaye bhuttaṁ katvā desanā katā. Tenāha “sahajātavedanāvisesābhāvato”ti.

Uppattiṭṭhānavāraṇanā niṭṭhitā.

### Mahāvāra 1. Anusayavāraṇanā

3. Pavattāvirāmasenāti anusayappavattiyā avirāmasena, avicchedavasenāti attho. Kathaṁ pana kusalābyākatacittakkhaṇe anusayānaṁ pavattīti āha “maggeneva -pa- pubbe”ti.

20. Cittacetāsikānaṅca ṭhānaṁ nāma cittuppādoti āha “ekasmim cittuppāde”ti. Tesam tesam puggalānanti puthujjanādīnaṁ puggalānaṁ. Pakatiyā sabhāvena. Sabhāvasiddhā hi dukkhāya vedanāya kāmarāgassa ananusayanaṭṭhānatā. Evaṁ sesesupi yathārahaṁ vattabbaṁ. Vakkhati hi “pakatiyā dukkhādīnaṁ kāmarāgādīnaṁ ananusayanaṭṭhānataṁ sandhāya vuttan”ti. Pahānenāti tassa tassa anusayassa samucchindanena. Tiṇṇaṁ puggalānanti puthujjanasotāpannasakadāgāmīnaṁ. Dvīnaṁ puggalānanti anāgāmi-arahantānaṁ. Etthāti etasmim puggalokāsavāre. Purimanayeti “tiṇṇaṁ puggalānaṁ”ti-ādike purimasmim vissajjananaye. Okāsanti uppattiṭṭhānaṁ, idha pana

dukkhavedanā veditabbā. **Pacchimanayeti** “dvinnam puggalānan”ti-ādike vissajjananaye. **Anokāsata** ananusayanaṭṭhānatā.

Anusayavāraṇṇanā niṭṭhitā.

## 2. Sānusayavāraṇṇanā

66-131. “**Sānusayo, pajahati, pariṇānāti**”ti puggalo vuttoti “kāmarāgena sānusayo, kāmarāgam pajahati, kāmarāgam pariṇānāti”ti-ādīsu anusayasamaṅgibhāvena pahānapariṇākiriyāya kattubhāvena ca puggalo vutto, na dhammo. **Bhavavisesena vāti** kevalena bhavavisesena vā. **Itaresūti** paṭighānusayādīsu. **Bhavānusayavisesena vāti** kāmabhavādibhavavisiṭṭhānusayavisesena vā. **Sānusayatāniranusayatādīkāti** ettha **ādi**-saddena pahānapahānapariṇā saṅgayhanti. Nanu ca bhavavisesa kesañci anusayānam appahānanti? Na tam anusayakatam, atha kho paccayavekallato anokāsataya cāti nāyam virodho. **Dvīsu vedanāsūti** sukha-  
upekkhāsu vedanāsu dukkhāya vedanāya kāmarāgānusayena niranusayoti yojetabbam. **Idampi natthi** puggalavasena vuccamānattā. Tenāha “**na hi puggalassa -pa- anusayānan**”ti. Yadi pi puggalassa anusayanokāso anokāso, tassa pana sānusayatādīhetu hotīti dassento “**anusayassa panā**”ti-ādīmāha. **Niranusayatādīnanti ādi**-saddena appahānapariṇā saṅgaṇhāti. **Pariṇānanam** samatikkamananti pariṇāvārepi “apādāne nissakkavacanan”ti vuttam.

**Anusayanaṭṭhānatoti** anusayanaṭṭhānahetu. “**Ananusayanaṭṭhānato**”ti etthāpi eseva nayo. **Nimittāpādānabhāvadassanattanti** sānusayavāre nimittabhāvadassanattam, pajahanapariṇāvāresu apādānabhāvadassanattañcāti yojetabbam. **Pajahatīti** ettha “rūpadhātuyā arūpadhātuyā tato mānānusayam pajahatī”ti pāḷipadam āharitvā yojetabbam, **na pajahatīti** ettha pana “dukkhāya vedanāya tato kāmarāgānusayam nappajahatī”ti. **Evamādīsūti ādi**-saddena pariṇāvārampi saṅgaṇhāti. **Bhummaniddeseneva** hetu-attheneva niddiṭṭhāti attho.

**Catutthapañhavissajjanenā**ti “yato vā pana mānānusayena sānusayo, tato kāmāragānusayena sānusayo”ti etassa pañhassa vissajjanena. Tattha hi “rūpadhātuyā arūpadhātuyā”ti-ādinā sarūpato anusayanaṭṭhānāni dassitāni. **Tadattheti** taṃ anusayanaṭṭhānadassanaṃ attho etassāti tadattho, tasmim̄ tadatthe. “Anusayassa uppattiṭṭhānadassanatthaṃ ayaṃ vāro āraddho”ti-ādinā “yato”ti etena **anusayanaṭṭhānaṃ vuttanti imamattaṃ vibhāvetvā**. **Pamādalikhitaṃ viya dissati** uppanna-saddena vattamānuppanne vuccamāne. Yathā pana uppajjanavāre uppajjisaddena uppattiyogadīpakattā uppattirahā vuccanti, evamidhāpi uppatti-arahe vuccamāne na koci virodho. Yaṃ pana vakkhati “na hi apariyāpannānaṃ anusayuppattirahaṭṭhānatā”ti, sopi na doso. Yattha yattha hi anusayā uppattirahā, tadeva ekajjhaṃ gahetvā “sabbatthā”ti vuttanti. **Tatheva dissatī**ti taṃ pamādalikhitaṃ viya dissatīti attho.

**Yato uppanna bhavitabbanti** yato anusayanaṭṭhānato kāmāgarānusayena uppanna bhavitabbaṃ, tena kāmāragānusayena uppattirahaṭṭhāne nissakkavacanaṃ kataṃ “yato”ti. **Tathāti** ettha **tathā**-saddo yathā “yato uppannā”ti ettha uppattirahaṭṭhānato anusayassa uppattirahatā vuttā, tathā “uppajjanakenā”ti etthāpi sā eva vuccatīti dīpetīti āha “**sabbadhammesu -pa- āpannā**”ti. Tattha “uppajjanako”ti vutte anuppajjanako na hotīti ayamatto viññāyati, tathā ca satī tena anuppatti nicchitāti uppannasabhāvatā ca pakāsītā hotīti. Tenāha “**sabbadhammesu -pa- apanetī**”ti. “Yo yato kāmāragānusayena niranusayo, so tato mānānusayena niranusayo”ti pucchāya “yato tato”ti āgatattā vissajjane “sabbatthā”ti padassa nissakkavaseneva sakkā yojetuntid assento “**sabbatthāti -pa- na na sambhavatī**”ti āha. **Bhummato aññatthāpi saddavidū icchanti**, yato sabbesaṃ pādakaṃ “sabbatthapādakan”ti vuccati, idha pana nissakkavasena veditabbaṃ.

Sānusayavāraṇṇanā niṭṭhitā.

### 3. Pajahanavāraṇṇanā

132-197. **Appajahanasabbhāvā**ti appahānassa, appahīyamānassa vā sabbhāvā. **Tasmāti** yasmā yo kāmarāgānusayaṃ pajahati, na so mānānusayaṃ niravasesato pajahati, yo ca mānānusayaṃ niravasesato pajahati, na so kāmarāgānusayaṃ pajahati pageva pahīnattā, tasmā “yo vā pana mānānusayaṃ pajahati, so kāmarāgānusayaṃ pajahatīti? No”ti vuttanti vedittabbaṃ. Yadi evaṃ paṭhamapucchāyaṃ kathanti āha “**yasmā pana -pa-vuttan**”ti. Tattha **pahānakaraṇamattamevā**ti pahānakiriyāsambhavamattameva, na niravasesappahānanti adhippāyo. **Te ṭhapetvā**ti diṭṭhivicikicchānusayādīnaṃ niravasesapajahanake aṭṭhamakādike ṭhapetvā. **Avasesāti** tassa tassa anusayassa niravasesappajahanakehi avasiṭṭhā. Tesu yesaṃ ekacce anusayā ahīnā, tepi **appajahanasabbhāvene**va **nappajahantīti vuttā**. **Na ca yathāvijjamānenāti** maggakiccabhāvena vijjamānappakārena pahānena vajjitā rahitā eva vuttāti yojanā.

**Kesañcīti** sotāpannasakadāgāmimaggasamaṅgisakadāgāmīnaṃ. Puna **kesañcīti** anāgāmi-aggamaggasamaṅgi-arahantānaṃ. **Ubhayanti** kāmarāgavicikicchānusayadvayaṃ. **Sesānanti** “sesā”ti vuttānaṃ yathāvuttapuggalānaṃ. **Tesanti** vuttappakārānaṃ dvinnānaṃ anusayānaṃ. **Ubhayāppajahanassāti** kāmarāgavicikicchānusayāppajahanassa. **Kāraṇaṃ na hotīti** yesaṃ vicikicchānusayo pahīno, tesaṃ tassa pahīnatā, yesaṃ yathāvuttaṃ ubhayappahīnaṃ, tesaṃ tadappajahanassa kāraṇaṃ na hotīti attho. Tenāha “**tesaṃ pahīnattā ‘nappajahantī’ti na sakkā vattun**”ti. Atha pana na tattha kāraṇaṃ vuttaṃ, yena kāraṇavacanena yathāvuttadosāpatti siyā, kevalaṃ pana sannīṭṭhānena tesaṃ puggalānaṃ gahitatādassanattham vuttaṃ “**kāmarāgānusayañca nappajahantī**”ti, evampi pucchitassa smāsayatthassa kāraṇaṃ vattabbaṃ. Tathā ca satī “sesapuggalā tassa anusayassa pahīnattā nappajahantī”ti kāraṇaṃ vattabbamevāti codanaṃ sandhāyāha “**na vattabban**”ti-ādī. Tattha **na vattabbanti** vuttanayena kāraṇaṃ na vattabbaṃ kāraṇabhāvasseva abhāvato. “Ubhayāppajahanassa kāraṇaṃ na hotī”ti vuttaṃ, yathā pana vattabbaṃ, taṃ dassetuṃ “**yo kāmarāgānusayaṃ -pa- vattabbattā**”ti āha. Tena

pahīnāppahīna kāraṇaṃ na vattabbaṃ, pahīnānaṃyeva pana vasena vattabanti dasseti. **Samsayatthasaṅgahiteti** samsayatthena padena saṅgahite. Sanniṭṭhānapadasaṅgahitaṃ pana pahīyamānattā “nappajahati”ti na sakkā vattunti.

Pajahanavāraṇṇanā niṭṭhitā.

### 5. Pahīnavāraṇṇanā

264-273. **Phalattṭhavaseneva desanā āradhā**, na maggaṭṭhavasena, kuto puthujjanavasena. Kasmā? Phalakkhaṇe hi anusayā pahīnāti vuccanti, maggakkhaṇe pana pahīyantīti. Tenevāha “**maggasamaṅgīnaṃ aggahitataṃ dīpeti**”ti. **Paṭilome hi puthujjanavasenapi desanā gahitā** “yassa diṭṭhānusayo appahīno, tassa vicikicchānusayo appahīnoti? Āmantā”ti-ādinā. **Anusayaccantapaṭipakkhekacittakkaṇikānanti** anusayānaṃ accantaṃ paṭipakkhabhūta-ekacittakkaṇikānaṃ. **Maggasamaṅgīnanti** maggaṭṭhānaṃ. Ettha ca anusayānaṃ accantapaṭipakkhatāggahaṇena uppattirahataṃ paṭikkhipati. Na hi te accantapaṭipakkhasamuppattito parato uppattirahā honti. Maggasamaṅgītāggahaṇena anuppattirahatāpāditaṃ paṭikkhipati. Na hi maggakkhaṇe te anuppattirahataṃ āpāditaṃ nāma honti, atha kho āpādīyantīti. Ekacittakkaṇikatāggahaṇena santānabyāpāraṃ. Tenāha “**na koci**”ti-ādi. Tattha **teti** maggasamaṅgino. Na kevalaṃ pahīnavāreyeva, atha kho aññesupīti dassento “**anusaya -pa- gahitā**”ti āha.

275-296. Yattha anusayo uppattiraho, tatthevassa anuppattirahatāpādananti “**attano attano okāse eva anuppattidhammataṃ āpādito**”ti āha. Tathā hi vuttaṃ “cakkhum loke piyarūpaṃ sātārūpaṃ, etthesā taṇhā uppajjamānā uppajjati, ettha nivisaṃmānā nivisati”ti<sup>1</sup> vatvā puna vuttaṃ “cakkhum loke piyarūpaṃ sātārūpaṃ, etthesā taṇhā pahīyamānā pahīyati, ettha nirujjhamānā nirujjhati”ti<sup>2</sup>. **Tasmāti** yasmā tadokāsattameva kāmādhātu-ādi-okāsattameva anusayānaṃ dīpenti pahīnāppahīnavacanāni, tasmā. **Anokāse tadubhayāvattabbatā vutthāti** yasmā kāmāragapaṭighānusayānaṃ dvinnaṃ uppattiṭṭhānaṃ, so eva

1. Abhi 2. 106 piṭṭhe.

2. Abhi 2. 109 piṭṭhe.

pahānokāsoṭi svāyaṃ tesam aññamaññaṃ anokāso, tasmim anokāse tadubhayassa pahānāppahānassa navattabbatā vuttā. Kāmarāgānusayokāse hi paṭighānusayassa appahīnattā so “tattha pahīno”ti na vattabbo, aṭṭhitattā pana “tattha appahīno”ti ca, tasmā anokāse tadubhayāvattabbatā vuttāti. **Tena saddhim samānokāseti** tena kāmarāgena saddhim samānokāse. “Sādhāraṇaṭṭhāne”ti vutte kāmadhātuyam sukhupekkhāsu pahīno nāma hoti, na samānakāle pahīno tatiyacatutthamaggavajjhata kāmarāgamānānusayānaṃ.

Pahīnavāraṇṇanā niṭṭhitā.

### 7. Dhātuvāraṇṇanā

332-340. Appahīnuppattirahabhāvā idha anugamanasayanānīti dassento “**yasmim -pa- attho**”ti āha. **Idhāpi yuttāti** pubbe vuttamevattham parāmasati. Tathā hi vuttam “kāraṇalābhe uppatti-arahataṃ dasseti”ti<sup>1</sup>. **Cha paṭisedhavacanānīti** tissannaṃ dhātūnaṃ cutūpapātavisitṭhānaṃ paṭisedhanavasena vuttavacanāni, tato eva dhātuvisesaniddhāraṇāni na honti. Paṭisedhoti hi idha sattāpaṭisedho vuttoti adhippāyena vadati. Aññatthe pana na-kāre nāyaṃ doso. **Imaṃ nāma** dhātum. **Taṃmūlikāsūti paṭisedhamūlikāsu.** **Evañhīti** “na kāmadhātuyā cutassa kāmadhātum uppajjantassā”ti-ādinaṃ paṭimayojanāya sati. Nakāmadhātu-ādīsu upapattikittaneneva nakāmadhātu-ādiggahaṇenapi dhātuvisesasseva gahitatāya atthato viññāyamānattā. Tenāha “**na kāmadhātu -pa- viññāyati**”ti. **Bhañjitabbāti** vibhajitabbā. Vibhāgo panettha duvidho icchitoti āha “**dvidhā kātabbāti attho**”ti. Pucchā ca vissajjanāni ca **pucchāvissajjanāni.** Yathā avutte bhaṅgābhāvassa aviññātattā “anusayā bhaṅgā natthi”ti vattabbaṃ, tathā tayidaṃ “kati anusayā bhaṅgā”ti etadapekkhanti tadapi vattabbaṃ. Pucchāpekkhaṃ hi vissajjananti.

Dhātuvāraṇṇanā niṭṭhitā.

Anusayayamakavaṇṇanā niṭṭhitā.

1. Mūlaṭi 3. 141 piṭṭhe.

## 8. Cittayamaka

### Uddesavāraṇṇanā

1-62. **Sarāgādīti** ettha **ādi-saddena** “yassa sarāgaṃ cittaṃ uppajjati, na nirujjhatī”ti ārabhitvā yāva “yassa avimuttaṃ cittaṃ”ti vāro, tāva saṅgaṇhāti. **Kusalādīti** pana **ādi-saddena** “yassa kusalaṃ cittaṃ uppajjati, na nirujjhatī”ti ārabhitvā yāva “yassa saraṇaṃ cittaṃ uppajjati, na nirujjhatī”ti vāro, tāva saṅgaṇhāti, tasmā **sarārādīkusalādīhīti** sarāgādīhi avimuttantehi, kusalādīhi araṇantehi padehi **missakā** vārā. **Suddhikāti** kevalā yathāvuttasarāgādīhi kusalādīhi ca amissakā. **Tayo tayoti** puggaladhammasena tayo tayo mahāvārā. Yadi evaṃ kathaṃ soḷasa puggalavārāti āha “**tattha tattha pana vutte sampiṇḍetvā**”ti. **Tattha tattha** soḷasavidhe sarāgādīmissakacitte **vutte** puggale eva ekajjhaṃ **sampiṇḍetvā** saṅgahetvā “soḷasa puggalavārā”ti vuttaṃ. “Dhammapuggaladhammavārā”ti etthāpi eseva nayo. **Na nirantaram vutteti** dhamme puggaladhamme ca anāmasitvā soḷasasupi ṭhānesu nirantaram puggale eva vutte sampiṇḍetvā soḷasa puggalavārā na vuttāti attho.

**Saṃsaggavasenāti** saṃsajjanavasena desanāya vimissanavasena. Aññathā hi uppādanirodhā paccuppannānāgatakālā ca kathaṃ saṃsajjīyanti. **Sesānampi vārānanti** uppāduppannavārādīnaṃ. **Taṃtaṃnāmatāti** yathā “yassa cittaṃ uppajjati, tassa cittaṃ uppannaṃ”ti-ādinā uppāda-uppannabhāvāmasanato uppāda-uppannavāroti nāmaṃ pālito eva viññāyati, evaṃ sesavārānampīti āha “**taṃtaṃnāmatā pālī-anusārena veditabbā**”ti.

Uddesavāraṇṇanā niṭṭhitā.

### Niddesavāraṇṇanā

63. **Tathārūpassevāti** pacchimacittasamaṅgīno eva. **Taṅca cittanti** taṅca yathāvuttakkhaṇaṃ pacchimacittaṃ. “**Evaṃpakāraṇaṃ**”ti imassa atthaṃ dassetuṃ “**bhaṅgakkhaṇasamaṅgimevā**”ti **vuttaṃ** nirujjhamānākārassa “evaṃpakāraṇaṃ”ti vuttattā.



65-82. **Dvayametanti** yaṃ “khaṇapaccuppannameva cittaṃ uppādakkhaṇāpagamena uppajjittha nāma, tadeva uppādakkhaṇe uppādaṃ pattattā uppajjittha, anatītatā uppajjati nāmā”ti vuttaṃ, etaṃ ubhayampi. **Evam na sakkā vattunti** iminā vuttappakārena na sakkā vattuṃ, pakārantarena pana sakkā vattunti adhippāyo. Tattha “**na hi**”ti-ādinā paṭhamapakkaṃ vibhāveti. **Vibhajitabbaṃ siyāti** “bhaṅgakkhaṇe taṃ cittaṃ uppajjittha, no ca uppajjati, uppādakkhaṇe taṃ cittaṃ uppajjittha ceva uppajjati cā”ti vibhajitabbaṃ siyā, na ca vibhattaṃ. “**Āmantā**”ti **vattabbaṃ siyā** khaṇapaccuppanne citte vuttanayena ubhayassapi labbhamānattā, na ca vuttaṃ. Idāni yena pakārena sakkā vattuṃ, taṃ dassetuṃ “**cittassa bhaṅgakkhaṇe**”ti-ādimāha. **Puggalo vutto**, puggalavāro hesoti adhippāyo. **Tassāti** puggalassa. **Na ca kiñci cittaṃ uppajjaticittassa** bhaṅgakkhaṇasamaṅgibhāvato. **Taṃ pana cittaṃ uppajjati**, yaṃcittasamaṅgi so puggaloti **evamettha attho daṭṭhabbo**. Yadi anekacittavasenāyaṃ yamakadesanā pavattāti codanā sandhāyāha “**cittanti hi -pa- tiṭṭhati**”ti. **Sanniṭṭhānavasena niyamo veditabbo**, aññathā “no ca tesam cittaṃ uppajjati”ti-ādinā paṭisedho na yujjeyyāti adhippāyo. **Tādisanti** tathārūpaṃ, yadavattho uppanna-uppajjamānatādipariyāyehi vattabbo hoti, tadavatthanti attho.

83-113. **Imassa puggalavārattāti** “yassa cittaṃ uppajjamānaṃ”ti-ādinayappavattassa imassa atikkantakālavārassa puggalavārattā. **Puggalo pucchitoti** “yassa cittaṃ uppajjamānaṃ -pa- tassa cittaṃ”ti cittasamaṅgipuggalo pucchitoti **puggalasseva vissajjanena bhavitabbaṃ**, itarathā aññaṃ pucchitaṃ aññaṃ vissajjitaṃ siyā. **Na koci puggalo na gahito** sabbasattānaṃ anibbattacittatābhāvato. **Te ca pana** sabbe puggalā. **Nirujjhamānakkhaṇātītacittāti** nirujjhamānakkhaṇā hutvā atītacittā. **Tathā dutiyatatiyāti** yathā paṭhamapañho anavasesapuggalavisayattā paṭivacanena vissajjetabbo siyā, tathā tato eva dutiyatatiyapañhā “āmantā” icceva vissajjetabbā siyunti attho. Catuttho pana pañho evaṃ vibhajitvā puggalavaseneva vissajjetabboti dassento “**pacchimacittassa**”ti-ādim vatvā tathā avacane kāraṇaṃ dassento “**cittavasena puggalavavattānato**”ti-ādimāha. “Bhaṅgakkhaṇe citta

uppāḍakkhaṇaṃ vīṭikkantaṃ”ti iminā **vattamānassa cittaṃ vasena puggalo uppāḍakkhaṇātītacitto**, “atītaṃ cittaṃ uppāḍakkhaṇaṃ vīṭikkantaṃ bhaṅgakkhaṇaṃ vīṭikkantaṃ”ti iminā pana **atītaṃ cittaṃ vasena puggalo uppāḍakkhaṇātītacitto vutto**.

**Tatthā**ti tesu dvīsu puggalesu. **Purimassā**ti paṭhamam vuttassa sanniṭṭhānapadasaṅgahitassa cittaṃ na bhaṅgakkhaṇaṃ vīṭikkantaṃ. “No ca bhaṅgakkhaṇaṃ vīṭikkantaṃ”ti hi vuttaṃ. Pacchimassa vīṭikkantaṃ cittaṃ bhaṅgakkhaṇanti sambandho. “Bhaṅgakkhaṇaṃ vīṭikkantaṃ”ti hi vuttaṃ. **Evamā**diko **puggalavibhāgoti** dutiyapañhādīsu vuttaṃ sandhāyāha. **Tassa cittaṃ taṃtaṃkhaṇavīṭikkamāvīṭikkamadassanavasena**ti tassa tassa uppāḍakkhaṇassa bhaṅgakkhaṇassa ca yathārahaṃ vīṭikkamassa avīṭikkamassa ca dassanavasena dassito hoti puggalavibhāgoti yojanā. **Idhā**ti imasmim atikkantaḍālavāre. **Puggalavisiṭṭhaṃ cittaṃ pucchitaṃ** “yassa cittaṃ tassa cittaṃ”ti vuttatā. **Yadipi puggalappadhānā pucchā** puggalavārattā. **Athāpi cittappadhānā** puggalaṃ viṣesaṇabhāvena gahetvā cittaṃ viṣesitattā. **Ubhayathāpi dutiyapucchāya “āmantā”ti vattabbaṃ siyā** anavasesapuggalavisayattā. Tathā pana avatvā “atītaṃ cittaṃ”ti vuttaṃ, kasmā nirodhakkhaṇa -pa- dassanattanti daṭṭhabbanti yojanā. **esa nayo “na nirujjhamānaṃ”ti etthāpī**ti nirujjhamānaṃ khaṇaṃ nirodhakkhaṇaṃ khaṇaṃ vīṭikkantaḍālaṃ kim tassa cittaṃ na hotīti attho.

114-116. **Sarāgapacchimaḍḍassā**ti sarāgacittesu pacchimaḍḍassa cittaṃ, ekassa puggalassa rāgasampayuttacittesu haṃ sabbapacchimaṃ cittaṃ, tassa. So pana puggalo anāgāmī veditabbo. **Na nirujjhati** nirodhāsamaṅgiyāta. **Nirujjhissati** idāni nirodhaṃ pāpuṇissati. Appaṭṭisaṇḍhikattā pana tato aññaṃ **nuppajjissati**. **Itaresanti** yathāvuttasaraṅgapacchimaḍḍasamaṅgiṃ vītarāgacittasamaṅgiṃca ṭhapetvā avasesānaṃ itarasekkhānaṃceva puthujjanānaṃca.

Niddesavāraṇṇanā niṭṭhitā.

Cittayamaḍḍavāraṇṇanā niṭṭhitā.

## 9. Dhammayamaka

### 1. Paṇṇatti-uddesavāraṇṇanā

1-16. **Yathā Mūlayamake kusalādidhammā desitāti** kusalākusalābyākatā dhammā kusalakusalamūlādivibhāgato mūlayamake yamakavasena yathā desitā. **Aññathāti** kusalakusalamūlādivibhāgato aññathā, khandhādivasenāti attho.

Paṇṇatti-uddesavāraṇṇanā niṭṭhitā.

### 2. Pavattivāraṇṇanā

33-34. Taṃ pana kammamuṭṭhānādirūpaṃ<sup>1</sup> aggahetvā. **Kecīti** dhammasiriththeraṃ sandhāyāha. So hi “cittasamuṭṭhānarūpavasena vuttan”ti aṭṭhakathaṃ āharitvā “imasmim pañhe kammamuṭṭhānādirūpaṃca labbhatī”ti avoca. Tathā ca vatvā paṭilomapāḷim dassetvā “cittasamuṭṭhānarūpameva idhādhippetam. Kammamuṭṭhānādirūpe na vidhānam,<sup>2</sup> nāpi paṭisedho”ti āha. **Tathāti** yathā vuttappakāre pāṭhe cittasamuṭṭhānarūpameva adhippetam, tathā etthāpīti attho. Noti vuttanti vadantīti sambandho. **Tam panetanti** yathā uddhaṭassa pāṭhassa atthavacanam, evam na sakkā vattum. Kasmāti āha “**cittassa bhaṅgakkhaṇe -pa- paṭisedhasiddhito**”ti. Svāyam paṭisedho heṭṭhā dassitoyevāti adhippāyo.

**Ye ca vadantīti** ettha **ye cāti** vajirabuddhittheraṃ sandhāyāha. So hi “sotāpattimaggakkhaṇe”ti-ādinā paṭisambhidāmaggapāḷim āharitvā “yathā tattha satipi kammajādirūpe ṭhapetvā cittasamuṭṭhānarūpanti cittapaṭibaddhattā cittajarūpameva ṭhapetabbabhāvena uddhaṭam, evamidhāpi cittajarūpameva kathitan”ti vadati. **Tañca** nesam **vacanam tathā na hoti**, yathā tehi udāhaṭam, visamoyam upaññāsoti attho. Yathā ca tam tathā na hoti, tam dassetuṃ “**yesañhī**”ti-ādi vuttam. **Tesanti** kammajādīnam. **Tassāti** maggassa. **Teti** abyākatā, ye uppādanirodhavanto. **Avijjamānesu ca** uppādanirodhesu nibbānassa viya.

1. Kammamuṭṭhānarūpaṃ (Ka)

2. Adhīnavidhānam (Ka)

**Sanniṭṭhānena gahitesu** puggalesu. Tesu hi keci akusalābyākatacittānaṃ uppādakkhaṇasamaṅgino, keci abyākatacittassa, keci kusalābyākatacittassa, tesu purimā dve paṭhamakoṭṭhāsena saṅgahitā tassa kusaluppattiपाṭisedhaparattā, te pana bhavavasena vibhajitvā vattabbāti dassento “**pañcavokāre**”ti-ādimāha. **Evanti** yathāvuttanayena. **Sabbatthāti** sabbapañhesu.

79. **Tatoti** ekāvajjanavīthito. **Purimatarajavanavīthi** yāya vuṭṭhānagāminī saṅgahitā, tattha uppannassapi cittassa. **Kusalānāgatabhāvapariyosānenāti** kusalahammānaṃ anāgatabhāvassa pariyosānabhūtena aggamaggānantarapaccayattena **dīpitaṃ hoti samānalakkhaṇaṃ sabbam**. Kena? **Tāya eva samānalakkhaṇatāya**. **Esa nayoti** yathā kusalānuppādo kusalānāgatabhāvassa pariyosānabhūtato vuttaparicchedato orampi labbhatīti so yathāvuttaparicchedo lakkhaṇamattanti svāyaṃ nayo dassito. Esa nayo akusalātītabhāvassa ādimhi “dutiye akusale”ti vuttaṭṭhāne, abyākatātītabhāvassa ādimhi “dutiye citte”ti vuttaṭṭhānepīti yojanā. Idāni “Esa nayo”ti yathāvuttamatidesaṃ “**yathā hi**”ti-ādinā pākaṭataraṃ karoti. **Bhāvanāpahānāni dassitāni honti** “aggamaggasamaṅgī kusalañca dhammaṃ bhāveti, akusalañca pajahatī”ti. **Idhāti** imasmim pavattivāre. **Tam tanti** akusalātītabhādi kusalānāgatātādi ca. **Tena tenāti** “dutiye akusale aggamaggasamaṅgī”ti evamādinā antena ca.

100. **Paṭisandhicittatoti** idaṃ mariyādaggahaṇaṃ, na abhividhiggahaṇaṃ, yato “**soḷasaman**”ti āha. Abhividhiggahaṇameva vā soḷasacittakkhaṇāyukameva rūpanti imasmim pakkhe adhippete paṭikkhittovāyaṃ vādoti dassento “**tato parampi vā**”ti āha. Ayañca vicāro heṭṭhā dassito eva. **Na tato oranti viññāyati** tato oraṃ akusalanirodhasamakālaṃ abyākatanirodhassa asambhavato.

Pavattivāravaṇṇanā niṭṭhitā.

Dhammayamakavaṇṇanā niṭṭhitā.

## 10. Indriyayamaka

### Paṇṇatti-uddesavāraṇṇanā

1. **Indriyayamake vibhaṅge viyāti** yathā indriyavibhaṅge purisindriyānantaraṃ jīvitindriyaṃ uddiṭṭhaṃ, na manindriyānantaraṃ, evaṃ imasmim indriyayamake. Tañca suttadesanānurodhenāti dassento “**tīṇimāni -pa- sutte desitakkamenā**”ti āha. So yaṃ yadatthaṃ tassa sutte desitakkamena uddeso, taṃ dassetuṃ “**pavattivāre hī**”ti-ādi vuttaṃ. Tattha yathā “jīvitindriyaṃ”ti idaṃ rūpajīvitindriyassa arūpajīvitindriyassa ca sāmāññato gahaṇaṃ, evaṃ upādinnassa anupādinnassa cāti āha “**kammajānaṃ akammajānañca anupālakaṃ**”ti. Atha vā sahadhammānupālakampi jīvitindriyaṃ na kevalaṃ khaṇaṭṭhitiyā eva kāraṇaṃ, atha kho pabandhānupacchedassapi kāraṇameva. Aññathā āyukkhayamaṇaṇaṃ na sambhaveyya, tasmā “**kammajānañca anupālakaṃ**”ti avisesato vuttaṃ, cutipaṭisandhīsu ca pavattamānānaṃ kammajānaṃ anupālakaṃ. **Itī** tasmā. **Taṃmūlakāni**ti jīvitindriyamūlakāni. **Cutipāṭisandhipavattivaseṇāti** cutipaṭisandhivasena pavattivaseṇa ca. Tattha yaṃ upādinnaṃ, taṃ cutipaṭisandhivaseneva, itaraṃ itaravaseṇapi vattabbaṃ. Yasmā cakkhundriyādīsu purisindriyāvasānesu ekanta-upādīnesu atāmsabhāvattā yaṃ manindriyaṃ mūlameva na hoti, tasmā taṃ ṭhapetvā **avasesamūlakāni** cakkhundriyādīmūlakāni. **Āyatanayamake viyāti** yathā āyatanayamake paṭisandhivasenāyatanānaṃ uppādo, maraṇavasena ca nirodho vutto, evamidhāpi cuti-upapattivaseṇeva vattabbāni, tasmā atāmsabhāvattā jīvitindriyaṃ **tesaṃ** cakkhundriyādīnaṃ majjhe anuddisitvā **ante** purisindriyānantaraṃ uddiṭṭhaṃ. Yaṃ pana cakkhundriyādīmūlakesu manindriyaṃ sabbapacchā eva gahitaṃ, tattha kāraṇaṃ aṭṭhakathāyaṃ vuttameva.

Paṇṇatti-uddesavāraṇṇanā niṭṭhitā.

### Paṇṇattiniddesavāraṇṇanā

94. **Koci sabbhāvo natthī**ti koci sabbhāvadhammo natthi. Yadi evaṃ “natthī”ti paṭikkhepo eva yuttoti āha “**na ca rūpādī**”ti-ādi. “Sukhā

dukkhā adukkhamasukhā”ti-ādīsu sukhadukkhasaddānaṃ  
sāmaññavacanabhāvepi indriyadesanāyaṃ te visiṭṭhavisayā evāti dassento  
“sukhassa -pa- gahitoyevā”ti āha. **Dukkhassa ca** bhedaṃ katvā.

140. **Paññindriyāni hontīti āmantāti vuttanti** pajānanaṭṭhena  
adhipateyyaṭṭhena ca paññindriyāni honti, dassanaṭṭhena pana cakkhūni cāti  
cakkhu, indriyanti pucchāya “āmantā”ti vuttanti adhippāyo.  
“**Taṇhāsotamevāhā**”ti vuttaṃ, “yassa chattiṃsati sotā”ti-ādīsu<sup>1</sup> pana diṭṭhi-  
ādīnampi sotabhāvo āgato.

Paṇṇatinidde savāraṇṇanā niṭṭhitā.

### Pavattivāraṇṇanā

186. **Aññadhammanissayenāti** “yo tesaṃ rūpīnaṃ dhammānaṃ āyu  
ṭṭhiti”ti-ādīna<sup>2</sup> aññadhammanissayena gahetabbaṃ. **Pavattiṇca gahetvā**  
**gatesu** vissajjanesu, cutipaṭisandhiyo gahetvā gatesu yojanā na labbhatīti  
adhippāyo. Alabbhamānā ca sukhadukkhadomanassindriyeheva na labbhati.  
**Taṃmūlakā ca nayāti** sukhindriyādīmūlakā ca nayā. **Tehīti** sukhindriyādīhi.  
**Yojanāti** “pavatte sukhindriyavippayuttacittassa uppādakkaṇṇe”ti-ādīnā  
uppajjamānehi yojanā. **Taṃmūlakā ca** tathāyojanāmūlabhūtā ca nayā  
jīvitindriyādīmūlakā ca nayā. **Pakāṭāyevāti** pāḷigatiyā eva  
viññāyamānayojanattā suviññeyyā eva.

**Taṃ** vacanaṃ.

**Somanassavirahitasacakkhukapaṭisandhinidassanavasenāti**  
somanassavirahitasacakkhukapaṭisandhiyeva nidassananti yojetabbaṃ.  
Kathaṃ panetaṃ jānitabbaṃ “nidassanamattametaṃ, na pana  
gaṇanaparicchindanaṃ”ti āha “**na hi catunnamyevāti niyamo kato**”ti.  
**Taṃsamānalakkhaṇāti** tāya sacakkhukapaṭisandhitāya samānalakkhaṇāti  
parittavipākaggahaṇaṃ. Tattha sasomanassapaṭisandhiyo sandhāya  
upekkhāpaṭisandhiyo nidassanabhāvena vuttāti keci. Parittavipākapaṭisandhi  
ca kuslavipākāhetukapaṭisandhi veditabbā. Sāpi hi sacakkhukā siyā.  
**Taṃsamānalakkhaṇāti** vā

1. Khu 1. 62 piṭṭhe Dhammapade.

2. Abhi 1. 168 piṭṭhe.

tāya upekkhāsahagatāya samānalakkhaṇā yathāvutta-ahetukapaṭisandhi ca pañcamajjhānapaṭisandhi ca. Yadi evaṃ “catunna”ti kasmā gaṇanaparicchedoti āha “**kāmāvacare -pa- nidassanaṃ katan**”ti. **Tenāti** upekkhāsahagatamahāvīpākanidassanena, yehi samānatāya ime nidassanabhāvena vuttā, te ekaṃsena taṃsabhāvā evāti ayamettha adhippāyo. Tenāha “**yathā sasomanassa -pa- to hoti**”ti.

Nanu ca gabbhaseyyakesu ayamattho ekaṃsato na labbhatīti āsaṅkaṃ sandhāyāha “**gabbhaseyyakānañca -pa- dassitā hoti**”ti. Tenāha “**sacakkhukānaṃ**”ti-ādi. Tattha yadi sahetukapaṭisandhikānaṃ kāmāvacarānaṃ niyamato sacakkhukādibhāvadassanaṃ gabbhaseyyakavasena labbheyya, yuttametam siyāti codanaṃ sandhāyāha “**gabbhaseyyakepi hī**”ti-ādi. **Tathā āyatanayamake dassitanti** idam āyatanayamakavaṇṇanāyaṃ attanā vuttam “evañca katvā indriyayamake”ti-ādi vacanaṃ sandhāya vuttam. Tattha hi somanassindriyuppādakakamassa ekantena cakkhundriyuppādanato gabbhepi yāva cakkhundriyuppatti, tāva uppajjamānatāya “abhinanditabbattā”ti vuttam. **Sanniṭṭhānena saṅgahitānanti** “yassa vā pana somanassindriyaṃ uppajjati”ti etena sanniṭṭhānena saṅgahitānaṃ. **Itthīnaṃ aghānakānaṃ upapajjantīnanti ādisūti ādi-saddena** “itthīnaṃ acakkhukānaṃ upapajjantīnaṃ”ti-ādim saṅgaṇhāti. **Te evāti** gabbhaseyyakā eva.

**Tamsamānalakkhaṇanti** sopekkha-acakkhukapaṭisandhibhāvena samānalakkhaṇaṃ. **Tatthāti** ahētukapaṭisandhicitte. **Samādhi**leso dubbalaśamādhi yo cittaṭṭhitimatto. **Tasmāti** yasmā cittaṭṭhiti viya dubbalaṃ vīriyaṃ natthi, yo “vīriyaleso”ti vattabbo, tasmā, lesamattassapi vīriyassa abhāvāti attho. **Aññesūti** ahētukapaṭisandhicittato aññesu. **Kesucīti** ekaccesu. Ubhayenapi manodvārāvajjanahasituppādacittaṃ vadati. **Idhāti** ahētukapaṭisandhicitte. **Samādhivīriyāni indriyappattāni ca na hontīti** samādhikiccaṃ paṭikkhipati, na samādhimattaṃ, na vīriyalesassa sabbhāvatoti yojetabbaṃ. Tenevāha “**vissasañhi visesitabbe pavattati**”ti. Yasmim vīriye sati indriyuppatti siyā, tadeva tattha natthīti attho.

**Apāye opapātikavasenā**ti idaṃ sugatyaṃ opapātika vikalindriyo na hotīti katvā vuttaṃ, “labbhanteva nāṇavippayuttānaṃ”ti pana vuttatā “duhetukapaṭisandhikānaṃ vasenā”ti aṭṭhakathāyaṃ vuttaṃ. **Tesanti** itthipurisindriyasantānānaṃ. Itthipurisindriyānaṃ pana uppādanirodhā abhiṅhasova hontīti. **Paṭhamakappikādīnanti** ettha **ādi**-saddena gahitānaṃ parivattamānalingānaṃ vasena uppādanirodhaggahaṇaṃ veditabbaṃ. Paṭhamakappikānaṃ pana vasena uppādo eva labbhati. **“Cutī-upapattivaseneva dutiyapucchāsūpi sanniṭṭhānehi gahaṇaṃ veditabbaṃ”**ti idaṃ uppādinna-indriyehi niyamitattā vuttaṃ.

190. **Santānuppattinirodhadassanatoti** santānavasena uppādanirodhānaṃ dissamānattā. Etena rūpajīvitindriyassa cakkhundriyādisamānagatikataṃ yuttito sādheti. Āgamato pana “vinā somanassenā”ti-ādīnā parato sādhesati. **Chedoti nāmaṃ daṭṭhabbaṃ** sarūpadassaneneva saṃsayachedanato.

**Tassāti** rūpajīvitindriyassa. **Te ca** asaṅṅasattā. Nanu ca uppādova jīvitindriyassa cutī-upapattivasena vattabbo, na anuppādoti āha **“anuppādo-pa- na pavatte”**ti. Ayaṅca nayo na kevalaṃ purimakoṭṭhāse eva, atha kho itarakoṭṭhāsepi gahito evāti dassento **“pacchimakoṭṭhāsepi”**ti-ādīmāha.

“Upapatticittassa uppādakkhaṇe”ti kasmā vuttanti yenādhippāyena codanā katā, tamadhippāyaṃ vivarituṃ **“nanu suddhāvāsan”**ti-ādi vuttaṃ. **Na vattabbanti** “upapajjantānaṃ”ti na vattabbam, “upapatticittassa uppādakkhaṇe” icceva vattabbanti attho. Idāni yathā “upapajjantānaṃ”ti na vattabbam, taṃ dassetuṃ **“yathā hī”**ti-ādi vuttaṃ.

**Somanassamanindriyānanti** somanassindriyamanindriyānaṃ, ayameva vā pāṭho. **Tadāti** paṭhamassa rūpajīvitindriyassa dharamānakāle. **Tasmāti** yasmā rūpārūpajīvitindriyānaṃ attheva kālabhedo, ubhayañcettha jīvitindriyabhāvasāmaññena ekajjhaṃ katvā gayhati, tasmā. **Ubhayanti** somanassindriyajīvitindriyanti idaṃ ubhayaṃ. **Uppādakkhaṇena nidassitanti** etena “upapatticittassa uppādakkhaṇe”ti idaṃ nidassanamattanti dasseti. Idāni tamevatthaṃ udāharaṇena pākaṭataraṃ kātuṃ **“yathā hī”**ti-ādi vuttaṃ.



Tattha yathā tādisānaṃ anekesaṃ cittānaṃ bhaṅgakkhaṇe labbhamānaṃ tadekadesena sabbapaṭhamassa upapatticittassa bhaṅgakkhaṇena nidassitaṃ, evamidhāpi khaṇadvaye labbhamānaṃ tadekadesena uppādakkaṇena nidassitanti evaṃ nidassanatto veditaḃbo.

**Tesanti** jīvitindriyādīnaṃ. **Aññatthā**ti pavatte. **Idhā**ti anāgatakālabhede. **Na na sambhavati** upapattikkhaṇassa viya tato paraṃ pavattikkhaṇassapi anāgatakālabhāvato. **Tasmā**ti upapattito aññatthāpi yathādhippeta-  
uppādasambhavato. Ayañca attho vārantarepi dissatīti dassento āha “**evañca katvā**”ti-ādi. **Na hī**ti-ādinā tamevattham samattheti. **Tattha api pacchima -pa- sandhikassā**ti api-saddena “ko pana vādo apacchimabhavikassa somanassasahagatapaṭisandhikassā”ti dasseti. Apacchimabhavikassa cutito pacchā “somanassindriyaṃ nirujjhissatī”ti vattabbameva natthīti āha “**cutito pubbevā**”ti. **Ettha hi paṭhamapucchāsu sanniṭṭhānatthoti**-ādīsu ayaṃ saṅkhepattho—ettha “yassa cakkhundriyaṃ uppajjissatī”ti evamādīsu yamakesu yā paṭhamapucchā, tāsu sanniṭṭhānapadasaṅgahito attho. **Pucchitabbatthanissayoti** “tassa somanassindriyaṃ uppajjissatī”ti-ādikassa pucchitabbassa atthassa nissayabhūto **mādisova** mayā sadiso eva attho **upapatti-uppādindriyavā** upapattikkhaṇe uppādāvatta-indriyasahito, **ubhayuppādindriyavā** paṭisandhipavattīsu uppādāvatta-indriyasahito vā. **Paṭinivattitvāpi pucchitabbatthassa nissayoti** “yassa vā panā”ti-ādinā paṭinivattitvā pucchitabbassapi saṃsayatthassa nissayoti **evaṃ** iminā viya ajjhāsayena “yassa vā pana somanassindriyaṃ uppajjissatī”ti-ādīsu **dutiyapucchāsu sanniṭṭhānatthameva** sanniṭṭhānapadasaṅgahitameva attham niyameṭi. **Tattheva** tāsu eva pubbe vuttapaṭhamapucchāsu eva. **Pucchitabbaṃ** “tassa somanassindriyaṃ uppajjissatī”ti-ādīsu **anāgatabhāvamattena sarūpato gahitaṃ uppādaṃ** uppādasāṅkhātāṃ, “tassa somanassindriyaṃ nirujjhissatī”ti-ādīsu **anāgatabhāvamattena sarūpato gahitaṃ nirodhaṃ vā** nirodhasāṅkhātāṃ vā saṃsayattham na niyameṭīti. **Evanti** vuttapakārena sanniṭṭhānatthassa niyamo hoti, na saṃsayatthassa, tasmā “yassa vā pana -pa- āmantā”ti vuttaṃ. **Esa nayoti** yvāyaṃ uppādavāre vicāro vutto, nirodhavārepi eseva nayo. Tathā hi

“yassa vā pana somanassindriyaṃ nirujjhissati, tassa cakkhundriyaṃ nirujjhissatīti? Āmantā”ti vuttaṃ.

**Evaṃ avuttattāti** uppādanirodhānaṃ anāgatānaṃ sarūpena avuttattā. Na hi tattha te sarūpena vuttā, atha kho “nuppajjissatī”ti paṭikkhepamukhena vuttā. **Tatthāti** anulome. **Na evaṃ yojetabbā** paṭilome. tameva ayojetabbataṃ “**yathā hī**”ti-ādinā vivarati. Uppādanirodhe atikkamitvā uppādanirodhā sambhavanti yojetuṃ, tathā uppādanirodhe appatvā uppādanirodhā sambhavanti yojetunti yojanā. Idañca dvayaṃ yathānulome sambhavati, na evaṃ paṭilome. Tenāha “**na evaṃ -pa- sambhavanti**”ti. Tattha kāraṇamāha “**abhūtābhāvassa -pa- sambhavā-upapattito**”ti. **Abhūtābhāvassāti** abhūtassa abhāvassa, abhūtassa uppādassa nirodhassa ca abhāvassāti adhippāyo. Tenāha “**abhūtuppādanirodhābhāvo ca paṭilome pucchito**”ti, tasmā “āmantā”ti ca vuttaṃ, na vuttaṃ vissajjananti sambandho. **Assa visesarahitassa abhūtābhāvassāti** imassa yathāvuttassa yathā rūpābhāvo vedanābhāvoti koci abhāvopi visesasahito, na evamayanti visesarahitassa abhūtābhāvassa.

**Kālarayogābhāvato**ti kālavisesayogābhāvato. **Yādisānanti** yāni bhūtāni na vattamānāni satī paccaye uppajjanārahāni, tesaṃ anāgatānanti attho. **Uppādanirodhābhāvena pucchitabbassāti** “nuppajjissati na nirujjhissatī”ti evaṃ uppādassa nirodhassa ca abhāvena pucchi tabbassa atthassa. **Sannissayo**<sup>1</sup> nissayabhūto **sanniṭṭhānena sannicchito** sanniṭṭhānapadasaṅghahito. So yathāvutto attho nissayo etesanti **tannissayā**. **Tādisānaṃyeva** anāgatānaṃyeva **upapatticuti-uppādanirodhānaṃ** upapatticutisaṅkhāta-uppādanirodhānaṃ anuppādānīrodhānaṃ paṭikkhepavasena. **Jīvitādīnampi** jīvitamanindriyādīnampi. **Anuppādānīrodhā smāsayapadena pucchitā hontī** “yassa somanassindriyaṃ nuppajjissati, tassa somanassindriyaṃ na nirujjhissatī”ti. “**Āmantā**”ti vuttaṃ vibhajitvā vattabbassa abhāvato. Tenāha “**na vuttaṃ -pa- vissajjanan**”ti.

---

1. Nissayo (Mūlaṭikāyaṃ)

Ye sopekkhapaṭisandhikā bhavissanti rūpaloke, te saṅgahitāti yojanā.  
**Tamsamānalakkhaṇatāyā**ti tena sopekkhapaṭisandhikabhāvena  
 samānalakkhaṇatāya. **Tam pamādalikhitam** dhammayamake tādisasseva  
 vacanassa abhāvato. Tatthapi yaṃ vattabbaṃ, taṃ cittayamake vuttaṃ “na  
 hi khaṇapaccuppanne uppajjitthāti atītavohāro atthī”ti-ādinā.

Pavattivāraṇṇanā niṭṭhitā.

### Pariññāvāraṇṇanā

435-482. **Lokiya-abyākatehī**ti phaladhammanibbānavinimuttehi  
 abyākatehi. **Tāni upādāyā**ti tāni lokiya-abyākatāni upādāya.  
 Tamsamānagatikānaṃ manindriyādīnaṃ “so vedanākkhandhaṃ parijānātīti?  
 Āmantā”ti-ādinā<sup>1</sup> vedanākkhandhādīnaṃ viya pariññeyyatā vuttā. Yaṃ hi  
 parijānitabbaṃ, tadeva parijānātīti-ādinā vuttaṃ. Evamaviparīte atthe  
 siddhepi codako “missakattā”ti ettha labbhamānaṃ lesaṃ gahetvā codeti  
 “**yadi pariññeyyamissakattā**”ti-ādinā. Tassattho—yathā idha  
 pariññeyyamissakānaṃ pariññeyyatā vuttā, evamaññatthāpi sā tesāṃ  
 vattabbā, tathā bhāvetabbamissakānaṃ bhāvetabbatāti. Tenāha “**kasmā  
 dhammayamake**”ti-ādi. **Kusalākusalesu bhāvanāpahānābhiniveso hoti**, yena  
 vuttaṃ “so taṃ akusalaṃ pajahati, kusalaṃ bhāveti”ti-ādi. **Na  
 abyākatabhāvanti** etena yathā phassadvārato viya viññāṇadvārato  
 kusalādīnaṃ uppattipariyāyo, evaṃ vedanākkhandhādīnaṃ viya na  
 abyākatādīnaṃ pariññeyyatāpariyāyoti dasseti.

**Kusalākusalabhāvena aggahitāti** samudayasabhāvena aggahitāti attho.  
**Kusalākusalāpīti** kusalākusalabhāvāpi samānā.

1. Abhi 5. 68 piṭṭhe.

**Bhāvetabbapahātabbabhāvehi vināpi hoti, yo na** maggasamudayasaccapakkhiyo. Yathā “aniccaṃ rūpaṃ”ti ettha “aniccameva rūpaṃ, na niccaṃ”ti paṭiyogivinivattanameva eva-kārena karīyati, na tassa dukkhānattatādayo nivāritā honti, evaṃ “pahātabbamevā”ti ettha eva-saddena paṭiyogibhūtaṃ appahātabbameva nivattīyati, na tato aññavisesāti dassento āha “**etena pahātabbamevā**”ti-ādi. **Bhāvetabbabhāvo eva tassa** aññindriyassa **gahito** ukkaṃsagativijānanato. “**Parato likhitabbaṃ uppaṭipāṭiyā likhitaṃ**”ti kasmā vuttaṃ. **Dve puggalāti** hi ādi anulome āgataṃ uddhaṭaṃ, **cakkhundriyaṃ na pari jānātīti**-ādi pana paṭilome.

**Domanassindriyaṃ na pajahanti nāmāti** idaṃ “no ca domanassindriyaṃ pajahantī”ti pālīpadassa atthavacanāṃ. Yaṃ pana “cakkhundriyamūlakāṃ atikkamitvā domanassindriyamūlake idaṃ vuttaṃ”ti vuttaṃ, paṭilome āgataṃ sandhāya vuttattā taṃ na yuttaṃ, na taṃ aṭṭhakathācariyā paṭhamāṃ āgataṃ padaṃ laṅghitvā tādisasseva pacchā āgatapadassa atthavaṇṇanā karonti. Padānukkamato eva hi aṭṭhakathāyaṃ atthavaṇṇanā āradhā, pariyoṣāpitā ca, tasmā anupaṭipāṭiyāva likhitaṃ, na uppaṭipāṭiyāti daṭṭhabbaṃ “dve puggalā”ti-ādikassa anulome āgatassa uddhaṭattā.

**Etthāti** etasmim pariññāvāre. **Cha puggalāti** puthujjanena saddhim yāva anāgāmimaggaṭṭhā cha puggalā. **Abhinditvā gahito** tattha bhābbābhābbānaṃ kiccavisesassa aggahitattā. Yattha pana satī puthujjanaggahaṇasāmaññe bhābbānaṃ kiccaṃ gahitaṃ, yattha ca abhābbānaṃ, tattha te eva bhinditvā vuttā hontīti dassento “**ye ca puthujjanā maggaṃ paṭilabhissanti, ye ca puthujjanā maggaṃ na paṭilabhissanti**”ti ca ādimāha. **Arahāti** ariyo, ayameva vā pāṭho. **Arahāti** ariyo, ayameva vā pāṭho.

**Paṭhamamaggaphalasamaṅgīti** purimamaggaphalasamaṅgī. **Itaroti** arahā. **Evaṃ puggalabhedam ña tvāti** idha puthujjano so ca abhābboti gahito, idha bhābbo idha ariyā, ye ca paṭhamamaggaphalasamaṅgino yāva aggamaggaphalasamaṅginoti evaṃ yathāvuttaṃ puggalavibhāgaṃ ña tvā. **Tattha tatthāti** tesam dve puthujjanā aṭṭha ariyāti imesaṃ yathāvuttapuggalānaṃ bhedato abhedato ca gahaṇavasena āgate tasmim tasmim āṭhapadese. **Sanniṭṭhānenāti** sanniṭṭhānapadavasena, nicchayavaseneva vā.

**Niddhāretvā**ti nīharitvā. **Vissajjanam̐ yojetabbanti** vissajjanavasena pavattapāḷiyā yathāvutta-atthadassanena sambandhato vibhāvetabboti.

Pariññāvāraṇṇanā niṭṭhitā.

Indriyayamakavaṇṇanā niṭṭhitā.

**Yamakapakaṛaṇa-anuṭṭikā samattā.**

# Paṭṭhānapakaraṇa-anuṭṭikā

Namo tassa Bhagavato Arahato Sammāsambuddhassa.

## Ganthārambhavaṇṇanā

**Kāmaguṇādīhī**ti kāmaguṇajhānābhiññācittissariyādīhi. **Laḷantī**ti laḷitānubhavanavasena ramanti. **Tesū**ti kāmaguṇādīsu. **Viharantī**ti iriyāpathaparivattanādinā vattanti. **Paccatthiketi** bāhirabbhantarabhede amitte. **Issariyam** tattha tattha ādhipateyyam. **Ṭhānam** seṭṭhisenāpatiyuvarājādīṭṭhānantaram. **Ādi**-saddena parivāraparicchedādi saṅgayhati. **Puññayogānubhāvappattāyāti** dānamayādipuññānubhāvādhigatāya samathavipassanā bhāvanāsāṅkhātayogānubhāvādhigatāya ca. **Jutiyāti** sarīrappabhāya ceva nānappabhāya ca. Ettha ca deva-saddo yathā kīḷāvijigisāvohārajutigati-attho, evam satti abhitthavakamanatthopi hoti dhātusaddānam anekatthabhāvatoti “**yadicchitanipphādane sakkontīti vā**”ti-ādi vuttam.

Iddhividhādītāmattena bhagavato abhiññādīnam sāvakehi sādharmaṇatāvacaṇam, sabhāvato pana sabbepi buddhaguṇā anaññasādhāraṇāyevāti dassento “**niratisayāya abhiññākīḷāya, uttamehi dibbabrahma-ariyavihārehi**”ti āha. Cittissariyasattadhanādīnam dānasāṅkhātena sammāpaṭipatti-aveccappasādasakkārānam gahaṇasāṅkhātenāti yojanā. Gahaṇācettha tesu upalabbhamānasammāpaṭipatti-aveccappasādānam tehi upanīyamānasakkārassa ca abhinandanam anumodanam sampañcchanaṇca veditabbarā. Dhammasabhāvānurūpānusāsānīvacaneneva ca pana sikkhāpadapaññattipi saṅgahitāti daṭṭhabbā vītikkamadhammānurūpā anusāsānīti katvā. **Ñāṇagati** nāṇena gantabbassa ñeyyassa avabodho. **Samannāgatattāti** idaṃ “abhiññākīḷāyā”ti-ādīsu paccekam yojetabbarā, tathā **sadevakena lokenāti** idaṃ “gamanīyato”ti-ādīsu. **Te deveti** sammutidevādike deve. **Tehi guṇehīti** abhiññādiguṇehi. **Pūjanīyataro**

**devoti** idaṃ pūjanīyapariyāyo ayaṃ ati-saddoti katvā vuttaṃ. **Atirekataroti** adhikataro. **Upapattidevānanti** idaṃ tabbahulatāya vuttaṃ. Visuddhidevāpi hi tattha vijjanteva, tesupi vā labbhamānaṃ upapattidevabhāvamattameva gahetvā tathā vuttaṃ. **Paṭipakkhānaṃ** dussīlyamuṭṭhassaccavikkhepanāṃ, sīlavipatti-abhihjhādomanassa-avasiṭṭhanīvaraṇānaṃ vā.

Isīnaṃ sattamo, isīsu sattamoti duvidhampi atthaṃ yojetvā dassento “**catusaccāvabodhagatiyā -pa- vutto**”ti āha. Sapparasantānesu sīlādiguṇānaṃ esanaṭṭhena vā isayo, buddhādayo ariyā. Isi ca so sattamo cāti **isīsattamoti** evamettha attho daṭṭhabbo. “Nāmarūpanirodhan”ti ettha yaṃ nāmarūpaṃ nirodhetabbaṃ, taṃ dassento “**yato viññānaṃ paccudāvattati**”ti āha. Vaṭṭapariyāpannañhi nāmarūpaṃ nirodhetabbaṃ. Tasmim̐ hi nirodhite sabbaso nāmarūpaṃ nirodhitameva hoti. Yathāha “sotāpattimaggañāṇena-abhisāṅkhāraviññāṇassa nirodhena satta bhava ṭhapetvā anamatagge saṃsāre ye uppajjeyyūṃ nāmañca rūpañca, etthete nirujjhanti -pa- arahato anupādisesāya nibbānadhātuyā parinibbāyantassa carimaviññāṇassa nirodhena paññā ca sati ca nāmañca rūpañca, etthete nirujjhanti vūpasamanti atthaṃ gacchanti paṭippassambhantī”ti<sup>1</sup>. **Atigambhīranayamaṇḍitadesanaṃ** sātisayaṃ paccayākārassa vibhāvanato. Sabhāvato ca paccayākāro gambhīro. Yathāha “adhigato kho myāyaṃ dhammo gambhīro”ti-ādi<sup>2</sup>, “gambhīro cāyaṃ ānanda paṭicasamuppādo gambhīrāvabhāso”ti<sup>3</sup> ca ādi. Tassa cāyaṃ anantanayapaṭṭhānadesanā atigambhīrāva.

Ganthārambhavaṇṇanā niṭṭhitā.

### Paccayuddesavaṇṇanā

**Samānaneti** samānanayane, samāharaṇe, samānakaṛaṇe vā aṭṭhakathādhippāyaṃ. Tattha “dve anulomāni dhammānulomañca paccayānulomañcā”ti-ādinā parato vaṇṇayissanti.

1. Khu 8. 31 piṭṭhe Cūḷaniddese.

2. Dī 2. 32; Ma 1. 224; Ma 2. 291; Saṃ 1. 138; Vi 3. 5, 7, 8 piṭṭhesu.

3. Dī 2. 47; Saṃ 1. 318 piṭṭhesu.

**Paṭṭhānanāmatthoti** “paṭṭhānan”ti imassa nāmassa attho, taṃ pana yasmā avayavadvārena samudāye niruḷhaṃ, tasmā yathā avayavesu paṭiṭṭhitam, tameva tāva dassetum **“tikapaṭṭhānādīnam tikapaṭṭhānādīnāmattho”**ti vuttam. Atha vā avayavānameva paṭṭhānanāmattho niddhāretabbo taṃsamudāyamattattā pakaraṇassa. Na hi samudāyo nāma koci attho atthīti dassetum **“paṭṭhānam -pa- nāmattho”**ti vuttam. Tenevāha **“imassa pakaraṇassa -pa- samodhānatā cettha vattabbā”**ti. Vacanasamudāyatthavijānaneva viditapaṭṭhānasāmaññatthassa vitthārato paṭṭhānakathā vuccamānā sukhaggahaṇā hotīti dassento āha **“evañhi -pa- hoti”**ti. **Tatthāti** tāsū nāmatthayathāvuttasamodhānatāsū. **Sabbesādhāraṇassāti** sabbesaṃ avayavabhūtānaṃ tikapaṭṭhānādīnaṃ samudāyassa ca sādharmaṇassa. **Atthato āpannam nānāvidhabhāvanti** pakāraggahaṇeneva pakārānaṃ anekavidhatā ca gahitāva hotīti vuttam. Pakārehi ṭhānanti hi paṭṭhānaṃ, nānāvidho paccayo, taṃ ettha vibhajanavasena atthīti paṭṭhānaṃ, pakaraṇaṃ, tadavayavo ca. Etasmiṃca atthanaye saddatopi nānāvidhabhāvasiddhi dassitāti veditabbā. Tattha nānappakārā paccayatā, nānappakārānaṃ paccayatā ca nānappakārapaccayatāti ubhayampi sāmāññaniddesena ekasesanayena vā ekajjhaṃ gahitanti dassento **“ekassapi -pa- veditabbā”**ti āha. **Anekadhamabhāvatoti** aneke dhammā etassāti anekadhammo, tabbhāvatoti yojetabbam. **Nānappakārapaccayatāti** nānappakārapaccayabhāvo, yo aṭṭhakathāyaṃ **“nānappakārapaccayaṭṭho”**ti vutto.

Kāmaṃ dhammasaṅgahādīsipi attheva paccayadhammavibhāgo, so pana tattha paccayabhāvo na tathā tapparabhāvena vibhatto yathā paṭṭhāneti dassento **“etena -pa- dasseti”**ti āha. **Sāṭisayavibhāgataṃ** imassa pakaraṇassa tathā tadavayavānaṃ.

Sabbaññutaññāṇassa yathāvuttagamanaṃ yadadhikaraṇaṃ, taṃ dassetum **“etthāti vacanaseso”**ti. **Gamanadesabhāvatoti** pavattiṭṭhānabhāvato. **Aññehi gatimantehīti** tīsū kālesu appaṭihataññāṇādīhi. **Tassa** sabbaññutaññāṇassa.



Tividhena paricchena desitesu dhammesu tikavohāroti āha “**tikānanti tikavasena vuttadhammānan**”ti. Tīṇi parimāṇāni etesanti hi tikā. Samantāti samantato sabbabhāgatoti vuttaṃ hotīti āha “**anulomādīhi sabbappakārehi**”ti. Tatānīti pavattāni. **Samantacatuṅṅsatipaṭṭhānānīti** samantato anulomādisabbabhāgato samodhānavasena catuṅṅsatipaṭṭhānāni. **Anulomādisabbakoṭṭhāsato**ti anulomādicatukoṭṭhāsato. **Tikādicachabhāvanti** tikādidukadukapariyosānehi chachabhāvāni. **Tenāti** yathāvuttadassanena. **Dhammānulomādisabbakoṭṭhāsato**<sup>1</sup> paccanīkādidukādisahajātavārādipaccayapaccanīyādi-ārammaṇamūlādīnaṃ gahaṇaṃ daṭṭhabbāni. Yathāvuttato aññassa pakārasa asambhavato “**anunehi nayehi pavattānīti vuttaṃ hotī**”ti āha. **Tāni pana** yathāvuttāni samantapaṭṭhānāni. Ayañca atthavaṇṇanā aṭṭhakathāvacaṇena aññadatthu saṃsandatīti dassento āha “**tenevāha -pa- vasenā**”ti.

**Hetunoti** hetusabhāvassa dhammassa. Satipi hetusabhāvassa ārammaṇapaccayādībhāve savisesse tāva paccaye dassentena “**adhipatipaccayādībhūtaṃ cā**”ti vuttaṃ. “Hetu hutvā paccayo”ti vutte dhammassa hetusabhāvātā niddhāritā, na paccayavisesoti tassa adhipatipaccayādībhāvo na nivāritoti āha “**etenapi so eva doso āpajjati**”ti. **Tenāti** hetubhāvaggahaṇena. **Idhāti** “hetupaccayo”ti ettha. **Dhammaggaṇanti** alobhādīdhammaggaṇaṃ. **Sattiviseso** attano balaṃ sattikāraṇabhāvo<sup>2</sup>, yo rasotipi vuccati, svāyaṃ anaññasādhāraṇatāya dhammato anaññopi paccayantarasaṃvāyeyeva labbhamānattā añño viya katvā vutto. **Tassāti** hetubhāvasaṅkhātassa sāmattiyassa. **Hetu hutvāti** etthāpi hetubhāvavācako hetusaddo, na hetusabhāvadhammavācako āha “**hetu hutvā paccayoti ca vuttan**”ti.

**Evañca katvāti**-ādinā yathāvuttamatthaṃ pāḷiyā samattheti. Yadi evaṃ aṭṭhakathāyaṃ dhammasseva paccayatāvacaṇaṃ kathanti āha “**aṭṭhakathāyaṃ**

1. Dhammānulomādīti ādi-saddena (Ka)

2. Attano phalaṃ titikāraṇabhāvo (Ka)

**panā**”ti-ādi. Teneva cettha amhehipi “dhammato anaññopi añño viya katvā”ti ca vuttaṃ. Yadi aṭṭhakathāyaṃ “yo hi dhammo, mūlaṭṭhena upakārako dhammo”ti ca ādisu dhammena dhammasattivibhāvanāṃ kataṃ, atha kasmā idha hetubhāvena paccayoti dhammasattiyeva vibhavitāti codanāṃ manasi katvā vuttaṃ **“idhāpi vā -pa- dasseti”**ti.

Dhammasattivibhāvanāṃ panettha na sakkā paṭikkhipitunti dassento **“na hī”**ti-ādimāha. Attho etassa atthīti attho, atthābhidhāyivacananti vuttaṃ **“etīti etassa attho vattati”**ti, tasmā atthoti atthavacananti vuttaṃ hoti.

Tenāha **“tañca uppattiṭṭhi tīnaṃ sādharmaṇavacanānaṃ”**ti. **Tañcāti** hi “vattati”ti vacanāṃ paccāmaṭṭham. Atha vā **etīti etassa atthoti** “etī”ti etassa padassa attho “vattati”ti ettha vattanakiriyā. **Tañcāti** tañca vattanāṃ. Etasmim panatthe **sādharmaṇavacananti** ettha **vacana**-saddo atthapariyāyo veditabbo “vuccati”ti katvā. Yadaggena uppattiyā paccayo, tadaggena ṭhitiyāpi paccayoti koci āsaṅkeyyāti tadāsaṅkānivattanattham vuttaṃ **“koci hi -pa-hetu-ādayo”**ti. Ettha ca yathā uppajjanārahānaṃ uppattiyā paccaye satiyeva uppādo, nāsati, evaṃ tiṭṭhantānampi ṭhitiyāpaccayaseneva ṭhānaṃ yathā jīvitindriyavasena sahaṅgādhamaṇanti daṭṭhabbāṃ. Ye pana arūpadhamānaṃ ṭhitiṃ paṭikkhipanti, yaṃ vattabbāṃ, taṃ heṭṭhā vuttameva.

Yathā adhikaraṇasādhano patiṭṭhattho hetu-saddo, evaṃ karaṇasāadhanopavatti-atthopi yujjatiṭṭhi dassento **“hinoti”**ti-ādimāha. “Lobho nidānaṃ kammaṇaṃ samudayāyā”ti-ādivacanato hetūnaṃ **kammanidānabhāvo** veditabbo.

**Etenāti** hetupaccayato aññeneva kusalabhāvasiddhivacanena. **Eke** ācariyā. **Sabhāvatovāti** etena yathā aññesaṃ rūpagataṃ obhāsentaṃ padīpassa rūpagatobhāsakena aññena payojanaṃ natthi sayāṃ obhāsanasabhāvattā, evaṃ aññesaṃ kusalādibhāvasādhakānaṃ hetūnaṃ aññena kusalādibhāvasādhakena payojanaṃ natthi sayameva kusalādisabhāvattāti dasseti. Na sabhāvasiddho alobhādīnaṃ kusalādibhāvo ubhayasabhāvattā taṃsampayuttaphassādīnaṃ

vibhāti imamattam dasseti “**yasmā panā**”ti-ādinā. **Sā pana** aññaṭṭibaddhā kusalādītā.

**Na koci dhammo na hotīti** rūpādibhedena chabbidhesu saṅkhatāsaṅkhatapaññattidhammesu kocipi dhammo ārammaṇapaccayo na na hoti, svāyaṃ ārammaṇapaccayabhāvo heṭṭhā dhātuvihaṅgavaṇṇanāyaṃ vuttoyeva.

**Purimābhisankhārūpanissayanti** “chandavato”ti-ādinā vuttākārena purimasiddham cittābhisankhārasaṅkhātāṃ upanissayaṃ. **Citteti** cittaśisenāyaṃ niddeso daṭṭhabbo. Na hi cittameva tathābhisankharīyati, atha kho taṃsāmpayuttadhammāpi. **Sādhayamānāti** vase vattayamānā. Vasavattanañcetha tadākārānuvidhānaṃ. Chandādīsu hi hīnesu majjhimesu paṇītesu taṃsāmpayuttāpi tathā tathā pavattanti. tenāha “**hīnādibhāvena tadanuvattanato**”ti. **Tenāti** attano vase vattāpanena, tesam vā vase vattanena. **Tehi** chandādayo. **Adhipatipaccayā honti** attādhīnānaṃ patibhāvena pavattanato. **Garukātabbarā ārammaṇaṃ** mahaggatadhammalobhaniyadhammādi.

**Tadanantaruppādaniyamoti** tassa tasveva cittassa anantaram uppajjamānataṃ<sup>1</sup>. **Taṃtaṃsahakārīpaccayavisiṭṭhassāti** tena tena ārammaṇādinā sahakārīkāraṇena taduppādanasamatthatāsaṅkhātāṃ viśesaṃ pattassa. **Tāyayevāti** yā vekhādāne pupphanasamatthatā vekhāpagame laddhokāsā, tāyameva.

Upasaggavasēnapi atthaviseso hotīti vuttam “**saddatthamattato nānākaraṇaṃ**”ti. **Vacanīyatthatoti** bhāvatthato. Bhāvatthopi hi vacanaggahaṇānusārena viññeyyattā “vacanīyo”ti vuccati. **Nirodhuppādantarābhāvatoti** purimanirodhassa pacchimuppādassa ca byavadhāyakābhāvato. **Nirantaruppādanasamatthatāti** etena nirodhānaṃ nirodhasamakāluppādavādaṃ nivāreti. Sati hi samakālatte byavadhānāsaṅkā eva na siyā saṅṭhānābhāvato. Idamito heṭṭhā uddham tiriyaṃti vibhāgābhāvā attanā ekattamiva upanetvāti yojanā. Saṅṭhānābhāvena hi appaṭiḅhabhāvūpalakhaṇena vibhāgābhāvaṃ, tena ekattamivūpanayaṇaṃ suṭṭhu anantarabhāvaṃ sādheti, sahāvaṭṭhānābhāvena pana anantareva uppādanaṃ.

---

1. Uppajjanaṃ (Ka)

Vibhāgato nāṇena ākarīyatīti **ākāro**, dhammānaṃ pavattibhedo. Nevasaññānāsaññāyatanaaphalasaṃpattīnaṃ nirodhuppādānantaratāyāti yojanā. **Purimacutīti** asaññasattuppattito purimacuti. Yadi kālantaratā natthi, kathamidam “sattāham nirodham samāpajjitvā pañca kappasatāni atikkamitvā”ti vacananti āha “**na hi tesam -pa- vucceyyā**”ti. Nanu tesam antarā rūpasantāno pavattatevāti anuyogaṃ sandhāyāha “**na ca -pa- aññasantānattā**”ti. Yadi evam tesam aññabhinnasantānaṃ viya aññamaññūpakārenapi bhavitabbanti codanāya vuttaṃ “**rūpārūpa -pa- hontī**”ti. Tenetaṃ dasseti—yadi rūpārūpadhammā ekasmiṃ puggale vattamānā visesato aññamaññūpakārahāvena vattanti, aññamaññānaṃ pana visadisasabhāvatāya visumyeva santānabhāvena pavattanato byavadhāyakā na honti santativasena mithu apariyāpannattā, yato “aññamaññānaṃ vippayuttā, visamsaṭṭhā”ti ca vuttanti. Upakārako ca nāma accantaṃ bhinnasantānānaṃ hotiyevāti na tāvatā santānābhedoti bhiyyopi nesam byavadhāyakatābhāvo veditaḥ. Yathā samānajātikānaṃ cittuppādānaṃ niranantarā suṭṭhu anantarabhāvena pākātā, na tathā asamānajātikānanti adhippāyena “**javanānantarassa javanassa viya bhavaṅgānantarassa bhavaṅgassa viyā**”ti vuttaṃ.

**Paccayabhāvo cethhāti** ettha ca-saddo byatireko. So yena visesenettha uppādakkhaṇaṃ, taṃ visesaṃ joteti. **Anantarapaccayādīnanti ādi-**saddena samanantarapaccayaṃ saṅgaṇhāti. Purepacchābhāvā, tadupādikā vā uppādanirodhā **pubbantāparantaparicchedo**, tena **gahitānaṃ** khaṇattayapariyāpannānanti attho. Tenāha “**uppajjatīti vacanaṃ alabhantānaṃ**”ti. Uppādakkhaṇasamaṅgī hi “uppajjatī”ti vuccati. Tathā hi vuttaṃ “uppādakkhaṇe uppajjamānaṃ, no ca uppannaṃ, bhaṅgakkhaṇe uppannaṃ no ca uppajjamānaṃ”ti<sup>1</sup>. **Soti** anantarādipaccayabhāvo. **Aparicchedanti** kālavasena paricchedarahitaṃ. **Yatoti** pubbantāparantavasena paricchedābhāvato. **Tenevāti** kālavasena paricchijja eva dhammānaṃ gahaṇato.

**Uppattiyā paccayabhāvena pākāṭenāti** idam tassa nidassanabhāvanidassanaṃ. Siddham hi nidassanaṃ. **Paccayuppannānanti** paccayanibbattānaṃ, attano

---

1. Abhi 6. 306 piṭṭhe.

phalabhūtānanti adhippāyo. **Sahajātabhāvenā**ti saha uppānabhāvena. Attanā sauppānādhammānam hi sauppānabhāvena upakāratā saajātapaccayatā. Tena tītikkaṇepi nesam upakāratā veditabbā. Evañhi “pakāsassa padīpo viyā”ti nidassanampi suṭṭhu yujjati. Padīpo hi pakāsassa tītiyāpi paccayoti.

**Aññamaññatāvasenevā**ti iminā saajātādibhāvena attano upakārakassa upakāratāmattam na aññamaññapaccayatā, atha kho aññamaññapaccayabhāvavasevāti lakkhaṇasaṅkarābhāvam dasseti, na saajātādipaccayehi vinā aññamaññapaccayassa pavatti. Tenevāha “**na saajātatādivasenā**”ti. Yadi pi aññamaññapaccayo saajātādipaccayehi vinā na hoti, saajātādipaccayā pana tena vināpi hotīti saajātatādividhureneva pakārena aññamaññapaccayassa pavattīti dassenti “**sajātādi -pa- hoti**”ti vatvā tamevattham pākātataram kātuṃ “**na ca purejāta -pa- hoti**”ti āha. **Sajātatādī**ti ca **ādi**-saddena nissaya-atthi-avigatādīnam gahaṇam veditabbam.

Pathavīdhātuyam patiṭṭhāya eva sesadhātuyo upādārūpāni viya yathāsakakiccam karontīti vuttam “**adhiṭṭhānākārena pathavīdhātu sesadhātūnan**”ti. Ettha **adhiṭṭhānākārenā**ti ādhārākārena. Ādhārākāro cettha nesam sātisayam tadadhīnavuttitāya veditabbo, yato bhūtāni aniddisitabbaṭṭhānāni vuccanti. Evañca katvā cakkhādīnampi adhiṭṭhānākārena upakāratā suṭṭhu yujjati. Na hi yathāvuttam tadadhīnavuttiyā visesam muñcivā añño cakkhādīsu adesakānam arūpadhammānam adhiṭṭhānākāro sambhavati. Yadi pi yam yam dhammam paṭicca ye ye dhammā pavattanti, tesam sabbesam tadadhīnavuttibhāvo, yena pana paccayabhāvavisesena cakkhādīnam paṭumandabhāvesu cakkhuviññādayo tadanuvīdhānākāreneva pavattanti, svāyamidaṃ tesam tadadhīnavuttiyā siddho visesoti vutto. Evañhi paccayabhāvasāmaññe satipi ārammaṇapaccayato nissayapaccayassa viseso siddhoti veditabbo. Svāyam dhātuvibhaṅge vibhāvito yeva. **Khandhādayo taṃtaṃnissayānam khandhādīnanti** “upakāratā”ti ānetvā sambandhitabbam.

**Yaṃ kiñci kāraṇaṃ nissayoti vadati**, na vuttalakkaṇāpapaṇṇameva. Etena paccayaṭṭho idha nissayaṭṭhoti dasseti. **Tatthāti** niddhāraṇe bhumaṃ. Tena vuttaṃ “**niddhāreti**”ti.

**Suṭṭhukatataṃ dīpeti**, kassa? “Attano”ti vuttassa pakatasaddena viśesiyamānassa paccayassa. Kena katanti? Attano kāraṇehīti siddhovāyamattho. **Tathāti** phalassa uppādanasamatthabhāvena. Atha vā **tathāti** nipphādanavasena upasevanavasena ca. Tattha nipphādanam hetupaccayasamodhānena phalassa nibbattanam, taṃ suviññeyyanti anāmasitvā upasevanameva vibhāvento “**upasevito vā**”ti āha. Tattha **alliyāpanam** paribhogavasena veditabbaṃ. Tenāha “**upabhogūpasevanan**”ti. **Vijānanādivasenāti** vijānanasañjānanānubhavanādivasena. **Tenāti** yathāvutta-upasevitassa pakatabhāvena. **Anāgatānampi -pa- vuttā hoti**, pageva atītānam paccuppannānañcāti adhippāyo. Paccuppannassapi hi “paccuppannam utu bhojanam senāsanam upanissāya jhānam uppādentī”ti-ādivacanato<sup>1</sup> pakatūpanissayabhāve labbhatīti.

Yathā ye dhammā yesam dhammānam pacchājātapaccayā honti, te tesam ekaṃsena vippayutta-atthi-avigatapaccayāpi honti, tathā ye dhammā yesam dhammānam purejātapaccayā honti, te tesam nissayārammaṇapaccayāpi hontīti ubhayesu ubhayesam paccayākārānam lakkaṇato saṅkarābhāvaṃ dassetum “**vippayuttākārādīhi viṣiṭṭhā, nissayārammaṇākārādīhi viṣiṭṭhā**”ti ca vuttaṃ. Yathā hi pacchājātapurejātākārā aññamaññaviṣiṭṭhā, evaṃ pacchājātavippayuttākārādayo purejātanissayākārādayo ca aññamaññavibhattasabhāvā evāti.

**Manosañcetanāhārasena pavattamānehīti** iminā cetanāya sampayuttadhammānampi tadanuḡaṇam attano paccayuppannesu pavattimāha. **Tenevāti** cetanāhārasena upakārakattā eva.

**Payogena karaṇīyassāti** etena bhinnajāti yaṃ tādisam payogena kātum na sakkā, taṃ nivatteti. Anekavāram pavattiyā āsevanaṭṭhassa pākāṭabhāvoti katvā vuttaṃ “**punappunam karaṇan**”ti. Ekassa

---

1. Abhi 9. 415 piṭṭhe.

pana paccayadhammassa ekavārameva pavatti. **Attasadisassāti** arūpadhammasārammaṇatāsukkakaṇhādibhāvehi attanā sadisassa. Idam paccayuppannavisesanam, “**attasadisasabhāvatāpādanam**”ti idam pana paccayabhāvavisesanam, tañca bhinnajātiyatādimeva visadisasabhāvataṃ nivatteti, na bhūmantaratādi. Na hi parittā dhammā mahaggata-appamāṇānam dhammānam āsevanapaccayā na hontīti. **Vāsanam** vāsam gāhāpanam, idha pana vāsanam viya vāsanam, bhāvananti attho. **Ganthādīsūti** ganthasippādīsu. Visaye cetaṃ bhummam, na niddhāraṇe. Tena ganthasippādivisayā purimasiddhā ajjhayanādikiriyā “**ganthādīsu purimā purimā**”ti vuttā, sā pana āsevanākārā idha udāharaṇabhāvena adhippetāti āha “**purimā purimā āsevanā viyāti adhippāyo**”ti. Niddhāraṇe eva vā etaṃ bhummam. Ganthādivisayā hi āsevanā ganthādīti vuttā yathā rūpavisayajjhānam rūpanti vuttam “rūpī rūpāni passatī”ti-ādīsu<sup>1</sup>.

Attano viya sampayuttadhammānampi kiccasādhikā cetanā cittaṣa byāpārabhāvena lakkhiyatīti āha “**cittapayogo cetanā**”ti. **Tāyāti** tāya cetanāya. **Uppanakkiriyatāvisiṭṭheti** cittapayogasaṅkhātāya cetanākiriyāya uppattiyā visiṭṭhe viśeṣam āpanne. Yasmiṃ hi santāne kusalākusalacetanā uppajjati, tattha yathābalaṃ tādīsam viśeṣādhānam katvā nirujjhati, yato tattheva avasesapaccayasamavāye tassā phalabhūtāni vipākakaṭattārūpāni nibbattissanti. Tenāha “**sesapaccaya -pa- na aññathā**”ti. **Tesanti** vipākakaṭattārūpānam. **Tenāti** cittakiriyabhāvena. **Kirivattabbanti** asahajātanampi bhāvīnam upakārikā cetanā sahaajātanam upakārikāti vattabbameva natthīti attho.

**Nirussāhasantabhāvenāti** ussāhanam ussāho, natthi etassa ussāhoti nirussāho, so eva santabhāvoti nirussāhasantabhāvo, tena. Ussāhoti ca kiriyamayacittuppādassa pavatti-ākāro veditabbo, yo byāpāroti ca vuccati, na vīriyussāho. Svāyam yathā asamugghātītānusayānam kiriyamayacittuppādesu

---

1. Ma 2. 205; Ma 3. 264; Khu 9. 231; Abhi 1. 65 piṭṭhesu.

sāṭisayo labbhati, na tathā niranusayānaṃ. Tato eva te santasabhāvā vipākuppādanabyāpārarahitāva honti, kiriyamayacittuppādatāya pana sa-ussāhā evāti tatopi visesanatthaṃ “nirussāhasantabhāvenā”ti vuttaṃ. **Etenāti** nirussāhasantabhāvaggahaṇena. **Sārammaṇādibhāvenāti** sārammaṇa-arūpadhammacittacetasikaphassādibhāvena. **Visadisavipākabhāvaṃ dasseti** yathāvutta-ussāhamattarahitasantabhāvassa vipakkabhāvamāpannesu arūpadhammesu eva labbhanato. **Soti** vipākabhāvo. **Vipākānaṃ payogena asādhetaḥḥatāyāti** “chandavato kiṃ nāma na sijjhatī”ti-ādinā cittābhisaṅkhārapayogena yathā kusalākusalā nipphādīyanti, evaṃ vipākānaṃ payogena anipphādetabbattā. **Payogenāti** kammaphaluppattimūlahetubhūtena purimapayogena. Yaṃ sandhāya vuttaṃ “payogasampattim āgamma vipaccantī”ti-ādi. **Aññathāti** payogena vinā. **Sesapaccayesūti** kammaṃ vipākuppādane sahaṅkāraṇesu. **Kammaṃ kaṭattāyeva** payoge sati asatipīti vuttamevatthaṃ avadhāraṇena dassento vipākānaṃ nirussāhataṃ pākaṭaṃ karoti. **Na kilesavūpasamasantabhāvo** yathā taṃ santānesu jhānasamāpattisūti adhippāyo. Ayaṅca vipākānaṃ santabhāvo nānumāniko, atha kho paccakkhasiddhoti dassento “santabhāvato yevā”ti-ādimāha. Tattha abhinipāttaggaṇaṇena kiccato pañcaviññāṇāni dasseti. Tenevāha “pañcahi viññāṇehi na kiñci dhammaṃ paṭijānāti aññatra abhinipātamaṭṭā”ti. **Tappaccayavatanti** vipākappaccayavantānaṃ, vipākappaccayena upakattabbānanti attho. **Avipākānaṃ rūpadhammānaṃ. Vipākānukulaṃ pavattinti** santasabhāvaṃ paccayabhāvamāha.

Yathāsakaṃ paccayehi nibbattānaṃ paccayuppannānaṃ anubalappadānaṃ upatthambhakattaṃ, tayidaṃ āhāresu na niyataṃ tato aññathāpi pavattanato. Tathā sati tadeva tattha kasmā gahitanti codanaṃ manasi katvā āha “satipi -pa- upatthambhakattena”ti. Tena padhānāppadhānesu padhānena niddeso nīyagatoti dasseti. Kāmañcettha “rūpārūpānaṃ upatthambhakattena”ti avisesato vuttaṃ, sāmāññajotanaṃ pana visese avatiṭṭhatīti yathārahaṃ paccayabhāvo niddhāretabbo. Svāyaṃ tesam upatthambhakattassa padhānabhāvavibhāvaneneva āvi bhavatiṭṭi tameva



dassento **“upatthambhakattañhi”**ti-ādimāha. Phassamanosañcetanāviññāṇāni attanā sahajātadhammānaṃ sahuppādanabhāvena paccayā hontīti āha **“satip janakatte arūpīnaṃ āhārānaṃ”**ti. **Upatthambhakattaṃ hoti** uppādato parampi nesaṃ paccayabhāvato. **Asatipi janakatte** upatthambhiyamānassa rūpassa aññehi yathāsakaṃ paccayehi janitattā. tenāha **“catusamuṭṭhānikarūpūpatthambhakarūpāhārassā”**ti. Yadaggena rūpārūpāhārā attano phalassa uppattiyā paccayā honti, tadaggena ṭhitiyāpi paccayā hontiyevāti upatthambhakattaṃ janakattaṃ na byabharati, tasmā anupatthambhakassa āhārassa kuto janakatā. tenāha **“asati pana -pa- natthīti upatthambhakattaṃ padhānaṃ”**ti. Yasmā janako ajanakopi hutvā āhāro upatthambhako hoti, anupatthambhako pana hutvā janako na hotiyeva, tasmāssa upatthambhakattaṃ padhānanti attho. Idāni janakattampi āhārānaṃ upatthambhanavaseneva hotīti dassento **“janayamānopi hī”**ti-ādimāha. **Avicchedavasenāti** santatiyā ghaṭṭanavasena.

Yadi adhipatiyaṭṭho indriyapaccayatā, evaṃ sante adhipatipaccayato indriyapaccayassa kiṃ nānākaraṇanti codanaṃ manasi katvā taṃ tesāṃ nānākaraṇaṃ dasento **“na adhipatipaccayadhammānaṃ viyā”**ti-ādimāha. Tatha **pavattinivāraketi** attano adhipatipaccayapavattiyā nivārake aññe adhipatipaccayadhamme. **Abhibhavitvā pavattanenāti** purimābhisaṅkhārasiddhena dhoreyyabhāvena abhibhuyya pavattiyā. **Garubhāvoti** jeṭṭhakabhāvo. Ayaṃ hettha saṅkhepattho—yena jeṭṭhakabhāvena chandādayo attano pavattivibandhake tulyayogīdhamme tadaññadhamme viya abhibhuyya pavattanti, na so indriyapaccayatāya adhipatiyaṭṭhoti adhippetoti. Atha ko carahīti āha **“atha kho”**ti-ādi. **Dassanādikicesu** nimittabhūtesu **cakkhuviññāṇādīhi** cakkhādīhi paccayehi cakkhādīnaṃ anuvattaniyatāti sambandho. **Jīvane** anupālāne **jīvantehi** sahajātadhammehi jīvitassa, **sukhitādīhi** sukhitadukkhitasomanassitadomanassitupekkhitehi sahajātadhammehi sukhdīnaṃ anuvattaniyatāti yojanā. **Tarītarīkicesūti** vuttameva dassanādikiccam paccāmasati.

Cakkhādayo paccayā etesanti cakkhādipaccayā, cakkhuviññāṇādayo. Tehi **cakkhādipaccayehi. Cakkhādīnanti** cakkhādijīvitasukhādisaddhādīnaṃ.

**Tesu kiccesūti** dassanādikicesu. **Cakkhādīnaṃ issariyaṃ** adhipatiyaṭṭho, sā indriyapaccayatāti attho. **Tappaccayānaṃ** cakkhuviññāṇādīnaṃ **tadanuvattanena** tesam cakkhādīnaṃ anuvattanena. **Tattha** dassanādikicce. **Pavattīti** ca idaṃ tassa adhipatiyaṭṭhassa pākatakarāṇaṃ. Anuvattakena hi anuvattaniyo adhipatiyaṭṭho pākaṭo hoti. Yathā cakkhādīnaṃ kiccavasena adhipatiyaṭṭho, na evaṃ bhāvadvayassa. Tassa pana tādisena kāraṇatāmattenāti dassento **“itthipurisindriyānaṃ panā”**ti-ādimāha. **Paccayehīti** kammādipaccayehi. **Tatoti** itthādiggahaṇapaccayabhāvato. **Tamsahitasantāneti** itthindriyādisahitasantāne. **“Sukhindriyadukkhindriyānipi cakkhādiggahaṇena gahitāni”**ti idaṃ indriyapaccayameva sandhāya vuttaṃ, pacchājātādīhi pana tāni rūpadhammānampi paccayā hontiyeva.

**Lakkhaṇārammaṇūpanijjhānabhūtānanti** aniccatādilakkhaṇassa pathavīkaṣiṇādi-ārammaṇassa ca upanijjhānavasena pavattānaṃ. **Vitakkādīnanti** vitakkavicārapīti vedanācittakaggatānaṃ. **Upagantvā nijjhānanti** upanikacca nijjhānājjhānārammaṇassa jhānacakkhunā byattataraṃ olokaṇaṃ atthato cintanameva hotīti vuttaṃ **“pekkhanaṃ cintanañcā”**ti. Tenevāha **“vitakkanādivasenā”**ti. **Vitakkādīnaṃyeva sādharmaṇo**, yena teyeva jhānaṅgāni”ti vuccanti. **Sukhadukkhavedanādvayanti** sāmāññavacanampi upanijjhāyanaṭṭhassa adhikatattā anupanijjhānasabhāvameva taṃ bodhetīti āha **“sukhindriyadukkhindriyadvayan”**ti. Tañhi idhādhippetabbaṃ, na somanassadomanassindriyaṃ. Tena vuttaṃ **“adhippāyo”**ti. **Ajhānaṅgā upekkhācittakaggatā** pañcaviññāṇasahagatā daṭṭhabbā vitakkapacchimakkatā jhānaṅgānaṃ. **Yadi evanti** jhānaṅgavacaneneva ajhānaṅgānaṃ nivattanaṃ kataṃ, evaṃ sante. **Ekantena** na upekkhāya viya anekantena. Anekantikaraṃ hi upekkhāya ajhānaṅgattaṃ. Yadi ekantena ajhānaṅgaṃ sukhadukkhindriyaṃ, atha kathaṃ pasaṅgoti āha **“jhānaṅgaṭṭhāne niddiṭṭhattā”**ti. Atha vā yadi ekantena ajhānaṅgataṃ vedanādvayaṃ, kathaṃ jhānaṅgavohāroti āha **“jhānaṅgaṭṭhāne niddiṭṭhattā”**ti. Satipi -pa-dassanattaṃ “ṭhapetvā sukhadukkhindriyadvayan”ti vuttanti

yojanā. Yadi evaṃ yathāvuttavedanādvayena saddhim tādīsā upekkhācitttekaggatā kasmā na ṭhapitāti āha **“upekkhā -pa- atthī”**ti, pañcaviññāṇasahagatānaṃ jhānapaccayabhāvo pana natthi, na itaresanti adhippāyo. Gahaṇaṃ kataṃ upekkhācitttekaggatānanti ānetvā yojanā.

**Yato tato vāti** duggatito vā sugatito vā saṃkilesato vā vodānato vā niyyānattho, svāyaṃ yathākkamaṃ sammā micchā vā hotīti āha **“sammā vā micchā vāti attho”**ti. **Ahetukacittesu na labbhantīti** ettha ahetukacittesu eva na labbhantīti evamavadhāraṇaṃ gahetabbaṃ, na ahetukacittesu na labbhanti evāti. Tasmā purimasmim hi avadhāraṇe ahetukacittesu alābho niyatoti so patiyogīsu nivattito hoti. Tenāha **“sahetukacittesu alābhābhāvadassanattamaṃ vuttan”**ti. Dutiye pana ahetukacittāni alābhe niyatānīti tesu anavasesato alābhena bhavitabbaṃ. Tathā sati yo kesuci ahetukacittesu jhānapaccayo labbhati, sopi nivārito siyā. Tena vuttam **“na ahetukacittesū”**ti-ādi. Tattha **lābhābhāvadassanattanti** lābhābhāvasseva dassanattamaṃ na vuttanti attho. Tena ekaccālābho apaṭikkhitto hoti. Tenevāha **“katthaci kassaci lābho na nivārito”**ti. **Evaṃ atthe gayhamāneti** evaṃ vuttanayena paṭhamapadāvadhāraṇavasena attha viññāyamāne. **Ettakameva viññāyeyyāti** ahetukacittesu kesuci cittesu jhānamaggapaccayesu kassaci paccayassa lābho na nivāritoti ettakameva viññāyeyya avisesena vuttattā. Kim panettha upari kātabbanti āha **“na savitakka -pa- katan”**ti. Yadi pi na kataṃ, atthato pana taṃ katamevāti veditabbaṃ.

**Ahetukacittesu vā lābhābhāvadassanatteti**-ādi pacchimapadāvadhāraṇavasena atthadassanaṃ. **Tasmāti** yasmā ahetukacittesu na labbhanti evāti evaṃ niyame kariyamāne yathāvutto attho sambhavati, tasmā. Ayañca attho paṭhantarenapi saṃsandatīti dassetuṃ **“yena alābhenā”**ti-ādi vuttam. **Tam alābhanti** tam dhamasaṅgaṇiyaṃ pakāsitaṃ alābham. **Esāti** esa idha paṭṭhānavañṇanāyaṃ **“ahetukacittesu na**

labbhantī”ti alābho vutto. Kīdiso pana alābhoti taṃ dassento “yathā hī”ti-  
ādimāha. Tattha **sahetukesūti** sahetukacittesu. **Saṅkaḍḍhitvāti** avisaṭe katvā.  
**Ekattagatabhāvakarāṇanti** ekabhāvāpādanam. **Imasmim̐ pana pakaraṇe**  
**jhānapaccayo vuttova** yathālābhapaccayākāravibhāvane desanāya  
tapparabhāvato.

**Samanti** avisamaṃ, sammā, saha vā. **Pakārehīti**  
ekavattthukatādippakārehi. **Yuttatāyāti** saṃsaṭṭhatāya. Sā pana saṃsaṭṭhatā  
yasmā sabhāvato anekesampi sataṃ ekattagamaṇam̐ viya hoti, tasmā vuttam̐  
“**ekībhāvopagamaṇena viya upakārakatā**”ti. Evaṃ upakārakatā ca tesam̐  
bahūnam̐ sahacca ekattakāritāya nidassetabbā.

**Yuttānampi satanti** vuttappakārena saṃsaṭṭhatāya  
aññamaññasambandhatāya yuttānampi samānānam̐. Ayañca yuttatā na  
sampayuttapaccayatāya viya paccayadhammesu paccayuppannadhammesu  
ca veditabbā, kevalam̐ tattha arūpasabhāvattā ubhayam̐ samadhuraṃ, idha  
rūpārūpasabhāvattā vidhuranti ayam̐ viseso. **Vippayuttabhāvenāti**  
visaṃsaṭṭhabhāvena. Tena vuttam̐ “**nānattūpagamenā**”ti. Idam̐ hettha  
vippayuttatāya visesanaṃ yā nānattūpagamaṇasaṅkhātā vippayuttatā, na sā  
“**nāṇavippayuttan**”ti-ādīsu viya abhāvamattanti, ayañca upakārakatā vinā  
saṃsaggena sahāvattāhāyitāya kiccakāritādīhi nidassetabbā. **Na hīti**-ādi  
“yuttānan”ti vuttassa atthassa samatthanam̐ “tādise yoge satiyeva  
vippayuttapaccayatā”ti. Tenāha “**na hī**”ti-ādi. Tassattho—yathā “vatthu  
khandhānam̐, sahajātā kusalā khandhā cittasamuṭṭhānānam̐ rūpānam̐,  
pacchājātā kusalā khandhā purejātassa imassa kāyassa vippayuttapaccayena  
paccayo”ti-ādivacanato<sup>1</sup> vatthusahajātapacchājātavasena yuttānam̐ atthi  
vippayuttapaccayatā, na evam̐ ayuttānam̐ vatthusahajāta -pa- atthīti. Yadi  
evam̐ rūpānam̐ rūpehi kasmā vippayuttapaccayo na vuttoti āha “**rūpānam̐**  
**panā**”ti-ādi. **Vippayogoyeva natthi** sampayogāsaṅkāya abhāvato.  
Sampayujjamaṇānam̐ hi arūpānam̐ rūpehi, rūpānañca tehi siyā  
sampayogāsaṅkā, sampayogalakkhaṇam̐ pana natthīti tesam̐ vippayogo  
vutto. Tenāha “**catūhi sampayogo catūhi vippayogo**”ti.

---

1. Abhi 8. 159 piṭṭhe.

**Atthi me pāpakammaṃ katanti** katabhāvavasiṭṭhā atthitā vuccamānā kiriyāya siddhabhāvameva dīpeti, na sijjhamānatanti āha “**nibbattatālakkhaṇaṃ atthibhāvan**”ti. Atthato pana kammassa anibbattaphalatāya evamettha atthitā veditabbā. **Atthi puggaloti** panettha tassā paññattiyā gahetabbatā, tadupādānassa vā pabandhāvicchedo labbhatevāti vuttaṃ “**upalabbhamānatālakkhaṇaṃ atthibhāvan**”ti. Paccayadhammassa yadipi uppādato paṭṭhāya yāva bhaṅgā labbhamānatā atthibhāvo, tathāpi tassa yathā uppādakkhaṇato ṭhitikkhaṇe sātisayo byāpāro, evaṃ paccayuppannepīti vuttaṃ “**satipi janakatte upatthambhakappaṭṭhānā**<sup>1</sup> **atthibhāvena upakārakatā**”ti. **Vatthārammaṇasahajātādīnanti ādi**-saddena purejātapacchājātādīni saṅgaṇhāti. **Atthibhāvene**va na nissayādibhāvenāti “sādhāraṇan”ti vuttaṃ upakārakattaṃ vibhāveti.

**Phassādīnaṃ anekesaṃ sahabhāvo natthīti** idaṃ na ekacittuppadapariyāpanne sandhāya, atha kho nānācittuppadapariyāpanneti dassento “**ekasmiṃ phassādisamudāye sati dutiyo na hotī**”ti āha. Svāyamattho “sahabhāvo natthī”ti sahabhāvapaṭikkhepeneva viññāyati. Ettāvataṃ pana anavabujjhantānaṃ vasena vivaritvā vutto. **Tenāti** anekesaṃ phassādīnaṃ sahabhāvābhāvena. Yadi natthi tāmattena upakārakatā natthipaccayatā, anānantarātītavasenapi siyāti codanaṃ sandhāyāha “**satipi**”ti-ādi. **Tānīti** purimataracittāni. **Dadamānaṃ viyāti** kasmā vuttaṃ, nanu okāsaṃ detiyeva. Tathā hi vuttaṃ “pavatti-okāsadānena upakārakatā”ti? Saccametam, evamajjhāsayā viya paccayadhammā abhāvaṃ gacchantīti dassanattaṃ viya-saddaggahaṇaṃ.

Natthitāvīgamānaṃ satipi paccayassa dhammassa anupaladdhitāsāmaññe natthivīgatapaccayesu labbhamānaṃ visesamatthaṃ vibhāvetuṃ “**ettha cā**”ti-ādi vuttaṃ. **Abhāvamattenāti** hutvā abhāvamattena. tenettha nirodhānantaraṃ paccayadhammassa upakārakattaṃ āha, yathā<sup>2</sup> taṃ “**okāsadānan**”ti vuttaṃ. **Sabhāvavīgamenāti** etena nirodhato parampi yato “vīgatatā nirodhappattātā”ti vuttaṃ. Paccayadhamme yāsaṃ natthitāvīgatātānaṃ vasena natthivīgatapaccayā vuttā, tāsāṃ visese dassite natthivīgatapaccayānaṃ

1. Upatthambhitattapaṭṭhānā (Ka)

2. Yato (Ka)

viseso dassito hotīti **“natthitā ca nirodhānantarasuññatā vigatatā nirodhappattatā”**ti vuttam, tattha nirodhānantarā na nirodhasamakālāti adhippāyo. **Tathā**ti iminā yathā paccayadhammāvisesepi natthivigatapaccayabhāvaviseso niddhārito, tathā atthi-avigatapaccayabhāvavisesoti imamattham upasaṃharati. Yathā hi nirodhānantaranirodhappattīhi natthivigatatānam bhedo lakkhito, evam paccayadhammassa dharamānatānirodhānupagamehi atthi-avigatatānanti. Katham panāyam dhammāvisese paccayabhāvaviseso duviññeyyarūpena ṭhito sammā vibhāvissatīti āha **“dhammānañhi”**ti-ādi. **Tadabhisamayāya** tesam paccayavisesānam adhigamattham.

Catūsu khandhesu ekassapi asaṅgahitattābhāvato anantarādīhīti vibhattim pariṇāmetvā yojanā. **Aññanti** sukhumarūpam. Na hi tam purejātapaccayo hoti. Nanu ca rūparūpampi purejātapaccayabhāvena kusalattike nāgatanti āha **“rūparūpam panā”**ti-ādi. **Aññattha āgatamevāti** yadipi kusalattike nāgataṃ, sanidassanattikādīsu pana āgatattā na sakkā rūparūpassa purejātapaccayataṃ paṭikkhipitunti attho.

Paccayuddesavaṇṇanā niṭṭhitā.

## Paccayaniddesa

### 1. Hetupaccayaniddesavaṇṇanā

1. **Hetupaccayena paccayabhāvo hetupaccayoti uddiṭṭho**, na hetupaccayadhammoti attho. **Soti** hetubhāvena paccayo. Ettha ca paṭhamavikappe yo hetupaccayena paccayabhāvo vutto, yo ca dutiyavikappe hetubhāvena paccayo vutto, so yasmā atthato yathāvuttassa paccayadhammassa yathāvuttānam paccayuppannānam hetupaccayabhāvoyeva, tasmā vuttam **“ubhayathāpi hetubhāvena upakārakatā hetupaccayoti uddiṭṭhoti dassitam hoti”**ti. Yathā cettha, evam **“ārammaṇapaccayena paccayabhāvo, ārammaṇabhāvena vā paccayo ārammaṇapaccayo”**ti-ādinā ārammaṇapaccayādīsu attho netabboti

dassento “**esa nayo sesapaccayesupī**”ti āha. **Dhammasabhāvo eva, na dhammato aññā** dhammasatti nāma atthīti. **Upakāraṇaṃ dhammanti** paccayadhammaṃ āha. **Upakāratanti** paccayatam<sup>1</sup>.

**Paccattaniddiṭṭho**ti paccattavasena niddiṭṭho, paṭhamāya vibhattiyā niddiṭṭhoati attho. **Tenāti** paccayadhammaniddesabhūtena paccattaniddiṭṭhena paṭhamena hetusaddena. **Etassāti** hetusaddābhidheyamatthamāha. So hi chabbidho navavidho dvādasavidhoti anekabhedena bhinnopi hetubhāvasāmaññena ekajjhaṃ katvā ekavacanena vutto. Dutiyō hetusaddoti ānetvā yojanā. **Hetunā sampayuttānanti** adhikatattā vuttaṃ “hetu sampayuttānaṃ paccayo honto hetunā sampayuttānameva paccayo hoti, na vippayuttānaṃ”ti evaṃ padametaṃ. Na hi sabbena sabbhaṃ hetuvippayuttadhammānaṃ hetupaccayo na hotīti. Sampayuttasaddassa sambandhīsaddattā “**sampayuttasaddassa sāpekkhattā**”ti vuttaṃ. Sampayuttoti hi vutte kena sampayuttoti ekantato sambandhi-antaraṃ apekkhitabbaṃ. Tenāha “**aññassa -pa- viññāyati**”ti. **Nāyaṃ ekantoti** yvāyaṃ “dutiye hetusadde avijjamāne”ti-ādinā vutto attho, ayamekanto na hoti, aññāpekkhopi saddo aññassa visesanaṃ hotīti idaṃ na sabbattheva sambhavaṭīti attho. “Paccattaniddiṭṭho”ti iminā paṭhamassa hetusaddassa sampayuttasaddānapekkhattaṃ āha. Tena vuttaṃ “**hehupaccayena paccayoti ettheva byāvaṭo**”ti. **Avisiṭṭhāti** na visesitā. **Evanti** yathā hetusaddena aññattha byāvaṭena sampayuttā na visesitayanti kiccantarapasutattā, evaṃ sampayuttasaddena hetusaddavisesanarahitena tadatthamattabyāvaṭattā avisesato sampayuttānaṃ gahaṇaṃ siyā. Tena vuttaṃ “**sampayuttasaddenā**”ti-ādi. **Āhārindriyāsampayuttassa abhāvatoti** āhārehi indriyehi ca nasampayuttassa dhammassa abhāvato. Na hi phassacetanāvīññāṇavedanājīvitavirahito cittuppādo atthi. Tenāha “**vajjetabbā -pa- taṃ na katan**”ti. **Vajjetabbaṃ** hetuvippayuttaṃ.

**Evampīti** dutiyena hetusaddena gayhamānepi nāpajjati. Yadipi hetavo bahavo, sāmāññaniddeso cāyaṃ, tathāpi sāmāññajotanāya

---

1. Paccayaṃ (Ka)

visesaniddiṭṭhattāti adhippāyo. Tena vuttam **“paccatta -pa- vuttattā”**ti. **Vināpi dutiyena hetusaddena hetusampayuttabhāve siddhepīti** iminā yaṃ vuttam **“nāyamekanto”**ti, tameva ulliṅgeti. **Na pana hetūnanti** idam hetussa paccayabhāvena gahitattā paccayuppanabhāvena gahaṇam na yujjeyyāti āsaṅkamānaṃ sandhāya vuttam. Tenevāha **“evampi gahaṇam siyā”**ti. **Soti** dutiyo hetusaddo. **Apare pana “hetusampayuttakānan”**ti ettha hetūnañca sampayuttakānañcāti samāsaṃ vikappenti. **Paṭiṭṭhāmattādibhāvena nirapekkhāti** hetujhānamaggaḍhammā paṭiṭṭhāna-upanijjhānaniyyānamattena aññadhammanirapekkhā hetujhānamaggapaccayakiccaṃ karonti. **Sāpekkhā evāti** aññasāpekkhā eva. **Āharitabba-isitabbā** āhārindriyapaccayehi upakattabbadhammā. **Tasmāti** yasmā yehi sāpekkhā, te attano paccayuppanadhamme paccayabhāveneva paricchinditvā tiṭṭhanti, tasmā. Tenāha **“te vināpi -pa- na katan”**ti. **Paricchindanti** visesenti. **Tanti** dutiyam āhārindriyaggahaṇam. **Tatthāti** āhārindriyapaccayaniddese. Na kevalaṅca tattheva, **idha ca** hetupaccayaniddese **dutiyena hetuggahaṇena paccayuppanānaṃ puna visesanakiccaṃ natthi**, kasmā? Paccayabhūteneva hetunā sampayuttānaṃ aññesaṅca hetūnaṃ avicchinnattā.

**Purimavacanāpekkho vuttasseva niddesoti** taṃ-saddassa paṭiniddesabhāvamāha. **Pākaṭibhūte eva** atthe pavattati, pākaṭibhāvo ca aññānapekkhena saddena pakāsitattā veditabbo. **Anapekkhanīyo** atthantarabyāvaṭattā. **Aññoti** hetusaddato añño. **Niddisitabbapakāsako vutto natthi**, yo taṃ-saddena paṭiniddesaṃ labheyya.

Yadi evaṃ **“taṃsamuṭṭhānānan”**ti ettha kathanti āha **“hetusampayuttakānanti iminā panā”**ti-ādi. Tattha **pana**-saddo satipi hetū hetusampayuttakānaṃ niddesabhāve hetusampayuttakasadde labbhamānānaṃ niddisitabbānaṃ pākaṭikaraṇasaṅkhātāṃ hetusaddato visesaṃ joteti. **“Hetusampayuttakānan”**ti imassa samāsapadassa uttarapadatthappadhānattamāha **“paccayuppannavacanenā”**ti. Tena ca yathādhippetassa atthassa ekadesova vuccati dhammānaṃ visesanabhāvatoti āha **“asamattenā”**ti. Visesaṃ nāma visesitabbāpekkhanti āha **“paccayuppannavacanantarāpekkhenā”**ti. Vuttatāya vinā paṭiniddesatā natthīti **“pubbe vuttenā”**ti vuttam.



**Taṃ-saddena niddisitabbanti** “taṃsamuṭṭhānānaṃ”ti ettha taṃ-saddena niddisitabbaṃ hetusampayuttakasadde pākaṭībhūtaṃ kiṃ paṇāti pucchati. Te hetū ceva -pa- hetusampayuttakā ca taṃ-saddena niddisitabbā hetusampayuttakasadde pākaṭībhūtāti sambandho. **Aññathāti** “yehi hetūhi”ti-ādinā vuttappakārato aññathā aññena pakārena. Taṃ aññaṃ pakāraṃ dassento “**te hetū -pa- sambandhe satī**”ti āha. **Idhāti** anantaraṃ vuttasambandhanaṃ bhummaniddesena parāmasati. **Tenevāti** paṭhameneva hetusaddena. **Taṃ-saddena niddisitabbāti** “taṃsamuṭṭhānānaṃ”ti ettha taṃ-saddena niddisitabbā yathā pākaṭā, evaṃ pubbe “taṃsampayuttakānaṃ”ti vuttacodanāyampi evameva teneva taṃ-saddena niddisitabbā pākaṭā bhavituṃ arahanti. Tathā ca satī niddisitabbassa -pa- na yujjeyya. **Duvidhampi vā hetuggahaṇaṃ apanetvāti** “hetū hetusampayuttakānaṃ”ti ettha kataṃ dvippakārahetuggahaṇaṃ avicāretvā “taṃsampayuttakānanti avatvā”ti-ādinā **taṃ-saddavacanīyataṃ codeti**, “niddisitabbassa apākaṭattā”ti-ādinā **pariharati ca. Hetū hi paccayāti** idaṃ ayaṃ hetupaccayakathāti katvā vuttaṃ.

**Taṃ na vuttanti** cittasamuṭṭhānavacanānaṃ na vuttaṃ. **Tassāti** sahaṃjātapaccayassa. **Kaṭattārūpassa paccayabhāvo na vutto bhaveyya**, vuttava so “vipākābyākato eko khandho tiṇṇannaṃ khandhānaṃ kaṭattā ca rūpānaṃ sahaṃjātapaccayena paccayo, tayo khandhā ekassa khandhassa kaṭattā ca rūpānaṃ”ti-ādinā, tasmā cittacetāsikānaṃ kaṭattārūpapaccayabhāvo na sakkā nivāretuṃ. **Tatthāti** sahaṃjātapaccayaniddese. Tattha hi “cittacetāsikā dhammā cittasamuṭṭhānānaṃ rūpānaṃ sahaṃjātapaccayena paccayo”ti cittasamuṭṭhānarūpāni eva niddiṭṭhāni. **Idhāpīti** imasmiṃ hetupaccayaniddese. **Evaṃ bhavitabbanti** “cittasamuṭṭhānānaṃ”ti niddesena bhavitabbaṃ. Yadi evaṃ kasmā tathā na vuttanti āha “**cittasamuṭṭhānānanti paṇā**”ti-ādi. **Visesitaṃ hoti** sabbacittacetāsikāsamuṭṭhānabhāvena. **Vacanenāti** yathādassitena sahaṃjātapaccayaniddesavacanena. **Cittacetāsikānaṃ paccayabhāvo eva hi tattha paccayaniddese vutto**, na cittacetāsikānaṃ samuṭṭhānabhāvoti adhippāyo.

**Hetu-ādipaṭibaddhatañca dasseti** yadaggena tāni cittaṭṭibaddhavuttīni, tadaggena taṃsampayuttadhammapaṭibaddhavuttīnīpi hontīti.

**Ārammaṇametaṃ**

**hotīti** yadetaṃ kusalākusalacetanāvasena manodvāre cetanaṃ sesadvāresu kāyavacīpayogavasena saṅkappanaṃ, yañca kāmarāgādīnaṃ santāne anusayanaṃ, etaṃ ārammaṇaṃ eso paccayo kammaviññāṇassa ṭhitiyā patiṭṭhānāya. **Patiṭṭhiteti** kammaṃ javāpetvā paṭisandhi-ākāḍḍhanasamatthatāpatiṭṭhāpatte kammaviññāṇe viruḷheti tato eva kammaviññāṇato paṭisandhiviññāṇabīje **viruḷhe** viruhanteti attho. Atha vā **patiṭṭhā viññāṇassa hotīti** kilesābhisankhārasankhāte kammaviññāṇassa ṭhitiyā pavattiyā ārammaṇe paccaye paṭisiddhe āyatipaṭisandhiviññāṇassa patiṭṭhā hoti, **tasmim** paṭisandhiviññāṇe punabbhavābhiniḍḍivasena **patiṭṭhite** patiṭṭhahante **viruḷhe** bījabhāvena viruhante nāmarūpassa avakkanti hotīti evamettha attho veditabbo. Tenāha “**paṭisandhināmarūpassa viññāṇapaccayatā vuttā**”ti.

**Purimatarasiddhāyāti** khettabhāvanibbattiyā puretameva siddhāya pathaviyā. Attalābhoyeva cettha patiṭṭhānaṃ, na paṭiladdhattabhāvānaṃ avaṭṭhānanti dassento “**patiṭṭhānaṃ kammaṃ kaṭattā uppattīti vuttam hotī**”ti āha.

**Sesarūpānanti** paṭisandhikkhaṇe pathavīdhātu-ādīnaṃ sesarūpānaṃ, pavatte pana tisantirūpānampi. **Sahabhavanamattaṃ vā dasseti.** Sahabhāvenapi hi atthi kāci visesamattā. **Katthaci katthacīti** pakatikālabhavavisesādike. Tatiyapakatiyaṃ hi paṭhamakappikakāle ca bhāvakalāpo natthi, rūpabhāve kāyikalāpopi. **Ādi-saddena** tattheva ghānājivhākalāpā, kāmabhāve ca andhādīnaṃ cakkhādikalāpā saṅgayhanti. **Katthaci abhāvābhāvato**ti nāmarūpokāse katthacipi abhāvābhāvato.

**Tesanti** pavattiyaṃ kaṭattārūpādīnaṃ. Na hi hetu pavattiyaṃ kaṭattārūpassa paccayo hoti, utu-āhārajānaṃ pana sambhavoyeva natthi. Tena vuttam “**paccayabhāvappasaṅgoyeva natthī**”ti. **Na pana labbhati** paccayapaccanīye tādissa vārassa anuddhaṭṭā. **Idanti** “pavattiyaṃ kaṭattārūpādīnaṃ paccayabhāvapaṭibāhanato”ti idaṃ “hetū sahaḍḍānaṃ”ti adesaṇāya pariḥaravacanaṃ, īdisī pana codanā anokāsā evāti dassetuṃ “**bhagavā**

**panā**”ti-ādi vuttaṃ. Yo hi dhammo yathā bhagavatā desito, so tatheva gahetabboti.

Hetupaccayaniddesavaṇṇanā niṭṭhitā.

## 2. Ārammaṇapaccayaniddesavaṇṇanā

2. **Uppajjanakkhaṇeyevā**ti ettha uppādato paṭṭhāya yāva bhaṅgā uddham pajjanam gamanam pavattanam uppajjanam, tassa khaṇo, tasmim uppajjanakkhaṇeti evam vā attho daṭṭhabbo. Evañhi sati uppajjanasaddena uppannasaddena viya sabbe pavattamānabhāvā saṅgahitā honti, na uppādamattam. **Tenā**ti cakkhuviññāḍīnam vattamānakkhaṇeyeva rūpādīnam ārammaṇapaccayattena. **Anālambiyamānānanti** sabbena sabbam nālambiyamānānanti attho. Aññathā hi yathāvuttānam rūpādīnam yadā ārammaṇapaccayattābhāvo, tadā anālambiyamānatāvāti. **Sabbarūpānī**ti sabbāni rūpāyatanāni, yattakāni tāni āpāthagatāni yogyadese ṭhitāni, tāni sabbānīti attho. **Saha na hontī**ti ekajjham ārammaṇam na honti. Satipi hi anekesam ekajjham āpāthagamane yattha yattha pubbābhogo, tam taṃyeva ārammaṇam hoti, na sabbam. Nilādisaṅghātasena cetam vuttam, na paccekam nilādirūpāyatanamattavasena. Samuditāniyeva hi rūpāyatanāni cakkhuviññāṇassa ārammaṇam, na visum visunti dhātuvibhaṅgavaṇṇanāyam dassitoyam nayo. Yam pana aṭṭhakathāyam “te te visum visum ārammaṇapaccayo hontī”tipi vuttam, tampi yathāvuttamevattham sandhāya vuttam. Aññathā rūpāyatanam manindriyagocaram nāma na siyā. Saddādīsupi eseva nayo. Tenevāha “**tathā saddādayopī**”ti. “Saha na hontī”ti vuttamattham pāḷiyā vibhāvetum “**yam yanti vacanam rūpādīni bhindati**”ti āha.

“Ye ete”ti-ādiko purimo attho, “na ekato hontī”ti-ādiko pana pacchimo, “sabbārammaṇatādivasena vā idhāpi attho gahetabbo”ti kasmā vuttam. Na hi “yam yam vā panārabbhā”ti imissā pāḷiyā viya “yam yam dhammam ārabbhā”ti imassa pāṭhassa purato manoviññāṇassa sabbārammaṇatā nāgatā. Vuttañhi “sabbe dhammā manoviññāḍadhātuyā taṃsampayuttakānañca dhammānam ārammaṇapaccayena paccayo”ti.

Na hi anantameva pāḷiyam sarūpato āgatamattham gahetvā padantaram samvaṇṇetabbaram. Tattha hi “rūpārammaṇam vā”ti-ādinā niyamavasena cha ārammaṇāni vatvā “yam yam vā panārabbhā”ti vacanam sabbārammaṇatādiddassananti yuttamevetanti, idha pana sabbārammaṇatam vatvā puna “yam yam dhammam ārabbhā”ti vuccamānam sabbārammaṇatādassananti kathamidam yujjeyya? Kamābhāvopi “sabbe dhammā”ti avisesavacaneneva siddho ārammaṇānupubbijāva aggahitattā. Na hi manodhātuyā viya manoviññāṇadhātuyā idha ārammaṇāni anupubbato gahitāni, tattha viya vā eteneva niyamābhāvopi samvaṇṇitoti vedītabbo. Tasmā aṭṭhakathāyam vuttanayenevettha attho gahetabbo.

**Pavattanti pavattanam.** Nadiyā sandanam pabbatassa ṭhānanti hi vuttā aviratamavicchedanāyam tathāpavattikiriya. Tenāha “**aviratam avicchinnam sandanti**”ti. **Evanti** yathā “sandanti”ti vattamānavacanam vuttam<sup>1</sup>, evam “ye ye dhammā uppajjanti”ti sabbasaṅgahavasena uppajjanassa gahitattā ārammaṇapavaggato “uppajjanti”ti vattamānavacanam vuttanti attho. Tenāha aṭṭhakathāyam “**sabbakālasaṅgahavasena**”ti-ādi. Tathā ca vuttam “**atītānāgata -padhippāyo**”ti, atītānāgatapaccuppannānam cittacetāsikānanti attho. **Samudāyavasena**ti cittena rāsikaraṇavasena. **Adhippāyoti** iminā vattamānupacārena vināva “ye ye dhammā uppajjanti”ti ettha vattamānattham sakkā yojetunti imamattham ulliṅgeti. Tenāha “**ime panā**”ti-ādi. Yadi pi paccayadhammā keci atītā anāgatāpi honti, paccayuppānādhammo pana paccuppanno evāti āha “**atītānāgatānam na honti**”ti. Uppāde vā hi paccayuppānassa paccayena bhavitabbam ṭhitiyam vāti. **Tasmāti** yasmā atītānāgatā paramatthato natthi, tasmā. **Tesūti** paccayuppānesu. **Tamtaṃpaccayāti** tam tam rūpādi-ārammaṇam paccayo etesanti tamtaṃpaccayā. **Ayamatto dasito hoti** samānasabhāvattā. Na hi atthābhedenā sabhāvabhedo atthi. **Na pana tamtaṃpaccayavantatā dassitā hoti** atītānāgatesu nipariyāyena tadabhāvato. Yasmā **paccayavanto** paccayuppānāyeva, te ca **paccuppannāyevāti**.

---

1. Vuttam ārammaṇapavaggato (Ka)

**Yaṃ yaṃ dhammaṃ te te dhammā**ti yaṃnimittāyaṃvacanabhedo, taṃ dassetuṃ “**ettha cā**”ti-ādi āradhmaṃ. Rūpārūpadhammā hi kalāpato pavattamānāpi cittacetāsikānaṃ kadāci visuṃ visuṃ ārammaṇaṃ honti, kadāci ekajjhaṃ, na ettha niyamo atthi, purimābhogoyeva pana tathāgahaṇe kāraṇaṃ. Tayimaṃ dīpetuṃ bhagavatāyaṃvacanabhedo katoti ca sakkā vattuṃ, yasmā pana ekakalāpapariyāpannānampi dhammānaṃ ekajjhaṃ gahaṇe na samudāyo gayhati tadābhogābhāvato, atha kho samuditā dhammā evāti sahaggahaṇampi visuṃgahaṇagatikaṃ, tasmā visuṃgahaṇasabbhāvadīpanatthaṃ “yaṃ yaṃ”ti vatvā satipi visuṃgahaṇe te sabbe ekajjhaṃ ārammaṇapaccayo hontīti dassanatthaṃ “te te”ti vuttanti imamatthaṃ dassento “**cattāro hi khandhā**”ti-ādimāha. Tattha **vedanādīsūti** vedanādīsū catūsu khandhesu abhinditvā gahaṇavasena, bhinditvā pana gahaṇavasena phassādīsū. **Yo ca rūpādīkoti** idaṃ viññāṇantarassa sādharmaṇārammaṇavasena vuttaṃ, **ye ca aneke phassādayoti** idaṃ asādharmaṇārammaṇavasena. **Te sabbeti** te sādharmaṇasādharmaṇappabhede sabbepi ārammaṇadhamme. **Ekekameva ārabbha uppajjantīti** ettha yaṃ vattabbaṃ, taṃ heṭṭhā vuttameva. **Rūpārammaṇadhammā ca aneke** nīlādibhedato. **Tathāti** aneke. Tena bherisaddādīke, mūlagandhādīke, mūlarasādīke, kathinasamphassādīke, vedanādīke ca saṅgaṇhāti. **Aneketi** hi iminā anekakalāpagatānaṃyeva vaṇṇādīnaṃ indriyaviññāṇārammaṇabhāvamāha. Sāmaññato hi vuttaṃ yathārahaṃ bhinditvā nidassitabbaṃ hotīti.

**Kusalavipākassāti** kusalassa vipākassa ca. **Na hi nibbānaṃ pubbe nivutthanti** idaṃ “diṭṭhanibbānoyevā”ti-ādinā vakkhamānameva atthaṃ hadaye ṭhapetvā vuttaṃ. Pubbenivāsānussatiñāṇena hi nibbānavibhāvanaṃ adiṭṭhasaccassa vā siyā diṭṭhasaccassapi vā. Tattha adiṭṭhasaccena tāvatam vibhāvetumeva na sakkā appaṭividdhattā, itarassa pana pageva vibhūtimevāti taṃ tena vibhāvitam nāma hotīti adhippāyo. Ettha ca “**na ca taṃ vuttan**”ti iminā pubbenivāsānussatiñāṇassa nibbānārammaṇakaraṇābhāvaṃ āgamato dassetvā “**na hi nibbānan**”ti-ādinā yuttito dasseti. Tattha “**na pubbe nivutthamasāṅkhatattā**”ti kasmā vuttaṃ? Gocarāsevanāya āsevitassapi nivutthanti icchitattā. Diṭṭhasaccoyeva hi

pubbenivāsānussatiñāṇena nibbānaṃ vibhāveti, na adīṭṭhasacco. Tam pana ñāṇaṃ khandhe viya khandhapaṭibaddhepi vibhāvetīti nibbānārammaṇakhandhavibhāvane nibbānampi vibhāvetīti sakkā viññātum. Etena payoṇābhāvācodanā paṭikkhittāti daṭṭhabbā. **Evam anāgataṃsañāṇepi yojetabbanti** yathā pubbenivāsānussatiñāṇassa nibbānārammaṇatā dassitā, evam anāgataṃsañāṇepi yathārahaṃ yojetabbam. Tatha pana “khandhapaṭibaddhavibhāvanakāle”ti-ādinā yojanā veditabbā. Tena vuttam “**yathārahan**”ti. **Kassaci** abhiññāppattassapi rūpāvacaṛassa, pageva itarassa.

Ārammaṇapaccayaniddesavaṇṇanā niṭṭhitā.

### 3. Adhipatipaccayaniddesavaṇṇanā

3. Dhurasahacariyato dhoreyyo “dhuran”ti vuttoti āha “**dhuranti dhuraggāhan**”ti. Chandassa pubbaṅgamatāsiddham pāsāsabhāvaṃ upādāya aṭṭhakathāyaṃ “jeṭṭhakan”ti vuttanti tamevattham dīpento “**seṭṭhan**”ti āha. Tathā hi vuttam **aṭṭhasālīniyam** “chandaṃ pubbaṅgamaṃ katvā āyūhitan”ti. **Purimachandassāti** “chandādhipatī”ti purimasmim pade niddesavasena vuttassa chandasaddassa **samānarūpena** sadisākārena. **Tadanantaram niddiṭṭhenā**ti tassa purimassa chandasaddassa anantaram niddesavasena vuttena. Tato eva ca taṃsamānatthātāya ca **taṃsambandhena** “chandasampayuttakānan”ti ettha chandasaddeneva adhipatisaddarahitenāti attho. **Paccayabhūtassāti** adhipatipaccayabhūtassa. **Sampayuttakavisesanabhāvoti** attanā sampayuttadhammaṃ so eva adhipatipaccayatāsāṅkhāto visesanabhāvo. **Esa nayoti** iminā “vīriyādhipatī vīriyasampayuttakānanti-ādīsu purimavīriyassa samānarūpenā”ti-ādinā vattabam atthavacaṇam atidisati.

**Kusalābyākātānam pavattinti** kusalābyākātānam adhipatīnam pavattanākāram. **Aladdham** ārammaṇam **laddhabbam** labbhanīyam, laddhum vā sakkuṇeyyam, dutiye pana atthe lābhamarahatīti **laddhabbam**. **Avaññātanti** pageva anavaññātanti attho.

Appanāppattā kusalakiriyadhammā mahābalā sādhipatikā eva honti, tathā micchattaniyatāpīti āha “**appanāsadisā -pa- nuppajjantī**”ti.

**Appanāsadisāti** appanāppattisadisā. **Kammakilesāvaraṇabhūtā ca teti** te micchattaniyatadhammā kammāvaraṇabhūtā, ye ānantariyappakārā kilesāvaraṇabhūtā, ye niyatamicchādīṭṭhidhammā, sampayuttacetanāya panettha kilesāvaraṇapakkhikatā daṭṭhabbā ānantariyacetanāsampayuttassa paṭighassa kammāvaraṇapakkhikatā viya. Paccakkhagati anantaratāya vinā bhāvinīti vuttaṃ “**paccakkhasaggānaṃ kāmāvacaradevānampī**”ti. Tena tesu ānantariyā viya asambhāvino aheturābhinivesādayopīti dasseti.

**Tividhopi kiriyārammaṇādhipatīti** ettha ayaṃ kiriyārammaṇādhipatīti ajjhattārammaṇo adhippeto, udāhu bahiddhārammaṇoti ubhayathāpi na sambhavo evāti dassento “**kāmāvacarādibhedato panā**”ti-ādimāha. Tattha parasantānagatānaṃ sārammaṇadhammānaṃ adhipatipaccayatā natthīti sambandho. **Abhāvato**ti avacanato. Avacanāṃ hi nāma yathādhammasāsane abhidhamme abhāvo evāti eteneva anuddhaṭṭāpi avuttato veditabbā. Ajjhattārammaṇabahiddhārammaṇadvayavinimuttassa sārammaṇadhammassa abhāvato natthīti viññāyatīti vattabbe tameva viññāyamānataṃ sambhāvento “**natthīti viññāyamānepī**”ti āha. Tena vuttaṃ “**bahiddhā khandhe**”ti-ādi. **Rūpe eva bhavituṃ arahati** edisesu ṭhānesu arūpe asambhavatoti adhippāyo. Asambhavato ca yathāvuttapāli-anusāratoti veditabbanti. “**Vicāritan**”ti kasmāvuttaṃ, nanu “atītārammaṇe anāgate khandhe garuṃ katvā assādetī”ti-ādivacanato arūpepi edisesu ṭhānesu khandhasaddo pavattateva. **Āvajjanakiriyasabbhāvato panāti** idaṃ yathādassitapāliyā virodhapariharaṇādhippāyena vuttaṃ, avacanāṃ pana katthaci vineyyajjhāsāyena, katthaci nayadassanena hoṭīti kuto virodhāvasaro.

Adhipatipaccayaniddesavaṇṇanā niṭṭhitā.

#### 4. Anantarapaccayaniddesavaṇṇanā

4. Yathāvuttā nirodhānantarasuññatā nirodhappattatā **okāsadānaviseso**, attano anurūpacittuppādanasamatthatā cittaniyamahetutā,

tattha anantaruppādanasamatthā ca saṅghānābhāvato suṭṭhutarāṇi  
nirantaruppādanasamatthā ca **cittaniyamahetuviseso** daṭṭhabbo.  
**Dhātuvasenā**ti viññāṇadhātumanodhātumanoviññāṇadhātuvasena. Ettakā eva  
hi dhātuyo bhinnasabhāvā anantarapaccayatāya niyametvā vattabbā,  
abhinnasabhāvā pana visesābhāvato purimatāmatthaṇṇeva visesaṇi  
purakkhatvā vattabbāti tā kusalādibhedena tathā vuttā. Tenāha  
“**kusalādivasena cā**”ti. Yā pana manodhātumanoviññāṇadhātuvasena  
anantarapaccayatā vattabbā, tattha manoviññāṇadhātu manodhātuyā  
anantarapaccayena paccayoti vuccamāno sammoho siyā, pure manodhātuyā  
anantarapaccayabhāvena vuttā, idāni manoviññāṇadhātu manodhātuyāti  
paccayapaccayuppannavisesā na viññāyeyya, manodhātuyā pana  
cakkhuvīññāṇādihātūnaṇi anantarapaccayabhāve vuccamāne niyamo natthi.  
Tenāha “**manodhātu cakkhuvīññāṇadhātuyāti cā**”ti. **Tathevāti**  
niyamābhāvato evāti attho. **Tasmāti** yasmā ito aññathā desanāya  
paccayapaccayuppannānaṇi visesābhāvo cittavisesadassanavicchedo  
niyamābhāvo cāti ime dosā āpajjanti, tasmā. **Nidassanenāti** dhātuvasena  
nidassanena. **Nayaṇi dassetvāti** “manoviññāṇadhātu taṇisampayuttakā ca  
dhammā manodhātuyā taṇisampayuttakānaṇca dhammānaṇi  
anantarapaccayena paccayo”ti evamādikassa anantarapaccayatāggahaṇassa  
nayaṇi dassetvā. **Niravasesadassanatthanti** niravasesassa  
anantarapaccayabhāvino cittuppādassa dassanattham.

**Sadisakusalānanti** samānakusalānaṇi, samānatā cettha  
ekavīthipariyāpannatāya veditabbā. Tenevāha “**bhūmibhinnānampi**  
**paccayabhāvo vutto hoti**”ti. Samānavīthitā ca yasmā samānavedanā  
samānahetukā ca honti, tasmā “**vedanāya vā hetūhi vā sadisakusalānaṇi**”ti  
āha. **Vā-saddo** cettha aniyamattho. Tena ṇāṇasaṅkhārādibhedassapi  
vikappanavasena saṅgaho daṭṭhabbo. **Cutipi gahitā** taṇisabhāvattā.  
Bhavaṅgacittameva hi pariyoṣāne “cuti”ti vuccati. Kusalākusalānantaraṇca  
kadāci sā uppajjati **tadārammaṇampi gahitanti** daṭṭhabbāṇi,  
kiriyaṇāntaraṇi tadārammaṇupattiyanti adhippāyo.



Kāmāvacarakiriyāya āvajjanassāti ayamettha attho adhippetoti dassento “**āvajjanaggahaṇena kāmāvacarakiriyaṃ viseseti**”ti āha. Tameva hi atthaṃ pākaṭataraṃ kātum “**kāmāvacaravipāko**”ti-ādi vuttaṃ. **Voṭṭhabbanampi gahitaṃ** santīraṇānantarattāti adhippāyo.

Anantarapaccayaniddesavaṇṇanā niṭṭhitā.

## 6. Sahajātapaccayaniddesavaṇṇanā

6. **Porāṇapāṭhoti** purātano aṭṭhakathāpāṭho. **Imassāti** imassa padassa. **Avuttassāti** pāḷiyaṃ avuttassa. Yadihi sahaḡatasaddassa atthasaṃvaṇṇanāyaṃ saṃsaṭṭhasaddassa viya samānatthassapi katthaci saddantarassa attho vuccati pariyāyavisesabodhanattham, tathāpi na mūlasaddassa attho vibhāvito hotīti dassento āha “**na ca -pa- hotī**”ti. “**Aññaamañña**”ti ca “**añña-añña**”ti vattabbe **ma-kārāgamaṃ** katvā niddeso, kammabyatihāre cetam padaṃ, tasmā itaretaranti vuttaṃ hoti. Paccayapaccayuppannānaṃ ekasmim yeva khaṇe paccayuppannapaccayabhāvassa icchitattā yo hi yassa paccayo yasmim khaṇe, tasmimyeva khaṇe sopi tassa paccayoti ayamettha aññaamaññapaccayatā. Tathā hi aṭṭhakathāyaṃ “**añño añña**”ti vatvā “**iminā -pa- dīpetī**”ti vuttaṃ. **Okkamaṇaṃ** pavisananti attho. Āsanakkhaṇe hi dhammā purimabhavato imaṃ bhavaṃ pavisantā viya honti. Tena vuttaṃ “**paralokato imaṃ lokaṃ āgantvā pavisantaṃ viya uppajjati**”ti. Tasmā avisesena paṭisandhi okkantisaddābhidheyyāti adhippāyena vuttaṃ “**okkanti -pa- adhippāyenāhā**”ti. **Taṃnivāraṇatthanti** tassa khaṇantare rūpīnaṃ sahaḡātapaccayabhāvassa “**kañci kāle na sahaḡātapaccayena paccayo**”ti nivāraṇattham. Tena padadvayena samānesu paccayapaccayuppannadhammesu purimato pacchimassa visesamattham dasseti.

Evañca “**kañci kāle**”ti padassa “**keci kāleti vā, kismiñci kāle**”ti vā vibhattivipallāsenā attho gaḡetabboti adhippāyena paṭhamavikappaṃ dassetvā idāni pakārantarena dassetum “**kañci kāleti**

**keci kismiñci kāleti vā attho**”ti āha. tena “kañcī”ti ayaṃ sāmāññaniddesoti dasseti. Yo hi ayaṃ “kecī”ti paccatabahuvacanābhidheyyo attho, yo ca “kismiñcī”ti bhummekavacanābhidheyyo, tadubhayaṃ sati kālavantakālatāvibhāge kiṃ-saddassa vacanīyatāsāmāññena pana ekajjhaṃ katvā “kañcī”ti pāḷiyaṃ vuttanti taṃ vibhajitvā dassetuṃ **“keci kismiñci”**ti vuttaṃ. Aṭṭhakathāyaṃ pana “kismiñcī”ti bhummavaseneva vuttaṃ. **Tena** yathāvutta-atthavibhāgena padena. **Vatthubhūtāti** vatthusabhāvā. Hadayarūpameva sandhāya vadati. **Rūpantarānanti** hadayavatthuto aññarūpanaṃ. Arūpīnaṃ sahaḷātapaccayataṃ pubbe “okkanti kkhāṇe nāmarūpan”ti ettha anivāritaṃ nivāretīti yojanā, tathā vatthussa ca kālantare paṭisandhikālato aññasmim kāle arūpīnaṃ nivāretīti. **Evañca katvāti-ādinā** yathāvutta-atthavaṇṇanāya pāḷiyaṃ vibhattiniddesassa rūpakabhāvamāha. Punapi purimato pacchimassa upacayena visesaṃ dassetuṃ **“purimena cā”**ti-ādi vuttaṃ. Tatha **purimenāti** “okkantikkhāṇe nāmarūpan”ti iminā paccayaniddesavacanena. **“Eko khandho vatthu ca tiṇṇaṃ khandhānan”**ti-ādinā paṭiccavārādipāṭhena. Atthavivaraṇaṃhi paccayaniddesapāḷiyā sabbepi satta mahāvārā. Vatthussa vattabbatte āpanne kinti paccayoti tassa nāmassāti yojanā. **Etenāti** “rūpino dhammā arūpīnaṃ dhammānan”ti etena vacanena. **Kevalassāti** nāmarahitassa vatthussa. **Tathāti** nāmassa paccayabhāvena.

**Katthacīti** “rūpino dhammā arūpīnaṃ dhammānaṃ kañci kālaṃ sahaḷātapaccayena paccayo”ti etasmim niddese. Ettha hi aññamaññasahaḷātapaccayabhāvo labbhati. **Vacanenāti** “aññamaññan”ti iminā vacanena pāḷiyaṃ sahaḷātapaccayabhāvassa **asaṅgahitattā**, atthato pana labbhatevāti. Tenāha **“labbhamānepī”**ti. **Tassāti** aññamaññapaccayattassa. **Evanti** “na aññamaññavasenā”ti iminā pakārena. **Samudāyekadesavasena sāmivacananti** avayavāvayavisambandhe avayavini sāmivacananti attho, **niddhāraṇe vā** “kaṇhā gāvīnan”ti-ādīsu viya.

Sahaḷātapaccayaniddesavaṇṇanā niṭṭhitā.

### 8. Nissayapaccayaniddesavaṇṇanā

8. **Kismiñci kāleti idarū na labbhati** sabbadāpi nissayapaccayatāya labbhamānattā. Sahajaṃ purejanti hi vibhāgaṃ anāmasitvā nissayatāmattameva nissayapaccayatā. **Vatthurūpaṃ pañcavokārabhaveti** vatthurūpaṃ pañcavokārabhave cāti ca-saddo luttaniddiṭṭho daṭṭhabbo. **Tassāti** āruppavipākaṭṭhapanassa. **Pakāsetabbattāti** iminā apākaṭṭhapaṇaṃ pākaṭṭhapaṇaṃ katvā vacanena codanā anokāsāti dasseti.

Nissayapaccayaniddesavaṇṇanā niṭṭhitā.

### 9. Upanissayapaccayaniddesavaṇṇanā

9. **Upanissaye tayoti** anantarārammaṇapakatūpanissayappabhede tayo upanissaye. **Anekasaṅgāhakatāyāti** anekesaṃ paccayadhammānaṃ saṅgahaṇato. **Ekanteneva honti** cittaniyamahetubhāvena pavattiniyamato. **Yesu padesūti** yesu kusalādipadesu. **Saṅgahitoti** saṅgahaṇaṃ gato, kusalādipadesu yesaṃ padānaṃyeva anantarūpanissayo labbhātīti attho. **Tesu “kesañci”ti na vuttaṃ.** Kasmā? **Na sakkā vatturū** ekanteneva upalabbhanato. **Tesūti** kusalākusalapadesu. Na hi kusalo akusalassa anantarūpanissayo hoti, akusalo vā kusalassa, ārammaṇapakatūpanissayā pana anekantikā, tasmā tattha “kesañci”ti vuttaṃ. **Siddhānaṃ paccayadhammānanti** paccayabhāvena purimanipphannaṇaṃ kusalādīnaṃ kusalassa akusalassa vāti attho. **Akusalādīhīti** yathāsaṅkhyāṃ akusalena kusalena vā. **Avisesenāti** yathāvuttavisesaṃ niyamaṃ aggahetvā akusalādīsu akusalakusalānaṃ “kesañci”ti-ādīnā.

Anārammaṇattā ārammaṇūpanissayaṃ pubbāparaniyamaṇa appavattito anantarūpanissayaṃ na labbhātīti yojanā. **Pakatassāti** nipphādītassa, upasevitassa vā. Na hi rūpasantānaṇaṃ saddhādīnīpphādanāṃ atthi, utubhojanādi-upasevanāṃ vā sambhavati. Tenāha **“yathā hi -pa-rūpasantānenā”**ti. Nanu ca rūpasantāne pubbenāparaṃ viseso

labbhati, so ca na vinā samānajātiyena kāraṇenāti svāyaṃ  
 pakatūpanissayalābhoti kadāci āsaṅkeyyāti āha “**yasmiñcā**”ti-ādi. Tattha  
**tanti** utubījādikaṃ kammādi ca **tena** rūpena purimanipphanna.  
**Uppādanam** sābhisandhikaṃ daṭṭhabbam. Adhipatīsu pubbābhisankhāro  
 viya **pakappanam** samvidahanam. **Pakaraṇam** vuttalakkaṇena  
 kāraṇabhāvena avatṭhānam, yato kāraṇaviseso “pakatī”ti vuccati. Yad evaṃ  
 kasmā rūpasseva taṃ paṭikkhipīyatīti āha “**yathā ca -pa- daṭṭhabbā**”ti.  
 Evampi utubījādīnam aṅkurādīsu katham paccayavisesabhāvoti āha  
 “**utubījādayo pana -pa- bhāvato**”ti. Upanissayoti ca yasmā balavatākāraṇam  
 adhippetam, tasmā na ettha ekantena purimanipphatti icchitabbā. Yadi evaṃ  
 pāḷiyam katham purimaggahaṇanti āha “**purimapurimānamyeva panā**”ti-ādi.  
 Tepi vā parikkappanavasena purimanipphannāyeva nāma honti. Na hi  
 asaṃviditākāre vatthusmiṃ patthanāpavattīti. Tenāha  
 “**taṃsamānalakkhaṇatāyā**”ti.

**Dhammeti** puggalasenāsanapaññattīnam upādānabhūte dhamme. **Ayam**  
**nayoti** paññattimukhena paññapetabbā tadupādānabhūtā dhammā gayhantīti  
 yathāvutto nayo. **Etthevāti** “senāsanampi upanissayapaccayena paccayo”ti  
 etasmiṃyeva vacane. Katham paccuppanassa pakatūpanissayabhāvoti  
 codanāya “vakkhatī”ti-ādinā āgamaṃ dassetvā yuttim dassetum  
**paccuppanānampi ca tādisānam pubbe pakatattā**”ti vuttam. **Tādisānanti**  
 yādisā utu-ādayo paccupaṭṭhitā, tādisānam tato **pubbe** puretaram **pakatattā**  
 pakatūpanissayayogyatāyā āpāditattā.

Kasiṇādīnampi ārammaṇūpanissayatā sambhavatīti katvā vuttam “**iminā**  
**adhippāyena ‘ekaccāyā’ti āhā**”ti. Tathā hi “kasiṇamaṇḍalam disvā”ti-ādinā  
 tassa upanissayabhāvo aṭṭhakathāyaṃ vutto.

**Arūpāvacarakusalampi upanissayo hoti**, pageva  
 kāmāvacararūpāvacarakusalanti adhippāyo. Tam pana yathā upanissayo  
 hoti, taṃ dassetum “**yasmiṃ kasiṇādīmhi**”ti-ādi vuttam.  
**Anuppanajjhānuppādaneti** rūpāvacarajjhānam sandhāyāha,  
 arūpāvacarajjhāne pana vattabbameva natthi. **Taduppādakakusalānanti** tassa  
 rūpāvacaravipākassa uppādakakusalānam,

rūpāvacarakusalānanti attho. **Paṭisandhinyāmakassāti** rūpāvacarapaṭisandhinyāmakassa. **Cutitoti** rūpāvacarapaṭisandhiyā anantarapaccayabhūtāya cutiyā. **Purimajavanassa vasenāti** cutiyā āsannajavanabhāvena. **Rūpāvacarakusalāṃ arūpāvacaravipākassāti** etthāpi “taduppādakakusalānaṃ”ti-ādinā ānetvā yojetabbaṃ. Yathā ca “rūpāvacarakusalāṃ arūpāvacaravipākassa upanissayo”ti vuttaṃ, evaṃ “kāmaṃvacarakusalāṃ taduppādakakusalānaṃ”ti-ādinā yojetabbaṃ. Lokuttaravipākassa tebhūmakakusalānampi pādakādivasena upanissayabhāvo pakaṭoyeva, tathā taṃtaṃbhūmakakusalānaṃ taṃtaṃbhūmakakiriyānaṃ, kāmaṃvacarakusalassa rūpārūpāvacarakiriyānaṃ, rūpāvacarakusalassa arūpāvacarakiriyāya upanissayabhāvoti imamattaṃ dassento “**evaṃ paccekaṃ -pa- veditabbo**”ti āha. “Saddhaṃ upanissāya dānaṃ deti”ti-ādinā pakatūpanissayo uddesavaseneva pāṭho āgato, na vibhajanavasenāti āha “**pāḷiyampi -pa- vissajjito**”ti. Kusalattikādīsu anulomādibhedibhinnattā **pañhāvāresūti** bahuvacananiddeso.

Lokuttaranibbattaṃ upanissāya parassa sinehuppādane lokuttaradhammā upanissayo viya hontīti ayamettha lesa, bhāvino pana lokuttarassa akusalānaṃ upanissayatā sambhavatīti āha “**na idaṃ sārato daṭṭhabbanti adhippāyo**”ti. **Rūpāvacarādīkusalānanti** rūpārūpāvacaralokuttarakusalānaṃ uppādiyamānassa rūpāvacarakusalassāti yojanā. Rūpāvacarakiriyassa ca arūpāvacaravipāko upanissayo yojanā. Rūpāvacarakiriyassa ca arūpāvacaravipāko upanissayo kathanti āha “**pubbe nivutthādīsu -pa- arahato**”ti. Taṃ taṃ vipākaṃ patthento tassa tassa vipākassa hetubhūtaṃ kusalaṃ nibbattetīti vipākānaṃ kusalūpanissayatāti āha “**catubhūmakā -pa- upanissayo**”ti. Lokiyakusalānaṃ pana lokuttaravipākā upanissayo na hontīti dassento “**yadipi**”ti-ādimāha. Teneva hi “tathā tebhūmakavipāko”ti tebhūmakaggahaṇaṃ kataṃ. Tattha **tenāti** anāgāminā. **Tanti** arahattaphalaṃ. **Tasmāti** adīṭṭhapubbattā. **Tāni viyāti** sotāpattiphalāni viya. **Tesanti** puthujjanādīnaṃ. **Imassāti** anāgāmino. Idaṃ vuttaṃ hoti—yathā puthujjanādīnaṃ santāne jhānādīnaṃ sotāpattiphalādīnaṃ na upanissayapaccayo anupaladdhapubbattā, evaṃ anāgāmino

jhānādīnaṃ aggaphalaṃ upanissayapaccayo adīṭṭhapubbattā. Tenāha **“upaladdhapubbasadisameva hi anāgatampi upanissayo”**ti. Aṭṭhakathāyaṃ pana heṭṭhimaphalānaṃ kusalūpanissayatā vuttā eva.

Yathā vipākā kusalānaṃ, evaṃ kiriyāpi tesāṃ upanissayo hotīti taṃ nayaṃ dassetuṃ **“kiriyaṃ atthapaṭisambhidādin”**ti-ādi vuttaṃ. **Yonisomanasikāre vattabbameva natthīti** catubhūmakakusalassapi yonisomanasikāro upanissayo hotīti ettha vattabbameva natthi, tadatthaṃ yonisomanasikāraṃ pavattentassāti attho. **Tanti** yonisomanasikāraṃ. Akusalassa ca catubhūmakavipākassa upanissayo yonisomanasikāroti yojanā. **evaṃ kiriyassapīti** yathā kusalassa yonisomanasikāraṃ vasena upanissayo vutto, evaṃ kiriyassapi yonisomanasikāraṃ vasena yojetabbanti attho. So hi taṃ upanissāya rāgādi-uppādane akusalassa vuttanayena kusalākusalūpanissayabhāvamukhena catubhūmakavipākassa upanissayo hotiyeva. Yadi kiriyasaṅkhāto -pa- hotiyeva, atha kasmā pakatūpanissayavibhajane kiriyā na gahitā, utubhojanasenāsanāniyeva gahitānīti āha **“nevavipākanavipākadhammadhammesu -pa-nayadassanamattamevā”**ti. **Evamādikanti ādi-saddena** “kusalaṃ dhammaṃ sahaṃjāto abyākato dhammo uppajjati na upanissayapaccayā”ti evamādikaṃ saṅgaṇhāti. Upanissayapariyāyo upanissasaddoti katvā vuttaṃ **“viññāṇūpanisaṃ nāmarūpaṃ, nāmarūpūpanisaṃca saḷāyatananti-ādikenā”**ti. Ettha hi viññāṇassa nāmarūpānaṃ phassarūpādīnaṃ cakkhāyatanādīnaṃca upanissayabhāvo vuttoti.

Upanissayapaccayaniddesavaṇṇanā niṭṭhitā.

## 10. Purejātapaccayaniddesavaṇṇanā

10. Dassitameva nayadassanavasenāti yojanā. Yadi dassitameva, kasmā vuttaṃ **“sāvasesavasena desanā katā”**ti āha **“sarūpena adassitattā”**ti. “Yaṃ yaṃ dhammaṃ purejātaṃ ārabha ye ye dhammā uppajjanti

cittacetāsikā dhammā, te te dhammā tesam tesam dhammānaṃ purejātapaccayena paccayo”ti evaṃ **sarūpena** pāḷiyaṃ **adassitattā**. **Iddhividhābhīṇṇāya cāti ca**-saddena cutūpapātañāṇassapi saṅgaho daṭṭhabbo. Tassapi hi rūpadhammārammaṇakāle **aṭṭhārasasu yaṃ kiñci ārammaṇapurejātaṃ hoti** paccuppannārammaṇattā. “Cavamāne upapajjamāne”ti hi vuttaṃ. Dibbacakkhudibbasotañāṇesu ca vattabbameva natthi.

**Itarassapi abhāvāti** ārammaṇapurejātassapi abhāvā aggahaṇaṃ paṭisandhibhāvinoti yojanā. Satipi kassaci paṭisandhibhāvino ārammaṇapurejāte vibhūtaṃ pana katvā ārammaṇakaraṇābhāvato avijjamānasadisanti katvā vuttaṃ **“itarassapi abhāvā”**ti. Tenevāha **“paṭisandhiyā viya aparibyattassa ārammaṇassa ārammaṇamattabhāvato”**ti. Santīraṇabhāvino manoviññāṇadhātuyāpi ekanteneva purejātapaccayo rūpādīni pañcārammaṇānīti yojanā. Ettha ca “manodhātūnañcā”ti-ādi “tadārammaṇabhāvino”ti padassa purato vattabbo, uppaṭipāṭiyā likhitam.

Purejātapaccayaniddesavaṇṇanā niṭṭhitā.

## 11. Pacchājātapaccayaniddesavaṇṇanā

### 11. Niravasesadassitapurejātadassanavasenāti

“catusamuṭṭhānikatisamuṭṭhānikarūpakāyassā”ti evaṃ niravasesato dassitassa purejātassa paccayuppannassa dasanavasena. Paccayā hi idha kāmāvacararūpāvacaravipākā, tesu kāmāvacaravipāko ca catusamuṭṭhānikarūpakāyassa paccayo, na itaro. Tenevāha **“rūpāvacaravipāko pana āhārasamuṭṭhānassa na hoti”**ti, tasmā “tassevā”ti vuttepi yathārahamattho veditabbo.

Pacchājātapaccayaniddesavaṇṇanā niṭṭhitā.

## 12. Āsevanapaccayaniddesavaṇṇanā

12. Pakārehi guṇitaṃ **paguṇaṃ**, bahukkhattum pavattiyā bhāvitanti attho. Atisayena paguṇaṃ **paguṇataraṃ**, tatoyeva **balavatararaṃ**. Tassa bhāvo, tena paguṇatarabalavatarabhāvena **visiṭṭhaṃ** visesappattam. Svāyaṃ viseso vipāke natthīti āha “**etena vipākābyākatato viseseti**”ti.

Āsevanapaccayaniddesavaṇṇanā niṭṭhitā.

---

## 13. Kammapaccayaniddesavaṇṇanā

13. **Evamaṃsabhāvā**ti kammapaccayena upakāraṇasabhāvā. **Samatthatā**ti ānubhāvo. **Tassā**ti vipākakkhandhakaṭattārūpasāṅkhātassa phalassa. **Kammapaccayabhāvo vuttoti** kammapaccayena paccayabhāvo vutto. **Ekavokāre rūpampī**ti ekavokārepi rūpaṃ na janeti, pageva catuvokāreti attho.

Kammapaccayaniddesavaṇṇanā niṭṭhitā.

---

## 14. Vipākapaccayaniddesavaṇṇanā

14. Yathā hi rūpabhāve saññīnaṃ taṃnibbattitapuññābhisaṅkhāreṇeva rūpuppatti, evaṃ asaññīnampīti tattha kāmāvacarakammunā yathā vipākānurūpānaṃ paccayo honto kesañciyeva hoti, na sabbesaṃ, katthacyeva hoti, na sabbattha, na evaṃ vipākānanti āha “**ekantenā**”ti. **Tesaṃ vasaṇā**ti tesaṃ vipākapaccayalābhīnaṃ vipākakkhandhānaṃ vasaṇa. **Na hīti-ādinā** “ekantenā”ti vuttamatthaṃ byatirekato vibhāveti. **Bhūmidvayavipākoti** kāmāvacararūpāvacaravipāko ārupperūpassa na hi paccayoti yojanā.

Vipākapaccayaniddesavaṇṇanā niṭṭhitā.



### 15. Āhārapaccayaniddesavaṇṇanā

15. Kevalāya oḷāya ajjhoharaṇassa abhāvā “**asitapītādivatthūhi saha ajjhoharitovā**”ti vuttaṃ. Khādanīyabhojanīyappabhede asite tāva kabaḷikāratā hotu, pātabbādike pana kathanti āha “**pātabba -pa- hontī**”ti. Yebhuyyavasena vā evaṃ vuttanti veditabbaṃ.

**Anupālakoti** upatthambhako. **Cittasamuṭṭhānassa** kāyassa **āhārapaccayabhāvo** kabaḷikārāhārassa vicāretvā gahetabbo. Kasmāti ce? Ettha kāraṇamāha “**na hī**”ti-ādīnā. Sati hi paccayabhāve “cittasamuṭṭhāno kabaḷikārāhāro cittasamuṭṭhānassa kāyassa āhārapaccayena paccayo”ti-ādī vattabbaṃ siyā, na pana vuttaṃ, nocittasamuṭṭhānassa pana vuttaṃ. Tenāha “**tividhopi -pa- vutto**”ti.

Āhārapaccayaniddesavaṇṇanā niṭṭhitā.

### 16. Indriyapaccayaniddesavaṇṇanā

16. “Missakattā”ti idaṃ indriyatāya<sup>1</sup> rūpārūpajīvitindriyānaṃ ekajjhaṃ katvā desitattaṃ sandhāya vuttaṃ, tasmā **missakattāti** rūpajīvitindriyamissakattāti attho. **Jīvitindriyanti** arūpajīvitindriyaṃ. **Na sabbena sabbam vajjitabbanti** yathā pañhāpucchake arūpajīvitindriyaṃ missakattā na gahitaṃ, na evamidha arūpajīvitindriyaṃ aggahitanti attho.

**Arūpānaṃ** cakkhuviññāṇādīnaṃ **paccayantarāpekkhāni** āvajjanārammaṇādi-aññapaccayasāpekkhāni **indriyapaccayā siyūṃ** cakkhādīnaṃ rūpārūpānaṃ aññamaññaṃ kadācipi avinibbhuttabhāvassa abhāvato, paccayantarasamodhānāpekkhatāya ca. **Yo pana nirapekkhoti** yathā cakkhādīni paccayantaresu sāpekkhāni, evaṃ sāpekkho ahutvā yo tattha nirapekkho indriyapaccayo hoti avinibbhuttadhammaṇaṃ yathā duvidhampi jīvitindriyaṃ, so attano -pa- natthīti yojanā. **Avinibbhuttānaṃ tesampi** liṅgādīnaṃ **siyūṃ** vinibbhuttānaṃ paccayuppannānaṃ indriyapaccayatābhāvassa adiṭṭhattā. Nanu cakkhu-ādīnaṃ

---

1. Indriyakatāya (Ka)

vinibbhuttānaṃ indriyapaccayabhāvo diṭṭhoti? Saccaṃ diṭṭho, na pana so samānajātiyāti dassento “**na hī**”ti-ādimāha. **Sati cevanti** evaṃ vuttappakāre samānajātiyaṃyeva avinibbhuttassa indriyapaccayabhāve sati **itthipurisindriyehi** saddhim. Sahayoge hi idaṃ karaṇavacanaṃ. Yadipi itthipurisindriyāni līngādīnaṃ kalalādīkāle indriyapaccayatā na phareyyuṃ tesāṃ tadā abhāvato. Ye pana rūpadhammā tadā santi, tehi avinibbhuttāva, tesāṃ kasmā na pharantīti āha “**aññesaṃ panā**”ti-ādi. **Abjīabhāvato** animittabhāvato. **Tadanurūpānanti** kalalādi-avatthānurupānaṃ **atthitaṃ icchanti**, yato “itthī, puriso”ti pakativibhāgo viññāyatīti tesāṃ adhippāyo.

**Kusalajātiyanti** niddhāraṇe bhuttaṃ. Ye pana “kusalajātikaṃ”ti paṭṭhanti, tesāṃ paccattekavacanaṃ. **Visuṃ ekajāti vā bhūmi vā na hoti** tadekadesabhāvato. **Hetu-ādīsupīti ādi**-saddena “akusalāhāresupi eseva nayo”ti evamādikaṃ saṅgaṇhāti. **Esa nayoti** yvāyaṃ “bhūmivasena vuttēsū”ti-ādinā arūpe alabbhamānassa indriyapaccayassa aṭṭhapane atthanayo vutto, esa nayo yojetabboti. **Tathā apaniyāpannakusalahetu, tathā akusalahetūti** etthāpi paṭṭhamāpaniyāpannakusalahetu domanassasahagatākusalahetu ca visuṃ ekajāti bhūmi vā na hontīti āruppe alabbhamānāpi visuṃ na ṭṭhapitāti yojetabbo. Esa nayo “akusalāhāresupi eseva nayo”ti evamādīsu.

Sati saḥajātapaccayatte uppādakkhaṇepi indriyapaccayatā siyāti katvā vuttaṃ “**sahajātapaccayatābhāvaṃ sandhāyā**”ti. Vuttañhi “uppajjamāno saḥajātapaccayatābhāvena upakārako dhammo saḥajātapaccayo”ti<sup>1</sup>. Tassa pana saḥajātapaccayatābhāvo yadipi aṭṭhakathāyaṃ “sahajātapaccayatā pana tassa natthī”ti sarūpeneva dassito, tathāpi taṃ ananujānanto “**uppāda -panivāretūn**”ti vatvā “**vakkhatī**”ti-ādinā tamatthaṃ samattheti. **Kammappaccayasadisanti** hi etena tassa uppādakkhaṇe paccayabhāvo pakāsito. **Pavatte cāti ca**-saddena paṭisandhiyañca kaṭattārūpassa rūpajīvitindriyato añño indriyapaccayo na hi atthīti yojanā.

---

1. Abhi-Ṭṭha 3. 346 piṭṭhe.

**paṭiccavārādayo** sampayuttavārapariyosānā **cha** vārā **uppādakkhaṇameva gahetvā pavattā** “kusalaṃ dhammaṃ paṭicca kusalo dhammo uppajjati hetupaccayā”ti-ādinā, na ṭhitikkhaṇanti adhippāyo. **Evañca katvāti** uppādakkhaṇameva gahetvā pavattattā. **Etesūti** yathāvuttessesu chasu vāresu. Keci pana “rūpajīvitindriyassa anupālanaṃ uppādakkhaṇe na pākaṭaṃ balavañca yathā ṭhitikkhaṇe pacchājātādipaccayalābhato thirabhāvappattiyāssa taṃ pākaṭaṃ balavañca, tasmā ‘ṭhitikkhaṇe’ti vuttaṃ”ti vadanti.

Indriyapaccayaniddesavaṇṇanā niṭṭhitā.

### 17. Jhānapaccayaniddesavaṇṇanā

17. **Somanassadomanassasaṅkhātānīti** somanassadomanassapariyāyena vuttāni, jhānaṅgabhāvavisesanato vā somanassadomanassabhūtāneva sukhadukkhāni jhānaṅgāni, na itarasukhadukkhānīti jhānaṅgabhūtānaṃyeva sukhadukkhānaṃ jhānaṅgabhāvadassanattamaṃ **somanassadomanassaggahaṇaṃ kataṃ**. Idāni yathāvuttameva “**dvipaṅcaviññāṇesū**”ti-ādinā vitthārato vibhāveti, taṃ suviññeyyameva. **Tenāti** visesanabhūtenasomanassadomanassaggahaṇena.

**Abhinipātamattattāti** ārammaṇakaraṇamattabhāvato. **Cintanāpavattiyā** upanijjhāyanapavattiyā. **Yathāvutteneva kāraṇenāti** “upanijjhānākārassa abhāvato”ti etena kāraṇena. **Pubbeti** ādito. **Cattāri aṅgāni vajjitānīti** sattasu aṅgesu dassiyamānesu cattāri aṅgāni vajjitāni. **Aṭṭhakathā hesāti** lesena apakāsetabbatāya kāraṇamāha. **Tisupi ekameva vattabbaṃ siyā**, taṃsamānalakkhaṇatāya itaresaṃ tiṇṇampī gahaṇaṃ hotīti. **Tiṇṇaṃ pana vacanenāti** upekkhāsukhadukkhānaṃ ajhānaṅgatādassanattathena vacanena. **Tato** upekkhādito **aññassa** dhammassa cittekaggatāya **jhānaṅganti uddhaṭabhāvo āpajjati** ajhānaṅgesu aggahitattā. **Yathāvuttakāraṇatoti** “upanijjhānākārassa abhāvato”ti vuttakāraṇato **aññena kāraṇena anuddhaṭabhāvo vā āpajjati** anupanijjhāyanasabhāvehi saddhim aggahitattā upanijjhāyanākārabhāvato aññeneva kāraṇena

cittekaggatāya pāliyaṃ anuddhaṭabhāvo āpajjati. **Taridosapariharaṇatthanti** yathāvuttadosavinimocanattam.

**Ye panāti-**ādi padakāramattadassanaṃ. **Somanassādīhīti** somanassadomanassajhānaṅgupekkhāhi. **Avibhūtabhāvo** upekkhanaṃ. Upekkhā hi avibhūtakiccā vuttā. **Samānānaṃ kesam? Sukhādīnaṃ**, kehi? **Somanassādīhi**, katham? **Sukha -pa-** yuttatāti yojanā. **Na cittekaggatāyāti** sukhādīhi, tadaññehi abhiniropanādīhi ca anindriyakiccatāya ca anupanijjhāyanakiccatāya ca asamānatāya pañcaviññāṇesu cittekaggatāya jhānaṅganti anuddhaṭabhāve kāraṇaṃ na vattabbanti. **Sāti** cittekaggatā. **Etthāti “upekkhāsukhadukkhāni”**ti etasmimaṭṭhakathāvacane na gahitā. **Vicikicchāyuttamanodhātu-ādīsūti** vicikicchāsampayuttacitte manodhātuyā sampaticchanādīsu ca. **Tassāpi** cittekaggatāyapi.

Jhānapaccayaniddesavaṇṇanā niṭṭhitā.

## 18. Maggapaccayaniddesavaṇṇanā

18. **Duvidhampi saṅkappanti** sammāsaṅkappomicchāsaṅkappoti ca evaṃ anavajjasāvajjabhedena duvidhampi. **Vīriyaṃ samādhinti** etthāpi eseva nayo. **Saṅgaṇhitvā** vitakkādibhāvasāmaññena saha gahetvā, ekekameva katvā gahetvāti attho. **Tehi** micchāvācākammantājīvehi. **Idhāti** imasmiṃ maggapaccayaniddese **labbhamānāni ca** maggapaccayabhāvato, ca-saddena **alabbhamānāni ca** maggapaccayattābhāvā. Yadi evaṃ kasmā vuttānīti āha “**maggaṅgavacanasāmaññenā**”ti. Evaṃ pariyāyaniddeso idha kimatthiyoti codanaṃ sandhāyāha “**evañhi suttavohāropi dassito hoti**”ti. **Evaṃ pana dassentenāti** paramatthato amaggaṅgānīpi sutte maggaṅgavohārasiddhiyā idha maggaṅgehi saha dassentena. **Uddhāritvāti** paduddhāraṃ katvā. Idāni micchāvācādīhi saddhiṃ dvādasāṅgāni na dassetabbāni, kasmāti ceti āha “**na hi pāliyaṃ -pa-** vattabbo”ti. **Tappaṭipakkhabhāvato yeva micchāmaggaṅgāni**, na micchādīṭṭhi-ādayo viya sabhāvatoṭi dhippāyo.

Pariyāyanipariyāyamaggaṅgadassanatthepi atthavacane evaṃ na vattabbamevāti dassento “**pariyāya -pa-** adhikaraṇāni”ti āha. Tassātho—

yathā “aññabhāgiyassa adhikaraṇassā”ti ettha pāligata-adhikaraṇasaddapatirūpako añño adhikaraṇasaddo pāligatatadaññasādhāraṇatāya ubhayapadattho uddhaṭo “dhikaraṇam nāma cattāri adhikaraṇāni”ti, evamidhāpi nipariyāyaṃ itarañca maggaṅgaṃ dassetukāmena pāligatatadaññasādhāraṇo maggaṅgasaddo uddharitabbo siyā, tathā na katanti. **Tasmā**ti yasmā pāligatoyeva maggaṅgasaddo uddhaṭo, na tadaññasādhāraṇo, na ca atthuddhāramukhena adhippetattho niyamito, tasmā. **Tesū**ti ahetukacittuppādesu. “Sammādiṭṭhi -pa- samādhayo”ti ettha saṅkappavāyāmasamādhayo sammāmicchāsaddehi visesetvā vuttāti āha “**sammādiṭṭhi-ādayo yathāvuttā santi**”ti. Saṅkappavāyāmasamādhippattā pana tattha keci santiyevāti. Atha vā **sammādiṭṭhi-ādayoti** vuttappakāre sammādiṭṭhi-ādike anavasese sandhāya vuttaṃ. Tenāha “**yathāvuttā**”ti. **Uppattiṭṭhānaniyamanatthattā** na visesanatthattāti dhippāyo.

Maggapaccayaniddesavaṇṇanā niṭṭhitā.

---

## 20. Vippayuttapaccayaniddesavaṇṇanā

20. **Sampayogāsaṅkāvatthubhūtoti** sampayogāsaṅkāya adhiṭṭhānabhūto. Tenāha atṭhakathāyaṃ “arūpino hi khandhā cakkhādīnaṃ vatthūnaṃ abhantarato nikkhamantā viya uppajantī”ti.

Vippayuttapaccayaniddesavaṇṇanā niṭṭhitā.

---

## 21. Atthipaccayaniddesavaṇṇanā

21. Yasmim sati yaṃ hoti, asati ca na hoti, so tassa paccayoti yadidaṃ samāsato paccayalakkhaṇaṃ yaṃ sandhāya sutte vuttaṃ “imasmim sati idaṃ hoti, imasmim asati idaṃ na hotī”ti, tayidaṃ atthipaccaye yojetvā dassento “**yo hī**”ti-ādimvatvā ayañca nayo nibbāne na labbhati, tasmā nibbānaṃ atthipaccayabhāvena na uddhaṭanti dassetuṃ “**nibbānañca -pa-upakāraṃ hotī**”ti āha. Tena

paccayadhammānaṃ paccayabhāvo viśesato byatirekamukhena pākaṭo hotīti dasseti. **Natthibhāvopakāraḥatāvīruddho**ti natthipaccayabhāvavīruddho. Vigatāvīgatapaccayā viya hi aññaṃaññaṃ ujupaccanīkabhāvena ṭhitā natthipaccayā. **Na nibbānaṃ atthipaccayo** natthibhāvopakāraḥatā-avīroddhato. Ye hi atthipaccayadhammā, te natthibhāvopakāraḥatāvīruddhā eva diṭṭhāti adhippāyo.

Sati ca uppannatteti sambandho. Yesaṃ paccayā honti āhārīndriyāti yojanā. **Ekato**ti saha. **Sahajātādīpaccayattābhāvato**ti sahajātapurejātapacchājātapaccayattābhāvato. **Tadabhāvoti** sahajātādīpaccayattābhāvo. **Etesanti** atthipaccayatāvasena pavattamānānaṃ āhārīndriyānaṃ. **Dhammasabhāvavasena**ti dhammatāvasena. Dhammatā hesā, yadidaṃ paccayuppannehi saha puretaraṃ pacchā ca labbhamānā āhārīndriyā tesāṃ atthipaccayā honti, na sahajātādīpaccayāti. Yathā vā cakkhādīdvārānaṃ rūpādī-ārammaṇānaṃ satīpi niyatavuttītiyā dvārārammaṇato viññāṇassa chabbīdhabhāve ārammaṇamanāmasītvā, dvārato dvārāmanāmasītvā ārammaṇato chabbīdhatā vuccati, evamidhāpi āhārīndriyānaṃ paccayuppannehi satīpi sahajātādībhāve arūpakkhandhādīvasena sahajātādībhēdabhīnassa atthipaccayassa dassītatā pañhāvāre āhārīndriyānaṃ vasena āgate catutthapañcamakoṭṭhāsabhūte atthipaccayavīśese sahajātādībhēdaṃ āmasītuṃ na labbhatīti dassetuṃ aṭṭhakathāyaṃ “āhāro īndriyāñca sahajātādībhēdaṃ na labhati”ti vuttaṃ, na pana āhārīndriyēsu sahajātādībhāvassa abhāvato. Evampettha attho daṭṭhabbo.

Atthipaccayanīddesavaṇṇanā niṭṭhitā.

## 22-24. Natthīvigata-avīgatapaccayanīddesavaṇṇanā

22-24. **Etthā**ti natthipaccayē. **Nānanti** nānattaṃ. **Etenā**ti anantarapaccayato natthipaccayassa vīśesamattadīpanena “paccayalakkhaṇameva hettha nāna”ti īminā vacanena. **Atthoti** dhammo. **Byañjanasaṅgahī**ti

“natthipaccayo vigatapaccayo”ti evamādi byañjanena saṅgahite. **Paccayalakkhaṇamatteti** ettha pavatti-okāsādānena upakāraḱā arūpadhammā, vigatabhāvena upakāraḱāti evamādike paccayānaṁ lakkhaṇamate.

Paccayaniddesavaṇṇanā niṭṭhitā.

### Paccayaniddesa pakiṇṇakaviniccha yakathāvaṇṇanā

**Ādimapāṭho**ti purimapāṭho. **Tathā ca satīti** dosassapi sattarasahi paccayehi paccayabhāve sati. Adhipatipaccayabhāvopissa anuññāto hotīti āha “**dosassapi garukaraṇaṁ pāliyaṁ vattabbaṁ siyā**”ti. “Sesānaṁ”ti vacaneneva nivāritoti kadāci āsaṅkeyyāti taṁnivattanatthamāha “**na ca sesānaṁ**”ti-ādi. **Purejātādīhīti** purejātakammāhārajhānindriyamaggavipākapaccayehi. **Tannivāraṇatthanti** tassa yathāvuttadosassa nivāraṇattham. **Visuṅca aggahetvāti** lobhamohā vipākapaccayāpi na honti, tathā dosoti evaṁ visuṅca aggahetvā. Phoṭṭhabbāyatanam kāyaviññāṇadhātuyā ārammaṇādipaccayo hontaṁyeva pathavī-ādisabhāvattā attanā saha jātānaṁ saha jātādipaccayā hontiyevāti vuttaṁ “**phoṭṭhabbāyatanassa saha jātādipaccayabhāvaṁ dasseti**”ti. “Sabbadhamānaṁ”ti “sabbe dhammā manoviññāṇadhātuyā taṁsampayuttakānaṁca dhammānaṁ ārammaṇapaccayena paccayo”ti ettha vutte sabbadhamme sandhāyāha “sabbadhamānaṁ yathāyogaṁ hetādipaccayabhāvaṁ dasseti”ti. **Na hi etaṁ -pa- bhāvadassanaṁ**, atha kho ekadhammassa anekapaccayabhāvadassanaṁ, tasmā “etena phoṭṭhabbāyatanassā”ti-ādi vuttanti adhippāyo. **Rūpādīnanti** rūpāyatanādīnaṁ.

**Bhedāti** visesā. **Bhedam anāmasitvāti** cakkhuvīññāṇadhātu-ādivisesaṁ aggahetvā. **Te evāti** yathāvuttavisesānaṁ sāmāññabhūte khandhe eva. Yaṁ sandhāya “evaṁ na sakkā vattun”ti vuttaṁ, taṁ vibhāvetuṁ “**na hi**”ti-ādi vuttaṁ. **Paṭṭhānasaṁvaṇṇanā hesāti** etena sutte vuttapariyāyamaggabhāvenettha na sakkā micchāvācādīnaṁ maggapaccayaṁ vattunti dasseti. **Sesapaccayabhāvoti** maggapaccayaṁ ṭhapetvā yathāvuttehi sesehi

aṭṭhārasahi paccayeti paccayabhāvo. **Adhipatipaccayo na hotīti** ārammaṇādhipatipaccayo na hoti. **Tanti** vicikiccham. **Tatthāti** yathāvuttesu ahirikādīsu.

**Dasadhā paccayā honti, puna tathā hadayavatthunti** idaṃ atthamattavacanam. Pāṭho pana “hadayavatthu tesañceva vippayuttassa ca vasena dasadhā paccayo hotī”ti veditabbo.

**Rūpasaddagandharasāyatanamattamevāti** idaṃ rūpādīnam saha-jātapaccayatāya viya nissayapaccayatāya ca abhāvato, purejātapaccayatāya ca bhāvato vuttam. **Etānīti** yathāvuttāni rūpasaddagandharasārammaṇāni. **Sabbātikantapaccayāpekkhāti** “ekadhammassa anekapaccayabhāvato”ti etasmim vicāre hetu-ādi-atikkantapaccayāpekkhā **etesam** rūpādīnam **apubbatā natthi**, atha kho ārammaṇa-ārammaṇādhipati-ārammaṇūpanissayapaccayāpekkhā. Na hi rūpādīni hetusahajātādhipati-ādivasena paccayā hontīti. **Tassāti** rūpajīvitindriyassa **purejātapaccayabhāvato apubbatā**, tasmā tam ekūnavīsatividho paccayo hotīti vuttam hoti. **Sattadhā paccayabhāvo yojetabbo**, na hi oṇā purejātapaccayo na hotīti.

**Atthoti** vā hetu-ādidhammānam sabhāvo veditabbo. So hi attano paccayuppannehi araṇīyato upagantabbato, nāṇena vā nātābbato “attho”ti vuccati. **Ākāro**ti tasseva pavatti-ākāro, yena attano paccayuppannānam paccayabhāvam upagacchatīti evamettha attho daṭṭhabbo. **Tam pana** vippayuttam. “Sattahākārehi”ti paṭṭhānassa kāraṇamāha “**ukkaṭṭhaparicchedo hī**”ti-ādinā.

**Yaṃ kammappaccayo -pa- daṭṭhabbam** āsevanakammappaccayānam paccayuppannassa anantarattānatāya. Sahajātampi hi anantamevāti. **Koci panetthāti** ettha etasmim pakatūpanissayasamudāye koci tadekadesabhūto kammabhāvo pakatūpanissayoti attho. **Tatthāti** “yadidaṃ ārammaṇapurejāte panettha indriyavippayuttapaccayatā na labbhatī”ti vuttam, tasmim, tasmim vā ārammaṇapurejātaggaṇe. **Vatthussa vippayuttapaccayatā labbhatīti na vattabbā**. Na hi ārammaṇabhūtam vatthu vippayuttapaccayo hoti, atha kho nissayabhūtamevāti. **Ito uttarīti** ettha “**ito**”ti idaṃ paccāmasanam purejātam vā sandhāya ārammaṇapurejātam vā. Tattha paṭṭhāmanayam apekkhitvā



vuttaṃ “**purejātato paratopi**”ti. Tena kammā dipaccayesupi vakkhamānesu labbhamānālabbhāmānaṃ veditabbanti vuttaṃ hoti. Dutiyaṃ pana nayaṃ anapekkhitvā aṭṭhakathāyaṃ āgatavasena vuttaṃ “**ito vā indriyavippayuttato**”ti, attanā vuttanayena pana “**nissayindriyavippayuttato vā**”ti. Tattha vattabbaṃ sayamevāha “**ārammaṇādhipatī**”ti-ādi. **Kammādisu labbhamānālabbhāmānaṃ na vakkhati** “ito uttari”ti-ādinā pageva atidesassa katattā, tasmā purimoyeva purejātatoṇi vutta-atthoyeva adhippeto.

“Maggapaccayataṃ avijahantovā”ti iminā ca maggapaccayo vuttoti “maggavajjānaṃ navannaṃ”ti vuttaṃ **pacchimapaṭṭhe, purimapāṭṭhe** pana “maggapaccayataṃ avijahantovā”ti vuttattā eva maggapaccayena saddhim saha-jātādipaccayā gahetabbāti “dasannaṃ”ti vuttaṃ. Tattha pacchimapaṭṭhe “ekādasahākārehi”ti vattabbaṃ, purimapāṭṭhe “dvādasahi”ti.

**Samanantaraniruddhatāya ārammaṇabhāvena cāti vijjamānampi** visesamanāmasitvā kevalaṃ samanantaraniruddhatāya ārammaṇabhāvena, na ca samanantaraniruddhatā-ārammaṇabhāvasāmaññenāti attho. “Iminā upāyenā”ti paccayasabhāgatādassanena paccayavisabhāgatādassanena ca vuttaṃ padadvayaṃ ekajjhaṃ katvā paduddhāro katoti dassento “**hetu-ādināṃ saha-jātānaṃ -pa- yojetabbā**”ti āha. Hetu-ārammaṇādināṃ saha-jātāsaha-jātābhāvena aññamaññavisabhāgatāti yojanā. **Evamādināti ādi-**saddena purejātānaṃ cakkhādīnaṃ rūpādīnaṃca purejātābhāvena sabhāgatā, pavattiyaṃ vatthukhandhādīnaṃ purejātapaṭṭhājātānaṃ purejātapaṭṭhājātābhāvena visabhāgatāti evamādinampi saṅgaho daṭṭhabbo. Hetunahetu-ādibhāvatopi cettha yugaḷakato viññātabbo vinicchayo. Hetupaccayo hi hetubhāvena paccayo, itare tadaññabhāvena. Evamita resupi yathārahaṃ yugaḷakato veditabbo.

**Ubhayappadhānatāti** jananopatthambhanappadhānatā. **Ṭhānanti** padassa atthavacanāṃ **kāraṇabhāvoti** vināpi bhāvapaccayaṃ bhāvapaccayassa attho ñāyatīti. **Upanissayaṃ bhindantenāti** anantarūpanissayapakatūpanissayavibhāgena vibhajantena. **Tayopi upanissayā vattabbā** upanissayavibhāgabhāvato. **Upanissayaggahaṇameva kātabbaṃ** sāmāññarūpena. **Tatthāti** evamavaṭṭhite

anantarūpanissayapakatūpanissayoti **bhindanaṃ** vibhāgakaraṇaṃ yadi **pakatūpanissayassa rūpānaṃ paccayattābhāvadassanattamaṃ**, nanu ārammaṇūpanissaya-anantarūpanissayāpi rūpānaṃ paccayā na hontiyevāti? Saccamaṃ na honti, te pana dassitanayāti tadekadesena itarampi dassitameva hotīti imamatthamaṃ dassento “**ārammaṇaṃ -pa- daṭṭhabban**”ti āha. **Tamsamānagatikattā**ti tehi anantarādīhi samānagatikattā arūpānaṃyeva paccayabhāvato. **Tanti** purejātapaccayaṃ. **Tatthā**ti anantarādīsu paṭṭhitvā.

Paccayaniddesapakiṇṇakanicchayakathāvaṇṇanā niṭṭhitā.

### Pucchāvāra 1. Paccayānulomavaṇṇanā

**Ekekaṃ tikaṃ dukañcā**ti kusalattikādīsu bāvīsatiyā tikesu hetudukādīsu sataṃ dukesu ekekaṃ tikaṃ dukañca. **Na tikadukanti** tulyayogīnaṃ na tikadukanti attho. Tikavisiṭṭhaṃ pana dukamaṃ, dukavisiṭṭhañca tikaṃ, tikavisiṭṭhatikadukavisiṭṭhadukesu viya nissāya upari desanā pavattā evāti.

**Ye kusalādiddhamme paṭiccāti vuttā** “kusalaṃ dhammaṃ paṭicca kusalo dhammo uppajjati hetupaccayā”ti-ādīsu, **te** kusalādiddhammā **paṭiccatthamaṃ pharantā** hetu-ādipaccayaṭṭhaṃ sādhentā kusalādipaccayā cevāti attho. **Tenevā**hāti yasmā paccayadhammānaṃ paccayuppannesu paṭiccatthapharaṇaṃ ubhayesaṃ tesamaṃ sahabhāve sati, nāññathā. Teneva kāraṇenāha “**te ca kho sahajātāvā**”ti. **Teti** hetu-ādipaccayā. Tesu hi hetusahajāta-aññamaññanissayādayo sahajātā, anantarasamanantarādayo asahajātā paccayā hontīti. Etehi dvīhi vārehi itaretaratthabodhanavasena pavattāya desanāya kiṃ sādhitamaṃ hotīti āha “**evañca niruttikosallaṃ janitaṃ hotī**”ti.

**Te te pañhe uddharitvāti** “siyā kusalo dhammo kusalassa dhammassa hetupaccayena paccayo”ti-ādayo ye ye pañhā vissajjanaṃ labhanti, te te pañhe uddharitvā. **Pamādalekhā esāti** idamaṃ “kusalo hetu hetusampayuttakānaṃ dhammānaṃ”ti likhitaṃ sandhāya vuttaṃ. Paṭiccasahajātavāresu sahajātapaccayo, paccayanissayavāresu nissayapaccayo,

saṁsaṭṭhasampayuttavāresu sampayuttapaccayo ekantikoti katvā vuttoti āha “**purimavāresu -pa- niyametvā**”ti. **Tatthāti** tesu purimavāresu chasu. **Navīññāyanti** sarūpato anuddhaṭṭā. **Evamādīhi** pañhehi. **Hetādipaccayapaccayuppannesūti** hetu-ādīsu paccayadhammesu sampayuttakkhandhādibhededesu tesam paccayuppannesu. Niddhāraṇe cetam bhummaṁ. **Hetādipaccayānaṁ nicchayābhāvato** “ime nāma te hetu-ādayo paccayadhammā”ti nicchayābhāvato sarūpato aniddhāritattā. Yathā hi nāma nānājaṭājaṭitam gumbantaragatañca taṁsadiṣaṁ sarūpato adissamānaṁ idaṁ tanti na vinicchiniyati, evaṁ nātuṁ icchitopi attho sarūpato aniddhārito nijjaṭo nigumbo ca nāma na hoti nicchayābhāvato, sarūpato pana tasmim niddhārite tabbisayassa nicchayassa vasena puggalassa asambuddhabhāvāppattiyā<sup>1</sup> so pañho nijjaṭo nigumbo ca nāma hotīti āha “**nicchayābhāvato te pañhā nijjaṭā nigumbā ca katvā na vibhattā**”ti, “**na koci pucchāsaṅgahito -pa- vibhattā**”ti ca. **Tanti** pañhāvissajjanaṁ **sandhāya nijjaṭatā na vuttā**, atha kho nicchayuppādananti adhippāyo.

**Ṭhapanam** nāma idha vineyyasantāne paṭiṭṭhapanam, taṁ pana tassa atthassa dīpanam jotananti āha “**pakāsītattā**”ti. **Pakārehīti** hetu-ādipaccayappakārehi, kusalādipaccayapaccayuppannappakārehi vā.

25-34. Parikappanam vidahananti katvā āha “**parikappapucchāti vidhipucchā**”ti. **Siyāti** bhavyeyāti attho. **Eso vidhi kiṁ atthīti** etena “siyā”ti vidhimhi kiriyāpadaṁ. Pucchā pana vākyatthasiddhā veditabbā. Tameva hi vākyatthasiddham puccham dassetum aṭṭhakathāyampi “**kiṁ so kusalam dhammam paṭicca siyā**”ti vuttam. **Sāmpucchanaṁ parikappapucchāti** tasmim pakkhe hi kiriyāya padeneva pucchā vibhāvīyatīti vuttam hotīti. “Siyā kusalam dhammam paṭicca kusalo dhammo uppajjeyya hetupaccayā”ti ettha “kusalam dhammam paṭicca hetupaccayā”ti ubhayamidaṁ paccayavacanaṁ, “kusalo dhammo uppajjeyyā”ti paccayuppannavacanaṁ. Tesu paccayadhammassa paccayabhāve vibhāvite paccayuppannassa uppatti atthato vibhāvītāyeva hotīti paccayadhammova pucchitabbo. Tattha ca paccayadhammavisiṭṭho paṭiccattho vā pucchitabbo siyā paccayavisiṭṭho vāti duvidhā pucchitabbāyeva atthavikappā aṭṭhakathāyaṁ vuttā. Tesu paṭhamasmim

1. Asammulhabhāvāppattiyā (Ka)

pucchā sadosāti dassento “**yo kusalo dhammo uppajjeyyā**”ti-ādimāha. Tattha **sabbapucchānaṃ pavattitoti** kusalamūlādīnaṃ sattasattapucchānaṃ pavattanato, **uppajjamānaṃ** kusalam. **Tehi paccayehīti** pacchājātavipākapaccayehi **uppatti anuññātāti āpajjati**, na ca taṃ yuttanti adhippāyo. **Tarītaṃpaccayāti** tato tato yonisomanasikārādipaccayato. **Bhavanamatthitā ettha na ca pucchitāti** “kiṃ siyā”ti vuttayojanāya dosamāha. **Evañca katvāti** uppattiyā eva pucchitattā.

**Tatthāti** “atha vā”ti-ādinā vutte atthantare. **Uppajjeyyāti uppattim anujānitvāti** “uppajjeyyā”ti ettha vuttam kusalapaccayaṃ uppattim anujānitvā. **Tassāti** uppattiyā. **Bhavanapucchananti** hetupaccayā bhavanapucchānaṃ na yuttanti sambandho. Puna **tassāti** hetupaccayā uppattiyā. **Bhavanapucchananti** kevalam bhavanapucchānaṃ. **Tasmāti** yasmā vuttanayena ubhayatthāpi uppatti-anujānanamukhena bhavanapucchānaṃ ayuttam, tasmā. Anujānanañca aṭṭhakathāyaṃ vutte atthavikappadvaye atthato āpannam, taṃ ananujānanto āha “**ananujānitvāvā**”ti-ādi. **Saṃpucchanamevāti** iminā saṃpucchane “uppajjeyyā”ti idaṃ kiriyāpadanti dasseti. Yadi evaṃ “siyā”ti idaṃ kathanti āha “**siyāti -pa- pucchati**”ti. **Ayam nayoti** “siyā”ti-ādinā anantaravutto atthanayo. **Na viññāyati** anāmaṭṭhavisessatā. **Dvepi pucchāti** sambavanapucchā tabbisesapucchā cāti duvidhāpi pucchā **ekāyeva pucchā** saṃpucchanabhāvato ekādhikaraṇabhāvato ca.

**Gamanussukkavacananti** gamanassa ussukkavacanaṃ. Gamanakiriyāya yathā attano kattā upari kattabbakiriyāya yogyarūpo hoti, evameva ṭhānaṃ gamanussukkanam tassa bodhanaṃ vacanaṃ. Evaṃbhūtā ca kiriyā yasmā atthato kiriyantarāpekkhā nāma hoti, tasmā vuttam “**gamanassa -pa- attho**”ti. Katham panetasmim sahajātapaccayapaṭṭhāne paṭiccavāre paṭiccasaddassa pacchimakālakiriyāpekkhatāti codanaṃ manasi katvā āha “**yadipi**”ti-ādi. Tenetaṃ dasseti “**asatipi paṭi-ayanuppajjanānaṃ kālābhede aññatra hetuphalesu dissamānaṃ purimacchimakālatam** hetuphalatāsāmaññato idhāpi samāropetvā ruḥhīvasena purimacchimakālavohāro kato”ti. Tenāha “**gahaṇappavatti-ākāravasena -pa- datṭhabbo**”ti. Tattha **attapaṭilābho** uppādoti attho.

**Gamananti** “paṭiccā”ti ettha labbhamānaṃ ayanakiriyaṃ pariyāyantarenāha. Sā panatthato pavatti, pavatti ca dhammānaṃ yathāpaccayaṃ uppattiyeva. Sabhāvadhammānañhi uppattiyaṃ loke sabbo kiriyākāraṅkavohāro, tasmā “paṭiccā”ti ettha labbhamānaṃ yaṃ paṭi-ayanāṃ paṭigamaṇaṃ atthato paṭi-uppajjamānaṃ, tañca gacchantādi-apekkhāya hotīti āha “**gacchantassa paṭigamaṇaṃ, uppajjantassa paṭi-uppajjanaṃ**”ti. Tayidaṃ gamanaṃ paṭigamaṇaṃ, uppajjanaṃ paṭi-uppajjanaṃ samānakiriyaṃ. Kathaṃ? Yasmā **paṭikaraṇaṃ paṭisaddattho**. Tasmāti yasmā sahaṃjātapaccayabhūtaṃ uppajjantassa paṭi-uppajjanaṃ “paṭicca uppajjati”ti ettha attho, tasmā. **Tadāyattuppattiyāti** sahaṃyoge karaṇavacanaṃ, karaṇatthe, hetutthe vā, tasmim̄ uppajjamāne kusaladhamme āyattāya paṭibaddhāya uppattiyā saheva paṭigantvāti attho. Tena paṭi-ayanattalābhānaṃ samānakālaṭaṃ dasseti. Tenevāha “**sahaṃjātapaccayaṃ katvāti vuttaṃ hoti**”ti-ādi. Nānu ca samānakālakiriyaṃ idiso saddappayogo natthi, purimakālakiriyaṃ eva ca atthīti? Nāyamekanto samānakālakiriyaṃ pi kehici icchitattā. Tathā hi—

“Nihantvā timiraṃ loke, uditto sataraṃsami.

Lokekacakkhubhūtoya-matthameti divākaro.

Sirīvilāsarūpena, sabbasobhāvibhāvinā.

Obhāsetvādito buddho, sarataṃsi yathā paro”ti—

ca payogā dissanti.

35-38. **Tāsūti** dukamūlakanāya hetārammaṇaduke ekūnapaññāsapucchā, tāsū. **Hetārammaṇaduketi** “hetupaccayā ārammaṇapaccayā”ti evaṃ hetupaccaya-ārammaṇapaccayānaṃ vasena āgate paccayaduke. **Dvinnāṃ pucchānaṃ dassitattāti** yasmim̄ vācanaṃ magge kusalapadamūlā kusalapadāvasānā, kusalādipadattayamūlā kusalādipadattayāvasānā ca ekūnapaññāsayā pucchānaṃ ādipariyosānabhūtā dve eva pucchā dassitā, taṃ sandhāya vuttaṃ. **Etthāti** etasmim̄ paṇṇattivāre **pucchānaṃ vutto** na paccayānanti attho. Pucchāya hi vasena hetupaccaye hetupaccayaṃ khātāṃ ekamūlaṃ etassāti ekamūlako, nayasaddāpekkhāya cāyaṃ pulliṅganiddeso. Evaṃ ārammaṇapaccayamūlakādīsu. Tathā

hetu-ārammaṇapaccayasāṅkhātāni dve mūlāni etassāti dvimūlakoti-ādinā yojetabbā. Paccayānaṃ pana vuccamāne paṭhamanayassa ekamūlakatā na siyā. Na hi tattha paccayantaraṃ atthi, yaṃ mūlabhāvena vattabbaṃ siyā. Tenāha “**paccayānaṃ pana vasenā**”ti-ādi. **Hetārammaṇadukādīnanti** avayave sāmivacanaṃ, adhipati-ādīnanti sambandho. **Tato paraṃ mūlassa abhāvato sabbamūlakaṃ** anavasesānaṃ paccayānaṃ mūlabhāvena gahitattā. Na hi mūlavantabhāvena gahitā paccayā mūlabhāvena gayhanti. **Paccayagamanam pāḷigamananti viññāyati** abhidheyānurūpaṃ līngavacanaṃti katvā. **Idhāti** anulome. **Ca-saddo** upacayattho. So tevīsati mūlassa sabbamūlabhāvaṃ upacayena vuccamānaṃ joteti.

39-40. **Evam satīti** “ārammaṇapaccayā hetupaccayā”ti ārabhitvā “ārammaṇapaccayā avigatapaccayā, ārammaṇapaccayā hetupaccayā”ti evaṃ vācanāmagge sati. Cakkabandhanavasena pāḷigati āpajjatu, ko dosoti kadāci vadeyyāti āha “**heṭṭhimasodhanavasena ca idha abhidhamme pāḷi gatā**”ti. Tathā hi khandhavibhaṅgādīsipi pāḷi heṭṭhimasodhanavasena pavattā. Gaṇanacārena tamatthaṃ sādhetum “**evaṅca katvā**”ti-ādi vuttaṃ. **Ārammaṇādīsūti** ārammaṇamūlakādīsū navesu. **Tasmim tasminti** tasmim tasmim ārammaṇādipaccaye. **Suddhikatoti** suddhikanayato. **Tasmāti** ārammaṇamūlakādīsū suddhikanayassa alabbhamānattā. **Ekamūlakanayo datṭhabbo** ārammaṇamūlaketi adhippāyo. “**Ārammaṇapaccayā -pa-avigatapaccayāti vā**”ti-ādi tādīsaṃ vācanāmaggaṃ sandhāya vuttaṃ. Yattha “ārammaṇapaccayā hetupaccayā, ārammaṇapaccayā adhipatipaccayā, ārammaṇapaccayā -pa-avigatapaccayā”ti evaṃ ārammaṇamūlake anantarapaccayamūlabhūtā ārammaṇapaccayapariyosānameva ekamūlakaṃ dassetvā upari avasiṭṭha-ekamūlakato paṭṭhāya yāva sabbamūlake vigatapaccayā, tāva saṃkhipitvā avigatapaccayova dassito. Tenāha “**ekamūlakesū**”ti-ādi. Ito paresupi edisesu ṭhānesu eseva nayo. **Mūlameva dassetvāti** adhipatimūlake ekamūlakassa ādimeva dassetvā. **Na suddhikadassananti** na suddhikanayadassanaṃ. “Suddhikanayo hi<sup>1</sup> visesābhāvato ārammaṇamūlakādīsū na labbhatī”ti hi vuttaṃ. **Nāpi**

---

1. So ca (Mūlaṭṭikāyaṃ)

sabbamūlake katipayapaccayadassanaṃ upari sabbamūlake ekamūlakassa āgatattā.

41. **Ekasmiñcāti** avigatamūlakādike ca naye. **Saṅkhepantaragatoti** saṅkhepassa saṅkhipitassa abbhantaragato, saṅkhipitabboti attho. **Majjhimānaṃ dassananti** majjhimānaṃ nayato dassanaṃ, aññathā saṅkhepo eva na siyā. **Gatidassananti** antadassanaṃ akatvā pāḷigatiyā dassanaṃ, tañca ādito paṭṭhāya katipayadassanameva. **Tena** vigatapaccayuddhāraṇena **osānacatukkaṃ dasseti** avigatamūlake vigatapaccayassa osānabhāvato. **Sabbamūlakassa avasānena** “vigatapaccayā”ti padena.

Yathā hetu-ādināṃ paccayānaṃ uddesānupubbhiyā dukatikādiyojanā katā, evaṃ tatha ārammaṇādīpaccaye laṅghitvāpi sakkā yojanaṃ kātum, tathā kasmā na katā? Yadi pi anavasesato paccayānaṃ mūlabhāvena gahitattā kesañci kehici yojane atthaviseso natthi, ārammaṇamūlakādīsu pana ārammaṇādhipatidukādīnaṃ hetumūlake ca hetu-adhipati-anantaratikādīnaṃ taṃtaṃnavasiṭṭhapaccayehi yojanāya attheva viseso, evaṃ santepi yasmā uppaṭipāṭiyā yojanā na sukhaggahaṇā, sakkā ca ñāṇuttarena puggalena yathādassitena nayena yojitunti uppaṭipāṭiyā paccaye aggahetvā paṭipāṭiyāva te yojetvā dassitāti imamattamāha “**ettha cā**”ti-ādinā.

**Tañcā gamaṇaṃ yuttanti** yaṃ sabbehi tikehi ekekassa dukassa yojanāvasena pāḷigamaṇaṃ, taṃ yuttaṃ tikesu dukānaṃ pakkhepabhāvato. **Tatthāti** dukesu. **Ekekasminti** ekekasmim dukatike. **Nayāti** anulomanayādayo vāre vāre cattāro nayā, **pucchā** pana sattavīsati. Yadi evaṃ kasmā hetudukena samānāti? Taṃ tikapadesu paccekam hetudukassa labbhamānassa hetudukabhāvasāmaññato vuttaṃ.

**Vuttanayenāti** “na hī”ti-ādinā dukatike vuttanayena. Tattha hi na dukassa yojanā atthi, atha kho dukānaṃ ekekena padena tikassa yojanā. Tenāha “**ekeko tiko dukasatena yojito**”ti. **Ekekasminti** tikaduke.

**Tikādayo cha nayāti** “tikañca paṭṭhānavaran”ti-ādinā gāthāyaṃ vuttā tikapaṭṭhānādayo cha nayā. **Sattavidhampīti** vārabhedena sattadhā bhinditvā vuttampi. **Anulomanti** paccayānulomaṃ anulomabhāvasāmaññena **saha gahetvā**. Tathā **catubbidhampi tikapaṭṭhānaṃ** tikapaṭṭhānatāsāmaññena, **dukapaṭṭhānādīni** ca cattāri cattāri taṃsāmaññena **saha gahetvā**. **Imamatthaṃ gahetvā** “tikañca paṭṭhānavaran”ti gāthāya adhippāyavibhāvanavasena “**anulomamhī**”ti-ādinā vuttaṃ imamatthaṃ gahetvā. **Sattappabhedeti** paṭiccavārādivasena sattappabhedo. **Chapi ete** tikādibhedena catucatuppabhedā dhammānulomādivasena cha uddharitabbāti idaṃ dassetīti yojanā. Ayañhettha saṅkhepattho—  
dhammānulomādivibhāgabhinnaṃ tikādibhāvasāmaññena ekajjhaṃ katvā vuttā tikapaṭṭhānādisaṅkhātā tikādayo cha dhammanayā paṭiccavārādivasena vibhajiyamānā tattha tattha niddhāriyamāne anulomatāsāmaññena anulomanti ekato gahite paccayānulome suṭṭhu ativiya gambhīrāti. Aṭṭhakathāyaṃ pana “idha pana ayaṃ gāthā tasmim dhammānulome paccayānulomaṃ sandhāya vuttā”ti dhammānulomo paccayānulomassa visesanabhāvena niyametvā vutto. Esa nayo paccanīyagāthādīsipi. tikapaṭṭhānassa dukapaṭṭhānassa ca pubbe attho vuttoti āha “**dukatikapṭṭhānādīsū**”ti. **Tikehi paṭṭhānanti** tikehi nānappakārato paccayavibhāvanam, tikehi vā nāṇassa pavattanaṭṭhānam. Dukasambandhi tikapaṭṭhānam, dukavisiṭṭhānam vā tikānam paṭṭhānam dukatikapaṭṭhānanti imamatthaṃ dassento “**dukānan**”ti-ādimāha. **Dukādivisesitassāti** dukādīpadavisesitassa **dukādibhāvo daṭṭhabbo** “hetum kusasaṃ dhammaṃ paṭicca, nahetum kusalaṃ dhammaṃ paṭicca”ti-ādivacanato.

Paccayānulomavaṇṇanā niṭṭhitā.

## Pucchāvāra 2. Paccayapaccanīyavaṇṇanā

42-44. **Yāvāti** pālīpadassa atthavacanam **yatthakoti** āha “**pabhedo**”ti. **Atthi** tevīsatiṃmūlakassāti attho. **Tāva tattakam** pabhedam. **Tatthāti** anulome āgatanti attho. **Nayadassanavasena**



**dassitaṃ, kinti? Ekekassa padassa vitthāraṃdasseti. Avasesassa paccayassa mūlavantabhāvena gahitassa.**

Paccayapaccanīyavaṇṇanā niṭṭhitā.

---

### **Pucchāvāra 3. Anulomapaccanīyavaṇṇanā**

45-48. Puna **tatthā**ti anulome. **Paccayapadānī**ti paccayā eva padāni paccayapadāni. **Idhā**ti anulomapaccanīye. **Suddhikapaccayānanti** paccayantarena avomissānaṃ paccayānaṃ, anulomapaccanīyadesanaṃ vakkhamānaṃ sandhāyāti attho.

Anulomapaccanīyavaṇṇanā niṭṭhitā.

Pucchāvāravaṇṇanā niṭṭhitā.

---

### **1. Kusalattika 1. Paṭiccavāravaṇṇanā**

#### **1. Paccayānuloma 1. Vibhaṅgavāravaṇṇanā**

53. Tikapadānaṃ tikantarapadehi visadisatā pākaṭāyevāti vuttam **“tikapadanānattamattena vinā”**ti. **Mūlāvāsānavasena**ti “ekamūlekāvasānaṃ navā”ti-ādinā vuttamūlāvāsānavasena. “Na tāyeva vedanāttikādīsū”ti ettha yā sadisatā paṭikkhittā, taṃ dassetuṃ **“sadisataṃ sandhāya ‘na tāyevā’ti vuttan”**ti āha. **Yā**ti yā pucchā. **Sabbapucchāsamāharaṇanti** sabbāsaṃ ekūnapaññāsāya pucchānaṃ samuccayanaṃ anavasesetvā kathanam. **Idha** imasmim paṭiccavāruddese **kattabbarṃ**. Ādito hi anavasesato vutte pacchā yathārahaṃ tadekadesavacanaṃ vuttam. **Na hi tattha ekūnapaññāsa pucchā vissajjanaṃ labhantī**ti tattha tasmim dhammānulomapaccanīye pītittike ekūnapaññāsa pucchā vissajjanaṃ na hi labhanti, aṭṭhavise pana labhantīti attho.

**Tena sahajātapaccayabhūtenā**ti tena vedanādibhedena ekena dhammena sahajātapaccayo hontena, sahajātapaccayataṃ vā pattena

pāpuṇantenāti attho. **Anuññātaṃ viya hotīti** yadipi aṭṭhakathāyaṃ “yāva nirodhagamanā”ti-ādivacanehi **khaṇattayasamaṅgī** uppajjatīti **anuññātaṃ viya hoti, uppādakkhaṇasamaṅgiyeva pana uppajjatīti vutto** paṭiccavārādīnaṃ channaṃ vārānaṃ uppādameva gahetvā pavattattā. Tathā hi tesu pacchājātapaccayo anulomato na tiṭṭhati.

**Idha kusalavacanena gahite khandhe sandhāya vuttanti** imasmim paṭiccavāre “kusalaṃ dhammaṃ paṭicca kusalo dhammo uppajjati”ti kusalasaddena gahite khandhe sandhāya vuttaṃ catūsipi kusalakhandhesu ekato uppajjamānesu sāmāññato vuttasu saha-jātādisādhāraṇapaccayavasena avisesato sabbe sabbesaṃ paccayāti ayameva imassa paccayo, imasseva ayaṃ paccayoti ca niyametvā vuttuṃ na sakkā. Tena vuttaṃ aṭṭhakathāyaṃ “ekasseva dvinnāmyeva vā”ti-ādi. “Sukhāya vedanāya sampayuttaṃ dhammaṃ paṭiccā”ti-ādīsu pana visesanabhāvena vedanādīnaṃ visum gahitattā “ekaṃ khandhaṃ paṭicca dve khandhā”ti-ādi vuttaṃ sakkā. Tena vuttaṃ “**vedanāttikādīsu panā**”ti-ādi. **Tathāti** iminā “ekekassapi dukādibhedānañcā”ti imaṃ anukaḍḍhati.

**Etasminti** “vipākābyākataṃ kiriyābyākatan”ti evaṃ vipākakiriyābyākataggahaṇe. “**Sabbasmim na gahetabban**”ti vuttaṃ, kattha pana gahetabbanti āha “**cittasamuṭṭhānañca rūpanti etthevā**”ti. Evaṃ paṭhame vākye atibyāpitaṃ pariharitvā dutiye abyāpitaṃ pariharituṃ “**na kevalan**”ti-ādi vuttaṃ. **Etthāti** “vipākābyākataṃ kiriyābyākatan”ti ettha **na gahetabban** tassapi āruppe uppajjamānassa rūpena vinā uppattito. Ettha ca yathā hetupaccayaggahaṇeneva ahetukaṃ nivattitaṃ, evaṃ cittasamuṭṭhānañca rūpanti rūpaggaṇeneva āruppe vipākopi tattha uppajjamānena cittuppādena saddhim na gahito. Tam panetaṃ atthasiddhameva akatvā sarūpato pākaṭataraṃ katvā dassetuṃ aṭṭhakathāyaṃ “**vipākābyākatan**”ti-ādi vuttaṃ. Paṭisandhipacchimacittāni panettha satipi rūpassa anuppādane vavathānābhāvato na gahitānīti daṭṭhabban.

**Paccayabhūtassāti** khandhānaṃ paccayabhūtassa vatthussa **aggahitatāpattim nivāretuṃ**, kathaṃ? **Paccayuppannabhāvena**, kattha? “**Kaṭattā ca rūpan**”ti **etasmim sāmāññavacane** “**khandhe paṭicca vatthū**”ti **vuttaṃ**, evañhissa pacayuppannatā

dassitā hotīti. **Aññamaññāpekkaṃ vacanadvayanti** “khandhe paṭicca vatthu, vatthum paṭicca khandhā”ti padadvayaṃ sandhāya vuttam. **Sāmaññena gahitanti** “kaṭattā ca rūpan”ti iminā sāmaññavacanena, kaṭattārūpasāmaññena vā gahitam.

**Upādārūpaggahaṇena vinā** “upādārūpan”ti aggahetvā kevalam cittasamuṭṭhānarūpaṃ “kaṭattārūpaṃ” icceva gahetvāti attho. **Etasmim pana dassaneti** “mahābhūtepi paṭicca uppattidassanathan”ti vutte etasmim atthadassane. **Khandhapaccayasahitanti** paṭisandhiyaṃ kaṭattārūpaṃ, pavattiyaṃ cittasamuṭṭhānaṃ rūpaṃ vadati. **Asahitanti** pana pavattiyaṃ kaṭattārūpaṃ āhārasamuṭṭhānaṃ utusamuṭṭhānaṃ anindriyabaddhaṃ asaññabhavaśaṅghaṭṭānaṃ rūpaṃ. **Paṭisandhiyampī pi-saddena** pavattiyampi kaṭattārūpaṃ aññaṅca tattha uppajjanakaṃ upādārūpanti attho daṭṭhabbo. Kathaṃ panettha bhūte paṭicca uppajjamānassa rūpassa hetupaccayā uppajjati? “Khandhe paṭicca hetupaccayā uppajjamānaṃ rūpaṃ bhūtepi paṭicca uppajjati”ti evaṃ padametaṃ, bhūtānaṃ vā hetupaccayato nibbattatā evaṃ vuttam. Kāraṇakāraṇampi hi kāraṇantveva vuccati yathā “corehi gāmo daḍḍho”ti.

**Bhūte paṭicca upādārūpanti** paduddhāro kato, “mahābhūte paṭicca upādārūpan”ti pana pāṭhoti aṭṭhakathāyaṅca tameva vuttam. Ayaṃ hetthattho—“mahābhūte paṭicca upādārūpan”ti imasmim pāṭhe vuttanayena upādārūpampi kusale khandhe mahābhūte ca paṭicca uppajjati. Ko pana so nayoti taṃ dassetuṃ “**mahābhūte -pa- sandhāyāhā**”ti vuttam. Tattha **atthato ayaṃ nayo vuttoti** “mahābhūte paṭicca cittasamuṭṭhānaṃ rūpaṃ kaṭattārūpaṃ upādārūpan”ti iminā abyākate khandhe mahābhūte ca paṭicca upādārūpānaṃ uppattivacanena kusale khandhe mahābhūte ca paṭicca upādārūpānaṃ uppatti atthato vutto hotīti attho.

54. **Rūpena vinā paccayuppannaṃ na labbhatī**ti etena yā pucchā arūpamissakāvasānā, tāpi idha na gayhanti, pageva rūpāvasānāti dasseti.

57. **Tāya samānalakkhaṇā**ti pañcakkhandhapaṭisandhitāya gabbhaseyyakapaṭisandhiyā samānalakkhaṇā. **Paripuṇṇadhammānanti** pariyaṭṭivibhāgānaṃ pañcakkhandhadhammānaṃ. **Etthāti** etasmim sahaṅgāpaccayaniddese.

**Cittakammasamuṭṭhānarūpaṇi** cittasamuṭṭhānarūpaṇi kammasamuṭṭhānarūpaṇi. **Puna āhārasamuṭṭhānanti** ettha punagahaṇaṃ utusamuṭṭhānāpekkhaṃ. Na hi taṃ pubbe bāhiraggahaṇena aggahitaṃ, āhārasamuṭṭhānaṃ pana aggahitameva, utusamuṭṭhānassa kasmā punagahaṇanti āha “**etehi**”ti-ādi. **Tatthāti** asaṅṅasattesu. **Tassāti** utusamuṭṭhānassa. **Ādimhīti** bāhira-āhārasamuṭṭhāna-utusamuṭṭhāna-asaṅṅasattavasena āgatavārehi paṭṭhamavāre. **Avisesavacananti** bāhirādivisesaṃ akatvā vuttavacanaṃ, arūpampi paccayaṃ labhantaṃ atthaṃ hetādiḥ paccaye labhantaṃ saha saṅgaṇhitvāti yojanā. **Tassāti, tatthāti** ca padadvayaena yathāvuttaṃpaṭṭhamavārameva paccāmasati. **Taṃsamānagatikanti** cittasamuṭṭhānagatikaṃ. **Idhāpīti** imasmiṃ sahaṇṇapaccayaniddeseṇi. **Kammaṃpaccayavibhaṅge viyāti** nānākkhaṇikakammaṃpaccayaniddese viya. Tathā hi vuttaṃ aṭṭhakathāyaṃ “taṃsamuṭṭhānanti iminā paṭisandhikkhaṇe kaṭattārūpampi saṅgaṇhātī”ti. Ayaṅca atthaviseso ettha ekaṃsena icchitabboti dassento “**na hi -pa- atthī**”ti āha.

**Avisesetvāti** “utusamuṭṭhāna”ti-ādinā visesaṃ akatvā. Upādārūpaṇi visesetvāva kasmā pana vuttānīti yojanā. **Hetupaccayādīsūti ādi-**saddena sahaṇṇapaccayādīṃ saṅgaṇhātī. **Sahāti** cittasamuṭṭhānarūpaṇi kaṭattārūpaṇi evaṃ ekato. **Visunti** cittasamuṭṭhānaṃ rūpaṇi kaṭattārūpato visesetvā. **Tattha bāhiraggahaṇādīhi viyāti** yathā “bāhiraṃ ekaṃ mahābhūtaṃ”ti-ādīsū bāhira-āhārasamuṭṭhāna-utusamuṭṭhānaggahaṇehi mahābhūtāni visesitāni, evaṃ **ettha** “mahābhūte paṭicca”ti etasmiṃ niddese **mahābhūtānaṃ kenaci** visesaṇena **avisesitattā** cittasamuṭṭhānarūpabhāvakaṭattārūpabhāvehi visesetvāva vuttānīti yojanā.

Idāni añṇenapi kāraṇena tesāṃ visesitabbataṃ dassetuṃ “**apicā**”ti-ādi vuttaṃ. Tattha **na koci paccayoti** idaṃ paṭṭhāne āgataniyāmena rūpaṇi upanissayapaccayaṃ na labhatīti katvā vuttaṃ. Tenāha “**hethādīsū**”ti. Tadvavinābhāvato pana tassa cittakammānaṃ kāraṇabhāvo vedītabbo, yato iddhicittanibbattāni kammaṃpaccayāni cāti vuttāni. Nanu cittaṃ āhāra-utusamuṭṭhānānaṃ paccayo hotīti? Saccāṃ hoti, so pana upatthambhakattena, na janakattenti dassento āha “**āhāra -pa-**

**janakan**”ti. Kim pana tesam janakanti āha “**mahābhūtāneva -pa- janakānī**”ti. **Cittena kammunā ca vinā abhāve** yathākkamaṃ cittakammasamuṭṭhāna-upādārūpānanti attho. **Cittasamuṭṭhānarūpakatattārūpabhūtānevāti** cittakammasamuṭṭhānamahābhūtanibbattāneva mahābhūtānaṃ tesam āsannakāraṇattā. **Aññānīti** utu-āhārasamuṭṭhānāni upādārūpāni vadati. **Visesanaṃ kataṃ** “cittasamuṭṭhānaṃ rūpaṃ kaṭattārūpaṃ upādārūpan”ti. **Samānajātikena rūpena** utunā āhārena cāti attho. **Pākatavisesanaṇevāti** idaṃ yehi mahābhūtehi tāni nibbattāni, tesam “āhārasamuṭṭhānaṃ utusamuṭṭhānaṃ”ti visesitattā vuttaṃ. **Na visesanaṃ arahanti** na visesitabbāni kāraṇavisesaneneva visesassa siddhattā, “mahābhūte paṭicca upādārūpan”tveva vattabbanti attho. **Etāni pana** cittajakammajarūpāni.

**Savisesenāti** yena visesena visesitā, taṃ dassento cittaṃ sandhāyāha “**sahajātādipaccayabhāvato**”ti, itaraṃ pana sandhāya “**mūlakāraṇabhāvato**”ti, kammūpanissayapaccayabhāvatoti attho. **Itarānīti** āhāra-utusamuṭṭhānānipi upādārūpāni. **Mahābhūtavisesaneneva visesitānīti** “āhārasamuṭṭhānaṃ ekaṃ mahābhūtaṃ paṭicca utusamuṭṭhānaṃ ekaṃ mahābhūtaṃ paṭiccā”ti mahābhūtavisesaneneva janakapaccayena āhārena utunā ca visesitāni. **Idhāti** “cittasamuṭṭhānaṃ rūpaṃ kaṭattārūpaṃ upādārūpan”ti imasmim vacane. Ettha hi upādārūpānaṃ cittakammasamuṭṭhānatāvacaṇena taṃnissayānampi tabbhāvo pakāsitoti. **Aññataravisesanaṃ ubhayavisesanaṃ hoti** ubhayesaṃ avinibbhogena pavattanato.

58. **Pubbeti** hetupaccayādīsu. **Visuṃ paccayabhāvenāti** “paṭisandhikkhaṇe vipākābyākataṃ ekaṃ khandhaṃ paṭicca tayo khandhā kaṭattā ca rūpan”ti-ādīnā vatthussa visuṃ paccayabhāvena. Ettha ca visuṃyeva paccayabhāvena dassitānīti na sakkā vuttuṃ, “khandhe paṭicca vatthu, vatthuṃ paṭicca khandhā”ti paccayuppannabhāvo viya khandhānaṃ **ekatopi paccayabhāvo dassito**. Teneva hi tasmim atthe attano aruciṃ vibhāvento āha “**iminā adhippāyenāhā**”ti. Yo panattho attano rucati, taṃ dassetuṃ “**khandhe paṭicca vatthūti idaṃ panā**”ti-ādī vuttaṃ. **Khandhānaṃ paccayabhūtānaṃ**

paṭiccaṭṭhapharaṇatādassanaṃ<sup>1</sup>, **vatthussa** paccayabhūtaṃ  
 paṭiccaṭṭhapharaṇatādassanaṃ, na khandhānanti sambandho. **Idhevāti**  
 imasmim̄ aññamaññapaccaye eva. **Hetupaccayādīsupi ayameva nayo**, tattha  
 hi paṭiccaṭṭhapharaṇassa samānatā. **Dassitāya** paṭiccaṭṭhadvayapharaṇatāya.  
**Khandhavatthūnaṅca dassitāyevāti** khandhavatthūnaṅca ekato  
 paṭiccaṭṭhapharaṇatā dassitāyeva.

**Evamādīti ādi-**saddena “akusalaṃ dhammaṃ paṭiccā”ti evamādi  
 saṅgayhati. Nanubhavittabanti yojanā. **Hetupaccayādīhi viyāti**  
 sadisūdāharaṇanti taṃ dassento “**na hī**”ti-ādimāha. **Yaṃ “ekam̄, tayo, dve**  
**ca khandhe paṭiccā”ti vuttaṃ** paccayaḷātanti attho. Paccayaṭṭho hi  
 paṭiccaṭṭho. Tenāha “**te hetupaccayabhūtā eva na hontī**”ti. Etena na  
 paṭiccaṭṭhapharaṇakassa ekantiko hetu-ādipaccayabhāvoti dasseti. Tenāha  
 “**esa nayo ārammaṇapaccayādīsū**”ti. Na hi ārammaṇapaccayabhūto dhammo  
 paṭiccaṭṭham̄ pharati. Vuttaṅca “kusalaṃ dhammaṃ paṭicca kusalo dhammo  
 uppajjati ārammaṇapaccayā”ti.

Paccayantarenapi upakāratāmattampi gahetvā paṭiccavāre vārantare  
 ca hetu-ādipaccayā dassitāti upacayena yathāvuttaṃ vibhāvento  
 “**paccayavāre cā**”ti-ādimāha. **Tampaccayāti** vatthupaccayā, yathārahaṃ  
 paccayabhūtaṃ vatthum̄ labhitvāti attho. **Teti** kusale khandhe paṭicca.  
**Tesanti** mahābhūtānaṃ khandhānaṃ. **Paccayabhāvābhāvatoti** idaṃ  
 khandhānaṃ hetusahajātādipaccayabhāvassa mahābhūtesu diṭṭhattā vuttaṃ.  
 Yadi evaṃ aññamaññapaccayāpi te tesam̄ bhaveyyunti parassa  
 āsaṅkanirāsaṅkaṃ karonto “**aññamaññasaddo hī**”ti-ādimāha. **Nirapekkhoti**  
 aññanirapekkho. Na hi hetudhammo dhammantarāpekkho hutvā  
 hetupaccayo hoti, saddasīsenettha attho vutto. **Aññatarāpekkhoti** attanā  
 sahakārikāraṇabhūtaṃ, itaraṃ vā yaṃ kiñci aññataraṃ apekkhatīti  
 aññatarāpekkho. **Yathāvuttetaretarāpekkhoti** arūpakkhandhādibhedam̄  
 pāḷiyam̄ vuttappakāram̄ itaretaraṃ mithu paccayabhūtaṃ apekkhatīti  
 itaretarāpekkho. **Paccayapaccayuppannā ca khandhā mahābhūtā idha**  
**yathāvuttā bhaveyyunti** kasmā vuttaṃ. Na hi khandhā mahābhūtā  
 aññamaññaṃ aññamaññapaccayabhāvena vuttā, atha khandhā ca mahābhūtā  
 cāti visum̄ visum̄ gayheyyum̄, evaṃ sati “mahābhūtā khandhānaṃ na koci  
 paccayo”ti na vattabbaṃ.

---

1. Paṭiccaṭṭhapharaṇatādassanattham̄ (Mūlaṭṭikāyam̄)

Yassa sayam paccayo, tato tena tannissitena vāti yassa dhammassa sayam attanā paccayo hoti, tato dhammato sayam uppajjamānaṃ kathaṃ tena dhammena tannissitena vā aññamaññapaccayena evambhūtaṃ taṃ dhammajātaṃ aññamaññapaccayā uppajjatīti vattabbataṃ arahatīti vuttamevatthaṃ udāharaṇena vibhāveti “yathā”ti-ādinā. Tattha “**khandhe paṭicca khandhā**”ti idaṃ “**tena aññamaññapaccayena uppajjamānaṃ**”ti imassa udāharaṇaṃ, **vatthum paccayā khandhā**”ti idaṃ pana “**tannissitena aññamaññapaccayena uppajjamānaṃ**”ti etassa. Tasmāti vuttameva atthaṃ kāraṇabhāvena paccāmasati. **Attano paccayassa paccayattābhāvatoti** attano paccayabhūtaṃ arūpakkhandhassa paccayabhāvābhāvato. Na hi mahābhūtā yato khandhato uppannā, tesaṃ paccayā honti. **Tadapekkhattāti** itaretarapaccayabhāvāpekkhattā. **Khandhe paṭicca paccayā cāti** paṭiccavāre vuttaniyāmeneva khandhe paṭicca, paccayavāre vuttaniyāmena khandhe paccayā ca. **Na-aññamaññapaccayā ca vuttāti** aññamaññapaccayato aññasmā nissayapaccayādito mahābhūtānaṃ uppatti vuttā cāti attho. **Vatthum paccayā uppajjamānāti** vatthum purejātapaccayaṃ katvā uppajjamānā. **Tannissitena ca aññamaññapaccayenāti** taṃ vatthum nissitena khandhe aññamaññapaccayabhūtena uppajjanti, **tasmā** yathāvuttena kāraṇena **vatthum paccayā -pa- vuttā**, iminā pariyāyena pana ujukaṃ pavattiyam vatthussa aññamaññapaccayabhāvoti-attho.

59. **Sā na gahitāti** yā “cakkhāyatanam nissāyā”ti-ādinā cakkhāyatanādīnaṃ nissayapaccayatā vuttā, sā idha paṭiccavāre na vuttāti attho sahaajātatho paṭiccatthoti katvā. tenāha “**cakkhāyatanādīni -pa-adhippāyo**”ti. Yesam pana arūpakkhandhamahābhūtanāmarūpacittacetāsikamahābhūtarūpidhammānaṃ vasena chadhā nissayapaccayo icchito, tesaṃ vasena idha vibhatto eva. Kathaṃ rūpivasena vibhattoti ce? “**Vatthum paṭicca khandhā**”ti hadayavatthivasena sarūpato dassito eva. Itaresampi vasena “abyākataṃ dhammaṃ paṭicca abyākato dhammo uppajjati nissayapaccayā”ti ettha dassito. Yathā hi “kusalaṃ dhammaṃ paṭicca kusalo dhammo uppajjati ārammaṇapaccayā”ti-ādīsu rūpāyatanādīnaṃ asatipi paṭiccaṭṭhapharaṇe ārammaṇapaccayabhāvo dassito hoti, evamidhāpi cakkhāyatanādīnaṃ nissayapaccayabhāvo dassito hoti. Tena vuttam “**nassaya -pa- na gahitāni**”ti.

60. **Dvīsu upanissayesūti** anantarapakatūpanissayesu. **Kusalāpi pana mahaggatāti pi-saddena** abyākate mahaggate ākaḍḍhati “kusalāpi mahaggatā ārammaṇūpanissayaṃ na labhanti, pageva abyākatā”ti. **Kadāci na labhanti**, yadā garuṃ katvā na pavattantīti attho.

61. **Aññattha** hetupaccayādīsu. **Paccayaṃ aniddisitivāti** paccayaṃ dhammaṃ sarūpato aniddisitivā. Na hi hetupaccayaniddesādīsu alobhādikusalādisarūpavisesato hetu-ādidhammā dassitā. **Kusalādīsūti** idaṃ alobhādivisesanaṃ. Tena yathā alobhādīsu ayameva paccayoti niyamo natthi, evaṃ tabbisesesu kusalādīsūti dasseti. **Idha pana** purejātapaccaye. **Vatthunavatthudhammesūti** niddhāraṇe bhummaṃ. **Purejātapaccayā uppajjamānānanti** iminā paṭisandhikkhaṇe, āruppe uppajjamāne ca khandhe nivatteti. Kasmā panettha vatthupurejātameva gahitaṃ, na ārammaṇapurejātanti codanaṃ manasi katvā āha “**ārammaṇapurejātampi hi vatthupurejāte avijjamāne na labbhati**”ti. **Tassāti** paṭisandhivipākassa. **Na uddhaṭoti** vuttamevatthaṃ pākaṭaṃ kātuṃ “**nevavipāka -pa- tīṇīti vuttan**”ti vuttam. **Alābhatoti** yadi labbheyya, “cattārī”ti vattabbaṃ siyāti dasseti. **Tatthāti** vipākattike. **Tīṇīti** “vipākaṃ dhammaṃ paṭicca vipāko dhammo uppajjati purejātapaccayā, vipākadhammadhammaṃ, nevavipākanavipākadhammadhammaṃ paṭiccā”ti imāni tīṇi.

63. **Tadupādārūpānanti** te mahābhūte nissāya pavatta-upādārūpānaṃ. **Vadatīti** ekakkhaṇikanānākkhaṇikakammappaccayaṃ vadati avinibbhogavasena pavattamānānaṃ tesam paccayena visesābhāvato. **Pavattiyam kaṭattārūpānanti** visesanaṃ paṭisandhikkhaṇe kaṭattārūpānaṃ ekakkhaṇikassapi kammappaccayassa icchittā. Teneva hi aṭṭhakathāyaṃ “tathā paṭisandhikkhaṇe mahābhūtānaṃ”ti duvidhopi kammappaccayo vutto.

64. **Yaṃ yaṃ paṭisandhiyaṃ labbhatīti** cakkhundriyādīsu yaṃ yaṃ indriyarūpaṃ paṭisandhiyaṃ labbhati, **tassa tassa vasena** indriyarūpaṅca vatthurūpaṅca “kaṭattārūpan”ti vuttam.

69. **Kesañcīti** pañcavokāre paṭisandhikkhandhādīnaṃ. Tesañhi vatthu niyamato vippayuttapaccayo hoti. **Samānavippayuttapaccayāti** sadisavippayuttapaccayā. Kusalākusalā hi khandhā ekacce ca abyākatā



yassa vip̄payuttapaccayā honti, na sayam̄ tato vip̄payuttapaccayam̄ labhanti cittasamuṭṭhānānam̄ vip̄payuttapaccayābhāvato vatthunāva vip̄payuttapaccayena uppajjanato. Ekacce pana abyākatā yassa vip̄payuttapaccayā honti, sayampi tato vip̄payuttapaccayam̄ labhanti yathā paṭisandhikkhaṇe vatthukkhandhā. Tena vuttam̄ “**kesañci khandhā -pa-nānāv̄vip̄payuttapaccayāpī**”ti. **Paccayam̄ paccayam̄ karotīti** paccayadhammam̄ vatthum̄ khandhe ca attano paccayabhūtam̄ karoti, yathāvuttam̄ paccayadhammam̄ paccayam̄ katvā pavattatīti attho. **Tam̄kiriyaḱaraṇatoti**<sup>1</sup> vip̄payuttapaccayakiccakaraṇato<sup>2</sup>. **Paṭicca uppatti natthīti** paṭiccaṭṭhapharaṇam̄ natthi sahaḱatāṭṭho paṭiccaṭṭhoti katvā. “Paṭicca uppajjantī”ti ettakamevāha, kim̄ paṭicca? Khandheti pākaṭoyamatthoti. Tenāha “**kim̄ pana paṭiccā**”ti-ādi. Paccāsattiñāyena anantarassa vidhi paṭisedho vā hotīti gaṇheyyāti tam̄ nivāretum̄ vuttanti dassento “**anantarattā -pa- vuttam̄ hotī**”ti āha.

71-72. **Saṅkhipitvā dassitānam̄ vasenetam̄ vuttanti** saṅkhipitvā dassitānam̄ paccayānam̄ vasena etam̄ “ime tevīsati paccayā”ti-ādivacanam̄ vācanāmaggam̄ dassentehipi pāḱiyam̄ vuttanti aṭṭhakathāyam̄ vuttam̄. **Ekenapīti** kusalādīsu ca padesu ekenapi padena, tasmim̄ tasmim̄ vā paccayaniddese vākyasaṅkhātena ekenapi padena. **Tayo paccayāti** hetu-ārammaṇādhipatipaccayā. **Te cattāro pacchāḱātāñca vajjetvāti** ettha yathāvutte cattāro paccaye vitthāritattā “vajjetvā”ti vuttam̄, pacchāḱātam̄ pana sabbena sabbam̄ aggahitattā. Ettakā hi ekūnavīsati paccayā yathāvutte paccaye vajjetvā avasiṭṭhā. **Ye panāti** padakārake vadati. **Saṅkhipitvāti** padassa “pāḱiyam̄ vitthāritam̄ avitthāritañca sabbam̄ saṅgahetvā vuttan”ti attham̄ vadanti. “**Tevīsati paccayā**”ti pāṭhena bhavitabbam̄ “sabbam̄ saṅgahetvā”ti vuttattā. Pacchāḱātapaccayoyeva hi vajjetabboti. Evam̄ vātantare vattabbam̄ vatvā idāni pāḱiyā aviparītam̄ attham̄ dassetum̄ “**ādimhi panā**”ti-ādi vuttam̄.

Vibhaṅgavāraṇṇanā niṭṭhitā.

1. Mūlaṭikāyam̄ na dissati.

2. Vip̄payuttapaccayakaraṇato (Mūlaṭikāyam̄)

## 1. Paccayānuloma 2. Saṅkhyāvāra

73. **Yathā aññamaññapaccaye viseso vibhaṅge atthīti** idaṃ hetupaccayādivibhaṅgato visesabhāvasāmaññena vuttaṃ. Na hi yādiso aññamaññapaccayavibhaṅge viseso, tādiso purejātapaccayavibhaṅge. Tathā hi aññamaññapaccaye paṭisandhi labbhati, na purejātapaccaye. **“Vipākābyākataṃ<sup>1</sup> ekaṃ khandhaṃ paṭicca”ti-ādike vibhaṅgeti** iminā yasmim paccaye vipākābyākataṃ uddhaṭaṃ, taṃ nidassanavasena dasseti. Idaṃ vuttaṃ hoti—yathā hetupaccayādisu **“vipākābyākataṃ ekaṃ khandhaṃ paṭicca”ti-ādinā** vibhaṅge vipākābyākataṃ uddhaṭaṃ atthi, evaṃ vipākābyākatabhāvaṃ āsevanapaccaye visesaṃ dasseti.

74. **Etasmim anulometi** imasmim paṭiccavāre paccayānulome. **Suddhikanayeti** paṭhame naye. **Dassitagaṇanatoti** “nava, tīṇi, ekaṃ”ti evaṃ saṅkhepato dassitagaṇanato. **tato paresu navesūti** tato paṭhamanayato paresu dutiyādinayesu. **Aññissāti** navādibhedato aññissā gaṇanāya. **Abahugaṇanena yuttassa** bahugaṇanassa paccayassa, **tena** abahugaṇanena. **Samānagaṇanatā cāti ca-saddo** byatireko. Tena paccanīyato anulome yo viseso vuccati, taṃ joteti. Tenāha **“anulomeyeva dattṭhabbā”ti. Anulomeyevāti** avadhāraṇena nivattitaṃ dassetuṃ **“paccanīye -pa- vakkhatī”ti** vuttaṃ.

76-79. Te pana terasamūlakādike naye sāsevanasavipākesu dvīsū dvāvīsati-mūlakasu sāsevanameva gahetvā itaraṃ pajahanto āha **“pacchājātavipākānaṃ parihīnattā”ti. Virodhābhāve satīti** idaṃ “siyā kusalaṃ dhammaṃ paṭicca-akusalo dhammo uppajjeyyā”ti-ādīsū viya parikappavacanaṃ sandhāya vuttaṃ. Tenāha **“pucchāya dassitanayenā”ti. Tassa ca** tevīsati-mūlakassa. **Nāmantī** tevīsati-mūlakanti nāmaṃ. **Dvāvīsati -pa- vuttanti** etena dvāvīsati-mūlakova paramatthato labbhati, na tevīsati-mūlakoti dasseti.

---

1. Kiriyābyākataṃ (Mūlaṭṭikāyaṃ)

**Aññapadānī**ti hetu-adhipatipadādāni. **Suddhikanayoti** paṭhamanayo, yaṃ aṭṭhakathāyaṃ “ekamūlan”ti vuttaṃ. **Āramaṇamūlakādīsu na labbhatīti** dumūlakādīsu taṃ na yojīyati. Heṭṭhimaṃ heṭṭhimaṃ sodhetvā eva hi abhidhammapāḷi pavattā, tasmā “ārammaṇe -pa- pañhā”ti vuttanti sambandho. **Tatthāti** “tīṇīyeva pañhā”ti pāṭhe. “Vattu adhippāyānuvidhāyī saddappayogo”ti katvā adhippāyaṃ vibhāvento āha “**tato uddham gaṇanam nivāreti, na adho paṭikkhipatī**”ti. Gaṇanāya upanikkhittapaññattibhāvato heṭṭhāgaṇanam amuñcitvāva uparigaṇanā sambhavatīti āha “**tīsu ekassa antogadhatāya ca ‘tīṇīyevā’ti vuttan**”ti. **Attano vacananti** “tatridaṃ lakkhaṇan”ti-ādinā vuttaṃ attano vacanaṃ.

80-85. **Avigatā -pa- vuttepi** vipallāsajojanaṃ akatvāti adhippāyo. **Sā dassitā hotīti** sā vipallāsajojanaṃ akatvā dassiyamānā yadipi dassitā hoti, **na evaṃ āvikaraṇavasena dassitā hoti** tādisassa liṅganassa abhāvato yathā vipallāsajojanāyanti adhippāyo. Tenāha “**vipallāsa -pa- hotī**”ti. **Evameva adhippāyo yojetabboti** “Ye -pa- taṃ dassetun”ti ettha “yadipi avigatānantaran”ti-ādinā yathā adhippāyo yojito, evameva “tenetaṃ āvikarotī”ti etthāpi adhippāyo yojetabbo. Kim vuttaṃ hoti? Yathā tattha “ūnataragaṇanehi samānagaṇanehi ca saddhiṃ saṃsandane ūnatarā samānā ca gaṇanā hotī”ti ayamattho nāpanavasena dassito, evamidhāpīti. Tena vuttaṃ aṭṭhakathāyaṃ “ārammaṇapaccayo yena yena bahutaragaṇanena vā samānagaṇanena vā paccayena saddhiṃ tikadukādibhedam gacchati, sabbattha tīṇeva pañhavissajjanāni veditabbānī”ti. Na kevalamatthavisesāvīkaraṇatthamevettha tathā yojanā katā, atha kho desanākkamoyeva soti dassetuṃ “**paccanīyādīsūpi panā**”ti-ādimāha. Tattha **mūlapadanti** ārammaṇapaccayādikaṃ tasmim tasmim naye mūlabhūtam padaṃ. **Tatthāti** paccanīyādīsu. **Etaṃ lakkhaṇanti** “tatridaṃ lakkhaṇan”ti-ādinā vuttalakkhaṇam. **Tasmāti** yasmā pubbenāparaṃ pāḷi evameva pavattā, tasmā eva. Tena mūlapadam ādimhiyeva ṭhapetvā desanā nāyāgatāti dasseti. Yadi-evaṃ liṅganena atthavisesāvīkaraṇam

kathanti āha “**na ca viññāte atthe vacanena liṅgena ca payojanam atthi**”ti.

Paccayānulomavaṇṇanā niṭṭhitā.

### Paṭicavāra paccayapaccanīyavaṇṇanā

86-87. **Rūpasamuṭṭhāpakavaseneva veditabbanti** idam aṭṭhakathāvacaṇam anantaram “cittasamuṭṭhānaṅca rūpan”ti pāḷiyam āgatattā vuttam, pañcaviññāṇam pana ahetukapaṭisandhicittānaṅca vasena yojanā sambhavaṭṭi katvā vuttam “**sabbasaṅgāhikavasena panetaṃ na na sakkā yojetun**”ti.

93. **Sahajātapurejātapaccayāti** idam paccayena paccayadhammopalakkhaṇanti dassetuṃ “**sahajāta ca hetu-ādayo -pa- attho daṭṭhabbo**”ti vatvā “**na hi**”ti-ādinā tamevattham samattheti.

94-97. **So paccayoti** so paṭiccaṭṭhapharaṇako paccayo.

99-102. **Cittasamuṭṭhānādayoti ādi-saddena** bāhīrarūpa-āhārasamuṭṭhānādayo rūpakotṭhāsā saṅgayhanti. **Tassāti** maggapaccayam labhantassa rūpassa. **Evameva panāti** iminā yathā namaggapaccaye vuttam, evameva nahetupaccayādīsu yaṃ hetupaccayam labhati, tassa parihīnattāti imamattham upasamharati. Tenāha “**ekaccarūpassa paccayuppannatā daṭṭhabbā**”ti.

107-130. **Sabbatthāti** pannarasamūlakādīsu sabbesu navesu. Kāmaṃ suddhikanayādīsu visadisavissajjanā, idhādhippetattham pana dassetuṃ “**etesū**”ti-ādi vuttam. **Idhāti** etesu nāhāramūlakādinavesu. **Gaṇanāyeva na sarūpadassananti** suddhikanaye viya gaṇanāya eva na sarūpadassanam adhippetanti attho.

Paccayapaccanīyavaṇṇanā niṭṭhitā.

### Paṭiccavāra paccayānulomapaccanīyavaṇṇanā

131-189. **Tiṇṇanti** hetu adhipati maggoti imesaṃ tiṇṇaṃ paccayānaṃ. **Sādhāraṇānanti** ye tesāṃ tiṇṇaṃ sādharmaṇā paccayā paccanīkato na labbhanti, yasmā tesāṃ saṅgaṇhanavasena vuttaṃ, tasmā. **Maggapaccayeti** maggapaccaye anulomato ṭhite. **Itarehīti** hetu-adhipatipaccayehi. **Sādhāraṇā sattevāti** maggapaccayavajje satteva. **Hetupaccayopi paccanīyato na labbhatīti** heturahitesu adhipatino abhāvā. **So panāti** hetupaccayo **asādhāraṇoti katvā na vutto** sādharmaṇānaṃ alabbhamānānaṃ vuccamānattā. Na hi hetupaccayo maggapaccayassa sādharmaṇo. **Yehīti** yehi paccayehi. **Teti** anantarapaccayādayo. **Ekantikattāti** avinābhāvato. **Arūpaṭṭhānikāti** arūpapaccayā arūpadhammānaṃyeva paccayabhūtā anantarapaccayādayo. **Tenāti** “ekantikānaṃ arūpaṭṭhānikā”ti idhādhippetattā. **Tehīti** purejātāsevanapaccayehi. **Tesaṃ vasaṇāti** tesāṃ ūnataragaṇānaṃ ekakādīnaṃ vasena. **Tassa tassāti** paccanīyato yojitassa tassa tassa dukādīkassa bahugaṇanassa. **Gaṇānāti** ūnataragaṇā. **Anulomato ṭhitassapīti pi-saddena** anulomato ṭhito vā hotu paccanīyato yojito vā, ūnataragaṇāyā samānanti dasseti. **Nayidaṃ lakkhaṇaṃ ekantikanti** iminā yathāvuttalakkhaṇaṃ yebhuyyavasena vuttanti dasseti.

Paccayānulomapaccanīyavaṇṇanā niṭṭhitā.

### Paṭiccavāra paccayapaccanīyānulomavaṇṇanā

190. **Sabbesupīti** pacchājātaṃ ṭhapetvā sabbesupi paccayesu. So hi anulomato alabbhamānabhāvena gahito “sabbesū”ti ettha saṅgahaṃ na labhati. Arūpāvacaravipākassa āruppe uppānalokuttaravipākassa ca purejātāsevanānaṃ alabbhanatoti “**kiñci nidassanavasena dassento**”ti āha.

**Avasesānaṃ lābhamattanti** avasesānaṃ ekaccānaṃ lābhaṃ. Tenāha “**na sabbesaṃ avasesānaṃ lābhan**”ti. **Pacchājāte pasaṅgo natthīti**

pacchājāto anulomato tiṭṭhatīti ayaṃ pasaṅgo eva natthi. **Purejā -pa-labbhatīti** iminā vippayutte paccanīyato ṭhite purejāto labbhatīti ayampi atthato āpanno hotīti taṃ niddhāretvā tattha yaṃ vattabbaṃ, taṃ dassetuṃ “**purejāto pana vippayutte paccanīyato ṭhite anulomato labbhatīti idampī**”ti-ādi vuttaṃ. Tattha “**avasesā sabbepīti atthe gayhamāne āpajjeyyā**”ti idaṃ tassā atthāpattiyā sabbhāvadassanamattaṃ daṭṭhabbaṃ, attho pana tādiso na upalabbhatīti ayamettha adhippāyo. Tenāha “**yampi kecī**”ti-ādi.

Tattha **kecīti** padakāre sandhāyāha. Te hi “arūpadhātuyā cavitvā kāmādhātum upapajjantassa gatinimittaṃ ārammaṇapurejātaṃ hotīti nāpetum ‘navippayuttapaccayā purejāte’ti ayamattho niddhārito”ti vadanti, taṃ na yujjati āruppe rūpaṃ ārabba cittuppādassa asambhavato. Tathā heke asaṅṅābhavānantarassa viya āruppānantarassa kāmāvacarapaṭisaṅghaviññāṇassa purimānupaṭṭhitārammaṇaṃ icchanti. Tenevāha “**tampi tesam rucimattamevā**”ti-ādi.

**Yujjamānakapaccayuppannavasena vāti** yasmim yasmim paccaye anulomato ṭhite yaṃ yaṃ paccayuppannaṃ bhavituṃ yujjati, tassa tassa vasenāti attho. **Na vicāritaṃ** suviññeyyattāti adhippāyo. **Navāti** ārammaṇa-anantarasamanantarūpanissayapurejātāsevanasampayuttanatthivigatapaccayā . **Tampi** tesam navannaṃ paccayānaṃ anulomato alabbhamānataṃ.

191-195. **Na aññamaññena ghaṭitassa mūlassāti** aññamaññapaccayena paccanīyato ṭhitena yojitassa sattamassa mūlassa vitthāritattā. **Sabbaṃ sadisanti** sabbapāligamaṃ sadisaṃ.

**Imasmim -pa- veditabboti** ettha **imasmim etthāti** dve bhummaniddesā. Tesu paṭṭhamassa visayo paccanīyānulometi aṭṭhakathāyameva dassitoti adassitassa visayaṃ dassetuṃ “**etesū**”ti-ādi vuttaṃ. **Pi-saddenāti** “imesampī”ti ettha pi-saddena. **Kismiñci** paccaye. Kammapaccayaṃ labhantānipi cakkhādīni vipākaviññāṇādīni ca indriyaṃ na labhantīti katvā “**yebhuyyenā**”ti vuttaṃ, katipayam na labhatīti vuttaṃ hoti. **Maggapaccayanti**-ādīsipi eseva nayo. **Yathāvuttānīti** pañcavokārapavatti-asaṅṅābhavapariyāpannāni kaṭattārūpāneva vadati, na

cittasamuṭṭhānarūpānīti adhippāyo. **Ye rūpadhammānaṃ paccayā hontīti** ye hetu-adhipatisahajātādipaccayā rūpadhammānaṃ paccayā honti, eteveya hetu-adhipati-ādike cha paccaye na labhanti. **Eteyevāti** vacanena aññe katipaye labhantīti siddham hotīti taṃ dassento “**pacchājātā -pa- labhati**”ti āha. Ayañca paccayalābho na janakavasena veditabboti dassetum “**labbhamānā -pa- dassanan**”ti vuttaṃ. **Dhammavasenāti** paccayuppannadhammavasena. **Indriyanti** indriyapaccayaṃ. **Yadi evanti** kaṭattārūpaṃ yaṃ yaṃ na labhati, taṃ taṃ yadi vattabbaṃ, evaṃ sante rūpadhammesu bhūtarūpāniyeva aññamaññapaccayaṃ labhantīti āha “**upādārūpāni -pa- vattabban**”ti. **Taṃ pana** upādārūpānaṃ aññamaññapaccayālābhavacanāṃ. **Arūpindriyālābhanti** arūpīnaṃ indriyānaṃ vasena indriyapaccayālābhaṃ.

196-197. Bahugaṇanampi ūnataragaṇanena yojitaṃ ūnataragaṇanameva hotīti katvā vuttaṃ “**yadipi tikādīsu ‘hetuyā pañcā’ ti idaṃ natthī**”ti. **Anuttānaṃ** duviññeyyatāya gambhīraṃ. Yathā ca bhūtarūpāni nārammaṇapaccayā aññamaññapaccayā uppajjanti, evaṃ paṭisandhikkhaṇe vatthurūpanti āha “**vatthupi pana labhati**”ti. Yathā heṭṭhā ekamūlakam “**dumūlakan**”ti vuttaṃ, evaṃ **idhāpi dumūlakam “timūlakan”ti vadanti**.

203-233. **Cetanāmattasaṅgāhake**ti cetanāmattaṃyeva paccayuppannaṃ gahe tvā ṭhite pañhe. Tattha hi “**nakamma paccayā hetupaccayā**”ti vattum sakkā. **Evampakāreti** idaṃ “**tīṇīti-ādīsū**”ti ettha ādi-saddassa atthavacananti dassento “**ādi-saddo hi pakāratthova hotī**”ti āha. **Rūpampi labbhati** cetanāmattameva asaṅgaṇhanato.

Paccayapaccanīyānulomavaṇṇanā niṭṭhitā.

Paṭiccavāraṇṇanā niṭṭhitā.

## 2. Sahajātavāraṇṇanā

234-242. **Sahajātapaccayakaraṇanti** sahajātaṃ paccayadhammaṃ paccayaṃ katvā pavatti. **Sahajātāyattabhāvagamananti** sahajāte paccayadhamme

āyattabhāvassa gamanaṃ paccayuppannessa attanā sahaajātapaccayāyattavuttitā. Ettha ca sahaajātapaccayasāṅkhātāṃ sahaajātaṃ karotīti sahaajāto, tathāpavatto paccayuppannadhammo. Tattha pavattamāno sahaajātasaddo yasmā tassa paccayuppannessa attano sahaajātaṃ paccayadhammaṃ paccayaṃ katvā pavattiṃ tadāyattabhāvūpagamanañca vadatīti vuccati, tasmā vuttaṃ “**sahaajātasaddena -pa- vuttan**”ti. **Tassa karaṇassa gamanassa vā**ti tassa yathāvuttassa sahaajātapaccayakaraṇassa sahaajātāyattabhāvūpagamanassa vā. “Kusalaṃ dhammaṃ sahaajāto”ti imassa kusalaṃ dhammaṃ sahaajātaṃ taṃsahabhāvitañca paccayaṃ katvāti ayamatthoti āha “**kusalādīnaṃ kammabhāvato**”ti. Sahaajātapaccayasahabhāvīnaṃ paccayānaṃ saṅgaṇhatthaṃ hettha “sahaajātāyattabhāvagamanaṃ vā”ti vuttaṃ.

#### **Taṃkammabhāvato**ti tesam

yathāvuttapaccayakaraṇatadāyattabhāvagamanaṃ kammabhāvato. Aṭṭhakathāyaṃ pana “kusalaṃ dhammaṃ sahaajātoti kusalaṃ dhammaṃ paṭicca tena sahaajāto hutvā”ti paṭiccasaddaṃ āharitvā attho vutto, taṃ “paṭiccattho sahaajātattho”ti katvā vuttaṃ. Sahaajātasaddayoge kusalaṃ dhammanti upayogavacanassa yutti na vuttā, “tena sahaajāto hutvā”ti pana vuttatā karaṇatthe upayogavacananti dassitanti keci. Nissayavāre pana kusalaṃ dhammaṃ nissayatthena paccayaṃ katvāti vadantena idhāpi “kusalaṃ dhammaṃ sahaajātattheva paccayaṃ katvā”ti ayamattho vutttoyeva hoti, paṭiccasaddāharaṇampi imamevatthaṃ ṇāpetīti daṭṭhabbaṃ. Upādārūpaṃ kiñci bhūtarūpassa anupālakaṃ upatthambhakañca hontampi sahaajātalakkhaṇena na hoti, tasmā paṭiccatthaṃ na pharati āha “**paṭiccāti iminā vacanena dīpito paccayo na hoti**”ti. **Nidassanavasena vuttanti udāharaṇavasena vuttaṃ**, na anavasesatoti attho. **Yathā vuttoti paṭiccatthapharaṇavasena vutto**. Yathā ca upādārūpaṃ bhūtarūpassa upādārūpassa ca paccayo na hoti, evaṃ ṭhapetvā cha vatthūni sesarūpāni arūpadhammānaṃ paccayo na hotīti dassento “**vatthu vajjāni rūpāni ca arūpāna**”ti āha.

Sahaajātavāraṇaṇanā niṭṭhitā.



### 3. Paccayavāraṇṇanā

243. **Pati-saddo patiṭṭhattham dīpeti** “sāre patiṭṭhito”ti-ādīsu, **aya-saddo gatim dīpeti** “eti etthāti ayo”ti.

**Bhūtopādārūpāni saha saṅgaṇhitvā vuttam** upādārūpānaṃ viya bhūtarūpāni nissayo hotīti katvā. Yadi evaṃ kasmā aṭṭhakathāyaṃ “mahābhūte nissāya cittasamuṭṭhānaṃ upādārūpan”ti upādārūpaṃyeva dassitanti āha “**aṭṭhakathāyaṃ panā**”ti-ādi.

255. **Paṭiccavāre sahajātet**i paṭiccavāre sahajātapaccayaṇṇanāyaṃ. **Kamma-utujānanti** kammajānaṃ utujānaṃca vasena attho vuttoti yojanā. Tathā hi tattha vuttam “dvisantatisamuṭṭhānabhūtavasena vuttan”ti<sup>1</sup>. **Kamme cāti** kamme janakakammaṇṇapaccaye gahite. **Ekantānekantakammajānanti** ekantena kammajānaṃ na ekantakammajānaṃca. Tattha asaṅṅabhāve ekantakammajānaṃ nāma jīvitindriyaṃ, itaraṃ upādārūpaṃ bhūtarūpaṃca na ekantakammajānaṃ, tadubhayampi tattha ekajjhaṃ katvā vuttam, “mahābhūte paṭicca kaṭattārūpan”ti idaṃ pana kammāsamuṭṭhānavaseneva vuttanti. **So nādhippetoti** yo yathādassito paṭiccavāre sahajātapaccaye attho vutto, so idha na adhippeto. Kasmāti ce, āha “**kaṭattā -pa- gahitattā**”ti. **Tam pahāyāti** tam paṭiccavāre vuttamattham pahāya aggahetvā. **Yathāgahitassāti** “asaṅṅa -pa- kaṭattārūpaṃ upādārūpan”ti pāḷiyaṃ eva gahitassa. **Paṭicca paccayāti** idaṃ dvinnam vārānaṃ upalakkhaṇaṃ. Paṭiccavāre āgatanayena mahābhūte paṭicca, paccayavāre āgatanayena mahābhūte paccayā mahābhūtānaṃ uppatti na nivāretabbā, tasmā “upādārūpasaṅkhātāṃ kaṭattārūpan”ti evaṃ upādārūpaggahaṇena kaṭattārūpaṃ avisesetvā upādārūpānaṃ nivattetabbānaṃ utucittāhārasamuṭṭhānānaṃ atthitāya kaṭattā -pa- visesanaṃ daṭṭhabbanti evamettha yojanā veditabbā.

286-287. **Ekaccassa rūpassāti** ahetukacittasamuṭṭhānassa. Ito paresupi ekaccarūpaggahaṇe eseva nayo. **Cakkhādidhammavasenāti** cakkhāyatanādirūpadhammavasena. **Cittasamuṭṭhānādikoṭṭhāsavasenāti** cittajādirūpadhammabhāgavasena. **Sabbaṃ labbhatīti** satipi imassa nayassa

1. Abhi-Ṭṭha 3. 414 piṭṭhe.

nahetumūlakatte nonatthinovigatesu ekanti gaṇanaṃ sabbaṃ rūpaṃ sabbassa rūpassa vasena gaṇanā labbhati catusantativasena vattamānesu pañcavīsatiyā rūpadhammesu vajjitabbassa abhāvā.

Paccayavāraṇṇanā niṭṭhitā.

#### 4. Nissayavāraṇṇanā

329-337. **Nissayapaccayabhāvanti** nissayavāre vuttassa sahaṇātapurejātassa ca nissayaṭṭhassa dhammassa paccayabhāvaṃ paccayavārena niyametunti yojanā. Tathā paccayavāre “paccayā”ti vuttassa paccayadhammassa sahaṇātapurejātabhāvaṃ nissayavārena niyametunti yojanā. Niyamanañcetha paccayaṭṭhanissayaṭṭhānaṃ pariyāyantarena pakāsitattā atthato bhedābhāvadassananti veditabbo. Tena vuttam “paccayattaṃ nāma nissayattaṃ, nissayattaṃ nāma paccayattan”ti.

Nissayavāraṇṇanā niṭṭhitā.

#### 5. Saṃsaṭṭhavāraṇṇanā

351-368. **Sāti** savatthukā paṭisandhi. **Idhāpīti** imasmim saṃsaṭṭhavārepi. **Adhipatipurejātāsevanesu** anulomato **nakammanavipākanaḥānanavippayuttesu** paccanīyato ṭhitesu na labbhati, **aññesu** sahaṇātādīsu anulomato hetu-ādīsu **accanīyato ca** anulomato ca ṭhitesu labbhatīti. Tenāha “**labbhamānapaccayesu**”ti. **Imassa visesassāti** imassa yathāvuttassa visesassa dassanatthaṃ uddhaṭā, tasmā tādisassa visesassa dassetabbassa abhāvato vatthuvirahitā paṭisandhi anuddhaṭā, na vippayutte paccanīyato ṭhite abhāvatoṭi attho. **Hetupaccayavirahitamattadassanatthanti** iminā bhūtakathanam ahetukaggahaṇam na byaticāranivattananti dasseti. “**Ahetukavipākakiriyavasenā**”ti **bhavitabbaṃ** hetupariyantattā maggassa.

369-391. “Hetumhi anulomato ṭhite jhānamaggā paccanīyato na labbhanti”ti-ādi yaṃ idha aṭṭhakathāyaṃ vuttam, taṃ hetupaccayādivasena

uppajjamāno dhammo cattāro sabbatṭhānikā āhārindriyajhānamaggā cāti ime  
 aṭṭhapaccaye alabhanto nāma natthīti iminā paṭiccavāre  
 anulomapaccanīyavaṇṇanāyaṃ vuttena nayena vedituṃ sakkāti āha  
**“paṭiccavāre -pa- nayenā”**ti. **Sesesūti** ahetukamohavajjāhetukesu  
**pañcaviññāṇā -pa- jhānapaccayaṃ labhanti**, tasmā “ahetukamohova  
 jhānamaggapaccayaṃ labhati”ti na sakkā vuttuṃ, **kiñca paccanīyānulome  
 dvinnāṃ paccayānaṃ anulomena** anulomavasena **saha yojanā natthi**  
 ekekasseva yojanāya āgatattā, tasmā ahetukamohova maggapaccayaṃ  
 labhatīti evamettha yojanā veditabbā.

Saṃsaṭṭhavāravaṇṇanā niṭṭhitā.

## 6. Sampayuttavāravaṇṇanā

392-400. **Sadisāṃ sampayuttanti** “yaṃ sadisāṃ, taṃ saṃsaṭṭhan”ti  
 vuccamānaṃ sampayuttaṃ na hoti “saṃsaṭṭhā yojitā hayā”ti-ādīsu.  
**Asaṃsaṭṭhaṃ vokiṇṇananti** yaṃ na saṃsaṭṭhaṃ antarantarā uppajjamānena  
 vokiṇṇampi vimissatāya sampayuttanti vuccamānaṃ, taṃ saṃsaṭṭhaṃ na  
 hoti “yā sā vīmaṃsā -pa- kosajjasampayuttā”ti-ādīsu. Evaṃ  
 asampayuttassapī saṃsaṭṭhapariyāyo asaṃsaṭṭhassa ca sampayuttapariyāyo  
 atthīti tadubhayaṃ itaretaraṃ niyameṭīti dassanatthaṃ vāradvayadesanāti  
 dassento āha **“ubhayaṃ -pa- niyāmakam hotī”**ti, saṃsaṭṭhasaddo hi  
 vokiṇṇatṭho natthi, sampayuttasaddo ca sadisattho, tasmā yathā  
 saṃsaṭṭhasaddo sampayuttasaddāpekkho sadisatthato vinivattitvā  
 ekuppādādisabhāvameva atthaṃ bodheti, evaṃ sampayuttasaddopi  
 saṃsaṭṭhasaddāpekkho vokiṇṇatṭhato vinivattitvāti aññamaññāpekkhassa  
 saddadvayassa aññamaññāniyāmakatā veditabbā.

Sampayuttavāravaṇṇanā niṭṭhitā.

### 7. Pañhāvāravibhaṅgavaṇṇanā

401-403. **Te paccayeti** te hetu-ādike paccaye. **Paṭipāṭiyāti** ettha paccayapaṭipāṭiyā kusalādipadapaṭiyā vāti āsaṅkāyaṃ ubhayavasenapi attho yujjatiṭi dassento paṭhamam tāva sandhāyāha “**yathākkamenā**”ti-ādi. Tassattho—“hetupaccayo ārammaṇapaccayo”ti-ādinā nayena desanākkamena yāya paṭipāṭiyā paṭiccavāre paccayā āgatā, tadanurūpaṃ te dassetunti. Dutiyam pana dassetuṃ “**kusalo kusalassā**”ti-ādi vuttam. Sā panāyam padapaṭipāṭi yasmā na kusalapadadassanamattena dassitā hoti, tasmā taṃ ekadesena sakalam nayato dassento āha “**kusalo kusalassāti -pa-hoti**”ti. **Tenāti** nidassanamattena “kusalo kusalassā”ti padena. **Sabbo pabhedoti** yaṃ tattha tattha paccaye “kusalo kusalassā”ti-ādiko yattako pabhedo vissajjanam labhati, so sabbo pabhedoti attho. **Te paccaye paṭipāṭiyā dassetunti** te hetu-ādipaccaye kusalādipadapaṭipāṭiyā dassetuṃ.

404. Phalavisesam ākaṅkhaṅtā paṭiggāhakato viya dāyakatopi yathā dakkhiṇā visujjhati, evam dānam dentīti āha “**visuddham katvā**”ti. **Tesanti vattabbatārahanti** iminā vodānassa sakadāgāmi-ādinam āveṇikatam dasseti. Kāmam aggamaggapurecārikampi vodānameva, asekkho pana hutvā taṃ paccavekkhatīti na taṃ idha gahitam. **Tanti** vodānam. **Gotrabhucittanti** aṭṭhamakassa uppajjanakāle “gotrabhū”ti vattabbatāraham cittam. Gotrabhusadisanti vā sotāpannādigotrābhivhāvīti vā **gotrabhucittanti** evamettha attho veditabbo. **Paccayuppannam bhūmito vavatthapeti**, “tebhūmakakusalamevā”ti ettha viya na paccayadhammanti attho. **Desanantarattāti** “kusalacittasamaṅgissā”ti-ādinā puggalāmasanadesanato aññattā, aññathā gahitam puna na gaṇheyyāti adhippāyo.

405. Rāgarahitassa viya somanassarahitassa ca rāgassa na ārammaṇe assādanavasena pavatti ajjupekkhanatoti vuttam “**assādanam -pa- kiccan**”ti. Sahasākārappavattāya uppilāvitasabhāvāya pītiyā āhitavisesāya taṇhāya taṃ taṇhābhinandananti vuccatīti taṃ

sandhāyāha “**pītikiccasahitāya taṇhāya kiccan**”ti. Yathā ca yathāvuttakiccavisesāya pītiyā āhitavisesā taṇhā taṇhābhinandanā, evaṃ diṭṭhābhinandanā veditabbā. Yasmā pana sā atthato paccayavisesavisiṭṭhā diṭṭhiyeva, tasmā vuttaṃ “**diṭṭhābhinandanā diṭṭhiyevā**”ti. **Ettha panāti** “abhinandatī”ti padassa taṇhādiṭṭhivasena vuttesu etesu pana dvīsu atthesu. **Abhinandantassāti** idaṃ diṭṭhābhinandanānyeva sandhāya vuttanti adhippāyena “**pacchimattameva gahetvā**”ti vuttaṃ. **Abhinandantassāti** pana avisesato vuttattā taṇhāvasena diṭṭhivasena abhinandantassāti ayamettha attho adhippeto, tasmā “**abhinandanā -pa- na sakkā vattun**”ti idamidha vacanamano kāsam. Kasmā? Diṭṭhirahitepi santāne abhinandanassa vuttattā. **Taṇhāvasena nandatīti** taṇhābhinandanavaseneva vutto attho purimo attho. **Dvīsu pana somanassasahagatacittuppādesūti** diṭṭhirahitāni somanassasahagatacittāni sandhāyāha. **Yathāvuttenāti** “sarāgassa somanassassā”ti-ādinā vuttana somanassena assādentassa, rāgena ca tesuyeva yathāvuttasu dvīsu cittesu assādentassa, catūsupi somanassasahagatacittesu sappītikataṇhāya abhinandantassa, catūsupi diṭṭhisampayuttasu diṭṭhābhinandanāya abhinandantassa diṭṭhi uppajjātīti evamettha yojanā veditabbā. Tena vuttaṃ “**itipi sakkā yojetun**”ti. Yathā diṭṭhūpanissayato diṭṭhābhinandanā sambhavati, evaṃ taṇhūpanissayato taṇhābhinandanāpi sambhavatīti daṭṭhabbaṃ. “Abhinandati rāgo uppajjati”ti vacanato sappītikataṇhāya abhinandantassa rāgupattipi vattabbā, na vā vattabbā taṇhābhinandanāya eva rāgupattiyā vuttattā.

406. “Tadārammaṇatāyā”ti vattabbe “**tadārammaṇatā**”ti vuttanti āha “**vibhattilopo hettha kato**”ti. **Tadārammaṇatāti** ettha tā-saddābhidheyyo attho bhāvo nāma, so pana tadārammaṇasaddāhidheyato añño natthīti dassento āha “**bhāvavantato vā añño bhāvo nāma natthī**”ti. Etena sakatthe ayaṃ tā-saddoti dasseti. tenāha “**vipāko tadārammaṇabhāvabhūtoti attho**”ti. Etasmiṃcatthe “tadārammaṇatā”ti paccattekavacanāṃ daṭṭhabbaṃ. **Viññāṇañcāyatana -pa- na vuttanti** yadipi kāmāvacaravipākānampi

kammaṃ ārammaṇaṃ labbhati, taṃ pana viññāṇaṅcāyatananevasaññānāsaññāyatanavipākānaṃ viya na ekantena imassa vipākacittassa idaṃ kammaṃ ārammaṇanti vavatthitaṃ kāmāvacaravipākacittānaṃ bahubhedattā, tasmā taṃ labbhamānampi na vuttanti attho. Yadi evaṃ kiṃ taṃ labbhamānampi na dassitamevāti āsaṅkāyaṃ āha “**tadārammaṇena panā**”ti-ādi. **Anulomato samāpajjane yebhuyyena āsannasamāpattiyā ārammaṇabhāvo dassito**, aññathā “paṭilomato vā ekantarikavasena vā”ti vacanaṃ niratthakaṃ siyāti adhippāyo. **Bhaveyyāti** anāsannāpi samāpatti ārammaṇaṃ bhaveyya, na sakkā paṭikkhipitunti attho. Teneva hi “**yebhuyyena**”ti vuttaṃ. **Evaṃ satīti** yadi āvajjanāya eva ārammaṇabhāvena kusalānaṃ khandhānaṃ abyākatārammaṇatā adhippetā, evaṃ sante. **Vattabbaṃ siyāti** “iddhividhañāṇassā”ti ca pāliyaṃ vattabbaṃ siyā tassāpi āvajjanāya ārammaṇabhāvato. **Taṃ na vuttanti** taṃ abyākataṃ iddhividhañāṇaṃ “kusalā khandhā iddhividhañāṇassā”ti na vuttaṃ. **Hontīti** ārammaṇaṃ honti. **Tānīti** cetopariyañāṇādīni. **Yāya kāyacīti** cetopariyañāṇādīnaṃ aññesaṅca kusalānaṃ ārammaṇakaraṇavasena āvajjantiyā.

407-409. Ādīnavadassanena sabhāvato ca anitṭhatāmattavasena ca domanassassa uppatti veditabbāti yojetabbaṃ. Āghātavattu-ādibhedena **akkhantibhedā** veditabbā.

410. **Sabbassāti** pakaraṇaparicchinne gayhamāne sabbassa abyākatassa, atthantaravasena pana gayhamāne sabbassa ñeyyassāti attho. **Asakkuṇeyyattāti** idaṃ vattabbassa anantāparimeyyatāya vuttaṃ, na aññāṇapaṭighātato.

417. Vodānasaṅkhātaṃ vuṭṭhānaṃ apubbato na hotīti vuttaṃ “**apubbato cittasantānato vuṭṭhānaṃ bhavaṅgamevā**”ti. Tañhi yathāladdhassa visesassa vodāpanaṃ paguṇabhāvāpādanaṃ apubbaṃ nāma na hoti. Tathā hi vuttaṃ “heṭṭhimaṃ heṭṭhimaṃ hi paguṇajjhānaṃ uparimassa uparimassa padaṭṭhānaṃ hoti, tasmā vodānampi vuṭṭhānanti vuttan”ti<sup>1</sup>. **Avajjetabbattā vattabbaṃ natthīti**

1. Abhi-Ṭṭha 2. 444 piṭṭhe.

kusalabhāvena samānattā vajjetabbatāya abhāvato vibhajitvā vattabbari natthi, tasmā yadettha visesanaṃ labbhati, taṃ dassento “**nevasaññānāsaññāyatanam -pa- samāpattiyā**”ti āha. **Cittuppādakaṇḍe vuttamevā**ti paṭṭhāne pana “kusale niruddhe vipāko tadārammaṇatā uppajjati”ti-ādinā “kiriyaṇantaram tadārammaṇabhāve”ti yaṃ vattabbari, taṃ cittuppādakaṇḍavaṇṇanāyaṃ vuttameva.

**Tā ubhopī**ti yā “kusalavipākāhetukasomanassasahagatā upekkhāsahagatā cā”ti dve manoviññāṇadhātuyo vuttā, tā ubhopi somanassasahagatamanoviññāṇadhātuvaseṇa vuttā. Kasmā? Dasannaṃ kāmāvacarabhavaṅgānaṃ attano tadārammaṇakāle santīraṇakāle ca voṭṭhabbanassa anantarapaccayabhāvato. Upekkhāsahagatā pana yathāvuttānaṃ dasannaṃ vipākānaṃ manoviññāṇadhātūnaṃ attano tadārammaṇādikāle voṭṭhabbanakiriyaṇassa santīraṇakāle manodhātukiriyaṇassa bhavaṅgakāleti yojetabbari.

423. **Paṭivijjhivā**ti jānitvā. **Dalham na gahetabbanti** dalhaggāham na gahetabbari. **Balavato -pa- vipaccanatoti** etena balavatā dubbalatā ca appamaṇaṃ, katokāsataṃ pamāṇanti dasseti. Katokāsataṃ ca avasesapaccayasamavāye vipākābhimukhatāti daṭṭhabbari. **Yaṃ kiñcī**ti ca balavaṃ dubbalaṃ vāti attho. **Vipākajanakampi kiñci kammaṃ upanissayapaccayo na hotīti sakkā vattum**<sup>1</sup>. Sati hi kamma-upanissayapaccayānaṃ avinābhāve vipākattike upanissayapaccaye gahite kammappaccayo visum na uddharitabbo siyā, vedanāttike ca upanissaye paccanīyato ṭhite kammappaccayena saddhim aṭṭhāti na vattabbari siyāti adhippāyo. Paccayadvayassa pana labbhamānatapparāya desanāya upanissaye gahitepi kammappaccayo uddharitabbo evāti sakkā vattum. Labbhamānassa hi uddharaṇaṃ ñāyāgatam, tathā upanissaye paccanīyato ṭhitepi kammappaccayo vattabbova upanissayassa anekabhedatā, vipākam janentaṃ kammaṃ vipākassa upanissayo na hotīti na vattabbamevāti veditabbari.

---

1. Viññātum (Ka)

**Parassa pavattaṃ omānanti** parasantāne attānaṃ uddisa pavattaṃ avamānaṃ. **Tesūti** yo anena pubbe hato, tassa ñātimittesu. Mātughātanatthaṃ pavattitatāya purimacetaṇāya **mātughātakamma** **sadisatā**, yathā ca **āṇattiyaṃ pahārepi** eseva nayo. Tena vuttaṃ “**esa nayo dvīhi pakārehīti etthāpī**”ti.

Vaṭṭanissito dānādivasena saddhaṃ uppādeto rāgaṃ upanissaya dānādivasena saddhaṃ uppādeti nāma, na vivaṭṭanissito avisesena vuttattāti āha “**iminā adhippāyena vadatī**”ti. **Etesanti** kāyikasukhadukkhānaṃ. **Ekatopīti** idaṃ yadipi ekasmiṃ santāne sukhadukkhānaṃ ekasmiṃ khaṇe uppatti natthi, paccayasamāyogo pana tesāṃ ekajjhampi hotīti katvā vuttaṃ.

425. **Purimavāresu viyāti** paṭicavārādīsu purimesu viya. **Imasminti** pañhāvāre. **Paccayena uppatti vuccatīti** hetu-ādinā tena tena paccayena taṃtaṃpaccayuppannaṃ uppatti na vuccati. **Tesaṃ tesaṃ dhammānanti** hetu-ādināṃ tesaṃ tesaṃ paccayadhammānaṃ. **Taṃtaṃpaccayabhāvoti** “hetu-ādināṃ taṃtaṃpaccayabhāvo vuccati. Teneva purimesu chasu vāresu “kusalo dhammo uppajjati”ti-ādinā tattha tattha uppādaggahaṇaṃ kataṃ, idha pana “kusalassa dhammassa hetupaccayena paccayo”ti-ādinā paccayabhāvo gahito. **Tenāti** upatthambhakattena paccayabhāvena. **Idhāti** pañhāvāre.

427. **Paṭiṭṭhābhūtassāti** nissayabhūtassa. **Kamma**paccayoti saha-jātakamma-paccayo. **Dukamūlakadukāvasānāti** “kusalo ca abyākato ca dhammā kusalassa ca abyākatassa ca dhammassā”ti evaṃ dukamūlakadukāvasānā katvā vuttapañhā. **Tatthāti** paccayavāre. **Kusalo ca abyākato ca dhammāti** kusalābyākatappabhedā paccayuppannā dhammā. **Yato tato vāti** paccayadhammaniyamaṃ akatvā yato tato vā kusalābyākatavasena **ubhayapaccayato uppattimattameva tattha** paccayavāre **adhippetarṃ, ubhayassa** yathāvuttassa paccayuppannaṃ **ubhinnaṃ** yathāvuttānaṃyeva paccayadhammānaṃ **paccayabhāvo na adhippeto** uppādapadhānattā tassā desanāyāti adhippāyo. **Nissayādībhūtāti** nissaya-atthi-avigatabhūtā paccayadhammā na labbhanti, tasmā kusalo ca -pa- na vuttanti yojanā.

Pañhāvāravibhaṅgavaṇṇanā niṭṭhitā.



**Pañhāvārassa ghaṭane anulomagaṇanā**

439. **Etthāti** abyākatamūlake. **Yadi evanti** yadi kusalākusalamūlehi alabbhamānampi labbhati, evaṃ sante. **Gaṇanamattasāmaññato**, na paccayasāmaññatoti adhippāyo.

440. **Nidassanavasena daṭṭhabbo** yebhuyyena indriyamaggapaccayānañca hetupaccayassa visabhāgattā. **Indriyamaggapaccayā ca visabhāgāti** visesanena yo tattha sabhāgabhāvo, taṃ nivatteti. **Tathā bhāvābhāvato**ti tasmim̄ hetupaccayākāre sati bhāvato, hetudhammānaṃ hetupaccayabhāve sati saha-jātā-dipaccayabhāvato ti attho. **Adhipatipaccayādīnanti** adhipatindriyamaggapaccayānaṃ. **Visabhāgatā** hetupaccayassa. **Kusalādi hetūnanti** kusalākusalakirisābyākatahetūnaṃ. **Hetupaccayabhāveti** hetupaccayatte hetubhāvena upakāra-katte. **Vipākapaccayabhāvābhāvato**ti vipākapaccayabhāvassa abhāvato. Na hi vipākānaṃ vipākapaccayatā atthi. Vipākahetūnaṃ itarahetūhi hetupaccayatāya atthi sabhāgatāti āha “**hetuvajjāna**”ti. **Vipākānaṃ visabhāgatāya bhavitabbaṃ**, na hi vipākadhammadhammanevavipākanavipākadhammadhammānaṃ vipākehi sabhāgatā atthi rāsantarabhāvato ti adhippāyo. **Ubhayapaccayasahiteti** hetuvipākapaccayasahite. **Hetupaccayabhāve vipākamhīti** hetupaccayabhāvena vattamāne vipākadhamme. **Vipākapaccayattābhāvābhāvato**ti vipākapaccayabhāvābhāvassa abhāvato. Na hi vipāko vipākassa vipākapaccayo na hoti, tasmā natthi hetuvipākapaccayānaṃ visabhāgatāti adhippāyo.

Idāni vuttamevatthaṃ udāharaṇena samatthento “**yathā hī**”ti-ādimāha. **Hetusahajātapaccayasahiteti** hetupaccayasahajātapaccayasahite, ubhayapaccayayutteti attho. **Hetūnanti** idaṃ “**sahajātapaccayattābhāvo**”ti imināpi sambandhitabbaṃ. Hetūnaṃ hi hetupaccayasahite rāsīmhi hetupaccayabhāvo viya saha-jātapaccayabhāvopi atthīti. Tattha Hetuvajjānaṃ saha-jātadhammānaṃ hetudhammassa ca na sabhāgatā vuccati saha-jātapaccayena sabhāgabhāvato. **Evamidhāpīti** yathā hetusahajātapaccayesu vuttappakārena natthi visabhāgatā,

evamidhāpi hetuvipākapaccayesu natthi visabhāgatāti attho. **esa nayo vippayuttapaccayepīti** yvāyaṃ nayo hetusahajātapaccayesu visabhāgatābhāvo vutto, esa nayo hetusahite vippayuttapaccayepīti attho. Tatthāpi hi “hetuvippayuttapaccayasahite rāsīmhi”ti-ādi sakkā yojetunti. Paccuppanno eva paccayuppanno, paccayo pana atītopi anāgatopi kālavinimuttopi hotīti paccuppannakkhaṇe hetupaccayabhāve sahajātādipaccayabhāvaṃ sandhāya tathābhāvābhāvavasena sabhāgatāya vuccamānāya nānākkhaṇikānaṃ kusalādīnaṃ hetūnaṃ vipākānaṃca vasena visabhāgatā tasseva hetussa na vattabbāti imamatthaṃ dasseti “**apicā**”ti-ādinā.

Aggahitavisesato sāmāññato viseso na suviññeyyo hotīti adhippāyenāha “**kusalā vīmaṃsādhipatīti evaṃ vattabban**”ti.

441-443. “**Itarāni dve labhatī**”ti evaṃ vattuṃ na sakkā, hetādhipatidukehi dassitāni yāni “kusalo dhammo kusalassa dhammassa, kusalo dhammo abyākatassa, kusalo dhammo kusalassa ca abyākatassa ca, abyākato dhammo abyākatassā”ti cattāri vissajjanāni, tesu hetusahajātanissaya-atthi-avigata-indriyamaggapaccayesu sampayuttapaccaye paviṭṭhe “kusalo dhammo kusalassa, abyākato dhammo abyākatassā”ti imāni dve labhati. Yaṃ sandhāya aṭṭhakathāyaṃ vuttaṃ “sace tehi saddhim -pa- tāneva dve labhatī”ti, tehi pana itarāni nāma “kusalo dhammo abyākatassa, kusalo dhammo kusalassa ca abyākatassa cā”ti imāni dvepi siyuṃ. Na hi kusalo dhammo kusalassa vippayuttapaccayena paccayo hoti. Tena vuttaṃ “**itarāni dve labhatīti purimapāṭho**”ti-ādi<sup>1</sup>. **Itarāni** dveti vā aññāni dve, yāni sampayuttapaccayavasena dve vissajjanāni, vippayuttapavese pana tato aññāni aññathābhūtāni dve vissajjanāni. Yāni sandhāya vuttaṃ “**kusalo abyākatassa, abyākato abyākatassāti dve labhatīti paṭhantī**”ti. **Tesūti** unataragaṇanāhetūsu vipāka-aññamaññādīsu.

---

1. Labhatīti yaṃ sandhāya purimapāṭhoti-ādi (Ka)

**Anāmaṭṭhavipākānī**ti aggahitavipākapaccayāni, ghaṭanaṃ apekkhitvā ayamā napumsakaniddeso. **Na vipākaheturahitāni** sādharmaṇavasena vuttattā. Tena vuttaṃ aṭṭhakathāyaṃ “sāmaññato navannampi hetūnaṃ vasena vuttānī”ti, “vipākahetupi labbhātī”ti ca.

**Tatthā**ti pañcamaghaṭanato paṭṭhāya pañcasu ghaṭanesu. tena vipākena saha samaṃ vā uṭṭhānaṃ etassāti **samuṭṭhānanti** ayampi attho sambhavatīti vuttaṃ “**paṭisandhiyaṃ kaṭattārūpampi taṃsamuṭṭhānaggahaṇeneva saṅgaṇhātī**”ti. **Eseva** nayoti iminā kaṭattārūpampi taṃsamuṭṭhānaggahaṇeneva saṅgaṇhātīti imamevatthaṃ atidisati.

**Evampī**ti “etesu panā”ti-ādinā saṅkhepato vuttappakārepiṭi attho. Tenāha “**etesu pana -pa- vuttanayenapī**”ti. **Yo yo paccayoti yo yo hetu-ādipaccayo mūlabhāvena ṭhito** paresaṃ paccayānaṃ. **Tappaccayadhammānanti** tehi hetu-ādipaccayehi paccayabhūtānaṃ hetu-ādidhammānaṃ. **Niravasesa-ūna-ūnatarā-ūnatamalābhakkamenā**ti te dhammā yesu vissajjanesu yathārahaṃ niravasesā labbhanti, yesu ūnā ūnatarā ūnatamā ca labbhanti, tena kamena ghaṭanāvacaṇato paccayuppannāpi yathākkamaṃ niravasesādikkameneva labbhanti. Tenāha “**niravasesalābhe ca -pa- veditabbo**”ti.

Hetumūlakamā niṭṭhitamā.

445. **Pañcame ekanti sanissayato abyākatamūlaṃ akusalanti** idaṃ sandhāyāha “**vatthuvaseṇa sanissayaṃ vakkhatī**”ti. **Na idanti** idaṃ catutthaṃ ghaṭanaṃ labbhamānassapi vatthussa vasena ghaṭanaṃ na hoti tassa vakkhamānattā, tasmā “ārammaṇavasenevā”ti ekaṃso gahitoti atthayojanā.

446. **Sahajātapurejātā eko nissayapaccayoti** iminā satipi paccayadhammabhede paccayabhāvabhedo natthīti dasseti, tathā “**atthipaccayo**”ti imināpi. Avigatapaccayopettha atthipaccayeneva saṅgahitoti daṭṭhabbo. “Atthi-avigatapaccayo”ti pāṭho. Sahajātārammaṇādhipati pana na kevalaṃ paccayadhammappabhedova, atha kho paccayabhāvabhedopi atthevāti āha “**evaṃ -pa- abhāvato**”ti. Vuttamevatthaṃ

pākaṭatarāṃ kātuṃ “**nissayabhāvo hī**”ti-ādi vuttaṃ. Tattha **sahajātapurejātanissayādīnanti** sahajātanissayapurejātanissayādīnaṃ. **Ādi-**saddena sahajātapurejāta-atthi-avigatabhāve saṅgaṇhāti. **Na panevanti-**ādīnā vuttamevatthaṃ vivaranto “**sahajāto hī**”ti-ādimāha. **Bhinnasabhāvāti** samānepi adhipatisaddavacanīyabhāve paccayabhāvavasiṭṭhena sabhāvena bhinnasabhāvā, na hetupaccayādayo viya sabhāvamattena. **Tenevāti** bhinnasabhāvattā eva. Aññathā “kusalo kusalassa sahajātavasena, abyākato ārammaṇavasena adhipatipaccayena paccayo hotī”ti tadubhayaṃ ekajjhaṃ katvā vattabbaṃ siyā, na ca vuttanti dassento āha “**pañhāvāravibhaṅge -pana vuttan**”ti.

447-452. **Sādhāraṇavasenāti** adhipatindriyabhāvasāmaññena. Tathā ceva cha ghaṭanāni yojetvā dasseti “**adhipatī**”ti-ādīnā. **Dve paccayadhammāti** vīriyavīmaṃsānaṃ vasena dve paccayadhammā, **ekoyeva** cittādhipativasena. **Samaggakāni pubbe vattabbāni siyūṃ** adhipatipaṭipāṭiyāti adhippāyo. Paṭhamaṃ hi vīriyādhipatī pacchā cittādhipatīti. **Tesaṃ** āhāramaggapaccayānaṃ **pacchā vuttāni** samaggakāni. **Sadisattāti** idaṃ parato “hetuvasena vuttaḡaṭanehi sadisattā”ti-ādivacanaṃ sandhāya vuttaṃ.

457-460. **Dumūlakanti** kusalābyākatamūlakaṃ. Taṃ kusalamūlakesu kasmā vuttanti codanāyaṃ āha “**abyākatasahitassa kusalassa paccayabhāvadassanavasenā**”ti. **Etthāti** anulomagaṇane. **Yathāvuttesūti** “sahajāta-aññamaññānissayavipākasampayuttavippayutta-atthi-avigatamūlakesū”ti evaṃ vuttasu sahajātādīmūlakesu. **Atthi-avigatamūlakavajjesūti** atthi-avigatamūlakāni ṭhapetvā avasesesu **āhārena** āhārapaccayena ghaṭanāni na yojitānīti sambandho. Adhipatindriyehi ca nissayādivajjesu sahajātādīsū ghaṭanāni na yojitānīti yojanā. **Tesūti** hetukammajhānamaggesu āhāre adhipatindriyesu ca taṃtaṃghaṭanavasena yathāvuttesu yojiyamānesu. **Tenāti** hetu-ādi-arūpadhammānaṃyeva labbhanato. **Tehi ghaṭanānīti** hetu-ādīhi yojiyamānāni ghaṭanāni. **Rūpamissakattābhāvenāti** idaṃ vuttasadisattāya kāraṇavacanaṃ. Kasmā panettha atthi-avigatamūlakāni

nissayavippayutta-atthi-avigatāni tehi vajjitānīti āha “**atthi-avigatehi panā**”ti-ādi. Nissayādihi yojyamānāni adhipatindriyāni rūpamissakāni hontīti na vuttānīti sambandho. Yadi evaṃ kasmā atthi-avigatamūlakesu āharena, nissayādimūlakesu ca adhipatindriyehi yojanā katāti codanaṃ sandhāyāha “**adhipatāhārindriyamūlakesū**”ti-ādi.

473-477. Edisesu ṭhānesu khandha-saddo arūpesveva niruḥhoti katvā vuttaṃ “**na pavatte viya khandhāyeva paccayuppānabhāvena gahetabbā**”ti. **Kaṭattārūpampi pana labbhatīti** iminā “ekakkhaṇikakammavasena vuttānī”ti vacanaṃ paṭikkhipati. Yamatthaṃ sandhāya “**kasmā na vuttan**”ti vuttaṃ, taṃ pākaṭataraṃ karonto “**nanū**”ti-ādim vatvā puna taṃ udāharaṇena vibhāvetuṃ “**yathā cā**”ti-ādi<sup>1</sup> vuttaṃ. **Ārammaṇanissaya-accayabhāvenāti** ārammaṇapaccayabhāvena nissayapaccayabhāvena ca. Kammassa ca paccayabhāvo pākaṭoyevāti āha “**kammampi ārammaṇapaccayabhāvena vattabban**”ti. **Dvinnam paccayabhāvānanti** kammārammaṇapaccayabhāvānaṃ. **Aññamaññaṇapaṭikkhepatoti** iminā dvinnam paccayabhāvānaṃ bhinnattā pavatti-ākārassa ekakkhaṇe ekasmiṃ paccayadhamme ayujjamānataṃ dasseti. Yathādassitassa nidassitabbena asamānataṃ dassento “**paccuppannañhi -pa- yuttam vattun**”ti āha. **Kammam panāti**-ādinā kammārammaṇapaccayānaṃ pavatti-ākārassa bhinnattā ekajjhaṃ hutvā appavattimeva vibhāveti. Yato te aññamaññaṇam paṭikkhepakā vuttā, kasmā pana taṃyeva vatthu ārammaṇapaccayo hoti nissayapaccayo ca, na taṃyeva kammam ārammaṇapaccayo ca kammapaccayo cāti? Na codetabbametam, dhammasabhāvo esoti dassento “**esa ca sabhāvo**”ti-ādimāha. Tattha **vattamānānanti** paccuppannānaṃ. **Yanti** idam “vattabbatā”ti iminā sambandhiyamānaṃ “**yā**”ti itthilingavasena vipariṇāmetabbaṃ. **Yathāti**-ādinā tamevatthaṃ udāharaṇadassanena vibhāveti.

478-483. Yaṃ viññānaṃ adhipatipaccayo na hoti, taṃ **anāmaṭṭhādhipatibhāvaṃ** daṭṭhabbaṃ. **Vatthussa vasenāti** hāpetabbassa vatthussa vasena.

---

1. Yathā hīti-ādi (Ka)

484-495. Arūpindriyāni rūpānaṃ paccayattena labbhantīti yojanā. Yadipi evaṃ vuttaṃ rūpindriyānaṃ arūpānaṃ paccayattañca labbhatīti āha “cakkhādāni ca pana cakkhuvīññāṇādānaṃ labbhantī”ti. Taṃsamānagatikāti vīriyena samānagatikā maggapaccayatāya.

511-514. Vip̄payuttamūlake “dasame kusalādayo cittasamuṭṭhānānaṃ”ti idaṃ pavattivasena aṭṭhakathāyaṃ vuttanti āha “paṭisandhiyaṃ pana ‘khandhā kaṭattārūpānaṃ vatthu ca khandhānaṃ’ti idampi labbhatī”ti. Tassa dassanavasenaṃti tassa vatthussa dassanavasena, na anavasesato paccayadhammassa dassanavasena. Tenāha “khandhā ca vatthussāti idampi pana labbhate vā”ti. Na vajjetabbāntīti tesampi paccayuppannabhāvena yojetabbatā.

515-518. Arūpavattahārammaṇamahābhūta-indriyāhārānaṃ paccayadhammānanti attho. “Āhārindriyapaccayā cā”tipi pana vattabbaṃ. Kasmā? Na hi indriyāhārānaṃ vasena saha-jātādayo labbhanti, indriyāhārānaṃ pana vasena indriyāhārapaccayāva labbhanti. “Sahajātaṃ purejātaṃ pacchājātaṃ āhāraṃ indriyaṃ”ti hi uddisitvā atthipaccayo vibhattoti. Keci panettha “āhāraggaṇena kabalīkāro āhārova gahito, indriyaggaṇena ca rūpajīvitindriyameva, sesāhārindriyāni saha-jātādīsveva antogadhāni katāni. Yāni tadantogadhāni, te sandhāya aṭṭhakathāyaṃ ‘arūpavattahārammaṇamahābhūta-indriyāhārānaṃ vasena’ti ettha indriyāhāraggaṇaṃ katanti ‘sahajātapurejātapacchājātapaccayā labbhantī’ti vuttan”ti vadanti.

Tattha arūpānaṃ saha-jātapacchājātāhārindriyapaccayabhāvo yathārahaṃ veditabbo. Vatthu saha-jātaṃ purejātañca, ārammaṇaṃ purejātaṃ, abhiññāññāssa pana kadāci saha-jātampi ārammaṇapaccayo hotiyeva. Saha-jāttaggaṇena panettha saha-jātapaccayabhūtova gayhatī, so ca ekuppādādilakkhaṇayuttovāti yo dhammo saha-jāto hutvā ārammaṇaṃ hoti, na so idha adhippeto. Yadi saha-jātopi ārammaṇaṃ hoti, kasmā pāḷiyaṃ tathā na vibhattanti? Ekakalāpapariyāpannaṃ ekuppādādilakkhaṇayuttassa bhinnakalāpapariyāpannato saṅkaramocanattaṃ. Apica appacurabhāvato apākaṭabhāvato ca taṃ na

gahitaṃ. **Tatoti** navamatoti attho, na dasamatoti adhippāyo. Na hi ekādasame adhipati atthīti. **Tathā cuddasameti** ettha **tathā**-saddena vatthuggahaṇena cakkhādivatthūnīpi gahitānīti imamattham upasamharati. **Tadevāti** ārammaṇameva.

519. **Sahajātāni viyāti** sahajātapaccayasahitāni viya ghaṭanāni. **Sahajātenāti** sahajātapaccayena. **Tānīti** “pakiṇṇakaghaṭanāni”ti vuttaghaṭanāni. Yāni hi sahajātapaccayena na yojitāni, tānettha pakiṇṇakaghaṭanānīti vuttāni. **Purejāta -pa- vassenāti** ettha ayaṃ yojanā—purejātassa pacchājātassa āhārassa indriyassa ca sahajātena aññamaññaṇca sāmāññavasena, tesamīveva sahajātena aññamaññaṇca asāmāññavasena cāti vuttam hoti. Yathā purejātassa pacchājātassa ca sahajātena asāmāññaṇ bhinnasabhāvattā, tato eva āhārindriyānampi tena asāmāññaṇ, evam purejātādīnaṃ catunnampi aññamaññaṇ asāmāññaṇ bhinnasabhāvattā. Evam asāmāññavasena asamānatāvasena yathāvuttāni ghaṭanāni vippakiṇṇāni. Yathā pana sahajātapaccayadhammā arūpakkhandhādayo teneva sahajātapaccayatāsaṅkhātena mithūnaṃ samānabhāvena aññehi asaṅkiṇṇā attano paccayuppannānaṃ paccayo hontīti asāmāññavasena tesam pavattī, evam purejātādīpaccayadhammāpīti tesam sahajātena aññamaññaṇca yathāvuttassa sāmāññaṇca asāmāññaṇca ca vasena tāni ghaṭanāni vippakiṇṇānīti pakiṇṇakāni vuttāni. Evam sante sahajātānampi ghaṭanānaṃ pakiṇṇakabhāvo āpajjatīti? Nāpajjati tesam sahajātātāya eva avippakiṇṇabhāvasiddhito. Tena vuttam **sahajātaṃ aggahetvā vuttāni pakiṇṇakāni nāmā**”ti.

**Tānīti** pakiṇṇakaghaṭanāni. **Kusalavipākāti** kusalā ca vipākā ca, ye abhinnalakkhaṇā hutvā kusalasabhāvā vipākasabhāvā cāti attho. Evamsabhāvaṇca ekam aññindriyamevāti āha “**idaṃ -pa- labbhatī**”ti. Nanu ca saddhindriyādivasenaṃpi ayamatto labbhatīti? Tesam kiriyasabhāvātāpi atthevāti. **Dukkanti** cetasikadukkham. Tenāha “**akusalamevā**”ti. Vipākassa dukkhassāti yojanā. Tena vuttam “**ajhānaṅgattā**”ti. **Akusalavipākakiriyāti** vicikicchācittapañcaviññānakiriyāmanodhātūsu pavattanato akusalavipākakiriyāva hoti

cittaṭṭhitīti attho. Yasmā akusalavipākāti evamatthe gayhamāne dukhassa cittaṭṭhitiyā ca vasena yathā jhānesu, evaṃ aññesaṃ vasena aññesu ca na labbhati, tasmā akusalassa vipākāti evamatthe gayhamāne dukkhindriyassa vasena indriyesu labbhatīti dassento āha “**akusalassa -pa- labbheyyā**”ti. Imasmiṃ kusallatike vipāko vipākābyākatamicceva gayhati, na akusalādipadehi visesetvāti imamatthaṃ dassento “**kusalavipākā -pa- natthī**”ti āha.

Pañhāvārassa ghaṭane anulomagaṇanā niṭṭhitā.

### Paccanīyuddhāraṇā

527. **Nahetupaccayenā**ti ettha **na-kāro** aññatthoti dassento “**hetupaccayato aññena paccayenā**”ti āha. **Aggahitaggahaṇenā**hi sahajātādisaṅgahasena aggahitānaṃ gahaṇena. **Aṭṭha hontī**ti imissā pāḷiyā āgatā ārammaṇādayo aṭṭha paccayā hontī. **Tesūti** aṭṭhasu paccayesu. **Tihīti** ārammaṇasahajāta-upanissayapaccayehi. **Dvihīti** ārammaṇapaccaya-upanissayapaccayehi. **Tasmim tasmim paccayeti** tasmim tasmim hetu-ādike paccaye. **Tato** hetu-ādipaccayato. **Yathāyogaṃ yojetabbāti** yasmim paccaye paccanīyato ṭhite ye paccayā anulomato yojanaṃ labhanti, te yojetabbāti attho.

**Dvinnanti** anantarūpanissayassa pakatūpanissayassāti imesaṃ dvinnam. **Vatthupurejātassa vasena purejātam** ārammaṇapurejātassa ārammaṇena saṅgahitattā. **Aññissā cetanāyāti** nānākkhaṇikakammappaccayabhāveneva pavattāya cetanāya. Arūpāhārā apariccattasahajātabhāvā eva āhārapaccayo hontī, rūpāhāro ṭhitippattoyevāti vuttam “**sahajātato aññassa kabalīkārāhārassa vasena āhāro**”ti. **Sahajātato aññassāti** ca idaṃ arūpāhāranivattanatthaṃ vuttam, na kabalīkārāhāraṃ visesanivattanatthaṃ tādisasseva tassa abhāvato. Na hi rūpāhāro sahajātapaccayo hoti, nāpi purejātapaccayo



hoti. Yathā saḥajātānaṃ saḥajātapaccayo na hoti, evaṃ purejātānaṃ pacchājātapaccayo na hoti, pacchājātānaṃ purejātapaccayo na hoti. Kasmā? Tādisassa paccayalakkhaṇassa abhāvato. Yesaṃ hi yo janako, na tehi tassa saḥajātatā atthi, nāpi purejātatā purejātapaccayalakkhaṇayuttā, pacchājātapaccayatāya pana vattabbameva natthi rūpadhammattā. Upatthambhakattepi eseva nayo, tasmā saḥajātādividhuro eva tassa paccayabhāvo veditabbo. Teneva hi “saḥajātaṃ purejātaṃ pacchājātaṃ āhāraṃ indriyaṃ”ti ettha rūpajīvitindriyaṃ viya rūpāhāro visum gahito. Tathā cāha “**rūpāhāro -pa- āhārapaccayo va hoti**”ti. **Saḥajātato purejātato ca aññassa rūpajīvitindriyassāti** ettha rūpāhāre vuttanayeneva attho veditabbo.

**Evañca katvāti** purimapurimehi asaṅgahitasāṅgaṇhanavasena pacchimapacchimānaṃ gahitattā tathā rūpāhārassa jīvitindriyassa ca vasena idha āhārindriyapaccayānaṃ gahitattāti attho, aññathā “āhārapaccayena paccayo, indriyapaccayena paccayo”ti vattabbaṃ siyāti adhippāyo. Tenevāha “**ārammaṇa -pa- icceva vuttan**”ti. **Tadaññābhāvāti** tato ārammaṇādipaccayato aññassa idhādhippetakammādipaccayassa kusale abhāvā. **Tasmāti** yasmā ārammaṇato aññesaṃ dvinnaṃ vasena upanissayo vutto, tasmā “ārammaṇādhipati ārammaṇapaccaye saṅgahaṃ gacchatī”ti vattabbaṃ, na ārammaṇūpanissayeti adhippāyo. Yadi evaṃ kasmā parittattikapañhāvārapaccanīye ārammaṇaṃ na vuttaṃ. Upanissayena hi asaṅgahitatte taṃ vattabbameva siyāti codanaṃ sandhāyāha “**yaṃ panā**”ti-ādi. Tattha **purimehi asaṅgahitavasena vuttānanti** purimehi paccayehi asaṅgahitavasena vuttānaṃ pacchimānaṃ paccayānaṃ.

**Saṅgahitavivajjanābhāvato**ti attanā samānalakkhaṇatāya saṅgahitassa paccayassa vivajjanābhāvato, vivajjane kāraṇaṃ natthīti attho. **Upanissayato aññārammaṇābhāvato**ti appamāṇo dhammo appamāṇassa dhammassa ārammaṇaṃ honto ārammaṇūpanissayova hoti ārammaṇādhipatibhāvato attho. Yathā ārammaṇe gahite ārammaṇūpanissayo gahitova hoti

balavārammaṇabhāvato, evaṃ ārammaṇūpanissaye gahite ārammaṇaṃ gahitameva hoti taṃsabhāvattāti tattha taṃ visuṃ na uddhaṭanti daṭṭhabbaṃ. Tenāha “**na pana ārammaṇūpanissayassa ārammaṇe asaṅgahitattā**”ti.

**Pacchājāta-āhārānanti** attano paccayuppannato purejātakāyato pacchājātānaṃ arūpāhārānaṃ. Te hi attanā sahajāta-arūpadhammānaṃ taṃsamuṭṭhānarūpadhammānampi sahajāta-atthipaccayā honti, purejātānaṃ pana vatthūnaṃ pacchājāta-atthipaccayo. **Pacchājātindriyānanti** pacchājātānaṃ arūpindriyānaṃ. Sesāṃ āhāre vuttanayena yojetabbaṃ. Yasmā ete āhārindriyā yasmim̄ khaṇe purejāta-atthipaccayaṃ labhanti, tasmim̄yeva khaṇe taṃtampaccayuppannānaṃ sahajāta-atthipaccayo pacchājāta-atthipaccayo ca honti, tasmā vuttaṃ “**sahāpi atthi-avigatapaccayabhāvo hoti**”ti. **Tiṇṇanti** sahajātādīnaṃ tiṇṇaṃ. **Chahi bhedehi**ti visuṃ gahitehi sahajātādīhi pañcahi yathārahaṃ ekajjhaṃ gahitabhedena cāti chahi atthipaccayabhedehi. **Ekekaṃ saṅgahetvāti** atthipaccayalakkhaṇaṃ avigatapaccaya-akkhaṇaṇca visuṃ visuṃ chahi bhedehi saṅgahetvā vuttaṃ.

**Ajjhattikabāhirabhedatoti vattabbaṃ** cakkhādīnaṃ jīvitindriyassa ca adhippetattā, sapaśantānikānaṇca indriyānaṃ anadhippetattā. **Nissayapurejāvippayutta-atthivigatānaṃ** purejātabhūtānanti adhippāyo. Tesaṇhi purejāte saṅgaho. **Tadekadesassāti** ārammaṇekadesassa, ārammaṇādhipati-ārammaṇūpanissayānanti attho. **Tesanti** nissayādīnaṃ. **Upanissayādīsūti** upanissayapurejātapaccayādīsu. **Taṃ pana** purejātabhūtaṃ ārammaṇaṃ. **Tatthāti** upanissayapaccayapaccayasāṅgahe. Yathāvuttanayo cettha ekantena gahetabboti dassetuṃ “**atha panā**”ti-ādi vuttaṃ.

**Eva-saddo ānetvā yojetabbo**, aññathā tesu pañhesu ekasabhāvato va paccayassa āgamaṇaṃ vuttaṃ siyā. **Tenāti** “ekovā”ti avadhāraṇena aggahitena. **Tesūti** sahajātapurejātapaccayesu. **Ukkaṭṭhavasenāti** “eko dve”ti-ādinā vutta-ukkāmsavasena. **Te te paccaye saṅgahetvāti** te hetu-ādipaccaye sahajātādipaccayehi saṅgahetvā. **Dassitapaccayaparichedoti** soḷasādibhedena saṅgahetvā dassitapaccayaparichedo.

**Pabhedaparihānīsūti** saḥajātapaccayādīhi saṅgahitapaccayappabhede taṁtaṁpaccayapaṭikkhepe pañhāparihāniyañcāti attho. **Nahetupaccayāti** iminā hetupaccayato aññe paccayā gahitāti katvā vuttaṁ “**nahetupaccayāti ettha labbhamāna paccaye sandhāya vuttan**”ti. **Evañca katvāti** sabbapaccanīyasādharmaṇalakkhaṇavasena vuttattā eva **na vattabbari siyā**, na hi hetupaccaye paccanīyato ṭhite hetudhammo hetussa dhammassa saḥajātapaccayena paccayoti sakkā vuttum. **Vīsati paccayāti** hetupaccayena saddhim vīsati paccayā. Parihānīyaṁ vitthārakathaṁ dassentoti yojanā.

528. **Tehi tehi paccayehīti** saḥajātapaccayādīhi tehi tehi saṅgāhakabhūtehi paccayehi. **Te te paccayāti** saṅgahetabbā aññamaññapaccayādayo hetupaccayādayo vā te te paccayā. **Aññesaṁ abhāvaṁ sandhāya vuttaṁ**, na tesāṁ sabbesaṁ sambhavanti adhippāyo. Tenāha “**na hī**”ti-ādi. Tattha **dveyevāti** ārammaṇādhipatiṁ apanetvā āha. **Abyākatassapīti pi**-saddena na kevalaṁ kusalasseva, atha kho abyākatassapīti kusalaṁ sampiṇḍeti.

530. **Tena saddhinti** vatthunā saddhim. **Suddhānanti** kevalānaṁ vatthunā vinā ca gahitānaṁ kusalakkhandhānaṁ. Yadipi vatthunā saddhim saḥajātaṭṭho natthi, nissayādibhāvo pana atthevāti dassento “**vatthunā panā**”ti-ādimāha.

Saḥajātapurejātapacchājāta-āhārindriyānaṁ atthipaccayena saṅgahetabbattā saḥajātādīhi saṅgahetabbānaṁ taṁsaṅgaho sukaroti dassetuṁ upanissayena saṅgahetabbānaṁ saṅgaho vuttanayo evāti vuttaṁ “**catūsu sabbapaccaye saṅgaṇhitvā**”ti. Kammaṁ pana saḥajātūpanissayehi asaṅgahetabbatāpi atthīti sarūpato gahitaṁ, aññathā “**tīsu paccayesu**”ti vattabbari siyā. **Missakāmissakassāti** saḥajātapurejātādibhāvehi missakassa tathā amissakassa ca. Vuttamevattham vitthārato dassetuṁ “**na hī**”ti-ādi vuttaṁ. **Tenāti** atthipaccayavibhāgasāṅgāhakānaṁ saḥajātādīnaṁ gahēna. **Sabbapaccayānaṁ -pa- hotīti** iminā “**imasmim pana paccayuddhāre**”ti-ādinā vuttopi paccayasāṅgaho idha atthato dassitoyevāti imamattham dasseti.

**Nissayo kasmā na vutto?** Sahajātanissayo purejātanissayoti hi sakkā vibhajitunti adhippāyo. **Vippayutto vā kasmā na vutto?** Purejātavippayutto pacchājātavippayuttoti vibhajitum sakkāti attho. Yaṃ missakāmissakabhāvaṃ manasi katvā “avattabbattā”ti vuttaṃ, taṃ dassento “**nissayo tāvā**”ti-ādimāha. **Visesitabbo** “vippayuttapaccayena paccayo”ti avisesena pāliyaṃ vuttattā. **So viyāti** atthipaccayo viya, nissayapaccayo viya vā atthipaccayavisesābhāvena vippayuttapaccayo na vattabova. Dvinnāṃ paccayānaṃ viya pabhedasabbhāvatoti dassento “**sahajātapurejātānañcā**”ti-ādimāha. **Tathāti**-ādinā vuttamatthaṃ pāliyā samatthetum “**vakkhatī**”ti-ādi vuttaṃ. Tattha maggaphaladhammānaṃ maggaphalataṃsamuṭṭhānarūpavasena sahajāta-atthipaccayo tesāmyeva purejātacatusantirūpavasena pacchājāta-atthipaccayo vutto, na pana vippayuttapaccayabhāvo vakkhatīti yojanā. **Soti vippayuttapaccayo.**

Hetu-ādināṃ sahajātantogadhattā hetu-ādayo tabbisesā hontīti katvā vuttaṃ “**sahajātapaccayo ca hetu-ādīhi visesetabbo**”ti. **Soti sahajātapaccayo.** **Viruddhapaccayehīti** sahajātapurejātassa sahajātādibhāvena viruddhehi paccayehi. Tenāha “**uppattikālaviruddhehi paccayehī**”ti.

Paccanīyuddhāraṇṇanā niṭṭhitā.

**Paccanīyagaṇanavaṇṇanā**

**Nahetumūlakavaṇṇanā**

532. **Adhipatipaccayādibhūto ārammaṇapaccayoti** ārammaṇa-ārammaṇādhipati-ārammaṇūpanissaye vadati. te ca yasmā ārammaṇasabhāvā eva, tasmā vuttaṃ “**parihāyatiyevā**”ti. **Pannarasasūti** dutiye sahajātapaccaye “hetupaccayo”ti-ādinā vuttessu pannarasasu. **Ekādasannaṃ vassenāti** sahajātapaccayo, sahajātātāvisiṭṭhā adhipatinissayakammāhārindriyatthi-avigatahetujhānamaggā cāti imesaṃ

ekādasannaṃ vasena. **Sahajāte antogadhā** hetu-ādayo. **Tasmim̐ paṭikkhitteti** tasmimsahajāte paṭikkhitte paccanīyato ṭhite. **Anantogadhā** sahajāte, ke pana teti āha “**ārammaṇādhipatipurejātanissayādayo**”ti. **Ārammaṇādi-ākārenāti** ārammaṇapurejātanissayanānākkhaṇikakammādi-ākārena.

**Tasmim̐ paṭikkhitteti** tasmim̐ sahajātapaccaye paṭikkhitte. **Ime vārāti** sahajātaṃ purejātanti vissajjitavārā. **Ete nissayādayoti** sahajātataṃvisiṭṭhe nissayādi ke vadati, na itare. Tenāha “**yasmā ca -pa- paṭikkhepena paṭikkhittā**”ti.

**Nissayādibhūtaṇca sahajātapaccayaṃ ṭhapetvāti** etena “ṭhapetvā sahajātapaccayan”ti ettha antogadhanissayādibhāvoyeva sahajātapaccayo gahitoti dasseti. **Nissayādīti ādi-saddena** hetu-ādīnaṃ saṅgho daṭṭhabbo. **Aññamaññapaccayadhammasena pavattisabbhāvato** aññamaññapaccayadhammasena sahajātādīhi pavattisabbhāvato aññamaññe paṭikkhitte “kusalo kusalābyākatassā”ti vā ro parihāyati. **Tesaṃ tesaṃ paccayuppannānanti** idaṃ sāmāññavacanampi “aññamaññapaccayasāṅghaṃ gatā”ti vacanato aññamaññapaccayalābhīnaṃyeva gahaṇaṃ siyāti āsaṅkaṃ nivattetuṃ “**kusalo ca kusalassā**”ti-ādi vuttaṃ. **Samudāyabhūto** catukkhandhasamudāyabhūto. **Ekadesabhūtehīti** tasseva ekadesabhūtehi. “**Kusalo panā**”ti-ādi “na-aññamaññapaccayena -pa- parihāyati”ti imassa aṭṭhakathāvacanassa samādhānavacanāṃ.

**Rūpakkhandhekadesova honti** rūpāhārarūpindriyavasena, “ekantena vippayuttapaccayadhammehī”ti vuttadhammā “te”ti paccāmaṭṭhāti āha “**tehi te vippayuttapaccayadhammā**”ti.

533. **Paccanīyagaṇanaṃ dassetunti** vuttepi nanu paccayagaṇanameva dassitaṃ hotīti kassaci āsaṅkā siyāti taṃ nivattento āha “**paccanīyavāragaṇanā hi dassitā**”ti. Balavakammaṃ vipākassa upanissayo hoti, itaraṃ kammaṃpaccayo evāti āha “**vipākassapi pana -pa- kammaṃpaccayo hoti**”ti.

Nahetumūlakavaṇṇanā niṭṭhitā.

534. **Paricchinnagaṇanānī**ti idaṃ na gaṇanāpekkhaṃ, atha kho vissajjanāpekkhanti āha “**paricchinnagaṇanāni vissajjanānī**”ti. Paccanīyato ṭhitopi hetu nayānaṃ mūlabhāveneva ṭhitoti āha “**hetumūlake**”ti, aṭṭhakathāyaṃ pana “nahetumūlakam”icceva vuttaṃ.

538. **Mūlaṃ saṅkhipitvā**ti sattamūlakaṃ aṭṭhamūlakaṃ navamūlakaṃ saṅkhipitvā. **Dvīsūti** “tīṇī”ti vuttasu tīsu vissajjanesu purimesu dvīsu “kusalo dhammo abyākatassa, akusalo dhammo abyākatassā”ti imesu. Tenāha “**vīpāko paccayuppanno hotī**”ti. **Tatīyeti** “abyākato dhammo abyākatassā”ti imasmim. **Tesamuṭṭhānikakāyoti** utucittāhārānaṃ vasena tesamuṭṭhānikakāyo.

545. **Etaraṃ dvayaṃ sandhāya vuttaṃ**, yathā arūpaṃ arūpassa, evaṃ rūpampi rūpassa vippayuttapaccayo na hotīti. **Rūpābyākato arūpābyākatassāti** idaṃ vatthukhandhe sandhāya vuttaṃ. **Arūpābyākato rūpābyākatassāti** idaṃ pana cittasamuṭṭhānarūpañcāti tesam ekantiko vippayuttapaccayabhāvoti āha “**sahajāta -pa- hotiyevā**”ti. **Sahajātāhārindriyavasenāti** sahajāta-arūpāhārindriyavasena.

546. **Ekamūlakekāvasānā anantarapakatūpanissayavasena labbhantīti** idaṃ yathārahavasena vuttanti taṃ yathārahaṃ paṭikkhepāpaṭikkhepavasenapi dassetabbanti “**atthipaccaye panā**”ti-ādi vuttaṃ. **Purimesūti** nārammaṇādīsu. **Navāti** ekamūlakāvasānā nava. **Dveyevāti** “kusalo dhammo abyākatassa, akusalo dhammo abyākatassā”ti ime dveyeva.

Paccanīyavaṇṇanā niṭṭhitā.

### Anulomapaccanīyavaṇṇanā

550. **Imehvāti** “kusalo kusalassa, akusalo akusalassā”ti imehi eva **samānā honti** kusalādītāsāmañña. Tena vuttaṃ “**atthābhāvato pana na anurūpā**”ti. “Kusalo

kusalassā”ti-ādinā satipi uddesato sāmaññe yebhuyyena siyā vibhaṅge visesoti āha “**yathāyogaṃ niddesato cā**”ti.

551. **Hetunāmanti** hetu ca taṃ nāmañcāti hetunāmaṃ. **Paccayanti** tameva paccayabhūtaṃ sandhāyāti yojanā.

552. **Dvinnampi adhipatīnanti** sahajātārammaṇādhipatīnaṃ vasena, taṃ “kusalaṃ kusalassa sahajātato ceva ārammaṇato cā”ti-ādinā aṭṭhakathāyaṃ vuttanayeneva veditabbaṃ. **Nārammaṇe sattāti** sahajātādhipatissa vasena vuttaṃ, **na sahajāte sattāti** ārammaṇādhipatissa vasena vuttanti yojanā. **Evanti** yathā adhipatimhi vuttaṃ, evaṃ sabbattha sabbapaccayesu. “**Tasmim tasmim -pa- uddharitabbā**”ti vatvā tassa gaṇanuddhārassa sukarataṃ upāyañca dassento “**anulome -pa- viññātun**”ti āha.

Anulomapaccanīyavaṇṇanā niṭṭhitā.

### Paccanīyānulomavaṇṇanā

631. **Parihāpanagaṇanāyāti** parihāpetabbagaṇanāya **samānattañca na ekantikam** ūnatamabhāvassapi sambhavatoti adhippāyo. Tenāha “**nahetunārammaṇadukassā**”ti-ādi. Tattha saddhim yojyamānena ūnataragaṇanena adhipatipaccayena parihīnāpīti yojanā. **Saddhim parihīnāpīti** vā imasmim pakkhe “adhipatipaccayenā”ti itthambhūtalakkhaṇe karaṇavacanaṃ. **Etanti** lakkhaṇaṃ.

**Aṭṭhānanti** anulomato aṭṭhānaṃ atiṭṭhanaṃ. **Tiṭṭhantīti** anulomatoti yojanā. **Tesanti** hetu-ādīnaṃ. **Itaresūti** yādisā adhippetā, te dassetuṃ “**adhipatī**”ti-ādi vuttaṃ. **Imāni dve**ti “kusalābyākatā abyākatassa, akusalā-abyākatā abyākatassā”ti imāni ca dve.

Nahetumūlakavaṇṇanā niṭṭhitā.

636. **Hetuyā vuttehi tīhī**ti hetupaccayā vuttehi tīhi vissajjanehi saddhim. **Vārasāmaññameva vadati**, na atthasāmaññanti adhippāyo. **Tathā kamme tīṇīti hetuyā vuttānevāti cāti** “kamme tīṇī”ti ettha “hetuyā vuttānevā”ti imasmim atthavacanepi tathā vārasāmaññameva sandhāya vadatīti attho.

644. **Ekekamevāti** ekekameva vissajjanam.

650. **Sakaṭṭhāneti** attanā ṭhitaṭṭhāne. **Tato paretarāti** tato aggahitapaccayato paretarā paccanīyato. **Nāhāre -pa- lābho hotīti** āhārapaccaye paccanīyato ṭhite indriyapaccayam, anulomato indriyapaccaye ca paccanīyato ṭhite āhārapaccayam anulomato yojetvā yathā pañho labbhatīti attho. **Tesūti** āhāriyāsu. **Dvidhā bhinnāni** paccanīyato anulomato ca yojetabbabhāvena.

Paccanīyānulomavaṇṇanā niṭṭhitā.

Kusalattikavaṇṇanā niṭṭhitā.

## 2. Vedanāttikavaṇṇanā

1. Vedanāttike **paṭiccādinīyamanti** tikapadasambandhavasena paṭiccavārādīsu vattabbaṃ paṭiccasahajātaṭṭhādīnīyamanam **na labhanti** vedanārūpanibbānāni. Kasmā? Tikamuttakattā. Tathā **paccayuppannavacanam**. Na hi sakkā vuttam vedanam rūpam nibbānañca sandhāya “sukhāya vedanāya sampayuttam dhammam paṭicca sukhāya vedanāya sampayutto uppajjati”ti. **Tikadhammānanti** vedanāttikadhammānam. **Tatthāti** hetupaccayādīsu. **Yathānurūpatoti** vedanādīsu yo yassa vedanāya sampayuttadhammassa ārammaṇādipaccayo bhavitum yutto, tadanurūpato. **Ārammaṇādīti ādi-**saddena ārammaṇādhi pati-ārammaṇūpanissayādike saṅgaṇhāti.

10. **Kusalattikepi parihīnanti** idam paccanīyam sandhāya vuttam. **Rūpārūpadhammapariggāhakattāti** idam anādibhūtassapi sahajātassa ādimhi



ṭhapane kāraṇavacanam. **Ādi-saddenā**ti “sahajātādayo”ti ettha ādi-saddena. Yathārahaṃ ārabha uppattivaseṇa sabbe arūpadhammā ārammaṇādīnaṃ paccayuppannā hontīti vuttaṃ “**paccayuppannavaseṇa sabbārūpadhammapariggāhakānaṃ ārammaṇādīnaṃ**”ti. **Ādi-saddena** ārammaṇādhipati-ārammaṇūpanissayādike saṅgaṇhāti. **Tenā**ti “sabbārūpadhammapariggāhakā paṇā”ti-ādivacanena. **Sabbatṭhānikānaṃ -pa- dassitā hoti** sahajātadassanenāti attho. Ekadesaparihānidassaneneva hi samudāyaparihāni dassitā hotīti. **Sahajātādayovā vā** ādi-saddena sabbatṭhānikā cattāropi dassitā hontīti. **Sahajātamūlakā**ti sahajātapaccaye sati bhavantā na sahajātaṃ purato katvā pāliyaṃ āgatā. Tenāha “**sahajātanibandhanā -pa- vuttaṃ hoti**”ti. So pacchājāto kasmā pana na parihāyatīti sambandhā. **Tatthāti** yathāvuttāya parihāniyaṃ aparihāniyaṇca. **Sahajātanibandhanehī**ti sahajātadhammanimittehi paccayabhāvehi idha paccayadhammahetuko vutto. **Etthevāti** parihāniyaṃyeva. Sā hi idha adhikatā. Sahajātanibandhanānameva parihānīti vutte “kim sabbesaṃyeva nesaṃ parihānī”ti āsaṅkāya āha “**sahajāta -pa- dassitameta**”ti.

17. **Nayadassanameva karotīti** yathā ahetukakiriyacetanaṃ sandhāya “nahetupaccayā nakammaṇapaccayā”ti vuttuṃ labbhā, evaṃ navipākaṇapaccayātipi labbhā. Ahetukamohaṃ pana sandhāya “nahetupaccayā navipākaṇapaccayā”ti labbhā, na “nakammaṇapaccayā”ti. Tenāha “**na ca paccayapaccayuppannadhammasāmaññadassanaṃ**”ti-ādi.

25-37. **Yathā kusalattikaṃ, evaṃ gaṇetabbanti** idaṃ yaṃ sandhāya pāliyaṃ nikkhittaṃ, taṃ dassetuṃ vuttaṃ “**hetumūlakānaṃ -pa- nagaṇanasāmaññānaṃ**”ti. Na hi kusalattike anulomapaccanīye gaṇanāhi vedanāttike tā samānā. **Parivattetvāpi yojitā**ti ettha “nahetupaccayā napurejātapaccayā ārammaṇe ekaṃ”ti ārammaṇaṃ paṭhamaṃ vatvā vattabbampi purejātaṃ parivattetvā paṭhamaṃ vuttanti vadanti. Tathā **nahetupaccayā kamme tīṇī**ti idameva padaṃ parivattetvā “nakammaṇapaccayā hetuyā tīṇīti vutaṃ”tipi vadanti.

39. **Taṃsāmpayutteti** tena domanassena sampayutte domanassasīsenā sampayuttadhammā vuttā. **Saddhāpaṇṇakesūti** saddhāsīlasutacāgapaṇṇāsu. **Katthabbati** vā yojanā kātabbāti attho. **Avasesesūti** rāgādīsu. **Pāligatidassanattanti** “evaṃ pāḷi pavattā”ti pāḷiyā pavattidassanattanti. **Rāgādīhi** upanissayabhūtehi. **Anuppattitoti** na uppajjanato. Tam pāligatim tikantarapāḷiyā dassento “**kusalattikepi hī**”ti-ādimāha. **Idhāpīti** imasmim vedanāttikepi.

62. **Anaṇṇattanti** abhedam. Sukhavedanāsāmpayutto hi dhammo sukhavedanāsāmpayuttasseva dhammassa hetupaccayena paccayo, na itaresam. Esa nayo sesapadesu sesesu ca “tīṇī”ti āgataṭṭhānesu. Tena vuttam “**sabbāni tīni suddhānam tiṇṇam padānam vasena veditabbāni**”ti. “Pacchājātā arūpadhammānam paccayo na hontī”ti yuttametam, purejātā pana arūpadhammānam paccayā na hontīti kathamidam gahetabbanti codanam sandhāyāha “**purejātā**”ti-ādi, purejātā hutvā paccayo na hontīti attho. Purimataram uppajjitvā ṭhitā hi rūpadhammā pacchā uppannam arūpadhammānam purejātapaccayo hontī, na cāyam nayo arūpadhammesu labbhati. Tena vuttam “**purejātattābhāvato**”ti. **Tathā pacchājātattābhāvato**ti yathā imasmim tike kassaci dhammassa purejātattābhāvato purejātapaccayo na hontīti vuttam, tathā pacchājātattābhāvato pacchājātā hutvā paccayo na hontī, pacchājātapaccayo na hontīti attho. Na hi ekasmim santāne kesuci arūpadhammesu paṭhamataram uppajjitvā ṭhitesu pacchā keci arūpadhammā uppajjanti, yato te tesam pacchājātapaccayo bhavyeyum.

83-87. **Avasesesu aṭṭhasūti** “sukhāya vedanāya sampayutto dhammo”ti-ādinā ekamūlakekāvasānā ye nava nava vārā ārammaṇapaccayādīsu labbhanti, tesu yathāvuttamekam vajjetvā sesesu aṭṭhasu. **Tīsvevāti** suddhesu tīsveva sahajātakammapaccayo labbhati.

Vedanāttikavaṇṇanā niṭṭhitā.

### 3. Vipākattikavaṇṇanā

1-23. **Soyevāti** akatasamāsehi padehi yo attho vuccati, soyeva attho vutto hoti.

24-52. **Tanti** taṃ vacanaṃ, **taṃ** vā kaṭattārūpaṃ. Yasmā cittasamuṭṭhānassa upādārūpassa yathā khandhe paṭicca uppatti, tathā mahābhūte ca paṭicca uppatti. Na hi tassa tadubhayaṃ vinā uppatti atthi, na evaṃ kaṭattārūpassa. Tañhi kammaṃ kaṭattā uppajjamānaṃ mahābhūte paṭicca uppajjati, tasmā cittasamuṭṭhānaṃ rūpaṃ upādārūpassa taṃ visesaṃ dassetuṃ tadeva vuttaṃ, na kaṭattārūpaṃ vuttanti imamatthaṃ dassetuṃ “**khandhe paṭiccā**”ti-ādimāha. Yadi pi kaṭattārūpaṃ “mahābhūte paṭicca cittasamuṭṭhānaṃ rūpaṃ upādārūpan”ti ettha na gahitaṃ, vacanantarena pana gahitamevāti dassento “**pavattiyāṃ panā**”ti-ādimāha. **Evañca katvāti** khandhe paṭicca uppattiyā abhāvato ye va. **Nāhārapaccayeti** āhārapaccaye paccanīyato ṭhite. **Tampīti** kaṭattārūpampi. **Ṭhitikkhaṇe** kaṭattārūpassa āhāro upatthambhako hotīti katvā vuttaṃ “**uppādakkhaṇe**”ti.

Vipākattikavaṇṇanā niṭṭhitā.

### 4. Upādinnattikavaṇṇanā

51. Adhipatidhammoyeva lokuttaradhammesu nādhīpatipaccayā uppajjatīti āha “**nādhīpatipaccayāti sayāṃ adhipatibhūtatā**”ti. Nanu adhipatidhammopi ārammaṇādhipativasena adhipatipaccayena uppajjatīti codanaṃ sandhāyāha “**avirahitā -pa- dasseti**”ti.

**Avirahitārammaṇādhipatīsūti** lokuttare sandhāyāha. Te hi nibbānārammaṇattā evaṃ vuccati. **Pi-saddena** ko pana vādo virahitārammaṇādhipati-ane kantārammaṇādhipatīsūti dasseti.

72. **Anupālanupatthambhanavasenāti** jīvitindriyaṃ viya kaṭattārūpānaṃ anupālanavasena oṇā tasseva kammajakāyassa upatthambhanavasena paccayo hoti, na janakavasenāti yojanā. **Etasmim̐ pana at the**

**satī**ti kammajakalāpe oḅā tasseva kammajakāyassa upatthambhakavasena paccayo hotīti etasmim atthe labbhamāne. **Āhārantipi vattabbanti** yathā jīvitindriyavasena “upādinnupādāniyo dhammo upādinnupādāniyassa dhammassa atthipaccayena paccayo”ti vuttam, evam yathāvutta-āhārassapi vasena vattabbanti attho. Ettha ca yasmim kalāpe kammajā oḅā kadāci tasseva upatthambhanapaccayo hotīti ayamattho aṭṭhakathāyaṃ dassito. Yadi kammajā oḅā ekaṃsato sakalāparūpūpatthambhanavaseneva pavattati, tathā sati imāya pāḷiyā virodho siyāti dassento “**yadi ca -pa- hotī**”ti aṭṭhakathāvacaṇam uddharitvā tattha dosaṃ vibhāvento “**evam satī**”ti āha. Tattha **tanti** tam vacanam. **Anajjhohaṭāya** attano paccayato nibbattāya, paccayo cettha kammaṃyeva. Tenāha “**sasantānagatāya upādinnoḅāyā**”ti.

**Ayampi pañho**, na kevalam pubbe vutta-āhāroyevāti adhippāyo. **Uddharitabbo siyā**, na ca uddhaṭo. **Tasmā**ti etassa “vādo balavataro”ti etena sambandho. Kasmā pana yathāvuttesu dvīsu pañhesu āhāro na uddhaṭoti āha “**ajjhohaṭassā**”ti-ādi. Tattha **dutiyapañhoti** dukamūlake dutiypañhoti yojanā. **Dutiypañho ca na uddhaṭoti** etthāpi “ajjhohaṭassa -pa- abhāvato”ti idaṃ ānetvā sambandhitabbam. **Itarassāti** anajjhohaṭassa. **Ajjhohaṭameva** na anajjhohaṭam, yathāvuttojanti adhippāyo. “**Balavataro**”ti vatvā tassa balavatarabhāvaṃ dassento “**na hi**”ti-ādimāha. Katipayālope ajjhoḅarivitvā vasitvā ṭhitassa viya ajjhoṭamattāhi maṇḍūkādīhi ajjhoḅarakassa sarīre visesādhānam veditabbam.

**Idha vuttehī**ti imasmim upādinnattike vuttehi. **Ekamūlakadukatikāvasānapañhavissajjanehī**ti ekapadamūlakehi dukāvasānehi tikāvasānehi ca pañhavissajjanehi. Te pana “anupādinnupādāniyo dhammo upādinnupādāniyassa anupādinnupādāniyassa ca dhammassa atthipaccayena paccayo, anupādinna-anupādāniyo dhammo upādinnupādāniyassa anupādinnupādāniyassa anupādinna-anupādāniyassa ca dhammassa atthipaccayena paccayo”ti evam veditabbo. **Idhāti** imasmim upādinnattike. **Dutiya dukāvasāne viyāti** dutiya dukāvasāne pañhavissajjane viya,

“anupādinupādāniyo dhammo upādinupādāniyassa anupādinupādāniyassa ca dhammassa atthipaccayena paccayo, sahaajātam pacchājātan”ti etassa vissajjane viyāti attho. Ayañca attho tatiyapadamūlakesu dukatikāvasānapañhesupi labbhateva. Yadi pana te pañhā kusalattikepi labbhanti, atha kasmā tattha na uddhaṭāti āha “**sukhāvabodhanattham pana tattha sahaajātavaseneva vissajjanam katan**”ti. **Sahaajātavasenevāti** sahaajāta-atthipaccayavaseneva. **Ekamūlakadukāvasānāti** “kusalo dhammo kusalassa ca abyākatassa cā”ti evaṃpakārā pañhā. **Tattha** kusalattike uddhaṭā. **Idha pana** imasmim upādinattike. **Etehi** yathāvuttehi vissajjanehi. **Eko dhammoti** eko vedanādiko paccayadhammo. **Anekehīti** sahaajātapacchājātādīhi anekehi atthipaccayavisesehi. **Anekesaṃ dhammānanti** anekesaṃ paccayuppannadhammānaṃ. **Eko atthipaccayoti** idaṃ atthipaccayatāsāmaññato vuttaṃ.

Idāni yathāvuttaṃ avuttañca atthipaccaye labbhamānaṃ visesaṃ vitthārato dassento “**eko hī**”ti-ādimāha. Tattha **ekoti** atthipaccayavisesesu eko. **Ekassāti** tādisasseva ekassa. Aññathā hi eko dhammo ekassa dhammassa paccayo nāma natthi. **Ekenevāti** sahaajāta-atthipaccayeneva yathā okkantikkhaṇe vatthu. Tam hi<sup>1</sup> attanā sahaajātassa nāmassa sahaajāta-atthipaccayeneva paccayo hoti, na purejātādinā. **Eko** sahaajātānaṃ **anekesaṃ** attanā sahaajātānaṃ arūpakkhandhānaṃ **ekena** sahaajāta-atthipaccayena, **anekehi** sahaajātapacchājāta-atthipaccayehi yathākkamaṃ attanā sahaajātānaṃ cittasamuṭṭhānarūpānaṃ purejātānaṃ tesamuṭṭhānikarūpānaṃ. **Aneko** purejātavatthurūpañceva sahaajāta-arūpakkhandhā ca **ekassa** arūpakkhandhassa yathākkamaṃ purejātasahaajāta-atthipaccayehi. **Aneko** arūpadhammo **anekesaṃ** sahaajāta-arūpadhammānaṃ purejātarūpadhammānañca sahaajātapacchājāta-atthipaccayehi. **Aneko** vā āhārindriyappakāro **anekesaṃ** rūpadhammānaṃ yathārahaṃ sahaajātapurejātapacchājātāhārindriyavasena atthipaccayena paccayo hoti. Evaṃ paccayuppannānaṃ asamānattepi ayamatto sambhavati,

---

1. Tasmim (Ka)

samānatte pana vattabbameva natthi. Tenāha “**samānatte paccayuppannadhammānan**”ti. **Sahajātaṃ purejāteneva saha atthipaccayo hotīti** sahajāta-atthipaccayadhammo purejāta-atthipaccayadhammena saheva atthipaccayo hoti. Yathā vatthunā purejāta-atthipaccayaṃ labhantā eva kusalādidhammā sahajātānaṃ khandhānaṃ cittasamuṭṭhānānaṃ rūpānaṃ sahajāta-atthipaccayo honti, tathā te purejātassa kāyassa pacchājātapaccayopi hontiyeva. Tenāha “**pacchājātena cā**”ti. Atthipaccayo hotīti sambandho. Ayaṃ sahajātapacchājātānaṃ atthipaccayabhāvo paccayadhammānaṃ abhede eva icchito, na bhede. Tenāha “**anaññadhammattena -pa- nānādhammatte**”ti.

Idāni tassa nānādhammatte abhāvaṃ pāḷiyā vibhāvento “**yadi siyā**”ti-ādimāha. Tattha **eko atthipaccayabhāvo natthīti** ekasseva paccayadhammassa vasena labbhamāno eko atthipaccayabhāvo natthi. Kasmā? Virodhato. Tena vuttaṃ “**sahajāta -pa- na vuttan**”ti. **Evañca katvāti** sahajātapacchājātānaṃ ekadhammavasena saha alābhato eva. **Ekadhammavasenāti** ekasseva paccayadhammassa vasena. Tenāha “**nānādhammānaṃ viruddhasabhāvattā**”ti. Viruddhasabhāvātā ca sahajātapacchājātavasena veditabbā, idha pana lokiyalokuttarādibhāvatoti. **Aññathāti** tesāṃ sahajātapacchājātānaṃ ekajjhaṃ lābhe. **Indriyapaṭikkhepepīti** indriyapaccaye paccanīkato ṭhitepi. **Tassa pañhassa lābhatoti** “upādinnupādāniyo ca anupādinnupādāniyo ca dhammā upādinnupādāniyassa dhammassa atthipaccayena paccayo”ti etassa pañhassa lābhato. **Bāvīsāti** ekamūlakāvasānā nava, ekamūlakadukāvasānā pañca, ekamūlakatikāvasānamekaṃ, dukamūlakekāvasānā cattāro, dukamūlakāvasānā dve, dukamūlakatikāvasānamekanti evaṃ bāvīsati. Yathā pubbe sahajātaṃ purejātena saheva atthipaccayo hotīti vuttaṃ, evaṃ purejātampi tenāti dassento āha “**purejātaṃ sahajāteneva saha atthipaccayo hotī**”ti. Tattha **sahajāteneva sahāti** sahajātena saheva. Aṭṭhānappayutto hi ayaṃ eva-saddo, sahajātena na vinā purejāta-atthipaccayoti attho. Itaresu pana atthipaccayadhammesu niyamo natthi

tehi sahāpi vināpi bhāvato. Tenāha “**na itarehī**”ti. **Tampi vatthu taṃsahitapurejātamevā**ti yaṃ “purejātaṃ saha-jāteneva saha atthipaccayo hotī”ti vuttaṃ, tampi vatthupurejātañceva taṃsahitārammaṇapurejātameva ca, na kevalaṃ ārammaṇapurejātaṃ. Tenāha “**na itaran**”ti.

Idāni yathāvuttamatthaṃ pāṭhantarena vibhāvetuṃ “**kusalattike hī**”ti-ādi vuttaṃ. Yadi purejātaṃ taṃsahajātena vināpi atthipaccayo siyā, “navippayuttapaccayā atthiyā pañcā”ti vuttuṃ na sakkā, vuttañcetāṃ, tasmā viññāyati “purejātaṃ saha-jātena saheva atthipaccayo hotī”ti. **Navippayutte bāvīsā**ti etthāpi eseva nayo. **Tatthā**ti sanidassanattike. **Atthivibhaṅgeti** atthipaccayassa vibhajane. **Tikamūlakekāvasānanti** “sanidassanasappaṭiḅho ca anidassanasappaṭiḅho ca anidassana-appaṭiḅho ca dhammā anidassanasappaṭiḅhassa dhammassa atthipaccayena paccayo”ti evaṃ tikamūlako ekāvasāno pañho uddhaṭo. **Paccayuddhāreti** ca tattheva paccayuddhāre. Tathā ca so pañho uddhaṭo. Tayidaṃ kathaṃ, yadi purejātaṃ saha-jāteneva saha atthipaccayo hotīti codanāyaṃ āha “**taṃ vatthusahitassa -pa- paccayabhāvato**”ti. Tassattho—yadipi tattha sanidassanasappaṭiḅhaggahaṇena ārammaṇapurejātassa atthipaccayabhāvo vutto, tathāpi anidassana-appaṭiḅhaggahaṇato vatthumpi gahitanti vatthusahitassa ārammaṇapurejātassa saha-jātena saheva atthipaccayabhāvo vuttoti. **Pacchājātaṃ āhāriṇḅriyeheva saha atthipaccayo hoti**, na purejātenāti adhippāyo. **Anaññadhāmmatteti** paccayadhammassa anaññatte. Saha-jātena saha atthipaccayo hotīti yojanā. Sesapadadvayepi eseva nayo. Tatthāpi paṭiyogipurejātaṃyeva daṭṭhabbaṃ. “Atthipaccayavisesesu panā”ti-ādinā attanā dassitaṃ vicāraṃ “**evametan**”ti nigamaṇavasena paccāmasati.

Upādinnattikavaṇṇanā niṭṭhitā.

## 6. Vitakkattikavaṇṇanā

22. Vitakkattike **sattasu mūlakesūti** “savitakkasavicāraṃ dhammaṃ paṭicca”ti-ādinā āgatāni tīni ekakāni, tīni dukāni, ekaṃ tikanti evaṃ ekamūlakāni yāni sattamūlakāni, tesu. **Yathākkamanti** pāḷiyam āgatānukkamena. **Sattāti** paṭhame ekake satta. **Pañcāti** dutiye pañca. Tānimāni hetupaccaye vuttanayena veditabbāni. Idha pana pavattivaseneva yojetabbanā. **Tīṇīti**-ādīsu tayiye tīni, catutthe ekaṃ, pañcame tīni, chaṭṭhepi tīni, sattame ekaṃ. Tāni pana yathākkamaṃ tatiyapadaṃ paṭicca tatiyapadadutiya padatadubhayavasena, paṭhamapadatatiyapadāni paṭicca tatiyapadavasena, paṭhamapadadutiya padāni paṭicca paṭhamapadatatiyapadadubhayavasena, paṭhamadutiya tatiyapadāni paṭicca tatiyapadavaseneva veditabbāni. **Aññamaññe atṭhavīsāti**-ādīsupi imināva nayena gaṇanā veditabbā. **Evanti** yathāvuttam gaṇanam paccāmasati. **Dutiya tatiyamūlakesu ekaṃ ekanti** dutiyamūlake ekaṃ, tatiyamūlake ekanti yojetabbanā. **Tathā āsevaneti** yathā purejāte ekādasa, tathā āsevaneti attho. **Aññānīti** adhipati-aññamaññapurejātāsevanato aññesu paccayesu gaṇanāni. **Hetu-ārammaṇasadisānīti** hetu-ārammaṇapaccayesu gaṇanāsadisāni.

31. **Avisesenāti** “vipākan”ti visesanaṃ akatvā na pana vissajjanaṃ katanti yojanā. Tattha kāraṇaṃ vattum “**kasmā**”ti-ādimāha. **Itaresanti** lokiyavipākānaṃ. **Te visum niddhāretvā vuttāti** te yathāvuttalokiyavipākā avitakkavicāramattasāmaññato visum nīharitvā vuttā. “Avitakkavicāramatte khandhe paṭicca avitakkavicāramattā adhipatī”ti vuttarāsi **purimakotṭhāso**.

38. **Etanti** “avitakkavicāramattaṃ avitakka -pa- saha gacchantenā”ti āgatapāḷipadaṃ. Tassa attham dassetuṃ “**mūlam -pa- vuttam hotī**”ti āha. Tattha **avitakka -pa- yojentenāti** avitakkehi avitakkapariyāyena vuttehi avitakkavicāramatta-avitakka-avicārapadehi saha



mūlapadaṃ, āsevanamūlakameva vā gacchantena yojentena **napurejātasadisam**<sup>1</sup> nāsevane **pāḷigamanam kātabbam**, paṭhitabbanti attho. Potthakesu pana “avitakkavicāramattaṃ vipākena saha gacchantenā”ti dissati, vipākena visesanabhūtena saha yojentenāti attho. Tenevāha “**vipākam avitakkavicāramattanti ādi yojetabban**”ti.

Ekamūlake pāḷiyam yojitamevāti “**dumūlakesu paṭhame**”ti vuttam.

49. **Mūlapadameva avasānabhāvenāti** “savitakkasavicāram dhammaṃ paccayā savitakkasavicāro dhammo uppajjati nahetupaccayā”ti-ādinā mūlapadameva avasānabhāvena yojitam. **Satta mohā uddharitabbāti** idam nahetupaccayam sandhāya vuttam. Paṭiccavāre hi ahetukamoho tikkhattumeva āgato. Idha pana “**vatthum paccayā**”ti-ādinā catūsupi mūlakesu āgato, tasmā sattakkhattum āgamanam sandhāya “satta mohā”ti vuttanti veditabbam.

**Upanissayena saṅgahitattāti** upanissayapaccayeneva kammappaccayassa saṅgahitattā. Sabbassapi rūpārūpāvavacakammassa balavabhāvato upanissayattābhāvo natthi, yato taṃ “garū”ti vuccati, kammakkhayakarassa pana kammassa balavabhāve vattabbameva natthi imamattaṃ pāḷiyā eva vibhāvetum vuttam “**upādinnattikapañhāvārapaccanīye hi -pa- viññāyati**”ti.

Vitakkattikavaṇṇanā niṭṭhitā.

## 8. Dassanenapahātābattikavaṇṇanā

**Paṭtacasamuppādavibhaṅge vicāritanayena vicāretabbanti** idam “na ca puthujjanānam dassanena pahātum sakkuṇeyyo, itaresam na kenaci paccayena paccayo na hontīti sakkā vattun”ti-ādinā attanā

---

1. Purejātasadisam (Ka)

ānītaṃ amataggapathavinicchayaṃ sandhāya vuttaṃ. Tattha yaṃ vattabbaṃ,  
tampi paṭiccasamuppādaṭṭikāya atthavivaraṇe vuttameva, tasmā tattha  
vuttanayeneva veditabbaṃ.

Dassanenaṭṭhātabbattikavaṇṇanā niṭṭhitā.

Paṭṭhānapakaraṇa-anuṭṭikā samattā.

Iti pañcapakaraṇamūlaṭṭikāya līnatthavaṇṇanā anuṭṭikā samattā.

**Abhidhammassa anuṭṭikā samattā.**



## Pañcapakaraṇa-anuṭikāya

### Saṁvaṇṇitapadānaṁ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Aggavijjā	47	Aneke	246
Aṅgamattavasena	194	Anokāsata	204
Ajjhoharitova	258	Antaraṭṭhānāni	120
Aññanirapekkho	185	Antarā	135
Aṭṭhapetvā	6	Anto	48, 81
Atirekataro	224	Aparicchedaṁ	229
Attavajjehi	119	Appajahanasabbhāvā	206
Attā	82	Appaṭiggahaṇato	143
Atthavasena	163	Appanāsadisā	248
Attho	263	Appavattinirodhaṁ	131
Adīpetvā	191	Abījato	143
Adhamme	92	Abījabhāvato	259
Adiṭṭhānākārena	230	Abyākatattā	75
Anantaraṁ	137	Abyākatānaṁ	119
Anabhisametāvīnaṁ	189	Abhāvato	248
Anāgatabhāvena	182	Abhinanditabbattā	182
Anāgāmī	87	Abhisamayo	189
Anānattaṁ	94	Ayogo	30
Anāmasitvā	264	Arahā	221
Anālambiyamānānaṁ	244	Arūpo	83
Aniccaṭṭhena	143	Aladdhavipākavārānaṁ	142
Anupālako	258	Avacanato	182
Anulomaṁ	273	Avattabbuttaṁ	102
Anulomapakkho	69	Avatthāviseso	36
Anusayanavacanena	199	Avicchedavasena	234
Anekadhammabhāvato	225	Avijjamānapaññatti	38

Padānukkamo	Piṭṭhaṅko	Padānukkamo	Piṭṭhaṅko
[ A ]		[ U ]	
Avijjamānassa	38	Uddharitvā	261
Aviññātattā	191	Upakārakataṃ	240
Avibhajitabbataṃ	77	Upacayena	131
Avibhūtabhāvo	261	Upanissayo	119
Avisiṭṭhā	240	Upapattidevānaṃ	224
Avisesena	125	Uparimaggatthāya	85
Asaññasattāpi	177	Upaladdhi	38, 75
Asamayavimokkhena	44	Upādāya	36
Asammissaṃ	19	Uppajjanakkhaṇeyeva	244
Asahitaṃ	276	Uppattiyoggaṃ	198
[ Ā ]		[ E ]	
Ākārehi	195	Ekato	263
Ākāro	229	Ekatobhāve	155
Ākāsasupinaṃ	154	Ekatte	77
Ānubhāvo	109	Ekattena	39
Āpannavasenapi	81	Ekadesānaṃ	152
Ārammaṇappakāraggaṇaṃ	130	Ekadhammatopi	76
Āropite	104	Ekantikattā	193
Āropetvā	108	Ekasabhāvaṃ	90
Āvattā	160	Ekārammaṇā	119
[ I ]		Ekekasseva	81
Ichchite	104	Evamladdhikattā	78
Itthipurisindriyehi	259	Evamsabhāvā	257
Indriyaṃ	288	[ O ]	
Isisattamo	224	Okāsaṃ	203
Issariyaṃ	223	Okāsattā	192
Issariyena	156	Okāsabhāvena	125
		Okāse	40

Padānukkamo	Piṭṭhaṅko	Padānukkamo	Piṭṭhaṅko
[ O ]		[ Ca ]	
Okkamaṇaṃ	250	Cittekaggatāya	261
Odhiso	87	Cintanāpavattiyā	260
Opapātikavasena	217	Cīvarādīdānena	118
Olubbhaṭṭho	127	Cutito	254
Oḷāriko	82	Cuddasavidhena	3
[ Ka ]		[ Ja ]	
Katabalādhānaṃ	109	Janakatte	234
Katasanniṭṭhānassa	85	Jīvane	234
Kammānaṃ	80	Jīvitindriyaṃ	258
Kammūpanissayabhūtaṃ	119	Jutiyā	223
Kāmaguṇādīhi	223	[ Jha - Ña ]	
Kāyānupassanāya	78	Jhānabhūmokaśānaṃ	194
Kāraṇaṃ	120	Ñāṇagati	223
Kāraṇaṭṭhena	116	[ Tha ]	
Kāraṇabhāvo	266	Ṭhapaṇaṭṭhena	133
Kāraṇena	175	Ṭhapitatāya	37
Kiriṭṭaṃ	39	Ṭhitatā	133
Kusalamūlehi	164	Ṭhitena	131
Kusalavipākassa	246	[ Ta ]	
[ Ga ]		Taṃtaṃanicchāya	81
Gatāni	226	Taṃtaṃpaccayā	245
Gatidassanaṃ	272	Taṃdvayuppatti	194
Gamanussukkavacanaṃ	269	Taṃpaṭipakkhabhāvato	201
Gahaṇaṃ	144	Taṃsamānalakkhaṇā	215
Gahitānaṃ	229	Tatīyakoṭṭibhūtaṃ	82
Guṇehi	223	Tadavatthassa	182
Gocaro	109		

Padānukkamo	Piṭṭhaṅko	Padānukkamo	Piṭṭhaṅko
[ Ta - Da ]		[ Na ]	
Tanuruhā	160	Nidassanabhāvena	180
Tannivāraṇattham	264	Nidassanena	249
Tannissito	7	Nidassitā	193
Tappaccayavataṃ	233	Niddesato	107
Tiṭṭheyya	46	Niddhāretvā	222
Tebhūmakā	136	Ninnānākaraṇo	196
Dassane	105	Nirapekkho	258
Dassentena	261	Nirussāhasantabhāvena	232
Diṭṭhatāya	37	Nissaraṇam	125
Dutiyayamake	162	[ Pa ]	
Dutiye citte	188	Pakatattā	253
Dubbiññeyyam	143	Pakappayamānā	125
Dvippakārānam	193	Pakāsittā	6
[ Dha ]		Paguṇam	257
Dhammaggaṇam	226	Paguṇataram	257
Dhammantarassa	8	Paccattaniddiṭṭho	240
Dhammantarena	8	Paccatthike	223
Dhammavācako	161	Paccayadhammānam	252
Dhammasabhāvamattattā	32	Paccayapadāni	274
Dhammasabhāvavasena	263	Paccayalakkhaṇamatte	264
Dhātukathā	2	Paccayavanto	245
Dhātuvasena	249	Paccayuppannānam	229
[ Na ]		Paccayehi	235
Nayā	272	Pacchimabhavikānam	177
Nānam	263	Pajahati	204
Nigūhitvā	82	Paññattiparicchedam	37
Nicchitattā	165	Paññāpetukāmo	37
Nijjhānam	235	Paṭikkhittanayena	92

Padānukkamo	Piṭṭhaṅko
<b>[ Pa ]</b>	
Paṭikkhepe	120
Paṭikkhepo	107
Paṭiggāhakanirapekkhā	143
Paṭijānantassa	107
Paṭiññātabbattā	182
Paṭipakkhānaṁ	224
Paṭilābhapaññattiyā	129
Paṭilābho	82
Paṭisandhicittato	213
Paṭisandhibījaṁ	180
Patiṭṭhite	243
Pattim	112
Pathaviyādirūpesu	155
Padānaṁ	3
Padhānabhāvo	161
Pabhedato	36
Pabhedanidassanamattaṁ	41
Pamattā	111
Payirupāsītābbattā	46
Pariggahetabbā	8
Paricchindanti	241
Pariññātaṁ	151
Paripuṇṇadhammānaṁ	276
Parihāyati	84
Pavattaṁ	245
Pahīnānaṁ	89
Pākaṭāyeva	215
Pāramīpūraṇaṁ	113
Piyarūpasātarūpesu	199
Puggalapaññatti	36

Padānukkamo	Piṭṭhaṅko
<b>[ Pa ]</b>	
Puññayogānubhāvappattāya	223
Pubbadevā	111
Purimakathāyaṁ	125
Purimakiriyā	47
Purimacuti	229
Purimajavanakkhaṇe	153
Purimatarasiddhāya	243
Purimapaṭiññāya	120
Purejātādīhi	264
<b>[ Pha ]</b>	
Phalacittena	108
Phaladānabhāvadīpanatthaṁ	117
Phalaparopariyattaṁ	116
Phuṭṭhānaṁ	48
<b>[ Ba ]</b>	
Bandhitvā	172
Balena	116
Byantībhāvaṁ	142
<b>[ Bha ]</b>	
Bhaṅgānupassanānaṁ	115
Bhañjitabbā	208
Bhavissantassa	182
Bhāvaṁ	146
Bhūtā	121
Bhedadīpakehi	9
Bhedā	264



Padānukkamo	Piṭṭhaṅko	Padānukkamo	Piṭṭhaṅko
[ Ma ]		[ La ]	
Maggaphaluppādasamaṅgīsu	186	Lakkhaṇaṃ	130
Maggasamaṅgīnaṃ	207	Laṅanti	223
Maggo	110	Lokiya-abyākatchi	220
Majjhimaṅgīkāle	73	Lokuttaramaggakkhaṇe	104
<b>Matta</b>	162	[ Va ]	
Manomayo	82	Vacanena	242
Mahāvisayā	2	Vajjettabbā	188
Missakattā	258	Vaṇṇanibhā	120
Moghapucchako	32	Vatṭabbapaṭiṅṅā	115
[ Ya ]		Vatṭhubhūtā	251
Yathādassitā	174	Vavatthito	140
Yathāsambhavaṃ	4	Vāyanaṃ	179
Yamakasaṃmūhassa	161	Vārānaṃ	209
Yamakānaṃ	181	Vikiṇṇabhāvena	4
Yuttatāya	237	Vikkhambhitarāgāva	103
Yogarahitaṃ	90	Vijjamānena	206
[ Ra ]		Vinārūpabhāvo	82
Rāgavigamo	132	Vinibbhujjitvā	11
Rāgānusayo	201	Viparītaggahaṇaṃ	159
Rūpantarānaṃ	251	Viparītehi	9
Rūpapaññatti	91	Vibhāgābhāvato	23
Rūpavajje	76	Virūḷhe	243
Rūpādīnaṃ	264	Vividhakappanato	8
Rūpārūpabhavā	200	Visayasseva	106
Rūpāvacaṃmaggena	86	Visayo	109
Rūpīdhammaheva	124	Visiṭṭhaṃ	257
		Visesanabhāvo	170
		Visesavataṃ	161
		Visesavantāpekkhānaṃ	161

Padānukkamo	Piṭṭhaṅko	Padānukkamo	Piṭṭhaṅko
[ Va ]		[ Sa ]	
Visesānaṁ	161	Sabhāvantarena	8
Visesābhāvaṁ	127	Samaṁ	237
Visesitabbabhāvo	170	Samannāgatapaññattiyā	129
Vissajjanaṁ	163	Samānakkhandhādibhāvo	15
Viharanti	223	Samānane	224
Vuccamānaṁ	171	Samāyā	111
Vohāravasena	100	Samucchedo	32
[ Sa ]		Samudāyapadassa	169
Saṁsaggavasena	209	Samudāyavasena	245
Saṁsārakhāṇukabhāvo	147	Samudāyena	28
Sakalavācakena	19	Samūho	36
Saṅkaḍḍhitvā	237	Sampaṭicchana vacanaṁ	126
Saṅkarabhāvamocanaṭṭhaṁ	118	Sampiṇḍetvā	209
Saṅgaṇhitvā	261	Sambhavesī	121
Saṅgahitā	117	Sammāvācā	138
Saṅgahito	252	Sarāgapacchima cittaṣṣa	211
Saccañāṇaṁ	151	Sallakkhento	137
Saccānulomaṁ	114	Sahajātabhāvena	230
Saṅṭhānaṁ	120	Saharūpabhāvo	82
Sato	38	Sātasanta sukha giddhiyā	199
Saddadhātusambandhānaṁ	184	Sātisayaṁ	2
Santāno	36	Sādhayamānā	228
Sandanti	245	Sāpekkhā	241
Sanniṭṭhānena	177	Sāmaññaṇa	6
Sabbasādhāraṇassa	225	Sāvajjane	119
Sabbākāraṁ	107	Suttāharaṇaṁ	100
Sabhāvato	36	Suddhā	12
Sabhāvatova	227	Suddhāvāsā	188

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Suddhikato	271	Sesarūpānaṃ	243
Suddhikanaye	283	Somanassādīhi	261
Suddhikapaccayānaṃ	274	[ Ha ]	
Suddhikā	209	Hetuno	226
Suddhena	171	Hontaṃ	91
Surāpānaṃ	111		